

近代中國史料叢刊第九十五輯
沈雲龍 主編

藝風堂文集

繆荃孫著

文海出版社
有限公司印行

𠄎

𠄎

𠄎

𠄎

𠄎

𠄎

𠄎

庚子付刻
辛丑印行

藝風堂文集目錄

卷一

盛京將軍兼奉天總督旗民地方軍務完顏文勤公神道碑

布政使銜廣東按察使金公神道碑

廣東巡撫劉公神道碑

山東曹州鎮總兵趙公神道碑

湖北鹽法武昌道王文直公神道碑銘

代

前 欽差大臣貴州提督兼署貴州巡撫田公祠版文
蒙城縣訓導金先生墓表

蒲江縣教諭鍾君墓志銘

楊惠甫墓志銘

鄭君墓志銘

二品頂戴直隸清河道費公墓志銘

傅君商巖墓志銘

二品廕生唐君墓志銘

代況夔生

書漢陽洪仁夫先生墓銘陰

涿州知州劉君傳

梁曦初先生傳

夏百初先生傳

姚文山先生家傳

三品銜安徽候補道張君傳

顧倚山訓導傳

高星五傳

節母唐太淑人傳

龐沈二節婦傳

徐星伯先生事輯

書楊爽泉大令逸事

卷二

遼故城攷

金故城攷

元故城攷

明故城攷

遼故宮攷

金故宮攷

元故宮攷

明故宮攷

卷三

繆氏得姓攷

爾雅有衍脫文攷

蜀兩漢經師攷

鄭康成弟子攷

秦博士攷

好水川攷

元昭宗年號宣光攷

卷四

唐僑治蕃州表 順天志藁未刻

江陰沿革考 增表

許兀慎氏世系表

宜興蔣氏世表

江陰葛氏世表

梁溪尤氏世表

光緒順天府志序錄

光緒湖北通志序錄

昌平州志序錄

卷五

國史孝友傳序

國史隱逸傳序

江陰先哲遺書序

積學齋叢書序

聚學軒叢書序

劉蔥石貴池沿革表後序

周武壯公遺書序

梁曦初先生文集序

說文段氏注匡謬序

代

宋元詞四十家序

陽江舜河水利備覽序

佐寮古鑑序

傅孟垣詩序

澤宮位次考序

上元顧氏貞節錄序

王六潭同年濠上集序

金澹生粟香隨筆序

山右石刻叢編後序

重修荊州府志序

代

與沈鶴農書

與張瑞之書

與楊策卿書

與湯伯溫書

與姚彥侍觀察書

卷六

晉楊陽墓闕跋

晉韓壽墓碣跋

梁鄱陽王題記跋

附宋嘉定題名

齊隴東王感孝頌跋

魏朱岱林墓志跋

隋啟法寺碑跋

隋淳于儉墓志跋

隋信州舍利塔下銘跋

隋大業鐵鑊跋

隋李女墓志跋

隋鼓山石窟殘碑跋

唐益州功曹參軍張玄弼墓志跋

唐處士張景之墓志跋

唐孝廉張慶之墓志跋

唐將仕郎張敬之墓志跋

唐著作郎張漪墓志跋

唐河南府參軍張軫墓志跋

唐秀士張點墓志跋

唐鄆城縣丞張孚墓志跋

唐河南參軍張軫妻邵氏合祔志跋

唐穀城令張曠墓志跋

唐新定太守張肫墓志跋

唐大房山孔水投龍壁記跋

唐高士鄭忠墓碑跋

唐宋儼墓志跋

唐焦旒神道碑殘石跋

唐陳立行墓志跋

唐閻好問墓志跋

唐大德塔銘跋

宋轉運使李先等千佛崖題名跋

宋壽昌縣君胡氏墓志跋

宋恩禪師塔銘跋

宋淳禪師塔銘跋

宋曹輔墓志跋

宋建炎復江陰軍牒跋

宋紹興復江陰軍牒跋

宋預禪師塔銘跋

宋遂禪師塔銘跋

宋陸游鍾山題名跋

宋楊輔等口楚崖題記跋

宋李曾伯紀功銘跋

遼廣濟寺佛殿記跋

金正大提控所印攷

元龍興寺膽巴碑跋

卷七

韻補跋

聖武親征錄跋

會稽三賦跋

秦邊紀略跋

蜀典跋

大唐郊祀錄跋

遂初堂書目跋

得月樓書目跋

朝鮮金石目攷覽跋

汪應辰石林燕語辨跋

捫蝨新話跋

意林跋

乖崖先生文集跋

摘文堂集跋

鴻慶居士集跋

孫尙書大全集跋

內簡尺牘跋

丹陽集跋

友林乙稿跋

北郭集跋

明王百穀詩文手稿跋

方東樹儀衛堂集跋

朱希真樵歌跋

宋刻鄂州本花間集跋

存餘堂詩話跋

蔚華山館詩文遺稿跋

崔孺人文集書後

書碧血錄後

旌表節孝族嫂王孺人守節立嗣記

游浣花草堂記

王雪丞東山牧話圖記

節孝張孺頌

祭周小棠通政文

孫竹筠先生象贊

戴澍人太守東游十六圖贊

佛圖關贊

濠堂銘爲鄭蘇堪作

快園秋色賦

先母瞿恭人事略

亡婦莊孺人事略

外篇

多羅惠郡王奕詳大祭文

贈太傅恪靖侯大學士左宗棠祭文

贈太傅恪靖侯大學士左宗棠祭文

贈太傅恪靖侯大學士左宗棠祭文

成都將軍魁玉祭文

成都將軍魁玉碑

吉林將軍富明阿碑文

湖南提督周盛傳祭文

湖南提督周盛傳碑文

福建陸路提督唐定奎碑文

記名布政使劉連捷碑文

湖北遇缺題奏道周康祿祭文

湖北遇缺題奏道周康祿祭文

戴藝郭同年采百集序

消寒詩序

送顧子鵬之荆溪訓導任序

雷雲借月龕填詞圖題詞

徵栞聽雲僊館詩文集啟

范季遠仕隱後圖記

順德李夫子六艷壽序

祭湯母呂恭人文

藝風堂文集卷一

江陰繆荃孫

盛京將軍兼奉天總督旗民地方軍務完顏文勤公神道碑
聖朝發祥東土撫有天下豐鎬舊都最重畱守近年祠祀勞
臣得三人焉曰文忠文公清愨都公文勤崇公顏之曰三忠
祠顧文公經營寰宇功業不專在

盛京都公曾任將軍而戰功卓著於三楚兩江之境惟文勤
公綜核名實奠定區宇金湯千里屹然如磐石之安洵爲史
冊罕覩者也公諱崇實字樸山完顏氏系出於金源祖鏘山
東泰安府知府父麟慶嘉慶己巳進士官至南河河道總督
公道光癸卯舉人庚戌進士改庶吉士授編修不一年擢至
侍講學士通政使司通政使軍務初興屢上封事受

文宗皇帝特達之知署戶部左侍郎奏罷當千當五百大錢
又奏止克勤郡王捐鑄

命查四川總督裕瑞命案旋

授工部右侍郎因案降補太僕寺少卿升內閣學士充駐藏
大臣再查四川總督曾望顏參案署四川總督時川匪頗肆
蹂躪派提督蔣玉龍知府唐炯勦防人心稍安

朝命湖南巡撫駱文忠公

秉章爲

欽差大臣入川督師期年始至卽授總督

簡公成都將軍同辦軍務勦平藍李周郭各股腹地肅清又
禽石達開於監遠蜀中大定丙寅文忠公患目疾賞假丁卯
薨於位公兩署總督并辦文武闡時黔匪未清沿邊千里處

處設防而越嵩夷患亦甚公派候補知府唐炯督軍進勦號
匪派貴州提督周達武督軍進勦夷匪炯軍由遵義克荆竹
園過烏江盪平玉華山尙大坪各老巢生禽逆首劉義順達
武軍由越嵩破普雄西昌冕^監各支夷目皆投誠納質內地
旣平黔邊亦靖而滿營餉日絀兵日弱又以鈔票四六搭放
爲奏請給發實銀邛州唐旺壩有老林挑選旗丁五百名開
墾種地爲裕旗民生計歲辛未

召來京補鑲白旗蒙古都統壬申署理熱河都統委朝陽縣
知縣陳本植古北口馬隊營官左寶貴同擊馬賊平之甲戌
特簡刑部尙書充甲戌科會試總裁光緒乙亥
命赴奉天吉林一帶查辦事件並署

盛京將軍調陳本植左寶貴等文武各員隨行

盛京爲

國家根本重地左臨渤海有營口牛莊兩通商口岸右帶鴨
淥與朝鮮鄰山川繚繞原隰饒沃若能籌餉練兵俾爲重鎮
可以壯

京師之拱衛杜強鄰之窺伺惟設官有將軍有都統有五部
侍郎有府尹事權不屬盜賊橫行而大東溝大通溝兩處匪
徒盤踞日久擾及

永陵並陷

興京公飭陳本植色楞額充文武翼長練通省馬步各軍副
將左寶貴練八旗馬隊總兵王佑臣查省城內外知縣朱克

揚等充發審委員設營務處文案清理糧餉稽查軍火旋飭
陳本植左寶貴勦大東溝匪徒平之因清查地畝編連保甲
築城定稅委陳本植督辦請以

盛京將軍兼奉天總督旗民地方軍務管兵刑兩部事務兼
理糧餉另請頒發總督關防府尹加二品銜行巡撫事與將
軍相助爲理永禁旗營各衙門干預銀錢詞訟復奏明不准
地方重征以紓民困奉

旨允行實授盛京將軍兼總督事丙寅左寶貴勦平大通溝
賊又平賓圖王旗枯林地賊首周子玉錦州賊首差總王勳
改昌圖廳爲府添懷德奉化康平三縣以綏良善定釐稅鎮
強暴奉省又安九月薨於位年五十有八遺疏上聞

天顏震悼奉

旨入城治喪

諭經過地方官妥爲照料

御賜祭葬

予諡文勤典至渥也公性開敏多讀書諳練故事事上以敬馭下以嚴與僚屬其事則推賢讓功尤爲人所不及軍興以來統兵大帥往往爲曷吏所牽掣不得暢行其志駱文忠督師入境公籌餉運糧先事籌畫文忠大喜過望不及一歲而大功告成然在當時聲望爲文忠所掩及至奉天肩重任申事權勦鉅寇鼎新革故因時制宜出斯民於水火之中而屹屹巖曷從容鎮定數十年來聲望之隆與文忠之在四川相

上下方知才局幹濟未可以軒輊也公負知人鑒而又折節

下交陽湖管才叔樂元和顧幼耕復初漢軍徐功可慮善溧

水濮青韜文選上元李仙根光節均入幕中荃孫幼年為公

激賞佛龕燕集久侍吟詠丙子改庶常公子文恪公為教習

師末學菲才受知兩世歲辛卯公之孫景賢蔭生屬荃孫撰

次其事立石於神道於是公薨十有六年而文恪公薨亦期

年矣公之德善功烈紀諸史冊無俟碑銘然後顯乃讀公奏

疏竊恐史氏未載其詳而深心偉略不盡傳於天下不可以

不銘也銘曰

天錫智勇金源世胄彈壓山川發揮宇宙文采常楊勳名文

富鎮院掄才巖壘禦寇西南萬里并絡天彭撫綏噉鴻抵禦

善慶生二子
奔鯨上德不德至名無名襄陽叔子隴右營平翼翼

陪京岐豐舊域獨總大綱以策羣力縫裾刺袞解綬懲墨混
同安流醫閭生色性功默運元氣潛斟證菩提果參蒼荀林
葆神悟道斂陽育陰神鐘警耳明鏡澄心公負長才

帝畀重鎮胡不期頤俾竭忠盡釐剔幽隱拂拭英俊民氣旣
孚

國威斯振昊天不弔恆幹潛摧山頽太岳星坼中台

哀忠綸縉入夢瓊瑰茅檐茹痛蒿里銜哀昔預賓筵敬窺萬
一今刊貞珉謹陳行實蔡愧韓諛力鑒前失偉烈豐功百世
有述

布政使銜廣東按察使金公神道碑

光緒甲午湖廣總督張公之洞湖北巡撫譚公繼洵以前布政使銜廣東按察使江陰金公國琛戰功上於

朝請祀湖北胡文忠公林翼祠且宣付史館立傳

詔允之是時金公卒十五年矣公將湘軍從胡文忠公轉戰湖北最

賞功敘勳久而益彰典至渥也其年八月公之孫家幹持公行狀求銘公神道之阡謹案狀公名國琛字逸亭先世由徽州遷江陰曾祖瑛祖煥父安世道光壬辰恩科舉人大挑江西知縣俱贈榮祿大夫妣一品夫人公幼隨父任久居江西咸豐癸丑羅忠節公澤南帶湘勇援江西公入其幕委任營務每督隊與賊戰部伍嚴整倉卒不亂一軍皆服後李忠

武公續賓接統公仍總理營務連復武昌漢陽黃州府城並興國州大冶瑞昌等縣并攻克九江府城公功爲多歷保知縣同知知府道員並

賞戴花翎忠武公覆軍三河各軍皆敗歸路斷公力戰得以所部突圍赴黃州招集舊部就李勇毅公續宜勇毅公仍以

總理營務任之公勞徠慰撫重申紀律爲陣亡將士請

卹不數月軍勢復振勇毅公請假回湘命公代統其軍己未夏逆賊石達開圍攻寶慶號百萬援軍數十營與賊壘環峙相持不下公星夜馳抵寶慶大破石達開於賀家坳斬僞元帥胡德孝等悍賊數百名合諸軍追賊至粵西界幾獲石逆名益著旋率援軍回鄂冬逆賊陳玉成以十萬眾圍解太湖

之圍進迫鮑忠壯公起於小池驛官軍失利皖鄂震動胡文忠公檄公急援公夜冒風雪由高橫嶺仰天庵直出賊背奮明賊望見山頂旗幟大驚氣奪公乘勢縱兵奮擊一日夜破賊壘七十餘座生禽悍賊酋藍承宣等四百餘名立克太湖縣城潛山之賊亦相繼潰散陳逆遁走我軍東征攻皖之局始定庚申四月江陰陷於賊公母吳太夫人在里公乞假迎母而悍賊四集軍情甚迫胡文忠李勇毅固畱之俾遣人閒道迎養至黃州允公至黃省親既而賊分股上竄鄂境李勇毅移軍巴河勢頗亟趣公赴營乃單騎至軍定迎頭截擊之策分兵南岸疾馳武昌迅卽北渡擊賊於楊店連復孝感雲夢二城進攻德安府逆賊馬融和率悍黨死鬪卒以長圍克

之九月

特簡安襄鄖荆道仍率湘軍防守襄鄖樊城財賦之區商賈輻輳公督弁勇建立土城不煩民力屹然重鎮至今賴之同治壬戌捻匪圍攻河南之南陽勢岌岌公念南陽接壤襄鄖設有疏虞則虜亡齒寒乃越境往援立解城圍救出難民十餘萬軍民感泣聲振遠近然功高招忌謗亦自此起矣未幾巡撫嚴樹森以不遵調度奏劾以同知降補癸亥八月曾文正公國藩奏調赴皖防剿徽寧一帶皖南肅清開復原官再簡甘肅鞏秦階道以吳太夫人年高請開缺終養時江陰新復躬送太夫人歸里湘勇駐皖日久餉糈不繼每有聚眾索餉者公離營未及三月所部勇弁亦扇動公聞星夜馳至軍

容一肅旋請遣撤秋毫無擾光緒乙亥服闋赴部引

見授廣東糧儲道旋擢廣東按察使未幾卒於任年五十有八公少時讀書畱心地理事補邑庠生再試不售遂棄去將兵十餘年喫咻拊循同甘共苦愛軍士如子弟士卒奉之如父兄堅苦踔厲所向必捷轉戰江西湖北湖南河南安徽五省經大小一百八十餘戰克復省府州縣城二十有四左腹右臂右額均中矛傷左股中鎗子傷昔年軍中衣服猶存穿孔厯厯可數也身歿之後子孫僅足餬口以視身擁厚資聞警卽潰之統帥何止霄壤哉居鄉調戚族助友朋勸學舍以教鄉里子弟豐功碩德嘖嘖人口至今不衰荃孫生同里聞而流徙黔蜀迄未能晤至以爲恨得家幹請爰作銘曰

聖清中興羣才弼輔鍾靈
氛公以吳人而將湘軍公
頭目夜半忽起擐甲一呼
云礮利牙旗所指雲散星
南郢就俘功高眾忌遂遭
嶠進職提刑試以吏事猶
帝眷方隆恆幹旋委魂氣
新史傳祠祀

裒以絲綸海颯猶張戰鼓
石屹峙山阿大書深刻千
廣東巡撫劉公神道碑

945-1
光緒十有八年三月戊辰兵部侍郎廣東巡撫劉公薨於位
遺疏聞

天子震悼

賜祭葬如巡撫例并

命附祀淮軍昭忠祠蓋公安內攘外名滿天下生膺節鉞之
寄歿享俎豆之報固已極儒生之榮遇樹人臣之茂矩矣粵
三年公子世瑋葬公於江寧之 鄉因吾友徐君乃昌以
紳道之碑來請銘荃孫聞公名在庚辰辛巳閒時公在上海
道任二年矣互市禁開華夷雜處飛鉗捭闔擣虛抵隙公於
大局所關輒斷斷不少讓聲名遂洋溢乎宇宙上海通商之
初定議浦江以北爲洋商船步浦江以南爲華商船步而洋

人無厭又欲侵佔浦南公知之創設水利局於東門外使幹
吏常駐局中專司船步無有佩邪離絕以違定章洋人乃噤
不敢言英人赫德爲我總稅司請增中國土產雅片之稅總
署命與公議之公曰是陽爲我計陰爲彼計也稅增則價昂
人食洋煙無食土煙是使我爲彼毆也執不可洋人又以海
口迂曲請於吳淞口起所齎之貨公曰是欲漏我稅也貨不
至關稅於何有執不可洋人租界設立自來水火公司至是
又欲推行城內公曰是溷我也此端一開異時開馬路設巡
捕必相緣而入矣執不可公奉使在俄國也俄人豔我黑龍
江漠河金礦之利願爲我開采公曰此非可空言拒也函告
總署及北洋大臣請先自我開采我旣舉行俄不復請其在

英國也英人欲以銳師由印度入藏藏人震驚公力爭於英外部追還印度之師人心大定公事理洞達神志散朗於天下大局無日不思維持匡救惻惻無所懼鉤距無所得以見易隱以往察來逆折其情而復牖之以理俾目賊心說就範圍而不敢逞事之小者不具論卽此落落數大端業爲天下所倚重而鞠躬盡瘁之忱亦基於此其他愛民勤政折獄除暴歷任名區謳歌如一在他人爲之亦足以卓然自立而非公大節之所在也始公之署兩淮運使也則以振饑一事傳時淮北大饑民就食南來鬻聚維揚公於城外築圩數十使按籍而居之生有糜粥之資死有棺槨葬埋之費每三入日親臨其所宣講

聖諭廣訓以牖其良以馴其悍又駐一軍晝夜巡察防其爲亂而亦以禁人之掠賣其子女者自冬徂春資之使歸境內帖然無事此在公當日但以實心行實政耳然無公則吳中必大騷矣公之經濟及物隨地而見也又如此公諱瑞芬字芝田安徽貴池人曾祖駕夫祖兆考孝櫨三代並以公貴贈光祿大夫妣贈一品夫人公由邑庠生中書科中書敘軍功累保至花翎道員分發江蘇光緒三年

簡蘇松太兵備道八年遷江西按察使九年再遷江西布政使護理江西巡撫十一年

詔以三品京堂充出使英俄諸國大臣旋補太常寺卿轉大理寺卿十三年改充出使英法義比四國大臣十五年

授廣東巡撫十八年薨於位年六十有六娶姚氏繼娶傅氏
皆封一品夫人子五世琪兩淮呂四場大使前卒世瑋光緒
戊子舉人候選知府世琛貢生候選主事世瑛縣學生候選
員外郎世珩候選中書科中書世瑗幼女子四長適舉人候
選知府南陵徐乃昌孫三貽讓貽謙貽訓孫女九銘曰

齊山矗蓋貴池潯玦靈氣磅礴篤生賢哲劬書嗜學投筆從
軍遭遇時變感慨風雲糧儲盈歉惟公繼之器甲剗削惟公
備之轉戰萬里供張十年漢何唐晏頡頏前賢

帝知其才監司是擢華夷萬舸經營關樞

帝大其用汝臬汝藩萬里宣威萬口銜恩公善治內尤善治
外折衝尊俎肝衡冠帶樓船旌節周歷重洋邦交克洽

國體無傷五羊之城公來開府曾未幾時星隕而雨太常敘
績廟食攸崇公與淮軍實共始終丹旄言旋霜凋風肅鬱鬱
佳城森森喬木功名赫奕無有愆尤子孫繩繩蒙
國之庥

山東曹州鎮總兵趙公神道碑

國朝科目文武並重顧中興以來將帥大臣以折衝禦侮得
名者類皆出於行伍遂疑挽強命中與殺敵致果判爲兩途
甚有欲廢武科而專重行伍者亦知有人掌環衛出膺節鉞
民懷其德寇懾其威如涉縣趙公者亦可爲武科增重矣公
諱鴻舉字雪堂河南涉縣人道光乙巳一甲第三名進士二
等侍衛俸滿分發湖北以游擊補用咸豐二年髮匪自粵竄

入楚置吏不職蔓延半天下公轉戰湖南湖北安徽河南四省四年克復沔陽州大戰仙桃鎮長江埠殺賊奪隘均以奇謀制勝是爲立功之始嗣克漢川克漢陽進攻安徽克英山霍山兩縣六安一州歷保參將副將總兵提督

賞花翎同治元年督帶楚勇駐歸德時捻匪勢張圩寨林立長淮南北幾無一乾淨土公奉僧忠親王之命解界溝集團克王廟英廟各寨又攻破閩家團水圩而譚寨等四十餘處亦相繼就撫軍勢稍振陳大喜者踞平輿爲老巢而楊樓張岡爲之羽翼自咸豐十年起事至同治三年無日不與官兵戰寇則愈勦愈眾圩則旋正旋反在豫賊中最爲勁敵公身先士卒盪決無前旌旗所指無不破滅克楊樓張岡並息縣

水陸各圩追斬賊首趙國良簡世然禽徐心田王延蘭等而
陳大喜棄平輿竄死四年署南陽鎮總兵適張總愚圍攻南
陽黑夜撲壕城幾不守公手然巨礮斃悍匪二百餘人賊始
退逐北七十餘里南陽始安公前後三署南陽鎮總兵旋
簡是缺十餘年中恩威並用外勦內撫悉合機宜維時襄匪
有程岱唐泌之間有花得春皖豫之交有李六裕州有韓潰
昌浙川有王板貨先後戡定以憂去官光緒八年服闋
授山東曹州鎮總兵統帶濟字馬步全軍防河捕盜能盡其
職十五年鄆城鉅野多盜率兵往捕途遇大雪感寒遂不起
年六十有八沒後四年河南巡撫裕寬奏請南陽建立專祠
上允之子壽彭山東候補知縣壽彭夙從余游持公之事實

來請銘墓道之阡迺作銘曰

天狗墮地雲渾淪磨牙吮血聲狺狺長淮千里虛無人手提
雙桴鼓不死刀輪爲風礮爲雨羽林飲非眞壯士大星墮矣
廟貌崇

綸音赫赫裒精忠千秋長此歎英風

湖北鹽法武昌道王文直公神道碑銘

代

公諱東槐字蔭之山東滕縣人曾祖恕祖國淑父增韻三世
以公貴贈如其官母黃氏封恭人道光戊戌進士改庶吉士
授檢討補御史轉給事中晉內閣侍讀學士簡湖南衡州府
知府升福建興泉永道調湖北鹽法武昌道殉粵逆難
賜卹如例後以山東巡撫丁寶楨請

追諡文直公生於孤寒讀書尙氣節以澄清天下爲志而行
卒能踐其所言在御史時請停捐輸以清吏治禁礦廠以杜
利端籌倉儲以培元氣雖有行有不行而力籌全局不爲無
益之言爲得古諫臣之誼也在興泉永時英吉利通商數違
約檄領事蘇理文遵舊章無少讓在武昌時粵逆由岳州來
犯公輯內應練防兵籌餉精適聞母黃太恭人計以兵急不
忍去城陷謂其弟曰母死未葬抱恨九原吾曾任監司誓以
身殉弟可乘閒逃出爲我訴靈前魂魄終歸事親也弟不忍
叱去之遂與繼室蕭恭人均自縊年僅五十有一惜公者每
言未竟其才然言人之所不能言行人之所不能行生盡其
職死得其所造物於公亦云厚矣又何憾焉公卒後二十八

年嗣子宜勗爲刊墓碑而同年生德化萬青藜銘之曰

桃山灑水根柢鬱盤琅邪之王潛德瀾綸實孕我公嶽嶽觥
觥媚學綺齡瓜心火掌名德日彰名德維何善容則徐絃詩
則匡當春而華鈿豔規馨

中禁翱翔讀三館書上三禮賦

賜珍上方

帝曰汝嘉實司彈奏驄馬行行岱山左右探丸竊鉄閭里譟
張

帝乃震怒怒茲曷吏褫其冠裳縲絰雪之府庫發之庶政綱
綱庶政綱綱孰啟其倪維公封章海內知者頰首咋舌曰孤
鳳皇

文宗御宇

詔求直諫固茲苞桑公泣雨下焚香萬言炳炳烺烺曰停捐
輸曰禁礦廠曰備積倉

帝爲動容

手疏姓名置之座旁厥惟衡州地大物竦在衡之陽亦有興
泉商舶星流在海之曷弊法惟離縮茲鍵籥在鄂武昌公旣
涖止梳幽櫛滯罔不庚庚非惟言之又能行之旣安旣康
盛世銷兵嶺嶠么膺用敢陸梁一星燎原扈扈虎虎燔燎湖
湘公躍然起則攻其心則斧其吭陳雲墨矣江濤赤矣猳豸
飛揚嚴關宵虹膏鋒飮鏹血浴元黃公乃怡然雲車風馬上
叩九閭願爲大厲砰礮搏擊殄滅凶狂

褒忠曠典

賜蔭

賜諡春烝秋嘗越祀廿八金甌息烽玉弩韜芒大書穹碑褒
功厲節乾坤雷碩後有式者青琳翠琬百世馨香

前

欽差大臣貴州提督兼署貴州巡撫田公祠版文

光緒二十二年正月鎮尊田公子應全持其先德前

欽差大臣貴州提督兼署巡撫事田公忠普事略來泣而言
曰先人戰功彪炳寰宇嗣因教案遣戍西域

賜環未幾告終家衍應全甫二齡耳幕府星散無人撰述前
年走貴州遇故部曲今貴州提督羅公孝連爲撰事略因先

人未復官不敢立碑墓道乞吾子次爲文庶事蹟得以傳播
或可少慰先人於地下荃孫昔聞先君子談公遺事有出於
事略之外者其敢以不文辭公諱興恕字忠普湖南鎮筵廳
人祖宗然父慶和皆以公貴贈建威將軍妣皆一品夫人公
性果毅驍勇絕人挑入鎮筵標洪逆秀泉圍長沙公隸鄧
忠武公紹良軍救援省城地雷發鎮筵兵距之不得入公與
有勞賊退屯湘江西岸連營百數巡撫駱文忠公秉章募人
夜驚賊營公應募隻身挾一小舟而去以竹筒注火藥其中
闖三四營蕪其一以路之遠近燃綫之長短同時並發賊營
大擾公跳歸賊數百追之公覆舟爲障泗水而渡文忠賞其
勇時年甫十六也咸豐五年委充哨官隨湖南候補道王葆

生克郴州六年獨統五百人名虎威軍隨前四川臬司蕭啟江援勦江西克復萬載縣袁州府城七年由上高進攻英岡嶺賊巢石逆達開率匪三十餘萬圍公營公部千二百人日夜鏖戰左手受傷戰馬亦死徒步轉戰奮不顧身賊退十餘里斃賊千數以少擊眾人服其豪四月進攻臨江府城賊死守不出公開掘地道約諸軍會攻地雷發城裂數丈公率親兵先登城賊死拒諸軍徘徊不進公身受重傷隨從兵勇戰歿百數城遂未下八月城賊冒死撲營公亦死戰賊被殲無一脫者自此閉關不敢出九月逆黨合四十萬眾連營數百座來援蕭公畏其眾約公暫退公力主戰慷慨言曰兵在精不在多賊雖多易與耳公力扼城賊與怨願率所部爲先鋒

公命宣武平江兩軍援之必能爲公破援賊翌日出八成隊
公率壯士卷旗直擣中堅賊張兩翼圍之迨宣武平江兩軍
至公旗已深入賊中圍甚厚見公旗麾東援西賊不能遏因
亦夾擊遂燬賊營數百座餘賊遠竄城賊亦潰臨江復八年
克崇仁樂安宜黃南豐各城四月克撫州府江西一律肅清
敘功洵升副將總兵銜並

賞尙摯勇雙巴圖魯貴州黎平府圍久不解駱文忠公檄公
援勦八月統軍抵黎平屬之潭溪司理料軍事次日卽攻破
北門賊營入城安撫又次日攻破南門賊營又次日攻破西
門賊營經年之圍三日而解闔城文武同聲稱頌謂自被賊
以來未見有用兵如是之神且速者羣慶更生至今猶銜感

不置再克古州永從等處時石逆竄湖南圍寶慶府又檄公
募足四千五百人回援三月進抵寶慶之九拱橋時石逆圍
城號稱百萬並分兵圍公營自四月合圍無日不戰初挖濠
築牆以自固後牆倒濠填與賊聲息相聞互攻互拒一夕數
起一餐累輟至六月中糧藥將罄公另挑營中敢死士號曰
死勇將決勝負於一戰會前安徽巡撫李勇毅公續宜由鄂
來自外攻入公率死勇由內應之斃賊萬餘人先燬附城賊
營三座東西南之壘亦連日攻下勢如破竹石逆退入廣西
改死勇名曰長勝軍移駐靖州旋

命署貴州提督督辦貴州軍務十年取道銅仁分三路進解
印江思南石阡等城圍並克貓貓山等賊巢兩旬日內復地

數百里四月

授貴州提督十月石逆猝陷荔波獨山定番廣順省城戒嚴
前巡撫劉源灝請保省城公率所部馳抵省垣布置城防卽
親督大軍赴定番迎勦石逆聞公臨陣棄城南竄當公未進
省時僅午未時開放南北兩門出入迨公擊退石逆各門如
常人心太定十二月

授欽差大臣關防十一年兼署貴州巡撫時年二十有四也
時上游狃狎各族下游苗教各匪府無完縣縣無完堡公分
路援勦屢挫賊鋒招撫著名逆首唐天佑賈幅保陳大六柳
天成等克復歸化荔波定番廣順獨山等城疏通省道聲威
大振同治元年西人文乃爾傳教入黔公惡其倔强殺之西

人譁於朝

命褫公職交川督查辦隨帶長勝軍一營出省士庶焚香跪送不絕於途者數十里公悉慰去之途次遵義屬之旺超值

前雲貴總督勞文毅公

崇光

爲賊所困勢甚急公聞之驟馬

衝入大呼曰田某在此鼠輩敢爾賊驚潰翼勞公出四年發

往新疆効力行至甘肅前大學士恪靖伯左文襄公

宗棠

奏

畱防秦州甘回不敢犯境十二年釋放回籍鎮守兵蠢動公出彈壓立靖光緒三年十月十八日卒於家年四十有一公將事以敬待人以誠未嘗讀書用兵輒與古人暗合生平戰績江西湖南爲多而措施之難心力之瘁尤以黔中爲極蓋黔中當承平時常需各省協濟嗣罹大亂公私壁立鄰疆同

禍呼籲無靈公挫狂寇於初來保危城於垂破徵兵籌餼於
萬難措手之中布置秩如又於前政寬弛之後稍稍繩之以
法謗怨沸騰卒不安其位而去羣惜其才而悲其未竟也公
身爲疆臣治軍十餘年家貲不及鉅萬偉矣哉爰次其事而
系之以銘曰

巖巖鎮筭五谿上游土風慄悍爲國好仇公起疏賤束髮授
仗渾瑊石峰功立跳盪出援江西突將無前無捷不奇無摧
不堅呂蒙刀盾高昂旗鼓陳如撒星戰如驟雨地險而瘠莫
如黔中苗教狎獯蠱叢叢

詔畀我公總軍開府又我人民固我疆圉公率萬眾先奠會
城四門洞開民心大（鑿）巨竹須解溼薪須束軍衛民生民轉

軍粟方期傳箭大可犁庭盤江洗甲黔靈勒銘講張祆教猙
獍彼族無禮於君鷹鷂同逐

公卸提督謝恩疏有云各爲其主常懷犬馬之誠無禮於君

妄擬鷹鷂之逐天下傳誦之

朝旨詰責伏地引愆置對華陽謫戍祈連迨返田園重安耕
鑿霖雨未施大星遽落

聖主知公始終保全公績未竟公名已傳海水西流景風東
扇世無壯士誰堪一戰公魄在原公魂在天再生申甫圖象
凌煙

蒙城縣訓導金先生墓表

大江以南閩閩相望韋平之族台鼎承家郊祁之倫大科接
踵而欲代通儒術世傳詞藻惠錢而外實罕儔偶況乎下邑

鳳稱樸陋若迺人人有集續風雅於一門濟濟羣彥扇芳馨
於七葉杜陵詩聖膳部開其先坡老文宗斜川爲之繼發揮
前烈騰蹈餘蹤如一士先生者有可述焉先生諱諤字一士
江陰人世居西鄉大岸祖鑑明通進士乾隆丙辰薦舉博學
鴻詞官刑部主事父捧闈歲貢生候選訓導均名德自耀位
祿不副聲華達於

朝之著述重於藝林先生衾扇嫺勞黻鬢廣誦述祖德於傳
硯飫庭誥以受經年九齡從父讀書唐氏故園荷衣覓句已
翹異於常童松寮弔古輒流連夫勝地老師宿學咸相推許
弱冠受知山陰平寬夫學使補縣學生旋因家累俾作客游
貧且依人飢來驅我春暉寸寸敢辭負米之勞金縷年年不

少擔簪之困卸裝於皖公山下弭楫於明聖湖邊春江波綠
鷗夢同圓秋驛塵黃馬蹏欲碎藉江山之勝概寫羈旅之閒
情每當歲晚言旋里開倚閭息望穹窒紆歎團樂燈火誦征
途得意之詩投贈縞紵紀益友獨行之傳雙親顧而樂之先
生亦怡然自得焉嘉慶己卯捷順天鄉闈三試禮部不第大
挑二等委署嘉定縣教諭先生以爲儒官雖卑職在教士束
躬圭璧潤色詩書問字之酒不論夫厚薄束脩之羊詎計其
肥瘠在官一載輿論翕然卽補蒙城縣訓導治之一如嘉定
復以爲骨肉之獄感之以至性則易孚薦舉之牘得之於非
分則可恥上台寮屬同聲引重終以偏親暮齒蒙邑長途歸
省則職守攸羈迎養則險阻是懼遂旬病去諸生追送有泣

者先生亦戀戀不忍別賦詩有我是迂儒今又去諸君休要當
官看升沈聚散尋常事此處纔能見性眞之句孝公教授著
錄者三千人疏傳去官祖道者數百輩今古一轍識者榮之
遂客彭門閒之梁苑重逢舊雨長聚德星珠槃玉敦聯藻盛
乎襟裾遲錦淹蘓獨秀壓乎壇坫旅游最樂篇積較多迨夫
息影舊廬陶情暇日斜陽老圃尋童時釣游之所新月清樽
聽野老桑麻之話方謂雅抱庶登大耋昊天不弔兵燹驟經
先生觀桑梓之禍竄卑溼之地百憂所萃頗領告終歿於咸
豐庚申九月十二日得年七十有八葬於某鄉某原生平富
於詩存三四千首并文稿俱燬亂後掇拾殘牘刻於長沙曰
篤慎堂燼餘稿二卷僅三百餘首附文三篇而已先生之孫

武祥以先生體魄久掩元石未立敬述嘉行遠徵鄙文荃孫
竊觀邑中華族品行之敦飭文采之聯翩未有如大岸金氏
者先生光前輝後尤平昔所服膺者也嗚呼通德慕鄭公之
里清風在茲遺碑式董相之陵高山仰止是爲表

蒲江縣教諭鍾君墓志銘

君諱鴻墳字樹菴先世自粵東遷四川華陽遂爲華陽人曾
祖某祖某父某母某氏君幼失恃贈公督學綦嚴每歲入館
至家人有不識之者年二十六補縣學附生旋食餼十試鄉
闈被放以 恩貢授蒲江縣教諭其讀書也日勤其律己也
日刻而其育士也又日恕涵育薰陶循循善誘故秉鐸十餘
年而士風日上也家固貧贈公以賈起家後議析產君獨讓

諸昆弟兩兄早卒寡嫂兩姊均資給無使乏妹適蕭氏早寡撫孤甥使成立其克盡倫紀也如此咸豐初閒同學生有匿產欺其叔者以萬金田契假君名書券許以重酬君面斥之有戚置產與君之產相連防他人爭亦請署君名君令自書券卻其酬且誨之曰是事假名非人必乾沒矣戚且感且愧館簡州時州牧欲轉賣倉穀商之君君以爲不可遂辭去後牧以賣穀事褫職共服君之先見其持正不阿也又如此子桐山同治丁卯副榜湖北候補知縣光緒丁丑迎養至江夏已抱疾十一月初八日病歿距生道光二年某月得年五十六歲戊寅歸葬於華陽某鄉之某原禮也葬有期矣乞文爲銘荃孫與桐山丁卯同歲生且交久謹敘次其大略而銘之

曰
班固文辭賈生禮樂蔚然者華惟君之學卻金景楊題門法
鄭皎然者天惟君之行叔孫習儀仲孫著效穆然者風惟君
之教君之壯歲遇旣迫之君之暮年病又厄之誠格金石壽
謝期頤吁嗟昊天云胡不知幽室永扃貞珉生色庶垂裕於
後昆乃報稱夫令德

楊惠甫墓志銘

光緒丁丑荃孫供職詞館與楊戶部調元訂交洎乞假旋蜀
同寓成都借書一瓿時相過從一日出其兄惠甫狀言於荃
孫曰兄諱 字惠甫天性至孝篤於昆弟幼值父母小病
輒皇皇問於人求所以愈親者比長不衰幼與調元同受學

寢食誦讀頃刻必偕自就外傅以迄應試南北闈往來未嘗
不共離數日輒形寢寐其篤摯如此生平溺苦於學家自先
大父來代有藏書亂後頗有亡佚兄在都復購得萬餘卷以
歸黔中亂宗族物故十二三兄因取宋范文正公義田法及
國朝方望溪所補因地制宜詳爲規畫期異日行之舉於鄉
時同歲生有不能計偕者潛往遺之而告以他姓名竟不知
爲誰所贈也丁丑報罷聞先大夫疾馳歸冒風熱犯瘴癘未
嘗少解九月廿二抵絲竹廿九先大夫棄養而兄亦後三日
逝矣蓋粹於孝而終以毀也嗚呼痛哉君歿於光緒丁丑十
月得年三十一歲同治癸酉舉人子一光祖尙幼荃孫在都
時與君亦時時晤面言論丰采至今猶想見之謹次和甫之

言而系之以銘銘曰

英英楊君生南天皓玉出水光澄鮮簡練洵長十五篇段南
桂北爭後先罡風一昔摧華年干將莫邪闕重泉有弟有弟
年隨肩完君之志窮雕鐫振綺愛日美弗專壽天一理齊彭
淵惟君令名終古傳

鄭君墓志銘

君諱作相字仲巖山東日照人歲貢生鄭氏自唐居日照最
爲舊族曾祖帶祖昺君父僑君五歲就學言動異常童二十
一歲入邑庠屢試秋闈不售劬書力學以前賢矩矱律身以
先儒語錄設教嗜易闡象數闡義理萃眾說而折其衷附以
己意著易說揆方十二卷咸豐辛酉拾匪掠日照君殿與村

農講武約附近諸村修山寨遷孥實其中因險設隘以距寇
寇不敢犯寇退山外室廬燼焉遂移居韓山山陰有十泉結
廬第一泉側因號一泉山居幽僻不輟吟誦與人談時事取
言之有實用者輯爲第一山房叢說從學者日眾量才授業
多所成就修邑志采訪節烈皆君獨任之名譽益盛光緒十
年正月二十一日卒年六十二歿後五年門弟子戶部郎中
丁麟年持狀索予銘銘曰

南宋變學士氣始衰裋衣博帶無濟於時偉哉鄭君學爲人
師妖穢涓天夜燭山眉一簣足障男嗚女嬉時清投戈講藝
書帷試之以事無微不至書成滿家名揚九達勒銘幽宮庶
無愧辭

二品頂戴直隸清河道費公墓志銘

公諱學曾姓費氏字繩盦別字幼亭武進人考庚吉福建糧儲道負盛名著錄弟子數百人海內所稱耕亭先生也先生卒於泉州軍次公年十三大母在堂年八十閒關歸里支持門戶無異成人迨弱冠以貧入資爲北河州判改知縣補懷來攝宛平敘勞擢天津府知府調保定晉清河道以城守功錫花翎二品銜署按察使事歲庚午引疾去官居吳門養親課子三十年終不出光緒廿四年四月十三日卒年七十公精力絕人聞義必赴長於折獄理財居官行政所至卓絕其嘖嘖人口者尤以通州議和爲最著而公所最自愉快則以橫沙田八千頃舉以畀之南菁精舍爲生平第一樂事咸豐

庚申西人犯京師

顯廟幸木蘭恭忠親王畱守議和約事將變命公馳馬貫敵陣邀其酋額羅金噶囉定約而歸恭忠親王才之故有越級之擢南菁精舍者瑞安黃侍郎勔於江陰長沙王祭酒繼之鼓篋絃誦廩給不敷謀之公公有田曰橫沙互東南海中五六十里川沙廳屬沃土也歸之南菁爲恆產又躬爲籌畫分門延師造就甚眾其冲襟遠識竊謂非今之人所有矣荃孫侍公言論最久又與公子念慈交最善念慈告以十月葬公於虞山聯珠洞左馳書請銘不敢辭謹書其大者而系之銘曰

清有通儒潛修治經行爲

國璋學作士型公也繼起閭閻侃侃銳如干將應機立斷我
初上計謁公保州公時泊軍談笑戈矛我歸故里謁公吳郡
公時養痾殷勤存問雲溪邂逅春日載陽謂公七旬盍舉壽
觴公顧而哈噉晷淪暮易賀爲弔請銘余墓闔坐驚詫謂公
戲言曾未三月訃書在門生英死靈前知不爽拈花示寂乘
雲獨往鄉里後進頓失觀摩念公知我涕泗滂沱公神愉愉
海島之麓窆石紀勳辭無愧作

傅君商巖墓志銘

君諱夔梅字商巖浙江德清人曾祖九鼎祖廷琇父同聲邑
庠生力學厲俗厚德盛施時方建邑之龍山橋而君適生大
木遠至劉亮之橋遂成陰德溥徧定國之門必大君生而穎

異長更峭直正倫副秀才之實少文好山水之游遂辭吳趨
遠客蜀道讀刑法之志通律例之學諳練人事達者稱焉道
光乙巳以府經歷候補雲南權臨安昭通兩府經歷戊申補
恩安縣知縣絲鞭鐵屑續傳家之治譜渠鑿石脈通富人之
水利民情土習鱗香景從在臨安時溪處土司趙理誅以旁
支趙維藩襲職理子平安扇舊部交訐以蝨距之相依作蠻
觸之互鬪迫廩君於丹穴識鹽神以青縷民人雷駭羽檄星
馳君直入賊壘招致渠魁諭以

天朝恩澤之深詎貪土地怵以曷吏兵威之盛宜惜身家掉
臂徑赴賢於十萬之眾大義所動銳於兵刃之接堅壁旣下
民心大安以視虔陀狎蠻啟閩羅之外叛唐蒙筵詔致巴蜀

之憧擾古人有知能無慙惡尋解縣任言旋里門行抵四川之敘州府而粵逆肆擾道路梗塞君既遠念枌榆復悲深棠棣百憂所萃大化俄至以咸豐乙卯十一月十五日終於行館年五十有六嗚呼哀哉配張恭人先君二十四年卒於家繼配姚恭人後君二十一年卒於四川江北廳子四人均姚恭人出長雲龍兵部郎中雲萬同治丁卯舉人刑部主事改官知縣雲夔雲昭女二長適費張恭人出次適吳姚恭人出雲萬官刑部時遇

覃恩晉階中憲大夫君先葬四川萬縣今以光緒三年某月某日遷葬於德清縣之尙博村兩恭人附焉荃孫與萬同舉於鄉忝屬齊年旣聞懿德景行有素授簡奚辭嗚呼鶉觚遺

澤無慚通德之門馬鬣新阡幸附先人之隴銘曰
我食我衣傳公富我我婦我子傳公父我民謠如此君政可
知後有循吏百世師師慨盛德之未彰卜熾昌於後嗣斷元
石而銘幽將以風茲叔季

二品廕生唐君墓志銘

代況夔生

君姓唐氏名運溥字度周廣西灌陽人曾祖廷植貢生祖懋
功舉人父景崧臺灣布政使署巡撫事母余氏君秀氣孤稟
馨逸夙成當髫髻之年罹疾疢之厄屬逢里媪有物憑身長
陵宛若奉神語於帳中丹陽涓子得遺方於山下藥裹遽投
痼疾若失長益脩飭動無譏瑕衛叔寶之神清荀慈明之外
朗不慕紈綺獨擁圖史仲宣羸質乃工於文子淵如愚偏溺

於學以監生兩應京兆試不遇得二品 恩廕加光祿寺署
正銜君澹於仕進急於孝養依依愛日若將終身會當金甌
動地之辰棄之玉斧畫河而外狼燧掩日鯨波滔天君倉猝
奉大母之輿復之金陵輾轉兵閒崎嶇海澨百憂所萃七尺
遽偃以光緒乙未閏五月廿三日卒於旅邸年二十有五娶
於潘無子以弟之子家珍後之存謎學一卷詩數十篇嗚呼
隱書十八著中壘之別錄零句三五搜長吉之奚囊遐齡難
希賸馥無幾傷已周儀生同州郡且符志趣搯腕悲悼尤倍
恆情爰志其事復爲銘曰

華鼓雕鞏綺繡紈袴游冶之場躡弛罽駕君乃嗜學抗顏揖
謝窺園拒春然藜惜夜曳裾公府獻策階墀名利之藪角逐

忘疲君乃娛親溫清追隨紉芳玉矩挹秀金規夏綠霜滿春
紅鬢碎舍兆鵬來庭虛鯉對返骨南管招魂東岱恆幹可埋
幽光長在

書漢陽洪仁夫先生墓銘陰

漢陽洪仁夫先生以道德薰於鄉里負雅望數十年其事親
以誠交友以信任事以勇律身以儉接物以和一時賢士大
夫稱道之弗衰身歿之後監利王子壽比部爲之銘桐城方
存之大令爲之傳江寧汪梅村先生爲之表其家世行事備
矣乙未九月其長子彬復以狀句言於荃孫荃孫後進淺學
何足以傳先生謹援昔賢書銘陰之例而繫之以辭曰
至人粹行得天獨完芳馨播遠託根孤寒曰仁曰忠信篤

敬生平志趣仰止古聖大科特薦立辭鶴書盛德不忝盛名
不居鄰邑賢令弔死紆難焚參歸觀希風東漢效忠有弟
裒贈哲昆貽謀有子克紹清門至堅者金至美者玉君子之
風激揚末俗

涿州知州劉君傳

君諱枝彥字竹坡武進人始祖諱錫朋明正德間避雷王宸
濠之亂自豐城徙武進遂家焉祖茹藻廣西都康州吏目父
本清雲南蒙自縣典史皆累贈中議大夫君沈毅有遠識兒
時附學鄉塾羣兒戲師出嬉戲爲樂而君獨端坐如故吟誦
無少閒咸以偉器目之年十七橐筆北上畱
實錄館效力議敘從九品旋揀發熱河差遣署大名城州判

補葛沽巡檢葛沽去大沽三十里
要求百端時見飛艚翔集海際

上命僧忠親王駐防大沽口自咸豐
猖獗或有勸君去者不應問之則曰
已去將何之同治三年保升知縣
憂去十一年服闋補東安縣下車後
一車一騎巡行田野問民疾苦改
六所曰興仁曰崇德曰正誼曰廣
并是爲十一光緒三年調署薊州
惠陵工未竟五年三月辦奉安差
鑿輿駐蹕之所先事籌畫儲備無

於薊之馬伸橋付其子書曰州主劉頌聲載道恨我不及見之爾諸凡求指示君聞信至其處爲經紀其後事遺摺代申吏部卽於馬伸橋畔建立專祠以所贖餘款置守墓之田四十畝並恤其家屬六年調補寶坻寶坻居九河之下眾水所歸迤北洶河東北薊運河西北鮑邱河西南窩頭古渠河其南袖鉞青龍灣等河又毗接武清之筐兒港河皆邑河之尤著者也河之兩岸均恃隄防民田反居其下流河去歸海之處百餘里年久未修淤墊過甚勢成倒漾每於五六月間陰雨連綿山水盛至則掃蕩沖決民受滅頂之凶由來久矣君至卽懇請疏濬青龍灣並添築袖鉞河游香洶隄工以殺水勢計袤延百餘里秋鄰境有偏災而寶坻以河隄故得無恙

七年調署大興八年還寶坻任九年六月大雨兼旬諸河同時暴漲隄岸盡沒於水通邑九百餘村汪洋一片儼成巨浸爲數十年所未有立請大府發帑急撫自乘舟筏周歷各村擇其尤貧苦老弱者先爲撫卹躬自按查不遺不濫十年調武清十二年升涿州涿州距京師咫尺爲一十三行省通衢承平日久雉堞圯毀君以爲地處衝要貢使絡繹冠蓋商販所必由之路宵小易於潛匿謀之紳庶集貲修補自此扃鑰維謹數月之內樓櫓一新前後在涿州任五年吏畏民懷百廢俱舉十五年四月自昌平獻案歸司關者以贖進舉筆欲下忽風疾舉發口不能言手足偏重不舉六月雨十餘日不止城北拒馬河挾山水暴至聲如牛吼平地陡深數丈田禾

廬舍蕩無一存君雖患病強自起立集紳耆商籌辦之法仍扶疾病出城體驗水勢有以節勞言者則怒曰小民如此豈吾惜力時哉因此病勢益甚七月卸任猶以書院膏火無多交卸之前夕命出二千緡交典庫生息士子尤感之潘文勤公祖蔭高京兆萬鵬嘗以政平訟理惻悃無華入告

上諭傳旨嘉獎文勤語屬吏曰州縣官如劉牧可師可法又一日偕查公光泰等進見文勤歎曰諸君皆屏翰才也雖知之深而未克竟其用命也夫光緒十七年五月卒壽六十有一配唐恭人先君二年逝子三長景勳江西縣丞次景熙北河候補縣丞次景焯孫三薊源兆星兆熊

論曰縣令親民之官自昔以爲難今日而言縣令尤難之

難者蓋每省候缺者多至數百人閒居數年揭債鉅萬始得一署縣事中人以下未有不爲利所搖奪者亦勢迫之也君爲京畿州縣先後二十餘年大災大役適際其艱猶能毅然獨行己志不撓於物嗚呼古之人與

梁曦初先生傳

梁曦初先生名景先陝西三原人道光乙巳進士以主事籤分工部直 軍機處補浙江道御史乞假歸省同治改元粵捻逆合竄入關回匪乘之而起關中大擾陷三原西北關先生家毀於火弟維先緝先禦賊死之而縣城獨存先生襄辦防守籌兵食皆有勞加四品銜兵事大定大吏議興復水利涇陽之龍洞渠卽秦漢之鄭白渠也涇陽三原諸縣均資灌

利而涇陽居上流專利抑闕先生發其弊大吏善諭之兼籌
資修補而三原得灌浸如約水利復興陝俗遭喪率置酒張
樂延客先生痛斥之居喪一循典禮先後主學古宏道書院
講席宏道書院頽敝先生修復之復購隙地雜蒔花竹與友
朋賦詩以爲樂十二年入都補河南道御史光緒二年充
恩科會試同考官四年選福建興化府知府署西偏有古冢
傳爲明殉倭寇難官屬而莫知誰何君據戚少保年譜證之
明史記傳審爲延平同知權府事黃岡奚公世亮又攷莆田
縣志載訓導盧公堯佐與奚公同時殉難請上官聞於
朝祀昭忠祠劄石紀事興化義倉舊有存銀先生以爲存銀
不如存穀補糴以備凶歉嚴束胥役民以不擾規畫井井偶

以疾乞假一月署莆田縣鮑復康倚大府爲同鄉遇事傾軋
先生憤懣遽引疾謝事踰年卒於福州年五十有八荃孫丙
子會試出先生門下丁丑旋蜀迨自蜀歸先生已將出都門
矣受教之日前後無幾時先生志行修潔言語懇至而遇事
有守不宜於俗設施未竟中道以歿殊可悲也後數年同門
陳侍御琇瑩奏參鮑復康褫職庶可慰先生於九原矣

夏百初先生傳

夏百初先生諱子齡號祝三江蘇江陰人七世祖維新明舉
人鼎革闔門殉難惟一幼子以義僕翼之免祖祖甸父翼謀
道光乙酉舉人先生幼慧出應童子試爲學使姚文僖公所
識拔取古學入邑庠道光甲午舉人丙申會試第一改主事

籤分禮部在儀制司學習遇事勇決尤以氣節自負一日散衙戶部片查庫丁非賤役應否準其捐考時庫丁張甚侵庫帑當道皆可賄通先生知事遲則有變立作駁議五鼓至朝房呈堂上官以庫丁實賤役應不準捐考而堂上官果有成見游移不決或議調停準捐不準考先生曰國家名器不可濫既準捐即可考且若輩一人仕途賄賂鑽營何求不得既阻寒士進身之階又啟仕途苞苴之弊力爭不可議遂定卽時至署片覆及退食緩頰者絡繹至已無及矣在禮曹六年以親老改外選直隸深澤縣告近改選河南汲縣涖汲治文宗御極巡撫潘忠毅公特疏明保吏部調取引見事畢回任復遭母憂服闋坐選深澤未一年調饒陽饒陽

爲畿南大邑土斥鹵民強悍素稱盜藪時髮捻兵事方亟畿
輔比年旱蝗盜劫蜂擾先生目擊賊氛所至郡邑防勦無資
以致糜爛半天下慨然謂守土者不可無兵不可不知戰發
憤治兵家言子弟僕隸皆令習技擊故治饒捕盜捕蝗皆以
兵法部勒之擇胥役壯健者教練技勇製造槍礮百人分十
隊每夜以一隊輪守倉庫課演拳械優者賞漸增練至二百
人咸豐九年英吉利犯天津京師戒嚴冀州王洛悅河間劉
四賈滢等各屬聚千餘人起事先生勸諭村鎮團練鄉丁各
境分四正四隅各置練董正副二人號令聽之官復親率城
勇分日赴鄉點驗合操聲勢連絡劉四等攔入饒境集鄉團
千人自率城勇爲之先擊賊於小隱集西北賊馬步二千餘

人燃礮相拒乃張兩翼馱旗伏地而進賊礮如雨越隊過揣
知槍可及賊旗舉槍發賊陣亂我軍大呼衝擊斬百餘人擒
五十餘人劉四受創遁餘眾大潰是日王洛悅分股擾冀州
聞風亦驚潰劉四逃至青縣被擒伏法畿南平道府以下優
敘數十人先生亦加運同銜以其暇濬老澗河洩滹沱水患
造橋五十丈民呼曰夏公橋旋擢宛平再擢易州直隸州易
爲

西陵重地以泰靈鎮總兵官兼內務府大臣總其成而祭祀
牛羊芻豆及守陵員役俸饌例由州牧於布政使庫領銀供
給自守

陵各衙門及本署官吏莫不以爲利藪先生睹及積弊滋多

不得行其志力求去任調署保定府清軍同知未逾月長白
行秀公始莅泰_(監)鎮堅請於大吏飭回任密與議定章程奏
請禁革豆草不得折價積弊一清七年正月西捻張總愚犯
畿輔勤王兵雲集陳國瑞以二等待衛統軍勦賊夜至易城
外以令箭呼開城拒而不納曉乃縋城下語以

陵寢密邇請嚴軍令勿擾民陳卽日馳去時守

陵大臣已以易州被圍入告

詔發神機營兵七千赴援匪徒乘機縱掠先生率練勇巡防
遇掠者立斬以徇不問所從來合境安堵是夏捻匪肅清敘
功以知府在任候補

賞戴花翎加三品銜米利堅人山家立潛至易私購城內許

氏屋爲耶穌教堂先生廉知之乃責許氏退價山家立堅不可乃執條約與辨以其未持游歷執照買屋未知照地方官且易州近

陵寢有關風水不第易州境內不得立教堂所屬涑水廣昌及

東陵附近之遵化等處皆不得立山家立辭窮卒收價撤契以去事上制府曾文正公國藩深重之總署文文忠公祥尤

以爲賢州署東偏隙地舊有亭池於其北築臺望西山雜蒔花木名之曰憩園遂以自號暇則集賓僚觴詠其中人咸以政簡刑清之樂爲不可及會曾文正公疏薦循良稱先生通達政體歷官所至皆有循聲

詔特嘉之以年逾六旬宦情愈淡乃請開缺以知府候補去
任數月卒年六十有五易州士民籲請崇祀名宦祠越數年
饒陽亦以崇祀申請先後奏蒙

俞旨報可子三人長詒鈺直隸永年縣知縣次詒綬候選通
判次詒鎬候補吏目女一人適宜興咸豐己未進士通政使
司通政使周公家楣荃孫鄉里後進又娶先生之孫女爲繼
室耳熟懿行爰類次之以爲傳

論曰吾邑首枕大江山清而削水漱而激其人亦磊落英多
可以有爲於世然剛果負氣往往不獲乎上豈地使之然耶
以先生之才之望早遇有大力者拂拭而振拔之其措施豈
止於此晚遇曾文正識之於庸眾之中登之簡牘迨以老病

乞退又慰留再三。是時文正所保賢員如任道鎔、李文敏等，後皆仕至督撫。然先生則以老病死矣。命也夫。

姚文山先生家傳

君姓姚氏，諱華國，字文山。宋統制嘗之裔。十一世祖冕，遷陽湖之豐北鄉，遂爲陽湖人。祖禹，範父，志純。母氏劉家，世耕讀。好行陰德，君繼述而推廣之。生有至性，事親能先意承志。遇疾病，侍湯藥，憂懼禱祀，父歿盡哀，盡禮。弟、妹幼弱，教養備至。婚嫁後，猶友愛如初。幼好學，舍南開法寺，有靜室讀書。其中五年，同里李申耆先生名高天下，君鄉里後進，耳濡目染，於書無所不覽。遇善本，卽購藏之，積至五千餘卷。手自校勘，雖流離顛沛，未嘗須臾釋手。學者皆向慕之。後卽李先生家課。

其子弟而與先生考究中外輿地天文算學虛心折衷昕夕靡倦其教人也一藝之長輒稱道不絕口愛惜之成全之汲引裁成無微不至族人無力婚嫁者有伙助貧不能應試者有資斧每屆歲暮必加意任恤嘗於除夕訪友友遠出未歸債主盈門坐索其家窘甚君卽代償所逋并爲籌措卒歲之費有急事遠行不名一錢裹瘡走三十里來告者卽倒篋與之不足則典質以應有長親家貧屢貸至八百餘緡並佃田十五畝不取息而代償賦卒以契據還之舊有貨殖款三千餘緡負者類多貧乏卽燬簿還券絕口不言其好施與類如此道光庚辛之交英人構兵夷艇闖入大江常郡戒嚴官紳照會防堵卽督率鄉人家出一丁舉行團防首清戶口均貧富

練膽識習火器簡約而嚴人心大定英人尋議和君少喜擊劍傳荆川鎗法至是益究心武備方略謂人心浮僞極矣世變多端禍亂之萌未知所止乃力籌救世之策以濟時艱嚴子弟吸鴉片之禁並勸鄉黨併力拒絕食者合方藥與之戒除業此者給資本別爲生計有書吏夤緣作奸業戶田產應完糧兩石者以官印帖戶發一張令自繳帖報稅漏者重罰不滿者差保查擠勒稅之間閭譁然君約二三紳耆責該書貪婪盜印之罪罰錢千緡充書院膏獎收印帖回稅卽停止又擇隙地種桑雇蠶師伺養繅絲俾得仿效已酉大水道殣相望首先倡捐糲粥所居之鄉振款尤多無凍餒者中道光庚子副榜親老家貧應友人聘游西安瀕行賦詩有可憐一

三才圖會卷之八十一
三才
紙關中聘捧向高堂當檄看之句聞者憐之著有西行雜詠
草後入國子監肄業期滿議敘候選訓導而聞母嬰疾星夜
馳歸母卒君亦病不可爲矣卒於咸豐元年四月十七日年
四十五子六人時熙嶽望嶽嵩嶽恆嶽度嶽峙女一適同邑
葉明善

論曰吾鄉自洪北江李養一兩先生後士皆負氣節重然諾
有東漢節士風況居李先生之鄉者耶荃孫輩行較後不獲
見先生矣近年與先生仲子彥嘉交彥嘉亦急人所急千金
不吝彥嘉如此先生之德量可知視世之以畏縮爲馴謹以
鹵莽爲果敢者相去可以道里計哉

三品銜安徽候補道張君傳

君名保慈字敬堂江蘇常熟人幼孤母王太恭人撫之成立
長負文名由廩生納資爲通判投效皖營佐前安徽巡撫翁
文勤公同書英果敏公翰幕府以明敏見長日屬稿數十紙
悉中機要嘗隨軍行泥淖中水及馬腹竟日不得食夜則治
軍書達旦敘功補鳳陽府通判駐正陽關地當孔道商舶雲
集市僧隸名官役注籍至八百餘名肥己凌人闖闖側目君
下車卽曉諭歸業畱額設數十人以給用民以無擾講求捕
務有犯必獲不惜重費至有失主未及報而賊已就網者河
南饑災民廩至君募錢粟施振不足則自罄其資稱貸度歲
焉光緒元年以道員仍發安徽候補兩署安廬滁和道決疑
獄理洋務措之裕如十三年河決鄭州皖北正當下流皖南

亦大水君綜理振捐事設法勸募工振兼籌設當牛局費省
事理災黎賴之每歲杪省城乏食貧民多至萬餘口力籌常
年經費購米以養之平居遇僚友匱乏卽非素識者亦竭力
周恤以故家無餘財仕宦數十年仍寒素也光緒十五年三
月七日卒於安慶年六十有三前安徽巡撫陳彝奏請附祀
英果敏公祠奉

旨允准曾祖濬川祖文域父世昌均以君貴贈資政大夫
論曰先君子館常熟時君及門受業書法之美文思之銳先
君子時時稱之同治壬戌荃孫避地淮安與君比鄰過從莫
逆時學作駢體文君每爲之指示派別點定疵類癸亥別君
赴湖南辛巳又晤君於皖中自此遂不復見悲夫以君之才

與學而不登上第不獲真除家無中資年未上壽雖循聲洋
溢祠報聿隆亦未足以盡君也悲夫

顧倚山訓導傳

咸豐庚申春荃孫應童子試籍籍聞楊庫顧子田名與昭文
黃琴六太倉季耘松相埒是年遭亂棄家遠遊未及請益光
緒戊子子田介邑子繆邁仁求爲尊人倚山先生傳荃孫雖
構昧不敢以不文辭謹按狀先生諱師竹字仲雅世居邑東
之楊庫鎮曾祖汝躬祖文靜父美世有隱德先生資穎異讀
書異常童督學莫侍郎音拔入邑庠中嘉慶丁卯舉人五試
禮部不第道光七年大挑二等選授安徽太平縣訓導太平
在萬山中民風樸而厚士習樸而儻先生嚴取與謹步趨以

躬行感發與諸生談藝必舉經史引之彬彬數月丕變邑自
宋元以來節烈貞婦旌表闕如因援例建總坊旌表三千餘
人三年乞疾歸邑人延主講仙源書院仙源本天都卽先生
在任手葺者也教諸生以安定胡氏法立經義治事兩齋後
有達官及能讀書者邑人至今思之院對黃山最高處陰晴
雪月雲海風濤變態萬狀開窗眺望盡收之襟袖聞李申耆
先生贈以聯云開軒看黃海掃石傾青尊其高致亦可想見
截取到班吏部檄令赴選不就歸里後以著述自娛後卒於
家年六十九先生在仙源同邑季文敏公芝昌以侍郎督安
徽學校士嚴錄取者往往覆黜且拘懲之有自盡者太平有
項姓童被斥迨文敏按他郡經太邑卽館書院項求緩頰先

生辭之文敏適館見過問項某曾肄業否先生曰肄業久文亦佳唯略出入耳無他言文敏卽釋項還襄校夏君伯田同里同歲生也詣院歡晤因陰譏文敏校士過嚴狀文敏迺稍寬後爲先生序課藝盛稱教育之善與士感激之深推服甚至先生著書遭亂燬於火于田常存隱痛然孫曾林立書香克紹亦可慰先生於地下矣

論曰先生以飽學而未得美仕以薄宦而能立名節皆近今所罕見至文敏之謙先生之介我邑古風洵稱兩美今有人依附煬竈獵取高位卑視里人謂莫己若世風不古至於此極聞文敏與先生其亦可少愧矣乎

高星五傳

勝國之季

王師南下如震雷疾霆碎礮歟忽當之者碎遇之者仆吾邑地猶彈丸獨鬪螳拒螳守八十一日而後破士民就義者數十萬人

聖朝雖憫其愚未嘗不哀其志疾風勁草奕世猶生乾隆間高先生東川輯成忠義錄一冊而後晦者顯散者聚並詳請建祠歲時祀之振一邑向義之心完百世教忠之典至鉅至賅也咸豐庚申之亂祠與書版俱燼先生之孫星五復節衣縮食稱貸典質重刊是錄而建祠力有未逮死猶引以爲己憾嗚呼此非星五一人之事而獨亟亟爲之不替上則續祖考之詒謀下則彰士民之偉烈其風可謂古矣星五秉性樸

治學鈍讀書數十年困於小試獨耐貧乏不取意外之財見
饑寒者百計周之嘗誡其子曰人何患貧品非貧不立學非
貧不治又曰怨我者謗我求我者譽我謗我而我懼譽我而
我益懼懼而自脩則謗我譽我皆益我也其襟懷之達立志
之誠又如此古之所謂隱君子者其在斯人乎其在斯人乎
星五名沛卒於光緒元年九月年五十三子四人長丙彰四
午生均死庚申之難皆附祀忠義祠

繆荃孫曰同治甲戌余自京師旋里星五以忠義錄見貽且
述建祠未成事語刺刺不休鄉人多笑之迨光緒丁丑再返
里門則忠義祠落成而星五已前歿鄉人又有慨焉慕之者
嗚呼笑者其人慕者亦其人三代直道之公不絕於天壤人

亦何憚而不爲善也近年以來以輕薄爲精明以畏葸爲謙退輾轉揣摩風氣頓易若星五者則已古矣嗚呼

節母唐太淑人傳

節母唐太淑人名韞貞字佩蘅武進人姊妹五人行居四穎慧絕倫父早歿事母以孝聞咸豐庚申常州陷於賊避兵江北兵燹中婉愉和順承歡如平時年廿四歸同里贈公董君介貴爲繼室逾年生子康前室子受祺甫數歲保抱鞠育視同己出時舅觀城君舉家在任贈公以慟弟得危疾節母百計醫禱欲以身代衣不解帶者兩月卒不起節母哀毀成疾恆中夜起對鏡屢欲自經而康生甫八月受祺亦未成立恐重傷舅姑意不果殉力疾營窀穸祭葬如儀次年始謁舅姑

於觀城朝夕承歡娣姒亦相雍睦舅姑均曰吾失子得賢婦
於心慰矣督受祺兄弟讀書自塾歸必篝燈讀至夜分始罷
嘗曰汝父積學早世汝兄弟宜闡揚先志虛度光陰不可惜
乎光緒丙子觀城君卸任南歸遂逝世宦橐蕭然有戚某陰
唆娣姒分鬻節母謂和氣致祥乖氣致戾先人墓土未乾不
宜骨肉參商而戚某唆益急族中之不肖者從而附和之節
母不得已乃收書籍奉粟主移居古村老屋兩椽聊蔽風雨
時受祺從軍遼海康年十七且讀且訓蒙養飧不足節母刺
繡餬口隆冬酷暑無稍懈迄今寒飆乍起兩手皴裂亦可見
昔年之勤苦也戊子己丑康聯捷成進士受祺亦以己丑
恩榜捷於順天節母始有喜色繼而泣曰吾今庶不負舅姑

重託矣蓋舅姑彌留時執手歛歔以舉家相屬故不覺悲從
中來也康官刑部迎養至京受祺以內閣中書效力山左河
工薦保知府加鹽運使銜節母自居京師猶理家事嚴內外
戒逸豫儉約如故暇則手執一編家無擔石晏如也嘗謂康
曰昔祖父服官四十餘年不名一錢汝兄弟之得以科名進
者皆祖父畱貽也汝等亦宜思先人之賜貽之後嗣幸勿墮
清白吏家聲康嘗購書往往竭俸所入而懼節母訶責匿不
以聞節母知之叱曰能讀書乃佳事苟世世子孫能若汝方
喜之不暇何匿爲又諭康曰司員位輕責重較州縣尤難秋
審繫人生死招冊未必無彌縫汝當倍加詳慎勿以要譽爲
也光緒癸巳八月二十六日遺疾終於京邸年五十有一先

是禮部以節請旌門

詔予旌如例

覃恩受太淑人封自幼工長短句有雨窗詞三卷及秋瘦軒詞選若干卷

論曰吾常世家曰唐曰楊曰董自前明至

國朝代有達人稱爲詩禮望族太淑人楊之自出生於唐歸於董其謹守禮法垂裕後昆也固宜荃孫庚寅來京師與壽京訂交飲聞懿範今壽京歸葬有日屬次太淑人行誼爲之傳以備史氏之采擇云

龐沈二節婦傳

邢氏河南淮寧人年十三鬻於予家爲婢性勤敏工鍼黹烹

飪事無鉅細均能預爲理董先祖母最愛之及祖父任甘肅
先祖母挈之行配家僕龐興正生二女俱殤興正卒氏年二
十餘矢志守節願事先祖母終身興正母老居江陰氏歲寄
貲以供甘旨十數年如一日及祖父罷官旋里氏攜興正柩
從購地葬之時興正母猶在也氏奉之至孝又數年母始卒
氏一手殯葬歲時祭祀無闕興正有姪性嗜酒不治生業氏
愛如己子常周給之予生時氏年五十餘矣而愛予特甚幼
則提攜之稍長則教督之予一日廢學氏則一日不說迨庚
申寇警氏促吾母挈予渡江而身畱守宅翌日寇卽至氏倖
脫隨予至淮安期年予侍母入黔氏以老不能行依吳炯堂
表兄之皖乙亥病卒年七十五道光二十四年江蘇學政祁

文端公奏請

旌表如例王氏江甯人隨予母來予家事郝氏如母余生司保抱者數年後嫁同縣人沈亮玉爲妻年餘生一子亮玉暴卒氏誓不嫁耕半隴以自給亦時來予家聞予讀書則喜祝予長成而得所依也庚申之變予北竄後音耗隔絕後聞里人云氏於辛酉春匍匐來予家見人逸屋燬哀慟至絕偕其子行乞未幾餓死其子亦死不知其何年月日也光緒丙子予官翰林院庶吉士爲具呈禮部奏請

旌表如例

徐星伯先生事輯

先生姓徐氏名松字星伯行九原籍浙江上虞僑居大

興遂爲大興人嘉慶乙丑進士改庶吉士散館授編修
官至陝西榆林府知府卒於道光戊申年六十八先生
學識閎通饒著精博負重望者三十年所居在順治門
大街廳事前古榭一株天矯空際顏之曰蔭綠軒讀書
處曰治樸學齋朝野名流相見恨晚而身後遺書散佚
殆盡荃孫修順天府志採訪先生事實求傳志不可得
畿輔通志所采較詳而抵牾亦不免謹詮次如右以所
著書目附焉

乾隆四十六年辛丑先生一歲

五十四年己酉 九歲

應童子試學使者金士松取入邑庠

五十九年甲寅 十三歲

是年夢至一地境極清幽後謫伊犁住亦園與夢境
同

嘉慶五年庚申 二十歲

是年舉行 恩科中舉人房考檢討張問陶考官劉
權之英和陳嗣龍

七年壬戌 二十二歲

充宗學教習 陳安人來歸 山東城武丞甄女

十年乙丑 二十五歲

會試中進士房考 考官朱珪戴衢亨恩普英
和 殿試二甲第一名 朝考一等一名改庶吉士

十三年戊辰 二十八歲

授編修入直 南書房

十四年己巳 二十九歲

派入全唐文館 鈔河南志宋會要中興禮書

十五年庚午 三十歲

充文穎館總纂 成唐兩京城坊考五卷 簡湖南

學政 按庚午系更換學政之年清祕述間續湖南通志同畿輔通志列傳以為十四年誤

十七年壬申 三十二歲

為御史趙慎畛所糾謫戍伊犁 出嘉峪關過鎮西

府手搨裴岑紀功碑 按此搨本今歸書友章碩卿

十八年癸酉 三十三歲

到伊犁寓城南宣闔門南墉第三舍署曰老芙蓉庵

成館 撰新疆賦

十九年甲戌 三十四歲

冬與同成白泉觀察 朱爾廣額 射獵於二道河

二十年乙亥 三十五歲

將軍松文清公 松筠 於嘉慶七年蒞任十一年請修

通志未允因派知縣汪廷楷編纂事實是為初稿後

又屬郎中祁韻士排纂成書一十二卷名曰伊犁總

統事略十四年卸事十九年再任命先生重修因周

歷南北二路再加考訂 畿輔通志列傳云時奏修通志按松文清十一年請修通

志未允因輯總統事略命先生續編龍萬育西域水道記序尚云總統事略可證書成繕進 宣宗賜曰

新疆識略並無修
通志之事傳談

八月塔什巴里克莊阿璉孜牙

敦作亂殺伊勒百楚卡倫侍衛走出邊將軍督官兵
勤辦先生攝幕府旋禽孜牙敦於偽塔克山穴中事
平冬自伊犁赴喀什噶爾於沙圖阿璉軍臺度歲

二十一年丙子 三十六歲

正月五日度木素爾嶺由阿克蘇葉爾羌達喀什噶
爾假館參贊公所 秋復還伊犁先生攜開方小冊
置指南鍼記山川道里下馬錄之至郵舍則進僕夫
驛卒臺弁通事一一與之講求經年風土備悉 撰
西域水道記五卷漢書西域傳補注二卷

二十二年丁丑 三十七歲

與成都龍燮堂

萬壽

訂交

二十四年己卯

三十九歲

秋隨晉齋將軍

晉昌

校獵北山

在戌六年期滿蒙

恩釋放回籍

二十五年庚辰

四十歲

二月自伊犁歸經庫舍圖嶺手搦唐姜行本紀功碑
訪破城見唐金滿縣殘碑造象碣過煥采溝得漢永
和沙南侯獲碑過莫高窟得周聖曆李君重修莫高
窟佛龕碑元至正造象記於睡佛洞外得唐大曆李
府君修功德碑碑陰爲唐乾甯李氏再修功德記
冬十二月總統事略書成繕進

宣宗成皇帝垂覽

御製序文

賜名新疆識略以其書付 武英殿刊行因

召見奏對西陲情形甚悉

賞內閣中書

道光二年壬午 四十二歲

跋長春真人西游記

四年甲申 四十四歲

刻新疆賦成孫馨祖序彭邦疇作後序

五年乙酉 四十五歲

陳安人卒

九年己丑 四十九歲

刻漢書西域傳補注成張琦序

十五年乙未 五十五歲

泰輿陳東之潮烏程沈子敦堯客先生寓東之病歿

醫藥棺槨賙有加 子敦旋移館姚總憲元之寓

每出城詣先生爲招平定張石洲穆烹羊炊餅置酒

大嚼劇談西北邊外地理以爲笑樂

十六年丙申 五十六歲

選授禮部主事 作夢游圖記十三齡夢事

十八年戊戌 五十八歲

升鑄印局員外郎 撰唐登科記考三十卷自爲之

序 重九與龔定庵 自珍 吳虹生 葆晉 游西山

二十年庚子 六十歲

子敦卒 賜恤如東之

二十三年癸卯 六十三歲

授江西道監察御史轉掌江南道

二十四年甲辰 六十四歲

簡陝西榆林府知府 時李文恭公 星沅 巡撫陝西

與先生不合因乞病旋京

二十六年丙午 六十六歲

病痊坐補榆林府知府有政聲旋護延榆綏道再署

潼商道未幾致仕歸 畿輔通志列傳云擢延榆綏兵備道量移潼商按先生赴陝到

榆林府曾護延榆綏道復署潼商
即致仕歸並未擢兵備道傳誤

二十八年戊申 六十八歲

三月初一日先生卒

所著書目

新畧識略十卷 殿本 廠肆覆刻本

新畧賦二卷 道光四年刻本 元尚居本 上海袖珍本

西域水道記五卷 道光三年刻本 畿輔通志列傳云一卷誤

唐兩京城坊考五卷 連筠籒本 畿輔叢書本

唐登科記考三十卷 此書稿本為荃孫所得 王一梧師刻入南菁叢書 通志列傳云一卷誤

新斟注地理志集釋十六卷 此書稿本為姚方伯覲元所得 章碩卿大令刻之

漢書西域傳補注二卷 道光九年刻本 指海本 式訓堂通志列傳云後漢書西域傳補

注誤

元史西北地理考 見沈垚金山以東地理釋

西夏地理考 見沈垚與先生書

宋三司條例考一卷 見畿輔通志列傳 按傳云所著尚有長春真人西游記考按西游記本二卷

先生有跋非專書

明氏實錄注一卷 會稽趙氏叢書本

輯大典書

宋中興禮書二十四冊 此書稿本歸瑞安孫太常衣言

宋會典五百卷 此書稿本歸荃孫今歸廣雅書局

河南志三卷 此書稿本歸常熟師荃孫錄其副

宋元馬政考一冊 此書稿本歸荃孫

書楊爽泉大令逸事

貴筑楊爽泉增文權四川夾江縣知縣值咸豐己未庚申之際滇逆藍大順李永和等大小數十股縱橫猖獗環夾江州縣若丹棱若青神諸城皆相繼不守夾江以彈丸地當賊衝賊必欲得之凡大股薄城者三寇掠近村者五游騎蹂踐者不可勝數民習於承平未知兵革心怯甚大令隨方守禦遠聞諜清原野偃旗鼓以示不測閒出奇直擣往往斬其渠魁賊大窘去又嘗以重兵壓城東門鼓譟逾時大令帥眾於西門備之未幾果潛行而西未至城數十武城上礮石驟發殪賊無算賊技窮始遜偽帥段啟賢段啟智驍將也賊旣屢卻於我忿甚決意進取令啟賢等以大眾來攻大令一與戰察

其有降意因單騎入其營宣布

朝廷德意喻以利害啟賢兄弟伏地請死盡降其眾賊益奪氣頃之令其黨方占奎等以兵三千冒官軍旗幟聲言奉調將入省經數州縣以抵夾江大令察其偽陽爲置具供張而陰授段啟智方略盡縛之賓僚咸賀曰大功也卽不肯盡誅亦必馘六十始合例得優賞大令惻然曰此屬皆脅從也吾甘不獲賞忍戮無辜以自倖乎僅誅方占奎等四人餘悉遣散如降眾啟智今積功至提督矣啟賢尋卒大令起自諸生居家善讀書居官善治民卽其用兵亦豈尋常武人所可幾及哉

蕪風堂文集卷二

江陰繆荃孫

遼故城攷

遼太宗會同元年升幽州為南京

遼史太宗紀

又曰燕京

遼地理志聖

宗開泰元年改幽都府為析津府

遼聖宗紀

城方三十六里崇三

丈廣一丈五尺敵樓戰櫓具八門東曰安東迎春

按乘輅錄云幽州城

周二十五里東南曰水窗門疑有誤

南曰開陽丹鳳

王曾上契丹事云南有啟夏門

西曰顯西

清音北曰通天拱辰

遼地理志

按遼之故城即因唐藩鎮

琉璃廠在正陽門外

而乾隆間得李內貞墓志稱其地為燕

京東門外之海王村又今黑窩廠在永定門內慈悲庵而今

存遼壽昌慈智大師石幢亦稱為京東北盟彙編郭藥師襲

遼由固安渡瀘水奪迎春門陳於憫忠寺前是遼東門在閔

金太宗天會三年宗望取燕山府因遼人宮闕於內外城築

四城每城各三里前後各一門樓櫓墉塹悉如邊城每城之

內立倉廩甲仗庫各穿複道與內城通時陳王兀室及韓常

笑其過計忠獻王曰百年間當以吾言為信大金國志二十二及海

陵立有志都燕而一時上書者爭言燕京形勝梁漢臣曰燕

京自古霸國虎視中原為萬世之基日下舊聞攷四何十年

曰燕京地廣土堅人物蕃息乃禮義之所大金國志十三天德三年

始圖上燕城宮室制度三月命張養浩等增廣燕城城門十

三金圖經作十二東曰施仁曰宣曜曰陽春南曰景風金圖經作

景曰豐宜曰端禮西曰麗澤曰灝華曰彰儀北曰會城曰通

元曰崇智曰光泰金史地理志遂以燕為中都府曰大興定京邑

焉都城之門每一面分三門一正兩偏其正門旁又皆設兩

門正門常不開惟車駕出入餘悉由旁兩門焉

日下舊聞攷引金圖經

周圍二十七里樓壁高四十尺樓計九百一十座地塹三重

許元宗奉使行程錄

築城用涿州土人置一筐左右手排立定自涿至

燕傳遞空筐出實筐入人止土一畚不日成之

日下舊聞攷三十七引析

津志正隆四年二月丁未修

金海陵紀

至衛紹王時蒙古軍至乃命

京城富室遷入東子城百官入南子城宗室保西城戚里保

北城各分守兵二萬大興尹烏陵用章命京畿諸將毀各橋

梁瓦石悉運入四城往來以舟渡運不及者投之于水拆近

城民屋為薪納之城中蒙古兵攻城四城兵皆迭自城上擊

之蒙古兵凡比歲再攻不能克

大金國志二十二按金之都城因遼之舊周二十七里

至天德三年東南二面展築三里與四子城相屬外城包之
廣七十五里在今都城南面元代尚有遺址當時多謂之南
城而指新都為北城今就前人志乘文集碑刻所記準以現
在的地面參稽互審如憫忠寺昊天寺今在宣武門南與廣
門相近而元人皆稱為南城古蹟又今城外白雲觀西南有
廣恩寺即遼金奉福寺距西便門尚遠而金泰和中曹謙碑
記謂寺在都城內金天王寺即今天德寺在廣德門外稍北
而元一統志謂在舊城延慶坊內金圖經載都土地廟在舊
城通元門內通元乃金都城北門也而都土地廟在今宣武
門外西南土地廟斜街由此攷之則金故都當在今外城也
西以至郊外之地金蓋因遼舊城展拓其東北隅當與今都
城西南隅相接元王憚中堂事記云中統元年赴開平三月
五日發燕京宿通元北郭大日午憩海店距京城二十里海
店即今海淀許元宗奉使行程錄云自良鄉六十里至燕山
府燕山府八十里至路縣以道里核計則金之都城較今城
偏西南按蔡珪傳有兩燕王及太子丹之墓珪獨攷其非是
乃漢劉建及劉嘉之墓也大定九年詔改葬於城外劉頰傳
南苑有唐碑書貞元十年御史大夫劉忬墓世宗見之曰苑
中不宜有墓劉頰家本忬後詔賜忬錢二百貫令頰改葬於
城外據此二傳可見海陵築城時於遼故城之東南二面皆
大為增廣故兩燕王及劉忬墓舊時皆在城外者悉圍入城
中至大定始為遷出明太祖實錄云太祖令指揮某國診計

度南城周圍凡五千三百二十有八丈南城故金時舊基也
是金故城遺蹟明初尙有存者逮嘉靖時築外羅城而後遠
金城址遂茫昧不可復識矣 按大金國志金圖經皆言京
城門十二金史獨於北而多光泰一門攷北平圖經謂奉先
坊在舊城通元門內而析津志又謂在南城清怡門內二名
錯見疑清怡卽通元之別稱析津志亦作十二門至北日會
城通元崇智改門曰清怡日光泰明言清怡乃通元所改光
泰乃崇智所改也金史修時尤在國志圖經之後所言不足
據又核國志二十二有云大軍至昌平榜諭居民自爲計城
內外亂甚老弱奔號少尹張天和奏請京城一十八門隨方
便自門以出則是城有十八門不止於各書所載十三門十
二門也國志二十三又云十月十八日大軍至城下一屯大
安門十一月初一日攻順陽門南順門四會門此四門者他
書均不載不知爲各門之別名歟抑各門外另有此數門歟
至其子城有四皆在大城內如完顏律明請守大城用章希
古曰大城汗漫凡七十餘里如何去守設或不利必皆走入
小城所謂小城卽此四城也觀於大軍攻內城四城兵皆送
至自城上擊之則知此四城原爲護內城之用而金主亮復
築外城以包之今外城遺址已失
而四城地界方位更無從辨矣

元故城攷

元大祖十年克燕初為燕京路總管大興府元史地理志世祖中

統二年修燕京舊城元世祖紀至元元年都中都四年始於中都

之北建今城而遷都九年改大都元地理志城方六十里二百四

十步分十一門陶宗儀輟耕錄正南曰麗正南之右曰順承南之左

曰文明北之東曰安貞北之西曰健德正東曰崇仁東之右

曰齊化東之左曰光熙正西曰和義西之右曰肅清西之左

曰平則元地理志時詔舊城居民之遷京城者以貲高及有官者

為先仍定制以八畝為一分其或地過八畝及力不能築室

者皆不得冒據聽他人營築輟耕錄築城已周乃於文明門外

向東五里立葦場收葦以葺城每歲收百萬以葦排編自下

砌上恐致摧塌日下舊聞攷引析津志核析津志所言則元時都城乃用土築蓋至明初改築時始加

以甄也二十年修大都城二十一年五月丙午以待衛親軍葛

人修大都城二十九年七月完大都城元世祖紀成宗元貞二年

十月修大都城元成宗紀英宗至治二年七月修大都城元英宗紀順

帝至正十九年冬十月庚申朔詔京師十一門皆築甕城造

弔橋元順帝紀按元之都城視金之舊城拓而東北至明

故上城闕隆然墳起隱隱曲抱如環不絕傳為北城遺址而

野獲編謂今之鼓樓正在城北以為即元之前朝門夫元大

內實以太液池左右其前朝門不當在此日下舊聞攷云元

成京師有司定基正南慶壽寺海雲可庵二師塔敕命遠三

十步許環而築之慶壽寺今為雙塔寺二塔屹然尚存在西

長安街之北而吳師道城外紀游詩謂觀象臺泡子河俱在

文明門外則元時南面城根去東西長安街不遠攷明洪武

時經理元故都東西徑一千八百九十丈至永樂時拓南城

二千七百餘丈是由雙塔寺拓至宣武門幾及二里約四百

丈有奇重築南面一千八百丈東西各四百丈與二千七百

餘丈適合是為元城在雙塔寺之確證日下舊聞攷云

元張中丞養浩歸田類橐有登憫忠寺閣詩注北三十里為

大內與析津志北京志及元李濟孫大都賦所紀皆不合北
 三十里當是三里之訛耳據唐景福中重葺舍利記燕城東
 南隅為憫忠寺人北京志至元四年始定鼎於中都之東北
 三里夫中都本唐舊城遼金展拓不過數里見金蔡珪大覺
 寺記當時憫忠寺之在城東南如故也元都城周六十里以
 圍三徑一衡之城中南北相直應二十里加以新舊都城相
 去三里則憫忠寺距元之安貞門不過二十里焉有大內
 遠隔三十里者乎且元大內在太液池東為金萬壽宮苑地
 此外更無大內李濟孫賦曰揭五雲於春路迢萬寶於秋方
 則崇天門外東西坊也曰山萬歲之嶙峋冠廣寒之崢嶸池
 太液之浩蕩則指瓊花島也曰麗正之所包羅崇仁之所聯
 絡和義之所網羅安貞健德之所囊括則指都城各門也合
 城坊門間以觀其大內即近液池益
 信而揆以憫忠閣北三里約略相符矣

明故城攷

洪武初改大都路為北平府縮其城之北五里廢東西之北

光熙肅清二門其九門俱仍舊日下舊聞攷引寰宇通志大將軍徐達命

指揮華雲龍經理故元都新築城垣南北取徑直東西長一

千八百九十丈又令指揮張煥計度故元皇城周圍一千二

百六丈又令指揮葉國珍計度南城周圍凡五千三百二十

八丈南城故金時舊基也改元都安貞門爲安定門健德門

爲德勝門

日下舊聞引明太祖實錄

舊土城周圍六十里克復後以城圍

太廣乃減其東西迤北之半創包輒臂周圍四十里其東南

西三面各高三丈有餘上闊二丈北面高四丈有奇闊五丈

濠池各深闊不等深至一丈有奇闊至十八丈有奇城爲門

九南三門正南曰麗正左曰文明右曰順承北二門左曰安

定右曰德勝東二門東南曰齊化東北曰崇仁西二門西南

曰平則西北曰和義各門仍建月城外門十座

日下舊聞攷引洪武北平

圖經永樂元年正月禮部尙書李至剛等言自昔帝王或起布

衣平定天下或由外藩入承大統其於肇迹之地皆有升崇

竊見北平布政司實皇上承運興王之地宜遵太祖高皇中

都之制立為京都制曰可其以北平為北京府為順天府日

舊聞引成 四年閏七月建北京宮殿修城垣明史地理志十七年

十一月拓北京南城計二千七百餘丈實錄按元城京師

有司定基直慶壽寺即今雙塔寺在西長安街北距宣武門

幾及二里每里通為二百六十丈約四百丈有奇洪武經理

元故都新築城垣南北取徑直東西長一千八百九十丈是

明初南城自東至西長一千八百九十丈者也至永樂時拓

而南幾及二里不獨南面長一千八百九十丈之城固宜重

築而東西並宜各加四百丈有奇統而計之適得二千七百

餘 正統元年十月命太監阮安都督同知沈青少保工部尙

書吳中率軍夫數萬人修建京師九門城樓四年四月修造

京師門樓城濠橋閘完正陽門正樓一月城中左右樓各一

築文宣武朝陽阜成東直西直安定德勝八門各正樓一月
城樓一各門外立碑樓城四隅立角樓又深其濠兩涯悉甃
以甃石九門舊有木橋今悉撤之易以石兩橋之間各有水
閘濠水自城西北隅環城而東歷九橋九閘從城東南隅流
出大通橋而去自正統二年正月興工至是始畢

日下舊聞
引英宗實

錄更名麗正爲正陽文明爲崇文順承爲宣武齊化爲朝陽

平則爲阜成餘四門仍舊城南一面長二千二百九十五丈
九尺三寸北二千二百三十二丈四尺五寸東一千七百八
十六丈九尺三寸西一千五百六十四丈五尺二寸高三丈
五尺五寸堞口五尺八寸基厚六丈二尺頂收五丈

工部
志 嘉

靖二十一年掌都察院毛伯溫等言宜築外城二十九年命

築正陽崇文宣武三關廂外城既而停止三十二年給事中
朱伯辰言城外居民繁夥不宜無以圍之臣嘗履行四郊咸
有土城故址環繞如規周可百二十餘里若仍其舊貫增卑
補薄培缺續斷可事半功倍乃命相度興工

明典彙

閏月丙

辰兵部尙書聶豹等上言臣等於本月六日會同掌錦衣衛
都督陸炳總督京營戎政平江伯陳圭協理戎政侍郎許論
督同欽天監監正楊緯等相度京城外四面宜築外城約七
十餘里自正陽門外東馬道口起經天壇南牆外及李興王
金箔等園地至蔭水菴牆東止約計九里轉北經神木廠獐
鹿房小窰口等處斜接土城舊廣禧門基止約計一十八里
自廣禧門起轉北而西至土城小西門舊基約計一十九里

自小西門起經三虎橋村東馬家廟等處接土城舊基包過
彰儀門至西南直對新堡北牆止約計一十五里自西南舊
土城轉東出新堡及黑窩廠經神祇壇南牆外至正陽門外
西馬道口止約計九里大約南一面計一十八里東一面計
一十七里北一面勢如倚屏計一十八里西一面計一十七
里周圍共計七十餘里內有舊址堪因者約二十二里無舊
址應新築者約四十八里其規制臣等議得外城牆基應厚
二丈收頂一丈二尺高一丈八尺上用甄爲腰垛口五尺共
高二丈三尺城外取土築城因以爲濠正陽等九門之外如
舊彰儀門大通橋各開門一座共門十一座每門各設門樓
五間四角設角樓四座其通惠河兩岸各量留便門不設門

樓城外每面應築敵臺四十四座每座長二丈五尺廣二丈收頂一丈二尺每臺上蓋鋪房一間以便官軍棲止四面共計敵臺一百七十六座鋪一百七十六所城內每面應築上城馬道五路四面其馬道二十路西直門外及通惠河二處係西湖玉河水出入之處應設大水關二座八里河黑窖廠等處地勢低窪潦水流聚應設小水關六座城門內兩傍工完之日擬各蓋造門房二所共二十二所以便守門人員居處疏入得旨允行乙丑建京師外城興工遣成國公朱希忠告太廟敕諭陳圭陸炳許論及工部左侍郎陶尙德內官監右少監郭暉提督工程錦衣衛都指揮使朱希孝指揮僉事劉鯨監督工程又命吏科左給事中秦梁浙江道御史董威

巡視工程四月上又慮工費重大成功不易以問嵩等嵩等
乃自詣工所視之還言宜先築南面俟財力裕時再因地計
度以成四面之制於是嵩會圭等議覆前此度地畫圖原爲
四周之制所以南面橫闊凡二十里今既止築一面第用十
二三里便當收結庶不虛費財力今擬將見築正南一面城
基東折轉北接城東南角西折轉北接城西南角并力堅築
可以刻期完報其東西北三面候再計度以聞報允日下舊
聞攷引

世宗
實錄

重城包京城南一面轉抱東西角樓止長二十八里爲

七門南曰永定左安右安東曰廣渠東便西曰廣寧西便城
南一面長二千四百五十四丈四尺七寸東一千八十五丈
一尺西一千九十三丈二尺各高二丈堞口四尺基厚二丈

頂收一丈四尺四十二年增修各門甕城工部志四十二年六

月丁酉京師重城成日下舊聞引內外兩城計堞口二萬零

七百七十二堞下礮眼共一萬二千六百有二孫承澤春明

張四維京師新建外城記上臨御之三十二年廷臣有請築

京師外城者參之僉論靡有異同天子乃命重臣相視原隰

量度廣袤計工定賦較程刻日於是京兆授徒司徒計賦司

馬獻旅司空鳩役總以勳臣察以臺諫與夫庶司百職罔不

祇嚴乃遂畫地分工授規作則制緣舊址土取沃壤僚藩輸

鐵以贊工庶民子來而趨事會未越時而大功告成崇庫有

煥乎帝居之壯觀也夫易垂設險守國之文詩有未雨桑土

之訓帝王城郭之制豈以勞民所以固圉宅師以隆王者居

重之威以奠下民安土之業以絕奸宄覲饒之念此固乃聖

人因時之效不萬曆三十三年重修京城外城明神宗紀孫承宗重修

得不然者爾碑記維文皇帝念生齒滋繁比廬溢郭重茲庚戌之

世之安我世宗肅皇帝念生齒滋繁比廬溢郭重茲庚戌之

役詔從侍郎臣邦瑞議築外郭於三門凡以固圉宅師尊宸

極消姦萌也今皇上甲辰夏恆雨壞民廬舍無算城有圯於

是秋七月朔工部尙書臣某以災異上聞若曰天不忘根本肆不輯於兩城而孽於兩夫眾心爲城外頽中陷是且有土崩之象將無繡縱其闕而固吾圉也其何變之能圖蓋時報圯者方三百丈未甚也又旬日雨溢渠計圯都城且七百七十七丈有奇重城亦三百三十丈有奇而埤堦亭舍不與於是臣某再以數上聞若曰災不可玩備不可弛玩災弛備不可以○是時皇上方以帑金十萬理民廬舍疏入不卽問乃臣某再以修葺上聞若曰刻期我惟築無○徇故常而不慮事以授豈其不秋防是虞若猶是枕篆而不以聞也則少不遲卽剗戶而逸者四走無際宅其誰捍禦之其若掌故何定鼎來是壑是基勿壞方今千丈之瑕秋防之候卽三旬而成尙虞窺予況其平版幹稱畚築非卒辦也而繕司困憊曾餼糧之不具則登登之築無○泄泄也於是天子下其議停一切小修若曰上天示儆恆雨壞垣尙亟修之固我保障無怠無荒乃以繕部郎中臣某同員外郎臣某實專料理而科臣某臺臣某實專巡察時以行築者飭其不勉者蓋以八月趨事明年某月告成功日發丁男若干金錢若干天子重念勞人升賞各有差且詔臣某爲之記臣以爲城以盛民也我皇上先民居而後兩城其以鞏皇圖綏蒸民意深遠矣然威靈遐鬯夷裔率服方且極覆爲城極載爲池豈其介在藩籬是豐芑之謀不籍爲大耳不然百家之聚尙勤藩垣豈其根本天下而不以備然臣竊有警也昔我肅皇帝建永定外

邦而難其守臣謂守在城郭者危守在四夷者安守在民力者疏守在民心者密今天下浚膏實之而罷力築之則民不堪嘆溢災之而築鑿苦之則天且若甚忍於民夫民不堪將生心而天不忍或其末忘也我皇上揚於生心而幸是未忘必且以祖宗之德澤維法度而上為百姓守法下且為朝廷守國頃所為慎重而不輕用民意在斯乎夫慎重而不輕用民先王之所以為天下也臣謹稽首頓首而為之言銘曰皇明御宇奄有萬方燕畿奠鼎拊背扼吭文經武緯細大畢張是憑是式繫於苞桑泰有茹彙城有復隍天子曰吁其固我防乃度廣袤乃察相翔司徒計賦乃芻乃秣司馬獻旅乃穀乃揚司空鳩役乃飭乃獎萬雷奮萬雉雲長說以忘勞迄可大康天子曰都惟爾眾襄詞臣載筆後績用章小臣稽首日惟帝光匪城不易惟守未遑過城則傾恃城則亡於錄天帝賚比於金湯惟帝念功無怠無荒億萬斯年民說無疆天

啟元年十月給事中魏大中報京城濬濠工竣東便門池北員外郎何玉成監濬一百四十丈張時俊監濬一百五十三丈主事劉麟長監濬一百六十一丈主事張杰監濬一百五十五丈主事張泰階監濬一百四十五丈朝陽門池北主事

吳時亮監濬五百九十四丈東直門池北轉西主事陸之祺
監濬五百九十六丈安定門主事曾櫻監濬門東四百三十
丈門西一百六十丈安定門池西主事劉鱗長監濬二百六
十丈主事韋國賢監濬一百七十丈員外郎陸光熙監濬二
百三十九丈德勝門池西主事劉存慧監濬六百十九丈西
北角樓池南員外郎趙贊化監濬一百七十七丈西直門池
南主事張時俊監濬一百九十三丈主事楊師孔監濬四百
六丈八尺阜成門池南主事張杰監濬三百丈主事張泰階
監濬二百八十丈員外郎趙贊化監濬二百五十三丈西便
門至正陽門主事李養德監濬一千一百二十丈八尺一寸
正陽門至崇文門郎中吳叔度監濬四百九十五丈崇文門

至東便門郎中吳叔度監濬四百九十二丈重城員外郎林

宗監濬五千一百五十丈藏密齋集崇禎己卯二月內監曹化淳

議京城外開河以通漕糧自是年三月十九日起至辛巳六

月所開河自土城廣渠門起至大通橋運糧河北岸挑河長

三千八百六十二丈又東直門外關帝廟挑月河長二百七

十丈關帝廟至關帝廟大石橋挑河長三千一百五十一丈

命內監于躍為河工總理而以兵部司官輪督班軍共用班

軍二十三萬二千餘名五城兩縣募夫二萬九百餘名兵部

侍郎吳牲視工以為勞費無益且傷地脈抗疏止之夢餘錄

之幽州其址半在今城之西金展其南元拓其東北明縮其

北而復營其南於是吳天憫忠延壽竹林仙露諸寺向之限

於城外者今悉圍入城中自梁園以東至於神木廠舊所稱為郊外地者今並郊壇而悉為城內地矣

遼故宮攷

遼會同初受石晉獻幽州始至自南京備法駕入拱辰門御

元和殿行人閣禮又御昭慶殿宴南京羣臣遼史太宗紀按石晉纔以地

獻太宗駕至卽有元和昭慶等名則猶非遼所建之宮殿也蓋幽州自安史叛亂已稱大燕唐末劉仁恭復僭大號當時

創建必久有宮殿名遼特乃其舊耳大內在西南隅皇城內有景宗聖宗御容

殿殿東曰宣和南曰大內內門曰宣教外三門曰南端左掖

右掖門有樓閣毬場在其南東爲永平館皇城西門曰顯西

設而不開北曰子北西城巔有涼殿東北隅有燕角樓遼地理志

會同三年十二月丁巳詔燕京皇城西南堞建涼殿遼太宗紀統

和二十四年八月丙戌改南京宮宣教門爲元和左掖門爲

萬春右掖門爲千秋遼聖宗紀按紀云外三門爲南端亦似改名檢地理志惟云外三門曰南端

左掖右掖改左掖曰萬春右掖為千秋是重熙五年壬戌詔

修南京宮闕府署遼興宗紀大內壯麗遼史拾遺十四累代各有增飾宮

凡十各有門戶出兵馬阿保機曰洪按兵衛志作宏義宮德光曰承

興宮兀欲曰積慶宮述律曰延昌宮明記曰宣敏宮按禁扁作彰

突欲曰長監宮燕燕曰崇德宮隆緒曰興聖宮隆慶曰敦睦

宮隆運曰文忠王府契丹國志又有嘉監殿遼道宗紀清監五年十月朔辛

南京祭興宗仁政殿金世宗紀世宗嘗謂幸臣曰宮殿制度

於嘉監殿苟務華飾不必堅固今仁政殿遼時所

建全無華飾但見他處洪武殿日下舊聞放二十九孫承澤

歲歲修完惟此殿如舊洪武殿云遼之正殿曰洪武後之年

於此見大安殿日下舊聞放二十九朱昆田曰遼以大清涼

殿王士點長春宮遼聖宗紀統和十二年三月戊午幸南京

二京壬申如長春宮在長春州十二年三月入長春宮非南

京之長春宮攷史戊午幸南京壬申如長春宮戊午距壬申

僅十五日不應即至上京之永昌宮太和宮遼志延慶宮死

長春宮似應仍指南京而言遼景宗紀保五年春迎月樓遼天祚帝紀

和宮禁五鳳樓正月御五鳳樓觀鏡迎月樓乾統四年冬

十月御迎月樓賜貧民錢五花樓禁天膳堂乾文閣鳳凰門禁果園遼聖

開泰五年駐蹕南京幸內果園若夫梳妝一臺世豔稱之至指白塔寺為其

故址按野獲編云大內北苑中有廣寒殿者舊聞為郭律后

詩話云遼后梳妝臺址在太液池東小皆世俗傳聞未可為

據也山上一名瓊華島即今白塔址是也

金故宮攷

金太祖至燕京入內見大殿動搖出於城東紫村建寨遼史

二十未嘗營立宮室也熙宗時始詔盧彥倫營造燕京宮室金史

盧彥倫傳海陵欲遷都於燕迺先遣畫工寫汴京宮室制度至於

闕狹脩短曲盡其數北盟四引

梁漢臣充脩燕京大內正

木之費至二十萬舉一車

年起至貞元元年畢工凡

年死者不可勝計宮殿皆

由破汴都輦致於此攬轡巧凡

以先兆恢麗閎侈勞費以億

官駕始幸焉其皇城周九

橋燕石色如玉上分三道為御路亦闕以叔子兩傍

陽門按大金國志三十二宣陽門內城之南門

即登門路也門分為三中

行皆畫鳳用金釘釘之

大金國志三十三上有重樓制度宏
大三門並立中門惟車駕出入乃開

兩偏分雙隻
日開一門

過門有樓二一日文樓一日武樓文樓轉而東

曰來監館武樓轉而西曰會同館

北盟會編二百四十四云
館皆爲本朝使人設也

正北曰千步廊廊東西相對各二百餘間分爲三節節爲一

門第一門通街市第二門通毬場第三門通太廟

詳見
下將至

宮城東西轉亦各有廊百許閒馳道兩傍植柳廊脊覆碧瓦

宮闕殿門皆覆以碧瓦

金地
理志

端門十一楹曰應天之門

攬轡
錄金

地理志應天門舊名
通天門大定五年更

內城之正南門也門兩夾有樓如左右

昇龍之制東西兩角樓每樓次第攢三檐與夾樓接極工巧

北盟會編二
百四十五

樓高八丈四角皆堞樓瓦皆琉璃金釘朱戶五

門列焉常扁惟大禮祫享則由之東西相去一里許又各設

一門左曰左掖右曰右掖各有武夫守衛大金志門內有左右

翔龍門及日華月華門前曰大安殿金地理志按大安殿

甲子元日大安早朝詩云闕角蒼龍建斗杓衣冠萬國大安

朝使臣未入分班立殿陛先升掖笏招彩仗中開瞻北極丹

輝側畔聽簫韶太初甲子天元朔萬歲常瞻玉燭調金臺集

大安殿基今為酒家壽安樓日下舊聞攷引析津志壽安樓

在燕京皇城內東左右掖門內殿東廊曰敷德門金地理志

編二百四十四使人入左掖門直北正北列三門中曰粹英

循大安殿東廊後壁行人入敷德門金地理志金海陵紀貞元三年十

為壽康宮母后所居也金地理志金海陵紀貞元三年十

西曰會通門門北曰承明門又北昭慶門東曰集禧門尙書

省在其外其東西門左右嘉會門也門有二樓大安殿後門

之後也其北曰宣明門則常朝後殿門也金地理志北轅

門入左嘉會門趨而南至幕次少頃鳴鐘鐘罷衛士山呼百

官裏見有曳玉帶者五人先出後知為東宮親王平章令公

也頃之入宣明門次仁政門於隔門上面序立三節自東入
 拜於大甍上上有一品至七品黑漆黃字牌子蓋其朝序也
 一甍可容數百人編地制成龍鳳殿九楹前設露臺柱以文
 繡兩廊各三十間中有鐘鼓樓廊外垂金漆簾額飾以繡廊
 之西馬有鞞紅繡鞍者數匹乃高麗所進殿門外衛士二三
 百人分兩傍立盡戴金花帽錦袍宣明門外直至外廊外甲
 士青緇甲居左旗執黃龍紅緇甲居右旗執紅龍外廊皆銀
 槍左掖門入皆金槍人依一柱以立凡門屋下皆青隊執弓
 矢人數北曰仁政門傍為朵殿朵殿上為兩高樓曰東西上
 各有差閣門內有仁政殿常朝之所也金地理志 按仁政殿遼時
所建見遼故宮考 金章宗
 紀明昌四年八月國史進世宗實錄上朝服袍帶御仁政殿
 降座受之 金宣宗紀云至德元年九月御仁政殿觀朝
 內城之正東門曰宣華大金國志 金海陵紀 正隆 正西門
元年二月御宣華門觀迎佛 金衛紹王紀
 曰玉華拱辰乃內城之正北門也大金國志 崇慶元年七月有風自東
 來吹帛一段後朝門制度守衛一與宣華玉華等金碧翬飛
 墜於拱辰門國志 殿九重凡三十有六樓閣倍之正中位曰皇
 規模閎麗

帝正位後曰皇后正位位之東曰內省西曰十六位妃嬪居

之大金國志金圖經天德三年張養浩等又有常武殿熙金

宗紀貞元九月己未貞元殿御貞元殿受羣臣朝北平古今記

云自此以後即無貞元之稱或泰和殿金世宗紀大定二年

以海陵年號為嫌而改之也泰和殿正金世宗紀大定二年

和二年更名慶益殿紫極殿己酉朔大會羣臣于紫極殿

垂拱殿金世宗紀大定十四年神龍殿金世宗紀大定二十

臣朝復寔福安殿金世宗紀大定二十九年慶和殿金顯宗

於神龍殿福安殿正金世宗紀大定二十九年慶和殿金顯宗

二十五年冬十月庚戌朔宰相以下朝見於慶和殿金章

宗紀大定二十九年十一月詔立皇太孫稱謝於慶和殿金章

樞光殿金章宗紀明昌五年六月紫宸殿金章宗紀承安二

壽節御紫睿思殿金章宗紀承安二年臨武殿金章宗紀泰

宸殿受朝睿思殿八月詔對睿思殿臨武殿和元年五月

甲寅擊毬於臨武殿泰和八年十月魚藻殿金章宗紀泰和

一月癸卯朔御臨武殿試護衛

五拜天射柳四品以廣仁殿金章宗紀泰和七年正月王薰

上官侍宴魚藻殿風殿大金國志正隆三年五月上坐薰風殿命集賢殿宗紀

每三日一次於集賢清輝殿金太祖諸子傳世宗召皇慶春

殿受尚書省啟事殿金史完顏守道傳守道懇天香殿金史完顏匡傳完顏匡

絳霄殿翠霄殿大金國志二十五崇慶元年十一月大軍百

給四城閣分正隆殿北平古今記大安十六年春正月國主御

極二日受命於天既壽永昌三日天子之寶四日天子行寶

五日天子信寶六日皇帝之寶七日天子神寶八日御書之

寶九日皇帝恭膺天命之寶十日天下同文瑤光殿金章宗

二年六月詔罷廣武殿金地理志有廣武殿崇慶殿志又有

儀帝服袞冕御元和殿校此即遼熙春殿金顯宗紀顯宗臨

之元和殿非魚藻池之元和殿也

芳殿安仁殿隆德殿金地景明宮金章宗明昌五年永安

宮金世宗紀大定二十六年四月己未幸芳華閣大金國志

同輦過御龍橋見石如白雪歸而愛之原廟建於天德四年

其宮曰衍慶殿曰聖武門曰崇聖金禮志曰下舊聞攷引

修祭祀自平遼後所用執政大臣多漢人往往說天子之孝

廟貌雖具制極簡略迨亮徙燕乃築巨闕於南城西神御殿

之南千步廊之東東曰太廟標名曰衍慶之宮不承殿天

慶殿金禮志又云大定十七年正月詔於衍慶宮不承殿天

崇聖閣燕昌閣金禮志又云大定二十一年閏月昭祖

下明肅皇帝奉大安殿之北為東宮宮有承華殿金世宗紀

安崇聖閣下九年正月名太后宮曰仁壽二月更名隆慶至宣宗明昌西

至玉華門曰同樂園瑤池蓬瀛柳莊杏村盡在於是大金國志

拓同樂園詩晴日明華構繁英蕩綠波蓮邱滄海近春色上林多流水時雖逝遷鶯暖自歌可憐歡樂地鉦鼓散雲和

瓊林苑有橫翠殿德宮 金地理志有瑤光臺瑤光樓城北離宮

有大靈宮 校大靈宮大定十九年建後更為壽靈宮又更為壽安宮明昌

二年更為萬靈宮宮宮有瓊華島 金地理志高士奇金鼇退

歲之石金人載此石自汴至燕每上為廣寒殿 元遺山集云

池中皆疊石為之其巔古殿結構翔起周迴綉玉檻重階

而上榜曰廣寒之殿相傳遼太后梳妝臺 金鼇退食筆記

云今殘石壞礎猶刻妝臺在焉 校葛選祿適賢金臺集有妝

雲物及廣寒殿字 臺詩云廢苑鶯花盡荒臺燕

麥生韶華如逝水粉黛憶傾城野菊金鈿小秋潭玉鏡清誰

後妃嘗與章宗露坐上日二人上坐她應曰一月日邊明

上大說堯山堂外紀云章宗為李宸妃建梳妝臺於都城東

北隅今禁中瓊華島妝臺本金故物也目為遼蕭后梳蓬萊

妝樓誤析津志云妝臺在金故宮之西壽安酒樓之北

蓬萊

院大金國志永安三年春國主幸蓬萊院陳玉器及諸玩好

者未必作宣和作香閣金章宗紀承安四年三月戶部尚書

此以為陛下用耳香閣金章宗紀承安四年三月戶部尚書

始轉對瑞雲樓金楊伯雄傳海陵登瑞光樓中州集道陵

樓召趙風文瑞對賦詩以清字為韻濕暑不遣微雲點太清

正明藥珠宮關對蓬瀛已驟急雨銷殘暑不奏霓裳曲四海

歌謠即樂聲道陵讀至落句大加賞異手酌金鐘以賜且字

汝作酒直士林榮之宣和門謝祖廟還御宣和門寶昌門海

陵紀貞元三年登廣陽門金衛紹王紀至宣元年八月呼沙

寶昌門觀角觥廣陽門呼殺知大興府圖克坦南平刑部

侍郎圖克坦穆西橫門金章宗紀承安二年後國金章宗紀

延于廣陽門西五月幸東園射柳南園金章宗紀顯宗

園閱軍器後東園五月幸東園射柳南園金章宗紀顯宗

殿世宗至自京未入西園三月幸西園閱軍器熙春園金

國門先至熙春殿致奠西園三月幸西園閱軍器熙春園金

宗紀明昌三廣樂園以重五幸廣樂園射柳東明園大金

年幸熙春園廣樂園以重五幸廣樂園射柳東明園大金

承安三年賞菊於東明園見屏開畫宣和艮嶽間內侍余琬
對曰宣和帝運東南花石築艮嶽以亡其國先帝圖之以爲
戒宸妃怒曰宣和之亡不緣此石乃用童貫梁師成故南苑
爾蓋譏琬也宸妃鄭氏南宋華原郡王居中之曾孫
金史劉頰傳南苑有舊唐碑書貞元十年御史大夫劉忬墓
上見之日苑中不宜有墓以劉頰家本忬後詔賜頰錢二百
貫改西苑金章宗紀明昌元年三月擊毬於北苑金章宗紀
葬之西苑五月拜天於西苑射柳擊毬於北苑明昌五年
四月朔幸苑芳苑金章宗紀泰和二年環秀亭金章宗紀承安元
幸北苑芳苑正月幸芳苑觀鐙
觀城南行宮有建春宮金地理志金章宗紀承安元年二
稼春水名行宮曰建春日下舊聞攷云明昌五年正月幸城
南別宮所謂別宮者即承安時之建春宮也明昌在承安改
元之前是時尙有建春之名故燕京宮闕雄麗爲古今冠大
或稱別宮或稱行宮無定名焉
國志二貞祐初爲亂兵所焚月餘不絕使蒙以地理揆之金
十五貞祐初爲亂兵所焚月餘不絕使蒙以地理揆之金
大丙當在今廣(監)石安門外云日下舊聞攷按禁扁所載
故不錄
名目與汴京並稱無所分別

元故宮攷

至元十一年始大城京師於大興故城之北中為天子之宮

宮城周回九里三十步東西四百八十步南北六百十五步

崇三十有五尺輟耕錄二十一南臨麗正門麗正門內曰千步廊可

七百步建靈星門門外蕭牆周迴可二十里許大都宮殿考

宮遺錄俗呼紅門關馬牆門內有河河上建白石橋二座名周橋大都宮殿考

析津志周橋義或本於皆琢龍鳳祥雲明瑩如玉橋下有四

白石龍擎戴水中繞橋盡高柳鬱鬱萬株遠與內城西宮海

子相望度橋可二百步為崇天門故宮遺錄元祭祀志車

司備儀從內外仗侍祠官兩行序立于崇天門外宋髮崇天

門唱名詩云三月吉日當十三紫霧氤氳闐闐南天子龍飛

坐霄漢儒生鵠立耀冠簪黃麾仗內清風細丹鳳樓頭曉日

酬獨愛玉階階下草解將袍色染成藍薩都拉丁卯及第謝

恩崇天門詩云禁柳青青白玉橋無端春色上宮袍卿雲五色中天見聖澤千年此日逢虎榜姓名書敕旨羽林冠帶豎旌旄承恩朝罷頻回首午漏花深紫殿高門分爲五東西一據此元旦放榜謝恩亦於崇天門外云

百八十尺深五十五尺崇八十五尺左右趨樓二趨樓登門

兩斜廡十門闕上兩視皆三趨樓連趨東西廡各五間耕

錄故宮遺錄門分爲五總建闕樓其上翼爲回廊低連兩觀榜出爲十字角樓向上下三級兩旁各六午門百餘步有掖

門皆崇高閣內城廣以六七里方布四隅上皆建十字角樓其十字角樓卽趨樓也西趨樓之西有

塗金銅幡竿附宮城南面有宿衛直廬輟耕錄元世祖紀至元二十八年二月

建宮城南面周廬以居宿衛之士凡諸宮門皆朱戶丹楹藻繪彤壁琉璃瓦

飾檐隙崇天之左曰星拱三間一門東西五十五尺深四十

五尺崇五十尺崇天之右曰雲從制如星拱東曰東華輟耕錄

元世祖紀至元十九年五月乙酉宮城初建東西華左右掖門七間三門東西一百十尺深

四十五尺崇八十尺西曰西華制如東華北曰厚載五間一

門東西八十七尺深高如西華角樓四據宮城之西隅皆三

趨樓琉璃瓦飾檐脊星拱南有御膳亭亭東有拱辰堂輟耕錄

元順帝紀至正元年賜蓋百官聚會之所東南角樓東池北

文臣宴於拱辰堂即此有生料庫庫東為柴場夾垣東北隅有羊圈西南角樓南紅

門外畱守司在焉輟耕錄按畱守司在宮城西西華門南

有儀鸞局輟耕錄元世祖紀至元十一年二月西有鷹房

輟耕錄元武宗紀至大元年二月立鷹坊為仁虞院仁宗

紀至大四年二月罷仁虞院改置鷹坊總管府柯九思宮詞

云元戎承命獵郊坰收賜新羅白海青得雉歸來如奏凱天

鷲馳道入宮庭蓋元制冬春之交天子或親幸近郊縱鷹隼

搏擊以為游豫之度曰飛放又設獵戶俾致鮮食以薦宗廟

供天庖故置鷹坊以統之所管有鷹人蒙古語謂之錫寶齋

厚載門北為御苑外周垣紅門十有五內苑紅門五御苑紅

門四此兩垣之內也大明門在崇天門內大明殿之正門也

七間三門東西一百二十尺深四十四尺重檐輟耕錄元禮樂志上尊

號受朝賀前期二日儀鸞司設大次於大明門外傍建掖門大都宮殿攷左曰日精右曰

月華皆三間一門輟耕錄元禮樂志元正受朝尚引引殿前班皆公服分左右入日精月華門就起

居繞為長廡中抱丹墀之半右為文武樓與廡相連中為大

明殿故宮遺錄乃登極正旦壽節會朝之正衙也輟耕錄元世祖紀至元十八

年二月發侍衛軍四千完正殿二十一年正月帝御大明殿右丞相和爾果斯率百官奉玉册玉寶上尊號殿十

一間東西二百尺深一百二十尺高九十尺柱廊七間深二

百四十尺廣四十四尺崇五十尺寢室五間東西夾六間後

連香閣三間東西一百四十尺深五十尺崇七十尺青石花

礎白玉石圓礪文石贅地上藉重茵丹楹金飾龍繞其上四

面朱瑣窗藻井開金繪飾燕石重陛朱闌塗金銅飛雕冒中

設七寶雲龍御榻白蓋金縷褥輟耕錄故宮遺錄殿基高

繞直龍鳳白石闌闌下每楹壓以鼇頭虛出闌外四繞於殿

石龍雲花頂高可四尺楹上分間仰為鹿頂斗拱攢頂中盤

黃金雙龍四面皆緣金紅瑣窗開貼金鋪中設山字玲瓏金

紅屏臺臺上置金龍牀兩旁輟耕錄按朱彝尊

有二毛皮伏虎機動如生云前代未有帝后並

臨朝者惟元則然故諸王百僚怯辟官侍宴坐牀重列左右

大明殿亦設后位焉文類郭公守

前置鐙漏貯水運機小偶人當時刻捧牌而出輟耕錄元

敬于世祖朝進七寶鐙漏按元史志大明殿鐙漏之制高

丈有七尺架以金為之其曲梁之上中設雲珠左日右月雲

珠志下復懸一珠梁之兩端飾以龍首張吻轉目可以審平

水之緩急中梁之上有戲珠龍二隨珠俯仰又可察準水之

均調鐙毬雜以金寶為之內分四層上環布四神旋當日月

參辰之所在左轉日一週次為龍虎鳥龜之象各居其方依

刻跳躍鏡鳴以應干內又次週分百刻上列十二辰各執時

牌至其時四門通報又一人當門內常以手指其刻數下四

偶鐘鼓鈺鏡各一人一刻鳴鐘二刻鼓三鈺四木質銀裏漆鏡初正皆如是其機發隱於櫃中以水激之

瓮一金雲龍蜿蜒繞之高一丈七尺貯酒可五十餘石雕象

酒卓一長八尺闊七尺二寸玉瓮一玉編磬一興隆笙一耕

錄按興隆笙在大明殿下其制植象管於柔葦以象大龜土鼓二章橐按其管則簧鳴篋首爲二孔雀笙鳴機動則應而舞凡燕會之日此笙一前懸繡綠朱簾至冬月大殿則黃鳴眾樂皆作笙止樂亦止

貓皮壁幃黑貂褥錄大明殿後連爲柱廊十二楹四周金

紅瑣窗連建後宮廣三十步深入半之後有寢宮俗呼爲拏

頭殿東西相向至冬則自殿外一周皆籠護皮帳夏則黃油

絹幕內寢屏幃重複帷幄而後裏以銀鼠席地皆編細簞上

加深厚紅氈後露葺單宮後連抱長廡以通前門以貯妃嬪

而每院間必建三楹東西相向爲繡榻廡後橫互道以入延

春宮丹墀皆植青松卽萬年枝也置金酒海前後列紅蓮牀

其上爲延春閣大都宮殿考文思殿在大明寢殿東三間前後軒

東西三十五尺紫檀殿在大明寢殿西制如文思輟耕錄

攷文思紫檀二殿輟耕錄謂在大明寢殿之東西昭儉錄所

載與輟耕錄同惟蕭洵故宮遺錄謂在延春閣後與二書不

合攷禁扁注大明西曰紫檀東曰文思北曰寶雲此四殿爲

大內前位則當以輟耕錄爲是大都宮殿攷則昭故宮遺錄

之誤也蓋輟耕錄載延春門在寶雲殿後爲延春閣之正門

寶雲殿南卽大明殿東西卽文思紫檀二殿四殿相去不遠

長廊複道本自相通故宮遺錄以爲在延春宮皆以紫檀香

後與輟耕錄所載其詞雖殊推其方位自合

木爲之縷花龍涎香閒白玉飾壁草色糝綠其皮爲地表輟耕

錄元世祖紀至元二十八年三月發侍衛兵營寶雲殿在

紫檀殿元英宗紀至治二年閏月作紫檀殿

寢殿後五間東西五十六尺深六十三尺崇三十尺鳳儀門

在東廡中三間一門東西一百尺深六十尺高如之門外有

庖人室稍南有酒人室麟瑞門在西廡中制如鳳儀門外有

藏庫二十所鐘樓

又名文樓

在鳳儀南鼓樓

又名武樓

在麟瑞南皆五

間崇七十五尺嘉慶門在後廡寶雲殿東景福門在後廡寶

雲殿西皆三間一門周廡一百二十間崇三十五尺四隅角

樓四間凡諸宮周廡並丹楹彤壁藻繪琉璃瓦飾檐脊延春

門在寶雲殿後延春閣之正門也五間三門東西七十七尺

重檐懿範門在延春左嘉則門在延春右皆三間一門延春

閣

輟耕錄

昭儉錄在興聖宮後

九間東西一百五十尺深九十尺崇一百

尺三檐重屋柱廊七間廣四十五尺深一百四十尺崇五十

尺

輟耕錄

禁扁延春閣後曰咸寧堂之扁曰芳潤曰拱辰亭之扁曰碧芳

寢殿七間東西夾四

間

輟耕錄

元英宗紀延祐七年十二月作延春閣後殿故宮遺錄延春閣梯級由東隅而升長短凡三折而後登

雖主幽暗樹皆塗黃金龍雲冒以丹青絹素上仰亦皆拱
為鹿頂中盤金龍四周皆繞金珠瑣窗窗外繞護金紅闌干
凭望至為雄傑宮後仍為後杏閣一閣東西一百四十尺深
主廊后宮寢宮大略如前

七十五尺高亦如之重檐文石葺地藉花毳褥檐帷咸備白

玉石重陛朱闌銅冒楯塗金雕翔其上閣上御榻二柱廊中

設小山屏牀皆楠木為之而飾以金寢殿楠木御榻東夾紫

檀御榻壁皆張素畫飛龍舞鳳西夾事佛像慈福殿又名東

煖殿在寢殿東三間前後軒東西三十五尺深七十二尺耕

錄元史王結傳元統二年王結召拜翰林學士中宮僧尼于慈福殿作佛事已而殿災結言僧尼褻瀆當坐罪明

仁殿又名西煖殿在寢殿東制如慈福輟耕錄元許有壬進

講明仁殿景耀門在左廡中三間一門高三十尺清灝門在右廡

中制如景耀鐘樓在景耀南鼓樓在清灝南各高七十五尺

周廡一百七十二間四隅角樓四間玉德殿在清灑外七間

東西一百尺深四十九尺崇四十四尺飾以白玉甃以文石中

設佛像輟耕錄 元英宗紀延祐七年十二月鑄銅為佛像置玉德殿東香殿在玉德殿東

西香殿在玉德殿西宸慶殿在玉德殿後輟耕錄 禁扁清灑門西曰玉德後

日宸慶二殿內後位也九間東西一百三十尺深四十尺高亦如之中

設御榻簾帷綉褥咸備前列朱闌左右闌二紅門後山字門

三間東更衣殿在宸慶殿東五間高三十尺西更衣殿在宸

慶殿西制如東殿輟耕錄延春宮後有清監宮輟耕錄 元順帝紀皇太子常

坐清監殿分布長席列坐兩番高麗諸僧宮制略如前宮式後引抱長廡外護金

紅闌檻各植花卉異石皆以處嬖幸之屬又後為厚載門上

建高閣故宮遺錄 析津志厚載門禁中之苑圍也內有水碾引水自元武池灌溉種花木自有熟地八頃八頃

內有小殿五所上皆魏末相以耕徒於籍田也環以飛橋舞臺於前回闌引翼每幸

閣上天魔歌舞於臺繁吹導之自飛橋西升市人聞之如在

霄漢臺東百步許又有觀星臺臺旁雪柳萬株掩映左右臺

西為內浴室前有小殿由浴室而出內城臨海子廣可五六

里駕飛橋於海中西起瀛洲圓殿由瀛洲殿後北引長橋上

萬歲山故宮遺錄隆福殿在大內之西興聖宮前輟耕錄 禁扁

聖西曰寶慈東曰嘉德隆福宮正曰光天東曰壽昌西曰嘉

禧西位曰文德東位曰睿安 日下舊聞攷引昭儉錄儀天

殿西為木橋長百七十尺通興聖宮之夾垣 亦名曰隆福宮左右後三向皆為殿

殿殿東有沈香殿長廡環抱大都宮殿攷 元成帝紀至元三十一年五月改皇太后所居

舊太子府前南紅門三東西紅門宮各一繚以甃垣南紅門為隆福宮

一東紅門一後紅門一光天門光天殿正門也五間三門崇

三十二尺重檐崇華門在光天門左膺福門在光天門右各

三間一門光天殿七間東西九十八尺深五十七尺崇七十

尺輟耕錄元英宗紀延祐七年柱廊七間深九十八尺崇

五十尺寢殿五間兩夾四間東西一百三十尺崇五十八尺

五寸重檐藻井瑣窗文石螿地藉花毳褥懸朱簾重陞朱闌

塗金雕冒楯正殿縷金雲龍樟木御榻從臣坐牀重列前兩

旁寢殿亦設御榻褥咸備青陽門在左廡中明暉門在右

廡中各三間一門輟耕錄按楊仲宏集謂皇太后命改隆

隆福宮然攷禁扁隆福宮光天等殿皆在興聖之前輟耕錄

亦曰隆福殿在興聖前則隆福宮之即為隆福殿無疑特宮

殿皆可通稱耳且元史言隆福宮為皇太后所居舊太子府

所改則隆福宮與光天殿固一名也今從禁扁輟耕錄元史

為翥鳳樓在青陽南三間崇四十五尺驂龍樓在明暉南制

如翥鳳後有牧人宿衛之室壽昌殿亦曰東煖殿在寢殿東

三間前後軒重檐輟耕錄元泰定紀泰定元年三月癸亥修佛事於壽昌殿嘉禧殿亦

名西煖殿輟耕錄趙孟頫宮詞殿西小殿號嘉禧玉座中央靜不移讀罷經書香一炷太平天子政無為

中位佛像傍設御榻鍼綫殿在寢殿後周廡一百七十二間

四隅角樓四閒侍女直廬五所在鍼綫殿後又有侍女室七

十二間在直廬後及左右浴室一區在宮垣東北隅文德殿

在明暉外以楠木為之亦曰楠木殿三閒前後軒一閒輟耕錄

元泰定紀泰定元年七月作楠木殿東為睿安殿與文德殿相對鹿頂五閒在

睿安殿西北而光天殿西北角樓西後亦有鹿頂小殿輟耕錄

按禁扁注光天殿西位為文德東位為睿安攷諸書祇詳文德而睿安缺載今據禁扁補錄按鹿頂之制三椽其頂若箭

之平故名蓋東西二鹿頂也日下舊聞攷元仁宗紀延祐五年二月建鹿頂殿於文德殿後樓昭

儉錄光天殿之周廡四隅皆有角樓四開而其西廡中為明
暉門門外即文德殿其所載西北角樓西後有鹿頂小殿蓋
即延祐所建其地正當西位文德殿
之後與東位睿安殿後五間相配也香殿在宮垣西北隅三

間前軒一間前寢殿三間柱廊三間後寢殿三間東西夾各

二間輟耕錄元武宗紀至大元年八月李郝文宸庫在宮

垣西南隅酒房在宮垣東南隅內庖在酒房之北興聖宮在

大內之西北萬壽山之正西輟耕錄元武宗紀至大元年
二月建興聖宮為皇太后所居

丹墀內多桃李析津志建小直殿引濠河分流其下甃以白石

翼為仙橋四起瑣窗而抱綵樓樓後東西日月殿大都宮殿

扁輿聖宮西日寶慈東日嘉德興聖殿後日徽儀其北日延
華其東西日月殿或即寶慈嘉德而其後徽儀延華二殿輟

耕錄大都宮殿攷故後又有禮天臺高跨殿上稍東有流杯
宮遺錄皆不及載

亭宮四隅繚以周垣南闢紅門三東西紅門各一北紅門一

南紅門外兩傍附垣有宿衛直廬凡四十間東西門外各三
間南門外夾垣內有省院臺百司官侍直板屋北門外有審
花室五間東夾垣外有宦人之室十七間凌室六間酒房六
間南北西門外基置衛士之舍二十一所所爲一開外夾垣
東紅門三直儀天殿弔橋西紅門一達徽政院門內池北有
鹿頂房二各二間又北有屋二所各三間池南有庫一所及
屋三間北紅門外有臨行門一所三間此夾垣之北門也興
聖門與聖殿之北門也五間三門重檐東西七十四尺明華
門在興聖門左肅章門在興聖門右各三間一門興聖殿七
間東西一百尺深九十七尺柱廊六間深九十四尺寢殿五
間兩夾各三間後香閣三間深七十七尺正殿四面朱懸瑣

窗中設展屏榻張白蓋簾帷皆錦繡爲之其柱廊寢殿亦各

設御榻白玉石重陛朱闌塗金冒楯覆以白瓷瓦碧琉璃飾

其檐脊

輟耕錄 按禁扁云興聖宮正日興聖則興聖殿乃興聖宮之一殿也

宏慶門在東廡

中宣則門在西廡中各三開一門

輟耕錄 禁扁宣則北門日奎宣門之扁疑暉

樓在宏慶樓北五開東西六十七尺延顥樓在宣則南制如

凝暉嘉德殿在寢殿東三開前後軒各三開重檐寶慈殿在

寢殿西制如嘉德

輟耕錄 元文宗紀天曆元年十月命高昌僧作佛事於寶慈殿山字門

在興聖宮後延華閣之正門也正一開兩夾各一開重檐一

門置金寶瓶又獨腳門二周角以紅版垣延華閣五開方七

十九尺二寸重阿十字脊白琉璃瓦覆青琉璃瓦飾其檐脊

立金寶瓶單陛御榻從臣坐牀咸具東西殿在延華閣西左

右各五間前軒一間圓亭在延華閣後傍有芳碧亭圓亭東

三間重檐十字脊覆以青琉璃瓦飾以綠琉璃瓦脊置金寶

瓶徽青亭在圓亭西制如芳碧

輟耕錄

按日下舊聞攷云

昭儉錄延華閣在興聖宮後徽清亭在延華閣後圓亭之東與芳碧亭相對析津志繡女房牆外南牆內是圓殿一直板房前即延華閣西有婆羅樹徽清亭惟輟耕錄作徽青微異

塑佛像

元泰定紀至治三年十二月塑瑪哈噶拉

佛像於延春閣之徽清亭延春當作延華泰定紀誤

有鹿頂井亭二間又有鹿頂房三間畏吾兒殿在延華閣右

六間傍有管花半屋八間木香亭在畏吾兒殿後東鹿頂殿

在延華閣東版垣外正殿五間前軒三間東西六十五尺深

九十九尺柱廊二間深二十六尺寢殿三間東西四十八尺

前宛轉置花朱闌八十五扇殿之傍有鹿頂房三間庖室二

開面陽鹿頂房三間妃嬪庫房一間縫紉女庫房三間紅門
一面鹿頂殿在延華閣西版垣之外制同東殿東殿之傍有
庖室三間好事房二各三間獨腳門二紅門一妃嬪院四二
在東鹿頂殿後二在西鹿頂殿後各正室三間東西夾四間
前軒三間後有三椽半屋二間侍女室八十三間半在東妃
嬪院左西向半在西妃嬪院右東向室後各有三椽半屋二
十五間東鹿頂殿紅門外有屋三間鹿頂軒一間後鹿頂房
一間庖室一間在凝暉樓後正室五間前軒一間後披屋三
間又有鹿頂房一間鹿頂井亭一間周以土垣前闢紅門酒
房在宮垣東南隅庖室南正室五間前鹿頂軒三間南北房
各三間西北隅鹿頂房三間紅門一土垣四周之學士院在

奎章閣後四鹿頂殿門外之西偏三間

輟耕錄 昭儉錄奎章閣在興聖殿西廡

宣則天^曆初建奎章閣於西宮興聖殿之西廊為屋三間以

藏物中間諸官入直所北間南向設御座左右列珍玩命羣

玉內司掌之閣官署銜初名奎章閣隸東宮屬官後文宗復

位乃升為奎章閣學士院

輟耕錄 虞集奎章閣記天曆二年三月作奎章之閣備開燕之居

將以輯熙典學乃置學士俾頌祖宗之成訓毋忘創業之艱
難而守成之不易也又俾陳夫內聖外王之道興亡得失之
故而以自儆焉其為閣也因便殿之西廡擇高明而有容不
加飾乎采斲不重勞於土木不過啟戶牖以順涼燠樹皮閣
以棲圖書而已至於器玩之陳非古制作法度者不得在列
其為處也跬步戶庭之間而清嚴邃密非有朝會祀享時巡
之事幾無一日而不御於斯於是宰輔有所奏請宥密有所
圖維爭臣有所繩糾侍臣有所獻替以次入對從容密勿蓋
終日焉而聲色狗馬不軌
後改為宣文閣 大都宮殿攷 元
不物者無因而至前矣 史周伯琦傳至正
元年改奎章閣為宣文閣 生料庫在學士院南又南為鞍轡庫又南為軍

器庫又南爲庖人牧人宿衛之室藏珍庫在宮垣西南隅制

如酒室惟多鹿頂半屋三間庖室三間穀耕錄萬歲山在大內

西北太液池之陽金人名瓊華島至元八年改今名穀耕錄元世

祖紀中統四年春三月庚子伊克德勒丹請修瓊華島不從至元元年春二月壬子修瓊華島明王直紀略山皆奇石

曼成相傳金人取宋艮嶽石爲之至元增飾其山皆疊玲瓏加結構焉瓊島春陰爲燕京八景之一

石爲之峰巒隱映松檜隆鬱秀若天成引金水河至其後轉

機運剡汲水至山頂出石龍口注方池伏流至仁智殿後有

石刻蟠龍昂首噴水仰出然後由東西流入於太液池山前

有白玉石橋長二百餘尺直儀天殿後橋之北有玲瓏石擁

木門五門皆爲石色內有隙地對立日月石西有石棋枰穀耕

錄故宮遺錄由三門分道東又有石坐牀左右皆有登山

西而升下有金主圍棋石臺盤

之徑縈行萬石中洞府出入宛轉相迷至一殿一亭各擅一

景之妙山之東有石橋長七十六尺闊四十一尺半為石渠

以載金水西流於山後以汲於山頂也又東為靈囿奇獸珍

禽在焉又有廣寒殿在山頂七間東西一百二十尺深六十

二尺崇五十尺輟耕錄元文宗紀天曆二年冬十月戊申

作佛事於廣寒殿又按元好問遺山集瓊華

其脊多至元錢是金末已毀元時重建也李賢賜游西苑

記其頂有殿當中棟宇宏偉檐楹暈飛高插於層霄之上殿

內清虛寒氣逼人雖盛夏亭午暑氣不到殊覺曠蕩瀟爽與

人境異重阿藻井文石甃地四面瑣窗板嵌其裏徧綴紅雲

輟耕錄韓文賜游西苑記廣寒殿高而蟠龍矯蹇於丹楹

廣明靚四壁雕彩雲累萬結砌而成而蟠龍矯蹇於丹楹

之上輟耕錄故宮遺錄廣寒殿皆繞金朱瑣窗綴以金鋪

則用香木鑿金為祥雲數千

中有小玉殿

輟耕錄元世祖紀至元四年作玉

萬片撻結於頂仍盤金龍

殿於廣內設金嵌玉龍御榻輟耕錄元世祖紀至元三年

廣寒殿中四月五山珍御榻成置瓊華島

殿左右列從臣坐牀前架黑玉酒瓮一玉有白章隨其形

刻為魚獸出沒於波濤之狀其大可貯酒三十餘石輟耕錄元世

祖紀至元二年十二月瀆又有玉假山一峰玉響鐵一懸殿

山大王海成敷置廣寒殿之後有小石筍二內出石龍首以喚所引金水西北有廟堂

一開仁智殿在山之半三門崇三十尺輟耕錄元文宗紀至順元年夏四月命

西番僧作佛事於仁智殿金露亭在廣寒殿東其制圓頂尖上置琉璃珠

崇二十四尺亭後有銅幡竿一輟耕錄故宮遺錄方壺殿左為呂公洞右為幽邃洞上

數十步為玉虹亭在廣寒殿西制度同金露輟耕錄故宮遺錄金露殿由

東而上為玉虬殿殿前有石巖如屋每設宴必溫酒其中更衣方壺亭在荷葉殿後崇三十尺重屋八面無梯自金露前複道登焉輟耕錄按故宮遺錄云山半有方壺殿

四通左右之路幽芳翠草紛紛與松檜茂瀛洲亭在溫石浴
樹蔭映上下隱然仙島此作方壺亭微異

室後制同方壺玉虹亭前仍有登重屋複道亦曰綫珠亭荷

葉殿在方壺亭前仁智殿西北三間崇二十三尺方頂中置

塗金寶瓶園亭凡八面又曰懸粉亭在荷葉亭稍西蓋后妃

添妝之所也介福殿在仁智東差北東西四十一尺崇五十

二尺延和殿在仁智西北制如介福渾室在介福殿前牧人

之室在延和殿前三間庖室在馬潼前東浴室更衣殿在山

東平地三間兩夾輟耕錄 元世祖紀至元二十一年七月

錄山左數十步萬柳中有浴室前有小殿由殿後左右而入

為室凡九皆極明透交為窟穴至迷所出路中穴有盤龍左

底仰首而吐吞一九於上注以溫泉九室交涌香太液池在

霧從龍口中出奇巧莫辨小殿疑即更衣殿也
大內西周回若干里中植芙蓉輟耕錄 元掖庭記己酉仲

秋之夜武宗與諸嬪妃汎月

於禁苑太液池中月色射波池光映天綠荷含香魚鳥翠集
於是畫鷁中流蓮舟夾持往來便捷帝乃開宴張樂令宮女
披羅曳縠前爲八展按日下舊聞攷云元世池中有萬安宮祖曾命邱處機居太液

池之萬安宮今據補儀天殿在池中圓坻上當萬壽山十一楹崇三十

五尺圍七十尺重檐圓頂臺址甃以文石藉以花茵中設御

榻周闢瑣窗東西門各一間西北廁室一間臺西向列養甄

龕以居宿衛之士東爲木橋長一百二十尺闊二十二尺通

大內之夾垣西爲木弔橋長四百七十尺闊如東橋中闕之

立柱架梁於二舟以當其空至車駕行幸上都畱守官則移

舟斷橋以禁往來是橋通興聖宮前之夾垣後有白石橋乃

萬壽山之道也

輟耕錄 析津志元儀天殿西木弔橋在萬壽山之南興聖宮之東瓊華島之北犀

山臺在儀天殿前水中上植木芍藥御苑在隆福宮西后妃

多居焉香殿在石假山上

輟耕錄 韓雍賜游
西苑記稱賽蓬萊

三間兩夾二

間柱廊三間龜頭屋三間丹楹瑣窗間金藻繪玉石礎琉璃

瓦殿後有石臺山後闢紅門門外有侍女室二所皆南向並

列又後直紅門三三門之外有太子鄂爾多荷葉殿二在香

殿左右各三間圓殿在山前圓頂上置金寶瓶重檐後有流

杯池池東西流水園亭二

輟耕錄 故宮遺錄少東有流杯
亭中有白石牀如玉臨流小座散

列數多刻石爲水獸潛躍其旁塗以黃金又皆制水鳥
浮杯機動流轉而行勸罰必盡歡洽宛然尙在日中

圓殿

有廡以連之歇山殿在圓殿前五間柱廊二各三間東西殿

二在歇山後左右十字脊東西水心亭在歇山殿池中直東

西亭之南九柱重檐亭之後各有侍女房三所爲三間東房

西向西房南向前闢紅門三內立石以屏內外外築四垣以

周之池引金水注焉。棕毛殿在假山東偏。三閒後輟耕錄元泰定帝

紀泰定元年十二月新作棕殿成鹿頂殿三閒前啟紅門立垣以區分之少

西出掖門為慈仁殿大都宮殿攷丁亥帝御慈仁殿圭齋集至正二年七月樓

日下舊聞攷云龍光殿輟耕錄不載見王氏禁扁又有慈仁

慈德二殿注云三殿並巴延鄂爾多攷元史太祖后妃有四

鄂爾多四十餘人世祖鄂爾多四武又後苑中有金殿四外

宗鄂爾多一益后妃分居之地也故宮遺錄輟耕錄殿楹窗苑

盡植牡丹百餘本高可五尺扇皆裹以黃金故以名之苑

西有翠殿又有花亭毬閣殿前有野果名紅姑娘外垂絳囊

中空有桃子如丹珠味甜酸可食盈盈繞砌苑外重繞長廡

廡後出內牆外連海子以接厚載門大都宮如金脊殿元泰

泰定元年五月庚午作中宮金脊殿水精殿元泰定紀三年秋七月皇后欽明

殿元泰定紀四年八月宸德殿元順帝紀至正八年四月皇

殿庚辰作欽明殿成太子徙居宸德殿命有司修

葺龍光殿續文獻通攷至正八年永禪師入觀說法於龍光殿七寶殿瑤光殿通雲

殿凝翠殿紅鸞殿入霄殿五華殿德壽宮翠華宮擇勝宮連

天樓又有迎涼之所曰清林閣旁上二亭東曰松聲西曰竹

風又有溫室曰春熙堂曰九引臺者七夕乞巧之所也曰刺

繡亭緝裘堂者冬至候日之所也九龍墀延香亭春時宮女

傳杯於此拱壁亭又名夜光亭探芳徑旁為逍遙市又有集

賢臺集寶臺眺遠閣雷連館萬年宮並在禁苑元掖庭記

明故宮攷

明成祖初封於燕其邸即元故宮夢餘錄六其制社稷山川二壇

在王城門之右王城四門東曰體仁西曰遵義南曰端禮北

曰廣智門樓廊廡二百七十二間中曰承運殿十一間後為

圓殿次日存心殿各九間承運殿之兩廡爲左右二殿自存
心承運周圍兩廡至承運門爲屋百三十八間殿之後爲前
中後三宮各九間宮門兩廡等室九十九間王城之外周垣
四門其南曰靈星餘三門同王城門名周垣之內堂庫等室
一百三十八間凡爲宮殿室屋八百一十一間日下舊聞攷
三十三引明
太祖太宗登極後卽故宮建奉天三殿以備巡幸受朝永樂
實錄
十五年始改建皇城於東去舊宮里許悉如金陵之制夢餘
錄
明鑑永樂四年閏七月營北京宮殿以泰監侯陳珪董其役
宥雜犯死罪以下令輪作明史太宗紀永樂四年分遣大
臣采木於四川江西湖廣浙江山西所遣往四川之尙書宋
禮言有數大木一夕自浮大谷達於江天子以爲神名其山
曰神木山遣官祠祭內閣書目永樂十五年鼎建北京宮
殿有瑞霽浮空金水橋河冰凝結浮圖諸象又慶雲呈采圓
圖如日正當御座中宣現五色天花於是大
小臣工咸爲歌頌有聖德瑞應詩二十卷
其皇城外圍牆

三千二百二十五丈九尺四寸

錄餘

向南者曰大明門與正

陽門永定門直對

舊聞攷

長安客話凡國家有大典則啟大明門出不則常扇不開

明倫大典則聖

母將至禮部議由東安門入再議由大明左門入張璠曰稍天子必有母也焉可由旁門入乎聖母至由大明中門入稍

北過公生左門而向東者曰長安左門再東過玉河橋自十

王府西夾道往北向東者曰東安門

劉若愚酌中志

舊聞攷引成祖實錄東安門

外建十玉邸通為屋八千三百五十楹

轉而過天師菴草場轉西向北曰北安

門即俗稱厚載門是也轉而過太平倉迤南向西曰西安門

再南過靈濟宮灰廠曰長安右門

酌中志

長安客話每日百官奏進俱從二長安門

入守者常十數百人皆禁軍也

翰林

此外圍之六門也牆

角環紅鋪七十二處紅柵之內門之北則登聞鼓院在焉其

紫禁城外向南第一重曰承天門

酌中志

長安客話進大明門次為承天之門天街

橫互承天門之前 明憲宗實錄成化元年三月命工部尙

書白圭董造承天門 明宮史每年霜降後吏部等衙門朝

審刑部重囚在門前中甬道之西東西甬道之南 門內東太廟西太社太稷二重曰

端門三重曰午門 酌中志 翰林記本院朝房在午門外右

講讀官皆在焉詹事府朝魏闕西分曰左掖門曰右掖門轉

房在午門外右第十八區 湯幢小品新宮既遷舊內東華

而向東曰東華門 酌中志 湯幢小品新宮既遷舊內東華

德七年始加恢擴移東華門於玉向西曰西華門向北曰元

河之東遷民居於灰廠西之隙地 酌中志 明宮

武門 酌中 此內圍之八門也牆外環紅鋪三十六處 酌中志

史每晚有勛臣一員 每更官軍提銅鈴巡之而護城之河繞

在門左門內直宿 焉午門之內曰皇極門 夢餘錄 按皇極門舊名奉天門夢

災明史輿服志云帝以殿名奉天非題扁所宜用宜更定以

答天庥明年重建奉天門更名曰大朝門夢餘錄又云四

一年三殿成改奉天殿曰皇極殿門曰皇極門據此是奉天

門曾經改爲大朝門甫經一年又改爲皇極門也 明宮史

俗所謂羅兒天銅壺滴漏在此又舊聞攷引慈書云皇極門
 外兩廡四十八間除曠入開實四十間東二十間為實錄玉
 牒起居諸館及東閣會坐公指在焉西二十間為實錄玉
 錄上十間為諸王館下十間則會典諸館也左曰弘政門餘
 錄明宮史弘政門即東角門也嘉靖四十年改右曰宣
 東角門曰弘政門即東角門也嘉靖四十年改右曰宣
 治門也嘉靖四十年改西角門即西角門居西向東曰歸極
 門夢餘錄明宮史即右順門夢餘錄嘉靖四十年改右
 極門火延燒皇極殿等殿文昭武成二閣迴廊皆燼攻天
 啟七年修建極等殿成蓋歸極門當亦於此時竣工云居東
 向西曰會極門夢餘錄明宮史即左順門夢餘錄嘉靖四
 集云會極門凡京官皇極門內居中向南者曰皇極殿燕史
 上下接本俱於此處皇極門內居中向南者曰皇極殿燕史
 皇極殿舊名奉天殿明典彙奉天殿永樂十五年十一月建
 夢餘錄嘉靖三十六年奉天等殿災四十四年三殿成改奉
 天殿曰皇極殿舊問攷引明神宗實錄萬曆四十四年八
 日庚戌重建三殿熹宗實錄天啟五年八月戊戌皇極殿
 豎金柱九月甲寅門工成七年八月乙未中極殿建極殿插
 劍懸牌三殿開工自天啟五年二月二十三日起至七年八

月初二日報竣殿兩傍左向西者曰文昭閣酌中志明世宗實錄

文昭閣三朝野史崇禎十五年八月上御朝畢登文昭閣

閣在皇極殿東上步下閣御德政殿召五閣臣言文昭閣兩

傍可建直房朕不時召對及講讀有疑問先右向東者曰武

生往來亦便翼日遂於閣左右各設直房南北連屬穿空上有滲金

成閣酌中志明世宗實錄嘉靖南北連屬穿空上有滲金

圓頂者曰中極殿酌中志明世宗實錄四十一年九月三

日人君建中極殿乃敘賜錫福之基臣民會極歸極實欽若

從又之道特崇表正用迪訓行野獲編四太祖初定大朝

會正殿曰奉天殿門名亦如之其後文皇營北京遂仍其名

世宗更其名曰皇極而華蓋殿則曰中極謹身殿則曰建極

苑引慈書中左門之左有小廂房有扁曰德

西曰中右門再

北曰建極殿殿居中向後高距三纏白玉石闌干三上者雲

臺門也與乾清門相對兩傍向後者東曰後左門西曰後右

門即雲臺左右門亦名平臺

酌中志 明宮史凡召對閣臣等官或於平臺即後左門也又

召對記崇禎丙子八月十六

日上御平臺召諸臣入對 又東曰景運門西則隆宗門門

西向南者曰仁德門中則乾清門門外左右金獅各一門內

丹陛數重

酌中志 天啟宮詞注乾清宮丹陛下有老虎洞洞中發石成壁可通往來

其居中南

嚮者為乾清宮大殿

夢餘錄 明武宗實錄正德九年正月乾清宮火至十一年十一月乾清宮成

萬曆二十四年乾清宮又災至二十五年二月又建 按明

宮史云大扁曰敬天法祖崇禎元年八月初四日懸挂係司禮監掌印高太監時明筆以正殿扁殿左曰日精門右曰月

額令宦侍書之明之失紀創此可見 華門左小門曰龍光右小門曰鳳彩殿之東西有斜廊廊之

後左曰昭仁殿

酌中志 明史輿服志明初東為 德西為

暖閣曰

右曰德殿皆南嚮又小殿二左曰端凝殿

酌中志

殿尚冠等近侍所司御服

右曰懋勤殿

酌中志 明典彙嘉靖十四年秋乾清宮

袞冕玉帶等錢糧此

左右小殿成上命禮部尙書夏言擬額殿東貯冕弁西藏書
史言擬左曰端疑右曰懋勤上悅曰卿所擬取端冕疑旒懋
學勤政義甚善遣殿東西各有角門宮後披檐東曰思政軒
中使賜言金幣

西曰養德齋酌中志 明宮殿額名思政軒養德齋崇禎五
年四月添額 檄甫載云暖閣在乾清宮之後

凡九開有上有下上下共置牀二再北則穿堂居中圓殿曰
十七張天子隨時居廢制度殊異

交泰殿滲金圓頂如中極殿制再北曰坤宮皇后所居也

有中門向後閉而不開蕪史 明宮殿額名坤
宮嘉靖十四年七月添額宮左曰永

祥門宮右曰增瑞門夢餘錄 明宮史俱萬曆二
十五年二月十一日添額宮之東披

檐曰清暇居北圍廊曰游藝齋夢餘錄 明宮殿額名
俱崇禎五年十月添額宮之

後左曰景和門右曰龍福門再北右曰端則門左曰基化門

正中爲坤門 夢餘錄 明宮史坤
運門嘉靖十四年七月改曰坤門 乾清

宮後過日精門之東曰崇仁門原名迎
祥門稍南曰內東裕庫酌

志 夢餘錄 崇仁門稍南曰 曰弘孝殿 酌中志 明穆宗實

奉慈殿萬曆中改東裕庫 曰弘孝殿 錄隆慶元年三月更

名景雲殿 曰神霄殿 酌中志 夢餘錄 萬曆中改崇光殿為

慶時祀弘孝殿 穆宗母孝恪皇太后隆慶初祀 由日精門而

神霄殿萬曆三年俱遷附奉先殿二殿遂罷 明宮史日精門往北

北為東一長街曰順德左門 向南曰景和門今日順德左門

係嘉靖十再北向西與龍光門斜對者曰咸和左門 原名百

四年更額 向南者曰景仁宮 夢餘錄 明宮殿額 名景仁宮初名長壽

年五月更 其東則東二長街南首曰麟趾門 原名壽 北首曰

名景仁宮 麟趾門之東曰延祺宮 酌中志 明宮殿額

千嬰門 原名慶 麟趾門之東曰延祺宮 酌中志 明宮殿額

宮有集 曰怡神殿 酌中志 夢餘錄 怡神殿萬曆三十九年

瑞亭 曰怡神殿 四月十九日被燬萬曆四十二年五月二

日拆西城清虛 再東曰嘉德左門又東曰蒼震門 酌中志

殿添蓋連房 再東曰嘉德左門又東曰蒼震門 酌中志

制記略此門恆閉 咸和左門之北向西與景和門相對者曰

遇掃雪修造則開 咸和左門之北向西與景和門相對者曰

廣和左門向南者曰承

宮崇禎五年八月更承

齋西配殿曰明德堂俱

曰永和宮酌中志明

有小院名隆德齋嘉

靖十四年五月更名廣

曰大成左門酌中志長

酌中志夢餘錄咸陽

志又云鍾粹宮皇太子

曰景陽宮酌中志明

之北並列者則乾東之

所房其東後小門每月

四二十四日打掃凡有

局曰尚衣曰尚食曰尚

曰尚服曰尚寢曰尚宮

過月華門之西曰膳廚

配殿曰履仁齋西配殿曰一德軒後殿曰涵春室東曰隆禧

館西曰臻祥館殿門南為司禮監太監秉筆直房其後有房

數間倚隆道閣後為宮中膳房酌中志 燕史魏忠賢移膳房於怡神殿將此房亦改為

秉筆直房養心殿之西南曰祥監宮宮前向北者曰無梁殿酌中

燕史世廟烹煉丹藥之處其月華門之西南巍然者曰隆道制一木不有皆甄石砌成者

閣原名皇極閣後更道心閣至隆慶四年更此名酌中志 明穆宗實

錄隆慶四年二月命工部於道心閣精一堂臨保室舊址重建閣曰隆道堂曰仁德室曰忠義左曰仁蕩門

右曰義平門酌中志 夢餘錄嘉靖四十一年以閣之下曰會極門更仁蕩門歸極門更義平門

仁德堂酌中志 明宮史舊名精前曰仁德門 酌中志 明

十四年兩宮災後開此門出入至神閣之東曰忠義室 酌中

廟晚年移居乾清宮始開不恆開明宮史馮太監保李太監壽魏太監坤曾以室中小屋為直房至李永貞則據忠義室而居之室三間黃琉璃瓦甍背膜

牆其藻井梭閣之西南過義平門則慈寧宮也酌中志 世宗紀嘉靖

十七年七月癸慈寧宮花園有亭曰咸若亭又有橋橋南有

亭曰臨溪亭夢餘錄 由月華門而北為西一長街曰順德右門

再北向東與鳳彩門斜對者曰咸和右門原名廣安門向南

者曰毓德宮酌中志 明宮殿額名長樂宮更名毓德宮萬

廟自兩宮災後先移居於毓德宮其西則西二長街南首曰螽斯門北首曰

百子門西曰啟祥宮酌中志 明宮史原名未央宮世廟入

嘉隆間見錄嘉靖十四年五月建啟祥宮侍講學士廖道南

作頌以獻上優詔答之宮為獻皇帝誕降之地燕史 啟祥

宮神廟自兩宮災後遂居於此再西則嘉德右門舊名景 南為隆德殿夢餘

明宮史其兩楹杆插雲向南而建者隆德殿也舊名元極宮

隆慶元年夏更曰隆德殿供安元教三清上帝諸尊神萬曆

四十四年十一月初二日燬天啟七年三月初二日重修

崇禎遺錄崇禎六年乾清宮隆德殿所供神佛像盡移於朝

天宮大左曰有容軒右曰無逸齋東配殿曰春仁西配殿曰

隆善寺秋義再西北曰英華殿供安西番佛菩薩像殿前有菩提樹

二株婆娑可愛結子可作念珠又有古松翠竹幽靜猶山林

焉酌中志明宮殿額名英華殿先名隆禱殿隆慶元年更

為李太后所植太后上賓神廟上尊號天啟宮詞注英華殿前菩提樹兩株

曰九蓮菩薩祀慈容於樹北之別殿夢餘錄自嘉德右門之西向

南曰二南門門之北則八角井按明宮史云不堪

竟不堪其再北曰四德門再西曰咸安宮夢餘錄明宮史

咸和門之北向東與隆福門相對者曰廣和右門向南

者曰翊坤宮酌中志明宮殿額名嘉靖十四年五月更長春

曰永盛宮酌中志明宮殿額名嘉靖十四年五月更長春

長春廣和右門之北向東與端則門相對者曰大成殿右門

向南者曰儲秀宮酌中志明宮殿額名嘉靖十四年更壽昌宮曰儲秀宮又西二長街

之西曰咸福宮酌中志明宮殿額名嘉靖十四年更壽安宮曰咸福宮百子門之東並

列者則乾西之房五所夢餘錄明宮史其西後小門凡有

管啟閉東西二小門之外皆有皆在乾清宮以西坤盦宮之

後則宮後苑也欽安殿在焉供安玄天上帝夢餘錄明宮

足跡二傳云世廟時兩宮回祿之變玄帝曾立此默為救火

崇禎五年秋隆德英華殿諸像俱送朝天等宮大隆善等寺

安藏惟此殿有門曰天一之門嘉靖十四年又有門曰承光門

曰集福門曰延和門門以內為御苑苑內曰萬春亭曰千秋

亭酌中志按二亭曰對育軒酌中志按嘉靖十四年更玉芳軒曰清望閣

曰金香亭曰玉翠亭曰樂志齋曰曲流館皆萬曆十年曰四神

祠曰觀花殿酌中志明宮殿額名四神祠殿毀壘石為山

嘉靖十五年添額

嘉靖十四年

山中作石門扁曰堆秀山上有亭曰御景亭東西魚池各一

池上有亭東曰浮碧亭西曰澄瑞亭酌中志 按俱萬曆十一年添建東南

曰瓊苑東門西南曰瓊苑西門即東一長街西一長街之北

首也其南首則東西夾牆也後曰後貞門此外則武門矣

酌中志 燕史欽安殿後曰順貞門 其宮牆外則武門每夜更鼓在焉乾清宮門圍牆之內左

右廊房之嚮南半閒者曰東夾牆曰西夾牆自嘉德右門之

西曰太安門其外向西曰長庚門酌中志 志又云凡放夫

勞官人病故皆奏開此門以便出入自武門迤西可九閒自北而南過長橋

御酒房後牆曰長連凡三十九閒再前層曰短連凡三閒並

武門東通計之凡五十四閒總曰廊下家燕史 明宮史

長隨所住各有佛堂以供香火所栽棗樹其實甜脆異常眾長隨各以造麪做酒賃賣為生都人所謂廊下內酒是也凡

文書房並司禮監監官 皆在(玄)武門以內其坤(盃)門宮牆外

典簿各占過宿直房 近(玄)武門之東有更鼓房在焉則紫禁城之良隅也景運門

南嚮西者都知監直房隆宗門外嚮東者曰司禮監經廠直

房(盃)宮外向東小門之南曰北司房酌中志 志又云即文書房再南

曰司禮監管賞處酌中志 志又云即兩班四撥寫字所居再南曰外膳房再南

曰南司房即監宮典簿直房隆宗門外嚮西者亦監官之直

房也有井存焉再南為寶(盃)門門外迤西有大殿曰仁智殿

酌中志 明大內規制記略仁智殿在武英殿後俗所謂白虎殿是也凡大行皇帝梓宮停於此 四友齋叢說仁智殿

以處書士 明長紀孝宗嘗至仁智殿觀鐘欽禮作畫其西南曰御酒房西北曰馬監

酌中志 志又云馬監典簿奉旨問刑拷打東南曰思善門

內犯之所門外有二大椿俗云裏馬房也門外(弘)文館一名(弘)文閣舊聞攷 明仁宗紀洪橋西

有殿曰武英殿酌中志夢餘錄武英殿在右順門之西凡

宮故歷朝多居之而武英殿遂不復御明大內規制記略命婦朝賀中宮於此再西曰太庖廚曰

尚膳監酌中志及管理僉書掌司所居武英殿之西南曰御用裏監

酌中志志又云再東曰南薰殿燕史明宮史凡遇徽號

把總等官所居官篆寫金寶其由殿徑直而東則歸極門也有逍遙城在六

科廊後酌中志志又云此門西南疆礫之由歸極門裏向

西南入曰六科廊酌中志志又云東南兩房掌又由會極

門裏向東南入曰內閣酌中志志又云出會極門循東階

下有殿曰佑國殿酌中志志又云殿佑國殿之東則內承

運庫燕史明宮史銀兩表裏等錢糧藏貯之所兩庫之間

有槐一株自徽音門南望枝扶疏茂翠可愛有井甘

列可又東過一小石橋曰香庫燕史明宮史乃內府又稍

用燕史明宮史乃內府又稍

北有石碑曰古今通集庫酌中志 蕪史以照古今君臣再畫像符典籍歲六月六日曝之

北而南嚮曰東華門門內有橋橋北有樹二曰馬纓樹再北

曰馬神廟蕪史 明宮史御馬監該班官及良馬十餘匹在此又會極門迤東南嚮者

曰文華殿夢餘錄 水南翰記文華殿在奉天之東比諸殿制稍減而特精雅用綠色琉璃瓦左右為兩春坊

上之便殿所常御者殿之側有九五齋臨保室精一堂恭默也今用為經筵之所

室夢餘錄 夏言恭默室頌維皇作室九五之側皇錫之名是曰恭默恭默伊何曰惟思道無臭無聲至德之妙河有

龍馬洛有神龜鳳凰鳴矣離離皆按茲三圖聖王之瑞以開人文以來帝賚大哉聖心惟恭惟默與天同游懋建皇極

殿之後曰玉食館曰端敬殿夢餘錄 明神宗實錄萬曆二十七年四月建端敬殿

理辦房過小門西北曰省愆居蕪史 明宮史省愆居其制度用木為通透之基高三尺

餘下不余牆壁至地四圍亦不與別處接連凡遇天變災眚聖駕居此以示修省之意

廚內有井蕪史 明宮史每祭司井之神即於此井具儀祭之殿之西曰崇本門殿之

後曰刻漏房

夢餘錄 明宮史

又殿之東門向後者曰聖濟

殿夢餘錄

明大內規制記略聖濟殿

其前為徽音門左右

為關雎門

酌中志 愨書以慈慶宮為皇考舊居其後勛勤

壽殿前門微音改為麟祥燕翼

再入一重為麟趾門又一重為

慈慶門

燕史 愨書第二門麟趾改為重暉第三門慈慶改

攷所引愨書云徽音改為前星門第二重

左右為純禧門

酌中

愨書純禧左右門

其內則慈慶宮後改為端本宮

酌中志 愨書端本

宮在東華門內即端敬殿之東前庭甚曠長數十丈左為東

華門右為文華門光宗皇帝育宮時所居也天啟末懿安張

皇后移居於此名慈慶宮壬午八月懿安移居仁壽殿因改

為端本宮宮中設皇太子座畫屏金碧座左右二大鏡屏高

五尺餘左右各有連房七間門上各堆紗畫忠孝廉節故事

左七間即寢宮內有二雕牀右七間有稠紅寶座及奧室

宮內有仁殿規制曲折燕史 按宦游錄云宮制又後為

如常但連房曲室多耳

穿殿兩廡翼然有清正二軒又後則凝監門原各聚 又後為

龍圖門門內為奉宸宮又有迎禧宮後有承華門左為助勤

宮右為昭儉宮又後為麗園門麟趾門之東為掌印秉筆太

監直房燕史 明大內規制記 麟趾門之西轉角西嚮者曰

元輝殿再北曰御馬監直房酌中志 明宮史每日伺候御

進到大黑牛二隻再北曰御用等監庫再北而嚮南者曰寶

善門燕史 明宮史門之西舊有核桃棗樹數株乃二門內

迤東即慈慶宮後門門之外有井一味極甘冽酌中志 明

年北曰奉先殿即內太廟也街東曰隆祀門其內則外東裕

庫街西再北即蒼震門又街東西並列二門嚮西者曰履順

曰蹈和則一號殿仁壽宮之門夢餘錄 黃忠端說略楊大

沈氏宮女表二

早

號又有喊鸞宮階鳳宮夢餘錄明宮史凡先朝有名封之

其居中之門則蓮華門也自寶善至蓮華門有巷皆可通夢餘錄明宮史凡先朝有名封之

武門云蕪史俗名此巷為狗兒灣

紫禁城之外自北安門裏街東曰黃瓦東門街南曰尙衣監

夢餘錄明宮史掌造御用冠冕袍街北曰司設監夢餘錄明宮

史所職掌者鹵簿儀仗圍幙褥墊各宮冬再東曰酒醋麪局

曰內織染局曰皮房紙房曰鍼工局曰巾帽局曰火藥局夢餘錄

錄明宮史即兵再東稍南曰供用庫曰番經廠曰司苑局

曰鐘鼓司夢餘錄明宮史掌管出朝鐘鼓凡聖駕朝聖母

迎導宮中升座承應凡每年九月登高聖駕幸萬歲山端午

闕龍舟插柳歲暮宮中驅籬以及日月蝕救護打鼓皆本司

職再南曰新房曰都知監曰司禮監夢餘錄明宮史每日

掌奏文書自御書親批數

木外皆眾太監分批
遵照閣中票來字樣
曰御馬監再南曰杆子房曰北膳房曰

南膳房曰暖閣廠曰明器廠曰混堂司
夢餘錄 明宮史曰
職司沐浴堂子

尚膳監曰百花房曰印綬監曰中書房曰蹴圓亭曰內承運

庫
夢餘錄 舊聞攷內承運庫在東下馬門其職掌庫藏在
宮內者謂之裏庫其會極門寶善門迤東一帶及南城養

器等庫謂
之外庫總名之曰東河邊過東上北門之東曰彈子房曰

學醫讀書處曰光祿寺街南曰篋頭房
夢餘錄其東則東安門

也
酌中志自東上南門之東曰重華宮制度如乾清宮有中路

有兩長街中路曰永昭門曰昭祥門曰端拱門曰昭德門曰

重華門曰廣愛門曰咸熙門曰肅雝門曰康和門曰麗春門

殿曰重華圓殿曰清和閣曰迎春館東長街曰廣順門曰中

和門曰景華門曰宣明門曰景明門曰洪慶門殿曰洪慶殿

夢餘錄明大內規制記略供番佛之所西長街曰興善門曰麗京門曰長春門

曰清華門曰高明門曰監福宮嘉福宮明德宮永春宮永監

宮延禧宮延春宮宜春宮夢餘錄明宮史凡妃嬪皇子皇女之喪皆於此停靈旁有

膳房又有門曰景和門又東則內承運庫自東上南門池南

街東曰永泰門門之內街北則重華宮之前門也其東有一

小臺臺上有小亭一再東南則崇質宮俗云黑瓦殿是也酌

志舊聞攷明英宗北還其南街之東則皇史宬酌中志

居崇質宮謂之小南城史宬在重華殿西建於嘉靖十三年門額以史為叟以成為

歲按歲與盛同義莊子以匡歲矢說文曰歲屋所容受也

明大內規制記略云史宬珍藏大祖以來御筆實錄典籍石

室金匱史書今攷史宬之制四周上下俱用石養舊藏永樂

大典有左右二門曰觀歷夢餘錄以龍為觀皆再東則追

於此先閣有明世宗紀祖德詩碑又東為欽天閣有世宗御製欽

天頌碑再南則御前作也

夢餘錄 舊聞攷去菖蒲河牛郎橋不遠臨河有地名大院子應即

御作也

由皇史宬之西過觀心殿射箭處稍南有門曰蒼龍門

其南則昭明門其西南則嘉樂館也其北曰丹鳳門門列金

獅二內有正殿曰龍德

酌中志 明英宗實錄初上在南內悅其幽靜既復位因增置殿宇其正

殿曰龍德

吳伯與內南城紀略自東華門進至麗春門凡

里許經

慶廠歷皇史宬門至龍德殿隙地皆種瓜蔬注水

負窰宛

左殿曰崇仁右殿曰廣智正殿後為飛虹橋

夢餘錄

若村舍

史橋以白石為之鑿獅龍龜鱉魚蝦海獸水波洶湧活躍如

生云是三寶太監鄭和自西洋得之非中國石工所能製者是中國補造屢易屢泐

橋之南北有飛虹戴鼈兩坊東西

有天光雲影二亭又北壘石為山山下有洞曰秀巖山上有

圓殿曰乾運

酌中志 燕都游覽志有洞嵌石壁壁上刻秀巖二字石磴數十級有方邱焉最上為乾運殿

古松大相覆之

其左右二亭曰凌虛曰御風山後有佳麗門又後為

永明殿最後為圓殿引流水繞之曰環碧夢餘錄眉公見

游幸南城演馬召諸輔再東曰玉芝宮夢餘錄嘉靖辛卯上

臣環碧殿賜宴即此野獲編初世宗之建世廟也先名世室以奉皇考

玉芝宮野獲編初世宗之建世廟也先名世室以奉皇考

獻皇之祀既以世字礙後世稱宗改建獻皇帝廟至嘉靖四

十四年舊廟柱產芝後殿曰大德殿又有殿曰景神殿曰永

上大悅更名玉芝宮孝殿外券門曰寶慶門其前曰芝祥門其東牆外則觀心殿

也夢餘錄按明英宗實錄所載南城尙自皇史宬東南有

門通河夢餘錄明宮史是河從北安門外文昌宮迤東步

門橋下至長安左門外河上有閣曰湧福閣酌中志夢餘錄

池東之玉河橋出焉錄澄輝閣萬曆

三十年四月二十九日更湧福閣沿河稍北則呂梁洪東安橋再北有亭居

橋上曰涵碧酌中志舊聞攷東安橋北又有又北則回龍

觀在焉其殿曰崇德者是也酌中志夢餘錄崇德殿即回

龍觀萬曆二十八年六月拆去

蓋造觀心殿修補乾運殿燕都游覽志回龍觀多海棠旁
有大角亭每歲花開時上臨幸焉野獲編南城宮殿初制
亦有首門二門以及兩掖門二門內亦有前後兩殿其他離
宮以及圓殿石橋皆復辟後所增飾湧幢小品其中翔鳳
等石闌干景帝方建隆福寺內官悉取去又伐四圍樹木其
皇甚不樂既復辟下內官陳謹等於獄尋增置各殿為離宮
者五大門西向中門及殿南向每宮殿後一小池跨以橋池
之前後為石壇者四植以枯松最後一殿供佛甚奇古左右
回廊與後殿相接蓋仿大內為之明英宗實錄天順三年
十一月工成雜植四方所貢奇花異木於中每春暖花開命
中貴陪內閣儒臣宴賞皆在河以東河東又有玩芳亭有桂香館有翠

玉館有浮金館有擷秀館有聚景亭有含和殿有秋香館有

左右漾金亭蓋皆為南城離宮云舊聞北安門內街東曰安

樂堂酌中志夢餘錄再南黃瓦西門之裏則內官監也餘

錄明史職官志掌木石瓦土塔材東行西行油漆婚禮火

藥十作及米鹽庫營造庫皇壇庫凡國家營造宮室陵墓并
銅錫妝奩器用過北中門迤西則白石橋萬德寶殿明世宗
暨冰窖諸事

靖四十四年十二月定新建萬德寶殿名中曰壽憩左曰福

舍右曰祿舍明宮殿額名云萬德寶殿萬壽二十九年添

蓋佛殿三十年額曰祖師殿大高元殿西苑齋宮獨大高

按酌中志夢餘錄均作萬福殿元殿以有三清像至今崇奉尊嚴內官

宮婢習道教者俱於其中演唱科儀炁音真閣胡音靈軒

象一宮皆供奉釋道處又有始陽齋無上閣舊聞攷桂洲

上閣左象一宮殿門前有二亭制極巧中官呼為九梁十八

在無上閣右其殿之北則裏冰窖也過北中門之南曰壽皇殿左

柱舊聞攷曰毓秀館右曰育芳亭後曰萬福閣其上曰臻福堂明宮殿

額名作臻祿曰永禧閣明宮殿額名其下曰聚仙室曰延靈閣曰集

仙室均萬曆十三年建曰北果園酌中志西元集萬歲山

植奇果名殿之西門內有樹一株挂鐵雲板年久樹長銜雲

百果園板於樹幹中露十之三殿東曰永壽殿酌中志慈書永壽

殿在觀德東南內多

牡丹芍藥旁有石壁立色甚古曰觀花殿酌中志夢餘錄觀花殿萬壽三

多曰集芳亭曰會景亭曰玩春樓酌中志萬壽四十年四月二十

入日更其下曰壽安堂曰觀德殿觀德殿亦射箭處也酌中志

夢餘錄觀德殿萬壽二十八年五月添蓋慈書山左寬曠

為射箭所故名觀德崇禎癸未九月召對萬歲山觀德殿出

東華門入東上北門繞禁城行夾道皆槐樹十步一株折而

西則萬歲山在望矣復折而北入山左裏門上御觀德殿皇

太子侍立諸臣趨過承壽殿至觀德殿階下上御坐張金字

屏書一小賦門外張黃幔對畢賜茶餅有頃駕興入武門

諸臣仍與御馬監西門相對皆在萬福閣東萬福閣西曰永

安亭曰永安門乾祐閣下曰嘉禾館曰乾祐門與慶閣下曰

景明館外為山左裏門山右裏門酌中志明宮殿額名山

年八月添牌正中而巍然聳峙者為萬歲山酌中志蕪史土渣

有煤誤矣明宮殿額名崇禎七年九月量萬歲山上樹

自山頂至山根斜量二十一丈折高一十四丈七尺

木鬱蔥鶴鹿成羣有亭五出鑄秀亭夢餘錄 按明宮殿額

八年更玩景亭二十九年再更毓秀亭據此則玩芳玩日壽

景流秀本為一亭夢餘錄誤分為二合計此山有五亭日壽

春亭日集芳亭酌中志 夢餘錄壽春亭集芳日長春亭日

會景亭亭下有洞日壽明洞山之前日萬歲門再南日北上

門左日北上東門右日北上西門西可望乾明門東可望御

馬監也再南過北上門則紫禁城之(玄)武門矣

自西北上門過西上南門向東日御用監夢餘錄 明宮史

房等官有母象九隻各居一御用監有象房掌

房缺則奏於外象房請補 又南向西日銀作局再南過橋

日靈臺酌中志 郭守敬行狀大德二年起靈臺水運渾天

鑄渾天儀以測沿河西岸而南日寶鈔司酌中志 蕪史其

星度觀靈氣焉有泡稻草池池名日象山 自西中門之西日尙寶監日鷹

積成臥象形因名日象山

坊司再西出西苑門池南東嚮曰灰池曰樂成殿有泉確水

磨夢餘錄西元集樂成殿左右楹各設龍牀殿後小室亦設龍榻皆宣皇游歷處殿右有屋設石磨二石確二下激

湍水自動田穀成於此春治故曰樂成明河之西土坡之

宮殿額名樂成殿萬卷三十一一年七月添扁

上曰昭和殿酌中志西元集從樂成殿渡橋轉南一徑過黃屋旁有水田村屋先朝嘗於此閱稼焉李賢賜游西苑

記南臺林木陰森過橋而南有殿面水曰昭和門外有亭臨岸沙鷗水禽酌中志按擁翠宮疑即擁翠亭

如在鏡中曰擁翠宮李賢賜游西苑記亭臨水曰擁翠又作湧翠燕都游覽志其北濱池曰趵臺酌中志金鼇

一亭額曰湧翠則御駕登龍舟處燕都游覽志南臺在太液池之南舊為南臺一日趵臺燕都游覽志南臺在太液池之南

踞地頗高頰眺橋南一帶景物其門外一亭不止八角柱拱攢合極其精麗北懸一額直書趵臺燕都游覽志三字

降臺而下左右廡宇各數十楹不施窗牖曰澄淵亭酌中明典禮志嘉靖十三年九月西苑河東又北曰紫光閣夢餘

亭榭成上規定額昭和殿前曰澄淵亭錄金鼇退食羊記紫光閣由太液池西南隄循池而北舊有臺高數丈中作圓頂小殿用黃瓦左右各四楹接棟稍下瓦皆

碧南北垂接斜廊懸綬而升面若城壁下臨射苑皆設門牖
有馳道可走馬明武宗築以闕射者名曰平臺後廢臺改爲
紫光閣向北門外卽金龍坊明時五日幸西苑闕龍
舟於紫光閣前看御馬勇士馳驟往來走解躡柳
再西曰

萬壽宮曰壽源宮 夢餘錄 野獲編 上既遷西苑號永壽宮
不復視朝惟日夕事齋醮辛酉永壽火復

暫徙玉熙殿又徙元都殿俱湫隘不能容萬乘時分宜首揆
請移駐南城上以當時遜位受錮之所意甚惡之然是時方

興三殿大工縣官匱乏無暇他營華亭爲次揆卽對云今徵
到建殿餘材尙多頃刻可辦且薦司空雷禮材請足任此役

上大悅立命華亭子璠以尙寶司丞兼營繕主事督其役不
三月工成上大悅卽日徙居賜名曰萬壽後堂曰壽源宮

夢餘錄萬壽宮嘉靖四 曰五福殿曰承祐殿左祐祥殿右祐

十二年九月更恩壽宮 曰五福殿曰承祐殿左祐祥殿右祐

殿曰龍吉齋 酌中志 夢餘錄龍禧殿嘉靖四十二年 曰鳳

祥館 酌中志 夢餘錄鳳祺館嘉靖四十二年 曰昭祥閣 酌

志 夢餘錄福祥閣嘉靖 曰朗瑞居 酌中志 夢餘錄 曰曜

四十二年二月更昭祥閣 曰朗瑞居 祿康寓更朗瑞居 曰曜

曦門 酌中志 夢餘錄曦福門嘉 曰耀朗門 酌中志 夢餘

靖四十四年三月更曦門 曰耀朗門 錄朗祥門嘉靖

嘉靖

四十四年三月更耀朗門曰含祥門曰成瑞門曰永和門曰永順門曰永

綏門曰永祉門曰納康門曰長監門曰凝一殿其東曰萬春

宮曰含春殿酌中志 按吉和稿云四十年已建萬春宮至是三宮欽定萬和萬華萬監而不言含春殿

曰萬和宮曰萬監宮曰萬華宮曰御饌庖曰體仁門曰履康

門曰啟泰門曰納福門曰安泰門其西曰仙禧宮酌中志 夢餘錄仙

禧宮更曰仙樂宮酌中志 夢餘錄曰仙安宮酌中志 夢餘錄仙安宮

千秋宮曰仙明宮酌中志 夢餘錄仙明宮更干安宮其朝東

景宮曰仙明宮酌中志 夢餘錄仙明宮更干安宮其朝東

南起有十九門曰常一作長監門酌中志 夢餘錄行慶門嘉

日常和門曰常善門曰常耀門曰金監門即授衣酌中志 夢餘錄嘉

靖三十七年二月授衣門更金監門曰攸順門曰攸利門曰金靜門曰金瑞門

曰宣惠門曰靜安門曰壽康門即灌木酌中志 夢餘錄嘉靖三十七年灌木門

更壽曰常靜門酌中志 夢餘錄嘉靖三十日壽安門酌中

康門曰常靜門七年二月 錫斯門更常靜門志

夢餘錄嘉靖三十日廣成門酌中志 夢餘錄嘉靖三十日東和

三年正月添造 門其南曰陽德門曰永光門曰嘉安門其東曰柏木殿曰旋

坡臺燕史作旋磨臺 即兔兒山顯揚殿也酌中志 李默游西內記

見昭光殿常侍曰此兔兒山也按昭光殿宮史作顯揚殿

微異 金鯨退食筆記兔兒山在瀛臺之西由大光明殿南

行疊石為山穴山為洞東西分徑紆折至頂殿曰清虛俯瞰

都城歷歷可見砌下暗設銅甕灌水注池池前玉盆內作盤

龍昂首而起激水從盆底一竅轉出龍吻分入小洞復由殿

側九曲注池中喬松數株參立古藤縈繞懸蘿下垂池邊多

立奇石一名小山子又小蓬萊其前為曲流觀甃石引水作

九曲流觴皆雕琢奇異布置神巧明嘉靖時復葺鑿戒亭取

殷鑒之義又南為瑤景翠林二亭古木延翳奇石錯立架石

梁通東西兩池南北二梁之間曰旋磨臺螺盤而上其巔有

甃皆陶埏雲龍之象相傳世宗禮斗於此臺下周以深塹梁

上玉石欄柱御道鑿團龍至今堅完如故老盤云明時重九

或幸萬歲山或幸兔兒山清虛殿登高宮眷內臣皆著重陽

景菊花補服喫迎霜兔菊酒 西河詩話曾見山東徐登

瀛一詩其頷句云結客暫回梁父轍求仙不上埤兒山人不
識埤兒所出後余入都相傳舊西內有大光明殿前有假山
陸從名兔兒山集良石堆埤成洞壑偏插峰嶂頂構廢亭而
加以重屋卽世宗焚錄際斗之地則意兔兒者埤兒之誤山
前有旋磨臺如輦帶圍繞由庫而登逐步漸登恍履平地舊
時高盡處猶蕉心中凸聳以重臺今亦亡矣老宮監住此者
云客魏時宮人忤意者安置此地死相枕籍洞中骨髮穢積
此又在酌中志之外者第締構過整洞必雙穿峰不單峙則
宮殿規制與
外稍殊耳
臺上七層有牌額曰玉光曰光華曰華輝曰輝

真曰真境曰境仙曰仙臺有迎仙亭酌中志 夢餘錄旋坡

四柱方亭一座萬曆四牌坊二南曰福巒北曰祿渚曰朝元

十年九月添迎仙亭牌酌中志 明宮殿額名朝元曰景德殿酌中志 夢餘錄

館酌中志 嘉靖四十五年五月建曰景德殿酌中志 萬曆二十八年十

月添酌中志 金龍退食筆記大光明殿在西造曰大光明殿酌中志 安門內萬壽宮遺址之西地極敞豁門曰

登豐前爲圓殿高數十尺制如圓邱題曰大光明殿西殿
河詩話舊西內有大光明殿亦名圓殿是明世宗鍊真處殿
前門曰登豐曰廣福曰廣和曰廣監二重門曰玉宮曰昭祥

日凝瑞左曰太始殿右曰太初殿殿前有亭曰宣恩亭曰響

社亭曰一陽亭曰萬仙亭亭後有門曰永吉門曰左安門曰

右安門曰太極殿酌中志 野獲編嘉靖四十年謝天賜丸藥於太極殿曰統宗殿曰

總道殿曰天元閣酌中志 金龍退食筆記大光明殿中為麗半倍於圓殿皆覆黃瓦瓷以青琉璃下列文石花礎作

龍尾道丹楹金飾龍繞其上四面瑣窗藻井以金繪之白石

帝相傳明世宗與陶真人講內丹於此閣下曰闡元保祚酌

志 明宮殿額名其帝師堂積德殿壽聖東嚮外有二門曰

天平曰豐和曰無逸殿酌中志 野獲編嘉靖時建無逸殿於西苑翼以幽風亭蓋取詩書義以

重農務而時率大臣游宴其中又命閣臣李時翟鑾輩坐講

事酌中志修即於其地營永壽宮雖設官如故而主上所創春祈

秋報大典悉遣官代行撰青詞諸臣雖係直於無逸殿之旁

廬而屬車則絕跡不復至其殿惟內直工匠寓居彩畫神像

並裝潢渲染諸猥事而已至甲辰年翟鑾坐二子中式破議

鑿辨疏以日直無逸為辭時上奉道已虔惟稱上之高之及
舊名無齒及者矣世宗上賓未期月西苑宮殿悉毀惟無逸
至今存至尊於西成時開亦御幸內臣各率其曹作打稻之
戲凡播種收穫以及野饁農歌徵糧諸事無不入御覽蓋較
上耕藉田時尤詳云今上甲申乙酉閒無逸燼於火輔臣申
吳縣等奏皇祖作此殿欲後世知稼穡艱難其慮甚遠曰幽
非他游觀比宜以時修復上深然之今輪奐尚如新也
風亭酌中志御對錄幽風亭正面用甄寫刻大字題幽風
二十一年上元上御幽風亭酌中志落成殿酌中志明世廟聖
賜朱希忠等五臣宴觀燈曰落成殿政紀要嘉靖十年八
月帝御無逸殿之東室曰西苑舊宮是朕文祖所御近修葺
告成欲於殿中設皇祖位祭告之祭畢宜以宴落成之落成
之名想取諸此蓋是殿其在河之西岸金石橋之北向南曰
當即無逸殿之東室也

玉熙宮

酌中志金鼇退食筆記玉熙宮在西安門裏街北
金鼇玉竦橋之西明世宗嘉靖四十年十一月辛亥

萬壽宮災斲御玉熙宮神宗時選近侍三百餘名於玉熙宮
學習官戲歲時升座則承應之各有院本如盛世新聲雍熙
樂府詞林摘豔等詞又有玉娥兒詞京師人尙能歌之名御
製四景他如過錦之戲約有百回每回十餘人不拘濃淡相

開雅俗並陳又如雜劇古事之類各有引旗一對鼓吹送上
 所扮備極世閒騙局俗態并拙婦駸男及市井商賈刁賴詞
 訟雜耍諸項蓋欲深宮九重之中廣識見博聰明順天時恤
 民隱也水嬉之製用輕木雕成海外諸國及先賢文武男女
 之像約高二尺彩畫如生有鬚無足而底平下安卯栴用竹
 板承之設方木池貯水令滿取魚蝦萍藻實其中隔以紗障
 運機之人皆在障內游移轉動一人鳴金宣白題目代為問
 答惟暑天白晝作之以銷長夏明愍帝每宴玉熙殿作過錦
 水嬉之戲一日宴次報至汴梁失守親藩曰承華殿即迎翠
 被害遂大慟而罷自是不復幸玉熙宮矣
 殿酌中志明英宗實錄天順四年九月新作西苑殿宇軒
 館成苑中舊有太液池池上有蓬萊山上命即太液池東
 西作行殿二池西向東有亭三曰澄波亭酌中志金鼇退
 對蓬萊山者曰迎翠食筆記迎翠殿在
 池西東向臨水有亭曰澄波嘉靖時更建浮香寶月二亭東
 望萬歲山倒懸於太液波光之中黛色嵐光可掬可挹今惟
 短垣曰寶月亭酌中志夢餘錄寶月曰芙蓉亭酌中志
 而已曰寶月亭嘉靖十一年三月建曰芙蓉亭夢餘錄浮
 香亭嘉靖十三年建三曰清馥殿酌中志金鼇退食筆記
 十年六月更名芙蓉亭曰清馥殿清馥殿度金鼇玉竦橋轉
 北明世宗所建常奉輿獻太后來游前有翠芬錦殿外有門
 芳二亭荷花盛開紅衣翠蓋澄漪倒水恍如蓬壺

曰仙芳門曰丹馨門

酌中志編擬道雷軒無跡可問惟清馥殿則整

麗如故外門曰仙芳曰丹馨內亭曰錦芳曰翠芬

流泉石梁頗甚幽致則丹馨乃門名非殿名也

有亭二曰

錦芳曰翠芬

酌中志嘉隆間見紀嘉靖十二年四月上幸西苑召張孚敬等同游御清馥殿翠芬亭賜茗

酒錦囊詩扇紅藥花製古樂

府五七言絕句各一章命和又有門曰長春門曰昭馨門曰

瑞芬門曰馥景門曰仙芳門曰馥東門曰馥西門又有亭曰

映輝亭

酌中志

明宮殿額名映輝亭嘉靖二十二年四月更騰波亭三十五年五月更滋祥亭萬曆三十年七

月更香

曰澄碧亭

酌中志

明宮殿額名澄碧亭嘉靖二十年七月更飛騰亭三十年五月更湧福

亭據此澄碧飛騰本自

又有殿曰騰禧殿即黑老婆殿

酌中志

夢餘錄天鷲殿嘉靖二十五年七月拆蓋騰禧殿牌

金鼇

退食筆記騰禧殿在旃檀寺西覆以黑琉璃瓦明武宗西幸

宣府說晉王樂效劉良女姿容婉麗善詠

遂載以歸居騰禧殿俗呼為黑老婆殿 傍有古井曰王媽 媽井河之上游有倒影入水如城闕龍宮者曰乾德殿即俗

稱北臺是也高出雲表下瞰衢陌建自萬曆年閒天啟時毀

之即其處為嘉樂殿酌中志明神宗實錄萬曆二十九年

其工至三十年四月道楠上言三殿兩宮高不過一十二丈

今臺高八丈一尺加以殿宇又復數丈其勢反出宮殿之上

禁中豈宜有此閩史授遺乾祐閣宮中謂之北臺高八丈

餘廣一十七丈磴道三分三合而上俯臨閭井繁猥畢見欽

天監言風水不利議毀之天啟元年十一月十三日工部疏

請得旨時高工部道素初授虞衡司主事於次日始督拆北

臺明宮殿額名萬曆三十三年八月更乾德殿為乾德閣

天啟元年八月毀之四年五月添建嘉豫殿按嘉豫殿當

即嘉樂殿也其門為延景門牌坊二南曰福渚北曰壽岳又有殿

曰壽源即太素殿

明宮史明英宗實錄天順四年上命即

而飾以堊曰太素

明宮殿額名太素前有溥恩門又有門

殿嘉靖四十三年七月更殿名為壽源

明宮殿額名旁有正心齋

二曰素左門曰素右門

明宮史天啟六年塞之

持敬齋後有歲寒亭

明宮史金龍退食筆記五龍亭舊為

太素殿創於明天順年在太液池西南

向後有草亭畫松竹
梅於上曰歲寒亭
門左有軒曰臨水軒有亭曰會景亭後

改建亭五中曰龍澤亭左曰澄祥亭曰滋香亭右曰湧瑞亭

曰浮翠亭即今河中之五龍亭也
酌中志 金鼇退食筆記 五龍亭朱簾畫棟照耀漣

漪從玉鍊行者遙望水次 丹碧輝映疑是仙山樓閣又有洞三上洞曰龍壽中洞曰玉

華下洞曰游仙以上俱萬曆三十年秋添建再西則內教場

也曰振武殿
酌中志 夢餘錄 振武殿 萬曆二十九年四月添造曰恆裕倉曰省斂亭

稍南臨河有坊曰引祥橋
燕史作余祥 橋余音引其東則北關口也
酌中志

志 金鼇退食筆記 禁城內西海子古燕京積水潭也源出 西山神山一畝馬眼諸泉繞出 甕山匯為七里梁入都城由

北安門外藥王廟西橋下入皇城自北關 口延互大內出大通河轉漕亦賴其利 關口有亭曰湧玉

亭
酌中志 明宮殿額名 北關 口亭嘉靖十三年更湧玉亭 有殿曰洪應殿
酌中志 明 世宗實錄 嘉

靖二十二年四月新
作雷霆洪應殿成
曰壇城曰轟雷軒曰嘯風室曰噓雪室

日靈雨室曰耀電室曰清一齋曰寶淵門曰靈安堂曰精馨

堂曰馭仙次日輔國堂曰演妙堂曰入聖居自北閘口迤南

東岸曰船屋乃冬日藏龍舟之所亦名藏舟浦酌中志金

藏舟浦自瓊華島東麓過石橋由陟山門折而北循岸數百

步有水殿二共十六間一藏龍舟一藏鳳舸舟首尾刻龍形

上結樓臺以金塗之備極華麗又浦繫五六小舟岸際有叢

竹蔭屋浦外一亭今皆荒廢水部備考方船制長十丈九

尺闊二丈九尺五寸為方形嘉靖十七年於禁苑成造以備

御用置鴨居之龍鳳船肖龍鳳形飾以五彩置鴨二處居之

采蓮船係司苑局有弘濟神祠酌中志明典彙嘉靖十五

於采鮮所用者有弘濟神祠酌中志明典彙嘉靖十五

湧泉亭以祀宣靈弘濟之神水府之橋之南亦有船屋焉再

南曰元熙殿舊為凝和殿酌中志明英宗實錄上命即太

日凝和夢餘錄凝和殿嘉靖二十三有亭二左曰擁翠亭

年更惠熙殿四十二年三月更元熙殿

右曰飛香亭酌中志夢餘錄飛香亭

萬曆三十年更元濶亭

再南曰陟山門通裏

冰簷者也又西馬頭曰龍淵亭

酌中志 明宮殿額名嘉靖二十二年更匯玉清西龍淵

亭曰念善館又有(之)雷居舊為遠趣軒

酌中志 夢餘錄遠趣軒更神應軒又更

居(之)雷 又有亭曰龍湫亭又再南巋然若山者曰廣寒殿即俗

云蕭后梳妝臺也

酌中志 野獲編大內北苑中有廣寒殿者舊闢為耶律后梳妝樓今上已卯歲端

午前一日遺材盡倒梁上得金錢百二十文蓋厭勝之物其

文曰至元寶號此號為元世祖紀元可見非契丹所建明甚

四隅各有亭左曰玉虹曰方壺右曰金露曰瀛洲山半有三

殿中曰仁智東曰介福西曰延和下臨大液池 夢餘錄 雍賜游西苑

記又北行至圓殿歷階而登殿之基與睥睨平古松數株其

高參天其西以舟作浮橋橫互池而北則萬歲山在焉北度

石橋登山山在池之中壘石為之山之麓以石為門門內稍

高有小殿琴臺棋局石林翠屏分布森列峰有最奇者名翠

雲上刻御製詩沿西坡北上有虎洞呂公洞仙人菴又上有

延和有瀛洲有金露折而東上絕頂則廣寒殿也下至玉虹又

則左右廣寒池有橋曰太液橋其牌坊曰堆雲曰積翠燕史

而奇特者也

都游覽志太液池在子城西乾明門外周遭凡數里其源自

玉泉山合西北諸水流入都城德勝門匯為積水潭名海子

至北安門水關流大西苑人呼西海子金鼇退食筆記有

亭八面內外皆水曰臨漪亭其北別駕一梁自承光殿達瓊

華島制差小南北亦峙又再南曰圓殿即承光殿也甄砌如

華表曰積翠曰堆雲

城牆亦有雉堞以磴道分上之上有樓閣古松松乃數百年

物霜葢蚪枝式如偃蓋凡枝之垂者皆以杉木撐柱之明宮

金鼇退食筆記承光殿在金鼇玉竦之東園以圓城設以睥

睨自西掖洞門而升中構金殿穹窿如蓋華棖綺牖旋轉迴

映俗曰圓殿外周以廊向北金鼇垂出垣堞間甚麗昔有古

松三株枝幹槎枒形狀偃蹇如龍奮爪拳空突兀天表金元

舊物也此乾明門之西也其石梁如虹直跨金海通東西之往

來者曰玉河橋有坊曰金鼇曰玉竦酌中志金鼇退食筆

跨石梁約廣二尋修數百步兩崖窮翬出水中鯨獸楯欄皆

白石鑄鏤如玉中流駕木貫鐵緯丹檻擊之可通巨舟東西峙

華表東曰玉
煉西曰金鼇池西南又有一山與萬歲山差埒最高處為鏡

殿皆金元時所造再南曰五雷殿卽椒園也亦名蕉園酌中志

甫田集芭蕉園在太液池東崇臺複殿古木珍石參錯其中又有小山曲水實錄成於此焚稿松檜交翳中

有一殿曰崇智殿酌中志金鼇退食筆記芭蕉園自太液

翠果樹分羅中崇闔廣砌一殿穹窿以黃金雙龍作頂纓絡懸綴雕欄綺窗朱檻玉檻望而傲豁舊曰崇智殿殿後藥欄

花圃有牡丹數十株左曰迎祥館右曰集瑞館又有太立亭問法所殿

後迤西有亭面水曰臨漪亭又一小石梁出水中向西一亭

在水際曰水雲榭再南則至西苑門矣由玉河橋循玉熙宮

而西曰櫺星門迤北曰羊房夾道曰牲口房曰虎城酌中志

游覽志虎城西北隅有豹房明武宗實錄正德二日內安

年八月蓋造豹房公廡上朝夕處此不復入大內
樂堂酌中志金鼇退食筆記內安樂堂凡宮人有病及
年老或有罪先發此處待年久再發外之洗衣局

西苑東北隅有蠶壇東南為親蠶殿又有具服殿齋宮及蠶

室繭館皆近仁壽宮明世宗所始建者也明宮 樞星門迤西

曰西酒房曰西花房曰大藏經廠夢餘錄 金鼇退食筆記

廠也貯經書典大藏經廠即司禮監之經 籍及釋藏諸經曰太極殿又西曰洗白廠曰果園廠夢餘錄 金鼇

退食筆記果園廠在樞星門之西明永樂年製漆器以金銀

錫木為胎有剔紅填漆二種剔紅合有蔗段蒸餅河西三撞

兩撞等式蔗段人物為上蒸餅草花為次盤有圓方八角

環四角牡丹瓣等式匣有長方二撞三撞四式其法朱漆三

十六次鏤以細錦底漆黑光針刻大明永樂年製比元時張

成楊茂劍環香草之式似為過之填漆刻成花鳥填彩稠漆

磨平如畫久而愈新其合製費小深者五色靈芝邊曰十庫

淺者回文鐵金邊價數倍於剔紅二種皆廠製也

曰司鑰庫夢餘錄 明史職官志十庫甲字掌貯銀朱黃丹

烏梅藤黃水銀諸物乙字掌貯奏本等紙及各省

所解胖襖丙字掌貯絲絛布匹丁字掌貯生漆桐油等物戊

字掌貯弓箭盔甲等物承運掌貯黃白生絹廣盈掌貯紗羅

諸帛匹廣惠掌造貯巾帕梳籠刷抵錢貫鈔錠之類職罰掌

沒入官物已上各掌庫一員貼庫簽書無定員明會典廣積

庫收礮硝硫黃等物按今西安門內街北
勝殿前有修庫題名碑所記十庫與燕史合
之名其修廟碑記則云禁城西北隅有司鑰
屬焉是司鑰庫乃十庫總理天財庫其附焉
官志所記十庫止詳九庫職事獨闕廣積一
增入又按賦罰庫乃十庫之一十庫周牆尙
非術術猶有賦罰庫之名曰惜薪司
則賦罰庫在十庫極北夢餘錄
理發書掌道掌司寫字監工及外廠北廠南
新西廠各設發書監工俱無定員掌所用薪
子庫正西則西安門也夢餘錄
參差蓋二人身處宮廷皆所親歷較外閒傳
據之又宮史五卷皆在酌中志之中初疑誌
以相較偶有異同亦有誌是而若愚非者疑
臣紀載之書若愚竊取之所以此五卷外均
事無闕
掌故矣

藝風堂文集卷二

藝風堂文集卷三

江陰繆荃孫

繆氏得姓考

繆氏出自魯繆公之後以諡爲氏史記孟子書穆通作繆諡法攷布德執義曰穆申情見貌曰穆音木美諡也今通書作繆諡法攷名與實乖曰繆其行誼與魯繆公未合元戴彥肅題吾宗譜端辨有云秦穆公書錄秦誓蒙毅傳不應罪其殺三良棄百里奚魯穆姜書於春秋列女傳不宜譏其性慧行亂而皆改從繆戾之諡秦魯臣子亦不應以惡諡加其所尊謂宜於譜直書穆氏爲合於古然姓纂宋穆公之後以諡爲氏胡三省云楚子重子辛出于穆王楚人謂之二穆故楚有穆姓路史云穆炎帝後魏官氏志云後魏丘穆陵氏改爲穆

氏若徑改還作穆不與諸穆氏無別乎有謂出自秦繆公者
林寶鄧名世從之然瑯琊蘭陵東海三望皆在於魯其爲魯
後無疑張澍姓氏尋源早斥林說爲不確矣繆氏之著名舊
史者自史漢儒林傳蘭陵繆生始楚元王交傳作穆生至魏
有尙書光祿勳龔字熙伯東海人鄧名世云繆生之後龔父
斐以孝稱見宋躬孝子傳子悅事晉位光祿大夫悅子中書
令播散騎常侍太僕脩夾輔王室爲國盡忠見害東海朝野
憤惋若祕書監徵博士蔚通論語者協音禮記者炳麀彬風
雅輝映一時自是厥後吾宗衰矣魏時有儼與彭城劉氏才
望略等弟子襄賁子承先承先子伏波將軍羽林監彥植恭
慎長厚爲時所稱有唐一代絕無聞人惟師愈以善書名見

歐陽修集古錄寶刻類編浙江山陰有開成五年往生碑碑陰繆姓者五人皆細民嗣後北方不數數見而南省漸有聞人自北而南其隋唐之際與閩書福安繆家埔山有繆氏子六歲能文開元中以神童召試有掘其山者流出淡血人遂不顯并名字亦翳如至宋長溪一族登進士者三人特奏名七人四明一族鄉舉者二人文子承象山之傳主一衍西山之緒潛心著述身隱名高元時信州一族聚居上饒靈山之陽謂之繆源沿江機宜君珪最有名君珪族子若鳳天台教授得合黃巖平陽長溪之譜以序其世次由江南之近年上溯戰國以達於魯穆戴表元爲序明初同簽樞密院事大亨輔太祖定天下有將才左諭德昌期孤忠亮節起頑立懦餘

若浙江山陰定海福建福安連江江蘇溧陽金壇常熟泰州
廣東雲南四方散居至吾宗江陰譜系始於元苔石公鑑隱
居不仕以詩名家明御史煜殉建文之難再上卽無可考爰
取上自西漢下至於明搜得二百三十餘人名之曰繆氏攷
古錄而敘得姓之繇以冠其首云

漢書穆生儒林傳作繆生又通作謬薄謬忌卽繆忌至作

誘忌則繆之譌也繆彤姓氏書辨證繆氏作繆彤謬字作

謬彤

唐前諸人均出蘭陵惟宦者繆賢出於
趙後漢繆彤召陵人皆別族無可考

戴剡源繆氏譜序

附

中世士大夫專尙譜牒以爲宗法旣廢所賴以攷訂昭穆
而知氏族之所自來惟有此耳然亦不幸兵燬蕩析漂

寄荒遠併遺故老不可物色者其勢無如之何則往往謹藏諸心遇官學所歷博問而精覈之萬一或庶幾焉信州之繆爲儒已久其族聚居上饒靈山之陽謂之繆源今猶及與沿江機宜諱君珪字振玉者交游江東呼繆作穆不聞其復爲他音者也而信州之俗承襲淺俚乃猶以爲繆戾之繆至是機宜之族子若鳳教授天台又得合黃巖平陽長溪之譜其世次由江南之近年上遡戰國以達於魯穆曰史記孟子書穆通作繆定其望曰邴邴蘭陵東海而三郡皆近於魯吾家彥肅祕書又題文譜端辨秦穆公書錄秦誓蒙毅傳不應罪其殺三良棄百里奚魯穆姜書於春秋列女傳不宜譏其性慧行亂而皆改從繆戾之謚秦

魯臣子亦不應以惡諡加其所尊謂宜於譜直書穆氏為合於古辭嚴義備可以一洗千古之惑覽者其慎詳之孫
訪族譜於浙江山陰揚州東臺廣東香山四川酉陽以東臺譜為最詳江西上饒福建長樂未能往訪也
爾雅有衍脫文攷

釋詁 犯奢果毅 毅字衍文按注以陵犯釋犯誇奢釋奢

果毅釋果此以注文而誤衍

阮阮 下阮字衍文鄭樵云阮阮重文經典所無疑

衍一字案廣韻十二庚阮字下引爾雅曰虛也郭

璞云阮塹也客庚切非重文

鞠訥 訥字衍文阮云鞠詰盈訥詰訥不詰盈此郭

氏因引詩降此鞠訥正文遂衍訥字

釋天 太歲在甲曰闕逢 太歲在寅曰攝提格 兩太字

衍文錢氏養新錄云古法太陰與太歲不同淮南天文訓太陰在寅歲名攝提格云云蓋闕逢以下十名攝提格云云以下十名皆由太陰得名不關太歲史記天官書索隱引爾雅云歲在甲曰焉逢寅曰攝提格無太字當是古本東漢術家不求太陰誤認太陰爲太歲故漢書天文志有太歲在寅曰攝提格之文太史公書但云攝提格歲陰左行在寅初不云太歲也然此兩太字已是漢人所增矣

釋地 郊外謂之牧 似衍文案魯頌毛傳邑外謂郊郊外

謂野野外謂林林外謂垆說文亦云邑外謂之郊
 郊外謂之野野外謂之林林外謂之口俱據爾雅
 無郊外謂牧之文小雅出車于彼牧矣毛云出車
 就馬於牧地也周語國有郊牧韋昭注國外曰郊
 牧牧地也而不云牧在郊外此五字疑後人所加
 釋草 藹車芎輿 車字衍文案郝氏義疏說文藹芎輿也
 芎芎輿也並無車字臧氏經義雜記云車即輿字
 之駁文也據釋文知古本爾雅作藹芎輿郭注特
 因離騷謂之揭車故援以證之後人輒仿注義增
 經字耳

蘼從水生 生字衍文案阮氏云此蘼從水與下被

垂水文一律此注生於水中與下注生於水邊文亦一律因經無生字故注云生於水中蓋因注誤

衍覺注爲贅矣

以上衍文八條

釋天

赤奮若下脫歲陰二字

案史記曆書焉逢攝提格

元年索隱曰爾雅釋天云歲陽十干是也歲陰十
二支是也歲陽在甲云焉逢謂歲干也歲陰在寅
曰攝提格謂歲支也此唐司馬貞時歲陰二字尙
存自開成石經始脫去宜補

釋邱

水出其左營邱脫前而二字

案詩正義水所營繞

故曰營邱郭注今齊之營邱淄水過其南及東是
不惟郭氏所注之本正作水出其前而左且營邱

之形勢宛然如在目前不可易也乃邵氏正義反據孫炎注以駁郭氏謂經文並無而前字郭氏此注殆欲使人易曉耳其說殊爲武斷

釋魚 鼃醜蟾諸上脫先字下脫鼃字 釋文鼃音起據反

起據之音蓋以鼃從去也羅願爾雅翼曰鼃醜詹諸洪焱祖音釋曰鼃爾雅音夫讀如六似是爾雅鼃本作鼃說文亦云先鼃詹諸從鼃從先先七宿切讀如促是鼃從先不從去則陸氏起據之音非矣釋文醜音秋案莊子曰鱗我亦勝我鱗本又作鎡荀子曰大燕鱗吾後注鱗蹴也釋名曰蹙道也鎡迫也然則鱗鎡道三字從酋得聲並讀如促醜字

從酋其音亦宜然說文云龍或從酋作醜是醜卽
龍字音促不音秋龍醜卽一字也然爾雅何以作
重文攷說文敘述之次曰无龍詹諸也醜龍詹諸
也若據說文以訂正爾雅則爾雅當曰夫龍醜龍
蟾諸也今但存龍醜二字重複爲文莫可解說疑
傳寫者上脫无字下脫龍字 龍當作醜

釋畜

雞三尺爲鷩下脫六畜二字

案春秋桓六年正義

云爾雅釋畜於馬牛羊豕狗雞之下題曰六畜又
昭二十五年正義曰釋畜之末別釋馬牛羊豕犬
雞六者之名其下題曰六畜然則唐初本爾雅有

此題今本脫

以上脫
文四條

釋言 遇偶也 此文誤倒案文選讓宣城郡公表偶識量
已注引爾雅曰偶遇也郭注偶爾值也與山巨源
絕交書偶與足下相知注引爾雅曰偶遇也一切
經音義卷二偶成下引字林偶合也引爾雅偶遇
也郭氏曰偶爾相值者矣卷九偶得下引爾雅偶
遇也郭氏曰偶爾相值也據此知唐以前爾雅作
偶遇也郭注作偶爾相值值卽釋經之遇今本經
誤倒注又衍遇字

釋宮 闕謂之門 此文誤倒案郊特牲祈之於東方正義
引釋宮云門謂之祈孫炎云謂廟門外是孫叔然
注本作門謂之闕也郊特牲索祭祝於祈注廟門

曰昉正義曰爾雅釋宮文又禮器爲昉乎外正義
曰以釋宮云廟門謂之昉皆閑字在下可互證鄭
孔俱言廟者以義增加非爾雅本文

以上例
文二條

釋草蒺至豬釋木蒺莖著 郭氏釋木注釋草已有此名疑

誤重而王氏經義述聞則引周禮注杜子春云蒺
讀如蒺莖著之蒺以爲蒺有蒺音與音味者師讀
不同郝氏義疏亦引之又同引齊民要術所引之
皇覽以爲木中亦有五味而力駁郭氏重出之說
不知杜氏相傳之師說固在郭氏之前但杜氏自
注蒺字與爾雅初不相謀雖曰漢儒之讀若卽後
人段借之例不惟段其聲并段其義然其時尙無

反切未可一概論也他若齊民要術唐本草諸書則皆在郭氏後無庸深辨矣

釋蟲密肌繼英釋鳥密肌繫英 郭氏釋鳥注釋蟲已有此名疑誤重錢氏潛研堂集本之僅解釋蟲而釋鳥則從闕郝氏義疏則引玉篇廣韻之鳥名以解釋鳥之繫英而釋蟲之疏則本錢氏之說而引申之且謂今釋蟲釋鳥俱有鶡天雞而郭氏未嘗以爲誤重其說殊有理但郭氏於釋蟲注亦既以爲未詳茲更以爲誤重匪惟蓋闕之義殆亦有所本焉正不妨並存其說也

釋鳥

桑扈竊脂

本篇重此句

以上重
文三條

鷓諸雉 此錯簡諸雉二字當在鷓春鉏之下黑爲

鷓白爲鷓也諸雉二字在下文鷓雉等之上雉有
數頰故以諸雉冠之

釋獸 豕子豬一段 此錯簡當在釋畜羊屬之後並脫莖

屬二字不應在釋獸內

以上錯簡二條

逸文附攷

皇大也 尚書洪範建用皇極傳皇大正義曰皇大釋詁文

案今本釋詁皇爲君訓大者卅九字而皇豐二字無之

豐大也 詩周頌豐年傳豐大也正義曰豐大釋詁文今本
無

良善也 詩唐風良士瞿瞿箋良善也正義曰良善釋詁文

案今本釋詁云元良首也訓善者十六字而無良字

自用也 尚書立政正義曰釋詁云自用也案今本釋詁云

適遵率循由從自也無用之一訓

由用也 左昭八年傳猶將復由注由用也正義曰由用釋

詁文案今本釋詁由訓自無用之一訓

壽考也 詩魯閟宮頌三壽作朋傳壽考也正義曰壽考釋

詁文案今本釋詁云黃髮覩齒鮐背耆老壽也而無考字

謚脊也 古玉篇引爾雅曰謚脊也案今本釋詁謚訓靜無

脊之一訓

藝靜也 古玉篇引爾雅曰藝靜也案今本釋詁訓靜者十

一字而無藝字

顯明也

案今本

虔敬也

今本釋

忒疑也

本釋言

輯合也

釋詁輯

皆無之

斯盡也

案今本

飪孰也 儀禮士虞禮羹飪注飪孰也疏曰飪孰釋言文今本無此文

諒薄也 說文兒部諒事有不善言諒也爾雅諒薄也今本無此文

鋪布也 敷布也 文選西都賦桑麻鋪綦李善注引爾雅曰鋪布也後漢班固傳作敷音懷注引爾雅曰敷布也又尙書傳序正義亦引爾雅敷布也今本無此文

幾冀也 尙書傳序正義引爾雅幾冀也案今本釋詁幾訓危又釋言云庶幾尙也無冀之一訓

濬通也 史記五帝紀索隱引爾雅濬通也案今本釋言濬幽深也無通之一訓

遂生也 後漢杜篤傳粳稻陶遂意懷注引爾雅曰遂生也
今本無此文

蹤迹也 慧琳音義一引爾雅曰蹤迹也今本無此文說文
無蹤古止從字詩谷風傳委委行可委曲從迹也

摻求也 後漢張衡傳摻天道其焉如注引爾雅摻求也今
本無此文

與許也 論語公冶長吾與汝弗如也皇疏引爾雅與許也
今本無此文以上釋言

棘戟也 文選吳都賦注過秦論注辨亡論注均引爾雅曰
棘戟也今本無此文

半璧曰璜 後漢書張衡傳注引爾雅半璧曰璜今本無此

文

赤緣謂之祿 儀禮士喪禮注赤緣謂之祿疏曰爾雅文今

本無此文

以上釋器

春爲忠東方爲春春動也是故鳥獸孕孳草木華生萬物成
遂忠之至也夏爲樂南方爲夏夏興也南任也是故萬物莫
不任興蕃殖充盈樂之至也秋爲禮西方爲秋秋肅也萬物
莫不肅敬禮之至也冬爲信北方爲冬冬終也北方伏方也
萬物至冬皆伏貴賤若一美惡不異信之至也

御覽引尸子案釋

天穹蒼蒼天也一段題曰四時而所釋止天之異名各書

所引尸子當是四時篇而今本無此文

四時和正光照謂之玉燭甘雨以降萬物以嘉高者不少下

者不多此之謂醴泉其風春爲發生夏爲長贏秋爲方盛冬

爲安靜四時和爲通正謂之永風爾雅疏引尸子案此段全用爾

雅其說較今本完備疑今本殘缺

須女謂之葵女 史記天官書索隱引爾雅云須女謂之葵

女今本無此文

中央鎮星東方歲星南方熒惑謂之大辰 後漢書注引爾

雅云中央鎮星東方歲星南方熒惑謂之大辰今本無此

文

時雨曰澍雨 雨與雪雜下曰霰 初學二引爾雅今本無

此文

正幅爲繆 周禮春官注正幅爲繆疏曰正幅爲繆者爾雅

文今本無此文

熊虎曰旗 文選西京賦薛注引爾雅熊虎爲旗今本無此

文以上
釋天

土之高者曰邱高邱曰阜 周禮春官疏爾雅云土之高者

曰邱高邱曰阜今本無此文

有齊營邱 白帖六引爾雅今本無此文有齊當作齊有

山足曰麓 周禮地官序官林衡注秋官柞氏注山足曰麓

疏曰山足曰麓爾雅文今本無此文

山南曰陽山北曰陰 秋官柞氏疏曰爾雅云山南曰陽山

北曰陰今本無此文

水別流曰派風湧水面曰波大波曰濤 朝夕而至曰潮風

行水成文曰漣水波如錦文曰漪 御覽五十八引爾雅今

本無此文

以上釋地

蜃大蛤 周禮天官醢人注云羸蜺蚶蜃大蛤蜺蛾子疏曰

皆爾雅文今本無蜃大蛤三字

釋魚

二歲曰駒三歲曰駘 周禮夏官注引鄭司農云二歲曰駒

三歲曰駘疏曰爾雅文今本無此文

釋畜

序篇

釋詁釋言通古今之字古與今異言也釋訓言形貌也 毛

詩正義引序篇漢書藝文志爾雅二十篇今止十九疑本

有序篇而今逸之

蜀兩漢經師攷

張寬字叔文成都人太守文翁遺覽詣博士東受七經還以

教授作春秋章句十五萬言華陽國志十

臣君子二卷蜀人漢藝文志道家

胡安臨邛人講學白鶴山下相如從之受經寰宇記七十五

司馬相如字長卿成都人漢書列傳作凡將篇無複字漢藝文志

洛下閎字長公巴郡人武帝太初元年詔公卿壺遂司馬遷

等議造漢曆方士唐都洛下閎與焉都分部天運而閎運

轉曆算輿地紀勝

趙賓蜀人好小數書後為易飾易文漢儒林傳

郭舍人漢書東方朔傳犍為郡文學卒史漢武帝待詔作爾雅注三

卷經典釋文敘錄

嚴遵字君平成都人專精大易耽於老莊

華陽國志十

林閭字公孺臨邛人善古學

華陽國志十

訓詁

華陽國志三

古者

天子有轎車之使自漢興以來劉向之徒但聞其官不詳

其職惟閭與嚴君平知之曰此使考八方之風雅通九

州之異同主海內之音韻使人主居高堂知天下風俗也

華陽國志十

志十

李弘字仲元成都人少讀五經不爲章句處陋巷淬厲金石

之志

華陽國志十

楊雄字子雲成都人以經莫大於易故則而作太玄傳莫大

於論語故作法言史莫善於蒼頡故作訓纂

藝文志訓纂一篇蒼頡訓

纂一篇典莫正於爾雅故作方言

華陽國志十

胥君安巴郡人成帝時議立三傳獨駁左傳不祖聖人寰宇記

何武字君公蜀郡郫縣人治易漢書列傳

趙闕字溫柔閬中人涼州刺史華陽國志十二傳夏侯尚書益部耆舊傳

楊宣字君緯什邡人少受學於楚國王子張天文圖緯於河

內平帝時命持節為講學大夫與劉歆共校書華陽國志十

任文公閬中人善天官風星祕要益部語曰任文公智無雙

輿地紀勝

譙玄字君黃巴郡閬中人能說易春秋范書獨行傳

譙瑛玄子善說易范書譙傳

李業字巨游廣漢梓潼人習魯詩師博士許晃華陽國志十

任永字君業楚道人長曆數華陽國志十

楊仲續新都人統祖父代修儒學以夏侯尚書相傳范書注引益部

者舊傳

楊統字仲通司徒魯恭辟掾與恭共定音律成內識二卷解

說家法章句華陽國志十

鄭伯山通河洛書及天文推步之術范書楊厚傳

張霸字伯饒蜀郡成都人通春秋就長水校尉樊儵受嚴氏

公羊春秋博覽五經范書列傳

張楷字公超霸子通嚴氏春秋古文尚書范書張霸傳

馮緄字鴻卿碑作皇卿巴郡宕渠人治春秋范書列傳謝承書緄學公羊春秋

馮允緄弟能理尚書善推步之術范書馮緄傳

趙戒字志伯成都人通經表

趙典字仲經戒子博學經書弟子自遠方至朝廷每有災異

疑議輒咨問之典據經正對范書列傳學孔子七經河圖洛書

內外藝術靡不貫綜范書注引

謝承書

楊終字子山成都人著春秋外傳十二卷音句十五萬言范書

列傳作改定皆傳於世華陽國志

翟酺字子超廣漢雒人四世傳詩好老子尤善圖緯天文曆

算著援神鉤命解詁十二篇范書列傳

杜真字孟宗絲竹人治周易春秋益部耆舊傳

王渙字稚子廣漢郫人敦儒學習尚書讀律令范書列傳

任安字定祖廣漢絲竹人少游太學受孟氏易兼通數經又

從同郡楊厚學圖讖時人稱曰欲知仲桓問任安又曰居

今行古任定祖

范書儒
林傳

董扶字茂安緜竹人

華陽國志十

傳易歐陽尚書

傳經表

任末字叔本蜀郡繁人少習齊詩

范書儒
林傳

景鸞字漢伯梓潼人少隨師學經涉七州之地能理齊詩施

氏易兼受河洛圖緯作易說及詩解文句兼取河洛以類

相從名為交集又撰禮內外記號曰禮略又鈔風角雜書

列其占驗作輿道一篇又作月令章句凡著述五十餘萬

言 范書儒
林傳

杜撫字叔和資中人

范書作健
為武陽人

少師事薛漢治五經定韓詩

章句撰詩題約義通

華阻國志十

楊仁字文義巴郡閬中人學韓詩

范書儒
林傳

董鈞字文伯健為資中人習慶氏禮

范書儒林傳

永平初議天地

宗廟郊祀儀禮鈞與太常定其禮又定諸侯喪禮稱繼叔

孫通

華陽國志十

何英字叔俊郫人學通經緯

華陽國志十

楊由字哀侯成都人少習易并七政元氣風雲占候

華陽國志十

張綱字文紀健為武陽人少明經學

范書張皓傳

樊敏字叔達巴郡太守綱角好學治春秋嚴氏經

碑不言何地人然碑

在今蘆山縣當即漢嘉人

李翊字輔國廣漢屬國任通經綜緯兼究古雅

隸釋碑不載何地人然李

翊夫人碑在渠州當即宕渠人

丁魴字叔河廣漢屬國都尉治易韓詩垂意春秋

隸釋碑在巴州碑云

鄉人嚴子循等六十餘人因斯表勒以效俊彥當卽巴郡人

段翳字元章新都人習易經明風角

范書方伎傳

馮顯字叔宰邠人作易章句

華陽國志十

劉寵字世信縣竹人明公羊春秋

華陽國志十

楊充字盛國梓潼人受古學於扶風馬季長呂叔公南陽朱

明叔穎川白仲職精究七經

華陽國志十

楊厚字仲桓統子善圖讖學

范書列傳

王祐字平仲邠人撰王子五篇東觀郎李勝作誅方之顏子

華陽國志十

譙岍字榮始西充國人治尚書兼通諸經及圖緯

一統志

張益廣漢人傳春秋

傳經表

段恭字節英雒人明天文二卷

華陽國志十

折象字伯式雒人

華陽國志十

憲京氏易

一統志

朱倉字雲卿什邡人受業於同郡張

益華陽國志十

著河洛解

後補

漢藝文志

時人諺曰折氏客誰朱雲卿段節英中有佃子趙仲

平但說天文論五經

華陽國志

何宗字彥若郫人事廣漢任安通經緯天官推步圖識

華陽國志

十

杜瓊字伯瑜成都人少受學於任安精究安術著韓詩音句

十萬言

蜀志列傳

杜微字國輔梓潼涪人

蜀志列傳

任安弟子傳孟氏易夏侯尚書

傳經

表

張裔字君嗣成都人治公羊春秋蜀志列傳

李仁字德賢涪人受古學華陽國志十

尹默字思潛涪人少與李仁俱受學司馬徽宋忠博通五經

專精左氏春秋自劉歆條例鄭眾賈逵父子陳元方服虔

注說略皆誦述希復案本華陽國志十

李譔字欽仲仁子著古文周易注尚書注毛詩注三禮注左

氏傳太玄旨歸華陽國志十

周舒字叔布閬中人少學術於廣漢楊厚名亞董扶任安蜀志

列傳傳歐陽尚書傳經表

鄭康成弟子攷

鄭君為東漢大儒本傳稱其客耕東萊學徒相隨已數百千

人年六十時弟子河內趙商等自遠方至者數千後袁紹鎮冀州大會賓客延康成升上坐汝南應劭亦北面稱弟子建安五年康成卒郡守以下嘗受業者續經赴會千餘人范武子嘗以爲仲尼之門不能過也嗚呼經術至東漢可謂極盛矣攷漢儒生徒旣多學者不能俱親受業每以入室弟子轉授之親受業者爲弟子轉授者爲門人亦稱門徒亦稱門生師古曰門生同門後生是也本傳稱馬融門徒四百餘人升堂進者五十餘生康成在門下三年不得見迺使高足弟子傳授是在門下爲門生其升堂入室者始得稱弟子也本傳又稱門人相與撰(玄)答諸弟子問五經依論語作鄭志八篇孝經正義曰鄭君卒後其弟子追論師所著述及應對時人

謂之鄭志鄭之弟子更相問答編錄其語謂之鄭記是鄭志
鄭記中所載皆鄭君與高業弟子問答之辭門人記之以傳
後世又攷漢泰山都尉孔宙碑惟陸暹樂禹等十人稱宙弟
子其餘四十三人皆稱門生是門生與弟子行詣高下迥不
侔矣謹據本傳及鄭志作康成弟子攷並以他書附益之詳
其所受之業志其爵里無可稽者闕焉

任嘏

本傳注任嘏字昭光樂安人魏黃門侍郎 王昶戒子

書樂安任昭先淳粹履道內敏外恕昶傳 荃孫案本

光昶傳及注皆作昭先考嘏有祭先祝嘏嘏別傳樂

之義則光字系先字之譌當以國志爲正安博昌人誦五經皆究其義兼包羣言無不博綜著書

三十八篇凡四萬餘言裴注

國淵

本傳注國淵字子尼樂安人魏司空掾遷太僕 魏志

列傳樂安蓋人也師事鄭玄 鄭君別傳淵始未知名

玄稱之曰國子尼美才也吾觀其人必爲國器 淵篤

學好古常講學於山巖士人多推慕之由此知名裴注

趙商

康成自序趙商字子聲河內溫人博學有秀才能講難

而吃不能劇談御覽七百四十八 弟子河內趙商等自遠方

至者數千鄭傳 趙商作鄭先生碑銘孝經序 受書詩

三禮春秋見鄭志 趙子聲遺文書曰北海鄭玄字康

成學之淵府今與業共往視之故輩不暇顧命書鈔九十七

趙子聲書詣鄭康成學曰大學之於人也猶土地之

山川也珍寶於是乎出猶樹木之有枝葉本根於是庇

也御覽六百七引抱朴子

張逸

鄭玄別傳故尚書左丞同縣張逸年十三為縣小史玄

謂之曰爾有贊道之質玉雖美須雕琢而成器能為書

生以成爾志否對曰願之乃遂拔於其輩妻以女弟廣

五百四十一受書詩周禮春秋見鄭志

崔瑗

魏志列傳崔瑗字季珪清河東武城人也讀論語韓詩

結公孫方等就鄭玄受學學未基徐州賊黃巾攻破北海玄與門人到不其山下避難時穀糴乏玄罷謝諸生珍既受遣而寇盜充斥西道不通於是周旋青徐兗豫之郊四年乃歸三齊略記鄭司農常居不其山城南山中教授生徒黃巾亂乃謝遣生徒崔珍王經諸賢於此揮涕而散惠棟後漢書補注崔珍遂初賦序云珍性頑口訥至二十九粗閱書傳聞北海有鄭徵君者當世名儒遂往造焉津涉淄水厯祀馬祀都之津登鐵山以望高密寰宇記封氏聞見記漢末崔珍於高密從鄭玄學黃巾之亂而南作遂初賦

公孫方

公孫方清河人見魏志崔琰傳

王經

魏志夏侯尚傳清河王經冀州名士世語經字彥

裴注

三齊略記王經字承宗從康成於不其山下

郗慮

本傳山陽郗慮仕至御史大夫續漢書郗慮字鴻豫

陽高平人少受業於鄭玄建安初爲侍中

裴注

王基

魏書列傳王基字伯輿東萊曲城人官鎮南將軍樂

鄉侯王肅著諸經傳解及論定朝儀改易鄭玄舊說

據持玄義常與抗衡隋經籍志魏司空王基字伯

撰毛詩駁一卷

案基駁王肅申鄭義

新唐書作五卷

案錢氏攷

異以康成卒時基僅十一歲不得在弟子之列然言國淵任嘏並皆童幼則基或以幼年受業亦未可定

臨

亦作林 碩

范書孔融傳臨碩字孝存北海人 答臨孝存周禮難

凡百餘萬言

本傳

林孝存以為武帝知周官末世瀆亂

不驗之書故作十論七難以排斥之惟鄭玄偏覽羣經

知周禮者乃周公致太平之跡故能答林碩之論難使

周禮義得條通

周禮疏序

洪氏傳經表脫

冷剛

冷剛受易見禮月令正義

又見詩桑扈正義

孫皓

孫皓

一作孫顯

受乾象曆及詩禮見鄭志

月令正義引作孫

顯

案詩七月正義引作孫皓鄭志作吳志正義以吳

孫皓當之誤也王伯厚云康成不與吳孫皓同時吳志亦無此語後人因孫皓名氏相同遂改鄭志爲吳志以實之不知其時代不合也

劉拔

受周禮論語見鄭志 洪氏傳經表脫

劉炎

見周禮閭師正義兩引劉炎問詩關雎正義亦引之或疑炎卽拔亦無確據

貝模

一作靈模

受詩禮見鄭志 坊記正義引作貝模 禮記正義引

作靈模 通志略云靈氏子孫姓宋大夫子靈之後也

或曰齊靈公之後左傳有靈輒 廣韻士十二霽桂下

有貝姓 案貝與靈各一姓疑貝誤作靈因改作靈也

後漢太尉陳球碑陰有城陽貝橫橫與模形相似城

陽今莒州地亦相似疑卽其人 洪氏傳經表有貝模

無靈模

王瓚

一作贊

受三禮爾雅見鄭志 初學記武部注引 惠氏後漢

書補注作王贊 洪氏傳經表脫

焦氏

見禮記曲禮正義張逸答 錢氏攷異以焦氏焦喬爲
二人今從之

焦

一作喬

受小戴記及周禮見鄭志 見詩生民正義引鄭記
又見月令正義引

崇精

受小戴記及周禮見鄭志 見禮記曲禮月令正義焦
氏答 又見詩桑扈正義引

王權

受小戴記及詩見鄭志 見月令正義御覽禮儀部引

焦喬答

鮑遺

受小戴記見鄭志 見禮記曾子問正義引張逸答

任厥

受周禮見鄭志 見周禮天官正義引汜閣答 洪氏

傳經表脫

汜閣一作閣

受三禮見鄭志 見周禮天官正義引答任厥 洪氏

傳經表脫 惠氏後漢書補注作沈閣誤

崇翱

受小戴記及喪服見鄭志 見郊特牲正義引汜閣答

洪氏傳經表脫

桓翱

見通典禮引汜閭答 案崇翱桓翱疑一人惠氏後漢書補注有崇翱無桓翱洪氏崇翱桓翱俱不載

劉德

受儀禮喪服見鄭志 見通典禮引田瓊答 案洪氏傳經表有劉德然爲盧植弟子疑卽此人或先事植後事康成也

陳錄

受小戴記及儀禮喪服見鄭志 見禮記曲禮正義兩引汜閭答趙商答

陳鏗

惠氏後漢書補注以陳鏗陳鏗爲二人今案鏗鏗二字形聲不類當是兄弟二人同師康成者毛本作鑑傳經表從之誤

宋均

受詩禮春秋孝經見孝經序疏劉知幾議宋均詩緯

序云我先師北海鄭司農則均是⑤之傳業子弟也唐會

七要隋經籍志有緯書八種宋均注題曰魏博士或以

爲卽宋叔庠叔庠歿於建初元年何得爲鄭君弟子

甄巽

字子然一作守然北海人見孝經序正義後漢書孔融傳

云融爲北海相郡人甄子然臨孝存知名早卒融命配

食縣社 劉知幾議稱鄭志目錄記康成著有答甄子

然書則子然亦弟子也

唐會要
七十七

孫炎

魏志王肅傳時樂安孫叔然授學鄭玄之門人稱東州

大儒徵爲祕書監不就肅集聖證論以譏玄短叔然駁

而釋之臧氏經義雜記以
人字屬上讀誤

程秉

吳志本傳字德樞汝南南頓人逮事鄭玄後與劉熙攷

論大義古今

田瓊

康成弟子魏黃初閒爲博士全三國文小傳見周禮大宗伯

正義禮記王制正義引

韓益

案隋經籍志魏大長秋著春秋三傳論十卷舊唐志尙書釋問四卷田瓊韓益正鄭注新唐志鄭尙書注釋問四卷王粲問田瓊韓益正則田瓊既爲康成弟子韓益亦必同親炙於鄭門同受尙書注義故仲宣問注義於二子此正字謂正粲也鄭學錄以正爲名誤

孫乾

蜀志本傳孫乾字公祐北海人先主領荊州辟爲從事

鄭傳云薦乾於州乾被辟命所舉也本傳注

案范書本傳無此文疑非范書或傳上脫別字

巢民

見通典引鄭志問張逸以三苗初竄西裔後分之南野
今鄭志輯本佚此文

孔融

後漢書本傳字文舉魯國人漢北海相青州刺史遷太

中大夫 鄭玄傳國相孔融告高密縣為玄特立一鄉

曰鄭公鄉 司馬彪九州春秋融在北海禮高密鄭玄

稱之鄭公執子孫禮魏志崔案鄭君於獻帝建安五

年卒據本傳稱自郡守以下嘗受業者衰經赴會千人

其時袁譚領青州鄭君為譚所逼未必赴葬所云郡守

當卽指孔融而言 又案鄭君子益恩融在北海舉爲
孝廉及融爲黃巾所圍益恩赴難殞身以融傳攻之事
在建安元年以前而鄭君傳建安元年以書戒子益恩
是二傳年月必有一誤鄭君父子受融敬禮益恩赴融
之難竟以身殉鄭君之卒融遠道赴葬禮所當然司馬
彪稱融於鄭君執子孫禮疑執弟子禮之誤融被誅在
建安十三年戊子年五十六鄭君之卒在建安六年辛
巳年七十四時孔融年四十九少鄭君二十五歲不得
云執子孫禮也 殷芸小說鄭志在徐孔文舉欲其返
郡敦請懇惻使人繼踵及歸文舉告僚屬曰周人尊師
謂之尙父今可咸曰鄭君不得稱名也案融言明有尊

師語知融必執弟子禮者也

劉熙

隋經籍志字成國北海人漢末公車徵注孟子七卷又著釋名八卷案熙與鄭君同鄉里傳鄭學攷詳下

許慈

蜀志列傳字仁篤南陽人師事劉熙善鄭氏學治易尙書三禮毛詩論語建安中自交州入蜀

辭綜

吳志列傳字敬文沛郡竹邑人從劉熙學 通典引綜述鄭氏禮定五圖疑綜從劉熙私淑康成故守鄭家法也 案許慈辭綜皆師劉熙而其學則宗鄭氏疑熙必

及康成之門爲高業弟子故程秉遠事鄭君其後亦從
熙攷論大義許慈辭綜皆不及鄭門但師劉熙習鄭氏
學則於康成爲私淑弟子矣

附

陶謙

范書本傳字恭祖丹陽人徐州牧 ⑤本傳會黃巾寇
青部避地徐州徐州牧陶謙接以師友之禮

蜀漢先主

華陽國志諸葛亮曰先帝周旋陳元方鄭康成之間案
興平元年陶謙死劉備代康成本客謙其與備周旋當
亦接以師友之禮

應劭

范書本傳河南人漢太山太守 華嶠漢書云劭字仲
遠博學多識撰風俗通等凡百餘篇 案劭雖未及門
然服膺鄭君自稱北面固當在弟子之列

馬昭

惠氏後漢書補注云見鄭記新校本鄭志無馬昭案王
肅著聖證論訾詆鄭學孫炎駁而釋之今皆不傳惟馬
昭難王申鄭見郊特牲祭法正義兩引又康成駁五經
異義感天而生條王基馬昭孫毓皆從鄭說疑孫毓亦
康成弟子然經史無確據附志於此以俟攷定

張融

舊唐書元澹傳守鄭學者有中郎馬昭上書以爲肅謬
王學之輩占咎以聞又云王肅改鄭六十八條博士張
融核之將定臧否融稱①注淵深廣博兩漢四百餘年
未有偉於②者是張融亦③弟子也

案鄭學錄以張介侯錄應劭馬昭張融三人爲誤云應
仲遠北面稱弟子蓋一時戲言而昭融雖宗鄭學年載
相距旣遠皆非親受業於門下者至路粹一條張云見
④本傳今范書無此文國志注但云受業蔡邕疑亦張
氏誤錄

秦博士攷

漢承秦後設官多因秦制班書百官公卿表云博士秦官掌

通古今秩比六百石員多至數十人應劭漢官儀云博士秦官也博者通博古今士者辨於然否儒林傳序載公孫弘奏請之辭云古者政教未洽不備其禮請因舊官而興焉爲博士官置弟子五十人復其身太常擇民年十八以上儀狀端正者補博士弟子是漢之博士爲掌通古今及教育弟子之官而實因乎秦之舊制也考古無博士之名周禮有師氏保氏文王世子有大司成大小樂正及大胥籥師籥師丞之屬不聞有博士有之自史記秦始皇本紀始其建置年月雖不可知然觀二十六年丞相綰等議尊號始有臣等與博士議曰云云而前此無聞則設立此職必未久遠在秦前者魯魏二國有之史記循吏傳云公儀休者魯博士也以烹第爲魯

相班書賈山傳云山祖父祛故魏王時博士弟子也師古云
六國時魏也蓋魯稱秉禮之國魏文侯好學曾師事子夏二
國之有博士有由然也漢初博士無定額百官表云多至數
十人若秦博士則似有定額始皇本紀三十四年置酒咸陽
宮博士七十人前爲壽又侯生盧生相與謀曰博士雖七十
人特備員弗用封禪書始皇徵齊魯儒生博士七十人至秦
山下議封禪是七十人爲秦博士之定數又秦百官表云掌
通古今此雖指漢制而言而秦制略同始皇本紀浮江至湘
山祠逢大風幾不得渡上問博士曰湘君何神博士對曰聞
之堯女舜之妻而葬此是通古之證三十六年始皇不樂使
博士爲仙真人詩及行所游天下傳令樂人歌絃之是通今

之證三十四年李斯議曰臣請史官非秦紀皆燒之非博士
官所職天下敢有藏詩書百家語者悉詣守尉雜燒之是博
士又有典守祕書之責矣又有博士僕射史記李斯傳始皇
三十四年置酒咸陽宮博士僕射周青臣等頌稱始皇威德
云云僕射者博士之長百官表云僕射秦官古者重武官有
主射以督課之應劭注云僕主也此表敘漢制又謂自侍中
尚書博士郎皆有則以爲博士之加官考續漢百官志於博
士首云博士祭酒一人六百石本注云本僕射中興轉爲祭
酒劉注引胡廣云官名祭酒皆一位之元長者也古禮賓客
得主人饌則老者一人舉酒以祭於地廣後漢人作漢官解
詁必熟聞西朝之制知前漢博士僕射已止一人而史記於

僕射但列青臣亦止一人可知

說苑至公篇始皇召羣臣議曰古者五帝禪賢三王繼世

孰者爲是博士七十人未對鮑白令之對沈欽韓以鮑白爲博士之僕射然無他證

又有待詔博士案

漢制朱買臣東方朔皆待詔公車王褒賈捐之皆待詔金馬門叔孫通傳云秦時以文學徵待詔博士後又拜爲博士是博士定額以外又有待詔博士如今額外候補之例又有占夢博士三十五年始皇夢與海神戰如人狀問占夢博士曰云云博士又上屬之奉常百官公卿表云奉常秦官掌宗廟禮儀博士及諸陵縣皆屬焉又案漢視博士頗尊重故高祖拜叔孫通爲博士卽號爲稷嗣君若秦則不然侯盧二生所謂備員弗用者已可概見衛宏古文官書序云秦旣焚書患苦天下不從所改更法而諸生到者拜爲郎前後七百人迺

密令冬種瓜於驪山阡谷中溫處瓜實成詔博士諸生說之

人人不同迺命就視之爲伏機諸生賢儒皆至焉方相難不

決因發機從上填之以土皆壓終迺無聲見史記儒林傳索隱與漢書儒林傳

顏注是并博士亦坑之反不如陳涉尙知以孔甲爲博士也又

始皇因盧生事使御史案問諸生傳相告引至殺四百六十

餘人二世因陳勝起召博士諸生議坐以非所宜言者又數

十人則非特備員弗用又斬刈之草芥之不若故博士無所

表見其姓氏亦遂無傳於世至今可考者青臣淳于越見始

皇本紀叔孫通見史漢本傳伏生見史記鼂錯傳及漢書儒

林傳正先以非刺趙高而死見漢書京房傳盧敖爲秦博士

而遜於膠西見史■藝文志儒家羊子四篇注百音

故秦博士名家黃公四篇本注名疵爲秦博士桂貞爲秦博士遭秦坑儒改姓吞見桂氏族譜又考王氏困學紀聞云伏生浮邱伯經不以秦而亡也閻注云伏生下浮邱伯上宜增高堂生高堂生亦秦之博士案閻說雖未知所本然考儒林傳申公與楚元王俱事齊人浮邱伯受詩又云漢興魯高堂生傳士禮十七篇以時代稽之二人當與伏生同時閻氏旣謂高堂生亦秦博士則浮邱伯者或亦秦博士之一乎

好水川攷

宋史仁宗紀慶曆元年二月元昊寇渭州環慶路馬步軍副總管任福敗于好水川福及將佐軍士死者六千餘人而各書不言好水川所在以今輿圖考之好水川是水名非地名

卽今甜水河也方輿紀要好水在隆德縣東二里源出固原
州六盤山西南流合於莊浪之苦水川苦水以苦得名此水
必勝於苦水所以有好水之稱也水經注謂之隴水一統志
隴水二源一爲甜水河源出六盤山又名六盤水西南流過
神林堡入靜寧州界去州南一里至州西南與苦水會宋時
謂之好水案宋史元昊寇渭州涼府逼懷遠城今隆德縣南四十里韓
琦乃趨鎮戎軍今鎮原縣命環慶副總管任福聚兵數萬自懷遠
趨得勝砦今靜寧州東南五十里東去懷遠三十里至羊牧隆城今隆德縣出敵之後
福趨捺龍川今隆德縣東南敗夏人於張家堡此夏國游兵其副
將屯籠絡川隔山相距五里賊兵屯川口明日福至籠竿城
北距得勝七十里始遇賊此元昊自將兵福循好水西行出六盤山下距羊

牧隆城五里伏發敗歿案方輿紀要隆德縣在靜寧州東九
十里東北至固原州五十里本平涼縣地宋天禧初置羊牧
隆城寨慶曆中改曰隆德砦金改爲縣今仍之武經總要隆
德砦天禧初築屬渭州地名邪汲籠川蕃語譌爲羊牧隆城
然則福敗處在今隆德縣東五里甜水河右東距六盤山十
餘里卽是地矣元昊犯渭州偪懷遠兵自西而東韓琦由環
慶趨鎮戎乃自東北而西南遣任福趨得勝砦至羊牧隆城
襲元昊後自東而西元昊乃自懷遠退近羊牧隆城以待福
亦自東而西也當日兩軍出入情形大概如是

元昭宗年號宣光攷

明史太祖紀洪武三年庚戌元帝殂於應昌子愛猷識理臘

達立九年卒案乾隆三十六年北方新屯土中掘得銅印一
爲太尉之印其字爲蒙古篆八疊文首上有漢文一十七字
右署太尉之印左署宣光元年十一月日中書禮部造攷爲
順帝子昭宗所鑄昭宗卽愛猷識理臘達廟號宣光卽其年
號元史成於戊申在順帝未殂之前故不及載他書亦無所
攷惟元色目人丁鶴年自詠詩云獨有遺民負悲憤草閒忍
死待宣光又元王逢梧溪集內感秋詩云本是宣光中興日
腐儒長夜泣遺編正與印合此號蓋取少陵北征詩周漢獲
再興宣光果明哲二語亦不忘再興之意二詩非空言也劉
燕庭海東金石攷有普濟尊者浮屠碑李穡撰韓修古書
並篆額宣光八年立昭宗立於洪武三年庚戌此碑立於宣

光八年卽洪武十年丁巳也其見於中國書者舊雲南通志
寺觀類姚州興寶寺在州西十五里元宣光年建昭宗之立
梁王猶守雲南至洪武十五年雲南始平西南徼外使命潛
通故臣遺土遙奉正朔寺當建於是時均可爲宣光年號得
一確證王蘭泉萃編乃謂元無此年號其誤顯然疏矣至謂
元宣光者或是唐宣宗之訛尤爲武斷新雲南通志刪去此
語想承蘭泉之誤蛛絲馬跡一綫僅存並此去之以後更無
從攷核矣

藝風堂文集卷四

江陰繆荃孫

唐僑治蕃州表

順天志藁未刻

唐自武德初元招致蕃部助我兵威太宗御宇混一夷夏役
屬族帳建置州縣居溫宿於醴泉附龜茲於上郡貢賦版籍
不上戶部都督刺史授之渠帥思欲漸異類爲赤子扇左衽
以華風景雲開元歸附日眾氈裘之長毳幕之倫混跡城野
逼處阡陌政令皆所素習山川莫之間阻然而狼心未靖馬
首是瞻羣山一呼萬騎突起藩籬自撤亭障空存兩京因之
不守三鎮長此拒命履霜堅冰積漸已久然則辛有披髮之
歎江統徙戎之論亦謀國者之良規憂時者之寶鑑也

太平寰宇

記自燕州以下十七州皆東北蕃降胡散處幽州營州界內
以州名羈縻之無所役屬安祿山之亂一切驅之爲寇遂擾

七年

燕州都

懷遠

遼西

城內

治幽州

南遷寄

自營州

唐書

誤今從

末栗字

或作速

末水名

末攷栗

書作栗

年 二十二	觀元年 太宗貞 燕州廢 都	
	遼西 懷遠 省	督府 遼西 懷遠
便部置 以析乾 契丹州 彈汗州		

高宗總

章中

歸義州

奚州以

新羅戶

置僑治

古廣陽

城新志
又云

後改歸

德郡舊

志寰宇

記無不

知何年

歸義後
廢

懷柔

先見歸義州

三

	武后萬順州	按同時
歲登封	突厥州	有二歸
元年	以部落	義一在
置	自營州	今在縣
來寄幽	州城內	長鄉
按寰宇記作思		
	威州遼木	
州	契丹州	
以內稽	部落置	
自營州	來寄治	
石窟堡		

長鄉

二

順州思
字衍
賓義

中宗神

龍二年

夷賓州昌州

鮮州

濔州

靺鞨州契丹州奚州析契丹州

以愁思以松漠饒樂都以乙失

嶺部落部置督府置革部落

置 自營州自營州置

自營州遷青州遷青州自營州

遷徐州復自青復自青遷青州

復自徐州來寄州來寄復自青

州來寄治古常治古潞州來寄

威化

①州

師州

契丹州契丹州

以尋紇以室韋

主曲據部落置

部落置自營州

按辱紇 遷青州

舊唐志 復自青

寰宇記 州來寄

元遷徐治故東

治古廣道城

陽城 龍山

來蘇

瑞州本名

威州

突厥州

以烏突

汗達于

部落置

按日下

舊聞戎

作烏突

汗于脫

城

寶從

崇州

奚州析

饒樂都

耆府之

可汗部

落置

營州陷

徙治潞

之古潞

治清水

店

孤竹 朱按

竹垞云

唐志不

今新舊

地理志

皆有帶

州竹垞

未之見

何也

宋州復閭城

自徐宋陽師 朱按

州寄治 下舊聞

魯泊村 志師州

靜蕃 竹攷師

慎州 州領縣

鞞鞞州 陽師新

以涑沫 舊志襄

烏素固 字記悉

部落置 同孤竹

自營州 本屬帶

疑鈔脫

達字

自營州

遷宋州

復自宋

州來寄

治故廣

陽城

來遠按舊

唐書作來速

城按崇

潞志無徙

年月惟

新唐志與

云復同

鮮州潞

僑治縣

之古亦

城疑龍

昌黎

初在龍

移淄青

州復自

淄青來

寄治故

都鄉城

逢龍

黎州

析慎州

置按寰宇記

作浮渝

自營州

遷宋州

復自宋

州來寄

治都鄉

城

新黎

信州

契丹州

以乙失

活部落

置按舊唐志

睿宗景
雲元年

漢風堂文集

賓字記
均落乙
字

自營州

遷青州

復自青

州來寄

治

黃龍

青山州

析州

置寄治

⑤宗開沃州

元二年析昌州

置

自營州

來寄治

南迴城

按新唐志云開

元二年復置

字記云自營州

水門村

青山

	開元四 年	開元中	開元二 十五年
遷勳與 普志合 濱海			燕州移 治桃谷
		歸義州 契丹州 以李詩 部落置	
	歸順州 更名 懷柔		

正史卷一百一十五

山

天寶元燕州改

年 歸德郡

順州改

順義郡

校舊唐

志作順

漢義郡

漢字衍

肅宗乾

元元年

德宗建廢燕州

歸順州瀛州

改歸化降胡州

郡 寄治縣

界

歸化郡

復改歸

順州

中二年以其故

廢置幽

都縣徙

順州於

桃谷山

江陰沿革考

江陰古延陵邑自吳季札避位而耕封於延陵遂為季子所

居史記集解三十一引皇覽延陵季子楚考烈王封黃歇為

春申君又為春申君之采邑輿地紀勝九引江陰志云楚考烈王封黃歇為春申君請地於

江東於是城吳故墟以為郡邑故今因春申為秦屬會稽郡

以為延陵鄉漢置毘陵縣又析置暨陽鄉元和郡縣志本漢

晉武帝太康二年平吳置暨陽縣按晉志毘陵郡吳分會稽

校尉太康二年省校尉置毘陵郡而沈約宋志亦云太康二

年分無錫毘陵立元和志同則是毘陵之置郡與暨陽之置

縣同在太康七年析暨陽置南沙縣按沈約宋志南沙本

康二年吳平立暨陽縣割屬之咸康七年吳縣司鹽都尉署吳

時名沙中吳平立暨陽縣割屬之咸康七年梁敬帝太平元年

置江陰郡改暨陽為江陰縣徙治君山之陽按陳志據寰宇

云梁分蘭陵置江陰縣與元和志及通典不同考晉自太康

二年置暨陽縣之後而晉宋齊三志並有暨陽縣自梁敬帝

置江陰郡因改暨陽為江陰耳隋志元和志及通典唐地理

志初無割蘭陵縣立江陰縣之文而寰宇記及輿地廣記乃

追書割蘭陵為江陰縣自祥符圖經始有此說蓋蘭陵與江

陰為鄰或一時割蘭陵以益江陰之地亦未可知但不可謂

專割蘭陵為江陰也至云江陰本漢曲阿之地亦因謂為蘭

陵所分而致誤耳又按陳志據沈文阿傳云侯景平文阿

監江陰郡以為景平在承聖元年置郡當在其前不知文阿

傳系累言之不必監江割蘭陵之利城并以舊城置梁豐以

陰郡定在平景之年也

屬之陳志梁改豎陽為江陰就縣置郡而徙縣治於君山之

按寰宇記故利城在懷仁縣西六十里東晉與僑郡俱立

輿地紀勝引輿地志云晉元帝以海虞北境之七山立利城

縣宋元嘉八年遷于武進之利浦方輿紀要梁末置屬江陰

都此蓋至是始屬郡耳非至是始置縣也置字誤

輿紀要梁末陳永定元年奉梁敬帝為江陰王

置屬江陰郡 趙志云以其

名江 以縣為江陰國 南史陳永定元年以江陰郡

徙治夏浦 寰宇記艦浦池在縣西十八里古老云陳至德元

年江陰郡守倪啟徙江陰縣治夏浦即此城也

隋平陳國除開皇九年廢郡及梁豐利城二縣入江陰仍屬

毘陵郡復徙治君山之陽 隋地理志江陰梁置及置江陰郡

趙志云其治仍 唐武德三年置暨州復置暨陽利城二縣

居君山之陽 唐武德三年置暨州復置暨陽利城二縣

置利城于海虞北境宋遷于武進之利浦梁改屬江陰隋即

并入縣境唐武德三年復置九年仍省寰宇記武德三年併

入江陰 九年州廢省二縣來入隸常州 唐志云武德三年以

縣亦誤

置暨陽利城二縣九年州廢省去至會昌四年升縣為望咸

暨陽利城以江陰縣來屬常州地理志云常州五縣至是四縣升為望按唐南唐昇元中

始建為江陰軍晏公類要寰宇記均云在昇元中而歐史職

縣後唐昇元中升為軍馬令南唐書建國譜書以江陰宋

化元年廢軍為縣三年復置軍蔡志云從縣人司諫熙寧四

年再廢建炎二年復為軍蔡志云從父老胡崇等請復縣為

泰州岳飛以泰不可守率眾屯江陰紹興二十七年復廢三

軍沙上建炎四年已復江陰軍矣紹興二十七年復廢三

十一年又復繫年錄云紹興二十七年二月廢江陰軍為縣

廷初無所補故有是命仍屯兵三百八十人以知縣兼軍使

紹興三十一年十一月新知嚴州楊師中知江陰軍填復置

關江陰比廢為縣至是復之德祐元年元取之以為本軍行

仍賜師中銀二萬兩為軍費德祐元年元取之以為本軍行

安撫使事據陳志按蔡志云元至元十三年升為江陰路

總管府

張著至元重修公署記至元十三年江南初二十八年

附州軍例升為總管府領錄事司治江陰縣

陸文圭

年降路為州隸常管尋以州為上州隸江浙行中書省
陸文圭
陰改州記至元二十八年秋七月二十三日江淮行中書省
參知政事臣公楠奏暨陽與毘陵郡壤相接戶不滿七萬設
立總管非是請改州隸毘陵管內省併司縣各一減官吏俸
數十於事理便制曰可是歲十二月擢烏魯克錫布哈為州
長官刻印之任始至問民疾苦皆曰江鄉土狹民瘠介在一
隅以故無大役役今以屬州事統府其情不吾察奈何侯日
第安之吾在毋恐既而符檄數下調發無虛日沂流供給回
遠百里民疲於奔命訊報淹留因多瘕死兵廩不時率有怨
言侯慨然曰吾受命作牧民瘠即吾瘠也時麻訪使者適至
侯且言其不便率州之士庶請以州隸行省事得直達免旁
郡牽制之虞未報會至尊新登寶位勤卹民隱宰執條具以
聞上可其奏令下之日士庶呼舞恩若更生侯亦喜曰今而
後得專治吾民矣治之期年政平訟簡州以無事朝廷嘉之
秩滿遷常州路同知總管府事先是公嘗為此郡治中常民
喜公之復來而暨民惜其驟去也於是述置州顛末謹刻諸
石俾來者有攷且以寄去思之情云元貞二年六月壬子
明太祖於甲辰年改連洋州尋復為江陰州
明太祖紀至正十七年六月趙

繼祖克江陰 明地理志太祖甲辰年曰連洋州 吳元年四
 尋復曰江陰州 按甲辰年元順帝二十四年也
 月降為縣 明地理志吳元年四月降為縣 按吳元年以揚
 州秦興縣之馬馱沙來屬仍隸常州府 陳志縣北揚子江心
 面湖泥日以附益浸成平壤東西七十里南北二
 十里宋元半隸秦興半隸江陰明初乃全以來屬 成化十七
 年析馬馱沙置靖江縣

國朝為縣如故仍屬常州府

附表			
年代	統部	國州郡軍	縣
禹貢	揚州		
殷	揚州	句吳	吳秦伯封域
春秋	揚州	吳	延陵季子之采邑

東晉成 揚州	年 太康二	晉武帝揚州	吳	東漢	新莽	漢	秦	戰國
晉陵郡 <small>晉志惠帝永興元年</small>		毗陵郡 <small>晉志分吳郡建</small>	典農校尉	吳郡 <small>晉志順帝分會稽立</small>	會稽郡	會稽郡	會稽郡	楚
暨陽縣 <small>析縣境置南沙縣</small>		暨陽縣	毗陵縣暨陽鄉	毗陵縣暨陽鄉	毗壇縣暨陽鄉	毗陵縣暨陽鄉 <small>元郡縣志作漑陽</small>	延陵鄉	春申君采邑

卷之三十一

帝咸康

七年

宋文帝

南徐州

晉陵郡

暨陽縣

元嘉八

年

齊

南徐州

晉陵郡

暨陽縣

梁敬帝

南徐州

江陰郡

江陰縣

太平二

年

陳武帝

南徐州

江陰國

江陰縣

永定元

利城縣

封東海王世子毗
因改晉陵

年	隋高祖	開皇九年	煬帝大業三年	唐高祖武德三年	九年	太宗貞
						江南道
	常州 <small>隋志平陳郡廢常州初治常熟後改常熟屬蘇州移常州於晉陵</small>	毗陵郡	暨州 <small>新置</small>	常州 <small>廢暨州以縣來屬</small>	常州	常州
梁豐縣	江陰縣	江陰縣	江陰縣	暨陽縣 <small>復置</small>	利城縣 <small>復置</small>	江陰縣 <small>廢暨陽利城來入</small>

欽定四庫全書

卷之二

觀元年

元宗開江南東道

常州

江陰縣

元三十

一年

天寶元江南東道

晉陵郡

江陰縣

年

肅宗至江東防禦使

常州

江陰縣

德二年

乾元元浙江西道節度使

常州

江陰縣

年

代宗大浙江道都團練觀常州

江陰縣

<p>唐十四年</p>	<p>察使<small>合東西為一道</small></p>		
<p>德宗建中元年</p>	<p>浙江西道團練觀察使</p>	<p>常州</p>	<p>江陰縣</p>
<p>二年</p>	<p>浙江西道節度使</p>	<p>常州</p>	<p>江陰縣</p>
<p>憲宗元和二年</p>	<p>鎮海軍節度使</p>	<p>常州</p>	<p>江陰縣</p>
<p>南唐太祖昇元</p>	<p>江陰軍</p>		<p>江陰縣</p>
<p>中</p>			

通鑑文獻通考

三

宋太宗	江南道	常州	江陰縣 <small>廢軍</small>
淳化元年			
三年	江南道	江陰軍 <small>復置</small>	江陰縣
四年	江南東道	江陰軍	江陰縣
至道三年	兩浙路	江陰軍	江陰縣
神宗熙寧四年	兩浙路	常州	江陰縣 <small>廢軍</small>
七年	兩浙西路	常州	江陰縣
高宗建	兩浙西路	江陰軍 <small>復置</small>	江陰縣

炎四年			
紹興二	兩浙西路	常州	江陰縣 <small>廢軍</small>
十七年			
三十一年	兩浙西路	江陰軍 <small>復置</small>	江陰縣
元世祖		江陰軍 <small>入元初改南興軍未</small>	江陰縣
至元十		<small>幾復故行安撫使</small>	
二年 <small>宋德</small>			
祐元年			
十三年		江陰路總管府 <small>升</small>	江陰縣
二十八	江浙行中書省	常州路 <small>廢江陰路來隸</small>	江陰州 <small>上。降路爲州</small>

虎風堂文集四

七

年			
明太祖 甲辰年 元至正 二十四 年	江南行中書省	常州府	連洋州 <small>未幾復 故名</small>
吳元年 至正二 十七年	江南行中書省	常州府	江陰縣 <small>仍改州為 縣以馬馱 沙隸之</small>
年 憲宗成 化十七	直隸中書省 南京	常州府	江陰縣 <small>析馬馱沙 置靖江縣</small>

年			
國朝順	江南布政使	常州	江陰縣
治元年			<small>繁疲難</small>

許兀慎氏世系表

元博爾忽許兀慎氏一作許慎氏一作旭申氏一作忽神氏
 爲元初四傑之一本傳寥寥數言塔察兒亦其子誤以爲從
 孫按元史塔察兒列傳云伯祖父博爾忽攷孛朮魯翽撰襄
 懋公神道碑云高祖博魯溫諾延曾祖塔察兒是博魯溫諾
 延卽博爾忽爲塔察兒父非伯祖張敏八撒兒德政碑云始
 祖孛朮溫那延曰塔察兒曰里虎及曰密里察兒曰阿魯
 灰曰亦乞里及世次秩如又攷孛朮魯翽河南淮北蒙古軍

都萬戶府增修公廨碑銘云旭申氏自博魯溫諾延塔察兒
別里古台密察兒宋都台阿魯輝伯里濶不花昔里伯吉六
世八襲蓋自博魯溫諾延至昔里伯吉爲六世宋都台爲密
察兒之弟伯里濶不花爲阿魯灰之弟爲八襲尤爲塙證元
史以爲從孫其誤無疑塔察兒子別里虎解孫密里察兒均
有軍功傳脫去密里察兒一世均敘於別里虎解之下至阿
魯灰伯里閣不花更棄之如遺矣元史氏族表據元明善太
師淇陽忠武王碑補脫歡一支世系又據孛朮魯朮增修公
廨碑銘補塔察兒一支世系

清河菊潭兩集均佚元清河文
見元文類孛朮魯公文見中州

名賢文表名臣事略所載
淇陽王事取裁不出元文

惜未見此碑故不知伯里閣不花

昔里伯吉世次中州名賢文表誤以昔里伯吉爲伯置伯吉

錢氏從之不知昔里伯吉尙有作昔禮伯吉者訛字宜正塔
察兒子孫家居聞喜襄懋公神道碑在縣東鎮今據此碑及
八撒兒德政碑洞霞觀記景福院記訂正世表如後

博爾忽脫歡襲失里門木土各

一作寺戶贈太兒一作

羅渾一師追封烈門各兒土木

作博爾淇陽王贈太師丞相太

渾一作博子伴讀

魯溫諾姚燧

延時太姚文獻

一初碑公神道月赤察塔刺海合八沙

四傑之兒太師中書右

陽王
元明善
淇陽王
忠武王
碑

行省右
丞相封
子太師
淇陽王
追封淇
陽王諡
忠武

輝武

馬刺宗大

正府也

可札魯

忽赤假

鐵木兒朵列不
也不干花

使通政

完者帖

木兒御

大夫太

傅嗣淇

瓜頭作一

梭馬思

歪頭一

作脫兒

赤顏

太師錄

軍國重

事遙授

中書右

丞相副

洪陽王

迭禿兒

也不干

內供奉

也先鎖

木兒知

密院事

中書右

不花

阿塔火

者

<p>塔察兒</p>	
<p>別里虎</p>	
<p>密里察</p>	
<p>阿魯灰</p>	<p>丞相 洪陽王 奴刺丁 內供奉 伯都</p>
<p>亦乞里</p>	
<p>八撒兒</p>	
<p>伯里閣 昔里伯 不花 吉里禮</p>	

一名併
解解一
而一作
灰一作
友一作
昭勇夫

蓋行
解作友
密察
輝江
友力台
將軍蒙

省兵馬
一作台兒
襲
西道都
軍萬戶
古軍萬

都元帥
行省
蒙古軍
元帥
軍萬戶
張

元史
兵馬都
萬戶追
元帥
軍萬戶
敏入撤

封李元帥
領封平陽
碑
兒德政

尤魯
家古漢
郡侯

撰襄懋軍
四萬

公神道
戶

碑

宜興蔣氏世表

蔣氏以東漢山亭侯澄為鼻祖居宜興

別里哥	昭武	大將軍	副都萬	戶江西	道元帥	追封平	陽郡公	諡襄愬	碑神道	景福院	記
不花	大將軍	副都萬	戶增	修公廡	碑又	洞觀	記	昔里吉	高壽		
宋都解	廟一作合	蒙古軍	萬戶江東	西大都督							

世表

蔣幼蟾
宏謹

胡宿撰
蔣公神
道碑

九皋
贈堂
字希

書刑部
侍郎
中祥符

五年進
士尚書
禮部侍
郎上柱
國樂安
縣開國
侯仁宋
史文
恭集
九神道
碑
昂字希
遠蒲中
州司法
參軍
宜興志
節度判
官尋除

羣玉

長生

長源

器試祕
校書郎

恭集
制

之翰
文字

續羣玉

堂遺恩
簽書平
江軍節
度判官

忠	公諡文	贈魏國	密院事	至知樞	正累官	賢良方	士又舉	二年進	叔嘉祐	之奇穎	志奇撰墓	都鈐轄	湖北路	吏部充	公事攝	西北路	提點京
宋				志	府	知興元	明經薦	進士以	祐三年	璿錫元							
				志	府	知興元	明經薦	進士以	祐三年	璿錫元							
傳	史忠義	愍	夫諡忠	朝散大	戰歿贈	陽武縣	錄事知	調饒州	興	與祖以							
使	兼樞密	平章事	書門中	至右僕	人累官	士第	一年進	興	二十	璿錫元							
宋																	

宋史卷一百一十五

滂
江甯
縣主簿

史
三陵
志

之
美
字
真州通判
士奉議
六年進

璨
字
宜
官至知
平江府
進敷文
閣待制
右大夫
大觀
孫觀鴻
慶集
七墓
銘志

志
思祖
仕登
郎
及祖
和宜
二年
進
士
宜
興志

蓋
蕭
范
藺
登
仕
藺
登
仕

史
烟
恒

江陰葛氏世表

葛氏世籍廣陵唐天祐中避孫楊之難徙江陰

葛濤丹陽鄔宋太宗時祥

集對清以高年
孝葛公有德賜
行狀爵公士

惟甫

宮字公雅汝平字正

中祥符叟宮子
五年進皇祐元
士積官年進士
祕書監屯田員
太子賓外郎
客轉工江陰志
部侍郎
宋史
列傳
密字子發書元字密
曆二年望江令
進士太史附
常寺博官傳
士史

葛氏世籍

附宮傳

書思進次仲字立隆次邦舉進

叔密次卿書思子國子孝行狀

子熙監子紹聖監書庫

六年進士四年進官司

士朝奉士中書成行狀

郎特諡舍人大立悌次郢登仕

清孝司成兼次子字都習進

史增宮修國史順之宣鄭習進

傳清集丹陽和六年鄭習進

孝行狀成葛公進士太鄭將仕

行狀

禮郎常寺奉

行狀宗正丞江陰

志

立廉仲次

三子承

務郎

立經	事郎	六子通	立民	狀	司成行	專郎	五子承	立會	江陰志	進士	興八年	四子紹	之次仲	立象	狀	司成行
權字			仲次			成行		仲次						象字		

儀仲書
立教州常

之次仲
子宣和
六年進
士直龍
國閣
江陰志
謹按
文康行
狀孫六
人有立
會無立
經清孝
行狀有
立經無
立會而
江陰志
立程注
次仲子
疑即立
會

次子鄉排岸
貢進士清孝行

行狀

和仲書立柔從
事

三子中郎

奉大夫

勝仲字立方常
鄂子右

卿書思之勝仲
迪功郎

四子紹子紹興
臨安府

聖四年八年進
於潛縣

進士祕書主簿
文康行

書省校省編定
文康行

書郎顯書籍官
狀

謨閣待禮部侍
郎字謙

制知湖郎中
鄭問立

州諡文興館開
方次子

康宋錄入繫紹
興二

史四恒年要錄
十四年

列傳十一
進士右

葛文康
狀葛公行

立中
仲勝承奉郎
溧水縣

次子右主簿

迪功郎

提舉河

北照香

司幹辦

公事

文康行

狀

立器

三子

仲勝

事郎太

立卓

四子

仲勝

鄰

立豫

五子

仲勝

縣丞

鄧監官

右承奉

鄧字楚

必楠立

書舉字規
叔熙進
三年進
士長垣
令江

正仲字孝
卿書舉
子政和
二年進
士軍器
少監
江陰志
師仲字範

立參勝
仲隆方

剛正
鄰
于
注
之
二

傳
宋廟饗文丞少年
五

江陰縣志

三

謹案葛氏世系行輩可攷者如右縣志尙有葛昭華

文字

惟明陽定
集葛公墓志銘

淳

權字執
中

開真

卿祕書
省校書
郎江
陰志
濟仲文
行狀康

郟字師
古嘉
定元年
進士沅
黃教授
江陰志

圭^淳化三年進士大理寺丞
葛瑾^慶進士
葛敏求^{字子明嘉祐六年進士司農寺丞}

葛光^熙進士
葛師望^{字興周中奉大夫}
葛^多
葛長卿^{字才}

葛皞^{字子廣四人皆紹聖元年進士}
葛彥成^{大觀三年進士}
葛騏^{字子有嚴州教授}
葛

价卿^{字朝倚二人均重和元年進士}
葛璫^{字子平知通州}
葛温卿^{字直儒廣德二年進士}
葛武^字

紹興五年進士
葛興宗^{字仲抗乾道五年進士泰州教授}
葛實^{字希四}
葛武^字

昌賜^身
葛中復^{舉明經}
埶識於此

葛氏著述存者丹陽集二十四卷
大典歸愚集十卷
宋本

九卷附韻語陽秋二十卷
明正信齋詞一卷
葛^{家詞本}

三續千字文
葛剛正
海源閣本

梁溪尤氏世表

尤氏自晉江避難入吳卜居無錫許舍生二子大成字有

終大公字無己 案尤氏世系所据舊話為多他書注出處不注者皆舊話也

尤申字陽時亨字逢表字紹棊

秋盛

興十八年王佐 榜進士 進祕書丞兼國史院編修官實錄院檢討官遷著作郎兼太子侍讀累官至禮部尙書贈太師諡文簡

焞字伯晦

鄭自誠年 榜進士 累官至禮部尙書 殿大學士提舉祕書省 封毗陵郡侯諡莊定 成得 毘 陵志

山字元 鎮焞

曾孫太學生入元不仕 錫金 新志

宋史
八
列傳

燿字紹著
字少

聖元子紹興
畢漸榜二年張
進士累九成榜
官至兵進士累
部尚書官至兵
知樞密部郎官

聚

梁

熙二年在
詹駉榜
進士累
官建康
府推官
擢左朝
奉郎太
常博士

槩字與
燭槩子

耀字仲
微槩

次子嗣
於梁更
字宗英
尉官至衛
尉寺丞

帶字公
垂耀

子官至
將作監
主簿

志字尚
之帶

交志子

玘字君
玉交

子戶部
尚書封
魏郡公
縣志

宋史卷一百一十五

三

院事除
觀文殿
大學士
知建康
府贈少
師諡文
獻錫
金縣志

晉太子
詹事兼
祕書監
權工部
侍郎

時泰舉
學鴻詞
除國子
監主簿

森字與
茂慶
元五年
曾從龍
榜進士
迪功郎

秀字穎
父志
次子

良器子秀
官提刑
點檢點
天澤良
子應器
一應器

常州文錄例言

州	知廣德	正字出	召祕書	山陽令	榜進士	方山京	定四年	棟	字率
							照	棟	棟子
							子	棟	棟子

我郡風俗純竺山川綿麗聚生賢哲增重藝林義興之周扇
 芳馨於三國無錫之顧措逸譽於六朝蕭氏挺生文武備具
 幾幾家抱和璧人握隨珠雖逸編之不存緬流風其未艾李
 唐以後名流不絕近經兵燹散佚頗多守缺抱孱吾輩之責
 茲擬替萃一書名曰常州文錄遠法會稽掇英之集近倣甫

上者舊之編理先輩之叢殘爲後學之津逮義所當爲曷敢
多讓

古人總集約有分代分家分類分體之不同分代主於世運
分家主於流別分類主於比例分體主於法度各擅所長不
可偏廢茲輯以分代分家爲主於分別部居之中存知人論
世之意而風氣之變易學派之宗尙無不隨文見焉景慕匡
襄望之來學

昔長洲顧俠君選元詩十千分編而未見全書者退爲癸集
海鹽胡震亨選唐音十籤並列而意在附存者歸諸閏餘誠
選家之茂矩總集之通例也茲錄於有專集者通體瀏覽凡
說解近乎經傳志近乎史論難近乎子皆在所亟收至於贈

序答書紀游述事擇其尤者亦不遺棄或約或寬均有義例
今自唐至明曰前編

國朝諸家曰後編其采自選本者曰閏編

別集傳於世者以唐蕭茂挺爲最先他如文恭毘陵丹陽牆
東近出大典道鄉歸愚鴻慶龜巢僅存鈔帙羽陵珍祕未易
搜羅理宜多收以廣傳布然唐以前書無刻本傳錄紙貴故
存者少而工者多宋以後刻本盛行連篇累牘工拙雜糅茲
錄稍汰繁蕪存其雅正隨人所著各自爲家蘇海韓潮期於
毋失其真而已

國朝人文颯舉雲合學文青門尙沿明季餘習未能領異標
新彙旃守東林之舊畫山受宛陵之傳實實承安溪之學麟

麟炳炳輝映一時乾嘉之間學者尤盛皋文博綜經術子居
出入周秦諸子其爲文章遂有函蓋古今盪動雲海之致邴
生晉卿仲倫小峴保緒山子亦各覃心冥追成就遠大海內
屬翰之士目之曰陽湖派與桐城並稱雖刻本專集沾丐儒
林擷其菁華歸於茲錄其他單刻小集名不甚著爲世閒罕
見者采取略廣猶之前編

唐以前人專集均佚然周魴誘曹之書見於本傳愷之賦序
之類得之短書零璧碎金何可輕棄他如宋元明人僅於選
本流傳一二與夫山經地志稗官野史所載存人存文關係
最重並注所出以便覆勘昔人比之葬暴露之白骨哺路棄
之嬰兒言之何其沈痛況乎發桑梓之幽光表粉榆之潛德

者乎

古人文辭不分駢散近則截然兩體判若淄澠屠庶常

寄有

國朝常州駢體文錄之刻兼錄古賦茲錄

國朝諸家專取散行庶免疊牀架屋之誚若前篇爲屠選所未及賦與儷體擇其有關係者閒登一二藉以補缺並非亂例

文人仕履各史有列傳者首錄列傳無列傳者采諸墓志碑文志傳他若

四庫提要書目解題亦均甄錄至於前輩品評文人軼事可以爲史家之考證藝苑之叢談均爲詳列以備參攷

時文序不錄不足錄也壽序不錄戒諧媚也生存人不錄涉

標榜也談經過偏執者不錄近隱怪也論事過詆毀者不錄
息爭競也

八縣志書所載經籍今已百不一存近來搜得全稿不及五
十種殊嫌孤陋然轉有所得出於志書之外者同鄉諸君子
或舊藏名人舊刻或寶先世遺書幸祈惠示以助不逮或徑
寄原書或傳錄副本如弓裘不鉅當爲刊行否亦擇要錄入
決無散失之理同好者諒之

光緒順天府志序錄

清受

天命撫有方夏因元明之故都於燕京定鼎東撫遼瀋接
龍興之舊疆南絕粵海北度大漠撫喀爾喀內外諸札薩克

西開玉門陽關二萬里古之疏勒莎車盡爲郡縣地球之上
五大洲大小數十國或自達或附屬輶軒之使琛賚之貢咸
輻輳於

京師

京師之地王化所始巨之

郊

廟學校兵衛之制細之禱祀風尙玩好之事靡不先行畿甸
後及薄海地大物博稱曰首善而領之以順天府尹與總督
分治蓋秦內史漢京兆尹洛陽尹之遺制也府轄兩道四廳
五州十九縣幅員之廣政令之繁特異於他府顧自建都以
來元則有燕京志析津志明則有北平圖經北平志書皆不

傳存於今者只萬曆間沈應文所撰順天府志耳書僅六卷
草創荒略同治壬申今文華殿大學士直隸總督肅毅伯合
肥李公奏修畿輔通志調取各府州縣志書而順天獨闕前
吏部尚書德化菴文敏師前湖北巡撫彭丈祖賢勅議重修
聘分纂購書籍輯長編函商李爵相籌寄經費延今兩廣總
督張孝達師擬定義例授荃孫照例編輯中丞開藩豫章今
通政使宜興周丈家楣接任奏請開局得

旨俞允光緒辛巳孝達師巡撫山西令荃孫專任其事固辭
不獲適周丈再蒞任僅二十四州縣采訪冊書牘並發舟車
踵接荃孫復引兵部郎中德清傅君雲龍武進舉人屠君寄
爲助周旋瑣屑經理終始則順天府經歷山陰范君思本

國史館謄錄宜興李君棣林之力居多始於辛巳訖於乙酉
凡成書一百三十卷總綱十一子目六十有九而冠之以
京師志者紀

卜宅之隆規敷

睿治之丕烈邦畿千里游泳

聖澤使薄海內外聲教所訖莫不瞻雲就日奉爲依歸是以
序述規模恭紀卷首次之曰地理志規畫區域脈絡山川郭
郭建置之方治所興廢之跡因近以綴遠託小以著大使人
覽形勢阨塞則思握險控禦防患於未然驗風俗盛衰則思
與民休息維之於不敝庶幾如澄止水而無漠愒之患也次
之曰河渠志永定貫乎中清河界其南白河流其北文霸之

閒舊爲澤國是在窮其源極其委勤板築通淤塞使隄有金石之固而防無絲縷之罅則沮洳皆化上腴黔首于以永謐也

廟堂之碩畫官吏之功績所宜日載而月紀也次之曰食貨志則財出於土土繫於人通乎天時盡乎地利定則壤之經制稅斂之法勝國苛政首先蠲除使民知耕鑿之樂效輸將之忱而沐

仁澤於無涯也次之曰經政志官吏之廢置倉儲之虛實漕運之更變典禮學校之制錢法鹽法之章兵汛驛傳之籍編輯公牘搜訪故事使人觀其得失而補敝救偏至若西北叢山擁衛合沓金鐵之利見於前史硝磺之產訪諸土人而今

僅以煤著無亦地利之未盡人謀之未臧乎故事志者由今溯昔綱舉條繫識大識小各具勸懲若夫兵事之成敗形勢不可不講也天時之祥異政令不可不治也防患於微宜慎也哉官師志者典城佐治各有專責居位之久暫考最之黜陟序爵里述事實采善鉏醜意在於斯人物志者鴻儒偉德生必閒世涵山澤之淳英稽粉榆之故實百世之下仰高山慕景行而心爲之嚮往也豐功偉烈之不容沒也潛德幽光之必待發也若身廁科目而無所表見甚且引以爲誡抑又末矣曰藝文擬四部之編錄仿七略之解題盧牟羣哲摛拾綈緗雖一家之說雜流之言皆有取焉所以使博覽旁搜抱殘守缺求前詰之祕文而毋敢弁髦視也曰金石其大者足

以補史乘之漏其斷石零墨亦可徵軼事表芳躅深巖窮谷
古剝荒冢披沙抉蘚日出不窮所以爲好古之士導其先路
也斤斤焉宣其要蹟總其紀綱引而申之不避複沓以自明
其意使後之莅此者求先典而秩如徵庶績而咸若前者可
傳來者可續百務條通而輻輳如百川之貫於江河無不滲
漉是則盡詩人周爰之善效愚者一得之益乃爲序志一篇
以終其事焉古之志都邑者僅存乾道淳祐咸淳三志偏隅
南渡具體而微豈若今日大一統之規躋中興之世徵今考
古泐成此編文不敢慕高潔也惟求其賅辭不敢尙華縟也
惟取其徵信事不敢專企雅峻也惟重其足以敦厲浮俗世
有學人才士知言之選必能實事求是以匡不逮是所深幸

也夫爰爲之序曰

金城湯池虎踞龍蟠宅中國大長治久安貢達梯航瑞輯躬
桓是日天府厥論不刊志城池弟一

千門萬戶建章是營巍巍翼翼①我漢京志

宮禁弟二

靈沼靈臺與民偕樂

奎藻雲章輝皇巖壑志苑囿弟三

大園大矩呼吸相聯肅肅祇祇誠通樞煙

祖功

宗德稽古同

天夙夜匪懈明禋潔蠲志

壇

廟弟四

六宗羣神首見堯典肸嚮阿護捷於睇眄及羣小祀祭亦豐
腆作之敬恭格於幽顯志祠祀弟五

七棘三槐星張棋布遠溯元明廣稽掌故志衙署弟六

漢家羽林唐代府兵桓桓步伐肅肅干城投石超距伐鼓揚
旌如火如荼衛我

神京志兵制弟七

八旗子弟奇才卓犖既習武備兼擅文學冬夏詩書春秋禮
樂回緬遠人亦歸雕琢志官學弟八

生財有道務本節用以告大農兼權合綜志倉庫弟九

關市有征首嚴譏察匪日取盈藉懲豪猾志關樞弟十

鰥寡孤獨王政所先舍以室宇食以粥餽興及蠶桑利莫大
焉經營籌畫賴彼高賢志廠局弟十一

朝市南北衢巷西東三條五劇雨集雷轟竹垞雙藤西崖四
松前賢遺躅欽挹高風志坊巷弟十二

湖名淨業河號大通發源玉泉萬派朝宗液波颺碧溝葉流
紅維郭守敬成此大功志水道弟十三

琳宮貝宇參差相望紺碧雲中精藍天上寂寂鐘魚峩峩龍
象轉大法輪是日寶藏志寺觀弟十四

禮儀好尚各有所宜時世盛衰風會轉移茂矣美矣陶之淑
之補偏救弊意在於斯志風俗弟十五

盧龍大藩涿鹿左界面山負海杜平扼隘境拓封圻跡存營
砦環顧甸服朗若圖畫志疆域弟十六

恆嶽西來田盤東峙小郭大宮齶齶齒齒漢泉徐衍尋源極
委經山緯川班志是儼志山川弟十七

名山枕堞平地疏渠訪之輦之以奠閭閻志城池弟十八
弗謂傳舍爾盡爾職卽以荻障詎無慙色堂記知愧齋名古
墨景行前賢曰攸好德志治所弟十九

今之縣邑古之子男百神鑒臨調和嘑甘明菜芳醴申命再
三何以格之令德無慙志祠祀弟二十

義襄隆福曾駐

鑿輿赫赫上方創自隋初禪宗達摩梵字佉盧經幢塔記寶

勝瓊琚志寺觀第二十一

金陵奉先明陵天壽櫻黍猶薦松楸永茂下至公卿纍纍道
右巨碣豐碑縱橫碧獸志冢墓第二十二

都鄙形體均之遂人遐綜邇緝如絲伊綸出入守望安我編
氓古城故瀆纖悉具陳志村鎮第二十三

軍都古陘潮河大川故壘遺屯消歇烽煙海波一角搖動全
燕輪舸礮臺鎖鑰鉤連志邊關第二十四

斷斷舊俗于于土風密邇

皇都以洽大同志風俗第二十五

於菟楚言登來齊語體別陰陽音諧徵羽略分清濁強生齟
齟疏證明通騎驛今古志方言第二十六

以晷占天以表量日經度緯度立法縝密遠近高下得諸實
測勿言占驗流於方術志天文表弟二十七

幽都宛延州以山名秦漢以降代有分并緯以大事記以旁
行二千餘載陳蹟分明志沿革表弟二十八

鄴亭水經注於大代直隸河渠創於大戴東原先生山川脈絡溝

澮向背願以一心上溯千載經濟支瀆搜求破碎古道舊碣
考訂茫昧我思古人力愧未逮志水道弟二十九

密捷填淤樹板分崖時奉

廟謨庶民子來隄長束虹杵急喧雷金石同堅灑沈澹災志
河工弟三十

水畢除道駟見成梁勿憂沮洳均達康莊志津梁弟三十一

戾陵立場荆山開渠道園立法潞水著書欲變斥鹵盡化膏
腴求民瘼者尙其鑒諸志水利第三十二

一男三女著於職方休養生息字育繁昌雞鳴犬吠四境相
望何以涖之俗阜民康志戶口第三十三

四擾三種宜於幽州功程勤惰性辨剛柔泉温育疏山深產
鏐今之利器尙其講求志物產第三十四

勝國重賦盪滌一新耕田鑿井長沐

皇仁春斂其庸秋稅其畝維正之供奔走恐後則壤有經愠
解財阜志田賦三十五

旗租一項掌於有司董而理之如析亂絲志旗租第三十六
官多民擾官省民玩損益得宜成童可校志官吏第三十七

豐年登穀餘三耕九亦有凶荒以裨高厚蓋藏敗蝕責在典
守擴而充之惟民父母志倉儲弟二十八

轉漕東南以實

帝倉河運海運監以倉場州名曰通取義孔長利弊纖悉記
述必詳志漕運弟三十九

昔產五金今惟石炭鑿險緹幽功資執爨志礦廠弟四十
蘆臺玉砂寶母之靈亦供天廚用佐邊礪志鹽法弟四十一
軍興財乏乃造大錢緣何京師其用獨偏銷鑄宜禁子母兼
權幾時復古跋彼高賢志錢法弟四十二

五禮五庸郁郁彬彬陶情淑性以牖吾民志典禮弟四十三
鴻都雅化膠序成林園橋之士釋耒鳴琴幽燕剛氣冶爲南

金穆穆醇風悠悠我心志學校弟四十四

拱衛京師不忘武備步代之齊技擊之利星布百屯雲迴萬
騎居安思危惟聖時鼓志營制弟四十五

傳記乘驛孔言置郵去如風發捷似星流朝令夕聞借箸運
籌附以電報制度尤周志驛傳弟四十六

三千餘年大事可記規仿龍門綜徵期備志時政弟四十七
幽燕形勝兵所必爭借觀龜鏡庶弭亂萌志兵事弟四十八
商瞿再傳而得周醜微言已渺人自不朽漢家韓盧

昭代黃朱行爲人師學爲純儒志學派弟四十九

陰陽變理職在三公嘉禾瑞麥蝕日流虹休徵咎徵感應則
同勿謂細微息息相通志祥異弟五十

逸事瑣聞街談巷語風雨一鑑乞靈故楮聊示勸懲閒有取
與志怪談(五)皆所弗許志雜事弟五十一

澤我一時報君千古我思古人杜母召父春社壺觴秋郊鼓
舞善政可尋往哲是與志官師傳弟五十二

紆青拖紫爲百族師僉曰吾良行則委蛇頌聲聞寂似知不
知何如循吏身往名垂後有來者尙其思之志歷代職官表
弟五十三

高山巨川鍾毓嘉德行爲士範言爲世則宇宙增華簡編生
色魯國山陽先賢法式發潛顯幽以儀四國志先賢弟五十

四

雜人一傳創自歐陽據事直書法誠毋忘志雜人弟五十五

昔何光遠作鑒誠錄著爲殷鑒以囿薄俗志鑒誠第五十六
株孺構櫨公輸材之精神獨到遂炫瑰琦技進於道神通以
思曲藝可名庸庸何爲志方伎第五十七

表以石窈昭我彤華區明風烈揚推柔嘉如金百鍊如玉無
瑕女貞猗猗庇蔭幽遐志列女第五十八

運期遠游幼安避地樂土可遷一枝是寄志僑寓第五十九
唐志眞系宋錄傳鐙惟彼二氏不沒其稱志釋道第六十

漢重選舉唐分科目赤水求珠荆山采璞三輔黃圖王政所
先

聖皇側席野無遺賢桑梓之華俊乂高騫志選舉表第六十

一

礪山帶河孔鼎悝鐘上古及隋或王或公有明成祖入紹大
宗書爵書世不及虛封志爵封表弟六十二

嚴顏斷頭引演納肝賁命蹈義若飢就餐指拄天壤大節同
完薦以苾芬浩氣鬱蟠志昭忠表弟六十三

望高北斗品重南金祀之饗宮以式士林志鄉賢表弟六十

四

廣搜地志兼錄故事自周迄今事蹟大備志紀錄順天事之
書弟六十五

編分甲乙簿錄經史佚存並列記其緣起燕山勃海鍾毓秀
良毋寶燕石而遺琳琅志順天人著述弟六十六

聖製星炳

天章雲麗刻石鏤金昭示萬世志

御碑第六十七

商周遺器頒自上方岐豐石鼓遷於汴梁下迄元代共寶珪

璋深巖壞剝時露幽光

志成後得唐
遺金元多種

我思古人惟趙歐陽志

歷代金石第六十八

洪武圖經煙雲散逸萬曆府志尙流完帙露篋雪鈔迨二
日重啟規模自病狃率書訂奇零事搜放失慎言闕疑敢云

著述匡厥譎陋大雅埃質志序錄第六十九

光緒湖北通志序錄

湖北一省寰宇之樞紐江漢之上游東連吳會西通巴蜀南
極瀟湘北接雍豫爲府十直隸州一州縣六十八地土沃衍

人經綸國右各陸滄濟百造

攷究尤貴詳明迺請於

朝謀於僚屬招集績學嗜古之士相與討論緝閱典籍凡羣經諸史以及

聖訓

會典則例三通

大清一統志暨諸省郡縣志書諸子百家文集雜著靡不甄錄又檄郡縣采訪月以冊聞銖聚成鈞縷積盈筭然後條區類別分授纂編舊志徇俗今皆攷訂如州縣一圖開方記里江漢二瀆從源及流之類舊志失序今皆綜核如學以訓士勅立專門軍以衛民兼稽兵事之類舊志虛文今皆刪除如禮儀重典天下所同事物雜綴志餘所載之類又有舊志所

無今應增益如晷度立表經緯不訛關榷征商中西同揆之類凡所編述具勒成二百有六卷其敘曰

帝眷南服自

天降詔煌煌

九朝日星並曜述

詔諭弟一

維府州縣地各一圖割圓切綫四正四隅述輿地疆域圖弟

二

前朝治所井邑已改故城舊戍上溯千載廣訂旁稽其功數倍讀史足徵典型具在述前代沿革圖弟三

代有分并地名繁滋三千餘年表以貫之南北僑置紛於亂

絲條舉件繫羸縮佩離述沿革表弟四

節氣早遲太陽高下政齊璣衡繆殊星野述晷度經緯表弟

五

國所憑依名山大川三楚紀述盛郭最先脈絡鉤帶經支
聯靈孕地軸氣象萬千述山川弟六

楚冢巖巖中樞重鎮左江右漢臨深標峻珠鈴坐擁金甌未
聖制治保邦鑒於古訓述形勝弟七

上溯熊芊下迄勝朝礪山帶河以育功苗叢叢蝨蝨蠻左浮
器撫順討叛不廢科條述藩封附土司弟八

荆楚歲時著於宗懷邑有禮儀俗便食飲土風剽疾去其太
甚多智多壽山澤異稟述風俗弟九

史曰樛杻傳記於菟今昔異音脣舌非殊揚雄郭璞勗此成
模甄綜騎驛端賴通儒述乃言第十

書紀栝柏語詳竹箭物產沃饒東南之選石炭干冶鏐鐵百
鍊取法泰西通久在變述物產第十一

古人往矣高山仰止憑弔遺墟掇拾故紙我佛西來琳宮高
峙點綴湖山皆大歡喜述古跡第十二

金城湯池守國所尚禦彼竊發足爲保障述城池第十三
布政何所棠舍松廳勞逸並治鳴琴戴星述廨署第十四
兵燹甫定華變浩繁分曹舉職以奠元元近采西學機巧湖
源噫吁利藪稍作屏藩述廠局第十五

水旱災厲明神胙蠶感孚雨閒包孕萬象勞臣古賢春秋報

享崇德尚功

盛典無兩述壇廟附祠祀弟十六

高原下隰千村萬落廣記墟市久安耕鑿述村鎮弟十七

天府之國叢山重湖僻陋弗備寇鈔是虞陳古誠今立說繪
圖勇夫重閉毋忘要區述關隘弟十八

荊州澤國最重宣防危隄一綫萬眾倉皇東塞西決南福北
殃古曰雲夢今也稻梁棄地與水上策最良第曰畚築補抹
弗皇緯以圖說釐定界疆典型具在孰禦湯湯述隄防弟十
九

新月長虹行人利濟但求樸實無取美麗亦有方舟溯洄水
際安我賓旅往來無滯述津渡弟二十

王政所先繆寡孤獨惠此哀黎自求多福述善堂弟二十一
一男二女見於職方偶見盛衰端在凶穰述戶口弟二十二
厥土塗泥厥賦上下鋤雲犁雨盡力田野勿慮中飽稅則近
更計畝納絹以順輿情述田賦弟二十三
天庾正供銜尾千艘改折卅稔善政弗撓立屯編衛管運分
曹如更舊轍永沛

恩膏述漕運附屯衛弟二十四

多黍多稌載詠豐年倉庾旣盈邀福自天以備凶荒流亡少
焉蓋藏敗蝕守土之愆述倉儲弟二十五

聖朝惠政歎則蠲恤沐浴

皇仁海宇靜謐述蠲卹弟二十六

榷關征稅具有成規貨財竹木戶工分司征及市廛爲筭軍
食海舶通轉均輸千億過寬近懈過嚴近刻足

國惠商以輔九式述關榷附釐金弟二十七

荆襄十郡舊號淮岸巴蜀井鹽順流侵灌互有詆謀時相辨
難因勢利導羸紕自判述鹽法弟二十八

幕文舊志曰武曰昌私銷盜鑄甲令嚴防近設西鑪鎔鍊精
詳厚薄如一磨琢尤光銅鑿燭天安陸之鄉采沙闢冶庶免
錢荒述錢法弟二十九

淵源洙泗賢關聖域陶冶南金廊廡翼翼述學宮弟三十
岸序雅化青青子衿于飛鳳翮革彼鴉音述學額弟三十一
廣廈萬閒大庇多士驥櫪盼孫龍門識李亦有風檐以試童

子程材衡藝雲衢伊始述貢院第三十二試院第三十三
經義治事勅自安定釋史詮經講堂觀聽別啟覺舍廣分門
徑維楚育材寶珠照乘述書院第三十四
公田遺義學校尙存納租取息以贍養飧講舍義學首在經
畫因事豫籌官司之責述經費第三十五

統帥穀城兩鎮郎宜南山北山鞏衛防維峙乃糗糧穀乃甲
冑典守窳缺決罰弗宥述緣營額兵第三十六
桓桓禁旅駐防荊州踞虎中原飲馬江流星羅棊布武備聿
修國風所詠干城好仇述八旗駐防第三十七

肅清江路賴茲檄艇編營列隊與陸師等述長江水師第三
十八

子將牙軍簡練精銳厚之稟祿授之技藝安不忘危四郊拱衛去兵節財竊曰非計述練兵弟三十九

十里一塘百里一汎以詰奸宄以遞郵信述塘汎弟四十

置郵述孔乘駟記左朝令夕聞捷於星火述驛遞弟四十一
荆襄形勝用武必爭累朝兵事自周迄明體例袁樞始末具
呈龜鑑不遠永慶銷兵述歷朝兵事弟四十二

九宮殄寇兵不血刃吳逆犯邊屢退屢進邪匪窟穴粵捻縱
橫師武臣力馴致太平述

國朝武功弟四十三

蒼頭特起白甲從征史臣所重毛胡盧兵堅壁清野且戰且
耕平時保甲潛銷亂萌述鄉團弟四十四

符瑞稽沈五行敦劉休徵咎徵喜與懼侔述符瑞弟四十五
災異弟四十六

古曰寶書今之方志名臣別傳下邑故事兼搜賦詠文繫乎
地述紀載楚事之書弟四十七

盧牟往哲摺摭緜緜條其篇目撮其精良甲乙分部佚存並
詳略具解題待補遺亡述土人著述弟四十八

藝林別趣吉金樂石如何楚郊存不及百雷鐘壽碑搨本叢
殘冠之卷首聊敦古歡述金石弟四十九

文翁化蜀子產治鄭威克愛克偏重則病謳歌一時尸祝萬
姓弗徇虛文但求實政述宦績傳弟五十

官師之錄賢否並列昏庸尸位俊流植節名字雖同褒譏則

別舊止郡守丞令盡闕今訖校官育才尤切拾遺燭隱弗嫌

瑣屑述職官表弟五十一

舉秀察孝仕途久分放棄末流網羅舊聞

近年孝廉方正壽榜舉人頗沙物議

均未述制舉表弟五十二

烝我髦士釋褐受祿名揚匪易德副是祝竭海求珊鑿崑采

玉棟梁干城文武並錄述進士表弟五十三舉人表弟五十

四

世祿遺矩起家任子移孝作忠拾取青紫述蔭襲表弟五十

五

襄陽耆舊楚國先賢名臣碩德光我簡編述人物弟五十六

疾風勁草扶植綱常松柏不改日月爭光身膏原野魂歸帝

閭披髮夜叫天風浪浪述忠義第五十七

論曰孝哉書曰友于言孚家庭名動寰區肫肫素履儒者楷
模是爲庸行正氣常扶述孝友弟五十八

易授馯臂傳衍鐸椒杏壇三傳微言未淆宋明理學德義之
標肩道援溺先儆虛囂述儒林弟五十九

屈宋騷經詞章之祖史才小宋詩家老杜戶擅雕龍人推文
虎何以喻之珠林琅圃述文苑弟六十

接輿老萊抱道離俗世網紛綸舉矣黃鵠蜀莊沈冥得天自
足穆如清風山阿水曲述隱逸弟六十一

思通於神技進乎道魁能冠倫上格蒼昊事恥虛誕意出獨
造曲藝且然成名須早述方技弟六十二

鸞孤鶴寡中宵銜哀漆室未啟霜鏡已灰九死莫贖百折不
回崔巍崔巍懷清之臺述列女弟六十三

少伯居陶運期僑吳弗詠黃鳥庶歌白駒述僑寓弟六十四
養性凝命釋道同源默悟元理一空俗緣棲真唐志傳燈宋
錄卓哉二氏聊志芳躅述釋道弟六十五

嘉慶舊志陳蕪章缺亦越百載文獻幾絕廣錄羣籍旁咨後
賢文剛其穢論去其偏難拓狐腋掇拾有年鉅卷嶙峋勒成
一編闕疑存信敢曰精研敬俟來哲糾繆繩愆述序錄弟六
十六

昌平州志序錄

昌平在京師之西北枕居庸之險阻土地沈雄人物樸茂韻

頽風翊控扼雲朔誠神皋之奧區冀方之衝要也明初新舊
二志散逸不存嘉靖時崔學履修之康熙中吳都梁修之迄
今已二百年月成歲會久而無徵潛德幽光湮而莫舉遂使
畿赤之域同於叢陋老成既謝典型蔑如是可慨也同治七
年節相合肥公修畿輔通志前知州事吳君履福錢君敏勛
議重修邑紳前福建道監察御史劉君治平任其事命弟子
庠生劉君萬源主修蒐古書之記載證父老之舊聞山川關
隘親履其地而前人之異說可折衷物產人物無取借材而
邑乘之統病可盡滌知州事宋君文洩任思竟其事授簡荃
孫編纂及竟而侍御卒侍御之子勳舉而刊行之荃孫例得
書其後曰

聖澤汪濊首及

畿甸勝國山陵寢宮享殿松楸勿翦櫻實猶薦閱三百年永承

天眷援漢侯瑾皇德傳例述

皇德弟一

古人地學左圖右史爰述方隅兼志山水黃壤錯繡青郊分綺藉曰徵實匪云觀美援周輿圖例述輿圖弟二

臺遺龍虎塞扼螭螭軍都新舊灤水西東僑郡魏治長城齊功沿革興廢今古不同援晉朱育土地記等例述土地弟三冷陁西蟠白浮東會小郭大宮奠礪流帶零落軍屯縱橫溝澮兼志營田萬世永賴援齊劉澄永初山川古今記等例述

山川弟四

史遷遺法首記大事三千餘年敘述簡易廣錄時政先修戎備非常必書兼及祥異援漢司馬遷大事表例述大事表弟五

令丞簿尉職司地方召棠歌詠樂社蒸嘗食報聿隆盛名弗忘如何人往姓氏渺茫援漢班固百官公卿表等例述職官表弟六

漢重選舉唐推科目拔之田閒賚以天祿赤水孕珠荆山韞璞世有雋才門閥永續援唐選舉志等例述選舉弟七

四至八到我疆我理剏自元和倣之樂史驛號通京鼓名記里闊狹不同沿革可紀援隋西域道里記等例述道里弟八

廣谷山川土風愿慤民習耕桑士嫻禮樂俗雖朴陋氣尙卓
犖君子育之鄰幽跨涿援晉周處風土記等例述風土弟九
今之州邑地視子男百神靈佑萬井恩覃報功崇德調和齊
甘

天章炳若輝映龍潭援齊祠廟記例述祠廟第十

昌平舊刹實始乎唐遼金元明尊奉法王浮圖紺碧梵宇丹
黃青金樂石寶此琳琅援魏羊銜之洛陽伽藍記例述伽藍
第十一

明十三陵山名天壽星斗縱橫天潢華胄瓦墮紅鴛碑銜碧
獸百年一邱誰分貧富援宋李彤聖賢冢墓記例述冢墓弟
十二

田賦之簿掌於胥徒王莊圈地旗籍田租農桑絲粟閭閻樂
輸正供敢緩民困其蘇援宋李常元祐會計簿例述會計第
十三

禮樂之庭圖書之府木豆竹籩雅歌佾舞涵育薰陶春風化
雨斷斷洙泗彬彬齊魯援宋崇^寧學校新法志例述學校第
十四

障荻匪陋堊壁匪新躋堂稱壽懸榻畱賓嘯歌不廢聽斷如
神孰云傳舍薄視吾民援宋無名氏衙署志例述衙署第十
五
雄關戡戡區分內外中黃司壘太白揚旆訓練必精老弱必
汰綦布星羅衛我都會援遼史營衛志例述營衛第十六

川原燥溼土性剛柔肥磽異長勤惰殊收
鏐詔彼州人朝夕講求援唐無名氏諸郡
物產弟十七

東漢之寇公侯干城中唐之劉五冕簪纓
生揚茲美行樹之風聲援晉華隄廣陵列
十八

化始周南樂起房中傳者更生繼之蔚宗
同頑廉立懦式此清風援漢劉向列女傳
盧牟往哲摺摭緜緜條其篇目揚其文章
彰邑有著述奕世弗忘援漢書藝文志例
登高能賦才稱大夫賦時憤鬱弔古歌呼

珠豈無散佚慨想煙蕪援唐人麗藻錄例述麗藻第二十一
昌平有志勗自前明曰崔曰吳敘述維精願記山水李志芹
城彙爲一編以質俊英援漢王符潛夫論敘序錄例述序錄
第二十二

菽風堂文集卷四

藝風堂文集卷五

江陰繆荃孫

國史孝友傳序

隋志傳記類列蕭廣濟等孝子傳七家無名氏孝友傳一家書多不存遺說時見於類聚御覽中至沈約撰宋書勅立孝友傳後世史家多因之或曰孝義曰孝行曰孝感名雖不同而其爲實則一也我

國家以孝治天下服官者有告養之例行義者有旌表之典深仁

盛德漸漬人心而又厚人倫敦行義篤教化厲風俗旌勸之

詔賁於閭左所以委巷布衣之賸兒童穉弱之細至性所激

生死以之英聲被於山川盛事光於日月固士民之敦本者
多亦

聖治之感人者久也若夫生竭服事之誠歿盡哭泣之禮以
及同居百口號曰義門瞽宗祀之里鄙稱之視爲庸行實有
奇福至或逢時不造罹此鞠凶犯禁復讐挺身蒙難或宛轉
而遂其志或湮鬱以隕其生類皆纏絲固結一往莫禦水火
不能阻天地不能奪刀鋸不能控關河不能限精氣之積而
鬼神與之通往往有行雖怪而適蹈其常語似奇而實衷於
正者洵可以扶世運起懦夫矣今采其尤者輯爲專傳餘援
唐書明史例臚其姓氏如左

國史隱逸傳序

古有三不朽曰立德曰立功曰立言士君子廟身儒林將以
求志爲達道之原修身爲治國之本豈願沈冥蜀莊草木同
腐已哉若乃遭時不造履蹈焦原九死一生艱貞蒙難而天
命有在終不能藉手以有爲不得已棄捐所向投老巖穴至
大至剛之氣充塞兩間足使頑者廉懦者立百世之下聞風
興起其有益於天壤爲功於名教豈後於救民水火銘勛茅
土者乎范蔚宗創逸民傳史家因之

國初遺逸若黃宗羲顧炎武李_○見儒林傳朱用純見孝友
傳今錄錢澄之等十餘人著於篇皆大節凜然無慚前史者
若夫遭逢

聖世高蹈邱園匿跡銷聲不爲世用雖較勝溺情利祿之徒

不啻倍蓰然獨善其身曾何益於天下也故類此者皆不錄

荃孫前在

史館續修儒林文苑兩傳

舊彙四卷

勅修孝友隱

逸兩傳

有目無書

均有定彙又接修公主土司兩傳

有目無書

藝文

一志

舊彙十卷

與總裁議不合乞

假歸初彙尙畱荃孫所

江陰先哲遺書序

士大夫居鄉收拾先輩著作壽之梨棗以永其傳有三善焉
一邑讀書之士能著述者不過數十人著述而能存者不過
數人吉光片羽蟬螿爲巢及今傳之俾不湮沒其善一也土
風民俗之遷革賢人才士之出處貞義士女之事實耳目近
接紀載翔實是傳一人之詩文卽可傳數人之行誼其善二
也鄉曲末學志趣未定貽以準則牖其心思俾志在掌故者

既可考訂以名家工於詞章者亦能編纂而成集佩實銜華
聞風興起其善三也顧前人亦有二體一則采摭詩文選擇
精審部別代分彙成總集如孔延之之會稽掇英鄭虎文之
吳都文粹是也一則經史子集各因其類首尾悉具序跋仍
之或就舊帙翻雕或勒行款如一如前則胡震亨之鹽邑志
林近則邵子顯之婁東雜著是也二者之中尤以叢刻爲最
善吾友金君淮生博雅好古昔與夏君彥保及荃孫三人互
相砥礪以收拾先輩著作得一書則彼此傳鈔十餘年中長
編零帙得五六十種淮生先爲江陰藝文志二卷又擇其可
以傳播者梓行二十種名之曰江陰先哲遺書裒鳩旣博體
例尤謹誠桑梓之鉅觀而職方之要典也吾邑僻在江介宋

以務專集人若也難也寥落其如土風蓋亦一卷也積學

古今經籍之傳由竹簡而縑素而楮墨而槧刻日趨便易至叢書之刻在藝苑已爲末事然萌於宋繩於明極盛於我朝乾嘉之閒大師耆儒咸孜孜焉弗倦校益勤刻益精藉以網羅散逸掇拾叢殘續先哲之精神啟後學之涂軌其事甚艱而其功亦甚鉅願有性嗜舊刻毫釐求肖者如黃主事之士禮居是也有志在傳古校讐最精者如盧學士之抱經堂是也有書求罕見今古俱備者如鮑處士之知不足齋是也有專輯近著按亡抱缺者如趙大令之鶴齋叢書是也雖云有槧刻而書易傳然傳書之功亦惟叢書爲最大矣吾友徐君積餘沈涵經籍劬學不勸家^①國習聞鄉先輩趙琴士之遺風久客維揚與竹西諸賢相砥礪嗜古之念日專傳古之

心日切近出所刻叢書見眎蓋專求近儒輯述取未刻之書
爲之傳播經學史學地學算學無所不備書又多可傳無偏
嗜無雜糅叢書之善至此極乎聞君多藏善本二集之刻又
翹首而俟之矣

聚學軒叢書序

錢竹汀先生云嘗慕古人之書併爲一部而以己意名之者
始於左禹錫百川學海序題昭陽作噩而不署年號而中收
李之彥東谷所見錄成於咸_淳戊辰以是推之昭陽作噩當
是咸_淳癸酉矣今宗室伯希祭酒購得喻鼎孫儒學警悟刻
於宋嘉定間又前禹錫數十年是真叢書之祖然前人類刻
另立名目元明至

國初如夷門廣牘鹽邑志林津逮祕書之類至以叢書著稱
則始於明萬曆開格致叢書按明人以說郛板印行數十種
多寡不一名爲唐宋叢書亦在
萬曆開以齋閣名書則始於

國朝乾隆閒奇晉齋雅雨堂其佳者如黃氏之士禮居秦氏
之石研齋爲最雅其鉅者如伍氏之粵雅堂吾友查氏之式
訓堂爲最宜自有此叢刻人謂收拾零星小種俾不至於湮
沒有功藝苑甚鉅貴池劉子蔥石嗜古敏學殫力搜討所著
亡慮十數萬卷刳輯近儒著述類皆爲經史金石之學者刻
成聚學軒叢書若干種皆外閒所希見傳昔賢之精神開後
學之矩矱其不至真僞不分雅俗不辨剛削脫誤爲盧抱經
學士之所譏乎余從友人徐積餘太守識蔥石氣誼交孚時

相過從積餘先刻積學齋叢書余亦刻雲自在龕兩集近又有藕香零拾之選風窗燈几日事校讐吾輩蠹魚風味亦是有真樂在也

劉蔥石貴池沿革表後序

昔有問於閻百詩先生曰考據以何爲最先生應之曰不誤請益又應之曰不漏錢曉徵宮詹述其言而以爲難若考據至輿地而欲不誤不漏也難之又難者矣吾友劉子蔥石家貴池病其邑志誤漏而訂正其失撰沿革表一卷擇精語詳有條不紊卽如據宋志石城漢縣訂元和志韓當封石埭城侯輿地紀勝黃武三年置石城縣之誤據通典元和志訂新唐志脫池陽郡三字之誤訂隋志五縣爲四縣之誤

楊君守敬隋書

地理志考證云以石城臨城定陵故治南陵五縣改故治爲故治云梅根治銅官治之故地其說穿鑿不如以五字爲四字之譌較妥

訂汪氏補志少三縣之誤類皆穿穴各書而得之其用心細密洵非尋行數墨家所能者又據通典知唐改秋浦郡爲池陽當在永泰時據歐史職方考知改秋浦縣爲貴池當在楊吳順義時方志訛舛悉釐定焉至若地名同異最易混淆貴池爲邑漢前無聞漢志始著石城之名至隋乃改秋浦而隋以前書有曰石城太守李崇者則燕之石城也有曰劉胡逃至石城者讀胡注通鑑知爲竟陵之石城若但求諸南史其上下文言貴口言尋陽又安知不可混淆也至於石頭城亦嘗曰石城去今池州尤近更難辨識隋以後有僑置南豫州時有治南陵縣時苟不詳攷漫然讀史未有不河漢

者君少年好學工詩古文辭好金石精賞鑒卽以此一表爲
續修方志之權輿而疏通證明不誤不漏庶幾近之荃孫昔
嘗究心地學又兩修順天湖北通志曾彙聚古今輿地書而
攷其沿革則各書動輒牴牾證之於史牴牾尤多往往思窮
日夜多采旁證而後貫通亦竟有不能貫通者君此表雖寥
寥數葉然用心良苦矣君亦許爲知言也乎

周武壯公遺書序

咸同之間海內倂擾湘鄉會公用湘軍擊賊合肥李公以淮
軍佐之卒能芟夷大難俾天下重見昇平一時豪傑之士雲
合景從颯馳電擊各奮才智以立勛名而合肥周武壯公又
其文武備具魁倫冠能者也公自遭寇難投筆從戎東援吳

平粵寇北清畿暨平捻寇西入關平北山寇豐功偉略史不絕書其所殫心竭慮而鞠躬盡瘁未盡設施者則莫如天津海防焉天津者畿東屏蔽距京師僅二百有四十里最爲敵國所窺伺其間大沽祁口北塘要隘不一公爲統帥以事爲己任察形勢之緩急度兵力之強弱簡軍器之利鈍采輿論之是非思以威馭勇從智出口異月新士氣益固又當九河下流汎濫頻仍田蕪不治公駐軍新城防河疏渠興屯蒔稻其利日溥而其患日減暇與軍士講土宜辨物產種植收穫儲峙軍資深合古人有事則兵無事則農之遺意爲畿東百姓倡儻能推而廣之則虞道園徐禎明之說可施於今而江浙可稍損輸將畿輔可無虞空乏沐其惠者又豈止天津一

邑哉數年之間防日防俄防法從未有以一舸犯天津者猛
虎在山藜藿不采其威在也迨公歿而海疆從此多故矣歲
丁酉公子子昂觀察以遺書見眎分子目十曰軍謨篇曰御
兵篇曰簡器篇曰練法篇曰戰事篇曰城工篇曰屯政篇曰
河務篇曰行實篇曰教令篇其苦心孤詣流露行閒已行者
人共知之其未能行者人亦共諒之公之心盡而公之職亦
盡矣公所至尤以興學教士爲先務在里與同志勸肥西書
院在新城亦廣設義學菁莪之秀遂爲成才椎魯之夫亦令
識字篤行必先博學有勇進以知方至聖所言後先同揆是
書也傳後人因公意而增益之庶足挽弱爲強一洗淮軍暮
氣之恥而爲

國家之二城是所望於後之治軍者

梁曦初先生文集序

光緒丙子荃孫應禮部試以經策受知三原梁曦初師成進士撤棘後執贄門下一年之中時時進謁師長身玉立顏色和藹獎其所已能誨其所不及勤勤懇懇每言必盡丁丑九月荃孫旋蜀戊寅自蜀還師已選授福建興化府知府出都時偕同門送至城外花之寺嗚呼孰知不二年師歸道山而此別遂成永訣耶今年冬濬甫世兄抱詩文稿來開緘申紙宛如覲面文采猶在典型已非悲從中來不能自己荃孫學植浮薄何足知師之文猶憶師之言曰文無他長惟真爲難嗚呼古今文人傳作其真者能有幾人蓋有真性情始有真

識力有真識力始有真文章匪止塗澤以爲富簡淡以爲高也若集中關中善後事宜論劾陝撫妄飾欺詐疏等篇可謂真矣蓋師早游盤屋路閩生先生之門學術正法律嚴根柢既固枝葉自茂後直

樞庭入諫垣與天下賢士大夫相掛讓識力日益充王戌以來屢遭寇難生死哀痛一發於文悼我生之不辰歎時局之難挽如怨如慕如泣如訴之致流露於行閒其性情之厚有非他人所能及者性情摯而識力充識力充而文章實無意於詞而詞益工無意於法而法益密仍不外於真之一言而已師全集焜於回亂壬戌以前所作存不及百之一壬戌以後略具梗概吉光片羽猶未足概師之功力也荃孫幼溺於

吟詠後聞海內諸名流緒言稍通訓詁考據之學於文略無心得仍述師之言以序師之文亦未知能當師意否耳

說文段氏注匡謬序

代

乾隆中葉漢學倡明經師浸盛其時集小學之大成闡浚長之奧義者莫如金壇段先生說文解字注蓋窮經必先識字識字必先說文誠學海之津梁亦儒林之徑遂顧自漢至今千有餘年簡策之脫佚淺人之竄亂觸處皆是第執傳刻大小徐本爲許君之本惜非特厚誣前哲抑恐貽誤通儒段先生起缺者補之復者乙之幽隱者衷眾說以明之譌謬者集諸書以證之如鍤犖确荆灌莽闕仄徑而達之康衢如撥陰翳去屏幃啟昏室而懸之白日其功可謂勤矣其學可爲博

矣惟是卷表既多牴牾不免如據大小徐前引用之文與廣均玉篇等書證傳本之疏而改原書之字更有用意增減定爲許君本文在先生自成一家之言恐後學遂開武斷之弊同時元和江氏鏐徐氏承慶吳縣鈕氏樹玉烏程嚴氏可均陽湖陸氏繼輅時駿其說鈕氏徐氏皆成專書鈕氏書已盛行徐氏成書後於鈕氏亦密於鈕氏彙藏令子讓泉處世鮮知者丙子之冬覲元監司渝州從文孫某某索得附叢刻以行昔冲遠延注爲後鄭之佞臣斗南補遺實小顏之誣友徐氏此書補苴罅漏按剔纖微剝其浮辭存其精義蓋爲誣友母爲佞臣世之讀段注者應亦共諒苦心非苟爲辨詰已也至引段注係初藁本與近刻不甚同不足以爲詬病云

宋元詞四十家序

國朝彙刻前人詞者以虞山毛氏爲最富江都秦氏爲最精他若長塘鮑氏鹽官蔣氏亦嘗探靈琛於故楮采片玉於珍祕倚聲之士沾溉良多吾友王子佑遐明月入抱惠風在襟孕幽想於流黃激涼吹於空碧古懷落落雅不類於虎賁綺語玲瓏不墮於馬腹曾偕端木子疇許君鶴巢況君夔笙刻薇省聯吟詞固已裁雲製霞天工儷巧刻葩斲卉神匠自操矣其論南宋詞人姜張並舉暗香疏影石帚以堅潔自矜綠意紅情春水以清空流譽洵足藥粗豪之病滌舛蕩之疵於是有雙白詞之刻又論長公疏朗稼軒沈雄大德延祐之紀年雲閒信州之傳本延平劍合崑山壁雙流傳於竹隴身

州賞鑒於延令傳是藉東阿之珍弄訂汲古之舛訛於是
蘇辛詞之刻他若陽春領袖於南唐慶湖負聲於北宋碧山
之縣眇梅溪之軼麗中圭雙秀不殊怨悱之音南渡四臣各
抱忠貞之性天籟清雋待竹垞而傳蟻術新豔遇儀徵而顯
以及詞林正韻樂府指迷莫不錄諸舊帙付諸削氏真詞苑
之津梁雅歌之統會也君又以天水一朝人語令慢續騷抗
雅如日中天降及金元餘風未泯尺縑寸錦易沒於煙埃碎
璧零璣終歸於塵壒遂乃名山剔寶海舶徵奇螺損千丸羊
禿萬穎求書故府逢宛委之佚編散步冷攤獲羽陵之祕牒
傳鈔徧於吳越讐校忘夫昏旦宋自潘閬以下得十九家元
自劉秉忠以下得十一家或麗若金膏或清如水碧或冷如

礪雪或奇若巖雲萬戶千門五光十色出機杼於眾製融情
景於一家復爲之搜采此篇校訂訛字棲塵寶瑟重調殆絕
之絃沈水古香復扇未灰之燄洵足使汲古遯其精享帚輪
其富者矣荃孫冬心冷抱秋士愁多未諳律呂之聲粗識目
錄之學奉茲瓊寶歎爲鉅觀抉幽顯晦共知搜集之苦心嚼
徵含宮俾識源流於雅樂云爾

陽江舜河水利備覽序

光緒戊子冬荃孫銜恤南歸承乏南菁講席陽湖胡東翹明
經來院言曰大(益)鄉居陽湖東北地勢最下羣山四屏形如
釜底夏秋霍雨山泉怒發蓉湖流潦盪盪狂瀾矢疾颯激匯
成巨浸雨或愆期立形龜坼倏旱倏澇民用大艱昔人傍山

鑿港曰舜河北行十餘里入江陰境又十餘里經虞門通大江港門曰新溝旱則引潮內灌澇則導水外洩內灌則瀕河陽湖田七千二百五十六畝江陰田七千一百六十八畝均受其利外洩則遠至芙蓉圩馬家圩均去其害又不僅瀕河諸田也然而潮汐往來泥淤堆積水道日窄岸沙日高不十數年卽宜大濬且萃兩邑之人合數鄉之力鄉民蠢蠢意見多歧富者吝財貧者惜力欲成其事戛戛其難荃孫聞而躋之謀諸族叔晉卿先生及諸曉事者咸以爲然迺核田畝鳩貲財定丈尺立標識集夫役具畚揭搜隱匿考勤惰有百計阻撓者力持之不爲動搖入春多雨量費宜倍江陰民力不獨舉陽邑津貼之始於戊子冬十月下旬成於己丑春二月

中旬共百二十餘日而竣東翹又舉疏濬舜河錄見眎首水利論次公牘次章程次前事考次圖次役田以治水要言附焉條舉件繫經緯分明公牘上溯至萬曆五年前事上溯至洪武五年下迄於今以爲後人程式可謂勤於搜輯而有功鄉里者矣荃孫以爲人能用水水則爲利不能用水水則爲害利害兩途決無中立沿江各河日受潮淤昔也方舟今也斷港十年一濬勞民傷財其病一鹵莽從事不暇深求河細如帶土逼著幾每逢風雨往往傾瀉漁梁鱗鱗每易挂淤壘灘樹藝立形阻塞其病二築室道謀聚聾而鼓一夫夜踞萬錫星散浮冒侵漁授人以柄激成獄訟懸爲厲誠功敗垂成十居其九其病三三者皆潮港之通病非舜河之獨病縱有

良法夫豈易爲急則治標惟有合兩邑如一邑視公事如私
事嚴定條規預籌經費俾及時修理而已東翹以爲然乎否
乎昔宋魏峴著四明它山水利備覽二卷

國朝王太岳著涇渠志二卷皆足勒爲成法垂諸久遠是錄
也庶可比美前人矣

佐寮古鑑序

元幬黃孕黔首莘莘令丞簿尉最爲近民枳鷲卑棲尺蠖眇
伸泥塗非所懼而儕侶闖闖呶唵呼籲目構耳鄰鵠正萬法
鴻網嬰仁天聽詎高响姬同春噫噦晚近匪規矩是遵奉檄
爲親擊柝爲貧一眚微玷七尺不足珍蠅營集鼻蛙沸吹脣
九馗叢棘踦輪迢迢豈無芝蘭雜於荆榛飲名則穢納目則

願牛驥一阜珷璞同塵誇誇賈君盪滌幽垠今鑑鑑古古鑑
鑑身景形相逐柯則逾真鉤典注文璘夕曦晨成卷維卅積
軸嶙峋觥觥儀華首重彝倫培壤躋嵩渤游岷席民仁壽
上下維均鞠人若子撻伏若神桐鄉嗇夫遺愛在人次公矯
矯終秉國鈞經師人師矩矱攸循芝草醴泉威鳳祥麟盱衡
聖世頌景福天申

傅孟垣詩序

蓋聞子雲論詩首先辨志彥和著例兼尙使才昆侖風騷積
石漢魏溟渤六代尾閭三唐大雅不作古人誰歸裂錦百幅
雕組失質鑄鼎千鈞厚重少文滔滔汨汨大懼沮溺吾友孟
垣經折五鹿函開九羊劉尹不煩董公健者冲如曇如發爲

詩歌索冥擿塗游泳函夏叔夜含潤其志淵雅景陽振麗其
采蔥倩加以願頷宇宙搖落關河西華葛帔米賸桃花南畝
瓜廬家違若下賓王作奏仲宣登樓硯鐵自磨鐙檠作伴每
當望雲思親聽雨憶弟茫茫詩思蕭蕭客懷未免有情誰能
遣此若夫洱海瘴雲黔山簪雨夔道鯁部江陽龍堆枯籐挂
壁日碎有聲迴湍墮星飈斜失色三台山北九支城南篝狐
鳴祠焦黎嚙索風災鬼難刀雨隨輪矛浙劍炊槍雲擁社而
乃登高能賦徧及征途草檄得閒便成凱唱少陵入蜀律法
愈細庾信遭亂才思益新境之不幸詩之幸也夫以瑰琦其
行組練其才摘藻錦囊滌筆銀漢猶復沈酣卷軸出入風雅
爬羅古豔跌宕今情將使瀛州鐫姓詎誇下里蘭臺簪筆上

吮雲和豈不至哉豈云幸哉顧乃局跡塵埃曳尾泥塗已做
秦裘未設穆醴騏驥失勢驚駘同咎鸞皇鏃翻雞鶩爭食吹
簫吳市擊筑燕臺抑鬱無聊侘傺何已駕車隆隆途往輒窮
天門蕩蕩誅不得上僕與足下同此天涯元方季方一門矜
式羊仲求仲三徑追隨而浣花一溪蜨魂不飛嘸血五斗鵝
夢欲碎傷哉君子如何如何人亦有言詩能窮人吾謂不然
窮達在天引商刻羽和寡自古被朱飾紫行尸蔑爾孰得孰
喪辨之易明不怨不尤是昌子之詩吾子勉之

澤宮位次考序

懿夫天降虹玉素王受命之符庭遺麟紱黑帝右文之瑞四
科從夫陳蔡五教闡於鄒嶧文翁石室續諸賢於禮殿子長

史記輔世家以列傳經師升配貞觀通古今之學弟子從祀
開元增侯伯之封文明日啟禮秩日尊微言大義幸親炙於
門牆崇德尙功遂同列於俎豆譬之層巒崩岌咸脈絡於崑
崙尺澤汪洋亦朝宗於渤澥學派非一報稱則同顧以先河
後海之忱聞有入主出奴之弊紛爭漢宋議論滋繁強別賢
儒抑揚尤甚迨明中葉乃有張璁以議禮之貴人逞私臆於
先哲削秦封縣置於庶退順陽高密於鄉旣干非聖之誅奚
取下愚之覺蠱毒自逞蠡測堪嗤復古翼經幸逢

聖世源自開國以迄今茲二百五十餘年之間復祀者八人
從祀者四十五人家法紹漢秩祀軼唐

詔盈廷而咨諏奉

廟謨爲進止典至重也恩至渥也何以序爵序齒偏易混淆
位東位西每多凌躐固禮官之弁陋亦志士所傍徨桐城洪
君靜川笙簧六籍黼黻九能精詁承夫漢儒粹言續夫宋學
爰爲考訂勒成一書類宮璧水纘成合食之圖木豆竹籩承
定一尊之制折衷異議遂集大成然而溝沓下士鄉曲鄙夫
襲襲博之容儀竊語錄之餘緒咸思挹流泗水分榦孔林若
夫中郎懿範鐫石鴻都景純孤忠專家雅訓類皆刪削顯有
偏枯近者廬山與叔幸依講席之末光黎洲亭林見厄達官
之盲說左右其手高下在心聚訟孔多定評罕見放言及此
感喟系之

上元顧氏貞節錄序

夫沒世之名不一稱而舍生之義爲尤烈何則天不能有利
照而無肅殺地不能有蕩平而無窪陷徂徠勁質至歲寒而
始知湯谷冤禽填巨壑而無悔情一往而莫禦志百折而不
回區區之忱欲回造化皦皦者日其鑒懷抱此國殤所以見
重於靈均列女所以獨傳於中壘也癸丑之春金陵瓦解吏
望風而免脫士執冰而魚爛處士顧君志行皦然誓入地以
相訴欲順天而何忍遽拋弱息遂鑿凶門魂氣何之隨赤燄
而上下天閭莫叩灑碧血而難銷有女婉孌壻家亦沒幽居
空谷泉水常清壓纒寒閨秋風易病悼孤生其奚益遂甘死
而如飴貞潔表爲女箴賢明懍夫庭訓英光炳烈閭里交推
令子子鵬明經植學洞深朗詣俊拔悼嚴君之奇節憫女嬰

之高行遲遲卅載耿耿寸心光緒辛卯應吉林主講之聘將
軍長順請旌於

朝得

旨報可封事夕奏

綽楔朝頌懿夫一門並堪千古又復徧徵藝苑播爲文詩持
示荃孫命爲前引荃孫少值亂離長職史乘摺紳蹈海閩閩
靡并日月有書輶軒屢采其爲清門具美史冊垂聲者惟前
湖北按察唐端節公殉難楚疆其女字獻縣劉肇竣未昏壻
歿矢志終身論者以爲先烈後貞父忠子義今之顧氏其揆
則一此則王蠟絕脰不殊紆金佩玉之班公乘斷髮詎少茹
檠飲冰之侶治城舊跡永崇光祿之祠夔道遺民共拜叔先

之象頑廉懦立以勸將來

王六潭同年濠上集序

夫牛羊下括君子于役之詩鴻雁哀鳴小雅劬勞之什自來
行旅慣寫牢愁縱或擁傳壯游縮符經涉風餐露宿水驛山
郵其閒都邑之駢闐原澤之珍瑋關隘之夷險民俗之盛衰
俛仰百變悲歡萬態而況天星亂動海水羣飛被髮伊川不
及百年之歎和戎魏絳難收五利之功於是情寓於跡思會
其通侔色敦彝含音琴瑟此六潭同年濠上一集所由成也
鳳陽地連吳楚水扼渦淮民俗剗劫土風剛勁前則明祖龍
興故陵尙在後則土酋虎踞伏莽未消六潭負通脫之才屬
干城之寄官舍閒暇大可嘯歌征途栗陸不妨題詠氣以斂

而益醇詞以真而愈峻昔使泰西尙有轡軒之采茲來濠上
倍深今古之情補綴沈吟勒成二卷憫余近歲迹類飄蓬屬
爲弁言以證心曲嗟乎飢驅出走敢希五馬之榮秋士言哀
時作一鱗之露黃墟風雨故人之音沫猶存施均甫李蕓客
宋蓉生諸君
白首煙霞歸隱之田園何在落落四海耿耿寸心寫眎六潭
同增感喟

金漣生粟香隨筆序

出江陰城西廿里地曰申港吾宗聚族而處焉爲楚春申之
采邑有吳季子之大家名以事繫見諸韓滉之傳地因人重
載於葛叟之文維桑與梓宛然心目再西大岸則金氏居之
顧陸生連里閭朱陳代爲姻好桑麻接望雞犬相聞興滅是

依休戚與其荃孫穉歲卽罹寇難天涯奔走卅載於茲聆鄉
語而茫然詢土風而莫辨嘗侍家君談讌爲徵往事數舊姻
習俗之樸茂品行之醇摯謹識於懷弗敢忘也歲己卯金漚
生表兄自粵東轉餉相遇於都門古歡若素相見恨晚聞示
近作兼推新義靈歿自解天倪獨完濯瑤蕤於秋泓激涼吹
於空碧同時華士罕有其儔文字之契丹雞可盟官檄頻催
驪駒就道睇山川而閒隔通箋札而交勉又約哀集邑中先
輩著述廣爲流傳脈脈兩心迢迢萬里今秋寄眎粟香隨筆
八卷蓋淮生新著也簿書期會之地補綴縑緙關河行役之
餘網羅風雅追述舊德奉揚清芬舉粉榆之嘉話矜式後賢
敘山水之昔游徘徊陳跡酒人已散黃墟之感旋生游子重

來白社之詩尚在割錦千匹餐花萬株安石碎金稚川宏藻

自序有云爲感舊懷人之助多抱遺訂墜之資三復斯言略

窺宗旨又因官事四至粵西鴛江鴻雪描成著色之圖

生有鴛

江鴻雪圖 羚峽難潮聽慣相思之調荒山冰井洗碧鬢而摹銘廢

院銅鐘剜蒼蘚而認字至於陽侯肆虐於澤雁之哀吟天吳

不朝紀水犀之禦侮羈愁騷屑往興來情則又夢溪筆談同

茲典博桐陰舊話無此關繫者矣抑荃孫更有感者淮生於

去年夏迎晴初表丈至梧州荃孫亦前於辛巳秋侍家君遠

來京邸淮生碩學雄才名流推重方補桓寬之論載賡東哲

之詩就養無方說親有道荃孫則萬里浪游囊金未蓄十年

冷署炊玉徒嗟乞米之帖不靈避債之臺已築其賢不肖相

去可以道里計哉所願他日者偕隱青門歸耕綠野放棹三山之港敲詩六射之臺摘蘆墅之蔭以爲羞擊繖墩之梅以爲菹扶婆娑之二老同話斜陽挈嬰媿之諸嬰其斟良醞絮萍蹤於夜半如夢如塵趁花事於春初且耕且讀先詰之書高可盈尺容齋之筆續不止五其爲至樂曷其有極人之所欲天必從之請以斯言指爲息壤

山右石刻叢編後序

汾晉之野古稱奧區太行之陰實曰地脊山叢徑雜土厚水深吉金樂石流傳實藪蘄生前輩巡撫山西於今三年政通人和年豐物阜徧拓石刻七百餘通勒成書四十卷自魏迄元搜輯大備廣徵史書博采志乘條舉件繁炳炳麟麟自來

攷金石者以

國朝爲極盛郡多專志代有名家而後出愈精斷推是書爲最約舉大綱其善有四可得而言焉寰宇一錄遠師夾漈秦豫兩記上紹歐陽或僅注夫方輿或止存夫題跋此則精理打本校錄舊文景伯隸釋碑陰碑側之備詳九成叢鈔大字小字之悉具剡苔剔蘚俗書與院體同珍舐墨椎甌里語與作家並列事蹟可攷端賴於石華賞鑑爲名迥殊於骨董其善一也青浦萃編藝林推重然其斷代止於宋金孰知大蒙啟運兵鋒首及於河東中統以前世鎮林立乎山右論事蹟則宋濂王禕之史所未詳論文音則遺山莊靖之集所不盡忽神氏族訛舛兼訂潛研成己碑銘會最且逾愛日詎可視

爲枝贅棄若弁髦此則著錄過二百篇類同偏嗜編緝成十七卷幾半全書其善二也分省彙錄始自蘊山南海繼之於沅湘儀徵推之於滇粵然皆存佚不分真贋雜出崔逸開元之製移於鬱林衡陽岫嶼之文推爲夏后洵屬通人之蔽恐爲識者所嗤此則目治爲主耳食必剛界休有道鄙青圭谷口之傳摹絳州天尊存大中咸通之注釋玉琢磨而益粹金辟濯而愈精其善三也山左金石畢阮同修萃江浙之名流紀瑯琊之勝跡然而楚臣余義之鐘載之魯郡成周仲習之鼎闕入齊疆下至頓印莒刀邾戈滕佛縱耕出之有地亦傳世而在人此則齊輦子鋪出自滎河鄂史寶鉞歸於積古長子屯留之貨漢元天福之錢法帖別行殘塲閒出不求增益

概與刪除若夫攷藏人於晉祠訪銅鐘於天慶均歸附著獨具別裁詎以款識日殘稍存假借何如碑碣長在藉證見聞縱曰名從主人大可執爲通例其善四也在昔倦圃應官亭林作客境內古刻稍稍流傳目綴於洪洞之董略編於扶風之王高郵小種亦有微長通志專門未爲盡善今也搜采靡遺迨稱觀止勘訂益慎無愧前賢好古之擊川嶽效其靈購奇之殷球琳同其價年經月緯探一十四代之貞珉徵事攷文萃九十一屬之瓊寶真所謂百家之鑪橐六籍之星源矣荃孫愛之成癖過三十年而遙萃而爲林出一萬種之外謬承誣諉略有補苴誰謂雕蟲偉望早齊夫汾霍不辭附驥小文聊學夫洪孫云爾

重修荊州府志序

代

荊州控天下之脊據上游之勢左吳右蜀襟江帶鄂人物髦
秀舟車鱗沓與揚州爲二陝昔建名藩駐禁旅以四千今推
重鎮志乘之作有二難焉一曰考古貴於勿誤宜都立郡孫
劉易訛荊州設牧周陳並建宏農聞喜典午之僑置雲中九
原孝建之并省赤岸未詳乎元史紫陵僅見乎隋書或近置
而冠以昔名或虛封而漸爲實土定其疆界則壤錯犬牙前
其沿革則目昧繭紙此考古之難也一曰徵今貴於勿漏明
代舊志湮沒無傳康熙胡在恪之所編已逾百載乾隆施廷
樞之所輯亦過百年其閒廢置頻仍記載闕寂白蓮倡亂於
枝宜紅巾進逼乎江河而龍陂橋一捷實天下大局所關官

文恭公誓師振旅力保此金湯胡文忠公籌餉練兵漸復夫
置土沙場碧血游魂憑弔乎國殤江渚丹舸互市更通乎海
客書事必具夫首尾立論不厭其精詳此徵今之難也荊州
府知府今任廣東按察使倪君豹岑以孔賈之樸學兼任龐
之政聲膏雨濡春和風扇物人思借寇

帝每褒韓聽政之餘百事就理爰集高賢勒成斯志爲卷八
十門十三目六十三其搜采文獻必載所出則范石湖吳郡
志例也博綜史傳聞有參考則潛說友臨安志例也前志訛
舛訂正綦嚴則毛西河蕭山刊誤也名人著述甄錄維謹則
班扶風漢志藝文也譽譽彬彬莫乎遠已祖賢移節楚置思
從事於通志而才謝漁仲忘等師丹愧無紀載之才空有編

摩之願睹茲鉅帙益慕宏裁綜今古於胸中恍續袁宜都盛
荊州之記述流山川於掌上迥非康武功韓朝邑之空殫世
有通儒當不河漢斯言也

與沈鶴農書

鶴農足下國門判襪執手泣然別思淒風感懷逝水振策趨
道十日九霾黃沙簌簌不辨昕夕水潦沒軫泥塗接天輿說
其輻馬陷於淖西眺太行南涉大河石磴如砌言徑澗池土
壁若削乃度函谷驕陽炙笠炎歊裂衣時值盛暑不停揮汗
大風北來甚雨隨至飛泉界嶺力轉巨石震雷劈門響暗怪
樹耳目所接意駭神竦長安以西漸入危棧黃金子午天獄
漢沔折柳鳳州尋詩劍門行抵左縣涪江暴漲連村比舍悉

付陽侯老蛟攫人怒鼉跳屋修隄一綫浮梗水面儻或奔壞
滿城魚鼈如此三日乃漸歸壑中秋前夕行達成都倚閭息
望穹窒紆歎小女啞啞牽衣索笑嗟乎繭足萬里僂指半年
驚定而喜喜極而悲親朋相覲爭慰下第發言面頰輒復走
匿偶繙書篋蛛網塵封讀未數行神思昏倦志業荒墮光陰
荏苒人生到此盪復奚言往者都下勝友如雲連輿接茵尤
在足下猶憶涼月三五美酒十千歌呼相娛嘲諢開作臣心
最樂可飲一石古歡易索良會難償風流雲散一別如雨足
下心醉六經力殫羣史樹義醜萃撫藻琛麗鵬秋昂弟志同
道合聯吟擊鉢析義揮麈飫領佳趣殊勝勞人吾儕碌碌已
及壯年思欲懷鉛握槧上溯結繩申紙渝墨下窮倚杵千秋

位置自有定論科第得失何足重輕以此自慰兼慰足下近
校遷史漸有條理寄居蕭寺經旬閉關拂楮敵辭一鏡如豆
窗竹鳴秋聲和落葉此情此景願足下思之也

與張瑞之書

瑞之六丈槃敦判別關河閒阻明月入戶盈虛幾過清風灑
襟寒煥異致潛翔莫屬意想罕達懷人天末怒如矧饑敬維
閣下華褰七英藻速十札潛神默記導引後進浮英湛德追
足昔彥孟博澄清穆之敏捷希風古人庶幾未遠荃孫刊校
史漢春莫葳事彥侍觀簪招司記室遂於成都浮舟東下五
月朔日行抵犍爲之道士觀時則宿雨新霽大江怒漲漩渦
駭浪觸石崩雲舵工失手如箭脫筈驟不及避已陷石壁碎

砲雷響暑然中開水高於頂命輕於葉老蛟饑人棲鵲弔影
迴飄忽注遂膠淺沙得緣蟻巢免葬魚腹子固落水蘭亭僅
存仲堪破冢布帆無恙時命之窮概可知矣自來渝州得安
館舍禦寇嫁衛相如游梁孔臧援筆自賦蓼蟲劉峻蕪薪其
嘲書蝨自維昔年空負大志吟煙弔月動擬漢魏妃青儷白
輒摹齊梁勵我寸管闢彼前哲志在千古言成一家歲月云
邁功修日隳壯不如人饑來驅我鎔鋸躍冶樛櫟不材實命
不猶喟然歎息盈盈一水望通尺素美初子健近況何如珍
攝起居定增佳勝不盡欲言

與楊策卿書

策卿足下一別清風幾經圓月濯濯者柳漸長新陰嘒嘒者

三
三
三

惘忽送淒響時物遷矣人事閒之爲可感也足下墨汁盈掌
知珠在芻叔重五經崔約萬紙金百鍊而益光劍萬辟而愈
銳鯤化鵬搏指顧聞耳僕春莫以來養疴僧舍簾青補竹天
絲分蕉花氣四檐蟲聲一枕午榻選夢蝦眼茶翻晨窗祛塵
蝸涎篆溼短僮而外惟攜破書石友不來空對古硯每當鐙
黃於粟天墨如礫廊鐸敲風塙鈴吟雨情掩掩而抑抑境蕭
蕭而寥寥不自知城市之中山林之內也年來頗欲潛心經
籍飡志義訓而掘井九仞未見原泉刻楮三年空嗟往日優
哉游哉如何如何溽暑多厲伏維自愛臨書悵悵不盡欲言
與湯伯溫書

伯溫足下春明盍簪誦醉歡洽關河千里波濤寸心賜餞之

枕計日以積比維足下學富三篋才兼九能應官之暇力窮
著作堂開玉茗遙契宗風字獲珠船獨搜古義縑酬持正金
鑄子昇以古方今曷云多讓僕輿紅再聞曳白依然未得東
歸仍復西笑星飯牛屋露宿雞棲折柳秦橋叱雲蜀棧徧數
磨驢之迹流水銷魂重尋旅燕之巢青山識我中秋前夕始
達成都縱涸轍之難甦庶倚閭之息望風塵厯落半雜笑嘯
行李倉皇負慚骨肉近復寄居蕭寺司事校讐一鐙風雨古
佛瞰其悲歡萬疊雲山羈人役於魂夢株守無能瓠落自惜
如是焉已鴻鱗遇便翹望德音燕市天寒伏維珍攝
與姚彥侍觀察書

蓋聞芥珀異品一見輒投霜鐘殊質千里立應所以迴飄鼓

急能邀王應之知流水絃高必入鍾期之聽良以同類乃克
相孚未有鞶纓七就飾此駑駘綈錦千重襲茲燕石按金衡
而治律啞鐘濫厠宮懸負寶鼎而調羹雜匹偏升椀楸如閣
下今日者也閣下胸爲江河手擘壺華鑪鞫百氏關鍵九流
鄭小同之經學遠紹祖德顏之推之文筆夙飫庭誥凡夫緣
鱗丹首之文戈鳥爰蟲之字金版六爰之舊羽陵百軸之遺
莫不三篋無遺七車獨擅管輅在座莫能當其旗鼓君苗見
文幾欲焚其筆硯又况盤錯屢試芒刃弗頓筦部分任則劉
晏之運籌聽馬巡方則張綱之持節宜乎馳譽者雷癩藉響
者川驚矣猶復求賢若渴說士尤甘搜竹箭於東南采琪珣
於西北芝蘭在室并不棄夫絲麻桃李盈階猶遠膏夫杞梓

如荃孫者材同蟠木品劣豨苓瑯琊石鼓之碣僅獵其文辭
華山中舞之歌莫明其句讀弛業於髫齡罹難於弱冠楓輪
萬里星餽十年市上傭書街頭販鐵縱或閒思塗抹畱意斟
詮而立志勿後古人落筆每慚作者鄙言累牘江東號曰癡
符僻字盈囊都下嗤其澀體自蒙謁疎之及得與賓佐之班
風前燭底雪夜霞朝塵尾交談牛心嗜炙蔡中郎枕中之祕
借以傳鈔張思光手澤之編命之警校臥茂陵之病投以藥
餌首京洛之塗資之行李雖樊川之護奇童元暉之依王儉
以今師古何以加茲洎睽左右爰整輪鞅弔古釣魚之城覽
勝濮湖之寺捫星升壁踰雨窺井元和之殘字剔自荒榛淳
熙之石塔訪之牧豎借山水之流連消塵埃之坳集月之十

日得返寓廬草亦多情花如斂怨抽書篋底蛛網塵封讀畫
壁閒蠅涎篆溼侍堂上之晨昏笑言如昨憶途中之風雨魂
夢猶悸離愁之感天倫之樂清夜自矢何去何從第偶息夫
勞薪尙遠睽夫故土求食之蠲離壳不常浮影之鳧逐波愈
遠曷嘗慕鐘鼎薄邱樊哉不得已耳又況違侍音塵低徊履
席燕雖去謝尙戀雕梁馬已辭裴猶思華廐巴山涼雨憶清
話於前宵汶水崩濤慕朝宗於大澗心之憂矣何日忘矣節
候炎暑渝城鬱烝伏望禔躬起居萬福

藝風堂文集卷五

藝風堂文集卷六

江陰繆荃孫

晉楊陽墓闕跋

晉楊陽墓闕分書晉安帝三年立在四川巴縣鄉間累石三重中段刻字下有兩佛象承之姚方伯彥侍輩以歸今藏晉石厂按楊君巴郡枳人晉地理志枳梁州巴郡屬縣今四川涪州寰宇記云桓温定蜀別立枳縣於涪陵郡東北一十里鄰溪口又置枳城郡尋廢闕立於隆安初上溯桓温平蜀已六十三年其爲巴郡之枳無疑漢元光元年令郡國舉孝廉晉元帝時制揚州歲舉二人諸州一人騎都尉武散官漢武帝置歷代因之楊君蓋梁州所舉而終於騎都尉者文四十三言書地書官書出身書先世達官書年月質實簡老與劉

韜韓壽同猶是漢人遺則也

晉韓壽墓碣跋

晉韓君神道二十四字分書韓君卽晉書賈充傳之韓壽傳云壽字德真南陽堵陽人官至散騎常侍河南尹而驃騎將軍乃贈官均與碑合惟不書河南尹耳散騎常侍按晉百官志云本秦官也秦置散騎又置中常侍散騎從乘輿車後中常侍得入禁中皆無員亦以爲加官漢東京初省散騎而中常侍用宦者魏文帝黃初初置散騎合之於中司掌規諫不典事貂璫插右騎而散從至晉不改又云散騎常侍侍郎與侍中黃門侍郎共平尙書政事是要職也驃騎將軍晉志與車騎衛將軍同列堵陽屬南陽國與地理志合

梁鄱陽王題記跋

附宋嘉定題名

梁鄱陽王題記正書前人未著錄梁書本傳鄱陽忠烈王恢
太祖第九子天監十一年出爲使持節都督荆湘雍益南
北梁南北秦九州諸軍事平西將軍荊州刺史十三年遷散
騎常侍都督益南北秦沙七州諸軍事鎮西將軍益州刺史
使持節如故便道之鎮據補梁疆域志荊州治江陵益州治
成都自荆之益雲陽在所必經當刻於是時也此刻在四川
雲陽縣南三里龍脊石卽輿地紀勝所載之龍脊灘在大江
之中夏秋沒於水冬盡春初始見宋人題名交午重疊約百
許段光緒丙子葉大令慶樽搜得之縣僻無拓工風急石麤
紙墨皆燥故訖無精拓本

宋嘉定鄭子思題名分書自梁天監十三年甲午至宋嘉定九年丙子計七百有二年此云六百九十八年少四年誤自嘉定丙子至光緒丙子又得六百年傳世日遠其實貴當何如耶子思題名在丙子葉大令得是刻亦在丙子亦奇鄭子思王中巽趙錦夫德顯天麟俱無考

齊隴東王感孝頌跋

齊隴東王感孝頌申嗣邕撰梁恭之分書并篆額武平元年正月廿二日建唐開元廿三年秋七月旬有五日楊傑重刻有跋亦分書頌云疇漢逸士河內真人分財雙季獨養一親客舍凶弭兒埋福臻山左金石志金石萃編止引搜神記肥城縣志覺其不合今攷御覽四百十一引劉向孝子圖云郭

巨河內溫人甚富父沒分財二千餘萬兩分與兩弟己獨取
母供養寄住鄰有凶宅無人居者共推與之居無禍患妻產
男慮養之則妨供養乃令妻抱兒欲掘地埋之於土中得金
一釜上有鐵券云賜孝子郭巨巨還宅主宅主不敢受遂以
聞官官依券題還巨遂得兼金養兒則頌辭所述歷歷不爽
肥城志以巨爲邑人則疏矣再攷御覽八百十一引宗躬孝
子傳郭巨河內溫人也妻生男謀曰養子則不得營業妨於
供養當殺而埋焉鍤入地有黃金一釜上有鐵券曰黃金一
釜賜孝子郭巨是又搜神記所本矣

魏朱岱林墓志跋

魏朱岱林墓志子敬脩撰猶子敬範撰銘正書武平二年二

月在山東壽光劉村潛研堂跋尾山左金石志古志石華平
津讀碑記金石續編均著錄諸家攷證甚詳按岱林兄元旭
魏書有傳志云曾祖霸儒該邱素術盡從橫魏使持節平州
諸軍事安遠將軍平州刺史俗鄰疆場布以威恩醇酒空陳
夜金不受謗言及樂讒巧飛都翻然起擁鄉里三十餘戶
來逝河南與元旭傳云祖霸真君去南叛投劉義隆相合惟
史不書霸官又以曾祖爲祖或傳寫有故曾字當以志爲正魏
平州治肥如是時宋之疆域奄有齊與平州越海爲鄰霸
投宋遷居樂陵迨魏定三齊樂陵已入魏境故子孫仍爲魏
人也

隋啟法寺碑跋

隋啟法寺碑周彪文丁道護正書開皇四年原石久佚宋拓本今藏臨川李氏按啟法寺隋開皇初建宋爲龍興寺文云道安法師所造銅象攷輿地紀勝龍興寺在襄陽縣西北三里
有金銅象雍州記釋道安所立與碑合文又云泰始四年苻丕口長安秦口曰昔晉氏平吳利口二陸今口襄宛獲一人口半蓋指道安及習鑿齒也晉書習鑿齒傳道安自北至荆州與習鑿齒相見道安曰彌天釋道安鑿齒曰四海習鑿齒苻堅陷襄陽道安與習鑿齒俱與並致焉習鑿齒蹇疾堅與諸鎮書曰昔晉氏平吳利在二陸今破漢南獲士裁一人有半耳碑卽指此事文又云總管大將軍千金公攷爲權景宣周書景宣傳天和初授荆州總管十七州諸軍事荆州刺

史進爵千金郡公撰文者周彪古刻叢鈔有彪撰陳詡志蓋亦能文之士而嚴鐵橋全上古三代秦漢三國南北朝文不收殆未見拓本也

隋淳于儉墓志跋

隋淳于儉墓志正書開皇八年十一月在山東濟寧州學志云出身爲魏廣陽王開府記室永安元年加殄寇將軍又云春秋六十三自永安元年戊申至開皇八年戊申甲子一周是儉卒在前至少亦二十餘歲已在北齊之末儉冀州清河人攷隋之清河舊曰武城魏屬司州周屬貝州并置清河郡開皇初省州郡以縣屬冀州志據隋之疆域而言若魏之清河已改清陽矣臨沂魏志屬郟郡魏廣陽王永安時爲嗣廣

陽王深炙輟用淳于髡事駟馬用于公事梭之姓氏書引風俗通云淳于氏春秋時小國子孫以國爲氏若于氏廣均以爲周武王子邴叔之後絕不相蒙而志牽引敘入不學可嘆隋信州舍利塔下銘跋

隋信州金輪寺舍利塔下銘同治癸酉夔府修城所得也據唐沙門道定廣弘明集載仁壽元年六月十二日立舍利塔詔其略云朕皈依三寶重興聖教思與四海之內一切人民俱發菩提共修福業使當今見在爰及來世永作善因同登妙果宜請沙門三十人諳解法相兼堪宣導者各將侍者二人并散官各一人薰陸香一百二十斤馬五匹分道送舍利往前件諸州起塔其塔所司造樣送往當州僧多者三百六

十人其次二百四十人其次一百二十人僧少者盡見僧爲
朕皇后太子廣諸王子孫等及內外官人一切民庶幽顯生
靈各七日行道并懺悔率土諸州僧尼普爲舍利設齋限十
月十五日午時同入下石函總管刺史已下縣尉已上自非
軍機停常務七日專檢校行道及打刺等事務盡誠敬稱朕
意焉是歲分送舍利之州三十今存青州同州二銘王劭感
應記仁壽二年正月復出舍利分布五十一州建立靈塔以
四月八日入石函今存鄧州塔銘一茲信州金輪寺塔亦二
年四月八日所建銘稱武元皇帝元明皇后開皇元年二月
乙丑追尊見隋書紀奉節本巴東郡縣曰魚復西魏改曰人
復梁置信州後周總管府開皇初郡廢大業元年府廢復置

巴東郡正今奉節地也

隋大業鐵鑊跋

隋大業鐵鑊陽文正書按玉泉道場智顛禪師所居皇甫昆
智禪師碑有云往以偽陳納款受律行師策妙指蹤威稜江
海遂剋定金陵化平銅柱三吳霧卷百粵塵清師乃因王利
涉王遂因師受戒師至此而投院王因之而起寺則道場當
建於開皇時也當陽隋地志屬南郡

隋李文墓志跋

隋左武衛將軍吳公李氏女墓志吳國公尉遲安第三女也
祖綱周書有傳字婆羅尉遲迥之弟綱以西魏大統四年與
蔡祐常善辛威李惇陸遇並進公十四年進昌平郡公

據西魏書

封爵 周武成元年進封吳國公安以第三子紹封位柱國附
表 綱傳魏書官氏志太和二十年正月詔改國姓曰元氏於時
代人並詔改姓尉遲氏改稱尉氏史稱尉遲從其始也當以
碑爲正北史太和十九年詔遷洛人死葬河南不得還北於
是代人南遷者悉爲河南洛陽人長安志雲際山大定寺有
李順興先生古記云其地舊有寺周武末廢大業中以此地
賜駙馬都尉吳國公尉遲安爲柴莊攷隋書百官志上駙馬
都尉以加尙公主者無班秩周書安弟敬尙世宗女河南公
主安未尙主長安志誤碑書牢作罕干祿字書俗字禾古窰
字綱作經隋作隋備作備希作希臺作臺簫作蕭鼎作斯稚
作稚筵作筵皆字體之異志與銘兩用矧石古人不拘如此

隋鼓山石窟殘碑跋

隋鼓山石窟殘碑正書隋大業中立在直隸磁州上下俱泐
細讀碑文爲郡人頌縣令紹父修佛龕功德姓名剝泐僅存
河東桑泉人五字年月亦闕因文中有開皇十七年字王庶
常懿榮南北朝碑考卽繫之十七年攷桑泉今河東臨晉治
左氏傳入桑泉卽此隋地理志桑泉開皇十六年立是時罷
河東郡屬蒲州大業三年廢州復改河東郡此云河東桑泉
人是據大業復郡而言若開皇十七年當云蒲州桑泉不當
云河東桑泉也縣平正卽中正隋諱中字通考魏司空陳羣
以天臺選用不盡人才擇州之才優有昭鑒者除爲中正自
後人才銓定州郡皆置吳有公平亦其任也碑字開三龕

記石淙詩之先惜殘缺太甚

唐益州功曹參軍張^玄弼墓志跋

唐張^玄弼墓志李行廉撰正書在湖北襄陽張公祠

下十一石均同

志云闕闕遊宦之資詳之碣文別傳則^玄弼固有墓碑此其埋諸土中者也碑碣不存或踏毀於神龍年間趙德甫書載有柬之碑係貞元十二年所追立谷那律新舊書有傳魏州昌樂人嘗爲國子博士遷諫議大夫兼^弘文館學士卅四家四十作卅黃山谷澹山巖詩二十作廿瞿氏謂詩體七字欠一字便不成句此志卅四家句與上五十五部爲對偶亦欠一字可見古人不拘拘於是也竇卽筭字箱類與篋同義委蕘疑卽委宛撰文者李行廉官司元大夫攷龍朔元年改諸

司郎中爲大夫二年改戶部爲司元光宅元年改地官此志尚稱司元者蓋行廉撰⑤弼墓銘尚在窆南山之時故無一語及其夫人迨移與夫人合葬仍用前銘而東之自加序文故云東之等不敢改易謹刊李銘也觀此又可知序文爲東之所撰矣志又云奉夫人遺誨使改卜新塋府君先窆南山今移與夫人合葬於安養縣西相城里之平原而景之志云以大周天穰之三季⑥⑦六⑧改卜先墳於安養縣之西相城里則此志之立亦在天授三年無疑永昌無三年永昌三年卽天授二年辛卯夫人卒於辛卯九月葬於十一月時用周正以十一月爲明年正月也武后以天授元年改國號曰周志書永昌不書天授標題稱唐不稱周東之誅武復唐之

意已蓄於此時矣

唐處士張景之墓志跋

唐張景之墓志正書景之漢陽王柬之之弟志稱功曹府君者卽⑤弼也云移諸兄弟並窆於新塋之內者謂慶之敬之也景之及其子嶠其孫逖均可補世系表之闕此志卽柬之所撰⑥弼志云惟柬與晦僅存喘息此云余與晦之以是知之文云大周天授而蓋題大唐柬之誅武之義已蓄於此三年正月卽二年十一月時用周正也後三志同

唐孝廉張慶之墓志跋

唐張慶之墓志正書慶之亦柬之弟世系表亦不載慶之辟孝廉不赴而志蓋仍題孝廉字非實也

唐將仕郎張敬之墓志跋

唐張敬之墓志正書敬之亦東之弟表亦不載又按^①弼志云惟柬與晦僅存喘息此志云執奠惟弟紀德乃兄則晦之乃敬之之第四兄其名無從攷矣云紀德云操觚則此亦柬之所撰也竊謂慶之志亦柬之所撰可意會而得之志述城上烏一詩可供早慧之典故

唐著作郎張漪墓志跋

唐張漪墓志正書石藏桂林唐氏志首行有姪子愿述字是撰文者爲張愿漪之從子也新唐書張柬之傳以愿爲柬之子宰相世系表以愿爲漪之子二者互異而皆誤也漪四子表失載孚名此志敘先世云四代祖策從後梁宣帝入西

魏表作①策字真簡衛尉卿洮陽閔侯志僅言策者避太子
②諱猶袁③機之稱袁機也表不言魏者當是魏未受官之
故張點志又云六代祖策去西魏自南齊遷宦奔葉因家樊
沔表不言齊與不言魏同張軫志又云五世祖策隨梁北歸
寓居襄陽因爲此土舊族詳略各殊尚無不合張曠志又云
五代祖策梁岳陽王諮議參軍贈持節蔡州諸軍事蔡州刺
史則與表所稱衛尉卿洮陽閔侯者不符當以志石爲正漪
舉長材廣度科見於玉海終唐之世膺是選者只漪一人唐
時制科名目不下六十餘選舉志不具備也志云狡童怙寵
云盜有巨力云勦其凶邪有以興復卽誅二張事攷柬之引
疾在神龍元年新書傳云漪以著作佐郎侍父襄陽志云表

乞扶持與史膺合惟據志已授大著作而傳猶稱佐郎是新書之誤舊書傳無佐字志云無幾而太妃薨又云未卒哭終於倚廬是漪之卒當在_乙宗初年此志立於開元廿一年者因其夫人李氏合葬而追述之也舊書傳云東之特授襄州刺史又拜其子漪爲著作郎合隨父之任東之至襄州有鄉親舊交抵罪者必深文致法無所縱舍子漪恃以立功每見諸少長不以禮接時議以爲不能易荆楚之剽性焉志云疾君蠹政上害苗書是漪亦錚錚有聲者向非此志之顯於後代漪亦徒有惡名矣志用詩句碩人之蒿攷毛詩作適韓詩作過此作蒿或本於齊魯兩家可補引經異文之一條說文無蒿字又可知適蒿同字當用適爲之也茅當卽券字通變

適宜錄

口絕書

薰漢記

薰辛律

一猶石

唐河南

唐張於

表合鏡

爲龍傳

寵大業

其證佐

唐秀士張點墓志跋

唐張點墓志正書點東之之孫暉之子愿之弟也宰相世系表不載其名志敘先世云九代祖貞從西晉入東晉據世系表所載點之九代祖名與不名貞又別無名貞者此與表異張軫志亦云九世祖貞仕宋南徙軫於點爲同祖昆弟疑表有誤然此云入東晉彼云仕宋所述又復異辭據表所載仕宋爲濮陽太守者名次惠於點與軫爲八世祖亦不脗合闕疑可耳又云六代祖策去西魏自南齊按策表作①策係點之五代祖滄志稱四代祖軫暉二志並稱五代祖此作六者誤又表載仕齊爲鎮西將軍者乃②籍非③策也蓋亦誤矣瘞于私第之瘞當是卒字之誤

唐鄆城縣丞張孚墓志跋

唐張孚墓志姪繹述正書地理志鄆城屬許州此志云豫州鄆城縣者長慶元年始以鄆城隸許州也志於鄆城下云武德四年以鄆城邵陵北舞西平置道州貞觀元年州廢省邵陵西平入鄆城隸蔡州按貞觀間尚稱豫州至寶應元年始改爲蔡州此志立於開元廿八年故稱豫州鄆城縣焉後此四十年復置澠州又後五年乃廢澠而隸蔡州又後四十五年乃隸許州

唐河南參軍張軫妻邵氏合祔志跋

唐張軫妻邵氏合祔志丁鳳撰正書張軫志已編錄此其夫人合葬之志也敘軫事蹟兩志略同惟此志云進士甲科前

志云擢秀才爲異耳前志云嗣子縉紹等此志云嗣子曰縉
曰縉縉當卽紹之改名者世系表均不載地理志襄州鄧城
下云本安養天寶元年曰臨漢此志刻於天寶六載猶稱安
養則志謂天寶元年改者未確矣突古肉字見於淮南子吳
越春秋諸書漢碑又作突本州下缺一字據史知是刺字補
訪碑錄載張軫志不注撰人名而以此志爲張軫第二志標
題矣復以軫志撰文之呂巖說注此志之下而顛倒其名誤
之誤者也

唐穀城令張曠墓志跋

唐張曠墓志崔歸美撰屈賁正書曠之子珣瑀瑒皆世系
表所未載張氏諸志敘述先世此爲最詳策官岳陽王諮議

參軍與表迥異玠表作新愿官江南東道采訪使表無南字皆當以石爲正曠爲愿之第八子其諸兄名無攷表載有煦官殿中侍御史者當是曠之兄表以愿爲漪之子故以煦爲漪之孫誤也表又載有繆蓋卽曠之誤不言其爲穀城令者漏耳志敘曠懷表詣關一事卓卓可傳而不見於史冊據志所敘在貞元錄舊臣子弟之後而張柬之傳云景雲元年謚曰文貞失實矣柬之贈司徒在建中年間傳亦未載志首行標題云文貞公會孫此爲創例尚直甄豆盧遜志皆冠父爵於上者以其無爵也曠官穀城令有爵矣而冠以曾祖之謚殆以柬之之謚因曠之抗表而始錫故特以加於官爵之上以表其行蹟耳曠卽暴腮字鼻鼻之俗見玉篇

唐新定太守張朏墓志跋

唐張朏墓志正書志敘朏之先世云曾祖則隋阡陽縣令與世系表及張漪志稱澧陽令者不同張曠志又稱比陽澧陽二縣令蓋先令比陽後令澧陽此稱阡陽於例不合隋書比陽屬淮安郡後魏曰陽平開皇七年改饒良大業初又改今名比阡之本字楚辭朝搴阡之木蘭兮謝朓詩阡山起朝日廣韻阡山在楚南說文無阡字今得此及張曠志知阡字古人作比後人加阜旁耳又云父晦之桂方正字左率府兵曹參軍世系表失載東之贈越州都督亦不見於史傳當是後來追贈莫考其時或卽在賜諡文貞時也又云夫人隴西李氏相州堯城縣令昭禮之女世系表乾祐下失載昭禮可據

此補之表稱丹陽李氏此稱隴西者從其朔也隴西四房一
 武陽二姑臧三燉煌四丹陽也又云嗣子回等則肫之子不
 獨一回故銘詞內有如鳴之育語然不可考但補一回於表
 而已又按諸志皆云葬於安養縣而此獨稱臨漢者天寶初
 所改名也

附張氏世表

④策 玠 則 ⑤弼 柬之 漪 孚 純 迪

安之子後周官隋隴陽字神匡字孟將柬之長漪長子孚子純子
 字真簡納上士禮陽二長安縣相武后子字若字立信據張孚據張孚
 梁衛尉隋巴州令按尉益府中宗漢水懷州隨州司志
 卿洸陽錄事參世表僅功曹參陽王贈武涉尉倉參軍
 閔侯軍按紀禮陽軍贈都司徒謚洛州登豫州鄭
 南監本令與張督安隨文貞封主簿城丞
 唐書作漪志合沔鄂四左補闕志石今
 經今據今據張州諸軍著作郎存據補

張曠志 州事

志補 刺史

今存

安縣尉

據張曠

志補贈

都督安

隨沔鄂

四州諸

軍事安

州刺史

據張清

張軫張

孚張曠

志補入

張肱志

又作安

州都督

世表紀

著作郎

堪最後

之官志

石今存

據補

缺

滿次子

那圭府

據左補

弱按

世表紀

左補闕

那府祿

據張滿

志補

滿

志補

滿

滿

滿

滿

滿

滿

滿

滿

滿

滿

滿

軫 緝

滿四子軫子

河南參據張軫

軍

志

紹

軫次子

據張

軫志補

軫夫人

邵氏志

又作縉

蓋後改

名

煦

東之次子 輝子 駕殿中侍

部郎中 御史

曹葵等 曠

十一州

刺史 吳愿 八子 曠長子

郡太守 字 繼明

兼江南右神武 東道二錄事參 瑀

Blank space for text in the upper portion of the page.

十四州軍襄州 曠次子
 采訪黜穀城令
 陟使 按志
 據張曠石今存 璪
 志補世世表作 曠三子
 系表以 纈誤
 愿為 漪
 子誤
 點
 字子敬
 按志
 石今存
 據補

璪
 曠四子
 壽安尉
 按志
 不詳其
 官新書
 五王傳
 開成三
 年詔東
 之四世
 孫璪為
 壽安尉
 即此人
 而璪誤
 作懔舊

景之

嶠

遜

⑤彌二

景之子嶠子

子字仲

據景據景之

陽

按之志補志補

志石今

存

慶之

⑤彌三

子孝廉

按志

石今存

敬之

⑤彌五

子將仕

按

志石今

書不誤

存

晦之

肫

回

⑤ 弼六 晦之子 肫子

子桂方 荆州 撫 據張肫

正字左 州參軍 志補

率府兵 太子通

曹參軍 事舍人

肫志補 主簿 太

按⑤ 子僕 寺

弼六子 丞定 州

第四子 司馬 邢

失名 州長 史

涇州 別

駕梁州

刺史 浩

陵零 陵

臨川 新

定太 守

按志

史記卷一百一十五

五

石今存
據補

按志中可見者均表出世表尚有琪晉州刺史以珣珣名例之當是柬之元孫又漪之子某戶部郎中昇大西事漪志無此二人當是表誤

唐大房山孔水投龍壁記跋

唐大房山孔水投龍壁記張湛詞正書石出房山今歸今序云開元廿七年己卯三月府城西南有大房山孔水白三年內供奉呂愼盈奉勅投龍壁廿四年又投壁至是而矣按道家有金龍玉簡學士院撰文具一歲齋醮投於名洞府則龍壁爲二物金石錄所載雲門山投龍詩北海大於天寶元默歲下元日投金龍環壁於此山是也今泰山

有神龍元年劉恩義投龍造象記蓋唐時風尚又按耶律成
仲雙溪醉隱集有畱題大防山孔水詩序云唐明詹記大曆
寺孔水云或有人浮輕舟探邃穴入瀕洞莫究其源但有仙
鼠晝飛頰鱗時見又遼壽昌五年飛冥子鮮于鴻作孔水銘
其序云核幽州土地記沙門惠珍嘗篝火入經五六日方還
亦不測其淺深也安知此水不與瑤池潛通桃源相接乎故
開元天子每每時雨降必遣使投龍璧於此則休應響答事
存諸往記焉山主如上人言洞有白龍時復出見輒化爲魚
形狀絕異泰和乙丑冬忽流桃花花片皆五錢計至今洞中
且有樂音不絕此孔水之大概也張守珪唐書有傳

唐高士鄭忠墓碑跋

唐高士鄭忠墓碑明詹撰成巖分書在武清縣前人未著錄
光緒八年武清令蔡壽臻搜得之忠武清人安史之亂安祿
山僞授長豐尉史思明僞授東光縣丞壬寅年沒爲肅宗寶
應元年史朝義之二年乙巳歲葬爲代宗永泰元年則史氏
平二年矣碑言高祖羅漢武清令屬隋室土崩豪傑雲起有
若竇建德者聚兵稱亂圍逼武清時獨堅守孤城確固臣節
神堯■壯之加右衛大將軍宰縣如故按新書地理志武
清本漢雍奴縣天寶元年更名隋時焉得有武清令蓋撰文
者以當時縣名加之實隋雍奴令也通鑑建德於隋大業十
二年稱長樂王滅於唐武德四年其圍雍奴事不見於史蓋
在武德二年遣大將高士興擊李藝於幽州屯火籠城時也

忠高尚其志優游山林遭遇世變連受僞命蓋耿仁智張不
矜之流亞並非甘心從逆實不能先自引決耳明詹成巖均
人姓名鄧名世古今姓氏書辨證明出自姬姓孟明視之孫
以王父字爲氏明僧紹見南史唐有諫議大夫明崇儼成出
自芊姓令尹成得臣以王父字爲氏其後有成虎漢成雄居
上谷今尚有此二姓元耶律鑄雙溪醉隱集引唐明詹大曆
寺孔水記蓋當時能文之士

唐宋儼墓志跋

唐宋儼墓志正書新出昌平土中蓋朱滔之偏裨陣沒於恆
山之戰者志云元戎朱公又云冀國王卽朱滔也滔建中三
年自稱冀王志又云建中二年三月出薊城親領甲兵收掌

恆定圍深州十一月破恆定節度張惟岳十萬餘人按通鑑
建中二年正月成德節度使李寶臣卒子惟岳求旌節不許
惟岳與田悅連兵拒命詔馬燧討悅又詔幽州留後朱滔討
惟岳滔攻東鹿拔之圍深州又戰於東鹿下惟岳大敗皆與
志合李寶臣本張忠志賜姓名故云張惟岳也志又云國家
負德不與功勳反禍燕帥受太原河東節度馬燧惡奏先領
朔方兵甲隴右道李懷光領秦兵及殿前兵馬廿餘萬屯營
魏州御河西側通鑑滔求深州不許由是怨望遂與武俊東
救田悅是時河東節度使馬燧昭義節度使李抱真神策先
鋒都知兵馬使李晟共圍魏屯御河上又詔朔方節度使李
懷光赴之皆與志合志又云建中三年三月至魏貝相去秦

兵十里六月卅日大破馬燧兵馬廿餘萬積屍遍野血流御
河通鑑朱滔王武俊至魏州是日懷光軍亦至懷光乘其營
壘未定欲擊之馬燧請休不聽遂擊滔於愜山之西殺步卒
千餘人武俊引二千騎橫衝懷光軍軍分爲二滔軍繼之官
兵大敗燧入永濟渠溺死者不可勝計其積如山水爲之不
流燧懼卑辭謝滔求與諸節度歸本道志中所云皆是實錄
並非夸大之詞而儼卽陣沒於是日通鑑考異云實錄六月
辛巳朱滔王武俊至魏州是日懷光亦至七月庚子馬燧等
四節度兵退保魏縣燕南記六月朱滔王武俊懷光俱至懷
光卽欲戰馬燧抱眞不得已從之七月六日懷光等擊滔勝
之尋爲武俊所敗其夜決河水絕懷光西歸之路明日水深

三尺餘燧等卑辭退保魏縣按長曆六月壬子朔七月壬午朔辛巳爲六月三十日庚子爲七月十九日滔與懷光至魏之日滔營壘尚未立懷光卽與之戰豈得至七月六日戰於愜山之夜武俊決水明日燧等卽退保魏縣豈得至十九日疑退師過遲情事不合因謂實錄之燕南記所載日皆不可采今志中明言戰於三十日是實錄之戰日可據舊唐書馬燧傳六月晦懷光至軍至之日未休息堅請與滔等戰不利悅等決水灌燧軍燧兵屈糧少七日燧與諸軍退次魏縣是則燧戰敗於三十日是日辛巳七月七日退保魏縣是日戊子實錄之庚子乃戊子之譌不得云無據燕南記則誤甚御河卽隋煬帝開永濟長豐本秦漢之利豐縣高齊廢唐開元

十年於文安縣三十里復立利豐縣又以縣北有長豐渠遂改名在今文安縣境中志國家背德及大破燧兵昌言無忌是時河朔之人知有節度不知有天子習俗移人至於如此可慨也夫

唐焦旣神道碑殘石跋

唐焦旣神道碑殘石新出長安核趙氏金石錄一千六百五十六焦旣碑從弟郁撰任獻能行書貞元十八年二月卽此碑也撰人名十八年二月均尚存書人名貞元年號均在亡缺之中矣焦旣不見於新舊唐書旣本將家子遭安史亂河北得武功晉秩官至左神威將軍碑云前射生左虞候又云宜署美名因改爲左右神威軍按唐書至德二載擇便騎射

者置衙前射生手千人亦曰供奉射生官又曰殿前射生手分左右廂總號曰左右英武軍代宗卽位以射生軍入禁中清難皆賜名寶應功臣故又號寶應軍貞元二年改殿前射生左右廂曰殿前左右射生軍亦置大將軍俄又改曰左右神威軍皆加將軍二員與羽林龍武神武神策總曰十軍未置將軍時以左右虞候領之號先官左虞候及置將軍卽以爲左大將軍也官正三品雲麾將軍御史大夫正四品階高平郡王二品爵均與碑合號蓋官正三品階正四品爵二品也碑首敘焦氏得姓之始焦與譙通出自姬姓黃門譙敏碑引先人國師焦貢左傳楚師伐陳取焦夸注謂焦今譙縣是氏族略云左傳曰虞虢焦滑皆姬姓也爲晉所滅子孫以國

爲氏又有姜姓之焦史記周武王寢封神農之後於焦注地理志(弘)農陝縣有焦城故焦國春秋時爲陳邑楚滅之廣韻云神農後以國爲氏碑文已缺不知其敘述若何矣

唐陳立行墓志跋

唐幽州兵曹參軍陳立行墓志李儉撰于全益正書石出於京師碑云皇唐四周甲子歲在丁丑按唐高祖受命建號歲在戊寅至高宗儀鳳二年丁丑爲甲子一周(五)宗開元二十五年丁丑爲甲子再周德宗貞元十三年丁丑爲甲子三周志言大中十一年丁丑爲甲子四周陳君年五十有八由丁丑上溯系生於貞元十六年庚辰志中有云從事韋雍死於亂鋒琴瑟併命老母弱子拘諸佛寺音信不通樵蘇不爨君

與其弟遊。咎瘞其遺骸，慰其。耄晝乞州里夜餉，饗餐進，恐吏訶退憂。詔訪遺類，官給葬事，亡者免飫於烏。鳶存者，復歸於鄉井，名教。豪傑尚其義，此又難之尤者。按通鑑：長慶元年，張靖鎮幽州，判官韋雍輩多年少輕薄之士，嗜酒豪縱，復裁刻軍士糧，賜繩之以法，數以反虜詬責吏卒，謂軍士曰：「今天下太平，汝曹能挽兩石弓，不若識一丁字。」由是軍中人人怨怒。七月，韋雍與逢小將策馬衝其前，導雍命曳下，欲於街中杖之。河朔軍士不習受杖，不服雍。以白。靖命軍虞候繫治之。是夕，士卒連營呼譟作亂，將校不能制，遂入府舍掠。靖貨財婦女囚。靖於薊門館殺雍等，舊唐書列女傳：韋雍妻蕭氏，聞難號呼，專執夫袂左右。

格去以死不從及雍臨刃蕭氏涕而告曰妾不幸年少義不苟活今日之事願先就死執刃者斷其臂而殺雍蕭氏詞氣不撓雖凶悍圖視無不嗟歎其夕蕭氏亦卒大和六年節度使楊志誠表明其事因降敕追封蘭陵縣君事與志合惟不言雍之老母弱子並立行周旋之事耳立行軫念故友風義不愧古人克融作亂於長慶元年立行年二十有一昭雪於大和六年立行年三十有三皆在未仕以前立行及其祖父暨夫人之父柳楚皆無史傳可攷撰文之李儉書石之于全益亦無傳張仁憲碑亦李儉所撰彼碑署銜僅存上柱國三字卽此李儉也唐書宰相世系表肅宗相李揆之曾孫有名儉者不言官職未識卽其大否

唐閻好問墓志跋

唐御史中丞閻好問墓志姪周彥撰正書在京師西直門外出土補訪碑錄云此志出土僅拓數紙土人埋之遂不可得審視拓本鐫有藏常山李氏成蹊家字撫叔所言未確撰文者好問之姪撫叔以爲周彥恭撰文亦誤據敘文好問官終於幽州司馬而標題不著文有烏台三上語豈幽州司馬之後又嘗爲御史中丞故首句云中丞諱好問第一字雖缺要爲中字無疑志云會昌中燕帥贈太尉蘭陵張莊王考爲張仲武舊書列傳仲武歷官至司徒中書門下平章事諡曰莊而不言贈太尉可以補史之闕志又云莊王嫡直方以戶部襲位情娛弋獵性樂微行常以讜言維持於宿衛明年冬諫

戶部吐以血誠請覲龍闕校皇甫枚三水小牘云咸通庚寅
歲盧龍軍節度使檢校尚書左僕射張直方抗表請修入覲
之禮優詔允焉先是張氏世莅燕土民亦世服其恩禮燕臺
之嘉賓撫易水之壯士地沃兵庶朝廷每姑息之洎直方之
嗣事也出綺紈之中據方岳之上未嘗以民間之休戚爲意
而酣酒於室淫獸於原巨賞狎於皮冠厚寵集於綠幘暮年
而三軍大怨直方稍不自安左右有爲其計者乃盡室西上
至京懿宗授之左武衛大將軍觀此志知勸直方入覲者爲
好問矣志又云莊王猶子德輔潛祈大福陰構禍階爰從東
第直臨正寢乃披堅執銳從辰洎申威掠前鋒血盈左脅新
舊唐兩書列傳均不載此事據張仁憲神道碑德輔系張仲

斌子故府燕國公爲張允伸今府僕射爲李茂勳埭橋爲宿州治通鑑二百五十胡三省注憲宗元和四年析徐州之符離蘄泗州之虹置宿州治埭橋在徐州南界安塞軍納降軍軍府名均見新書地理志

唐大德塔銘跋

唐故信州懷玉山應天禪院尼禪大德塔銘正書石出揚州序云尼善悟廣陵人嫁許寶三十年而寶逝乃剃髮受戒爲尼乾符六年歸寂於信州懷玉山應天禪院生男二人收骨起塔於江陽縣以廣明元年歸焉按唐信州乾元初置太平寰宇記云乾元元年江淮轉運使元載奏割饒州之弋陽衢州之常山玉山建州之三鄉撫州之三鄉置信州以信美爲

名懷玉山一統志在玉山縣北一百二十里高四百餘丈盤互三百餘里界衢饒信三郡當吳楚閩越之交爲東南望鎮相傳異光燭天一名輝山唐賈耽云其山上干天際勢連北斗又名玉斗山循山之麓升降凡十有五里至大洋坂地寬廣約數百畝而奇峯峻嶺怪石深池環列於前後左右山靈之窟宅也乾符爲唐僖宗年號六年正黃巢由廣破潭攻江陵鄂州轉掠饒池信宣歙杭十五州眾二十餘萬與序所云狂寇蟻聚往還皆徑其旁一無驚畏卽其時也

宋轉運使李先等千佛崖題名跋

宋李先等千佛崖題名按李先宋史有傳云先字淵宗兌之從弟許州臨潁人起進士爲虔州觀察推官歷利梓江東淮

南轉運使題名正爲利梓轉運使時也宋景文集有答勸農
李淵宗嘉州江行見寄詩史炤宋時有三中輝潁昌人嘉祐
中提舉常平乃文彥博嘗從受學文潞公集有奉寄中輝大
卿史詩金石萃編嘉祐中提舉常平史炤奏上堰法獲降敕
書刻於蜀石堰上養新錄熙寧四年前知襄州史炤言開修
古淳河一百六里灌田六千六百餘頃續通鑑長編光祿卿
史炤知邠州上謂執政曰炤在襄州於水利甚宣力宜優獎
以勸眾皆此史炤一字見可眉山人卽撰通鑑釋文三十卷
者其仕履不甚著釋文題銜云右宣義郎監成都糧料院馮
時行釋文序云嘉祐治平間眉山三卿爲摺紳所宗東坡兄
弟以鄉先生事之見可卽清卿之曾孫也馮作序在紹興三

十年而云年幾七十好學之志不衰是其人當生於元祐末
年而終於孝宗時後此史炤約數十年一咸淳中官利州路
都統制則更後瞿氏書目以見可爲利路都統則與釋文序
不合三巴晉古志以中輝爲眉山人則又因見可而誤杜師
益書錄解題有雷澤杜師益著杜公談錄一卷錄其父務滋
之言也元繼能干之馮惲公謹傅亶子諒無攷

宋壽昌縣君胡氏墓志跋

宋壽昌縣君胡氏墓志志正書額篆書光緒丙申出於予家
迤北濱江里許田中蓋志完好無缺同時耕人得硯一椀一
水注一墨一均爲人攫去互相傳說以爲得窖幾成獄訟志
亦屢埋屢拊又爲人剖志之半以去予屬族弟晉初致之家

爲搨其文字跡圓勁文亦有法惜塵存下半撰人年月均不存但聞人言元祐年而已略可攷者縣君胡氏歸於周鉛山君其姑歸於鉛山君之父校理君以姑姪爲姑婦其賢相似子成己祖己言己求己慎己皆舉進士攷宋職官志云祕閣有校理以京朝官充之通掌閣事掌繕寫祕閣所藏元祐初復置直集賢院校理敘封云庶子少卿監司業郎中京府少尹赤縣令少詹事諭德將軍下刺史都督下都護家令率更令僕母封縣太君妻封縣君周君蓋官鉛山令妻應封縣君與志正合宋地理志鉛山屬江南東路信州壽昌屬兩浙東路建德府均中子五人不見縣志其舉進士而未第者與吾邑金石最少又得宋志一種足爲志乘光儻覓得志石上半

能爲延平之台其可攷者當不止此

宋恩禪師塔銘跋

宋洪山報恩禪師塔銘范域撰韓韶正書在湖北隨州按碑云恩禪師衛州黎陽人今宋史地理志黎陽屬河北路滑州考黎陽宋端拱初建通利軍天聖初改安利軍熙寧三年改黎陽屬衛州元祐初復爲通利軍政和五年升爲滑州縣屬焉恩禪師生時縣正屬衛州也提舉京西南路常平等事宋會要熙寧二年設逐路提舉常平廣惠倉兼管勾農田水利差役初設止有京東路京西路元祐元年罷紹聖元年復置改京西北路京西南路正與碑合

宋淨禪師塔銘跋

宋大洪山淳禪師塔銘韓韶撰韓皓書韓昭篆額在湖北隨州按淳禪師劍州梓潼人今宋史地理志梓潼屬隆慶府系孝宗時升本劍州也韓韶韓昭一管句成都府國監觀一提點西京嵩山崇福宮攷宋會要宮觀使有使副使判官都監提舉提點管句等職熙寧二年十二月詔宮觀差遣不限員數差知州資序人以上須精神不至昏昧堪任釐務者充以三十箇月滿替三年又詔杭州洞霄宮永康軍丈人觀亳州明道宮華州雲臺觀建州武夷觀台州崇道觀成都府玉局觀建昌軍仙都觀江州太平觀洪州玉隆觀太原府興安王廟今復並依崇福宮置管句或提舉官國監卽玉局觀也恩禪師碑立於政和三年書人承議郎致仕武騎尉■韶卽此

碑撰文之韓韶殆致仕而奉祠者

宋曹輔墓志跋

宋曹輔墓志揚時撰陳淵正書李經篆蓋吾友蒯履卿檢討得於廠肆志當出福建然各家未著錄想久佚矣按龜山先生文集卷三十七有是文取明萬曆刻本與碑相校有脫去者如第七行上曰今日所慮正在金虜公曰有賢相則金虜無足慮也集本脫上曰至無足慮也廿二字第十四行而不知移禍於異日異日之禍將使天地易位脫異日之禍四字第十八行三鎮之求復尋前約脫之字第廿二行不知決水灌之脫之字第廿三行恪堅持之不出亦脫之字當據碑補有衍者第六行除南外宗室財用南上行主管二字第十八

行左右二輔臣議不協二上行一字第廿二行公稱謝卽奏
樂輕儇不可任謝下行中字第三十二行臨奠夫人張氏再
辭免再上行一字當據碑刪有誤者第三行編管郴州與宋
史本傳同郴作彬誤延康殿學士學作主誤第四行字載德
與宋史本傳同載作戴誤第五行除一司勅令所刪定官司
作月誤第十三行大金意欲得十六字徽號徽誤故字第廿
一行臣直疊上誤疊疊第廿七行虜再邀鑿輿出郊再誤欲
字按是時宋帝第二次入敵營遂北狩再字是也第三十三
行初娶鄧氏鄧作鄭當據碑改正第廿七行車駕翌日出青
城青城集作郊第三十五行振飢振作賑則兩通也
曹輔宋史有傳所載厯官與碑相合史言輔諫微行并草疏

召其子紳付以家事觸王黼怒編管郴州史甚詳而碑以渾
括出之至召對各事諫北珠一疏議和戰一疏極爲蹇諤固
始終不改其節者可以補傳之缺史敘官云以通仕郎中問
學兼茂科歷祕書省正字上書謫郴州召爲監察御史守殿
中御史除左諫議大夫御史中丞拜延康殿學士簽書樞密
院事未幾免簽書碑云中進士第調福州德德縣尉升壽州
安豐縣主簿改通仕郎試中詞學兼茂科特轉文林郎除一
司勅令所刪定官改宣教郎乞補外通判安肅軍轉奉議郎
除南外宗室財用除祕書省正字轉承奉郎編管郴州移袁
州召爲御史遷諫議大夫給事中除御史中丞延康殿學士
簽書樞密院事比傳爲詳北盟會編大理少卿聶守獻言請

洪蔡河汴河水合灌摩駝岡摩駝岡者前金人下寨處地勢卑下既爲水所灌注金人乃盡占高阜之地據志輔欲先出兵占高阜之地虜當駐兵低處而後灌之唐恪不肯出兵河水既決虜無損傷而城圍因水愈密矣彙編又引朝野僉言二酋遣使乞令人召康王圖上遣簽書密院曹輔由京東詣河北迎康王于曹輔衣襟上以礬書爲詔數日取曹州守臣軍令狀回稱不知康王所在與志合輔貫南劍州沙縣攷宋地理志南劍州劍浦郡軍事太平興國四年加南字沙縣爲其所屬福州大都督府靈德爲其所屬均屬福建路壽州政和二年升爲壽春府安豐爲其所屬紹興十二年升安豐爲軍輔爲主簿時安豐未升軍壽春未改府也屬淮南西路安

肅軍景德元年改屬河北西路郴州桂陽郡軍事屬荆湖南
路興仁府本曹州建中靖國元年改賜軍額曰興仁崇寧元
年升爲府大觀二年升督府政和元年復爲輔濟州濟南郡
均屬京西路南京大中祥符七年建應天府爲南京志蓋未
見陳淵李經無攷李經官建康府教授而景定志未載

宋建炎復江陰軍牒跋

宋建炎二年江陰復軍牒淳祐七年知軍陳鑄刻在縣署二
門壁內江陰改軍高宗紀不載攷宋史地理志江陰軍同下
州熙寧四年廢爲縣隸常州建炎初以江陰縣復置軍今觀
此牒知復軍額在二年十一月矣結銜守右丞朱守左丞顏
守右僕射不署姓考宰輔表建炎二年守右丞朱勝非守左

丞顏岐正議大夫守右僕射則汪伯彥也官尊故不署姓皆
與碑合雄節崇節兩指揮皆駐江陰禁廂兵東西二寨申港
石碑皆見宋兵志狀言方賊作過指宣和間方臘作亂又言
西賊驚劫常州至鎮江府攷高宗紀建炎元年九月賊趙萬
入常州執守臣何袞又陷鎮江府守臣趙子崧棄城渡江十
月王淵張俊誘萬等誅之卽指此事是月兀朮入建康韓世
忠自鎮江引兵之江陰軍想見烽火接天殘黎結壘防託牢
固方免侵犯錫之軍額以保巖疆亦經國者之要務也江陰
志亦載從父老胡崇之請復爲軍而不錄此碑金石各家亦
未著錄己丑冬猶子志名搜得之手拓以歸江陰古碑日少
得此如獲一眞珠船矣因遣工打十數本分餉海內同志

宋紹興復江陰軍牒跋

宋紹興三十一年江陰復軍牒在建炎牒碑陰余拓建炎牒打碑人沙君士瓚爲言碑陰亦有文字因薙榛莽發瓦石出而視之則紹興牒也紹興復軍高宗紀亦不載宋地理志江陰軍建炎初復置紹興二十七年廢三十一年復置李心傳繫年要錄云紹興二十七年廢江陰軍爲縣隸常州仍屯兵三百八十人以知縣兼軍使紹興三十一年十一月新知嚴州楊師中知江陰軍填復置闕江陰比廢爲縣至是復之與碑合結銜參知政事楊尚書右僕射同中書門下平章事皆不署姓攷宰輔表紹興三十一年三月壬午楊椿自兵部尚書兼權翰林學士除參知政事庚寅陳康伯自右僕射授左

光祿大夫遷左僕射同平章事朱倬自參知政事授左通奉大夫遷右僕射同平章事皆與碑合顏紹攷江陰志云紹興三十年來任林安宅無攷江陰瀕臨大江與鎮江一帶聲援相接建炎之初未罹兵燹長江天塹最爲扼要之地復縣爲軍屯兵聚糧捍衛商旅捕捉盜賊民人日見富庶錢物亦易椿辦自此以後遂不復廢自宋迄今凡畱意江防者皆爲重鎮焉

宋預禪師塔銘跋

宋大洪山慧照禪師塔銘榮巖撰吳說正書在湖北隨州道楷禪師見靖康二年碑銘慶預卽其弟子也文云預居隨之大洪山羣盜環山如林預恬不爲意日據繩牀頤指間暇外

飭其徒之強毅者固守圍以折豺虎之衝內帥其徒之靜專者謹禪誦以覲國威之立與山巋然不拔所活何止萬人攷輿地紀勝云大洪山慈忍靈尊者道場在州西南隅以峰巒奇絕舊爲奇峰寺後改爲靈峰寺今爲崇_靈保壽禪院山崛起一方巉然雲間四面斗險絕頂峰巒崖石中有大湖寺人經行數常見雲氣在下靖康避寇之人立寨柵自保賊竟不能破以斗絕不可躋攀也繫年要錄紹興元年襄鄧鎮撫桑仲以其將李道知隨州時隨州闕守通判王彥威與州縣官皆寓洪山寺主僧慶預守洪山以扼賊道至隨遣彥威以歸遂掌州事慶預京山人也雲麓漫鈔云建炎紹興初隨陷於賊而山中能自保有帶甲僧千數事定皆命以官汪藻外制

有大洪山僧守珍補承信郎誥汝營壁隄輯鄉閭繫年錄以爲恐與慶預事相關以碑證之事蹟略具雪峰在侯官紀勝云雪峰寺在侯官縣西百餘里地勢高多寒雪故名唐咸通中真覺禪師居之宗風甚盛太平興國三年賜名崇聖院
宋遂禪師塔銘跋

宋大洪淨嚴和尚塔銘馮楫撰吳說行書在湖北隨州按文云郡東雙泉禪院虛席隨守袁公灼命師出世考傳燈錄襄州雲蓋山雙泉院曰西雙泉以隨州雙泉院爲東雙泉淨嚴出世卽東雙泉院也陳規輿地紀勝官吏陳規宣和間知安陸縣行知府事自中原失守諸重鎮多失惟規與羣盜屢戰皆不能犯由是德安獨存安陸民德公爲廟祀之賜號賢

成廟

宋陸游鍾山題名跋

宋陸務觀題名按放翁入蜀記乾道六年七月八日至鍾山道林真覺大師塏焚香塏在太平興國寺上寶公所葬也塔後有定林庵予乙酉秋嘗雨中獨來游畱字壁間後人移刻崖石讀之感歎蓋已五六年矣卽此題也錢辛楣放翁年譜乾道元年乙酉七月改任通判隆興軍府事自京口過金陵雨中獨游鍾山蓋卽據入蜀記按放翁隆興元年除通判鎮江軍府事甲申二月到鎮江任閏月壬午游焦山有題名乙酉由鎮江改隆興軍府通判是年四十一歲趙甌北放翁年譜系之二年誤笠澤用魯望先王事放翁雲門壽聖院記亦

署吳郡陸某不稱山陰定林寺有二景定建康志上定林寺
舊在蔣山應潮井後宋元嘉十六年禪僧竺法秀造在下定
林寺之西乾道間僧善鑑請其額於方山重建下定林寺在
蔣山寶公塔西北宋元嘉元年置後廢今爲定林庵王安石
讀書處放翁所游是定林庵卽下定林寺也 是刻金氏鰲
曾見之久已湮沒打碑人山東荀估攜拓本來閱之喜甚時
大雨如注東望鍾山在煙雲出沒間猶想見鏡湖詞客蠟屐
獨行時豪興也

宋楊輔等口楚崖題記跋

宋楊輔等題記行書在襄陽南三里山之王蟒洞未見著錄
楊輔史有傳字嗣勳遂盜人乾道二年進士甲科官至建康

府兼江淮制置使諡莊惠史言以顯謨閣待制知江陵府移襄陽而不詳何年嗣勳嘉泰元年上泉寺題名云余守江陵之四年徙襄陽是其知江陵在慶元四年徙襄陽在嘉泰元年也蒲叔獻南部人舉進士爲成都曹百姓歌曰運使姓蒲民力可蘇召爲宗正卿韓侂胄用事遂請去時論偉之見萬姓統譜侂胄用事在開禧間叔獻爲湖北轉運使當在成都之前

宋李曾伯紀功銘跋

宋李曾伯紀功銘正書在襄陽宋史理宗本紀淳祐十一年十一月丙申京湖奏聞復襄樊功都統高達以下將士三萬二千七百人各官一轉犒緡錢三百五十萬收復在四月奏

聞賞功在十一月史據奏聞書之也考曾伯王登史俱有傳
曾伯字長孺覃懷人後居嘉興淳祐初歷兩淮制置使權兵
部尚書六年放歸田里九年起知靜江府廣西經略安撫司
使兼轉運使進徽猷閣學士京湖安撫制置使知江陵府兼
湖廣總領兼京湖屯田使進龍圖閣學士疏言襄陽新復之
地城池雖修浚田野未加闢室廬雖草創市井未阜請蠲租
三年詔從之此銘刻於寶祐二年自稱京湖制置使是其知
江陵府尚在寶祐二年後也登字景宋德安人出制置使孟
珙幕府淳祐四年舉進士調興山主簿制置使李曾伯經理
襄陽登在行以積功升後至軍器少監京西提點刑獄開慶
元年提兵援蜀卒宏簡錄云登在行以功升將作監丞較宋

史爲詳高達屢見於本紀淳祐十一年四月高達帶行遙郡
刺史權知襄陽府管內安撫節制馬軍寶祐元年三月錄襄
城功高達帶行環衛宮遙郡團練使銘刻於寶祐二年稱都
統不言權知襄陽府殆以遙授之職故也首云淳祐十一年
後云越三年寶祐二年也

遼廣濟寺佛殿記跋

遼敕賜廣濟寺碑前銀青崇祿大夫檢校司徒使持節儒州
諸軍事儒州刺史兼御史大夫上柱國廣平縣開國男食邑
三百石宋璋撰攝大定府文學龐可昇書碑陰左側皆邑人
題名右側爲重熙五年重修寺題記碑記僧弘演率門人道
廣維那王文襲等修寺宇敕賜寺額等事儒州遼地理志隸

西京道今直隸宣化府延慶州治大定府隸中京道今喀喇沁右翼南一百里廣平立縣始於唐而省於遼地志不言何時省入幽都今此碑刻於太平五年而有廣平縣開國男知省縣在太平後矣若宋志之廣平則宛平之訛不足據

金正大提控所印攷

金正大二年提控所印以今工部營造尺度之方二寸篆文凡四字曰提控之印右云正大二年十月日言左云大名行部造上云副提控印柱紐上刻一土字皆正書與各書所載金朝官印均合按正大爲哀宗第二改元大金集禮云三師三公親王尙書令並金印王及諸郡王三師宰執一品官並用銀鑄金鍍二品印銅鑄金鍍三品以下皆止用銅鑄此印

銅鑄無金鍍蓋三品以下官之印攷金之提控皆虛銜無專
官百官志有提控銜者甚多印文正用提控莫能定其何官
上云副提控印則此印實提控之副使所用有提控銜之副
使類多六品以下官然則此印乃六品以下官所用者其云
大名行部造者按金地理志大名府路貞祐二年置行尙書
省此印蓋卽行省所鑄哀宗紀正大二年七月蘇椿自大名
來奔十月猶有是鑄是椿雖出奔大名尙未陷也張芑堂金
石契有都統出字之印正大五年恆山公府造與此正同金
自貞祐以後朝廷授職旣無定額而臣下置官設印一時權
宜有不自知其僭妄者金百官志云泰和八年閏四月勅殿
前都檢點司鑄印依總管府例以金木水火土爲號此印柱

上土字猶守泰和之舊與他印以千文編號者不同前人釋
土爲上者誤金印傳於今者吳蘇閣詩載正隆六年句當公
事印汴少府監造前駐藏大臣錫厚菴藏貞祐三年省差官
字之印金索載元光二字副統約字之印養新錄載興定元
年提控所菜字印金索又載正大四年成字都統所印四印
均行官禮部造金索又載提控所維字印合恆山公府所造
都統印與此而七可互相取證矣

元龍興寺膽巴碑跋

元龍興寺膽巴碑撰於延祐三年碑云皇帝卽位之元年有
詔金剛上師膽巴賜諡大覺普慈廣照無上帝師勅臣孟頫
爲文并書刻石大都口口寺五年眞定路龍興寺僧迭瓦八

奏乞刻石寺中復詔孟頫爲文按元釋老傳膽巴歿於成宗

大德七年皇慶閒追號大覺普惠碑作慈廣照無上帝師此云

皇帝卽位之元年卽仁宗皇慶元年也五年卽延祐三年也

皇慶二年改元延祐五年蓋統計之碑又云祠祭摩訶伽刺

持戒甚嚴晝夜不懈屢彰神異與傳所云懷孟大旱禱之立

雨呪食投龍湫奇花異果上湧諸事相合摩訶伽刺神傳作

摩訶葛刺神碑中帝師巴思八傳作八思巴潛研堂跋歷舉

文宗紀輟耕錄作巴思八焚毀僞道藏經碑作八合思巴至

元法寶勘同總錄序作拔合思八世祖紀作八合思八王戶

部第卿復舉仁宗紀作帕合斯巴元典章作八思馬荃孫撿

元史阿魯渾薩理傳作八哈斯巴阿尼哥傳作八合斯巴

殿本元史又譯作帕克思巴譯音無定字也大都之碑未立
真定之石早亡而松雪真蹟尙存天壤其爲貴重當駕宋元
拓木而上矣

藝風堂文集卷七

江陰繆荃孫

韻補跋

景宋鈔本吳才老韻補五卷每半葉十行小字每行二十四
葉旁注大幾字小幾字首葉有謝子芳刊餘無疑鈔胥遺奪
也景寫尙精無各家收藏圖記荃孫取連筠移刻本校之刻
本張氏穆緣起云刻入叢書時何子貞借各家刻本寫本及
大興劉侍御藏汲古閣景宋鈔本譌謬踵似不足據乃取才
老引用之書精意校對云云此本譌脫更甚大約刻本模糊
鈔胥以意爲之誠有如張氏所云者然徐戴序中考古銘箴
誦哥謠謠諺之類刻本謠字不重按下謠字當是繇字觀書
目舉左邱明傳易林可證景作謠非刻本刪之亦非又三年

戴歸吳而才老死久矣刻本落戴歸吳三字書目史記注秦
刻石辭下刻本落龜策傳自序皆韻七字又落漢書一條注
後漢班固所作漢文章自序皆韻在史記行下想原本如是
傳鈔奪去耳注引漢書甚多道藏歌詩注當是晉魏人作刻本改魏
晉按此言晉魏或兼元魏言之不必定屬黃初也又十八尤
旭字注引王粲詩女士滿莊旭與文選合刻本改士女二十
五添與廣韻合刻本作沾按廣韻注或作沾似不必改定沾
字九御途字注荀卿成相篇已无尤人我獨自美豈獨無故
刻本刪下獨字按楊倞注或曰下無獨字盧氏文昭校云無
獨字則與全篇句法合是唐本本有獨字才老所見亦然不
必從而刪之也刻本閒有訛字均爲拈出引書與今本異者

苟可兩通悉錄於眉端又注引素問韓子琴操書目未出恐
尙有訛奪也

入語蚌字注國策今日不雨明日不雨必有死蚌讀蚌叶
雨按輔行記引作今日不雨明日不雨必有蚌脯脯雨本
韻宋時已作死蚌而才老又誤引也

聖武親征錄跋

右皇元聖武親征錄無卷數光澤何先生願船取舊鈔本校
以金元二史元祕史及金元人傳記文集攷形訂聲經年緝
月削其重複更其舛亂補其奪字刪其衍文張丈石州推其
廓清之功比於武事誠非虛語然亦尙有未盡者如是時別
里古台那顏掌上乞列思事親搖上馬何云搖字疑誤荃孫

按搖疑是控字大太子朮赤二太子察合台三太子窩台太宗也荃孫按太宗也三字是注誤入正文詔史天倪南征取平州木華黎遣大進道攻廣靈府降之張文校云本紀作賜進道荃孫按大進道爲史進道之訛賜進道則音近而誤進道秉直之弟天倪之從父從木華黎攻廣靈府均見進道神道碑七月上遣唐慶使金保降荃孫按保降是催降之誤觀下文遣人入城催降可見乙亥金右副元帥七斤以通州降木華黎攻北京金元帥寅花磨等以城降金御史中丞李英帥師援中都戰於霸州敗之三事皆與下文復荃孫按下文卽云金主以檢點慶壽元帥李英運糧分道還救中都齎糧人三斗英自負以勵眾慶壽至涿州旋風寨李英至霸州青

戈皆爲我軍所獲與金李英傳元本紀合又云時金通州元帥七斤率眾降惟帳復張鑊柄眾哥也思元帥據守信安何校云未詳荃孫按帳復是張甫之譌張鑊柄是張進之譌眾哥也思是眾家奴之譌金九公傳張甫張進眾家奴據守信安不下正在是時下又云金元帥那答忽監軍斜烈以北京來降何校云北京疑有誤荃孫按寅花磨元太祖紀作寅古答論虎卽那答忽也願船不知三句爲衍文而強爲之說所以愈疑愈誤也

會稽三賦跋

會稽三賦三卷宋王十朋撰史鑄注道光丁酉杜春生景宋本重梓取以校湖海樓陳氏本祇得譌字數處陳本爲汪蘇

潭吏部校亦甚精核惟風俗賦菱歌注云舊注菱歌調易急
按文選本是采菱調易急景宋本畱墨臺半行陳本刊去按
語氣未畢下疑有辨證之語未刻者宜仍舊觀不當削之也
愚齋注此賦引用書近多不存如禽山引許慎淮南原道注
云塗山在九江當塗縣章亥引慎地形訓注云大章豎亥善
行人皆禹臣也二條槩桑引太康地記云諸暨境土諸山出
第一槩桑文采如博碁方正駢次有如畫作可爲屐編上品
者一兩至數十萬一條爲孫畢輯本所遺賀知章龍瑞圖經
三條亦出道藏李宗諤重修本之外餘周易略例顧伯邶詩
傳類證蜀王本紀吳錄周處風土記賀循會稽記孔_融會稽
記孔靈符會稽記夏侯增先地志盧驥西征記會稽典錄襄

陽耆舊記廣州記武陵記輿地志南越志地理圖十道志晉

安海物異名記圖經

越州圖經

濠梁圖經名山志復齋謾錄隋唐

嘉話崔希裕纂古遯齋閒覽殷芸小說談助道甲開山圖僧
史續仙傳石氏宗譜洪興祖補注楚辭皇宋百家詩選會稽
覽古集蔡寬夫詩話各種卽晁陳書目亦多缺略碎璧零璣
皆堪寶貴鑄自序云事涉於隱者則從詳備目熟乎見者則
從闕略實足爲注書之法不僅取材之富也

秦邊紀略跋

此書五冊不分卷不著撰人名氏 四庫存目作四卷以首
卷河州條注內有康熙十四年二十二年等事定爲康熙時
人所作荃孫按章實齋撰劉湘燧傳云^①都梁懷葛著秦邊

紀略有書無圖湘燿偶得圖以校其書纖悉昭合疑卽梁圖而與顧氏方輿紀要頗相齟齬湘燿合訂爲秦邊紀略異同攷六卷始知此書爲梁著又按劉繼莊廣陽雜記云梁質人畱心邊事已久遼人王定山燕贊爲河西靖逆侯張勇中軍

與質人相與甚深因之徧歷河西地故得悉其山川險要部

落游牧暨其強弱多寡離合之情著爲一書曰西陲今略徐星

伯西域水道記引之歷六年之久寒暑無閒其書始成書凡五冊冊各

百餘紙繼莊爲刪定存四百餘葉改定今名與此書適合存

目又載懷葛堂文集十四卷梁份撰份字質人南豐人嘗學

於盩都魏禧章實齋以爲盩都梁懷葛近吳竹莊方伯坤修

刊於懷盩以爲乾隆時人王文泉孝廉文灝刊於定州以爲

蠡縣李培撰皆誤是本前有石匏二字小長印朱文復有張開福印四字方印白文石匏開福字浙江海鹽明經芑堂先生之子曾就延榆綬道劉燕庭觀察之聘出入秦邊此書蓋行篋中物將以攷核西郵地理者

蜀典跋

武威張氏澗蜀典分十一類援據浩博是其所長其中如堪輿類蜀境一條引陸機傳蜀土與秦同域一條引博物志俱行文之辭不足爲典要蜀城一條引王右軍帖不知右軍書爲唐人僞造更不足據蜀井一條云廣陵蜀岡上有蜀井言水與西蜀相通此與荆溪之蜀山同例當入揚州方志不宜載之於蜀宦蹟類开度一條書錄解題文獻通考均作井度

廣韻井字下云又姓姜子牙之後春秋時有井伯正字暹作
开者字誤正字通本俗書不足稱也著作類隄爲舍人爾雅
注輯如左隱十二傳正義引圍邊垂也釋文渝變也引作孺
詩載芟正義引釋釋穀皆生之貌論語述而正義引無舟而
渡水曰徒涉御覽引墮大者如鴉子聲合黃鐘小者如雞子
聲合大簇夾鐘荆楚歲時記引杏花如茶可耕白沙史記司
馬相如傳注引楓爲樹厚葉弱莖大風則鳴故曰楓詩螽斯
正義引蚣蟥今所謂春黎也皆失輯蜀才易輯如集解訟卦
剛來而得中也引此本遯卦按二進居三三降居二是剛來
而得中也隨彖下引此本否卦剛自上來居易柔自初而生
上則內動而外說是動而說隨也相隨而大亨无咎得於時

也得時則天下隨之矣故隨之時義大矣哉釋文引并累其
瓶辯吉凶者存乎辭注辯別也知崇體卑象也者像也均失
輯謙周法訓御覽四百六引譙子齊交篇文雖引而脫篇目
輓歌條複出初學記十七引好學以崇志故得廣業力行而
卑體故能崇德是以君子居謙而宏道然後德能象天地意
林卷六引公人好人之公私人好人之私念己之短好人之
長近仁也有財不濟交非有財也有位不舉能非有位也相
憎者能生無辜之毀相愛者能飾無益之譽君子好聞過而
無過小人惡聞過而有過五條均失輯蜀石經毛詩一卷外
今尚存舊撮左氏傳第二十三一卷穀梁儀禮各十數行又
張氏所未見姓氏類用氏風俗通云云元和姓纂引之在今

本風俗通之外卽毛詩孟庸庸與閭通左傳作閭職史記作庸職是也名士錄又有用羽之張氏言亦未明晰开度見宦蹟類又見姓氏類卷十二并氏十三葉一見四十葉一見均爲複出引用古書半皆亡佚不著所采之處亦屬不合然張氏素稱博學此書搜采繁富亦談蜀者之所不廢也

大唐郊祀錄跋

大唐郊祀錄十卷唐王涇撰 四庫未收藏書家各有傳鈔

本譌奪最甚此從烏程汪謝城日楨校正本過錄譌者訂奪

者補千年就祕之帙煥然一新雖未能毫髮無憾亦可觀大

概矣眉閒錄長興臧眉卿壽恭南匯張嘯山文虎校語金山

錢氏指海十八集卽刻汪本而以臧本校之今取對勘仍有

出入爰錄副藏雲自在堪附錄一卷汪君所輯接采甚富荃
孫又檢唐會要十八載元和十四年二月太常丞王涇上疏
請去太廟朔望上食又中書舍人武儒衡議曰今王涇所引
太廟與陵寢同日時設祭以爲越禮又王涇狀以太廟設祭
別加常饌以爲褻味此三條附錄失引汪君未核唐會要故
也補撰樂章有大閩國太常博士張連汪君據以爲王閩時
所竄亂之證而惜張連姓名他無可考遂不知補撰在閩何
時今按太廟迎神第二奏樂章注云元闕臣陳致雍補致雍
南唐太常博士見陸游書后妃傳馬令書潘佑傳吳任臣十
國春秋育致雍傳云陳致雍莆田人博洽善文辭憲章典故
仕閩景宗爲太常卿入南唐以通禮及第景宗闕王延義廟

號致雍與張連同官其補撰樂章似當在永隆時然考五代
會要唐天成三年封福建節度使王鈞爲閩王更名鱗五代
史唐長興三年自稱帝國號大閩改元龍啟然猶稱藩於朝
廷諡曰惠宗子昶嗣晉封閩王諡曰康宗審知少子曦嗣晉
封閩國王諡曰景宗是曦卽位之時已屬晉天福四年拜受
晉封已際兩代決無反嗣唐帝之理意者惠宗之初大號初
膺制禮作樂外示藩屬於中朝內以儀型夫臣下連與致雍
同官治禮樂章之補當在是時而致雍至景宗之朝猶爲太
常卿耳致雍事又見江南餘載今尙存曲臺奏議十卷

遂初堂書目跋

遂初堂書目一卷宋尤袤撰袤字延之無錫人紹興十八年

進士官至禮部尙書諡文簡事蹟具宋史本傳延之富於書籍遂初堂所藏陳振孫推爲近世之冠此目無撰人無卷數毛开序魏了翁陸友仁二跋與四庫本同一書兼載數本開近人目錄兼載各本一派複見之書提要舉大曆浙東聯句一入別集一入總集今攷其中如焦氏易林一入周易一入術數汲冢周書一入尙書一入春秋天下大定錄一入雜史一入僞史皇祐平蠻記一入本朝故事一入地理慶曆軍錄一入本朝故事一入兵書隋李文博中興書一入儒家一入雜家瀨鄉記一入地理一入道家熙寧番官陳院編敕一入職官一入刑法文場盛事一入故事一入小說石藥爾雅一入醫書一入道家于公異記集令狐楚表奏事一入別集

一入童奏文苑英華一入類書一入總集花間集一入總集
一入樂曲郊祀錄儀注類兩見崔顥集伊川先生集別集類
兩見王文公送伴錄王介甫送伴錄一舉其字一舉其諡一
入雜史一入本朝故事共十八條今皆注明重出而原文不
刪李紳追昔游編見別集類又有李公垂集不知是一是二
均在可疑宋人目錄畱於今者只晁氏讀書志與此目尙是
流傳舊本殊可貴也延之嘗取孫綽遂初賦以自號光宗書
扁賜之故以遂初名堂云

得月樓書目跋

右得月樓書目一卷得月樓爲明李鶚翀如一藏書之所如
一爲李詡戒庵之孫藏書最富與文文起錢受之相友善世

所謂赤岸李氏者也其孫成之跋戒庵漫筆云乙丙易代之際土賊四起書倉燬燼獨其目幸存於家李將俟刻之聊志先大夫彙集之苦心云蔡澍江陰志列傳云如一倣宋晁氏目錄發凡起例自爲詮次是如一本有書目而今亦不傳此目止百九十餘種雖云摘錄然世間已佚之書如李廉春秋諸傳會通廿四卷陳伯宣史記注八十七卷劉放東漢刊誤一卷汪應辰唐書列傳辨證二十卷呂祖謙新唐書略三十五卷李德裕大和辨謗略三卷歐陽靖聖宋掇遺一卷蔣之奇魏公逸史二十卷倪思正齋台諫論二卷中興集議名臣言行錄三十卷呂東萊觀史類編五卷胡恢南唐書十卷劉恕十國紀年四十二卷宋敏求河南志二十卷周滌臨安志

十五卷趙抃成都古今記三十卷楊侃職林二十卷張著翰
林盛事一卷白太素續通典二百卷万俟卨紹興貢舉攷法
五十卷丁謂景德會計錄六卷顧烜錢譜十卷陶岳貨錢錄
一卷董道續錢譜十卷陳絳山堂遺集十卷續八卷文苑摘
粹十卷共二十七種王文簡居易錄云陸雲士令江陰云有
胡恢南唐書今見此目方知陸所云者卽李氏所藏而書久
佚荃孫从汪卽亭前輩所假得爲黃蕘圃舊藏與述古堂傳
是樓宋元本目各爲一帙喜爲錄存并錄副贈金君澁生澁
生卽梓入粟香室叢書特苦其編次無法又復出十國紀年
文苑纂要辨證兩種辛卯自京旋里又從赤岸故家覓得鈔
本一帙較爲完善復爲梓行江陰藏書家前明推朱君子儋

李君如一今子儋僅有存餘堂詩話及以愛妾易宋本漢書一事又不如如一尙有此目存也

朝鮮金石目攷覽跋

嘉道閒朝鮮士人之談金石者曰趙寅永雲石曰金正喜秋史諸城劉燕庭方伯均與之善因得其國之拓本最多釋其文字攷其原委爲海東金石苑八卷又撮其目爲海東金石存攷一卷其無存者列爲待訪目至精至確此金石目攷覽二卷爲朝鮮金秉善所撰碑較多於燕庭所得然存佚不分惟存者攷其額若干字足以取信非裨販而爲之者今取燕庭兩書校之梁貞明白日棲雲塔碑脫碑側晉天福忠湛塔碑脫碑陰元普濟尊者浮屠碑脫元宣光六年年號

元順帝子廟號

昭宗宋脫圓覺禪師碑元脫①覺禪師碑大藏移安碑慶平寺石幢攷證脫王融崔惟清韓文俊李之茂李②孝李奎報梁載權漢功諸條非特金君未見鮑子年亦未見也荃孫又藏葉東卿高麗碑全文內有宋大覺國師墓室及碑銘安立事蹟記圓光徧③法禪師碑元元貞普覺大師塔碑皇慶權文清公墓志明碑尙夥不足記金石隨時隱見如此書者其搜訪亦不爲無功云

汪應辰石林燕語辨跋

宋葉夢得撰石林燕語十卷所紀朝典國故官制科目當時已重其書閒有記憶失真處同時有汪應辰作辨宇文紹奕作攷異以糾之而各自爲書燕語世傳商氏稗海本脫譌踏

駁不堪卒讀仁和胡君珽鈔得 文瀾閣附攷異本又得何

學士

焯

沈廣文

欽韓

合校正德楊氏本再參以

四庫攷證

舊聞證誤凡前賢論說之足資攷核者悉爲甄錄以活字板印行可謂燕語最善之本惟攷異經館臣錄附原書而甚措汪辨僅存其目二百二條於大典悟字韻中辨則寥寥數條無從掇拾書錄解題亦稱未見儒學警悟閒引數條大典亦未全采是汪辨於宋末傳本卽希而儒學警悟於明初亦非易覲也荃孫初得胡氏集辨本又得明楊氏本頗思爲之刊行旋聞廠賈自山西歸有明鈔儒學警悟全部急往詢之已爲宗室伯希祭酒所得幸伯希假我錄副絲紙藍格古香盎然方知儒學警悟爲太學俞鼎孫同上舍元經編汪應辰石

林燕語辨十卷程大昌演繁露六卷馬永真嬾真子六卷陳善捫蝨新話二十卷四種共四十二卷署曰初編每卷題儒學警悟第一第二宋人叢刻與百川學海同時爲彙刻書目所不載亦可謂驚人祕笈矣然演繁露三書尙有他刻而汪辨則已成孤本鈔白頗有訛脫爰取楊胡二本校定正文補脫字有兩通者不妨存異商本楊本各不同此書字句往往與楊本同辨語共二百條照原書分卷葉據大典作二百二條行下二字攷異得五十六條而與辨同者四十六條縱所據略同而字句仍不少異何耶至說郛引二條舊聞證誤五條容齋五筆一條葉君廷瑄引一條而無書名各條均見此書似亦無所佚脫葉胡二君校燕語時深惜此書久佚孰知全書十卷尙在

天壤閒耶

捫蝨新話跋

捫蝨新話十五卷宋陳善撰 四庫列之存目昭文毛氏曾
刊入津逮祕書按讀書敏求記云捫蝨吾家所藏有二一是
宋鈔本不分卷帙末有羅源陳善子兼跋云丙寅歲余由海
道將抵行在所遇颶風船壞盡失平日所業文字既而於知
友閒得所著捫蝨新話因加刊削得一百則時紹興己巳正
月二十一日也此本墨敝紙渝古香醜醜或者疑爲子兼稿
草一是影摹宋刻本標題云朝溪先生捫蝨新話釐爲十五
卷不列子兼名氏并脫跋語二者未知孰爲定本姑兩存之
以備參攷可耳此舊鈔本云新刊朝溪先生捫蝨新話無跋

語亦無名字與敏求記所云影摹宋刻本合每條各著前話後話下注數目豈本作前話後話爲好事者摘以歸類故題云新話與惟訛字較多是鈔而未校者荃孫舊藏從明人刻本景寫者并成四卷刪除門類實爲無理竄亂然較舊鈔本只脫一條訛字亦少

黃蕘圃所見鈔本卽述古舊藏只一百則不分類無子目與十五卷本一百九十三則大不相同恐是前話後話之一種

意林跋

意林今止五卷高似孫子略中載有全目較今本多蔣濟萬機論以下三十七家洪邁容齋續筆卷二臚列意林內不傳

之書三十二家今本無者十七家乾隆中海^①周氏廣業輯
意林逸文六條又據續筆所稱各家輯之爲意林附編迨文
選樓得宋本多第六卷嘉興李氏遇孫鈔之海^②蔣氏刊入
斟補隅錄海內始得見意林完本今意林卷二二家原有目
無文卷六四十一家有目無文十三家子略原目所列洪氏
所稱照曠閣據說邠所補周氏所采大都在是惟以子略目
核之新序今在第三卷宋本複出譙子五教子略在法論下
注並引禮記語今奪周髀次相鶴經之下夢書次汜勝之書
下相貝經作貝書次夢書下九章算術次萬畢術下博物志
次算術下筆墨法居末均不同子略原目以時代爲序略分
家數似是意林原文惟奪道德經荀子杜夷幽求子干寶干

子華譚新論孫綽孫子六家係傳寫之訛然續筆有干子而無幽求子新論孫子核之崇文總目均屬不傳之書豈容齋所見本卽佚此三種與牟子見子略目次正部下亦見續筆本草經小注云華陀弟子吳普六卷見子略目次神農本草經下今奪相鶴經黃長睿東觀餘論云原書久佚惟馬總意林及李善文選注鈔出相貝經楊升庵亦云原書已佚此特意林所引今二家有目無文施元之注蘇東坡次韻孔毅父久旱詩引意林袁準正書一條天中記陂類引意林一條今本亦無之大約宋時已無全帙然諸書間有輯本頗有得數十百條獨遺此一二條者亦可見宋本之足貴已

乖崖先生文集跋

宋張忠定公集

仿宋本手鈔乖

藏明人影宋寫

表彰前詰矣荃

新刻益州重修

十六行本移入

其文有不可解

臻下接自韋南

以成風若今之

所能允克皆踐

需參三事之庶

外之同詞也

下再

接周翰柴愚

云

云昇州重修轉運司公署

記記中不得擅爲異法也誠以命令稟於天子其昭著能事
厥惟善良苟郡縣不德奸豪任情蠹弊因仍刑罰不正民有
不得平者征斂違度巡護不謹毒有流於下者咸得致詰

下

接以聞或高才沈於下寮治聲被於四遠鄉黨之孝悌巖谷

之貞純悉係明揚用稱中旨加之辯惑煥然易從如此則上
無曠官下無冤人馴良適意凶邪喪朋欲民不謳歌於路時
不頌雍熙者未之有也記末與夫循默養名怙

下

接權自大

者不同日而議也考昇州爲今之江寧府與記中云江南轉
運司合韋南康二語屬入不倫二十六行本以聞上空一格
自大句去一權字添裁正與三字是後人以意妄改上云與

夫循默養名怙習以成風下云與自大者不同曰而議不但
語句相複而意亦未全也兩記互易則文意均足當依馬本
改正

摘文堂集跋

摘文堂集十五卷宋慕容彥逢撰彥逢字叔遇宜興人元祐
三年進士復中詞科崇寧元年除祕書省校書郎歷官刑部
尚書卒諡文友宋史無傳仕履僅見集後附錄墓志宋藝文
志有此書而晁陳書目不載想已久佚按此集宋時亦罕見
故宋文鑑不收未必
鄙其人而擯之今館臣從大典搜輯編成十五卷幾及全書之半亦
足以傳叔遇惟制誥類中有降授奉議郎趙高可差知徐州
制按宋史元豐五年知淮陽軍奉議郎趙高知徐州前於叔

過當制約二十年又有楊愿除中書舍人諱宋史紹興十二年九月始遺楊愿賀金使正旦距叔遇之卒亦二十年大約以他人文羈入此編纂之誤也內端明殿學士朝散大夫曾孝寬可差知鄆州降授奉議郎趙高可差知徐州兩制合爲一題又故左藏庫使趙從義可贈皇城使惠州刺史充本州團練使制贈是身沒之榮充是任官之命合爲一題語氣不貫觀制語首云設館以待四方之臣置使董事頗似四方館使制又不相合其爲誤合無疑又回謝貢士樂僊樂傳啟後脫一題宗室故懷州防禦使河內侯墓志銘中閒有脫文此傳錄之誤也叔遇諡文友諡議曰德美才修曰文能善兄弟曰友其孫綸鏤版時目以文友公摘文堂集其爲文友無疑

廣本 提要誤作文定而宜興新志因之嘗据此以訂其誤
至文辭雅麗讀者當自得之

鴻慶居士集跋

鴻慶居士集四十二卷宋孫覲撰覲字仲益晉陵人大觀三
年進士繼舉宏詞第一歷官翰林學士提舉鴻慶宮故其文
稱鴻慶居士集生於元祐辛酉卒於乾道己丑年八十九仲
益在當時爲眾人所譏屢起屢蹶宋史不爲立傳岳珂程史
趙與峕賓退錄均痛詆之 四庫雖收其書 提要亦極貶
斥其人賢否久已論定無庸置辨惟仲益生值國故更事徽
欽高孝四朝爲文章容與詳贍淹賅眾體於昔廬陵南豐眉
山諸老相繼徂謝仲益趾其後最號作家今流傳有二本一

卽此本慶元中其子介宗所編周益公序 四庫以此著錄
一孫尙書大全集七十卷首冠宋字儀顧堂題跋定爲宋以
後人編而是集所無者書四首啟三十九首詩八十五首表
二十一首狀三首外制兩首記二首序三首賀啟三首帖七
百六十二首跋語二首頌一首題跋二十四首墓志三首挽
詞四首青詞一首疏九首篇數溢出三分之一然周序已言
先有閩蜀兩刻中閒雜以翟忠惠文然難於決擇今別爲補
遺附刻於後而此本賀張參政啟卷十七卷二十兩收編次
亦未盡善自宋至今輾轉傳鈔訛脫不可勝舉前在京師假
得臨清徐梧生戶部影宋寫本係借書園舊藏行款均自宋
本出而訛脫亦甚卷三十二缺一葉借錢塘丁氏本補足卷

三十四缺一葉從大全集補足明嘉靖刻本止十四卷反攷周序四十二卷爲十四則明人陋習不足據也

孫尚書大全集跋

宋南蘭陵孫尚書大全集七十卷不知何人所輯卷一至卷四書卷五至十一啟卷十二至二十詩卷二十一二十二表卷二十三二十四狀卷二十五至二十七外制卷二十八劄子卷二十九至三十二記卷三十三三十四序卷三十五三十六賀啟卷三十七至五十帖卷五十一行狀卷五十二銘贊卷五十三文語頌傳卷五十四題跋卷五十五墓表卷五十六至六十七墓銘卷六十八挽詞卷六十九青詞卷七十祭文疏文較鴻慶居士集本多出書四首啟三十九首詩八

十五首表二十一首狀三首外制二首記二首序三首賀啟
三首帖七百六十二首跋語二首頌一首題跋二十四首墓
志三首挽詞四首青詞一首疏九首共九百六十八首第所
收既博牴牾亦所不免如卷三與耿伯順書與卷四十一與
耿侍郎帖同卷五十五頌人孫氏墓表與卷六十五頌人孫
氏墓志銘同一有銘一無銘卷四十四與婆守李德升尙書
帖與卷四十八與楊元光宮教帖同只後幅多四語耳卷二
十三申雪第二狀有錄無文上丞相第二劄子後幅錯入求
時宰解郡乞祠劄子卷二十四回平江府蔣待制狀應編入
十卷卷四十三與廣西少漕趙隱帖其一未完周益公序鴻
慶集言中雜以翟忠惠文更無從辨別矣明文淵閣書目始

著於錄 四庫止收鴻慶居士集四十二卷然內簡尺牘編
注 提要云觀所撰自三十七卷至五十卷皆書帖卽據大
全集卷第若鴻慶集只四十二卷也又云第七卷與常守徐
計議第五帖注引觀集常州資聖禪院興造記在集本三十
一卷亦指大全集本鴻慶集此記在二十二卷則館臣之誤
也

內簡尺牘跋

內簡尺牘十卷宋孫觀撰按仲益生平文字其季介宗所編
者爲鴻慶居士集四十二卷後人又編爲孫尙書大全集七
十卷此尺牘十卷四百十八篇門人李祖堯編次而自爲之
注鴻慶集未載尺牘大全集載尺牘八百三十四篇與此同

者僅有二十六篇同時掇拾各有短長正宜互存以成全璧
不特文筆清雋爲宋中葉大家而當時朋舊亦藉可考見梗
概矣此書有宋刻本分十卷標題曰李學士新注孫尙書內
簡尺牘方牌子云蔡氏家塾校正銜名首行左朝奉郎充龍
圖閣待制孫覲仲益撰次行門人李祖堯編注無序目有元
天曆庚午刻本分十六卷宋慶元三祀梅山蔡建侯行甫序
有成化辛丑仲益十一世孫蜀撫仁刻本標題云孫尙書內
簡尺牘錢溥序有嘉靖丁巳建陽守顧名德刻本自爲跋有
萬曆庚辰淮陽學政李時成刻本姚江葉逢春序三刻皆十
卷 國朝乾隆丁卯無錫蔡龍孫蔡焯病舊注簡漏廣搜羣
籍爲之增訂補苴罅漏頗有功於是書今刊附鴻慶集之後

仲益之文字幾幾全備矣蔡序今本所無從元刻本錄出以冠其首

丹陽集跋

丹陽集二十四卷宋葛勝仲撰勝仲字魯卿江陰人紹聖四年進士官至華文閣待制知湖州諡文康事蹟具宋史文苑傳其文集八十卷外集二十卷久佚館臣從永樂大典輯出編詩文爲二十四卷

絳雲樓書目有丹陽集三十卷雖與史傳不合然自是舊本未知尙在天壤間

否江陰葛氏世籍廣陵唐天祐中避孫楊連兵之禍渡江南徙宋代門祚鼎盛五世登科第三世掌詞命宋史有傳三人附見十人最爲江陰望族魯卿再守湖州有全城功遂卜居吳興汎金溪上集中有汎金溪宅上梁文其子立方韻語陽

秋序云歸休吳興汎金溪上是舊家江陰徙居吳興可見者如此葛氏以葛洪著望稱丹陽魯卿自署丹陽迺宋人之舊習集亦署曰丹陽集是晉時之丹陽郡非宋時之丹陽縣也自陳振孫書錄解題誤以爲丹陽人而宋史因之遂以魯卿爲舊居丹陽徙居吳興似與江陰無涉者因厯考丹陽歸愚兩集韻語陽秋均無徙居丹陽之文京口耆舊傳嘉定至順兩鎮江志亦不載葛氏父子鎮江志如陳升之蘇頌曾布之寓居者均載之豈有獨遺葛氏父子韻語陽秋云余曾祖通議楊寘榜登科未四十致政享之理年八十七居江陰軍青陽之上湖自號草堂逸老又云先人文康公罷官南陽適當兵擾復還舊業奉伯父工部居焉別建二老堂於宅南眷望由里諸山皆在目考由里山離江陰

城九里距青陽亦在指顧孫鴻慶爲作序文有曰覲與公同
州里亦可爲魯卿居江陰之證若爲丹陽人則屬鎮江府不
得謂同州里丹陽集二十一有里中無居寓丹陽縣詩五六
聯云退食井腴如就國原注某見封丹陽郡遙尋祖系似還
鄉原注葛穉川丹陽人觀此更可見非丹陽人矣至近代之
志又据宋史鈔入不足據也此集藏書家罕見昔年廢肆曾
出孔莊谷鈔本爲汪卽亭前輩購去今從文瀾閣錄副取
以刊行訛錯滿紙校讐不易丹陽詞一卷四庫別收汲古
毛氏刻入六十種詞今取集中詩餘一卷互校有汲古無而
本集有者三首汲古有而本集無者十八首字句亦有短長
乃重爲校定而以汲古所有之詞附刊於末鴻慶集中有序

文一首 閣本未錄今仍冠於集首以符其舊七言古詩有
次韻鄭維心游西余山詩係七言律兩首爲改附七言律詩
之後

友林乙稿跋

友林乙稿四明史彌盩撰彌盩字安卿一字清叔史忠惠王
浩弟源之子錢辛楣先生見史氏譜知彌盩以宗女澤仕至
武功大夫太子右春坊閣門宣贊舍人除忠州團練使知秦
州兼淮安提舉趙希弁讀書附志安卿嘉定中以國子舍生
之望涖春坊事帶閣門宣贊舍人知邵陽此集前有域序失
其姓按域字中卿見文獻通攷集中有謝鄭中卿惠螭蟬詩
卽此人宋詩紀事域字中卿號松窗三山人淳熙十一年進

士慶元中曾隨張貴謨使金著燕谷剽聞二卷官幹辨行在
諸軍糧料院并收玉藥花一詩山丹一詩出全芳備祖黃楊
岩一詩出延平府志近見寶慶府志又得法相岩詩法相具
諸相蠻方無定方突兀虎豹立嵌空蛟龍藏入地轉輪遠透
天圓寶光何人鑿混沌棄擲官道傍嘉定癸酉至日松窗鄭
域中卿并知其爲武岡軍判官則與序所云太師文惠魏王
帥閩以庠序諸生最沐稱賞後四十年墮影湘南乃得親炙
春坊領閣公之幕下相合是彌盪知邵陽時而域爲武岡州
判官正所屬也姬侍類偶有中卿序詞綜收念奴嬌一闋惟
希弁云友林詩稿二卷有黃景說曾豐序此祇乙稿無黃曾
兩序疑尚有甲稿今失其傳黃蕘圃百宋一廬藏有宋槧劫

後客滬猶及見之此吳中翻刻儼然中郎虎賁詩止百七十
首如雲鬢著色四時畫石瀨有聲千古詩一毛不拔管城子
冷眼相看石丈人置之浩翁集中幾無以辨有彝尊私印竹
垞玉樹山房當湖小重山館胡筵江珍藏諸印

北郭集跋

吾鄉如心許先生得詩名於元明聞曰北郭集 四庫著錄
而書亦罕見昔年從杭州丁脩甫孝廉鈔得表兄金淮生同
轉錄副以去并從秀野草堂元詩選錄出廿二首別爲補遺
一卷於縣志采蘇伯衡序又采孫作序刻入粟香室叢書海
內始有傳本己亥新正至滬得同里趙敬夫先生 曦明 手鈔
本跋云北郭集原本四百四十五首國變無傳迺於張允敬

江陰文獻錄得二百五十六首又於許氏家譜得一百五十首去其重複分體編錄得五古廿九首七古廿八首五律七十二首七律一百廿四首五言長律三首七言長律四首五絕六首六絕四首七絕二十三首共二百九十三首分爲六卷而卷中古近體仍是雜編是敬夫雖定目錄尙未照目另寫此書乃稿本也與四庫本相校序次盡同而多五十首是四庫照此輯本收入元詩選亦不出乎此均未見原書也卷首有張端金文徵林右三序均作於洪武朝

明王百穀詩文手稿跋

右明王百穀詩文二冊邵陽魏默深所藏今歸吾友蒯禮卿檢討詩文雜次塗抹鉤勒字跡亦疏雋有致蓋手稿也後有

仁和龔定庵先生跋因首冊之首題云南有堂集壬寅元日
起次冊之尾題云除夕正值亡兒之戚止定爲壬寅一歲之
詩按百穀刻本詩文各署集名曰晉陵集二卷金昌集四卷
燕市集二卷青雀集二卷定越志二卷竹箭編二卷梅花什
一卷明月編二卷雨航紀一卷清茗集二卷越吟二卷荆溪
疏二卷延令纂二卷采真篇二卷法因集四卷丹青志一卷
虎苑二卷吳社編一卷生壙志一卷苦言一卷謀野集八卷
共四十六卷獨無南有堂集因借錄副通校一過方知後冊
乃辛丑冬日所作其子歿於辛丑之冬前冊乃壬寅春日所
作故第一首元日詩云舐犢空憐病裏身穀日詩又云失雛
憐老鶴舐犢悼亡麟東郭人空老西河痛莫伸又有亡兒五

七禮佛拜懺文並非一年之事賈人得零稿數冊強合爲一以充完善定庵先生亦未細閱也考次冊第二首恭讀立皇太子詔志喜校明史辛丑爲萬曆二十九年立皇長子常洛爲太子在十月己卯是次冊應改爲首冊從辛丑十月起首冊末數葉有祭陳大司馬文云維萬曆壬寅歲五月丙午朔是首冊應改爲次冊至壬寅五月止前後八月得詩一百八十四首文三十二篇不可謂之不富第不得總名南有堂集耳而辛丑所作又不知他集有之否百穀集廠肆常見未購歸鄉人金淮生有之當取以相校也

百穀江陰人僑寓吳中負盛名江陰志傳嘉靖末游京師客相國袁煒第煒試諸庶吉士紫牡丹詩不稱意屬穉登

爲之大稱賞將薦之朝未果煒卒釋登哭其墓集中光祿
少卿行甫吳公誄云世皇帝恭默求神仙海宇盭謚丞相
修平津故事召致賓客都門客最盛乃設史局校書得以

青衿給筆札如漢蘭臺石室矣余以文榮相薦公以江陵

薦先後並直史館文榮薨左相擯余弗獲拜一爵

野獲編云袁元

峰少傳最善百穀山人以爲異材欲援之入詔敕

房如談相張文憲故事可至卿貳會袁卒不果志傳又

云申時行以元老里居特相推重王世貞與同郡友善顧
不甚推之釋登亦不爲之下及世貞歿其子坐事繫獄釋
登傾身救援人以是益重其風義集中有申少師適圃雜
詠詩簡申少師詩和申少師除夕元日二詩又有重過瑯
琊長公宅問王房仲病詩有云身公眞天人名高道何尊

白骨尙未寒魚肉其後昆昨日青宮開四海皆蒙恩云胡
佳公子獨不免覆盆未釋城旦春猶然鉤且髡皆與志傳
合其爲人亦可見矣光緒丙申邑後學繆荃孫識於金陵
之鍾山講舍

方東樹儀衛堂集跋

儀衛堂集十二卷外集一卷年譜一卷桐城方東樹植之撰

外集駢文年譜其三從弟宗誠刊集時所編次植之學問淵

博文筆銳穎惟好與漢學家爲難其所撰漢學商兌一書幾
於極口痛詆以自張其保衛宋學之功是集大旨亦不外是
不知漢學閒有穿鑿非讀破萬卷不能下隻字宋學則明心
見性出自禪宗迂論妄談禍人家國史冊所載百喙奚辭况

今之士大夫早年讀四子書攻時文以覬覦富貴父師之教在是子弟之志在是曰心曰性曰理曰道爛熟胸中奔赴筆底已數十年於茲晚年取閱語錄一二種覺平日所見聞者不甚相遠其襲取也甚易其託業也甚高遂儼然託體考亭分苗洙泗嘵嘵聒聒自命聖賢非惟漢學之罪人亦宋學之罪人矣集中切問齋文鈔書後以

國朝大師戴東原惠定宇諸先生與明焦楊並論植之非全不知黑白者不過不與焦楊並論不能快其私說耳書錢辛楣養新錄後謂錢氏以南宋之亡歸獄鄭清之由於廟堂之上習聞迂闊之談而不知理勢植之則謂收復正論也不可謂之迂闊而其爲鄭青山解也則謂清之爲相慷慨以天下

自任及元人收復三京許歸河南之約千載一時之機會喜
不及待故不暇積食蓄兵急往收之不知積弱之宋與新造
之元舉兵相抗國家存亡在此一舉倉卒而進潰敗而歸安
得謂之不迂闕安得謂之不冒昧又謂南宋之亡由於用道
學不盡使眞有志於恢復如越句踐燕昭王舉任賢才如魏
文侯魏孝武將收復可必何致速亡使諸將秉承定算堅忍
不退且以三京本吾故地大義折之盟信要之元新得中原
事勢未集未必不退而聽命如仍不聽則用趙奢蒯與之說
力戰致死以勇爲勝師直爲壯必可勝之如此而又不勝則
用田單卽墨之謀因我民之怒退而修備激起人心志在必
於收復則中原可終爲我有也試觀眞德秀爲相魏了翁爲

將盡用道學諸人爲侍從爲守令能當伯顏阿朮之鋒乎能
力戰致死如趙奢閔與之戰乎能激起人心如田單卽墨之
謀乎以此責錢氏可謂不善擇言者又謂蒙古之興由召用
姚竇王許表章程朱之學以致至元之治元用道學而興宋
何獨用道學而亡不知元之興由於忽必烈木華黎之善戰
乎由於姚竇王許之善教乎宋之亡亡於兵力不敵耳未聞
簞食壺漿以迎元師也未聞干羽兩階以格元廷也史之稱
姚竇王許仍是標榜習氣並非實錄能據以駁錢氏乎集中
論時事各書亦大都類此至於語語惡詈幾同市井卽宋學
家亦屬下乘南皮師云植之本屬漢學後自揣不能勝諸家
故反用之以獵取名譽爲溫飽計直其然乎

朱希真樵歌跋

樵歌三卷宋朱敦儒撰敦儒字希真洛陽人紹興乙卯以薦起賜進士出身爲祕書省正字兼兵部郎官遷兩浙東路提點刑獄上疏乞歸居嘉禾工詩及樂府婉麗清暢秦檜當國獎用騷人墨客以文太平復除鴻臚少卿檜死敦儒亦廢見宋史文苑傳四朝聞見錄希真有詞名以隱德著思陵必欲見之累詔始至上面授以鴻臚卿希真下殿拜訖請致仕上改容而許之二老堂詩話希真詩詞獨步一世居嘉禾秦丞相欲令希真教秦伯陽作詩遂除鴻臚蜀人武橫作詩云少室山人久挂冠不知何事上長安如今縱插梅花醉未必王侯著眼看希真舊有鷓鴣天詞

見集中

故以此譏之能改齋漫

錄希真流落嶺外九日作沙塞子詞見集不減唐人語竹坡

詩話頃歲朝廷多事郡縣不頒曆希真避地廣中作小盡行

澄懷錄陸放翁云希真居嘉禾與朋儕詣之笛聲自煙波間

起頃之權小舟而至則與俱歸室中懸琴筑阮咸之類檐間

有珍禽俱目所未覩籃缶貯果實脯醢客至挑取以奉客靜

志居詩話城南放鶴洲南渡初禮部郎中朱敦儒營之以為

墅洲名其所題雖不見地志觀樵歌一編多在吾鄉所作此

說近是花菴詞選希真東都名士天資曠逸有神仙風致西

江月二首見集中可以警世之役役於非望之福者貴耳錄希

真月詞有插天楊柳何人推出一輪明自是豪放賦梅詞月

橫枝銷瘦一如無但空裏疏花數點語意奇絕如不食煙火

者希眞著有巖壑詩人集一卷又有獵較集均不傳樵歌三卷阮文達經進書目依汲古閣舊鈔本進呈而書亦罕見吾友臨桂王佑遐給事彙刻宋元人詞鈔得知聖道齋所藏汲古閣未刻詞內樵歌拾遺三十四首先梓以行今年正月新安友人以吳枚庵鈔本見諭如獲瓊寶三卷計二百五十五首首尾完善亦無序跋不知源出何所第與拾遺相校均在其中同爲汲古鈔本何以別出拾遺殊不可解惟貴耳錄所舉二詞俱在想無甚遺佚矣

宋刻鄂州本花閒集跋

花閒集十卷宋十行行廿字本現藏山東聊城楊氏海源閣系南宋刻以冊子紙印行其紙背官銜略可辨識者曰儒林

郎觀察支使措置酒務施 成忠郎監在城酒務賈 成

郎本州指使差監拜斛場吳 江夏縣丞兼拜斛場温

郎本州指使差監大江渡潘 進似義尉差監豬羊櫃

董 進似建義副尉本州指使監公使庫范 鄂州司戶參軍

戴 成義郎添差本州排岸差監本津關發收稅劉 信義

郎本州準備差使監公使庫朱除江夏縣丞鄂州司戶參軍

二官餘皆添差官監酒務者二兼拜斛場者二監公使庫者

二監大江渡者一監豬羊櫃者一監本津關發收稅者一凡

十人觀察支使從八品宋職官志云幕職官縣丞從八品宋

志云諸路州軍繁劇今戶二萬以上增置司戶參軍從九品

文獻通考云諸州置司戶參軍掌戶籍賦稅倉庫交納儒林

郎等階宋志云儒林郎爲觀察掌書記支使防團判官等文職階今結銜與志合成忠郎進義尉進義副尉皆武職階成義郎信義郎均不見於職官志志又云監當官掌茶鹽酒稅場務征輸及冶鑄之事諸州軍隨事置官建炎初詔監當官闕許轉運使具名奏辟一次以二年爲任實有六考方許闕升煩劇去處許添差一員合選差文臣處更不差武臣淳熙二年詔二萬貫以下庫分選有才幹存留一員指揮諸班官直親從親事官保義郎以下差充建炎四年詔每州以五員爲額今監酒務監斛場監大江渡監豬羊櫃監公使庫監本津開發收稅皆在添差官之列然已不止五員矣鄂州酒務中興繫年錄云紹興十二年右司鮑瑛總領鄂州大軍錢糧

先是琚奏岳飛軍中利源鄂州并公使激賞備邊回易十四
庫歲收息錢一百六十萬五千餘緡詔以鄂州七酒庫隸田
師中爲軍需餘令總所椿收是鄂州酒務爲最旺之所公使
庫朝野雜記云公使庫諸道監帥司及州軍邊縣與戎帥皆
有之然正賜不多而著令許收遺利以此州郡得以自恣聞
抵當賣熟藥無所不爲其實以助公使耳餘皆無考冊紙皆
鄂州公文此板其刻於鄂州乎

存餘堂詩話跋

右存餘堂詩話一卷朱承爵撰承爵字子儋江陰人明國子
監生工文詞精鑒別所蓄鼎彝名畫法書及宋元梓本皆不
下千品號西舜城居士又號盤石山樵晚更號左菴著有鮑

退稿灼薪劇談■等書今俱未見此詩話編入藏說小萃論古有識無所偏倚在明人詩話中最爲上乘天祿琳瑯載宋刻文選有朱印子儋存餘堂印二印羣經音辨有朱子儋印行素堂圖書記左庵集瑞齋盤石山樵西舜城居士各印記鐵琴銅劍樓書目離騷集傳末葉有舜城朱承爵校讐訖一行卷首有舜城居士子儋二印式古堂書畫攷張來儀懷友書畫合卷後有一行云嘉靖壬午存餘堂重裝下鈐朱子儋左庵二印所藏之富略見一斑又天祿琳瑯載黃太史精華錄後有承爵跋云任子淵精華錄選予嘗得其目錄蓋宋元祐閒刻版而亡其文愚輯其辭而完刻之云云館臣以板式紙質誤定元人其刻之精可知讀書敏求記云阮嗣宗詠懷

詩行世本惟五言八十首朱子儋取家藏舊本刻於存餘堂
多四言十二首讀者勿漫視之是其所刻書向爲藝林推重
不獨以愛妾換宋槧漢書一事膾炙人口也明江陰藏書兩
家得月樓李氏往縣東赤岸子儋住縣西舜城兩家之書均
已星散得月樓尙存一節本目錄子儋并目不存尤爲興慨
云

蔚華山館詩文遺稿跋

光緒己卯冬讀江南闈墨見第三名爲溧陽吾宗堅士五經
文神味淵永經術湛深迥異於同時名輩次年堅士赴春官
始得相晤方知先德武烈公與雲士世父同官浙省先君游
浙亦訂昆弟交而堅士襟懷灑落與余尤相莫逆癸未丙戌

君赴春試必數數晤並識其哲曷恆庵丁亥三月杪君到京
以知府謁選五月五日君猝中熱疾一昔而殞余聞信往視
君目已瞑與弟祐孫同哭之偕君友姚舍人製芟楊編修莘
伯斂君於旅店而電促恆庵於天津翌日恆庵至扶君柩而
還才人厄運古今同悼今年恆庵寄君菁華山館詩文數冊
云將付梓人屬爲編次刪去重複者去其遊戲者得詩
篇文
篇釐爲卷以海上卮言附於後君夙負經濟才
所言皆欲見爲設施又從外舅金眉生廉訪游心胸益開拓
問學益深邃使天假之年所至胡止於此昔讀武烈公遺集
詩宗浣花義山文氣靜穆出入南豐眉山之間吾宗自效羣
集從野堂後未有能並立者君詩文俊拔而骨幹未堅則年

限之也危言一冊於中外事宜尤能窺見其大不張皇西學
不墨守成規無矜異之論無迂謬之談非勦襲敷衍以炫人
耳目者比惜君年未四十官未真除旅食京華一棺戢影老
母在堂遺孤尙幼功名學問兩無成就千秋表見止此而已
不亦悲乎余定君集兼識數語以覆恆庵回首當年音容如
覩挑鐙灑墨不自知涕之何從也光緒辛卯七月江陰繆荃
孫識於德州道中

崔孺人文集書後

歲癸酉荃孫自鄰水至合州日行萬山中嵒嶙岬嶸奇險倣
詭忽得一境平疇數十里修竹美蔭流泉有聲小橋通人中
有茅舍野卉著籬落閒紅白點綴遂畱宿焉是夜月輪初滿

皎如明鏡四山沈沈入夢倚枕假寐忽聞鳥鳴乍高乍下流
連往復其聲窈然以深澗然以感令人悲不自勝詰朝問之
土人曰此杜鵑也月夜則鳴鳴則嘔血摘所棲之枝示余果
血痕斑斑點滴未已也傷哉天地蕭颯之氣偶有偏中愁苦
哀怨遂百倍於尋常屈靈均之離騷劉更生之封事李令伯
之陳情表千秋下讀是文不知是淚是血是筆是墨但覺淒
然有感於中而不能終日今讀崔孺人之文集愁苦哀怨有
非他人所能堪者而血淚筆墨亦合而爲一其窈然以深澗
然以感十年前之境界恍忽如目前也亦可悲已

書碧血錄後

嗚呼讀史至明熹宗朝童昏失德闕寺植權未嘗不廢書三

歎也然而史臣載筆懼以瑣屑穢其書故老傳聞或以虛誣沒其實乃有身親囹圄目擊恣睢碧血干行丹心一寸如燕客所錄有足述焉熹廟初元國家多故鄭妃之權方替李侍之氣復張楊左二公首夷大難翼鳳輦以行忠能捧日戢牝晨之馘誠可格天同時諸君子嶽嶽於朝錚錚者鐵簪辛毗之白筆伏史丹之青蒲忠正盈廷翕然望治甚可觀也無何政入宮卿位尊媪相本無孫程截衣之誓而有左棺回天之力并少單超嚙臂之盟而懷士良挾君之智茄花委鬼早應夫童謠毛卵鉤鬚得肆其流毒分甘陵之部刊查名捕籍元祐之黨勒碑示禁遂使緹騎朝發園扉夕滿獄成北寺士盡南冠楊花義子重緇羅織之經喬木世臣悉就復篋之考呼

天而巫咸不下蹈海而精衛難填地擢黃芝天經白氣加范
滂以三木具李斯以五刑火煎鑿斧生殘戴就之尸靈護縑
囊死辨杲卿之髮嗚呼慘矣若夫收者在門檻車就道生還
無路死別有期或歷敘其生平或遙訣夫親故戒子數語歌
泣夫鬼神正氣一歌磅礴夫天地雲棲泚墨不宿諾於緇流
止水濯纓緬遺芳於正則三百年之培養士氣長留十萬眾
之號呼民心若此當死而死求仁得仁迨夫太阿立斷綽楔
增褻祭關西之墓漢鼎難扶復司馬之官宋社終屋則斯編
也亦之推冤魂之志光祿鑿誠之錄也已夫謁者四星上應
象緯奄人一職統之太宰不過司奔走備掖庭耳奈何手握
王章口銜天憲黠鼠憑社醜狐跳梁必嬖寵如桓公而勃貂

方李鳳堂文卷七能專齊柄必慘覈如胡亥而趙高因以執秦權墮祖宗之良法釀盜賊之陰謀政體既乖國本亦撥小平津之走漢之禍亟矣而唐復仍之白馬驛之誅唐之禍烈矣而明復蹈之覆轍屢誤厝火不驚履霜堅冰當防其漸毋使後之視今猶今之視昔也

旌表節孝族嫂王孺人守節立嗣記

嫂王孺人陽湖王君守靜女年二十有一歸族兄繆光佐三年光佐歿生子不育僅遺一女嗣夫兄子保抱乳育半歲又殤近支凋零久未定嗣光緒壬辰同族議以族弟福銓之第二子爲嗣名永裕年七齡於是祀祖宗會戚黨注譜牒無浮言無梗議嗣遂定而孺人年已六十六守節亦四十餘年矣

孺人之姑金貞孝女生以守貞歿以殉母今所傳松筠閣貞
孝錄久爲閩闈師範者也貞孝撫光佐爲嗣光佐歿又無所
出兩世嫗孀零丁孤苦極人生最難堪之境貞孝歿後孺人
拮据喪葬盡禮盡哀嘗曰吾姑年已衰老生前奉母之孝已
爲人所難能惟承祧無人實不足以答姑心而盡婦職耳心
實傷之今則繼嗣已定既有以慰孺人于暮年亦有以報貞
孝于地下所以冀一綫之延者將於是乎在同族有厚望焉
先是光緒七年在京同鄉官黃思永等以孺人節孝事實結
呈 禮部題請

旌表入祠建坊越十年而嗣子亦定孺人之心庶少安已主
議者族長繆同書外姻金武祥鄉董繆紹唐陳守正光緒壬

辰正月荃孫記

游浣花草堂記

初日流影積陰忽晴茗溪傅君汎招同人游於浣花草堂少
陵先生卜居處也出西郭門三里而近寒威未斂春光已蘇
溝水一渠積冰出稜蘚徑十折枯橙樹蔭遂循故堞越新隴
造乎草堂而休焉斯堂也小橋通人老屋畱客龕祀詩史宅
鄰梵王冷梅數株偃蹇籬落苞香乍胎側幹橫勁密上稽露
疏中闕雲已萌陽和迴出塵表方塘半畝游鱗萬頭響欬偶
發悉皆驚竄沿溪以上廣有竹樹峰迴路轉闌抱亭仄水氣
四合傑閣欲流雲陰忽低頽陽倒射耳目所及神思適焉暘
蔭漸移歡讌繼作酌以大斗侑以狂談攜果入饌汲川煮茶

醇酌沃心乃濡頭髮松枝入手可代麈尾或坐或立發爲長
歌零丁獨標蠶午並起側豔駢響規嶮瓠怪四座不言短僮
酣睡一篇劇賞枯衲破笑危岫送暝攜手言旋涼風颯颯吹
我襟袖王司州云人情清滌日月開朗子猷云乘興而來興
盡而返斯之謂矣嗟乎百歲之樂無逾少壯交友之歡幾於
骨肉矧乎關河憔悴家室飄搖轂轉寸腸雨集百憤積毀億
喙將以鑠金駛馭兩輪疇能返轡不有佳集曷申雅懷幸二
三子同此臭味更千百載誰省名姓飛蓬隨風轉眼陳跡昔
人達識感慨系之振筆序游志不忘也同游十四人詩若干
首時辰年丑月未日

王雪丞東山牧話圖記

丁卯春初與王子雪丞晤於成都詞鋒颯起情文乳洽推襟
連襪三載於茲暇日出東山牧話圖見眎蓋與弟綬泉讀書
塔山近事也展鵝溪之舊絹證鴻雪之新痕圖之作也僕有
感焉君以通倪之才翰困其氣三升醇酒接公明之談五色
筆花散江淹之藻而且眉山聽雨夜其子由西陵遇風詩獻
康樂瓊瑤互采笙磬同音行將騰躍椒塗振厲霄漢而何必
寄情草野結想巖關也乎然而煙霞是僻非鐘鼎所可易也
填簾之樂惟蘿薜爲尤真也當夫懸藤徑古因樹屋低山情
陶陶秋色寸寸讀書之暇閒出登眺日之夕矣牛羊下來或
寢或訛點綴茵草流雲欲白壞塔欲飛墮葉吟黃迴颯四注
別幽臺憩危磴帷天席地往興來情幽鳥親人翩然來下牧

豎眼客啞爾笑避此一時也樂何如之加以懷古蒼涼登高
躑躅帶駟馬之名橋鏡沈屏之舊浦草元亭廢斷簷棲煙濯
錦江空流波咽夢茫茫對此黯黯添愁蕭風蕩其魂魄古懷
生於襟衷同此豪宕斛律勅勒之歌儷其翰墨沈約郊居之
賦又豈可付之冥忘視同泡電乎僕也老屋數椽荒江之側
素月娟灑時聞權謳斜陽赭村聞禽樵唱尋友于之眞樂銷
佳日以清談此境此情宛然心目而運當蛾賊劫墮龍沙星
飯十年飄輪萬里今欲買田陽羨載酒蓉湖朋舊之好聊續
往游飢飽之情不牽念慮流光易駛虛願莫慰落落四海負
負寸心讀畫申辭慨焉歎息

節孝張孺人頌

孺人姓李氏浙江鄞縣人贈武略騎尉李振國之女也年十七歸同里張介庵先生韶儀褻采令聞淑慝年甫笄卽操量鼓時舅姑已歿憾不逮事歲時祭祀必誠必敬割肉之正以薦几筵卻蒿之邪以誡子弟點心之方咨於鄭修之嫂曼首之法得之盧諶之家固已四德是表九嫔允洽矣自介庵先生臥疾至於屬纊孺人藥裏親緘鏡奩不啟仰天泣血頓地搏膺聆彌留之言若刀錐之刺耳撫伶俜之裔恍葑櫟之待枯葢自乙卯之秋迄丙寅之夏十餘年中幽憂危苦屢經疾疢復構亂離冰寒槩苦萃此一餐朝蠶夕鹽懸於十指日慘慘兮在牖風蕭蕭兮向晨九幽之黶黷不麗陽烏四序之推移欲剛春日迨至康伯學易迴非在抱之時曹毅成童能

通續史之義而孺人已不及待矣孺人卒於同治五年五月後二年郡縣上其事

旌表如例又九年肖庵成進士改庶吉士

覃恩勅贈孺人嗚呼

天語褒嘉藉慰匪石之節祭筵豐腆終傷陟岵之心荃孫與肖庵先後出長沙王一梧師之門夙訂心知飫聞懿訓謹援中壘之義爰序其事而申以頌曰

進娥翦髮正流圖形猗歟仙李奕葉扇馨綢躬淑慎秉志貞直母具師資婦兼子職孰云卒哭何聞初終孰云學賈遂墜儒風綽楔門高柏舟詩苦載誦清芬式我士女

祭周小棠通政文

嗚呼哀哉茫茫天道杳冥難知天既生公命止於斯官不疑
丞壽不期頤忽焉摧折萬口同悲公生宜興蜚聲最早

中祕紬書儀曹視草一事百思窮朝徹曉干莫鋒鏖璠璣
寶峩峩總署彈壓寰瀛惟文文忠中外同傾引公爲助笙磬
諧聲狷狷狂吠鬢鬢紛爭批亢擣虛殫慮竭誠一字之下堅
於長城過卑眾詬過亢眾驚邛峽九折化爲夷庚是非鋒起
蜩螗沸羹日久事定自有公評八載京尹綏靖甸服心爲明
鏡無微不燭方駕次公無愧孝肅魏敏果顏京尹堂額曰我愧包公地發殺
機龍蛇起陸赤子莘莘魚頭而哭急請

國帑爰設糜粥若或迫之拊循鞠育祲消返祥骨枯生肉幽
谷麗陽寒門噓燠造物失權子孫種福循聲偉績日聞於

天司馬司農疊界仔肩負此聲華謂卽騰鸞彼獨何心指摘
拘牽市虎空惑樊蠅自便

聖慈浩蕩終予矜全納言仍擢少宰兼權公益感激涕泗連
連客秋九月寒疾顛連胡不遄歸息影江壩恩重命輕生後
義先饑溺之忱思竭拳拳一息尙存百憂共煎巫陽下招奄
歸重泉嗚呼哀哉睠言交友無間存歿愛士若饑不嫌鶻突
彙征拔茅坐暘蔭樾受

命衡文心細如髮毛義喬元蜀秀競發校藝

大廷復得崩越采玉崑岡求珊溟渤譽不容口感眞刺骨雲
馭已遠流風漸歇八百孤寒何門請謁嗚呼哀哉予初識公
歲在戊辰一言契合交若飲醇勿以舛陋說項逢人泊修府

志重備咨詢予氣甚銳執簡斷斷公每優容微志獲申成卷
百卅校籤嶙峋殺青未竟山頽嶽淪音容終闕手翰猶新華
屋山邱慟哭車塵清酒旣奠生芻旣陳詹詹小言聊志其眞
尚饗

孫竹筠先生象贊

夫庶草薿靡而貞松挺空谷之標頑石磊阿而禮玉蘊干霄
之彩其氣盛者其天全其性剛者其質懋用能任艱鉅破危
疑于莫之鋒剗物而輒碎羽籥之勁洞堅而不撓雖見疑於
庸眾寶奉教於大雅前哲遺型邈焉尙已君姓孫氏名元楷
字用脩江蘇無錫人幼籍豐華長眈清約天稟亮毅鄉里敬
憚子橫直節流聲於觥觥充宗篤學彌彰其嶽嶽雖復相孫

陽之馬說歐冶之劍目無餘子看斫地兮狂歌自負異才逞
籟雲之逸足然而劬書百檟組織零璣射策十年沈淪太璞
旋以博士薦爲校官邑有楊家圩爲明周文襄公所開歷年
旣久潰決者屢君深其受水之泓清其出水之路先去水害
始籌水利萬聲邪許鍾雲渠雨之時百堵縱橫葭渚菱波之
外遂能奪彼氾濫安我耕鑿咸豐癸丑振策入都河決豐工
徐海昏墊浮家者多於逐波之鶩狎水者密於慕羶之蟻君
睹影心悽聞聲念結耳衣腰橐易餅餌以給窮黎仁粟義漿
貸升斗而甦涸轍治裝而出徒步而歸義聲聞於天下至行
傳於閩里旋選溧水教諭值金陵初陷蘇常告警邑令畱之
舉辦團練君嚙齒雷鳴奮髯風怒以負山之尺土當卷地之

狂飆以烏合之鄉兵拒鴟張之毒醞乃黑山張燕雖多助逆之羣而白棒王罷竟作當道之臥偕女嬃而轉粟營免量沙率里士以荷戈人皆嚼鐵旣而妖鳥夜鳴軍容朝墨桑梓淪陷井里蕭條復將北府之兵思救南中之難枝梧強敵轉徙戎行敘功得光祿寺署正銜復以知縣分發浙江補用廖禍遽渝江戍無警鬪體浴血模糊大地之魂荆棘刺天飄墮誰家之宅真同鬼境罕有人跡君乃掩齒豁疏溝洫製紡具給籽種建宗祠以敦族設義莊以拯貧獨於喪亂之餘具施濟之量其才愈遠其德愈宏已旅途告瘁恆幹遽謝識與不識同聲嗟悼君立志過高任事過勇動輒駭俗退有後言蓋自道咸以來士大夫以模稜爲曉事以諧媚爲知機以推諉爲

謙沖以囁嚅爲儒雅隨聲附和成則巧攘其功遇事逡巡敗則倖逃其罪遞相祖述播爲風尚君則明鏡屢照無幾微之弗燭霜刃立斷無二三之顧慮獨擅宏達之學兼裕骨鯁之氣足令腐生掩耳小儒咋舌此則衝霄之翮非樊鷄所能知逸塵之駿豈跛鼃所敢誚者矣令子叔盃中翰榮郁繼聲遷談濟美出脉遺象徵及鄙文夫樂陵曼倩孝若興異代之悲州來季子邠卿引古賢爲友況荃孫里閭相接音徽未沫詔銘景行敢匿謏詞爰作贊曰

世風頽靡君獨奮往命輕鴻毛義重熊掌何氣卓犖而貌仁慈風微邈然百世之師

戴澍人太守東游十六圖贊

名泉七十二灤水之源荷衣粉膩葦帶雲翻好風徐來微波不

喧李杜已矣古亭猶存

大明湖

蒼翠壓城琨瑞北麓誰華迎眉鴻流繞足

山半望見黃河

入門一笑

古佛巖腹開皇鑿字凍蘚皴綠

千佛山

高閣凌雲層城壓水几席之外海天萬里蜃市馮虛樓臺彈

指秦皇漢武求僊如此

蓬萊閣

神龍蜿蜒破壁而飛古洞天半呀然雙扉一偃再僂鼎銘依

稀回首錦屏滉漾朝暉

龍洞

岱宗廟祀肇自炎漢雲氣迴翔神光璀璨秩視三公典禮攸

備柏翠松蒼陰森天半

岱廟

霧閣雲窗瑤池尺咫帝王升封咸憩此水鴛鴦名碑介福降

祀六帝一后儉德堪紀

王母池

矯矯秦松化龍飛去孫枝彌谷偃蹇支拄沐浴露漿離披煙

絮寒濤滿空天風暗助

對松山

是日岱頂呼吸通天手摘星辰身御雲煙大碑不文氣象萬

千諸峰羅列兒孫滿前

岱頂

泰陰環道亙古積雪危若蜀棧窈如包穴石乳涓涓不絕鳴

咽蓮瓣倒垂萬仞削鐵

後石屋

巖何以靈朗公說法松暖日寒石闕天狹孤鶴折翎癡龍卸

甲此心瑩然靜參白業

靈巖

背洙面泗遺宅舊基如日中天斯文在茲堂上車服壁中金

絲麟紱虹玉詎驚神奇

孔子廟

元氣不死發爲菁英楷本四垂蒼草百莖森森嘉植博物難
名得碑林外我羨何生

孔林

太白仙去酒香浮浮菡萏百頃薜荔一樓棲煙點鷺斜日明

鷗詩情愈暢古懽轉幽

太白樓

大小二勞神仙所窟平擁百城秀擢萬笏絜團雲采珠捉

月安期羨門來往颿忽

勞山

山斗入海直趨遼東秦橋不成鞭石成紅椒島林立足拒艤

臈易占設險地利誰同

成山

崇山千丈高臺三成築祠禮日浴海有聲景觀風渺斯象苔

生殘磚頽瓦強以秦名

珊瑚臺

佛圖關贊

重慶古渝州也西毗羅殿東俯夔巫危堞翼張重欄鱗香嘉
陵流其北岷江繞其南惟池西山梁僅通步騎醜石鬻礪古
木陰翳而屹然雲表實握其衝者則有佛圖一關焉神龍東
來斗覆其首嶠峒崆峒峴嶸嶸屹嶠于蹊萬壑爭茲一綫孳陰
斂陽孳此四扇蠟緣猿奮螺旋蟹行十步九折始達其巔長
松吼濤生於足底飛鳥接翅墮於目睫泥丸可塞捷徑罕通
誠神皋之奧區天府之關鍵也蘭酋盜兵蕭牆訐起綠髮喧
穴赤眉翻城礮雷晴飛刀雨夜逼石砧將軍躍馬來援帚箬
並舉旌旗載麾斯關旣拔樊龍授首犁庭掃穴曾不踰時
聖清御宇鏡激砥平武庫毀兵旗亭臥鼓而近年以來滇匪
陷榮永竄涪播渝城尺咫晏然無恙所以折凶狡之鋒而作

士民之氣者一以斯關爲可恃僕以盛夏策馬來游朝雨初
收溼雲猶漬椅桐蔭天濃綠灑袂簌簌礙日微紅篩衣巴淦
左右恍披安世之圖城郭縱橫如聚馬援之米爰思設險之
意倍深懷古之情乃爲贊曰

雙江東城微通山脊門虛欲雲天低補石一夫次且千人辟
易成敗古今視此成迹

濠堂銘爲鄭蘇堪作

蔣山卸麓淮水分渠楊吳舊濠高密新居地疑城野跡狎樵
漁申屠樹屋諸葛草廬小築三弓疏櫺五尺隔岸桃紅橫碕
柳碧巢燕話晴沙鷗盟夕隨意琴書成行褰屐纖雲卷幔新
月舒鉤茶香沁夢酒乳盈眸訪碑撫象

觀所臨天發神識碑談天揖鄒

瀟園闕寂詩意爽猶東島采風西槎卻聘吏隱如仙書工近
聖心遠自閒境虛稱靜筆乘茗談不忘名姓

快園秋色賦

畊甫中表觀察湖北鹽法武昌五年於茲矣署後餘地借山
成園蒯布政蔗農勸之迺因舊基遂結新構無華靡之飾有
登眺之樂荃孫以甲午秋日寓茲園決旬岑樓挹涼廣廈祛
暑畫廊繚曲空水澄鮮據江山之勝蔚爲大觀處城市之中
別饒野趣課晴喜雨民物繁乎寸抱朋風友月憂愉繫乎一
室秋容怡人快何如哉昔齊安夢得之亭鏡湖放翁之閣以
今方古名實相稱道州何詩孫圖之義盦陳右銘武進屠靜
三再記之而荃孫爲之賦其辭曰

揚州官閣永嘉射堂政劑水火時調雨暘闢坡陀之隙地開
翰墨之名場聯鑣裘屐接席壺觴新雨如沐輕颺已涼攬一
襟之秋爽絢滿目之秋光有山蜿蜒層厓皴綠分高觀之一
支繞衙齋兮半曲官相曾此棲遲蒨侯於焉卜築悵舊跡之
漸湮慨清游之誰續接勝地兮南樓拓名園於北麓爰刪濯
莽迺闢閒庭高低酌檻疏密添櫺撐雲支丁邀月補亭壘磴
懸綫危樓建瓴凌虛兮縹渺入望兮杳冥納牖則野延萬綠
窺簷則天抱四青曲徑通橋前灣鑿沼水氣烘晴霞光絢曉
叢翠拳蒲嬌紅刈蓼潑刺跳魚襍褊浴鳥洗硯兮鏡揩流杯
兮帶繞契濠濮兮座中傲滄洲兮塵表門敲竹醉石碎苔縫
桐肥集鳳柏瘦拏龍青垂薛荔紅鞞芙蓉蕉展心兮露滴柳

舒眼兮雲慵益秋韻古瓶夕香濃飾日影兮瑣碎暈花光兮
複重鵲噪芳辰蜂喧正午蝶聚嬉春燕歸識主叶宮徵兮鶯
簧問官私兮蛙鼓狎點水之蜻蜒調誦經之鸚鵡選勝紅茵
攀芳碧臨摘麗藻而盍簪霏清言而揮塵今夕何夕寥天欲
霜黃花三徑紅葉半牀寒空過雁深院嗁蛩輕陰罨乎篁岫
涼思襲夫蘿裳浦裏青荷之鏡山巔金粟之香雲屐過重陽
之節風衣登千仞之岡遠則雉堞排雲鯨波漱岸帶蜀襟吳
面江肘漢羽翕街衢鱗次里閉雀舫艤於城隈鮫宮峙乎天
半瞰鵠磯則羨費禕之得僊眄鸚洲則慨禰生之赴難羌古
往兮今來幾星移而物換麗矣圖畫之奇壯哉几席之玩時
若鄒枚接軫孔李開筵帖臨青李幕敞紅蓮敲棊誚癖拜石

呼顛茗水鵲華之卷米家虹月之船仿永和之故事談天寶
之當年酌金谷俊游之酒賦玉山紀勝之篇是則寄興林邱
縈情雲壑逢暇日以自娛幸芳暉之有託一詠一觴半村半
郭水木清華鳶魚飛躍顧妙境而怡然驗庶徵之時若又何
羨向禽五嶽之游劉阮重來之約

先母瞿恭人事略

嗚呼自吾母之歿至今三十四年矣吾十二歲而遂喪吾母
時吾母以七月望日病始而瘧繼而利終而下血病遂殆吾
父從軍金陵大營八月十二日吾母暈絕予號泣狂呼逾時
而甦甦後神志轉清十八日吾父從營次歸吾母自知不起
處分後事至周且密至二十六日卯刻長逝彌留時予起趨

牀前吾母口不能言轉瞬視余良久淚承睫須臾遂瞑是時
哀慘之狀三十年來何敢一日忘也予四五歲吾母授以千
文及唐宋人小詩六歲就塾塾中童子二十餘呀唔雜沓罕
能成誦歸吾母必令重讀音有訛句有誤正之惟謹予時甚
以爲苦而反樂趣塾窗北設竹榻予坐一小倚子陳書榻上
吾母坐於榻手鍼指而督予讀日以爲常歲己酉外王父綬
伯公自濟盩歸舅妣董太恭人租宅鳳官巷口吾母挈予入
城省視外王父常令予誦所讀書慰吾母曰是子口齒清記
性好將來或能紹書香也吾母亦顧予而有喜色歲甲寅外
王父殉難金陵外王母馮恭人走常州舅妣遷至吾邑西鄉
吾母挈予往祭外王父慟絕者數四與舅妣述家事必涕下

霑裳迄今長大追憶吾母之聲音笑貌雖尙髣髴一二而不可得其詳矣吾父常謂予曰外王父先以郎中分水部繼保知府候銓初境寬裕後漸窘迫外王母楊恭人歿遺子女六人汝母居長最幼者五舅氏甫數歲賴汝母煦嫗鞠育終得成立復支持家計外王父酒食衣履籌畫至纖至悉迫外王父續娶馮恭人汝母歸余十餘年矣歲丙申外王父客游命汝母挈全家附糧艘南還途間覲疫三四兩舅三日間繼逝是時無僕從無資斧驚憂困迫殆非人境汝母夢寐中因有驚悸之疾每談是事淚未嘗不潑潑下洎來余家大母年高時時臥疾汝母侍疾維謹助理家政待人以和大母歿家境日艱余時出游家中事井井有條汝時尙幼未必能盡知也

吾父又謂予曰外曾三父金陵新居高開宏敞有竹木泉石之勝與孫氏五松園相埒汝母來余家屋僅容膝每遇炎暑如坐甑中無幾微怨於顏色此亦人所難能者嗚呼吾母之歿至今三十四年矣歲月日以遠音容日以渺所憶所聞者止此而已罔極之恩畢生莫報略志梗概以詔後人光緒十四年正月男荃孫泣血敬述

亡婦莊孺人事略

孺人姓莊氏名思琇元和人父裕崧甘肅鹽茶廳同知署平涼府知府城陷殉難

贈太僕寺卿銜母蔡恭人弟三人姊一人妹一人以同治丁卯十月年二十成婚於成都庚午生一女辛巳隨予至京師

甲申五月十三日以疾卒得年三十有七哀哉孺人性情淑
婉最爲外舅所鍾愛外舅以畫名家孺人亦工爲花鳥小品
外舅殉難鹽茶蔡恭人孳子女聞道走四川時賊烽四起滿
地荆棘孺人年甫及笄卽能佐蔡恭人處分行李蔡恭人歿
從外舅裕筠迎之官舍其事叔父叔母也與父母同泊來予
家兩親愛子息無苛禮定省之暇不廢鍼黹予終鮮兄弟然
門以內伯母寡嫂孤弟猶子幾十人孺人仰事俯育無有失
禮予官翰林專人迎養孺人侍兩親浮江東還下瞿塘度鄂
渚過建業小住蘇州明春仍由運河入都行路八千里爲期
二百日閒關險阻而後得達予性不耐瑣屑事京秩清苦食
指繁多孺人經營拊擋常不使兩親知予喜購金石書籍雖

典衣貸賃從無交謫復以母家遠別覲面無期心力由此日
耗矣孺人好絮除几席予每陳書滿室而出俟入室則一一
整齊院有桃李丁香葡萄海棠隙地復種瓜壺支蔓引藤一
室盡綠窗明几淨相對怡然有小閣可望山下瞰菰蒲蕭瑟
榜曰涵秋朱椒堂先生筆也孺人最愛之暇輒登眺其上每
當雨過月來煙生雪霽相與焚香啜茗煮酒圍鐘極盡倡隨
之樂壬午予大病癸未孺人亦大病病皆幾死同人咸勸移
居孺人輒阻之曰君以此室爲不吉耶人生不能無病病而
獲已何吉如之言猶在耳孰知竟歿於此室耶予結禱十七
稔四應禮部試又幕游川東西往往一二年始歸歸數月復
出屈指相聚之辰不及十載侍奉之事悉以委之常誦陸祁

生大令生小明珠掌上。看頻年翻借婦承歡之句。謂若爲予
詠也者。惟辛巳至今未曾一刻離。孰知不及三年。卽永訣耶。
自生女後十四年未孕。常勸予納妾。予應之曰。百年偕老亦
瞬息耳。忍以他人閒乎。如以似續爲言。俟君年及四十。乃可
去冬有娠。孺人益自喜。禮佛茹素。以祈得男。孰知不及免身
而遽以他疾逝耶。與姊思璫友愛尤篤。姊歿以暴疾。哭之幾
殞。孺人臨歿之日。忽展姊氏所繪畫冊對之。嗚咽俄而疾作。
其速也亦相類。嗚呼。豈非命耶。予罹茲慘酷。然恐貽兩親憂。
不敢不強自排遣。爰次其事跡。冀當世名人錫之銘誄。俾幽
泉薄質藉此以傳。則鄙人之哀或可少解矣。江陰繆荃孫和

淚書

藝風堂文集卷七

卷之八

八

藝風堂文集外篇

江陰繆荃孫

多羅惠郡王奕詳大祭文

朕維禮重展親恩遇必全夫終始情深求舊典宜備夫哀
榮撫旌娶而銜悲宣絲綸而賜卹爾親王銜多羅惠郡王奕
詳華分瑤牒派衍璇源河閒則大雅不羣東平則爲善最樂
我

文宗顯皇帝

穆宗毅皇帝嘉其忠盡畀以榮施家法克承分玉紹龍光之
寵國恩迭沛翦桐廣麟定之仁瞻文學於三天趨蹌中禁總
武英之百事校理祕文疊膺圭組之華倍切冰淵之懷迨朕
纘承大寶篤念宗支內領環衛之崇班望隆磐石外統旗營

之勁旅威播旌麾方期第祿之永康詎意沈疴之莫挽鼎鐘
如昨念功業其猶新劍履空存愴音容之已渺再頒奠醑難
遣悲懷於戲秀掩金枝尚思秉度求童之雅芳流翠俎彌憶
肆筵授几之時格爾幽靈承茲嘉貺

贈太傅恪靖侯大學士左宗棠祭文

朕惟位兼將相抒鞠躬盡瘁之忱氣作星辰稱崇德報功之
典式頒奠醑用答殊勳爾原任大學士左宗棠起家孝廉授
任軍旅湖湘閩浙先底定夫東南關隴洮涼漸肅清夫西北
特昇台衡之任仍操旌鉞之權掃穴犁庭告成功於絕域酬
庸錫爵膺懋賞於通侯命入直於樞垣俾統籌夫全局迴翔
江左仍贊黃扉炳耀中台寵邀紫綬頃以閩疆之不靖俾提

虎旅以專征鵝鶴朝驅鯨鯢夕避旌旗懾敵草木知名會罷
戰而銷兵許引年而歸里何期大星遽落薄海同驚披覽遺
章良深震悼爰頒初祭難遣悲懷嗚呼生爲社稷之臣歿壯
山河之色瞻詢謀於黃髮慨想風雲緬憂國之丹心彌綸天
地靈其來格享此苾芬

贈太傅恪靖侯大學士左宗棠祭文

朕惟一德一心偉績無分於中外懋官懋賞殊恩何聞於初
終撫薄海之永清猶思壯烈驚將星之長隕倍切軫懷爾贈
太傅二等恪靖侯大學士左宗棠志篤忠貞身嫻韜略由孝
廉而筮仕受軍旅以專征由兩浙而七閩自關中而塞外陣
如山而莫撼功罄竹以難書遂得驅策風雲肅清寰宇陰陽

調燮邀心簡而位列三台帶礪延長錫躬圭而勳酬五等蠶
織仿東南之利龍沙開西北之天邊圍以安民風胥靖望闕
廷而入覲襄樞密以宣猷以閩外之鄂襄作禁中之頗牧以
天下自任不愧股肱心膂之臣爲社稷而生正資舟楫鹽梅
之寄迺回翔於江介仍入直夫禁垣顧闕嶠之震驚賴虎臣
之坐鎮樓船旣下海水不波會罷戰而弢弓許養疴以歸里
何期身未離乎軍旅景已迫於桑榆遺疏上聞曷勝悽愴沛
恩綸以延賞崇祀典以酬庸眷念生平錫之上諡於戲聲淒
鼓角馬援竟歿於壺頭氣作山河趙鼎先騎夫箕尾偉烈長
垂青史殊恩宜沛黃墟渥爾寵榮尚其歆格

贈太傅恪靖侯大學士左宗棠碑文

朕惟不朽有三以立德立功爲最列爵惟五揚允文允武之
休思元老以壯猷勳垂圭璧瞻舊人而圖政銘勒鐘彝增青
簡之光輝勒丹珉而慎重爾贈太傅二等恪靖侯原任大學
士左宗棠秉性廉正泣事忠誠望重熊湘學耽蛾術舉孝廉
而騰譽入幕府而宣勞南陽則管樂自期東方則孫吳早讀
始遷州牧旋擢郎官

文宗顯皇帝拔之蓬蒿之中授以師干之任剿豫章之強寇
秩進太常總信安之援軍勳隆開府進規兩浙扼金華而直
抵杭湖移駐八閩控霞嶺而救平延建酬庸而頒上爵懋賞
而晉宮銜衣染鵝黃增華韋布冠飄孔翠耀彩簪纓旣而畿
起花門節移蔥嶺河湟萬里倚休璟以安邊原夏十州付宇

文之坐鎮揮戈逐北則畿甸塵清返旆征西則伊涼電掃迺
界台衡之重任梅鼎長調仍提桴鼓以專征瓜沙底定銘勒
崑崙之石文字不磨海澄星宿之波甲兵盡洗興蠶桑而民
生裕防虎落而邊圉清爵晉通侯慶延長於帶礪猷襄中禁
捧出入之絲綸掌武而協戎機柳營日暖治河而陳方略竹
箭波平泊總制夫兩江兼通商之五口謂長城之可恃庶薄
海之永安何舊疾之未痊屢乞身而思退念其勞動許以歸
休瞰時事之多艱復趨蹌而入覲慷慨請行之念中外皆知
老成謀國之心始終如一引高年而無庸入直預密謀而倍
切咨詢屬閩海之重驚命虎臣而禦侮旌旗變色鼓角生威
海波不揚橈雲四散方值銷兵之候復申解組之章冀謨攝

於耆年長承恩眷盼休祥於上壽藉作國華乃濫詔方頒而
遺疏遽入睽懷疇昔震悼良深贈太傅之崇階貽後人之世
爵論重臣而致祭給國帑以治喪疊沛丹綸藉光黃壤膺
三朝之飭畀永念盡臣薦百世之馨香無慚廟食封名恪靖
用獎勵猷謚曰文襄允符行誼於戲愴此日鄂裏遽逝空畱
功績於旂常祝他年申甫復生重作天家之柱石欽承異命
時爾豐碑

成都將軍魁玉祭文

朕惟聲聞輦鼓則思禦侮之臣績懋干城則賁飾終之典爾
原任成都將軍魁玉夙嫻武略屢蒞戎旃天漢東西岷江南
北張弓挾矢親兵事者四十年斬將擐旗建奇功者數百戰

倂膺專閫用咎殊勳大樹名高長城望重迨懸車而乞退許
歸里以就閒方期永享遐齡何意竟聞長往嗚呼雲車風馬
九原之魂魄如生玉壘金陵兩地之謳歌猶昨老成云謝悼
惜尤深爾其有知尚克歆享

成都將軍魁玉碑文

朕惟國家獎卹臣鄰哀榮終始旂常紀績俎豆酬庸有能執
鼓提戈獲建非常之功業斯必銘金刻石藉彰不朽之聲名
禮亦宜之恩至渥也爾原任成都將軍魁玉持躬武毅秉質
慤誠由任子以典軍名揚驍騎懷惟寅而稱職望重虎臣戎
韜夙協機宜軍政先邀薦剡時值潢池之警適當江漢之交
俾分閫於西涼仍畱防於南國麾朱旗而列隊則萬馬銜枚

奉丹詔而宣恩則三軍挾纒始隨征於漢北繼轉戰於江南
玉節頻移金創重疊雖有時垂翅雷霆之譴責頻仍而乘勢
攻心雨露之恩施永沐洎朱方之坐鎮正赭寇之方張昕夕
呼庚春秋擐甲一身是膽敷志成城白下乍合乎長圍丹陽
遂奏夫新捷藉成倚角之勢共宣使臂之勞談笑安邊雍容
坐鎮裴行儉才兼文武俾攝兩江郭子儀望治華夷更司五
口河山大定草木知名迺瞻蜀郡之嚴疆再命龍驤之上將
陸贄水慄銀河洗兵甲之光士飽馬騰銅柱勒丹青之字曩
以微疴在告遂爾優閒何期徂謝忽聞深予悼惜旣殊功之
迭建亦卹典之有加狀厥勤勞諡之果肅於戲書勳麟閣長
依日月之輝奏績螭珉足壯風雲之色貽之來禩勿替嘉聲

吉林將軍富明阿碑文

朕惟干城宿望武臣胥心腹之資鐘鼎殊勳統帥實爪牙之寄故偉烈長留乎信史斯隆恩宜沛於重泉丹旄銜哀翠珉紀實爾原任吉林將軍富明阿懷才果毅秉志忠貞從軍敘得級之勞策仕副屯田之任始充突騎繼典戎行旋總師干出防豫省扼江南之要隘恢皖北之名城草木知名旌旗生色彎弧而調八陣運用在心擐甲而冠三軍創夷徧體雖臣艱克念暫許歸休而時事方殷特加徵召督禁垣之旅領江介之防雲中則魏尚重來江左則謝安復出令嚴刁斗中天之明月高懸隊肅弓刀如練之寒濤未歇知韓滉爲江淮保障故甫遷荆渚而旋改吳中知行儉具文武才猷故命攝漕

司而仍兼戎事賞延于世功最日多邁征而特許肩輿詢疾
而頻頒手詔迺吉林潛藏夫醜類俾上將重涖夫戎旃乘暇
日而繕城隍有備無患耀軍容而脩矛戟不怒而威賴茲安
內攘外之才贊成長治久安之業迨懸車而乞退仍頒精以
酬庸何期遺奏之忽來頓覺老成之凋謝大小三百戰敵愾
同仇前後五十年公忠體國核其品誼洵爲任事之臣諡以
威勤不愧易名之典於戲柱畱華表螭文爭日月之輝豕象
祁連馬鬣壯風雲之氣永垂不朽昭示來茲

湖南提督周盛傳祭文

朕惟星弧靄鼓特彰禦侮之材桂醕椒漿爰著飾終之典式
頒奠醑用答前勞爾原任湖南提督周盛傳學裕韜鈴性成

勇敢荷戈拒寇始自衛其身家捧檄募軍遂別開夫壘壘吳
門拔幟大敵頻摧皖水援袍重圍立解青齊充豫率勁旅以
馳驅黃郛鄜延奮壯猷於步伐恩綸頻沐勇號榮膺創薊北
之營屯授湘南之節鉞練兵足食效趙充國之良規治水明
農法虞道園之成議方深倚畀遽告淪殂於戲百戰曾經著
聲名於草木四方誰守寄慨想夫風雲爾其有知尚克歆享
湖南提督周盛傳碑文

朕惟躬擐甲冑武臣以禦侮爲能氣作山河國典以教忠爲
重緬懷偉烈特表新阡爾原任湖南提督周盛傳角藝超羣
顏行就伍練團而禦青犢募勇而擊黃虜功在三吳身經百
戰旌旗變色鴨城之勁敵先摧鼓角生威雉河之重圍立解

上下江櫓槍並掃東西捻氛祲全消轉旆而漢上肅清傳檄
而關中底定遂乃翠翎耀武黃褶增榮勳勇錫以嘉名巖疆
建夫專闢俾提舊旅上衛神京旋移節於湘南仍畱屯於薊
北春風樓櫓百重峙此金湯秋水溝渠萬眾飽夫玉粒近以
鯨波之不靖命宣虎士以嚴防持滿披堅士有難犯之色投
石超距人懷必死之心雖軍未交綏而氣吞強敵謂長城之
可恃庶旬服之永安何期揮戈已憚其勞陟屺復傷其志撫
栝捲而增慟千里星奔拋弓矢而云徂三軍雨泣憫虎臣之
凋謝賁龍綽以褒嘉揆厥生平諡之武壯於戲聞鼓鞞而思
將帥素旒式憑撫鐘鼎而念勳猷丹忱共鑒勒諸貞石昭示
來茲

福建陸路提督唐定奎碑文

朕維柳營日暖南天推保障之功蒿里風酸北闕備哀榮之
典緬懷駿烈式煥鴻文爾原任福建陸路提督唐定奎學習
奇肱功成練膽鄉鄰急難仗劍而前兄弟從戎同袍共賦始
拔壽春之壘旋投滬濱之營茂苑東西太湖南北大小數百
戰縱橫六七年爰自偏裨洊至專閫鵝黃織錦頓增袞繡之
華孔翠影纓特耀兜鍪之彩遂建牙於成德更移節於冶城
迺因臺郡之揚烽俾統全軍而渡水黃龍青雀海童懾琅鐸
之聲赤豹文螭山鬼避星旄之色洎因海警命扼江防駐鵝
鼻之山列魚麗之陣寨雷艦火定手畫於軍中越角吳根運
心規於掌上班聲殷地秋高而陣肆驅劉巨浸稽天颯怒而

防嚴鯨渚何圖疾疢遽壞干城頒卹典以褒揚易嘉名曰果
介於戲五更鼓角望猶重乎龍驤一夢瓊瑰兆驟符乎狸服
彤史聿彰偉績特沛殊恩黃墟爰勒貞珉不忘武烈

記名布政使劉連捷碑文

朕維襄鍾紀伐悝鼎銘勳河山成刊定之猷金石勒耀熙之
績前型弗替懋典斯存爾頭品頂戴記名布政使劉連捷湘
南毓秀楚北摧鋒始戰江黃繼規舒皖合楚尾吳頭之境奏
社金席革之勞命屢錫夫師中威頻宣於閩外浮罍渡水韓
信闕與之師煮鎧爲糧耿恭疏勒之守陣嚴蛇鳥令肅貔貅
黃巾之逆壘旋平白下之堅城頓復遂乃蔭隆都尉秩晉承
宣頒庸服以章身錫拔都之美號旋駐軍於恆代更移節於

潤常卧渭北之王罷麾幢卻敵歌江東之韋虎巾扇籌邊一
夕星沈三軍雨泣薦馨香而示眷謚剛介以易名於戲松檟
成行百丈祁連之冢樵蘇永禁千秋峴首之碑載錫鏘詞長
垂鏤範

湖北遇缺題奏道周康祿祭文

朕惟疆場效命臣子之大經俎豆酬榮國家之鉅典爾二品
頂戴湖北遇缺題奏道周康祿學習六韜身經百戰爰從未
秩薦擢道員立功於鄂北桂西揚武於川東隴右尋麾赤幟
勘定黔疆屬飢卒之夜譁致危城之朝潰志成裹革傷竟伏
歿軫念英風謚爲壯節於戲氣作山河忽墮垂成之業功在
社稷特施破格之恩惟爾有靈尚其歆受

湖北遇缺題奏道周康祿碑文

朕惟蓋臣遂志藉決脰以明誠國典褒忠必原心而稱事匪
磨貞石曷妥忠魂爾二品頂戴湖北遇缺題奏道周康祿忠
勤夙著韜略素嫻兄弟從戎早賦同袍之什疆場戮力頻邀
拔幟之功始發軔於粵西繼揚威於鄂北入蜀而禽狂寇度
隴而拔堅城由是薦膺頻膺崇階疊晉覩李勣之勇決與李
弼而何殊聽吳玠之聲名得吳璘而愈重榮班豸繡春風揚
黼黻之華恩錫翠翎曉日耀珊瑚之采屬以黔中之不靖命
麾績茂以先驅慶全省之肅清駐新城而鎮撫彤弓茲矢方
袞飲至之勳瘴雨蠻煙遠覲埋輪之變錫謚無慚於壯節贈
銜克稱其聲威於戲銜溫序之鬚旣後先之競烈繪陽都之

象復存歿之兼榮永峙螭珉毋忘駿烈

戴藝邠同年采百集序

盛哉選格鍊響獨擅千秋吹影鏤塵上希四始夫惟大雅敢
云小道亦有泉明擬古東哲補亡張孟陽之四愁江醴陵之
雜體視前人之成鵠心摹手追定別格於雕龍句奇語重固
足樹騷壇之幟馳藝苑之名若乃擷先民之成句寫我輩之
閒情古調獨彈餘馨自遠織七襄之錦吏部誰如集五侯之
鯖君卿最擅人喁竟成天籟新樂被以舊絃別具匠心洵推
獨步者已集句之作始晉繼唐傳咸清麗逸文存於類聚章
蟾曠逸韻事續夫楚詞迨及宋人遂多此體有未入集者王
荆公是也有別成卷者孔武仲是也有專輯一家者文信國

是也代祀繇邈風流愈暢匪云則古寔亦宜今藝郭同年天
馬在手孤羆隱叢古懷抗雲書眼如月處選部之任以曹事
見稱有裴叔則之清通無畢茂世之脫略而且通六經之奧
心醉簡觚摹三體之書手皸煙墨閒以餘力發爲浩歌妍魄
煉華煩腸沃耐呼明月而欲出跌宕仙心問青天而不鷹嬰
媿騷屑薜蘿共語謙帛悉以寫詩玫瑰獨笑僕從知其得句
清思壯采儕輩同欽一日出眎集句詩二卷集句駢文三篇
蓋吟詠之餘所戲爲也當夫妙手拈來衝口而出刻冰作骨
鏤玉爲塵以六代之古音作三唐之律體標謨觴之錦罽釘
餽何嫌展壁府之油拳擗捲不已詞條炳蔚依然儷白妃黃
音節和諧仍是含宮咀徵況復艷情含雨逸思停雲

集中詩
皆艷體

夢窄春寬燈溫酒冷借
懷調高白雪輯玉元關
李薜翦綃之集同此清
蠅鑽自苦獺祭何曾寶
注早遺恨於虿蜺樂府
僕病未能文通五色之

消寒詩序

賭酒圍鑪之候風饜雪
煙同此窳簌衰葉枯條
之詩歲聿云莫寒氣入
燕飲一經程喝月月行

火鳳之絃張燈試曲觥籌交錯春生錦步帳中薌澤微聞人
坐繡屏風裏此一境也聲含樂歲白板扉前天賜奇溫黃絲
襖出戶習吹幽之禮人懷獻曝之忱冬學鬧夫兒童篝車慰
其父老入此室處鶯蟋蟀之鳴躋彼公堂啟羔羊之饗瓢兒
菜熟菰米飯香此一境也螭螭塞外蜩蚷塹邊邊風吹刀塞
雲沈鏃區脫莫警堅冰在鬢刁斗夜鳴凍月寫影擻蘆管之
一聲去鄉關兮萬里挾纒無溫據鞍不壯息兵氣於何日長
著鍬衣望夫君兮未來空緘錦字此一境也更有歲月云邁
關河未歸驚颿起而哀笳鳴征埃長而木葉脫客饗冷炙馬
齒殘芻酒思如潮離愁若海相親童僕莫可與言轉念友朋
疇能謀面蕢麥交隴訝故園之已春菰蘆結牀棲羈夢而亦

冷此又一境也夫四時遞運閉塞而成冬百歲婆娑銷憂者
惟酒吾輩心均竹柏贊洽韋弦言通驛騎常集琴尊交傾肺
奧不設峯距室眇亭臺之勝地乏山水之幽方珪圓璧廣漉
浮之查折膠墮指景逍遙之館設或戢形蒿室屏跡蘧廬書
城枯坐則意氣不豪茶鼎苦吟則詩情亦淡何以陶茲素景
契此幽襟且夫夜長晝短古人申秉燭之游異苔同岑小雅
釋同聲之義而況縞紵相答易失舊歡燕雁代飛難回往日
或歸旌之首途或嫁衣之忙我昌黎之留東野有願爲雲休
文之去安成一別如雨與其相思於日後孰若聚歡於當前
於是吳君又農合南國詞人作西園雅集素心結契投不好
之瓊醪浮英等辟寒之玉譚則塵毛落飯笑則頭髮沒酒

雖休源赤倉之米何點白葵之羹而莖英旣耽菘菹不厭舞
詠之樂金犀奚加復搜古典各賦新詩言如鏤塵思若吹影
殿文壇之後勁續草堂之前游千聲萬色鬱爲古腴七鳳五
麟藹涵景氣儀堯階之球石夔拊永諧樂周雅之笙簧鹿羣
偕食一觴一詠幾忘雪霜之逼人以敖以嬉仍倣尖叉之鬪
韻僕巧遜鏤冰歌翻團雪得過且過敢自擬於鳳凰子取予
求譬相依之蛩驅抽繭絲而附貂尾狼仰芳流濡虎僕而誌
鴻泥此爲嚆矢

送顧子鵬之荆溪訓導任序

上元顧君子鵬振奇磊落人也丙申荃孫來主鍾山始識君
君工詩古文辭讀書略觀大意家甚貧而口不言天趣盎然

其立身行己皎然自拔於流俗古人所謂意思深長者其君之謂與先是戊子年吉林將軍聘修通志書進

御保以教職用今年四月選荆溪復設訓導君以是官最爲世所輕有不屑爲之意荃孫謂之曰學官非他官比也官之職則曰教而士之稱則曰師循名而責實非他官比也君亦知學官之所自乎昔後魏天安初立鄉學置博士助教郡縣建學設官始此宋安定先生授教於蘇湖閒以經義治事兩齋得人最衆朝廷建州縣學取以爲法書院始於唐李寬在元和中宋初石鼓嶽麓白鹿洞應天府爲四大書院明以來天下設之

國朝嘉慶閒儀徵太傅勅精舍於西湖以詁經在粵復勅學

海堂近來鄂有經心蜀有尊經粵有廣雅湘有校經堂江蘇有南菁有學古堂制度一仿詁經爲之學校倣而後有書院書院又成具文而後有精舍今奉

明詔省州縣均建學堂分上中下三等仍如精舍之制亦卽郡縣學之舊制也居是官者宋時令中書采訪有經術行誼者教授又選京朝官有學行者堂除其官可謂鄭重後歸銓選以舉人歲貢揆充已失本義近復以輸金多者得之宜乎爲人所輕也雖然亦視其所自待何如耳沈孔珍官湯溪以正誼折縣令而縣令信服錢警石官海甯三十年士子奉之如父兄如二先生之學行亦何愧乎古人荆溪大好山水士民樸而愿以君爲之師立身行己皎然自拔乎流俗感

乎以意氣啟迪以問學孰有不信從者庶幾復古人建學設官之遺意將於君焉望之矣

留雲借月龕填詞圖題詞

吾州乾嘉之閒才人輩出茗柯導其先路止庵揚其清芬趨盛軌於唐音訂中聲於宋調意內言外澁長之雅故文微義著春秋之通例淫哇既屏厥體遂尊正宗之稱薄海無閒百年以來遺緒欲墜劉子語石生長毘陵循先賢之矩矱被新製於絃管江山助我敢辭汗漫之游文字累人大有怨誹之語一日出留雲借月龕填詞圖屬爲題句斯境也舊雨新姓涼颿四起淨碧如洗嬌紅未薦呼之欲出雲真可留喝使倒行月何難借既無心兮出岫亦對影而舉杯變蒼狗於彈指

幻境自生招銀蟾而墮懷涼痕欲活清景未失閒情轉深昏
黃庭院倚花影而吹笙新綠簾櫳炷鑪香而按譜固已旗亭
賭唱井水能歌繼軌張周無殊前喆荃孫蠅鑽貽誚蚓唱徒
勞讀君之詞想君之所居安得晤君於疏簾清簟之旁坐我
於酒榼棋枰之側捉枝代塵埽葉煮茶相與發浩歌騰新唱
深情一往此樂千秋嗟乎君原詞客不少春江回首之思我
亦恨人那無煙柳斷腸之句勉爲嚶引兼綴小詞

徵棗聽雲僊館詩文集啟

昔敬禮定子建之文劉沔輯東坡之作摩挲弓軸懼蝕於風
霜鎔鑄性情無閒於新故古風足尚良友且然而況蒸一瓣
之香皈依梵殿立三尺之雪久待程門者乎秋史先生識冠

百代言成一家命居磨竭之宮爪印飛鴻之清屈原放逐乃賦離騷馬遷幽憤退論書策故其爲文也濬啖趙之經心振淵雲之儷藻發韓柳之精思軼徐庾之俳體冥心象外而落筆已超千古局跡區中而羅胸能括九有而況半生道長萬里飢驅嶽瀆助其精靈煙虹資以光氣哀樂之異宜古今之感喟莫不於是發之今者寶墨猶涇哲人長菱山邱華屋慟哭夫羊曇金薤琳瑯未編夫李漢搜茂陵之草藁半付寒蟬收昌谷之錦囊迥非全豹過此以往而草元奇字盡覆鄰童之瓿仲舒詞賦不入昭明之選非先生之不幸亦吾黨之重羞也茲輯成儷文六卷詩二卷詞一卷擬壽之梨棗藏之名山至於枚臯禱祝之辭半山制舉之體寶王作奏落紙千言

齡石畬函吐文萬牒均已俟諸異日析爲外篇惟是卷帙
旣富資用實繁雖綴白之有心思殺青之無自斲喪盛舉爰
布我儕嗚呼執丹漆以西行音塵宛在侍絃歌於北面警欬
猶新庶幾撰香溪之集志行近仿夫高稱彙毘陵之編風義
遠紹夫梁肅

范季遠仕隱後圖記

武昌范月槎先生朗抱霞暉逸情雲上昌黎正學爲國子之
先生長慶清才授南州之司馬嘗作仕隱圖以見志同時名
流題詠殆徧固已耽吟蘿薜澹視簪纓矣令子季遠觀察筮
仕江南又將十稔復作仕隱後圖屬題荃孫竊以爲榮以印
綬付以城社有功於國遺愛在民是之謂仕跌宕湖山校簪

文史無心於世自全其天是之謂隱之二者出處旣殊蹤跡亦異比而同之何哉昔嘗讀晉王康琚詩云小隱隱衡麓大隱隱朝市至哉其言乎夫康琚所云者大抵族殊白望帷幄之職未預官非黃散鈞衡之柄莫屬浮沈玉署偃蹇金門已耳豈如今者魚魚逐隊鹿鹿登場禍衡之刺常懷毛義之檄未捧名不挂於朝籍粟不食夫太倉陳書慷慨上不見答於台司攬轡澄清中不見信於僚友指揮曹司則或唯而或否誥誡士庶亦將信而將疑沈龍泉於濁水誰是風胡困驥足於鹽車罕逢伯樂所以詩吟槃澗情寄耕桑煙霞四壁宗少文卧游之圖書畫一船米襄陽好古之癖莊周齊物世外逍遙郭璞游仙神兮寥廓則不謂之仕不可不謂之隱亦不可

也然而天閃狼星海吹纏浪時方多難世正需才一旦登君
於薦牘畀君以重任羽儀王國折衝樽俎爲

中朝衆望所歸頌先德詒謀之善將以隱始而以仕終正荃
孫之所深冀也使仕未信我長抱魯連東海之心充隱何妨
君不忘稚圭北山之誚

順德李夫子六艸壽序

皇帝御宇之十有九年奎璧騰芒儀璘啟曜備中和之元氣
應名世之昌期是歲順天學政

南書房行走禮部右侍郎

順德夫子年六十矣襟裾文學紳笏大夫莫不鞠脰騰觚繡
盤致語門下士繆荃孫等執爵而進曰自古曼壽斟元之世

必生延禧建福之臣亭陰嘘陽黼蒞紀仰照難於宗匠極
光榮於國者而況經神學海貫串九流義府儒宗舉牢百氏
荷

天之寵鳳翮播其輝華戴斗之稱龍門高其聲譽如夫子者
眞可謂彰德事之更著聲聞之壽者矣仰惟夫子榮廣捷敏
鄭君通深負棟樑區沒之才勵旭厯銳銀之志嘗謂秦坑旣
灰孔壁斯振萌蘖於西京之始恢張於東漢之季唐宗南派
而家法淆矣宋尚理境而寔學荒矣夫子通變假借言之有
物典章制度集夫大成遠則紹賈服荀蔡之傳近則守汪阮
孔張之緒是夫子之經學庚言未已乙部尤精夫子以爲四
史以降視若弁髦三唐而遺棄同糠粃者非通儒也溯契塔

特建國之初及朱里真鏖兵之始騰格里之雖天降神人亦集乃之路地窮兵力下逮勝朝尤多野史或以語防觸諱遂閉箱笥或以傳乏通人終蕪塵壙闔幽挾滯補闕訂訛年經月緯松紋之紙常緝雪纂露鈔瓠盧之本亦出是夫子之史學

國朝四庫所集七閣所儲儷羽陵天祿之珍駕文德華林而上夫子名山剔寶海舶搜奇螺損千丸羊秃萬穎劉略阮錄訂其存佚之代晁志陳書證其完缺之數丹函壓地彩帙熙天匯典籍之鉅觀極編摩之能事將以上之

中祕播於藝林續宛委之別藏啟琅嬛之異境是夫子目錄之學而且憲臚同異廣拾叢殘坐擁縑緗行提鉛槧條篇撮

旨略依欵向之前規象形諧聲旁通任尹之雜技往往數行
有缺吳越傳鈔一字未安寢饋失度後生末學陶鑄良多是
夫子校勘之學大銀之國崛起北方王宋之所未詳陳辭之
所不道祕史晚出頗具梗概世次懸邈稽字端察見之前事
蹟翔寔勝脫卜赤顏之記夫子廣搜中文旁采西學一譯再
譯合音對音天輿爲合不罕之紀年愛曼爲乃蠻歹之異字
辭靈歌水卽唐書之仙娥阿勒台山此地志之杭愛兀籠格
赤證亦心二字爲分書曲雕阿闐知庫鐵一山非兩地尋源
等於蛛絲馬跡校錯類於風葉几塵爲祕史注十六卷元時
置域西北最遠地理埊志挂漏良多大典存圖方位亦失夫
子補夫舊牘證以今名建都於紅城耀武於白雪虎圖卽闕

朶之別體龍居亦臚胸之同音別失八里之地本北庭之故
封旺兀察都之宮乃興和之舊境據葛里思之嚴疆已鄰裏
海建阿母河之行省寔控鐵門一地有三字四字之殊一名
有蕃語華語之別莫不整齊異說騎驛各書綺疊繡壤恍披
站尺而周行左圖右書如坐舌人而問訊爲元史地名考十
卷西游錄注二卷富貴城西珍珠河北和林故壤三水所環
苾伽可汗之居尚餘遺址怯蹇又寒之澤特起新宮金蓮瓊
島閭闔象夫天垣蘆淀草塢松石韻於沙岸自昔紀載頗爲
渺荒近則茫茫瀚海屹立特勤之鉅碑磊磊殘垣尚贖李唐
之壤甃銅駝卧雪石馬嘶風以及至順去思之文總管收糧
之碣碧苔剝蝕野火未燒翠墨陸離遺文可讀夫子證以突

厥之傳耶律之詩當此濟爾瑪台之源在今賽因諾顏之部此則張何考索不知城郭之猶存程魏鋪張不如碑刻之足據爲和林金石錄一卷在昔金匱之篇載於班志青囊之法受之郭公亥首已首分八卦而辨陰陽甲木乙木定三元以分休咎惟筠松之傳述爲振孫所錄存夫子發其大綱通夫奧義論山川之向背形勢各成測沙水之性情理氣自足固儒宗之緒餘亦非術者所企及也爲疑龍撼龍經注各一卷是皆通天人之奧合古今之轍泯華寔之辨鑑得失之林禮堂簡策萬流仰爲山淵芸閣篇章六際歸其纒橐偉哉絕業莫與京已今夫官職與聲名並重詞章與經術殊途才如賈董位不躋於蕭張文似班揚學或慚於服鄭夫子盛名兼擅

碩福兩隆爲當代之哲匠極文人之殊遇甫登上第旋值
內廷東觀紬書南齋珥筆陸贄未離翰苑備極恩榮高郢進
拜秩宗允孚譽望職司禮闈編石渠之論議儀掌容臺習
熙朝之典故而且輜軒半天下衣鉢傳五葉典試乘吳越巴
蜀之輶督學蒞畿輔豫章之省方聞之士咸入網羅大雅不
羣投如鍼芥雷煥歸而劍氣斂伯樂過而冀野空心說誠服
徧寰區矣昔夫子在學士之任以養親而歸高堂九齡載康
華黍之篇養志十年克盡萊衣之樂闢園種竹築室栽花佩
黻相莊芝蘭特秀況復迴翔講席獎掖後賢出則衣被無垠
處則箸述不倦楷法追鄭文才惠分隸亦韓勅史晨異域寶
若球琳尺楮視同金璧兼及姑布子卿之術復習黃帝內經

之書漆園所謂博大真人仲任所謂鴻儒金玉夫子當之洵
無媿色而微窺意旨常若有不釋然於懷者則以非族逼處
耶教橫流誘我編氓侵我屬國撓我政體奪我利權況境宇
之毘連顧扞擻之弗備雖薩寶符之官已見通典而末摩尼
之教終屬異端夫子懷通權達變之才抱長駕遠馭之略營
平上策常懷遏敵之心驃騎忘家誓有滅胡之志防巧取則
分疆畫界畱後圖則測海梯山先爲自強之謀庶免議和之
辱往者西葵吹日東鯨跳波夫子奉

朝命備邊陲轉饜糈衛鄉里天狼十丈風鶴四驚值桂撫之
燿師棄雄關而委敵乃埽躒張之士卒重起大樹之將軍白
羽揮風朱旗耀日遂乃擲鏡應手犀角之渠仆地投炬灌尾

雉膏之光燭天克敵復仇武功第一於是金城息鼓玉敦尋
盟人弟見奔走禦侮將帥之力居多而不知發蹤指示帷幄
之功獨偉非夫子久籌戰略身悉敵情深權彼我強弱之形
兼策戰士利鈍之實何以能成師一出程效若此也荃孫等
久依函丈備荷陶鈞忝隨編錄之班幸預校讐之末識稽古
論思之旨道在則尊窺經文緯武之心德成者上登堂祝嘏
吮筆摛詞義不取諛言皆徵實此日金屏九疊聊佐錦筵介
壽之觴他年銀管千枝更記

紫閣調元之績

祭湯母呂恭人文

左班懿範鍾郝遺型素帷戢影彤管流馨春寒栢棖餌朱松

芥式昭舊德以妥先靈猗與恭人間里矜式結璘誕華離瑜
毓德望族河東清游冀北宛宛其容怡怡者色星占弟四月
映無雙敲詩秋徑吮墨晨窗麗詞椒菊雅詠蘭茱萬籤玉笈
七寶銀釭學供酒漿早薄紈綺夜杼織鴛晨廚烹鯉孝養一
心勤劬十指誠懷大家頌堪中壘中山作嬪淑譽益新嘉耦
曰妃相敬如賓禮隆筐栗詩詠淵蘋室隨伯姊程守先民榻
上琴書按中彝鼎鬪韻擘箋繙書賭茗音叶笙簧語消畦町
鳥喚畫眉鑪煎蒙頂英英夫子棗筆六州繞朝贈策王粲登
樓千里百里山郵水郵詩吟徐淑書報高柔羞吹屢屢甘奉
箕帚上侍白頭下撫黃口釧脫金纏杯斟玉扣宴集嘉賓米
炊巧婦夫子筮仕作官武康秋江桂楫夜雨荀蔣一燈刀尺

百室酒漿譽畱慈惠政佐循良泊任縉雲崎嶇荒谷早憚勞
薪敢辭轉轂瞻念松楸就荒杞菊治我餽糧復我邦族永嘉
山水再作清游魚軒古驛鷁舫芳洲織催蛩砌旦戒雞籌榮
居華廡化洽歌謳南澗栽桑西堂種柳游山謝公種秫淵叟
視夜求衣勸農戴斗共方寸心如左右手纔歌樂歲旋迫驕
陽龜田塵赤蛤稻波黃鬼飛旱魃咒誦木郎其雨其雨誠格
穹蒼爰念慈幃重返鄉邑天上覆明局中劫急風鶴驚呼石
鯨暗吸巢燕難安屋烏奚集提攜細弱閱歷艱難蓉湖波暖
岱嶽雲寒十步九顧半菽一餐幾經顛沛終慶團樂相我夫
子言返初服翦韭炊梁牽蘿補屋舉案諧鴻挽車卽鹿兵火
餘生林泉清福有田十頃有菜一畦雪中鋤藥霜下烹葵平

安種竹脰膊聽棋陸通小隱阮肇仙姿有子有子邦之司彥
秋窟桂香春園杏宴日下荀鳴雲司禰薦繞膝孫曾玉雪豔
美忽歌鵠寡咸悲鵬來黔寒衾正杞哭城頽荒荒白日肅肅
黃埃杏花示識封翁臨沒時謂太恭人曰勿悲明年杏
花時來返汝也太恭人果以二月卒蒿里
銜哀酒失延齡方難駐景碧落偕行青輶共騁屋迴呼皋筵
虛祝哽龍璈咽聲鶴駕淒影嗚呼哀哉昔年上壽美稱兕觥
今茲眞冷風寒雁檠崦迴日薄樹靜風驚璇漏激箭瑤樞掩
精嗚呼哀哉道韞清才劉綱仙侶逝水銜悲乘雲遐舉芳躅
在茲徽音具舉神其歆諸椒漿桂醕嗚呼哀哉

藝風堂文集外篇

近代中國史料叢刊第九十五輯

沈雲龍 主編

藝風堂文集

繆荃孫著

文海出版社

有限公司印行

翹

文

川

屬

績

齋

室

鱗

庚戌付刻
癸丑印行

藝風堂文續集目

卷一

贈太子少保兵部尚書曹恭愨公神道碑 二品頂戴

記名簡放道員前廣東高廉兵備道陸公神道碑

兵部尚書銜浙江巡撫惲公墓志銘 兩淮鹽運使洪

公神道碑 中書銜處州府學教授黃先生墓志銘

州判銜候選訓導張先生墓志銘 直隸玉田縣知縣

夏君墓志銘 前戶部候補主事龍君墓志銘 徐子

靜墓志銘 泰和蕭君墓志銘 安徽靈璧縣知縣楊

君墓志銘 林母俞太夫人墓志銘 柳母鮑孺人志

銘

卷二

漢陽萬梅巖觀察夫人蕭氏合耐墓志銘 興化李君
妻趙孺人壙志 重修宋王忠蓋公墓碑 誥授奉直
大夫 誥封資政大夫重宴鹿鳴翰林院編修俞先生
行狀 朱君松筠墓表 錢敏肅公家傳 王生吉臣
家傳 世醫孫憩南家傳 曾太夫人左氏家傳 貞
孝程女傳 陳總兵事略 石濂和尚事略

卷三

後涼百官表序 南涼百官表序 西涼百官表序
北涼百官表序 夏百官表序 北燕百官表序

卷四

永樂大典考 可薩克兵考 婦女裹足考

卷五

錢唐丁氏八千卷樓藏書志序 皇朝三通識要類編
序 貴池二妙集序 隨庵叢刻初集序 朱修伯大
理結一廬文集序 半巖厂所見書目序 王仙舟同
年金石文鈔序 宋史翼序 重刊小謨觴館詩文集
注序 蔣頰青南北朝宮闈雜事詩序 陶廬雜憶序
劉寄靜畫膚吟題詞 錢藕衫遺詩序 雙卿詞序
次紅詞序 古歡室詩集序 石蓮菴刻山左人詞
序 無益有益齋論畫詩序 常熟繆氏義莊記 東
倉書庫圖記 海澨完雛圖記

卷六

元論語注疏十卷本跋 集篆古文韻海跋 浙刻沈
文起兩漢書疏證跋 大唐創業居注跋 宋太宗實
錄跋 留都聞見錄跋 啟禎兩朝剝復錄跋 楊山
松孤兒顛天錄跋 三垣筆記跋 中興戰功錄跋
戴氏直隸河渠書跋 元河南志跋 金石錄跋 求
是齋金石跋書後 閩中金石略跋 士禮居藏書題
跋記書後 劇談錄跋 影宋本述異記跋 曾公遺
錄跋 重刊明弘治吉州木蘇文忠公七集跋 嘯亭
雜錄補遺跋 新刊補注銅人腧穴鍼灸圖經跋 珊
瑚木難跋 寒山詩集跋

卷七

草堂詩箋跋 張說之文集跋 馮校本王建詩跋
劉賓客文集跋 司空表聖文集跋 西渡集跋 鄭
峰真隱漫錄跋 斜川集跋 石林燕語辨跋 諸儒
鳴道集跋 頤堂集五卷 注渠陽詩跋 輯本丹邱
集跋 說學齋彙跋 楊太后宮詞冊跋 劉後村干
家詩選跋 草堂雅集跋

卷八

柳公樂章校勘記跋 曹元寵詞跋 明秀集跋 遺
山新樂府跋 天籟詞跋 董西廂記跋 董王西廂
記跋 順治壬辰乙未戊戌三科齒錄跋 上館課本

書題識 涼王大沮渠安周功德碑頌跋 陳雪峰并
天第一卷跋 黔江帖殘本跋 唐張旭書肚痛帖梁
僧彥修書寄邊衣詩跋 宋人蜀川圖跋 方士庶摹
元繆叔民山水跋 徐壇長京江負笈圖跋 黃涪翁
勵志詩跋 投贈周櫟園文冊跋 竹汀日記跋 黃
再同同年手札跋 書全謝山改正成仁祠祀典議
陽湖趙氏先世畫象圖贊 祭張文襄公文

藝風堂文續集卷一

江陰繆荃孫

贈太子少保兵部尙書曹恭愨公神道碑

同治丙寅三月二十日己卯兵部尙書江陰曹公薨於位遺
疏聞

皇上軫悼丙戌

命惠郡王詣靈幃奠醑

贈太子少保

子諡恭愨

賜銀二千兩治喪是年八月公之子鍾彝扶柩回籍六年正月葬公於本邑東郊定山之西麓越三十年鍾彝昆弟來請銘公神道荃孫忝在剡年晚之列何敢固辭謹按狀公諱毓

瑛字子瑜號琢如宋時自中州遷江陰爲邑望族曾祖岐附
貢生祖學禮父昶以公貴

贈光祿大夫曾祖妣章氏吳氏祖妣趙氏妣繆氏朱氏皆一
品夫人公幼而岐嶷及長有名庠序武進李申耆先生主講
暨陽書院特器公勉以遠大道光丁酉拔貢生

朝考一等得兵部七品京官遷主事直軍機處癸卯中式順
天舉人累升郎中

記名御史擢鴻臚寺少卿咸豐十年英法俄美四國兵犯

京師

上駐蹕木蘭時江浙陷於粵寇豫東困於捻寇黔苗滇回四
顧騷動鄭親王端華等方用事內外不靖政務殷繁

上意欲令章京中資深而才贍者在軍機大臣上行走公在直最久內嫻掌故外悉四方政令端華等欲以公名舉奏公辭至再三遂越次授焦佑瀛

本朝之制凡章奏陳達

制詔宣降皆軍機大臣取進止

朝廷黜陟誅賞之事悉以咨之位望與前朝宰相等同列以公力辭咸詫之公卒不就十一年

文宗顯皇帝賓天

毅廟冲齡踐阼端華等矯旨自爲議政大臣與決機務是年冬

毅廟奉

梓宮還京

兩宮太后垂簾聽政暴端華不法狀與載垣等皆伏誅次者遠戍次者褫職佑瀛亦與焉人以是服公之明而知公進身之不苟也既而

朝廷簡恭親王輔政始

命公在軍機大臣上行走升順天府府丞同治元年正月轉大理寺少卿旋兼宗人府府丞二年升工部左侍郎調兵部左侍郎克復金陵

加頭品頂戴

賞戴花翎權兵部尚書四年升都察院左都御史再升兵部尚書公貌甚魁偉以積勞內損然孜孜自力從公未嘗乞假

三月邁病甚劇猶欲強起足弱不能支乃止寢疾六日而歿
歿年五十有四公爲軍機大臣凡五載贊襄碩畫盡心竭力
內則調護

兩宮外則指揮諸將數年之閒東南底定巨憝悉誅公但歸
功督撫凡所納獻未嘗告人人視之若無異於眾人者而不
知一言之褒貶一事之成敗皆足幹旋大局輔佐中興則所
處之地不同也臨歿時猶以豫皖捻匪未淨隴滇回匪未平
爲恨其燕閒之論謂軍旅之事患信任不專事權不一古來
良將多以掣肘不能成大勳咎在執政又云唐末藩鎮之禍
誤於羈縻方其效順時不過假以爲名作恢拓疆土計當事
者苟且偷安遂入其彀迨勢旣盛不可復制

卷之三十一
一
三
朝廷任用督師大臣及剿辦苗沛霖皆如公言以奏功此卽
公立朝之大指也公天性爽亮與僚友交極矜慎取予不苟
事父母色養兼摯在京寓歲時伏臘必邀集桑梓故舊談讌
竟日以博歡顏朱夫人夙患乳岩公購珍藥訪名醫費千金
弗倦棄養後哀慕弗衰初入直奉

賞珍食名果恆捧以獻親欣躍逾常迨爲軍機大臣

恩賞稠疊拜領後反鬱鬱不樂傷二人之弗及見也嗚呼此
則公侍親之至性已公娶同邑薛氏

封一品夫人妾胡氏鍾氏子四鍾彝

賞員外郎分刑部四川長壽縣知縣鈞彝

賞舉人先卒錦彝

賞員外郎分戶部貴州黔西州知州鈺彝

賞光祿寺署正鍾彝薛夫人出餘胡氏出女二同邑孫汝楫
浙江龔家誼其壻也爰作銘曰

申甫治內方召治外中興之功赫赫獨大維

皇首出撻伐用彰惟公峒輿啟沃謀臧始登郎曹遂履

禁幄星紀一周淵淵嶽嶽洎膺大任密勿論思發揮宇宙綏
輦華夷粵西倡亂蚍蜉四起用師十年蔓延未已自公贊畫
五載經營楚蜀江淮以次削平旣靖東南將事西北惜哉陽
烏方中旋旻公志未伸公言不矜我銘公烈惇史是徵

二品頂戴 記名簡放道員前廣東高廉兵備道陸公神道

碑銘

公諱心源字剛父號存齋晚稱潛園老人姓陸氏浙江歸安人曾祖景熙祖映奎父銘新三代皆以公貴

封榮祿大夫妣皆一品夫人公資稟奇穎讀書目數行下年十三通九經尤精鄭許之學受知于萬文敏公青藜吳閣學式芬張文貞公錫庚先輩如徐莊愨公有壬朱司馬緒曾皆引爲忘年交與同郡姚宗諶戴望施補華俞剛王宗羲凌霞以古學相切劘時有七子之目姓喜管商書於

國朝諸儒尤服膺亭林之學中咸豐己未舉人遵例以知府分發廣東奉直督劉公長佑奏辦直東豫交界剿匪事宜告竣以才識精明志行清直奏留直隸整頓吏治薦擢道員乙

丑

簡廣東南韶兵備道行抵英德卽聞長甯土匪擾六里鄉翁源知縣張興烈被戕嶺南姑息成政戕官之案疊出每辦匪鄉必有耆老數輩攜婦女哀乞承認繳匪官民相爲粉飾公視事檄遊擊湛恩榮率兵剿洗罪人斯得地方枚平自是十餘年粵中無戕官案會霆軍叛勇突湖南入粵勢洶洶急檄湛遊擊回援樂昌益以壯士千礮船二十水陸並捷賊遁江西而洪逆餘黨踞閩粵之交思復蹂江楚南韶當其衝始由龍南撲始興卽檄副將朱國雄扼縣城再由連平犯翁源檄參將任玉田扼雞仔嶺賊不得逞南韶卒無恙韶關商賈貨物盈牘一物漏稅全船充公公革除弊政凡漏稅者祇准補繳不准充公積蠹一清商民感悅六年調高廉道旋奉

旨開缺送部引

見繼丁外艱星奔回籍壬申閩督李公鶴年以佐治需人奏
調赴閩總辦稅釐通商善後諸局並海防事宜署糧鹽道與
署督不合卽乞養歸仍以鹽務加耗參奏削職時公歸里已
二載矣公循陔之暇娛意林泉就城東蓮花莊北闢小園水
木明瑟極清曠之致署曰潛園酷嗜異書大江南北兵燹之
後故家藏書出以求售所得宋元版書於斯爲盛光緒戊子
進書國子監舊刻舊鈔一百五十種計二千四百餘卷附以
所刻叢書三百餘卷奉

旨褒獎公在家獨建昇山橋修復安定愛山兩書院仁濟善
堂義學無不具舉張勤果公躍撫山左以才堪濟世學識閱

深奏李文忠公鴻章督直隸以氣局遠大見義勇爲奏得旨開復原官交軍機處

記名簡放癸巳引

見

召對一次歸抵天津卽嬰末疾次年十一月九日卒於里第年六十有一夫人莫氏子四樹藩舉人江蘇候補道樹屏舉人樹聲湖北候補知府樹彰幼以 年 月葬公於 鄉所著儀顧堂文集二十卷儀顧堂題跋十六卷續跋十六卷皆古書源流金石考證之學藏宋刊書至一百餘種元刊至四百餘種儲之甬宋樓作甬宋樓藏書志一百二十卷續志四卷所得金石碑版九千餘通多青浦王尙書未著錄者作

金石粹編續二百卷鑒藏書畫作穰梨館過眼錄四十卷續錄十六卷生平篤嗜唐文於蟬斷亥朽掇拾錄存與金石之文新出土者成唐文拾遺八十卷唐文續拾十六卷樊榭山人宋詩紀事於兩宋詩人搜羅備至復輯得三千餘人得詩八千首作宋詩紀事補遺一百卷其厲書小傳有仕履不詳時代未著者別爲小傳補正四卷其他善本卷帙繁重不及徧刻者作羣書校補一百卷搜故鄉風雅補志乘闕遺作吳興詩存四十卷吳興金石記十六卷歸安縣志四十八卷病宋史蕪簡考黨禁始末作宋史翼四十卷元祐黨人傳十卷嘉定錢氏疑年錄之作大抵詳于儒林文苑及書畫之士公既校正錢澣菴疑年錄四卷復益以名臣大儒氣節文章之

士作三續疑年錄十卷儲藏三代秦漢鐘鼎彝器百餘種晉
唐古鏡六十餘種輯古今言金石者以補李學博富孫之缺
得三百餘人作金石學錄補四卷合署曰潛園總集共九百
四十餘卷嗟夫士大夫達而在上則出其經濟爲國家拯災
救患措斯世於隆平卽不然亦以培植鄉里之後進刊播古
人之著述有益於前賢有造於末學出處雖殊事功則一若
公者可謂兼之矣公沒後公子樹藩以碑文爲請荃孫諾之
而未有以應也今補作此碑以踐前言銘曰

公初筮仕才氣無雙聲名炳鑠閩江粵江五聲七政四達八
窗未盡石畫難泯眾唯自修有方止謗乏術不占豹變遂甘
蠖屈昌谷嘔心武鄉抱膝乍起東山已迫西日我在京師因

友通郵我歸江南遣子從遊不矜山海而納壤流知己之感
衷於千秋仰止亭林古今一致顧則空談公則實事詎料長
才止供小試著作永存儒林職志銘墓一諾瞬已十年荒山
寂寂宿草芊芊大名如在豐碑再鐫文以傳公翻藉公傳
兵部尙書銜浙江巡撫惲公墓志銘

光緒庚子十月

乘輿西巡海內多故

特簡浙江布政使惲公爲巡撫加兵部尙書銜以鎮定海疆
十二月卽奉太夫人諱星奔歸歸而病未及終喪而卒海內
士大夫識與不識無不盡焉傷之以時事艱難而爲

國家又失一柱石之臣惜也次年公子毓良毓珂葬公於新

塘鄉之夾山馳狀乞銘荃孫卅載舊交加以姻戚不敢以不
文辭按狀公諱祖翼字叔謀一字菘耘同郡陽湖人曾祖耕
方祖煜直隸南皮縣知縣父光業安徽候補道皆以公貴
贈光祿大夫公於同治三年本省鄉試中式由謄錄議敘知
縣改郎中疊保道員分發湖北補糧儲道調補漢黃德道監
督江漢關擢湖北按察使再擢浙江布政使

簡巡撫兼理鹽政復兼總理各國事務大臣花翎頭品頂戴
誥授光祿大夫卒年六十有五

國家自咸同以來外交內患百端紛集事機變幻閒不容髮
罕能當機立斷措置裕如者公任營務處時江夏知縣蔡炳
榮以事鞭督標營弁弁率黨伺知縣毆之幾死制府怒將盡

法懲治一軍盡甲公馳至營徒步入呼曰汝等皆義士當爲國宣力今怯於公戰勇於私讐非義也吾戴吾頭來諭汝汝不悟死矣迺均釋械痛哭伏地令縛送首禍事遂定武漢匪首王覺一潛伏紅牆巷約期舉事公夜偕中協馬朝龍率親兵破門入羣匪驚短兵接立獲五十餘人餘潰去任按察使時濱漢六州縣困匪萃焉公偵知其處授知縣包鵬飛方略以夜出以晨歸獲匪纍纍如魚貫民驚頌曰神明匪徒斂迹任中丞時值浙江衢州戕官焚教堂之變英國欲以兵艦赴浙浙人洵懼公禽捕眞犯十餘辦以抵償而定文武官戍邊禡職罪英人百計撓之力爭而後就範其勇於任事如此官漢黃德道時漢江舟楫檣帆林立水漲驟高立刻傾覆公創

設襄報水電豎牌鳴鉦各船預備水至無患洋商夾板船向泊魯山下妨民船出入之路公以大義商稅司請上移晴川閣外漢鎮闖闖麪集火災四起公飭合鎮商民於曬臺儲水缸購小洋龍入窄巷施救又移洋油隙地數年之間水火之患大減官布政使時上虞山水驟發風潮頂衝南岸土塘決口七處公改土購石砌盤釘椿成石塘一千數百餘丈以捍水而入浙時目擊露骸敗榑拋棄河干穢氣薰蒸蠅蚋四集立撥巨金埋二萬七千餘具有澤及枯骨之頌其愛民之仁又如此類皆剛健勇決轉危爲安而慈祥愷惻之忱亦賴精心大力始足展布功可以格天惠足以濟世非苟且補苴焉者蓋公仕宦數十年計必達乎至微力必推乎至巨求治雖

急必體乎人情律已甚嚴而不爲苛論上台任之僚案信之士庶感之故嶄然有以自見夫人高氏治家有法訓子有方先公七十日卒同葬於穴子毓良江西候補知府毓珂工部郎中孫宜曾望曾俱幼爰作銘曰

大雲出山靄黓輪困散爲膏雨粒我蒸民生質雖美必牖以學涵泳詩書雕琢禮樂幾希之存

書室署曰存幾希

必衷以道白日

青天肫肫浩浩愛人則李睦族則范心造臣規身成士範事功既著內行尤殊施於有政惟孝友于胡不期頤光我邦族因毀而殞遐邇一哭荒荒原野鬱鬱佳城凡百君子視茲彝型

兩淮鹽運使洪公神道碑

宣統元年二月兩江總督端方奏已故兩淮鹽運使洪汝奎服官政績請開復處分奉

旨俞允於是公子槃奉事略踵門請曰先公之歿二十有四年矣因未復職不敢碑不敢廣求傳志今

恩綸丕煥光及泉壤先公在江南所任之事江南人知之所獲之咎江南人亦知之吾子其次爲文傳之當世感且不朽荃孫禮不敢辭謹按事略公姓洪氏諱汝奎字琴西先世籍皖南涇縣後僑寓漢陽遂占籍焉曾祖兆熹祖璣祥父錫錄皆以公官

封贈中議大夫妣淑人公秉姿穎異自幼劬學凝重若成人年十九補弟子員甲辰恩科舉人丁未考取教習受知於

太傅曾文正公蘄以遠大使事同邑劉先生傳瑩益勉爲經世有用之學至是與長白倭文端公旌德呂文節公師宗何文貞公餘姚朱侍郎蘭霍山吳侍郎廷棟講學春明尤邃於宋五子書以躬行實踐爲主咸豐閒粵寇亂作轉徙流離樂道安貧絃歌不輟庚申入都補正白旗 覺羅官學教習俸滿引

見奉

旨以知縣用益陽胡文忠公時駐軍英山聞其名禮招之遇以國士嗣參曾文正公戎幕克安慶下江南贊畫軍謀多所裨益公故皖人凡涉地方利病胥就咨詢皖南被兵久郡縣殘破特甚休養生聚務農爲先請於文正公籌給耕牛籽種

廣招徠資開墾民氣大紓軍實亦足同治丙寅合肥李文忠
公權節兩江委領緝臺凡支應本省防餉外省協款劃還西
征洋債出入逾二千萬公綜核名實洪纖不遺弗當用者不
避嫌怨力加裁汰一遇日本窺臺之衅再遇俄人要盟之患
內籌軍實外固海防晝夜焦勞不遑寢食卒以緩急有備隱
恃無恐光緒丁丑晉豫大饑江南諸不逞之徒乘機竊發公
時綜理營務設法捕治之不少懈其贓證未確如儀徵溧水
解省盜案凡數起獄悉具矣察有冤抑立予平反而高淳一
案某令持之甚堅及眞犯就禽卒以帖服己卯沈文肅公督
兩江因疾篤再籲開缺疏請以公代拆代行時望翕然歸之
會海疆有事

詔下王大臣密保人才中外交章論薦遂由候補道員

特旨擢廣東運司旋調兩淮異數也洩官後整飭疲綱痛裁
冗費抑鑽營拔淹滯仕途一清又以地方諸務廢弛銳意振
興如建義倉修城濬河諸役不數月百廢具舉三牌樓獄起
遂有軍臺之役公夷然就道曰雷霆雨露莫非

君恩一身榮辱何足計獨不能爲沈文肅公一雪枉殺之誣
不無抱疚於中耳是時言路大開是非蠶起如浙江餘姚之
案四川東鄉之案誅削譴責無不如言者之意而翻覆過甚
亦未能持其平文肅公洩督兩江五年吏治澄清闔境安堵
黎民至今思之而後之爲政者鑒於前車泄沓成風釀成不
治之證火烈水懦利弊立判公雖失官何足悔哉壬午七月

抵戍所其地書院講席適虛奉公主講公爲之購典籍勤講
解處憂患之中而不忘勸學之事猶素志也居數月得
旨賜環旋奉發廣東差遣委用之

命李文忠公寓書勛以時事艱難勉圖報稱旋馳抵廣東任
善後海防事宜猝得疾卽不起丙戌十二月十二日歿於廣
東行館公內行純粹孝於親友於兄弟自奉儉約而樂於施
予又以亂後書籍散亡在江南淮南書局籌刊經史廣爲流
傳其祕籍精本往往多經手校尤搜輯先德著述壽之梨棗
所以述前烈勛後人者用意至爲深遠以學行經濟負海內
清望者三十年文正公嘗手書褒答以爲畏友文肅公更待
以師友之間顧公深自韜晦恆惴惴以不克副盛名是懼出

處大節尤皦然不苟有古君子難進易退之風配朱淑人歿
後公四年合葬當塗楊家莊之新阡于九人縱恩嘉棹櫂均
歿恩毓福建上杭縣知縣恩廣直隸存記道槃江蘇候補道
鼎棻署江蘇靖湖同知恩苞署浙江甯海縣知縣女二長適
潘杰江蘇候補府經歷次適崔逢霖貴州廣順州知州孫男
十九人曾孫十三人荃孫久聞偉績敬述銘辭目擊時事之
日下而歎我公之不復作也爰序其事而爲之銘銘曰

同治初元雲龍風虎庶政綱綱公生孤寒干將莫邪作作生
鎡湘鄉知公拔從寒麤寘之戎行合肥知公反旆北征責以
轉饒侯官知公納之幕府左右助襄公感知遇忘身趨公昕
夕不遑江南甫定精徒媿夫百端擾攘辟以止辟匪矜除暴

實以安良閭閻億兆江湖千里枕席梯航射工巧伺讒夫助
之奪職投荒

賜環未久復奉

恩命馳驅粵疆冰天瘴海精力消鑠歸神天間臣精亡矣臣
力竭矣臣志未償嗚呼臣志夙昔所慕內聖外王

今皇御極功罪罪下燭豪芒

恩旨復官九泉有知感激悚惶官有何榮闕茸以警循良以
彰後有式者視茲貞石青山之旁

中書銜處州府學教授黃先生墓志銘

先生諱以周字元同號徹季浙江定海廳人曾祖必悌祖興
梧庠生父式三歲貢生敦行力學著述等身入

國史儒林傳先生本名元同字經纂後出試同知某命改從
今名少承家學與兄徹孟徹仲相砥礪六歲入塾識說文部
首字遂讀經先禮次詩書次春秋易每一業數輒條分節目
疏通大義十九補諸生同治庚午優貢旋舉於鄉光緒庚辰
大挑二等以教職用補分水縣訓導辛卯瞿學士鴻禴稱其
素履誠樸粹然儒者保中書銜後學政潘學士衍桐又稱其
研精殫思物疏道親保以教授升用旋選處州府教授而年
已七十禮宜致仕遂不就先生恪守父訓以傳經明道爲宗
旨其事父三十餘年未嘗去左右父卒前數月大厥而蘇成
偏枯疾手不能作書一日自敘黃氏塾課字形蜿蜒難讀先
生適自外返見而大驚請口授爲書之父卒先生裝絕筆一

紙不忍毀棄且曰示我子孫知吾父拳拳是書所以佑啟後人者深且遠也居喪盡禮不徇時俗刊遺書行世先生以爲三代下之經學漢鄭君宋朱子爲最而漢學宋學之流弊乖離聖經尙不合於鄭朱何論孔孟

國朝講學之風倡自顧亭林顧氏嘗云經學卽是理學乃體顧氏之訓上追孔門之遺言其說易則由孔聖之大象傳以尋畫卦之旨由孔聖之彖爻傳以尋彖爻之旨詩必宗序書必條貫大義春秋用比事之法三傳校以經例定其短長而三禮尤爲宗主凡詳攷禮制晝夜研索多正舊說之誤釋後人之疑而意在覈明古禮示後聖可行所著禮書通故百卷列五十目古先王禮制備焉其書足以究天人之奧通古今

之宜至其道德性命之學則在辨虛無辨絕欲以執一端立宗旨爲賊道悉折衷經訓以燭叛慙疑枝邪離遁窮之情形所著經訓比義三卷列二十四目嘗謂博文約禮聖門正訓學者欲求孔聖之微言大義必先通經經義難明必求諸訓詁聲音而後古人之語言文字乃瞭然於心目不博文能治經乎既治經矣當約之以禮又謂禮者理也天理之秩然者也攷禮卽窮理後儒舍禮而言理禮必實徵往古理可空談任凡也欲挽漢宋學之流弊其惟禮學乎或云禮爲忠信之薄是言一出而周衰或云禮豈爲我輩設是言一出而晉亂學術不明而治術敝是先生以經學爲理學卽以禮學爲理學顧氏之訓至先生而始闢先生以孟子學孔子由博反約

而未嘗親炙孔聖其間有子思子綜七十子之前聞承孔聖以啟孟子乃著子思子輯解七卷而舉子思所述夫子之教必始於詩書而終於禮樂及所明仁義爲利之說謂其傳授之大旨是深信博文約禮之經學爲行義之正軌而求孟子學孔聖之師承以子思爲樞軸暮年多疾因曰加我數年子思子輯解成斯無憾既書成而疾瘥更號曰哉生蓋先生之學由子思學孔孟至是而其志章矣其學亦大成矣黃侍郎體芳視學江蘇建南菁講舍延先生主講先生教以博文約禮實事求是道高而不立門戶常語門弟子曰前代之黨禍可鑒也宗湘文觀察建辨志精舍於甯波請先生定其名義規制而專課經學著錄弟子千餘人戊戌去江陰歸隱於仁

和半山之下卒於己亥十月十七日年七十有二卜葬於海晏鄉黃家橋之東配梅夫人妾陳氏子六人長家辰附貢生次家岱優廩生先歿次家鶯廩膳生皆梅出次家驥先歿次家穀次家嶼皆陳出焉荃孫戊子在南菁與先生接席者兩年冲如曇如粹然儒者時時請益反復詳告不憚煩也今家辰等來請銘其曷敢辭銘曰

國朝家學紹漢邁唐元和之惠高郵之王鼎足其間先生觥觥佩觿自警炳燭未遑禮堂寫定北熊南皇居鄉植品天府圭璋滌筆擗辭炎漢班揚著錄弟子羣奉瓣香歲星周天久留吾鄉傳鐙負笈絃誦鏗鏘山頽木壞萬口悼傷張嘯黃漱同祀永薦烝嘗

州判銜候選訓導張先生墓志銘

先生姓張氏諱文虎字孟彪又字嘯山江蘇南匯人幼穎異見書輒自翻閱嘗讀元和惠氏歙縣江氏休甯戴氏嘉定錢氏諸家書慨然歎爲學自有本馳騫枝葉無益也則取漢唐宋人注疏若說經諸書由形聲以通其字由訓詁以會其義由度數名物以辨其制作由言語事蹟以窺古聖賢精義旁及子史是非得失源流異同以參古今風會之變道光壬辰大比戚友強之行試卷墨污題詩號舍而出自是不復應試金山錢雪枝通守熙祚輯守山閣叢書屬先生校訂館錢氏三十年所校書若守山閣叢書指海珠叢別錄及鼎卿學博熙輔續輯藝海珠塵壬癸集夢華少尹培名輯小萬卷樓叢

書無慮數百種時稱善本嘗三詣杭州

文瀾閣縱觀

四庫書手自校錄績溪胡竹邨培輦元和陳碩甫與同寓西湖過從商榷甚歡中閒西游天目南登會稽尤愛天目之勝因自號曰天目山樵年二十八始就婚於金山姚氏越四年舉一子曰錫卣癸卯偕錢通守游京師通守卒於邸先生載其柩南歸時輯指海未竟其嗣偉甫培杰子馨培蓀請畢先生力任不辭海甯李壬叔善蘭與先生讀算契合成豐初先生從英吉利士人艾約瑟偉烈亞力新譯重學及幾何原本後九卷而艾約瑟輩深明算理格致之學聞先生名數數造訪質疑問難咸大折服歎爲彼國專家勿能及成豐丙辰移

家張涇堰蓋贅於姚二十有二年至是始有家也粵匪之亂轉輾避難會文正公聘赴安慶李文忠公繼督兩江議刻經史因與先生商訂條例文忠稱善遂留書局八年癸酉先生以老固請始得旋里蘇撫檄各屬修志乘本邑金令福會造門敦請奉賢韓令佩金華亭楊令開第亦相繼以志事來聘勉應之錢子馨議暉先世書目留先生於郡城復園光緒丙子秋子馨歿遺孤幼先生傷之爲處分其喪事再聞姚孺人之訃悲慟不能已自是神氣稍衰矣未幾學使瑞安黃公體芳創建南菁書院於江陰按臨松江時躬延先生主講席時先生足艱於行再三辭不獲秋七月赴江陰冬十一月旋里足疾加甚乃具書請退甲申長至得類中疾乙酉正月卒於

復園年七十有八先生於書無所不覽過目輒記尤長於比
勘遇疑義必反覆窮究廣證旁引以匯於通往往發前人所
未發所著各書曰校刊史記集解索隱正義札記五卷舒藝
室隨筆六卷續筆一卷餘筆三卷雜著甲編二卷乙編二卷
贍藁一卷詩存七卷索笑詞二卷又嘗以漢魏以來古樂失
傳再古書之存於今者祇滋後人聚訟乃因端以考其器數
審其聲氣以究古今之變異作古今樂律攷一書顧尙之先
生作殷^麻攷申鄭氏一家之言先生證之經傳謂鄭氏誤執
緯書及大傳之文致召誥注破經從^麻而劉歆又損夏益周
移前五十七算以求密合經文爲作周初歲朔攷以疏通之
先生之學博大宏達旣以經學小學^麻算樂律立其本泛濫

以及其他莫不洞悉源流燭見幽隱實事求是由博返約勿
苟於著述勿囿於門戶溯自惠江戴錢諸家而後可謂集大
成也已然先生豐於學而齋於遇少時疊遭大故家屢空殆
人所難堪自是客游日多垂白歸來又抱伯道之戚而先生
不以是廢學手一卷外無他嗜好老而彌篤顧尙之爲先生
石交著作等身先生爲謀於上海莫令祥芝俾爲刊布婁朱
虞卿先生大韶邃於經術先生選錄其經義若干篇今李勉
林中丞校付梓人海內迺知朱顧之學先生力也曩以諸生
從文正公軍營保以訓導選用光緒初援例加州判銜錫卣
遺腹有一女贅同邑附貢生王保如生外曾孫孝會歸爲先
生後孝會殤復以慰會來歸焉荃孫幼罹兵燹避地楚蜀未

會捧手授教後先生四年來主南菁講席華亭張錫恭出此
月來求銘爰作銘曰

東南諸老首推潛研先生繼之名滿垓垓六書九數如日中
天合朔周初協律宮縣微言克紹絕學能專少絕仕進青紫
無緣晚爲賓客躉直自全校讐最工几席丹鉛更生子固輝
映後先明湖之濔冷城之巔大名不滅遺事獨傳龍蛇歲厄
牛斗星懸隻雞斗酒誰過新阡

直隸玉田縣知縣夏君墓志銘

國朝親民之官惟州縣爲最近造福易造福亦易苟能於簿
書期會之中盡一分之心卽吾民受一分之益雖在一事一
物精神實已貫注固非苟且補苴已也今於玉田縣夏君見

之君諱子塗字上珍江陰人曾祖敬模祖祖耀父翼鳳庠生
以君得官

封贈如例君以邑庠生應北闈已未

恩科鄉試挑取謄錄傳送

玉牒館議敘縣丞分發直隸前兩廣總督張靖達公調辦營
務敘功保知縣署雞澤補^雷晉調玉田光緒甲申閏月卒於
任年六十有八君任知縣前後二十年由署事至實授由僻
遠至繁劇所至有聲其治績大要有三曰興學曰治水曰聽
訟舉其最卓卓者夫士爲四民之首藥其固陋牖其性情文
教日興而吏治亦蒸蒸日上畿疆旱澇無歲無之木不爲利
則能爲害決去壅塞而潤澤自生至不得已而聽訟在他人

則以明察自矜而君則以至誠相感也其興學也在雞澤修鳳輝書院在甯晉修洩濱書院在玉田修經州書院廢者復隘者廓經理有方課程有序而士氣振矣其治水也在雞澤濬牛尾河在甯晉修治復洩在玉田振癸未水災修各河隄工莫不出斯民於沮洳而登之衽席而民心悅矣其聽訟也在雞澤則詰里胥侵匿錢糧而嚴懲之在甯晉則捕獲劇盜馬小眼等置諸法在玉田釋寇鄭氏逮土豪林三強悍者服其罪並伏其心善良者遂其生并祛其害而民志安矣玉田畿東孔道迎送至繁

大饗

山陵供應周至君雖事事應付而精神遂形耗敝馴至不起

身後並無餘財廉吏可爲而不可爲其是之謂歟配曹宜人
歸公二年卒繼配韓宜人後公十七年卒合葬於本邑之

子詒垣官山海通判

特旨記名以直隸州用女一適前內閣學士馮文蔚孫某某
詒垣奉行狀屬荃孫爲之銘曰

曰恭曰仁應得其壽何循聲遠聞乃施不下究惟謳思之弗
忘惟後嗣之克昌不可欺者烝黎而必予報者彼蒼

前戶部候補主事龍君墓志銘

改桐廬袁礮秋同年文

君諱繼棟字松岑廣西臨桂人浙江乍浦同知諱光甸君王
考也江西布政使治蹟入

國史循良傳諱啟瑞君之考也布政公以魏科侍從歷事

宣宗

文宗劬學直諫有聲以通副出綰江西藩條時髮逆糜爛兵饑支絀公佐巡撫耆齡支拄危難籌兵食設防剿方略有功屬績之日家無餘財贛人至今思之公交滿天下並世若唐確慎倭文端曾文正梅伯言何丹畦朱伯韓邵蕙西皆相與勵志節擢問學風氣所漸口耳濡染故君亦忼然有父風若荀陳之有慈明元方也君博涉羣籍喜馳騁文詞通小學工篆隸體勢堅穆近世側鋒鑽紆惡札一掃刮絕以同治壬戌舉人官戶部額外主事

惠陵復士翰林院檄君恭篆冊寶予笑云李陽冰自言斯翁後直接小生今當謂張惠言後直接君已蓋張先生曾充

裕陵篆冊寶官也君亦驟然布政公遺著彙艸繁重成一家言君次第刊成古韻通說爾雅斟注春秋說及經德堂集又有是君是臣錄刺取涑水通鑑切於當世急務者比事屬辭爲之將以進

御當諫書殺青未竟而君獲譴遂中輟光緒庚辰雲南報銷獄起君以婦翁劉武慎公督滇故屬爲料理吏璫軍機章京周瑞清君邑子也戶部郎中孫家穆官同曹兩人受滇員賂爲言官所彈下獄對簿詞牽連及君逮繫白雲司六閱月獄具遣戍軍臺武慎中興賢疆吏有清名坐失察所遣滇員交通請託削職歸而君亦坐此坎壞終其身命也夫戍三年子代君奏記李使相君父執也使相資君千金繳臺費得釋回

主萬全縣講院課諸生有義法四方多故君身處一郅閒日
與老兵語殷憂時事輒義形於色手輯錄公私邊防奏議續
畫卡倫鄂博要害形便常有效國殤扞牧圉之志氣其素所
蓄積然也辛卯

上敕重刊圖書集成用石印法在上海籌辦濟甯孫尙書與
君有舊陰爲書成敘勞地任以校讐君遂南行涖局日辦二
百葉幾十萬言爲之目眇腕脫積校勘記二十巨冊是書遂
成善本甲午

慈聖萬壽君以祝嘏還原銜乙未書成齎兩江咨牘赴闕呈
進值濟甯病免無人爲君言者君乃浩然歸旋主江甯之尊
經書院予官皖南每白吏事大府輒與君相見丁酉臘主君

家同遊烏龍潭樂甚戊戌夏忽忽一晤予旋北行己亥君丁
太夫人艱哀毀疾甚久不接君書庚子春晚見君戚督部劉
公子詢之則君以今年正月物故矣年裁五十六遺集若干
卷往者觀荷於南北泡子棹酒船臨深淵與君扣舷浩歌風
雨倏至天地晦冥須臾開霽寒燠頓易此情此景宛然心目
予惋君踣落不偶追懷曩游怯重履其地人生百年臣之質
已亡矣可哀也夫妻新甫劉氏子一述祖年少嚮學繇君澤
冀在此子女子若干人聳某某自非太上孰能忘情乃最
敘君厓略爲之銘以塞予悲其詞曰

清門瞻辯氣夷以盥介立平進可躋大通一鍛鸞翮荷戈冲
冲困靡輟學行戒苟同不慎交游而潔其躬憂能傷年齋志

幽宮我銘 葬石悲君道窮

庚子四月得袁太常同年手書附寄龍主事松岑墓志屬
交其子述祖予因其事蹟有謫誤處覆書速君改易而五
月京師變起七月太常爲權臣所害志艸尙在予篋謹爲
刪改交龍公子上石庶不負良友之意云江陰繆荃孫識

徐子靜墓志銘

君諱士愷字壽安子靜其號也安徽石埭人其先在南唐時
有名昶者刺歙州家焉其地卽曰徐村後又遷於石馬塘遂
爲石馬派曾祖祖父三代

誥贈如例君幼失怙哀毀如成人親友皆稱之以爲遠大才
也逢寇警徙泰州年方逾冠熒獨流離艱苦備歷遂習吏事

卽負能名同郡劉芝田中丞聘司記室最所激賞迨劉公握
蘇松太道篆倚之如左右手繼任如邵龔聶劉諸觀察皆委
任焉上海榷署繁難甲天下慎交涉核財政籌振給運軍械
君以一身擔拄其閒一飯十起一檄百下而前後二十年任
愈專名亦愈重每他省有大事各大僚飛書求助君亦不辭
況瘁而總其成敘功疊保二品銜花翎以道員分浙卽補君
慨然曰予幼遭喪亂父母兄嫂相繼卽世天倫之戚貽憾終
身每念及斯不勝悲痛豈忍希圖祿位重傷余心況知止不
殆古人之誨余多矣遂不出蓋君天性冲澹功名不期得而
得故亦漠然置之嗜金石文字著金石拾遺泉錄秦漢官私
印譜輯亡兄遺稿寄生山館詩詞鈔刻之別刻觀自得齋叢

書若干種君勇於爲善公私同之本邑文廟由君倡捐肇修而公子正鈞卽於是科獲雋尤嘖嘖在人口細行不書書其大者君卒於光緒二十九年十一月十九日年六十葬江蘇吳縣鄧尉鄉之澗上配周夫人子二長正鈞辛卯舉人揀選知縣次正銓殤女適上虞袁楠側室彭氏王氏生子正鏗孫心培心坦皆正鈞出正鈞奉伯氏祀以心坦嗣正銓爲君後云荃孫謹次其事而爲銘曰

吉金樂石夙敦古歡篤好如君近世所難富貴浮雲見機獨早淡泊如君名場所少天寒歲暮升君之堂哲人其萎兩閣星霜花竹一庭琳琅千軸遺墨淋漓羨君眼福叢橐百幅佳句一囊形神若接味君心香我未識君來銘君墓咫尺金闈

空嗟來暮棲君體魄鄧尉之隅何以娛君梅花萬株

秦和蕭君墓志銘

君諱紹典字芳林一字楷堂姓蕭氏江西秦和千秋鄉人曾祖秀妣氏彭祖美聖妣氏劉父炳南妣氏彭俱以兄紹芬官三品銜刑部郎中

晉贈一品君昆弟四人行第居次十歲隨父客於蜀與兄同學當時有二陸之譽咸豐丙辰年十八應寄籍宜賓縣試鄭學使瓊詔得卷歎賞拔冠軍文章譁然學使傳示面試限晷刻納卷而君文較正場尤勝學使張文於壁譁者帖服後由蜀歸里復補秦和縣學諸生未幾祖母歿母又下世父客於外君經紀喪葬盡哀盡禮遠近咸感慕焉光緒丁丑受知吳

學使仁傑兩置首選食餼已卯擬選優以次場未入場失之旋中副車座主爲汪侍郎鳴鑾吳侍郎樹梅揭曉後謁兩師具言闈中擬中七十一名因三藝均過八百字恐干磨勘抑正就副歎惜之並勉勵之王午堂備仍不售乃以副貢就教職尋改試用道分發浙江丙戌父自蜀歸年近八旬念報國日長報親日短遂留養未之官戊子大比父命赴試詎將入闈一疾弗起於八月十一日捐館旅次年五十歲猶子敷德侍營賻襚長子敷政奔喪至省扶襯歸君篤於孝行動循禮法父治家嚴肅終日侍側雖行年五十恂恂如孺子有命盤辟踖蹠不謂之坐不敢坐遇盛怒厲聲譴訶君貌愈恭色愈愉甚或予杖跪而受觀者以爲有伯俞之風母歿時宅兆

未卜君通形家言奔走窮山不避險阻日行數十里兩足潰腫未嘗言勞年餘始得吉壤自窆後家道日順焉君耽於學手不釋卷嚴寒盛暑吟聲騰沸戶外一切星經地志醫學相法之書廣搜博覽強記大略恆至鐘鳴漏盡而不知倦性好議論遇忠孝節烈可驚可愕之事伸紙染翰累累數千百言同輩先達無不頰首獨艱於一第俛得俛失屢挫其銳然學成專家名重當世明之侯朝宗

國朝之胡天游決不以科名爲輕重也君狀貌豐腴事理通達與朋友交坦白率真自奉儉樸不殊寒素而慷慨好義力能爲所當爲在縣則修大成坊孝弟忠義祠節婦祠改葬瀕河古冢以鉅款助賓興暨萃和書院膏火公請

旌獎在郡則修學宮之櫺星門鷺洲書院之前楹振邑中雲
停仙槎仁善三鄉費七千金人慶更生而尤於根本之地加
意培植總祠支祠祭典多缺則置田以籌備之譜牒焚毀則
發凡起例而增修之鰥寡孤獨則養之貧至不能嫁娶者則
周之子弟無力就學者則設義塾以訓迪之其待宗族子姓
言正而色和閨門食指逾百咸敬禮無惰容靈櫬至自南昌
皆迎哭失聲卽此可概見矣君行成於家學積於躬惠澤浹
於鄉黨而竟不克永年齋志以歿幾疑天道無知而君之子
早捷於鄉歿且二十餘年君所未竟之志悉舉而完之天之
報君將不於彼而於此耶元配石氏先君五年卒繼配王氏
側室王氏子四長敷政癸巳 恩科舉人花翎員外郎銜內

閣中書次敷教花翎湖南候補同知均石夫人出次敷烈五
品銜光祿寺署正次敷熏五品銜大理寺評事庶出女二長
適同邑歐陽輔次適同邑王之培孫七敏才敏標敏仁敷教
出敏佑敏偉敏佳敏侃敷烈出初葬某山某原光緒某年改
葬邑城北四十八都楓山之原敷政等遠寄行略介老友徐
積餘求銘謹擇其大者而銘之曰

通天巖畔園曰春浮地靈人傑迹往名留族裔明經志行卓
犖玉闕璠璣鋒韜干莫年不副德位不稱才天實爲之謂之
何哉周禮六行一曰任恤惠人和風積善長日君所勗始有
子終之君所樂成有子充之遺憾旣彌令名克振天道有知
徵君益信佳城鬱鬱荒草離離我銘有道庶無愧辭

安徽靈璧縣知縣楊君墓志銘

國朝碩德高門其子弟往往品行敦篤文采彪炳出而服官
應機酬變異乎俗吏所爲如常熟楊君者可以證言之不虛
矣君諱同福字思贊又號師載江蘇常熟人曾祖景仁嘉慶
戊午舉人刑部安徽司員外郎總辦秋審處祖希鈺國學生
父沂孫道光癸卯舉人安徽鳳陽府知府候選道篆隸行楷
各體皆擅長海內推爲鄧完白先生後一人君幼而岐嶷祖
訓甚嚴課經之暇旁及子史時以先儒正心修身之學爲訓
一言一動繩之不少貸年十三讀十三經畢爲文才氣縱橫
不爲繩墨所囿咸豐庚申補博士弟子員是秋邑淪於寇避
難崇川同治甲子順天鄉試挑送謄錄

國史館議敘鹽大使西捻張總愚竄直東畿輔戒嚴

朝廷命李文忠公爲

欽差大臣專辦剿匪事宜君謁李公於開州命入前敵吳武壯公長慶營時賊由樂陵南竄武壯委君分帶馬隊向臨邑一帶築土城以範賊賊窘迫乘夜回竄勢甚慄悍兵單弱咸失色君曰賊已敗竄雖多奚懼乘天未明彼不知我虛實速迎剿之乃出隊援兵適至併力夾擊賊狂奔我軍奮勇追殺立殲悍酋張宗先一股未幾總愚走死西捻蕩平英果敏公翰開府院中邀君入幕以直東肅清案內保奏奉

旨以知縣分省補用加同知銜四月引

見指省安徽因挈眷赴皖委幫辦阜陽縣事阜邑民風強悍

命盜案日數起君與正任彭君和衷共理年餘盜風漸息旋補貴池邑濱江散勇出沒無常君下車伊始手訂保甲章程規畫盡善雪夜往捕會匪獲十餘人分別首從按律懲辦又縣重賞緝巨魁得名冊於溽暑中悉心研鞫設馭於堂下令繳旗布一日而滿閩閩得以安堵降將李世忠參革後驕悍猶昔潛至池邑屬境聚賭匪類叢集勢將滋事君親往禽之佯爲不知誰何者將加嚴責李乃自陳則隆以禮貌而莊語規勸之李悔愧引過時居民震其凶愆謠言四起事聞省中有夜半入告中丞者張大其詞遂委張軍門來池詰問而君措置妥洽行將解省矣上游壯其膽識益加契重在任六年獄訟日簡聲望日起調補靈璧未及赴任丁父憂星奔旋里

經營喪葬服闋遂不復出生平酷好金石文字搜羅搨本不下千餘通觀覽臨摹寒暑不輟原本家學加之功力吳憲齋中丞以篆法名於時亦相推服里居十八年優游樂道不與外事而於邑中善舉則精心擘畫不辭勞瘁光緒二十五年五月得疾六月二十三日卒年五十有八元配丁淑人未久卽沒繼配趙淑人亦陽湖世家也在家事父母以孝聞出閣事重闈以賢聞佐治以勤敏聞教子以整肅聞至友女嫁於名門女僕痛於身後在淑人猶常事也後君七年卒今與君柩合葬於本邑某鄉之原子覲堯附貢生 會典館臚錄議敘通判女三長適陽湖舉人汪道怡次未字卒次適同里趙士策孫男四定輔兩江師範學堂畢業生定瀛定壩定鉉俱

幼觀堯持狀乞銘荃孫不敢辭因作銘曰

虞山巖業尙湖汪洋山川靈秀鍾毓於楊少事祖庭洽聞殫
見淬鋒十年鬱爲宵練出蒼天水玉潤冰清名師益友吟社
飛聲戎馬西來憑陵畿甸君時治軍沈機決戰彈冠筮仕泣
駕江皋君時治事意氣彌高鳴琴容與古縣秋浦除暴安良
四民得所君去十年民猶憶之法所不及天亦殛之息我江
孺劬書好古福我里氓護持善舉宛宛同穴鬱鬱佳城卜後
嗣之克昌驗貽謀之永亨

俞太夫人墓志銘

太夫人姓俞氏世爲婺源人祖從榮占籍江甯父煊早卒母
管

旌表節孝太夫人幼嫻姆教婉婉淑慎授讀經史貫通大義年二十三歸無錫林介眉大令林亦由婺源遷無錫鄉情世好遂締姻焉大令服官江右署吉水樂安縣事旋補宜春時粵寇縱橫省無完邑大令調信豐城守太夫人寄吉郡避寇鄉間鄉人以匪仇官愆累及太夫人指潭水矢之曰吾家數十口流離至此脫不幸有如此水不累爾曹也鄉人感動遂留居及郡城陷謀他徙鄉人從之越境者均免難信義所孚神明奉之矣大令到宜春任晉省猝歿太夫人絕而甦者再以死者未殯葬生者缺衣食銜悲茹痛勉力支持大吏閱其貧賻以巨款太夫人謝曰吾夫子一生取與不苟敢以貧而傷其廉乎力卻不受三子志仁志道志禮均有治行負能名

人咸頌賢母之教也迨志道入江督幕迎養至江甯居近母
家姻婭重聚太夫人顧而樂之未幾志禮先歿志仁繼之耄
齒傷心病由此起遂以甲辰八月二十三日卒於江甯寓所
年八十有一

誥封宜人

晉封夫人某月某日葬於江西新建縣桃花鄉荃孫貫同郡
同寓江甯志道以狀求文爰爲之銘曰

事父母止於孝相夫子綜其要貽子孫施以教傳懿訓兮享
高年松柏丸丸兮歸新阡永貽後嗣兮福澤綿

柳母鮑孺人志銘

宣統庚戌門人柳貽徵居母喪自丹徒貽書曰我父之歿也

幼嘉言懿行無所聞今母又歿而貽徵年三十有二矣謹具
事略爲志前徵謹按略孺人姓鮑氏丹徒人乾隆中舉鴻博
世稱海門先生孺人之高祖也幼讀四子書強記異常童閒
製小詩不出海門先生家法家本素封經寇中落孺人以女
紅佐饗殮無驕貴習年二十九歸同邑柳君泉泉字逢原邑
諸生柳氏世以經術名春林先生尤精濂洛之學泉之曾祖
也家赤貧無立錫地以教授餬口孺人椎布操作有梁孟風
逾年生一女逾七年生一子卽貽徵也貽徵生七歲而孤遺
命貽徵必讀書依外氏以居孺人流涕受命葬畢常住外家
孺人自課之進則色喜荒則色憂有以學賈勸輒流涕以遺
言卻之逮貽徵補弟子員充節垣學堂教習授室移居處境

稍裕而孺人漸多病近年喪婿喪兄心緒日棘疾益不可爲遂歿于宣統二年正月十四日年六十有六四月祔葬于丹徒城南朱家岡夫塋禮也柳鮑清門世族著聲京口才質德行皆有儀法孺人暮年病軀親友勸入劇場以散鬱斷斷以爲不可並著爲家誠此其闡德有過人者宜貽徵篤志向學讀書能自立也爰作銘曰

昔賢汪氏爲慈母言暑溼寒餓煦育後昆後昆繼起焜耀里門母也力竭奄忽九原枝葉日茂難培本根我聞此言涕淚潺湲柳母亦然夫復奚論縣縣荒郊松檟永存孺人之德施于子孫

藝風堂文續集卷一

藝風堂文續集卷二

江陰繆荃孫

漢陽萬梅巖觀察夫人蕭氏合祔墓志銘

光緒丁未正月吾友漢陽萬梅巖觀察中立歿於金陵寓齋
孤子昭廣等扶柩歸葬漢陽竹林山之原原配蕭夫人祔焉
溷陽尚書端方公爲之銘其明年昭廣又馳書致荃孫爲蕭
夫人作志攷隋元公夫人姬氏唐田佚夫人冀氏均合祔而
別志謹援其例而爲之曰夫人黃陂望族幼承母訓誦讀詩
書勤儉出於天性年十六歸觀察侍奉姑嫜得重闈歡時家
境豐腴夫人屏紉綺弗御不恃豐腴而趨奢靡而戚鄰有窶
乏者節縮衣食周濟之至再至三不吝嗇也歲戊戌觀察改
官江南夫人奉姑就養有止之者夫人以得侍養一日稍盡

一日心而姑亦以非夫人侍不樂也庚子北警頻聞南中亦
岌岌江督檄觀察護蘇松太各教堂訂互保之約夫人奉姑
先還漢陽而促觀察盡心國事病則茶湯藥餌事必躬親歿
則苦塊哀泣人皆稱孝盡人所難能者後家境漸不如前觀
察以是爲憂夫人慰之曰君慮負人不得償耶請勿以此區
區者往來於心徒耗神志耳救貧莫如節儉當自我始及昭
廣以知府分發浙江夫人又誡之曰勿謂作官易當時念若
父訓庶弗貽父母羞俄以微疾卒於金陵時年四十有三夫
人持躬儉治家肅教子嚴雖無奇節異行而要其立法類於
士大夫之誨友而知道者宜觀察痛惜而思之不置也子三
人昭廣花翎浙江候補班補用知府次昭廡花翎二品頂戴

山東補用道次昭序候選知縣昭序庶出幼失母夫人撫如
已出孫七人爰次行事爲之銘曰

石城名家蘭陵茂族猗歟夫人懿行貞淑長修女誠幼讀父
書事攻組紉品重璠璣嘉偶曰配爲中外則姑慈以甘娣下
以色豈其境遇後嗇先腴節以制用度不改初慰夫以誠誠
子以直內政秩然母儀婦式葬華易謝蒙楚誰刪幹依淺土
魂返神山炊曰先占仰橋繼折鬱鬱佳城淒淒同穴寒風薜
荔落日松楸漢陽之泃片石千秋

興化李君妻趙孺人壙志

光緒癸卯余與興化李明經詳訂交長箋特賁興託夫千言
短札往商師資夫一字交誼日密於今五年戊申秋日出其

賢妻趙孺人事述屬余志墓余爲第其本末曰孺人趙氏諱雲珠興化沙溝人粹美著於幼聞開敏見之處世年二十五歸明經姪從其姑婦而兼女德曜椎髻卻時世之妝少君汲甕盡中饋之職旣而明經食餼孺人舉子物情聊慰眾望咸推然而家徒四壁食僅雙弓旣蕉萃之自傷復拂逆之時遇搶地而難以自解呼天而疑莫能明盪危魄於淒風迫餘生於短日人非草木何能無知身非金石亦何能長壽耶明經雅擅多聞復傷不遇負旭慙銳銀之志則學積而神疲有鬱伊善感之懷則心勞而體悴孺人旣刲臂以延夫命幾和藥以戕厥躬蓋始傷於貧繼傷於病萬端理焉百憂叢焉迨至家計稍紓所生俱長銜泥海燕巢成而口卒瘁作繭春蠶絲

盡而身亦蛻孺人遂不及待矣歿於戊申四月廿一日子時年四十有九子四王祐鴻祐武祐景祐女一孫傳恭傳敬嗚呼哀哉蔽蔓之誓獨居獨處之堪悲黔婁之乖營奠營齋之何益爰以某年月日葬於某鄉之某原嗚呼哀哉白日不暉蒼苔永閉爲陵爲谷何年何世借他山之貞石志深閨之行誼安仁哀逝旣撫櫬兮增欷莊生通命當鼓盆而收涕

重修宋王忠盡公墓碑

夫忠臣報國雖殘畱廢壘有必爭烈士成仁縱絕脰剖心而不悔是以卽墨不下惟恃田單槐里云亡空悲周處迨至河山破碎羣稱忠義之邦陵谷變遷尙表將軍之壠然未有官卑死烈跡往名留如宋末常州之難守將王公安節者也公

臨川人前守合州王公堅子鈞魚城古名將門高善讀父書
匪同趙括誓以死報遠紹万俟先是師相遁還國威零替堂
半閒夫蟋蟀更漫續夫蝦蟆空著福華之編未授平戎之略
大事去矣舉國憂之德祐元年夏五月劉師勇復常州安節
以兵從偕知州姚訔通判陳炤共守之蓋以毘陵一城上接
京口南可墮瀾洮二水使敵不能由陽羨以擾吳興東可扼
花定兩山使敵不能由海虞而攻吳郡作臨安之外墮佐天
水以中興敵旣百道來攻公亦一心拒守攢鋒成林投袂爲
雨飛矢電激彤珠星流再接再厲卻克之鼓未絕九攻九拒
墨翟之帶有餘蓋自五月守至九月孤城未拔勁敵自摧假
令廟議和同援師直進襄尹玉以勵戰士誅張全以警貳心

轉戰而前重圍立解文天祥勤王之卒屯聚浙西李庭芝敢
戰之軍憑陵淮甸未復之州郡返正可期不降之臣民同聲
相應建炎舊轍未嘗不可復覩也無如數鍾陽九天將混一
紅羊劫換白馬潮收止殺之詔未納姚樞之言勸降不膺大
觸伯顏之怒王良臣鷹犬自詡先效馳驅呂文煥梟獍爲心
甘爲鄉導雷轟天而聲同霹靂塹掘地而穿似蜒蚰無蚍蜉
蟻子之援有猿鶴蟲沙之慘萬馬晨突百雉宵頽而城不可
守矣公猶鑿凶而出搏人以投王厓之家猶在生死不移蘇
武之節取來激昂可想汧城雖倚馬督滑臺終殉陽生嚼齒
欲穿斷頭不屈闔城併命百戰無功嗚呼烈已事聞贈保定
軍承宣使諡之曰忠盡禮也四世孫伯璵遠就學官來依先

兆王琳之血收之者遺黎安定之塋修之者後裔所以知州
通判同死城中而公墓猶可蹤跡者賴有賢子孫也光緒丙
午署知府許公既修公祠復修公墓併伯璵之墓修之杵百
築而自堅巒數重而不損爰徵鄙製藉表偉人鼯嘑狐嘯荒
郊禁樵牧之侵鼯負螭盤貞石壯河山之色爰作銘曰

大廈將傾一繩難繫誓眾椎心登陴雪涕孝寬堅壁留贊叫

天祇期捧日敢望淩煙拔刃銛消磨旗竿折贖兮百身殉之

一穴故主漢北舊部天南

謂劉公師勇

靈兮不泯相對無慙松棟

芝桷椒漿桂醕藉以教忠匪曰弔古我來墓道涕淚闌干松
陰日澹蘿徑風酸城西一角臨川之里九原可作十世濟美
武烈舊宅端明顧塘與茲鼎足枌榆有光

清誥授奉直大夫 誥封資政大夫重宴鹿鳴翰林院編修
俞先生行狀

曾祖

祖廷鏞乾隆甲寅 恩科 欽賜副貢生 妣夏氏戴氏

考鴻漸嘉慶丙子科舉人 妣蔡氏嵇氏姚氏

本貫浙江湖州府德清縣人年八十有六

先生諱樾字蔭甫號曲園舊居德清東門之南埭姚太夫人
生子二先生居次先生生三日太夫人得病甚危積二十餘
日始愈四歲遷居仁和之臨平鎮先生幼有夙慧太夫人日
授四子書過目不忘九歲戲爲書自注其下著述等身篤老
不倦實兆於此年十六補縣學生道光丁酉科副榜貢生甲

辰 恩科舉人庚戌舉禮部試覆試一等第一名

殿試二甲

賜進士出身改翰林院庶吉士覆試詩題爲澹煙疏雨落花
天首句云花落春仍在爲曾文正公所賞謂詠落花而無衰
颯意與小宋落花詩意相類言於同閱卷諸公置第一此先
生受知文正公之始後遂以春在堂名其全書志知遇也咸
豐壬子散館授編修以博物閎覽稱於輦下乙卯四月考差
上以舜在牀琴命題時海宇多故宵旰憂勤先生借題發揮
以見古聖人不難不竦遇變如常并旁引文王之羨里鳴琴
孔子之匡邑被圍絃歌不輟以明先後聖之同揆八月
簡放河南學政奏請以公孫僑從祀

文廟及聖兄孟皮配享崇德祠並邀

俞允甫再歲以人言罷歸僑居蘇州先生既反初服乃壹意治經以高郵王氏爲宗其大要在正句讀審字義通古文段借由經以及諸子皆循此法冀不背王氏之旨其羣經平議則繼經義述聞而作諸子平議則竊埒讀書雜志之後古書疑義舉例則小變經傳釋詞之例而推衍之先生之私淑王氏謹守家法不苟如此逮其後俞樓雜志曲園雜纂茶香室經說諸書出其析疑振滯皆與前書相仿或有精義較勝於昔學與年進先生不自諱也先生旋吳猶及見宋大令翔鳳得聞武進莊氏之學故一切忠緯家言亦偶涉之要見先生精力過絕於人遠甚先生業以著書自娛遂不復出會文正

之督兩江李文忠之撫吳下咸愛重之先生以巾服從游往來如處士文正有閔才不薦徒竊高位之語論者謂文正懲徐侍郎之奏不敢繼進於先生本志所在固未喻也先生歷主講蘇州紫陽上海求志德清清溪歸安龍湖等書院而主杭州詁經精舍至三十一年爲歷來所未有其課諸生一稟阮文達公成法王侍郎和孫觀察星衍兩先生之緒至先生復起而振之兩浙知名之士承聞訓迪蔚爲通材者不可勝數門人爲築俞樓於孤山之麓以與癖廬相配游湖上者皆能指其所在相與樂道其地不絕先生自少至老讀書著述皆有常程每竟一歲皆有寫定之書刊布於世晚年足跡不出江浙聲名溢於海內遠及日本文士有來執業門下其不

及者則從海舶寄書質證賦詩相祝而如蒙古賢王京邸宗
藩或遠來求書或以楹帖寄贈以致傾慕先生居林下四十
餘年於光緒癸卯正科溯舉道光甲辰鄉試計周一甲子浙
中大吏以重宴鹿鳴請得

旨開復編修原官有早入翰林殫心著述啟迪後進人望允
孚之

諭先是先生省母於其兄福甯官舍晤閩浙制府英香巖相
國爲道咸豐閒以河南巡撫入覲

文宗猶詢及姓名有人頗聰明寫作俱佳之

諭先生聞之不覺失聲至

今上復有此

旨稽古之榮一時無兩往者曾文正謂先生拚命著書食報之隆乃償於後可謂極儒生之殊遇矣先生訓誥主漢學義理主宋學教弟子以通經致用蔚然爲東南大師晚歲憂傷時局常語人曰形而上者謂之道形而下者謂之器以中學爲體者道也以西學爲用者器也病中猶以毋域見聞毋忘國本垂爲家訓東修所入別以賣文字自給有餘則振贍親族拯卹災患樂以爲常授孫陞雲讀不名他師陞雲以戊戌第三人及第親見其典試蜀中舉特科乞假侍左右賦詩相樂其祖孫翰林庶幾亦猶高郵王氏文肅之於文節先生雖得年稍遜懷祖名山之業固實繼之世俗耳食多以曲園比之隨園雷同相和所謂貌同心異有道於通人之前宜不值

一映也先生以光緒丙午十二月二十三日卒於蘇州寓廬
臨終賦自喜留別詩以賤啟代訃夷然委化至無所苦朝野
人士聞之相與咨歎謂頓失儒宗後生小子於何宗仰今江
蘇巡撫陳公臚舉先生學術及所著書入奏

天語寵被

詔入國史儒林傳以旌其學者儒著書之富受

知之厚信無如先生者卽其仕不中蹶度至卿相而止耳以
彼易此殊有不侔先生可以慰矣先生著書凡五百餘卷其
有功經義諸子則有羣經平議五十卷諸子平議五十卷第
一樓叢書三十卷曲園俞樓雜纂其一百卷茶香室經說十
六卷古書疑義舉例七卷餘則具先生自著全書錄要中先

生於兵燹後總辦浙江書局建議江浙揚鄂四局分刻二十四史於浙局精刻子書二十四種海內稱爲善本又議鈔補

浙江

文瀾閣舊藏

四庫全書今閣重建而書亦備具沾溉儒林嘉惠尤非淺鮮古來小說燕丹子傳奇體也西京雜記小說體也至太平廣記以博采爲宗旨合兩體爲一帙後人遂不能分先生右台筆記以晉人之清談寫宋人之名理勸善懲惡使人觀感於不自知前之者閱微草堂五種後之者寄龕四志皆有功世道之文非私逞才華者所可比也荃孫於光緒丁丑初見先生於曲園奉手受教先生因與先君子丁酉同譜誨之尤切

後每過蘇必侍談數次先生成書首先遺之荃孫有所撰述亦必郵呈訓誨去年九月猶侍談三時之久窺見先生精神強固言語貫串私心自喜以爲可繼伏生之壽長爲後進之導師別後又兩奉手書而孰意竟不及再見耶嗚呼悲已謹略舉先生爲學大概及聞見所及如右以備當世爲志傳者之采擇若其持論之精先生全書具存第而擷之是在史氏鄙之所述庶亦以增麗焉年愚姪江陰繆荃孫謹狀

朱君松筠墓表

光緒丁未六月江南高等畢業生甘泉朱董以其大父松筠先生事實求志墓荃孫見近日學生舉先輩詞章考據之學一切掃而空之以張新學朱生猶求荃孫之文以葬其大父

其識誠高出一等亦松筠先生貽謀之善有以致之何敢以不文辭謹按狀君諱錡字松筠先世從婺源遷甘泉遂爲甘泉人父嘉祐食鹽筴君嘗隨侍奔走江淮閒以祖母年高留侍左右癸丑三月揚州陷父命奉祖母領眷屬出城而父陷賊中事聞飲泣竟日祖母嘔血幾死復強爲歡笑以慰賊退反揚州於城內積尸中求父尸不得號哭於路者三日遇鄉人自賊中來者云於城南門遇之屬寄語君善事祖母與母無以我爲念自此音問遂絕君乃負販走賊中求音耗遭賊者屢矣不稍畏葸反號哭以求父賊皆憐而釋之如是者有年丙辰二月揚州再陷祖母殉焉君僅負母出險奔於秦州賊退再反入門見尸痛極而暈蓋慘家庭之喪亂悲城民之

死亡四年之間兩遭奇禍通衢隘巷碧血凝結不減於積尸
中求父尸時也是歲移居於仙女鎮北之孟家塘丁巳生一
女庚申又生一男君以爲兵刃餘生僅存老母又及垂暮之
年厭苦驚亂避居鄉曲朝赴鎮市夕歸村閭雖一日不敢離
母左右如是者又有年辛未歲移居鎮上其明年壬申母氏
沒君哀毀骨立有母生不辰之悲有父死無骨之痛乃具衣
冠合葬焉辛巳女歸董氏壬午子允元補博士弟子員君喜
動顏色謂讀書種子絕而復續是年爲允元取俞氏越二年
卽逝婦又繼之越三年適董氏女又逝遺孤方四歲承嗣舅
氏名之曰董是時上無伯叔下鮮兄弟家庭之中惟君與董
二人君乃謂董曰吾身歷險阻備嘗艱苦皆不足爲吾心累

而揚州初陷汝曾祖無骸骨是吾一痛揚州再陷伯氏死節是吾再痛汝嗣父及遺孤逝世是吾三痛汝母之死是吾四痛遭此四故吾心碎矣汝其誌之董謹受不敢忘而君疾革時無遺囑之言僅得此數言留爲遺念也悲夫董力學有年名高庠序肄業儀董又改江南高等去冬以最優等畢業君心甚慰今春學司檄查揚屬學而君年高舊疾舉發於三月十二日逝矣次日董自興化歸猶及視含殮也年七十有三茲於■月■日葬於甘泉之■配■孺人耐焉嗚呼粵寇之亂大江南北闔戶填尸不知凡幾君猶得外孫承祀不至餒而之痛亦不幸中之幸奈何無心肝者猶俎豆金田乎是爲表

錢中丞家傳

中丞公諱鼎銘字新之號調甫又號定舫先世由海虞遷居太倉之湖川塘遂爲州人考諱寶琛嘉慶己卯進士授編修官至湖北巡撫晚年自號頤壽老人公幼聰穎六歲入塾誦書如夙習八歲喪陳太夫人哀毀如成人歷隨滇浙江楚各任所恪供子職服食儉素深惡仕宦家豪侈之習長卽留心世務取歷代名臣言行反覆體會參以時宜務爲有用之學丙午中本省鄉試二十名舉人經藝進呈

御覽庚戌考取景山官學教習咸豐癸丑大挑二等以教職用旋值上海劉麗川作亂襄理守城並籌餉餉甲寅選授贛榆縣訓導學署故湫隘歷任皆儻居民房公捐貲修葺內外

整潔諸生請業來者必勉之敦品勵學雖在任僅數月而造就良多贛人至今稱頌丙辰入都遵例報捐主事籤分戶部湖廣司行走己未丁外艱星奔旋里庚申粵匪燄熾蘇州陷公挈家避崇明未幾太倉亦陷巡撫以下皆保上海其地居蘇省下游三面受敵無險可扼又當賊鋒正銳朝夕莫保而督師曾文正公方以

欽差大臣總督兩江駐軍祁門去滬且千里道途隔絕聲息不通羣議欲保危局非乞師曾營不可而環顧同儕無敢應其選者團練大臣侍郎龐公鍾璐中允馮公桂芬乃致書公謂滬上一隅之地關係大局安危設再不守則東南半壁無尺寸乾淨土當此之時仁人之心當不以成敗利害計也且

中丞公遺愛在楚曾營多楚才是役微君孰能肩之公自避
難以來志存恢復日夜悲憤及得書慨然引爲己任遂扁舟
達滬與當事議先籌餉而後乞援駕輪船入江江面僞卡聯
絡驚濤駭浪之中飛礮如雨竟直達皖江抵祁門謁文正公
備陳江左顛危狀請發大兵東下以救倒懸至糗糧之事某
自任之反覆數千言繼以痛哭文正始以上海彈丸之地籌
餉不易縱有勁旅恐難挽救宜持重以待事機爲辭至此亦
爲之淚下是時薛撫軍煥方遣員赴楚募勇萬二千人文正
以其所募皆各營汰遣者雖多無益命公解散之乃於風雪
中抵漢口遇所募卒簡精壯九百人餘悉遣散無譁者文正
多公有幹練才遂許發兵公先返滬商渡軍之策觀察吳公

煦與西人習顧輪船數艘籌餉二十萬趣公復往迎師文正公奏派李文忠公率淮軍十一營湘軍一營附輪船東下至采石磯輪膠於沙南岸金陵北岸和州相望皆賊巢統兵諸人四顧錯愕公鎮定如常潮至始行於是淮軍創賊名聞天下公則專司輪輓及添募製造悉心籌畫無少匱絀二年間遂得肅清江表立功鄉里豈淺鮮哉歷次保薦直隸州知州知府道員布政司銜花翎二品封典同治五年李文忠公督辦直東豫皖軍務命公駐清江浦司轉運盈虛緩急相機籌備一舟一車撙節妥慎苦心經營蓋數年如一日文忠疏中所稱蕭何轉餉爲第一功也六年十月賴逆敗竄運防戒嚴公兼充營務處分軍扼要禽渠解脅淮揚安謐漕督張文達

公具疏以閏八年正月曾文正公以首揆督直隸疏論人才
謂公才大心細堪膺重任請調畿輔得

旨允行三月清釐轉運局事旋投直隸大順廣道時畿南患
旱抵任後詳詢民間疾苦接見屬僚議及振卹咸以抽辦則
易生缺望徧給則籌款維艱且恐鄰屬觀望公以巡閱爲名
周歷三郡二十六邑振災害最重之肥鄉廣宗成安及大名
元城等七州縣核實辦理十一月授直隸按察使奉

旨俟畿南振務辦竣再行來見遂密飭肥廣等州縣借編查
保甲將極貧次貧戶口月冊詳注以便來春委員覆查並嚴
定章程刊發春貸票式迨易歲後春旱尤甚請於總督春貸
免還徧發告示頌聲大作及抵任值天津民教案起文正公

赴津治其事公請調銘軍移駐滄州隱爲備禦八月擢直隸
布政使藩署公事向多積壓公特爲分別最要次要日行三
種限日清釐遂除延閣之弊直屬十年九旱通飭各屬開井
種桑大資民利是秋北河漫溢撥司庫二十萬金振被災最
重之津靜滄青四州縣其次河閒等十三州縣分別撫卹又
次各屬酌請蠲緩手定章程十條一嚴覈戶口二慎選紳董
三赴津運米及給腳值四以銀易錢俾便行用五先期給票
以便稽查六擇要設廠以均遠近七留振款以備春荒八興
工作以資傭趁九酌給紳董經費十嚴定委員賞罰尤於用
人理財諸大政加意講求凡所甄拔悉皆賢俊畿輔一帶稱
頌弗衰十一月授河南巡撫十一年四月蒞任中州界連七

省道府州縣在省垣需次者四百餘員排日分班接見兩月而畢不特姓名年貌並其性情言行皆能默識而區別之量才器使眾心服悅時固始賊李六陰結捻黨起事遣將扼之一戰而潰首要各犯悉就禽誅因慮汝南數百里向爲盜藪而捻患乍平之後廢壘尙多易滋伏莽乃飭各州縣毀圩砦嚴緝捕仿直隸章程選綠營馬步驍健者創爲練軍更定營制厚其糧餼年十五以上二十五以下者編入伍籍選樸誠勇敢之將統之先練四營續增正副九營築壘支棚分紮要隘無事則訓練有事則徵調俾成勁旅復令更番巡緝如南陽府屬之賒旗鎮馬山口板橋川茅草壩李官橋青華穰東饒良鎮李青店汝南府屬之翰東集明港驛斗溝銅鐘寨五

溝營出山店新安店光州屬之淮鳳集黎家集期思集白菜園皆常川駐巡他如陳州府屬之周家口許州屬之襄城縣汝州屬之寶魯一帶山僻歸德府屬之界連江皖各縣河南府屬之嵩永各山隘陝州之閔靈大路及河北之彭衛通衢皆往來撥隊量其緩急以定多寡巡已卽練練已卽巡兩無偏廢於是豫南伏莽次第肅清仍飭各州縣力行保甲以清盜源令各因地制宜斟酌損益總以實力奉行期見明效爲斷飭各屬興修水利浚賈魯河修復斯脛河易其名曰勺金他如丈八溝清河餘濟河天然渠永豐渠等處皆以次興修凡有溝洫之利者七十餘州縣咸報疏治委勘無誤初頤壽老人出守歸德會於城南開渠一道以溉田畝土人名曰鐵

公渠年久淤塞幾成平陸公巡閱至歸德紳民請復渠乃興工兩月而渠竣復勒碑記之河北之淇縣河內厥地宜稻而居民不解種藝乃仿江浙水車製造新式開稻田二千餘頃爲河北從來所未有軍興以來倉穀無存廩房坍塌仿方恪敏公遺法勸民積穀城鄉分設義倉由縣擇公正紳耆董其事不假手於吏胥計通省積穀九十三萬石荒歉足以爲備州縣私設班館羈押人犯胥役凌虐死於非命者不知凡幾公簡派廉明公正之員藉冬令巡緝爲名分赴各屬循環密查使命相銜互爲糾考而委員之賢否牧令之勤惰勸懲交盡奸蠹莫容鄧州多溺女之風乃設保嬰局於南陽官覓乳媪養嬰五歲仍令其父母領回通省皆仿行之省垣建游梁

書院令各省官幕子弟肄業其中又以中州多理學名儒飭各州縣修葺先賢祠墓訪求遺集歲時存問其後裔孟津河溢衝齧漢光武陵亟疏請於

朝籌款於鐵榭寨添拋石壩以資保固兼於上南中河兩廳黃河工程加添十餘壩堵禦急溜悉臻穩固山東石莊戶河決丁文誠公寶楨駐工親督合龍公助以運稽之船應期而至旋以稽料不足公選員分赴蘭儀考城等處幫同購辦並將下南廳本年預儲稽料借用一百垛連檣而下即日合龍豫省自軍興以來司庫匱絀異常迨嵩毅兩軍奉

命調援甘隴復調出關月餉則以道路寫遠提前三月趕解無誤軍需數年回逆蕩平其統籌全局不以界分尤近時督

撫所罕見也論者謂豫軍不無裨益云公性耐勤勞一切兵刑錢穀水利農田等事雖百端叢集必親自裁決刻無暇晷接見僚屬諄諄勉以循良力戒仕途積習以聽斷緝捕徵發三事爲考察闖茸廢弛者立斥之故撫豫三年吏治日有起色甲戌十二月

穆宗毅皇帝龍馭上賓公北向長號終日涕淚飲食銳減又念時事多艱受

恩深重無以報答涓埃憂思積慮火鬱於中遂至發爲瘡瘍乙亥五月薨於位

賜卹如禮生榮死哀士林稱之頤壽老人修縣志僅成太倉人物志數卷名壬癸志彙公擬續修而未及城中鹽鐵塘淤

公商諸州牧鳩貲命工開鼓樓橋至北城下設立水關開永安橋以南至南城下又建南水關蘇太試院向設崑山就試者遠近不齊克復後公與中允馮公議蘇屬設郡中太屬設州中請諸大吏聞於

朝得

旨允行江南賦額之重甲於天下而蘇松太爲尤甚公與蘇紳會商力請當事奏減三分之一民困以蘇公雖在外於桑梓事無不悉心籌畫宗祠舊在剪刀橋衝兵燹後半就傾圮公倡捐修復之公事親孝治家嚴謹守庭訓不踰尺寸家訓嘗曰士先器識而後才藝敦品立身人生第一要務善守先業不徒文章報

國已也性友愛視諸從堂兄弟叔姪輩如同胞尤篤於友誼
凡有委託莫不盡力玉成故捐館後遠近聞之無不痛惜配
陸夫人繼陳夫人側室吳氏子二溯耆同治庚午優貢內閣
候補中書

賞主事溯時蔭生

賞舉人女三適陸適廖適汪孫三人女孫一荃孫與公子溯
耆有年誼公之政事具列

國史謹撮其德行與言語文學以爲家傳

論曰頤壽老人由編修出守歸德後巡撫湖北公亦以致楚
師立功後巡撫河南兩代偉人始終豫楚其造福於地方亦
有前緣耶何巧合也

王生吉臣家傳

君姓王氏諱家枚字吉臣號寅孫同邑華墅鎮人祖塋道光壬辰恩科舉人任崇明高_高縣教官入邑志文苑傳父泰階增貢生翰林院待詔五品藍翎著有青箱詩文等鈔君幼慧讀書目數行下年十九入邑庠試輒優等文名藉甚取南菁書院肄業生甲午本省舉人援例得主事分度支部浙江司行走卒於光緒丁未十二月十五日距生於同治丙寅得年四十有二君攻詞章駢儷之學胎息醇古不作唐以下人語嗜書成癖以館穀之資盡置書籍見異編必重值購歸或以太費規之則曰我王考藏書三萬卷一一手加丹黃惟以讀書望後人今我所得尙祇十分之三敢不勉力乎庶幾後

人無忘祖訓於邑中先輩著作竭意搜羅露鈔雪纂無分晷夜小種則彙刻之哀集先人遺著宛委臚彙及青箱雜鈔編次校刊嘗語子弟曰先人纂述甚富惜燬於兵僅留此區區當世世奉爲弓冶之傳不可忘又嘗指授經史大義謂方今功令振興新學然仍宜多讀書以經史淑身閱世以名大家文植詞章根柢固萬世不易者也所著

國朝漢學師承記續編一卷重思齋詩文集六卷貢息甫先生年譜一卷並仿澈水志例著華墅鎮志四卷又雜取諸家文集有關於吾邑文獻者條記成帙於新志所闕者補之所略者詳之爲梓里咫聞錄二卷皆可傳者荃孫主講南菁見君擬唐黃文江秋色賦知其蘊釀深厚不爲考試所囿者遂

常與君談喜其事。事皆有本原。迨去南菁得一書。則相告如楊氏雜諍沙定峰詩集。皆從君錄。副如李忠毅年譜。包文在勿玩等書。皆倩君物色之。朔風改歲。忽得君訃。惋惜不已。賦詩悼之。其弟家樞以家傳請。遂不辭而爲之。

論曰。吾邑自宋及明。不乏大著作及收藏家。至

國朝。則在武陽錫金。宜荆之下。何耶。士皆專攻帖括。高者則談理學。詞章訓詁。絕無門徑。道光朝李申耆先生主講。暨陽及門。徐宋諸君。得有指授。惜均未發達。無以歆動士子。荃孫遠游。稍窺乾嘉學派。與金粟香夏彥保兩君竭力搜羅前輩著作。得則互相鈔送。尙有錮蔽不肯借者。後至南菁。方知王君吉臣有同嗜焉。君所鈔如崇禎江陰志。所刻有沙定峰翁

齋堂詩文等集方以爲吾輩日衰有君爲之後勁庶足挽吾鄉之積習乎孰意年不中壽薨華易謝祝予之慟情何能已君之弟子尚其繼起而賡續不已者乎拭目俟之矣

世醫孫憩南家傳

記曰醫不三世不服其藥古者論病以及國原診以知政論人血脈經絡骨髓陰陽表裏以起百病之原死生之分世醫自少至長目染耳濡考訂較深見聞較博所以記者忠告天下何其言之深且摯也同邑友人孫君憩南爲繡峰先生之長子繡峰先生以醫名於江南君幼承庭訓長復從良師游遂傳其術以醫活人門診日數十人來延者雖風雨深夜無不卽往至貧且苦不但卻其謝並時與以藥餌以活遠近十

卷之二 卷之二
餘里中無不感戴嘗於春夜診病馬逸墜河傷胸驟得血證以是不永其年病逝之歲年甫四十以醫救人不能自救傷哉幼時遭亂父又早歿遺命以幼女未字以弟繼叔父後爲囑君涕泣受命嫁妹望族撫弟成立克踐其諾初遭難境甚苦及稍裕則修祠宇勅宗譜撫遠族弟連生同居而長成之並以餘力建富家橋以便行人爲族嬖華氏積貲以養老侍師長恭而敬御下寬而和治家嚴而肅皆人所難能者君諱伯棠江陰青陽鎮人娶曾氏能佐君治家子二長一奎能世君業卽今來求傳傳君者次建奎女二孫男四壽彭壽德壽儒壽封

繆荃孫曰少時常從繼母歸甯四河鎮時外王父母在堂君

卽外王母之姪孫也與予同庚學問同遊戲同性情相孚出入相得君時讀書務進取不專治醫業也後遭喪亂別十四年而相見君已連遭大故恃醫爲生計聲名亦日以起再遲數年復見則君已得疾不復如前日之意氣矣入都未久遂聞君訃爲之作數日惡今爲傳軼事猶如目前而墓有宿草已歷年歲泚筆傳之悲何能已

曾太夫人左氏家傳

曾太夫人左氏陽湖人湖南巡撫左杏莊中丞之孫女陝西鳳翔同知巢生年丈之幼女而華陽曾吟村太僕之配也諱錫嘉字小雲夔居後改字冰如與兩姊錫蕙錫璇均有名都下事繼母以孝聞太僕以甲辰進士官戶部授江西吉安府

知府粵寇陷城奪職曾文正公調赴軍營積勞卒於安慶奏
復官並

贈太僕卿蔭一子入監讀書時太僕二親在蜀撫一姪爲子
太夫人生子三人女子五人大者不盈十歲幼彌月耳迺撰
資斧扶柩挈細弱五千里由水程返會自繪孤舟入蜀圖題
詠以紀其事太僕舊居華陽之龍潭寺地鄉僻世業農太夫
人躬耕以養并日而食無怨言無難色二親旣逝以村塾不
足課子乃遷居省城之南傍浣花溪結茅而居鬻書畫製通
草像生花鳥得貲以供子讀爲三子娶婦嫁五女均從十指
中求生活蜀中士大夫莫不曰曾氏有賢母也光緒庚辰光
煦赴監讀書期滿選山西定襄縣知縣迎養任所戊子己丑

光岷聯捷進士觀政刑部光文以軍功官知縣嗣子光禧官
福建邵武府經歷孫儀進癸巳副榜家門鼎盛孝養彌隆太
夫人時以昔年遘難含辛告諸子婦俾時生警惕心光煦涖
官恪守母教所至有聲太夫人顧而樂之先以太僕官

封淑人至是以子光煦官加級

晉封夫人光緒乙未卒於鄉甯官署年六十有五荃孫與左
有連在蜀時太夫人敘及戚誼余妻莊思琇亦能畫時就正
太夫人氣誼之孚幾同骨肉入都後太夫人亦自定襄來會
晤而月別一年而思琇卒太夫人哭之慟手書輓聯以志哀
其性情之厚亦可見矣著冷吟仙館詩文集十卷已刊行
論曰曾氏自太僕之沒子多而穉道險而遠太夫人閒關西

上逾年始至可謂勇矣江南世族閨門驕佚驟居農家皴手
皸足養老撫幼勉力支持可謂賢矣子孫成名女適士族老
人蔗境貴壽以終可謂福矣嗟乎後之甘適以償其前之苦
天道有知吾常聞秀如太夫人尙不數數觀也

貞孝程女傳

貞孝程女者江甯程光裕次女辛卯舉人先甲姊也家素貧
事親孝嘗刲臂療父疾撫諸弟小者抱持大者櫛沐悉畢其
力暇治女紅以周匱乏幼字上元周爲鈞爲鈞旋歿家人匿
弗告明年女覺之不食三日家人勸終不納乃羣請命於父
母歸於周事舅姑如事父母先意視聽操井曰勤箴紉雖嬰
疾必力行之未嘗有戚容遽色舅患疾亟又刲臂和藥以進

疾立瘡他日姑見創痕撫之而悲事無巨細務持大誼其難處者窮日夜思之深識遠慮隱在肺腑舅姑不盡知亦不欲使之知以重其憂也女雖竭力治事疾痛恆不自言而死志素定百憂煎其中萬事勞其外自謂此身如寄得以速盡爲幸迨父母歿哀毀益復不支未二年卒年二十有九嗚呼傷已先甲以事略求文荃孫舊史官也不辭而爲之傳

評曰昔王繼成論韓貞女云境不知夷險事不知難易時不知久暫所知者分所當盡而已志士仁人之所爲能過是耶至哉斯言今於貞女亦無以加於此云

陳總兵事略

改黃岡洪右丞前輩文

陳國瑞字慶雲湖北應城縣人年十一提督黃開榜養之爲

子從軍擊賊克復正陽關及懷遠城奮身首登此爲立功之始咸豐九年十二月賊踞鳳陽府縣兩城城甚堅國瑞謂非出奇計不可下會大風率壯士七人懷火毬攀堞上火起奮殺官軍乘之賊眾驚潰踐蹋死者無算遂復府縣二城生禽擒首張元龍等前督師勝保上其功擢守備加都司銜賜技勇巴圖魯名號十年正月

欽差大臣袁甲三奉

命討淮北賊調國瑞隸其軍時壽州危急命率兵往剿中途聞賊犯鳳陽乃黑夜返旗往援連破賊壘解鳳陽城圍以功擢游擊同治元年賊陷天長國瑞移軍駐高郵寶應與天長界之下五鎮屢戰未克偵知賊有小將陳振邦者多謀勇設

計取之遂克其城畜振邦爲子天長旣復而捻逆竄清淮署漕運總督吳棠調國瑞往剿僅率壯勇五百人赴敵而賊眾數十萬踞淮關署劫稅銀去國瑞揮軍追擊賊奔奪回所掠捻逆退逼清河國瑞率五百人往援深入賊陣賊易其少圍之國瑞奮力衝擊自辰至酉斬馘無數賊大敗國瑞勇均服紅比甲賊中稱紅孩兒軍名聞天下事聞

諭旨褒獎陞副將加總兵銜國瑞益勵奮進剿桃源宿遷等處殺賊萬餘級拔出難民八千人移軍進邳州累戰皆捷擒酋高圭詣軍門降清淮悉平奉

旨以總兵儘先題奏髮逆逼揚州襄下河危急移剿高郵寶應召伯埭各湖面殲賊數萬人十二月吳棠奏派會剿山東

鄒蘭幅匪率所部二千人進攻徐塘圩蘆塘兩匪巢爲士卒
先躬冒礮火負土填塹浴血被體殍升不輟攻堅折銳如摧
枯朽匪駭潰進攻長城捻目趙開元合三岡幅眾馬步二千
人來援馬突陣如飛國瑞全軍張兩翼匪三馳不動進退漸
懈國瑞旗三弊三作洋鎗如雨開元墮馬死前隊盡靡全軍
夾擊匪奔北破援賊李成十萬眾又破岐山斬匪首孫化祥
降仲村賊首宋三綱等賊砦悉平散遣脅從萬餘人乃進兵
攻兗州之白蓮池白蓮池者教匪宋維明等所踞中環九大
山山峻路險賊砦其上出劫入保爲民患有年國瑞兵至逆
酋劉雙印率黨迎戰國瑞命部將郭寶昌從小路領兵出賊
後命康錦文潛師伏山徑中俟賊過半橫出擊之國瑞自將

衝其中堅三路夾攻陣斬悍賊萬餘生擒雙印等二十餘人
餘賊負嵎死守不敢出國瑞親冒矢石朝夕仰攻一月有餘
不下會夜大雨國瑞料賊防弛乃冒雨緣崖先登將士繼進
破之殲賊萬餘戮逆渠宋維鵬劉錦春科爾沁僧親王駐軍
淄川聞捷以功入奏

賞穿黃馬褂嗣流賊竄曲阜

聖陵震驚國瑞連夜馳護奮勇力戰復埽平兗曹沂積賊奉
旨賞給頭品頂戴苗沛霖復叛江北震動

上命國瑞幫辦江北軍務八月國瑞率三千人進援蒙城初
苗沛霖之圍蒙城也城中兵少食盡賊環城築壘城外百里
皆附苗民圩與犄角他軍援蒙者壁數十里外國瑞至攻紅

里圩王家寨等處破之連毀附圩賊營數十轉戰而前直擣其巢苗逆率死黨迎敵國瑞驅軍奮擊賊敗崩潰整軍再戰又大敗之賊乃拒河固守不出國瑞一日乘黑夜大雨令將士涉河潛入賊船斬守船賊數人奪其船爲浮橋進逼賊砦立營五大座背水爲陣奮呼搏戰連破老巢生禽苗天慶等斬萬餘級各脅從返正均散遣歸農苗沛霖旋亦爲他軍殲斃僧忠親王以國瑞破賊功奏以提督

記名簡放

特賞三代一品封典

賜福字班指荷包人參各珍物同治二年四月授浙江處州鎮總兵時官軍圍金陵急賊糾合陝西皖豫各省髮捻數十

萬赴援髮酋陳得才屯踞麻城縣之白杲鎮五月國瑞奉命由皖豫入楚剿賊賊築壘數十座樹木柵縣亘四十里與皖楚各官軍相持月餘不下國瑞始至兵纔八百人不俟大軍齊集卽於是日三更分五路進兵拔其木柵土壘禽斬大小頭目百餘人餘賊驚潰下竄未抵麻城時有言國瑞逗留
有異志及國瑞至一戰破賊湖廣總督官文聞捷大喜飛報
僧忠親王王至國瑞單騎往見言狀王聞於

朝仍命國瑞回營督兵追賊於蘄水蘄州羅田廣濟等處至
治溪河與賊大戰殺賊數千人賊敗奔潰竄至英山霍山之
界眾尙數十萬國瑞與楚皖官兵合勢剿殺賊亦糾各黨分
隊迎敵正酣聞賊目忽見國瑞旗幟驚曰此紅孩兒軍也

遂大潰勢如山倒禽僞端王藍成春於陣僞將馬融和等乞
降陳得才服毒死遣散脅從難民數十萬人皖北大定十一
月河南巡撫張之萬奏調國瑞駐光州堵禦捻匪捻酋張總
愚犯鄧州僧忠親王戰不利國瑞督兵赴援卻之四年二月
追賊至確山斬馘萬人脅從逃散殆盡賊僅存馬隊由確山
竄汝甯歸德至山東濟甯州沂州又繞道由江蘇境竄曹州
飄忽千里僧忠親王亦以馬軍追及賊回拒國瑞步軍未到
率其精銳併力迎戰兵敗王遇害追國瑞至官軍已潰勢不
可支國瑞收集敗軍泣諭將士曰我軍數年以來戰無不勝
今賊如此詭譎喪我親王誓與決一死戰諸軍願從者隨不
願從者聽言畢策馬前進從者僅數百人大呼搏戰無不以

一當百賊敗遁尋獲僧忠親王遺骸負入曹州城素服治喪嗣以失王各督撫及統兵各帥俱獲嚴譴惟國瑞以力戰貸而言者不已奉

旨免幫辦褫黃馬褂國瑞以傷病乞歸就醫固請始允旋因事革職同治六年十月

特召入都

賞頭等侍衛七年正月捻逆張總愚北犯保定京畿大震

命國瑞統神機營軍二千駐易州防護

西陵賊擾安肅距

陵不遠國瑞遣人語賊曰陳國瑞在此可來拚命也捻懾其威不敢犯易州境

上命大學士李鴻章督師以國瑞隸其軍又駐軍清化鎮以

扼東西要隘堵守月餘四月間張逆勢熾陳振邦戰歿唐縣

郭寶昌受傷時陳振邦隸銘軍郭寶昌隸英翰軍與國瑞無涉賊將北犯國瑞星夜

馳回直隸繞出賊前拱衛

京師西捻平論功復提督

賞雲騎尉世職請假南歸寓居揚州數年與李世忠構釁經

大學士曾國藩奏革世忠職降國瑞為都司光緒元年復以

總兵詹啟綸毆斃胡士禮事牽連削職戍黑龍江八年十二

月三十日以傷病卒於戌所年四十六九年七月戶科給事

中鄧承修上言敘國瑞功請

旨量予褒恤嗣翰林院編修尹琳基等復請在山東建立專

祠皆

從之尋奉

旨復總兵許其歸葬立兄子觀全爲嗣

賞還雲騎尉世職

陳總兵事略洪右丞前輩文載入龍岡山人集辛丑六月
王佑遐給諫出此集相眎地名事迹譌誤太多因取山東
軍興事略及粵捻方略重編次之 右丞所據大約本之
其家行述第未詳考地方年月日知錄所言大臣家容有
不識字之子孫而著述家不可有不通掌故之宗匠右丞
難免此譏矣

石濂和尙事略

僧大汕字石濂吳人幼警敏善畫士女作詩有佳句有故出家蹤跡詭秘並無師承詐爲覺浪嫡嗣屈翁山證成之覺浪者開堂在萬_林末年石濂尙未生出世在順治戊子石濂止十六歲並無親覲付囑之事入廣州初賣畫觀音稱講師而已後諂事平南王之幕客金公絢光得見平南及俺達公廣州長壽清遠飛來二寺皆實行和尙所住持實行歿公絢言於俺達以石濂主持長壽長壽無產業飛來有租七十餘石干諸當事請以飛來爲下院盡逐實行之徒而並吞其租翁山有力焉自是石濂日益富厚其人多巧思以花梨紫檀點銅文石作椅桌屏柜盤盃椀諸物多以餉諸當事及士大夫無不贊賞者陳迦陵填詞圖卽其所繪奕奕如生或謂其

最工素女祕戲冊卷以媚諸貴人亦未可知庵門二天王像以手繪裝塑精神飛動不類尋常庵東偏有池引珠江之水經殿前屈曲灌輸其中早潮晚汐池水增減應候池心爲小浮山全用英石壘成植林開徑有亭可憩池北一室顏曰半帆東爲繪定軒池南爲懷古樓下爲離六堂皆以迴廊相屬庵有拈花釋迦像諸寶綴成莊嚴妙好又有唐銅像唐鑄也吳園次綺游廣州向吳自述酬應雜還不堪其苦吳笑應曰汝旣苦之何不出了家人傳以爲笑分甘餘話亦載之私販往安南致犀象珠玉珊瑚珍寶之屬連舶以歸地方官懼於大吏無敢誰何之者潘次耕與梁藥亭書歷數其罪有云石濂心高氣橫專爲大言以欺人謗毀先德凌轢尊宿毫無忌

憚又妄言遇異人明天象曉遁甲致風雲雷雨似文成五利之所爲及其一遊京師一至交趾則彌增誕妄闕然以爲惟我獨尊近閱其所著海外紀事證僞略錄不敢不言源流就正等書種種誇誕不經詭辯無理不能具述卽如海外記事首簡稱將有事北征應上人之召是妄語也教學人飲酒是破律也傳法與番國主是賣法也圖章刻言性與天道以尼山自居是僭聖也

御製序特褒五鐙會元而貶剝不遺餘力是抗

旨也嚴統毀板乃浙中當事一時剖判之事而以爲奉

旨嚴禁是矯

旨也五鐙全書業經

御覽賜序而痛加非毀是訕

上也削洞宗丹霞_淳等五代是刪削祖宗也易雲居膺爲九峰滿同安不爲同安威是更換祖宗也素稱三十四世而忽稱二十九世是紊亂世次也此皆有傷世教有礙法門之大者又與粵中大當事書有云石濂狂妄更甚僧家所重戒律而彼飲酒食肉恬不爲恥所喜者樸素而彼窮極奢侈侈自奉擬於王公所尙者柔和而彼倨傲偃蹇目若無人所取者真誠而彼大言欺世無一實語所貴者慈悲而彼存心險毒以傾人陷人爲能事其尤不法者則在通洋一節海禁雖開而出洋貿易本商賈之事乃石濂之通洋則多將干禁之物致諸交人以邀厚利有聞之令人縮舌者卽不係干禁之物如

緞疋等皆纒金於其端作王府用長壽定六字攷安南莫氏初歸順時止封都統使今阮福周末經請封未受

朝命而何得竟稱王府儼然與中朝親王等律禁略賣人口而彼將良家子女買作優伶節次售之有封疆民社之責者似宜取其所刻之書板而盡毀之嚴禁其通洋會同關部嗣後長壽之僧不得一人出海長壽之物不得一箱出海庶幾振國紀而肅憲綱毋貽地方之累福建巡撫許中丞嗣興時爲按察使獨惡之輒逮治得其前後奸狀笞逐至贛州止於山寺又復興起皈依甚眾江右李中丞基和又逐之押發原籍死於常山途次

藝風堂文續集卷二

藝風堂文續集卷三

江陰繆荃孫

後涼百官表序

後涼呂光奉命出師平定西域龜茲甫克卽懷異圖率乘勝之師挾思歸之志三軍踴躍萬馬騰驤夫豈揚翰梁熙之謀高桐伊吾之距所能遏其鋒也邇時參佐則有董方郭抱賈虔楊穎將督則有姜飛彭晃杜進康隆文武具備鏘鏘濟濟符祚旣隕中原糜爛夙抱風塵之志適值鼎沸之時遠則蹈竇融之長策保五郡以自娛近則效張軌之成規貽數世之留後欲成大業類有明徵擇福地之可居非叛徒之挺險矣夫光武定鼎圖寇鄧於雲臺琅邪渡江倚顧周之巨室上旣加之青眼臣亦報以赤心後先奔走之勞舟楫鹽梅之寄斬

荆披棘迺蕭曹之故人附翼攀鱗盡樂卻之世族帶礪千秋
 本支百世立國之道莫過於斯而乃聽石聰之言而害良佐
 信尉祐之譖而除名士遂致內外離心上下解體藏弓何急
 拔薤非時功之不成抑亦未盡夫人謀未可全歸諸天道也
 而況乞伏建庵於隴右沮渠牧馬於金山烏孤李暠各據疆
 土臥榻之側酣睡有人蕭牆之內干戈自動身既老病子又
 孱弱弟兄發難民眾土崩是則譚尙鬪牆冀土因之淪陷光
 僚推刃吳宗終致覆亡既無紹統之才遂貽銜璧之辱國之
 不祀亡也忽焉今擇其可考者列之於表

大司馬太尉
 錄尙書事司徒

尙書左僕射
 中書監令

將軍

尉
 司隸校

雜官

侍中

丙戌 太安
 元年 二十
 月 光 自
 稱 使 持
 節 侍 中
 中 外 大
 都 督 隴
 右 河 西
 諸 軍 事
 大 將 軍
 領 護 匈
 奴 中 郎
 將 涼 州
 牧 酒 泉
 公 改 元

丁亥
 二年

大將軍

侍郎

杜進
輔國

太守
令護軍附

進
武威

康
雷 西平

強
禧 河

彭
晃 張掖

李
隲 建康

段業
參軍

進

進

業

漢風堂主人圖畫

二

通志卷之三

丑己 麟嘉	子戊 三年	晃穆幾亦叛強康泉穆大晃彭 又斬王未晃以殺月酒王張徐
----------	----------	------------------------------

呂他左	進 被殺	徐晃將							
宋歆 煌敦	進 張大都尉 純應	<table border="1"> <tr> <td data-bbox="566 1377 678 1568">嚴純 連祁</td> <td data-bbox="678 1377 790 1568">令</td> <td data-bbox="790 1377 901 1568">郭文 馬駢</td> <td data-bbox="901 1377 1013 1568">宗燮 河湟</td> <td data-bbox="1013 1377 1125 1568">晃 叛</td> <td data-bbox="1125 1377 1236 1568">禧 所殺</td> <td data-bbox="1236 1377 1380 1568"> 為 所殺 ① 卿 </td> </tr> </table>	嚴純 連祁	令	郭文 馬駢	宗燮 河湟	晃 叛	禧 所殺	為 所殺 ① 卿
嚴純 連祁	令	郭文 馬駢	宗燮 河湟	晃 叛	禧 所殺	為 所殺 ① 卿			

呂纂 賁虎	宗燮 常太
----------	----------

元 年 二 月
光 自 禘
三 河 王
改 元 置
百 官
庚 寅 二 年

楊 穎 中
侍 郎 書

王 禎 西 纂
海 纂

尹 興 邱 曜 張
池 傅 掖
令 督 郵

但 渠 羅 仇 西 寶 左
呂 寶 丞

聚 引 按 類

記 云 麟

嘉 二 年
以 沮 渠
羅 仇 爲

中 郎 將
封 太 原
公

辛卯三年

壬辰四年
七月擊
乞伏乾
歸又討
彭奚

尉祐遠

呂寶右

敗死

楊範威振

西西守西疑當西作平

段業建康纂

羅仇段業著

尉祐金城郎

孫峙白土都尉

纂

呂方中南

郎將

癸
五年

欽定四庫全書

寶
苟

弩強

楊
軌

武揚

溫
漢

羅代建
忠

梁
恭

武建

王
寶

呂
憲

忠建

苟

軌

恭

寶

憲
遼
見
東
集

御覽
四

百三
十
後

涼無
遼

東郡
未

知之
何郡
郡

業

四

丙申 龍飛元年	乙未 七年	昌護域軍以督子七月午甲 鎮大都事西門覆月六年
------------	----------	---------------------------

王詳
左

王詳
命

苟	寶	恭	軌	苟	呂覆 西鎮	寶	恭	軌	苟
---	---	---	---	---	----------	---	---	---	---

沮渠
麹弼
河三
纂

業
羅仇

纂

業
羅仇

纂

羅仇

六月即位
天王改元

丁酉二年
伐乾歸
天水公
延敗死
烏禿髮
稱孤自
王西平
月蒙遜
反王入
郭磨反

段業
尚書

沮渠羅仇
尚書

羅仇
被殺
房晷
侍中

詳八月
被郭磨
散騎常侍
殺

軌
後

恭

寶

沒奕干
賈曜
太史

秦州刺令
史

魏弼
被殺
耿稚
司馬

馬邃
中田
郭磨
太常

金石生
將軍
家遜
所反
八月

徐晃
將軍
殺
楊統
司馬

姜顯
將軍
沮渠勇成

沮渠勇成
晉昌

卷之六十一

通鑑卷之三

戊戌
三年
四月
破郭
軌

暑

將軍

趙策
將軍

趙陵
將軍

楊軌
後酒泉

與郭磨
同叛

程肇
將軍

趙策
戎

護軍

裴壘
澄

敗死

段業
泉酒

石元良

西安

井祥
令

李鸞
武建
呂純
郡西

十月
降為
段業
所執

五

曆

巳
威
元
年
呂
弘

使持

呂纂

太尉

姜紀

尚書

晷

呂超

驃騎

呂弘

司隸

呂開

虎賁

呂隆
護軍
北

王德
昌晉

孟敏
煌敦

均降
段

業

田瑤
樂都

張稠
河湟

王稚
澆河

皆降
南

涼
御

覽
王

推

威靈堂文寶卷三

六

三十一卷之三

一

<p>辛丑 神皇元年</p>	<p>庚子二年 伐南涼 敗績</p>	<p>十二月 立太子 紹為天子 王自號 太上皇帝 帝殂 殺紹 立紹 元</p>
<p>呂超 使持節</p>		<p>節侍中 大都督 外諸軍 事大司 馬車騎 大將軍 錄尚書 事改封 番禾郡 公</p>
	<p>① 伏誅</p>	<p>十二月 即位 司徒</p>
<p>楊桓 右</p>	<p>楊桓 左 涼都尹 兼</p>	
<p>裴敏 中書</p>	<p>房曷 侍中 楊穎 令</p>	<p>張資 監 羅什 傳</p>
<p>呂超</p>	<p>方九 降秦 將</p>	<p>齊從 左衛 呂方 征東</p>
<p>呂超 番</p>		
<p>楊穎 常</p>	<p>綦毋 翊 將</p>	<p>中郎將</p>

二月超節侍中	殺纂立都督中	隆即天外諸軍	王位改事輔國	元八月大將軍	秦將姚錄尚書	碩德攻事封安	隆請降定公	碩德表	隆為鎮	西大將	軍涼州	刺史建	康公	壬寅二年	秦拜隆	為征非
--------	--------	--------	--------	--------	--------	--------	-------	-----	-----	-----	-----	-----	----	------	-----	-----

二月奔郎
南涼
紀奔南
王儒中
侍郎書

魏益多孟禕	將軍	呂隆中	軍二月領	即位	呂邈龍	為秦禽	王集	中	荀安國	武廣	石可	遠甯
-------	----	-----	------	----	-----	-----	----	---	-----	----	----	----

超
禕為南
涼所

王回殿	侍御史	杜尙殿	監	寶川將	駱騰將
-----	-----	-----	---	-----	-----

魏晉書卷之四十一

大將軍 都督河 西諸軍 事涼州 牧建康 公 癸卯三 年八月 遷於長 安涼亡

執

張質 金城

出北史

蓋敏 川陽

令類

聚引涼

州記

南涼百官表序

禿髮氏族居河右氣蓋關中幕帳縱橫不越北大漠南澆河
之屬地邊隅震懾猶是敗蘇愉殺胡烈之餘威烏孤智本兼
人情殷復國待釁而動聚眾以謀登廉川而泣慙懷遠之未
能用符渾之言遂誓師而采入果爾諸部土崩三郡瓦裂羽
儀鼓吹自樂乎假王士馬甲兵不殊夫前代甄西州之豪傑
樂南畝之農桑假令運祚久長聲名洋溢虞廷喜起以契稷
爲元勳南國樂歌嘉周召之夾輔未可知也奈何昧垂堂之
誠蹈銜楸之災身捐館舍笑貽疆敵利鹿孤嗣政由僭檀定
鼎而國祚昌建麾而遠人服聽鑰勿崙而仍游牧之俗徇史
高而收庠序之效武功文德炳炳可觀夫秦伯虞仲采藥而

讓季歷諸樊餘祭祈死而畀延陵友愛固屬不同氣概諒亦
迥異儔檀恢張皇極騰遶天衢迫呂氏而奪姑臧之城拒姚
興而改嘉平之號國境漸展帝制自爲夫文采內含在五經
之外材武外炳越九州之表歸孟禕而旌其忠赦熾磐而重
其義天日之威海岳之量胡羯之世罕見斯人然而宣德之
歎驕氣溢於言辭高昌之賦藻采失其本色距孟愷而不戢
自焚之訓違疏屈右而有備無患之指失兵敗於赫連地奪
於乞伏埋輪繫馬峩峩髑髏之臺殺卵焚巢慘慘樂都之潰
四海雖大別無容足之方二昆有靈其將何辭以對蹈志大
才疏之弊罹國亡家破之凶雖尉賢政浩豐固守未肯生降
陰利鹿羈勒相從惟知死義源賀之後大昌於魏樊尼之族

偏強於唐縱後嗣之克昌其何補於在天之沈痛也列表如

右

錄尚書事

右左
太尉
司馬

大將軍

太守

雜官

丁酉太初元年

趙振
左僕射

利鹿孤
將軍

石真若留
將

正月禿髮

烏孤弟

石亦干
將

大都督大

苻渾
將

將軍大單

偃檀
車騎

郭倖
西郡

改元敗呂

振

孤弟

田玄明
執

光將竇苟

後涼樂都

後涼樂都

田玄明
執

三郡來降
威王更稱武

己亥三年
入月卒利
鹿孤即位
徙治西平

儁檀

津屯平西代之

李鸞建武後涼將來降

利鹿孤

田瑤樂都
張稠湟河
王稚澆河

夷後改鎮西平封西平公

儁檀鎮西平廣武公

秃髮素渥鎮湟河

庚子
建和元年
僞檀
都督中外

正月改元諸軍事涼
五月殺楊州牧
軌田(左)明
六月僞檀

禿髮俱延
陰暢
晉興

禿髮吐若留
鎮浩亶

禿髮洛回
鎮廉川

禿髮若留
鎮澆河

禿髮替引
鎮嶺南

翹梁明
一作
翹丞明
記
室監
金樹
將

建和元年

一

龔姑臧

辛丑二年正月

僂檀

楊桓左秦後主

鎰勿安國

蘇翹將

稱河西王

婆行尙書左丞

孟禕左後涼

俱延張松侯

史曷祠部郎中

五月沮渠

富占將軍

郭祖凌江

田之冲博士祭酒

俱傑來降

入月姜紀

奔秦十月

趙誕同上

伐北涼

王宣昌元年

三月卒僂

檀即位稱

涼王改元

遷樂那

張融中散騎常侍

癸卯二年

拜

僂檀車騎將軍廣武

公

甲辰三年二月

去年號罷

乙巳四年

丙午五年

秦拜傳檀

都督河右

諸軍事車

騎大將軍

涼州刺史

鎮姑臧入

月自還樂

都十一月

復遷姑臧

丁未六年

關尙參軍

史翥西曹

宗敞太府

錄記室事

文支鎮姑

文支城侯

文支鎮南

趙晁左

郭倖右

趙晁

楊統西郡

賀連將

嘉慶二十二年

十月秦河
州刺史彭
奚念來降
十一月夏
大舉來犯
涼兵敗

戊申
嘉平元年
十一月復
元稱涼王改

虎臺

郭倅

趙晁

左改
僕射

郭倅

右

俱延

太尉

伊力延侯蘇霸

昌松

將軍

秦所殺

枯木

左

敬歸

司隸

俱延

鎮北

明德歸

昌松

軍

傳檀子

敬歸

鎮軍

焦朗

將

張猛

都尉

白路

中尉

梁哀

祭酒

邊憲

輔國

胡康

都尉

明德歸

中尉

明德歸

南

<p>辛亥四年二月 北涼圍樂都</p>	<p>庚戌三年二月 北涼圍姑臧 姑臧降 遷樂都</p>	<p>己酉二年</p>
<p>虎臺</p>	<p>虎臺</p>	<p>虎臺</p>
<p>俱延</p>	<p>俱延</p>	<p>俱延</p>
<p>段苟安北 伊力延尉 即前伊 力延侯</p>	<p>敬歸敗死 折掘奇鎮 右衛叛</p>	<p>宋益財官 敬歸 枯木</p>
<p>孟愷 邯川 護軍</p>	<p>敬歸</p>	<p>敬歸鎮軍 景保 太史令</p>
<p></p>	<p>成公緒 大司 農</p>	<p>封安亭侯</p>

漢書卷之九十四

二十一

壬子五年

虎臺

俱延

文支

鎮南

孟愷

吳陰

三河

癸丑六年四月
北涼兵圍樂都

虎臺

俱延

質於北涼

文支

鎮南

孟愷

紇勃

安西

文支

湟河降

匹珍

將軍

北涼

甲寅七年五月

虎臺

樊尼

安西

孟愷

紇勃

中軍

張興宗

湟中郎

洛肱

後軍

張猛龍碑

見

陰利鹿

散騎

段苟

鎮北

張猛龍碑

常侍

尉賢政

將

作饒字昇

西秦兵襲樂都城陷
傷檀自歸
西秦南涼
亡

尉賢政

將

作饒字昇

尉肅

撫軍從事

西涼百官表序

涼武昭王以飛將之後人爲西州之望族博通經史熟誦孫
吳盛名日彰惠政可紀道邊虎化遙呼西涼之君廐內駒生
敢忘聖人之語六郡唐瑤之檄應天順人三縣涼興之分踞
平守險建初改號嘉納起堂開玉門之屯訓農儲穀增泮宮
之額育才授經遂爾規模大啟名譽聿彰東遷酒泉逼敵人
而扼要西擊鄯善偕方物以俱來赤氣起於後園白雀翔於
前廡金精畢集史冊大書在武昭王之意固欲掃清秦隴溝
通江淮齊桓召陵之師大張撻伐晉文踐土之會同我太平
豈不臣主俱榮身名並泰也哉卽不幸而盟聯五郡效竇融
之自完割據一方仰張軌之遺轍亦其次也奈何盜於禿髮

李嵩為大
都督大將
軍涼公領
秦涼三州
牧護羌校
尉建年庚
子

辛丑年
壬寅年
三年

令狐溢
右牧

梁中庸
府領
主簿蒙遜
西郡太守

令狐遷
武衛
汜德瑜
遠衛
張靖
折衝
索訓
威遠

領事
張靖
河湟領
張謨
中郎
索訓
西平領
趙開
驛馬
趙開
大夏
索慈
廣武
陰亮
西安
令狐赫
武威
索術
武興

法武營之續集三

上

癸卯 四年	甲辰 五年 世子	譚卒立歆 為世子	乙巳 建初元年	義熙元年 改元用張	邀議遷酒 泉正月自	稱大將軍 大都督領	秦涼二州 牧	丙午 二年	丁未 三年
			張邈						
			張體順 <small>(雷)</small> 遠	宋繇 <small>右</small>					
			張體順 <small>建</small> 康	鎮樂消	李讓 <small>嵩子</small> 敦煌				
			黃始 <small>舍人</small>	梁興 <small>同上</small>	宋繇 <small>墩煌</small> 護軍				
								李歆 <small>撫軍</small> 護羌	
									劉昞 <small>儒林</small> 祭酒

來降

李歆撫軍
護羌

劉昞儒林
祭酒

<p>辛 亥 七 年 八 月</p> <p>敗 之 蒙 遜 來 襲</p> <p>壬 子 八 年</p>	<p>戊 庚 六 年</p> <p>來 伐 世 子</p> <p>歆 敗 績</p>	<p>己 酉 五 年</p>	<p>戊 申 四 年</p>
	<p>焦朗 龍驤 自北涼來降</p>		<p>校尉 從事中郎 李讓 帝朔 西夷 校尉</p>
	<p>焦朗 姑臧 陰訓 武威 魏</p>		
	<p>朱元虎 別將</p>		

漢書卷一百一十五

甲寅十年	乙卯十一年	丙辰十二年索承明司馬	丁巳嘉興元宋繇遷長	年高卒歆三府事	大都督大	將軍涼公	領涼州牧	護羌校尉	改元嘉興	四月敗蒙	遜於解支	戊午二年晉	命張體順左	張體順左		宋繇	宋繇			

都督七郡

命張體順左

宋繇

宋繇

護羌校尉

溫宜 武衛張掖

將軍涼公

索遷 征虜

索遷 一作仙

大都督大

宋繇 武衛

宋繇 廣夏

梁中庸 主簿

丙辰十二年

索承明司馬

甲寅十年

軍事鎮西
大將軍護
羌校尉酒
泉公九月
蒙遜來伐

己未
三年

張體順

庚申
四年
宋張體順

晉禪以散
為都督高
昌等七郡
諸軍事征
西大將軍
酒泉公七
月為蒙遜
所敗戰死
西涼亡

宋繇

宋繇

張顯
從事
中郎
汜稱
主簿

李姚
左

李翻
酒泉

李密
領羽
林右

李亮
右

李預
新城
監

李翻
驍騎
兄

李恂
燉煌

劉昞
撫夷
護軍

李預
擊虜

李悛
讓弟
晉昌

燉煌

李豫
翻弟
西海

李弘
令
中
華

豫弟

北涼百官表序

沮渠氏以橫水之胡爲匈奴之將蒙遜博涉史學通曉天文
會當桑海之時饒有風雲之志哀羅耄而兵起斬并馬而威
震始推段業繼害男成名爲光武痛伯升之亡實則子糾因
小白而死已除索嗣馬權之逼兼收田昂房晷之心擢任賢
才備具文武改元僭號盜踞一方屢彼雄心亦云得志姚秦
旣逼酒泉又叛頗有東遷之意旋生北拒之悔反覆不常惟
力是視猶幸搜求賢哲廣進芻蕘納建忠之言安我桑梓聞
中庸之叛歸其妻孥亂吾國者有二叔雖至親而必誅呈國
瑞者非一端豈薄德而敢任劉梁言其必勝張披勛其共心
丹嶺一捷而思盤降窮泉一鼓而偃檀遁叩囊底之智窮獸

在郊過枕上之師騰蛇盤帳旣而起城池繕宮觀置宴謙光
之殿班職以金散錢南景之門爲母祈福城炳神光^燁_燁武
功之象神圖^燁石郁郁文士之銘嘉湟川之納土方期歸馬
金山授齡石以表文安冀揚鷹河右朝^儀命之姚艾尙媿叔
孫死節嘉夫隗仁衰以蘇武未幾禿髮先亡酒泉大定赫連
乞伏相繼摧敗河西之境惟存一人而蒙遜經涉艱難麤識
機變以三十年之久控五千里之地縱橫滿志倔强自如不
可謂之非豪傑也奈何無禮於君歎其魂魄之逝乞靈於鬼
終貽閭闔之羞耄期之荒滅亡愈速牧犍嗣位大改前愆拜
宋繇爲右相吏治克昌尊劉昫爲國師文學日盛然而卅七
年之讖天命攸歸十二罪之書人謀亦亟淮南之大有如黑

子臥榻之側豈容他人面縛出降就第賜死固非安平之號
所得免婚姻之請所得生也列表如右

戊戌 三年 五月	公州大都使守推年酉丁 牧將督持段建渠神 建軍龍節業康蒙四 康涼驤大為太遜祖 元	
		錄 尚書事 尚書 增
		右 長史 左 司馬
蒙遜 池封 侯臨	沮渠 男成 李嵩 效 張邈 效 索嗣 右衛 將軍	大將軍 雜號將軍 增 護軍 令 增
蒙遜	鎮西 男成 酒泉 郭謙 護軍 索遷 沙州 治中	刺史 太守 雜官

卷之六十一

一

取呂光西
郡晉昌敦
煌降六月
徒張掖

己天璽元
亥稱涼王
年改元
庚子二年

蒙遜
尙書左丞
梁中庸
右丞

男成

男成

王德
酒泉

男成
晉昌

孟敏
沙州刺史

西莫孩
西安

唐瑤
晉昌

王德
叛

唐瑤
晉昌判歸

西涼

沮渠益生

酒泉

馬權
門下侍郎

<p>辛丑 永安元</p>	<p>年 六月 蒙遜殺段</p>	<p>業 眾推為</p>	<p>使 持節大</p>	<p>都 督大將</p>	<p>軍 涼州牧</p>	<p>張 掖公改</p>	<p>元 九月酒</p>	<p>泉 涼(甯)二</p>	<p>郡 降西涼</p>
<p>梁中庸 <small>右</small></p>	<p>房曷</p>	<p>張騰 <small>左司</small></p>	<p>謝正禮 <small>右司</small></p>	<p>馬</p>	<p>張潛 <small>牧府長史</small></p>				
<p>男成 <small>四月被殺</small></p>	<p>臧莫孩 <small>鎮自領涼州</small></p>	<p>後遷輔國</p>	<p>田昂 <small>右後</small></p>	<p>南降南涼</p>	<p>俱僕 <small>將軍</small></p>	<p>梁中庸 <small>武衛</small></p>	<p>沮渠伏奴</p>	<p>鎮軍 <small>封</small></p>	<p>和平侯</p>
<p>蒙遜 <small>張掖被殺</small></p>	<p>馬權</p>	<p>蒙遜 <small>西安六月</small></p>	<p>伏奴 <small>張掖</small></p>	<p>昂 <small>西郡</small></p>	<p>益生</p>				
<p>許咸 <small>司馬</small></p>	<p>王豐孫 <small>將</small></p>	<p>李興 <small>從事中郎</small></p>							

卷之二十一

七

	壬寅二年	癸卯三年後 拜蒙遜為 鎮西大將 軍開府 同三司沙 州刺史西 海侯	乙巳四年 丙午六年南涼
沮渠挈建忠 都谷侯	臧莫孩	臧莫孩	
益生降西涼 梁中庸西郡 十二月奔西涼	沮渠親信 中田護軍	沮渠孔篤 臨松二人 均賜死	

來代	丁未七年 攻南涼西郡降	申戊八年	己酉九年	庚戌十年
		楊統 <small>右長史</small>		
			句呼勒 <small>張掖</small>	奔西涼復
			沮渠成都	金山
			沮渠鄯善	西郡
		劉梁 <small>太史令</small>	沮渠百年 <small>將</small>	

<p>立其子政 德為世子</p>	<p>癸丑 二年四月</p>	<p>元西 王位改</p>	<p>克南涼</p>	<p>辛亥 十一年</p>	
<p>政德</p>					
<p>文支 大鎮東 封</p>	<p>政德 大鎮衛</p>	<p>沮渠 益子</p>			
<p>成宜 侯 川</p>	<p>文支 廣武</p>	<p>益子 護羌 校尉</p>	<p>平侯 鎮姑 臧旋 卒</p>	<p>張掖 令 永安</p>	<p>載記 作披</p>
		<p>張穆 中書 侍郎</p>		<p>沮渠 百年 將</p>	

丙 五年	乙卯 四年 上表 於晉 隍河 陷於 西秦	甲寅 三年	
政德		政德	
沮渠廣宗	段景 折衝	政德	振武侯 成宜侯 威振 王建 殿中 伏恩 冠軍
沮渠廣宗	長史焦昶 二官太守 之屬	司馬隗仁穆	王建 隍河
	秦	漢平 隍河 降西	黃迅 舍人

漢書卷之三

三

<p>庚申九年七月 政德</p>	<p>己未八年 政德</p>	<p>戊午七年十月 政德 稱藩于晉 拜涼州刺史 房唇 尙書左丞</p>	<p>丁巳六年 政德</p>	
<p>政德</p>	<p>政德 成都</p>	<p>政德 成都 姚艾 征南</p>	<p>前 沮渠成都</p>	<p>前</p>
<p>沮渠牧犍</p>		<p>隗仁 高昌</p>	<p>廣宗</p>	<p>張掖 涼錄作黃 宗誤</p>
<p>張衍 太史令</p>			<p>郎 劉祥 門下校書</p>	

<p>壬戌十一年 三月克晉 八月柔</p>	<p>涼州刺史 將軍開府 為鎮軍大 宋以蒙遜 李恂十月 取敦煌殺 酉十年三 辛十年三</p>	<p>殺李歆取 酒泉九月 李梅復取 敦煌遣世 于政德攻 之</p>
<p>政德</p>	<p>政德</p>	
<p>政德 成都</p>	<p>沮渠鄯善 右衛 沮渠苟生 建節</p>	<p>政德 成都</p>
		<p>酒泉 唐契晉昌 十二月叛</p>
		<p>劉昉 郎中</p>

政德

三

然來攻政 德軍敗被 殺	癸亥 十二年	甲子 十三年	乙丑 十四年 西秦陷臨 松郡	丙寅 十五年	丁卯 十六年	戊辰 承元 (之)	年 六月伐 西秦送
政德							
政德	成都	成都 十月一 西秦所執					
			劉昞 郎中				

九月	入侍於魏拜	年八月遣	未義和元	辛未	魏	月入貢於	庚午三年十一月	入貢於宋	子十二月	菩提為太	秦所禽立	子興國為	伐西秦世	巳二年五月	巳二月	又伐之	元十二月	求和改	成都歸以
----	-------	------	------	----	---	------	---------	------	------	------	------	------	------	-------	-----	-----	------	-----	------

沮渠菩提
冠軍

遷為侍中
都督涼州
西城羌戎
諸軍事太
傅行征西
大將軍涼
州牧涼王
王武威張
掖敦煌酒
泉西海金
城西平七
郡十二月
改元

壬二年

癸永和元

年四月蒙

王位改元

沮渠茂虔
錄尚書事

沮渠封壇

沮渠茂虔

大將軍四
月即位

沮渠封壇

闕駟
姑臧

楊定歸
校中兵
郎

劉昞
助國師
教

索敞
同上

陰興
同上

乙亥 三年	河西王 涼州刺史 西大將軍 州諸軍征 涼秦等四 宋拜都督 戊二年 四月	河西王 涼州刺史 將軍開府 將軍車騎 域羌戎諸 河三州西 都督涼沙 魏拜茂虔
		錄尚書事 張湛兵部 宋繇右相 闕駟尚書
		撫軍大將軍
沮渠唐兒 唐兒 燉煌		
張慎 奉常 郎將 西中		程駿 程駿 趙柔 誤通 太子 洗馬 金部 郎 世子 侍講 同弟 上

通鑑紀事本末卷三

三

丙子 四年	丁丑 五年 十一月 魏以武 威公主妻 茂虔	戊寅 六年 己卯 七年 八月 魏主來伐 九月降北 涼亡
沮渠董來 征南大將 軍	沮渠旁周 鎮西	董來
		唐兒 敦煌 無諱 酒泉 宜得 張掖 沮渠安周 樂都
		姚定國 左丞 梁偉 中尉 氾儁 常侍

沮渠天周

武威

張譚

和備令

見御覽

張銑

建昌令

見北史 二人附

夏百官表序

劉勃勃一身孤子四海無依姚興奇之而叛姚興奕干妻之而殺奕干狼虎之性未馴鷹鷂之擊必摯何不仁若是哉亦性使之然也然而雄武英傑海內所推改姓天連建號民服東敗僭檀西盟蒙遜無敵不摧何城不克以王買德爲謀臣拔之羈旅以皇甫徽爲記室玩其文辭知人善任睥睨一世當劉裕兵爭之際正長安鼎沸之時三秦父老爭覩漢家之威儀百二關河猶是晉朝之疆宇假令裕也移乘輿於洛下開重鎮於關中以王鎮惡之雄武而治軍以王修之詳明而治事於以塵清榆塞烽靖蕭關彼僭僞之徒恐固圍而未能況拓疆而可冀乎奈何篡位謀亟定邊志疏以鍾鄧之相爭

爲秦梁之并命而勃勃撫劍而疾視埽籜以圖成青泥上洛
重兵塞其咽喉蒲阪潼關至險扼夫胸膺遂爾功成理外名
著寰中然殘忍眾殊驕奢習重處士既至以過禮而殺身將
作益精以嚴刑而懾眾溫宮涼殿壯哉義周之銘嶺北山南
麗矣契吳之歎識者詆之爲擻豎史臣日之爲凶渠我躬不
閱遑恤我後民至瘁矣國亦隨之以赫連昌之有勇而身禽
於拓跋以赫連定之寡謀而國并於慕瓚兩魚統萬鳴狐苛
嵐亡國之妖天人交應疾風暴雨未有能持久者亡也忽焉
又何疑哉列表如右

丞相

大將軍尚書令

左僕射御史大夫將軍

司隸校尉

牧刺史

雜官

尚書州

<p>丁龍昇右地伐力侯提若門令 叱以韃 叱于阿利羅引 阿利羅引</p>	<p>元年勃通繼作魏公 叱以韃 左 梁公 征南</p>	<p>僭稱天公 尙書 乙斗右 叱以韃 征西</p>	<p>王大單 于改元 十一月 乙斗尙 征西 乙斗征</p>	<p>破之 戊南涼 申二年</p>	<p>巳酉三年 九月秦 姚興來 右地伐 幽州牧</p>	<p>姚興來 伐敗之</p>	<p>庚四年 金纂尙書 羅提左 姚廣都 太常</p>
---	---	---	---	---------------------------	---	--------------------	--

丁龍昇右地伐力侯提若門令

三

建入秦	盟赫連	北涼泣	五月與	秦杏城	三月克	卯三年	乙卯三年	中山公	南公安	公滿河	定平原	酒泉公	原公倫	公昌太	延陽平	為太子	立子瓊	十二月	燕泣盟	十月與
-----	-----	-----	-----	-----	-----	-----	------	-----	-----	-----	-----	-----	-----	-----	-----	-----	-----	-----	-----	-----

卷之六十四

		烏洛孤	中丞
--	--	-----	----

			長安也	時未得	鎮陰寧	按雍州	長安巡
--	--	--	-----	-----	-----	-----	-----

新平為 姚弼所 禽	丙辰四年 五月襄 上邽六 月遣兒 子羅提 侵秦泄 陽十月 晉滅秦 進据安 定盡降 嶺北郡 縣	丁巳五年 閏月以 太子瑱
		赫連瓚 撫軍
	華韜尙 據安定 來降旋 叛	
	赫連昌 使持節 前將軍 羊苟兒 鎮東、 朝儼叛 被殺	昌
	昌雍州 刺史胡 儼中 鎮陰密 旋叛	
		皇甫徽 中書侍 郎

為撫軍 大將軍 都督前 鋒諸軍 事向長 安	庚午 昌武	元年十 月 克長安 十二月 即帝位 改元	己未 真興	元年二 月 改元
			璜	
	王買德 都官尙 書		璜 錄南 臺尙 書事	
	王買德 冠軍 沔陽侯			
			璜 雍州 牧	
王買德 撫軍右 長史	昭 毅 提 將		昭 毅 侯 提 祕書 監	并州刺 史 鎮蒲 坂

卷之三十一

七

庚申二年	瑣							
辛酉三年	瑣							
壬戌四年	瑣							
癸亥五年	瑣	瑣						
甲子六年	瑣	瑣	瑣					
乙丑承光								
元年八月								

太子立昌為
瑣殺倫
昌殺瑣

瑣為昌所殺

費峻東

韓香并
刺史
胡方回
中書侍

郎黃門侍
胡洲給

元	丙寅	八月	西秦拔	南安十	一月	魏	主自來	伐	丁卯	三年	六月	統	萬為魏	所克徙	上邽
		呼盧古	征南	韋代車	封北平	公			定	領司	封平原	尙書	王鎮安	定	代
									斛黎文	問至				問至尙書	
		曹達	農												
									狄子玉	將				張淵	徐辯
														太史令	人

魏書卷之九十四

戊辰勝光	元年二月	為魏禽	定立於	平涼改	元三月	復取長	安	己巳	庚午	十一年	與魏戰	敗保上	郡平涼
------	------	-----	-----	-----	-----	-----	---	----	----	-----	-----	-----	-----

--	--	--	--	--	--	--	--	--	--	--	--	--	--

	定	代						代	代				
--	---	---	--	--	--	--	--	---	---	--	--	--	--

	二月												
--	----	--	--	--	--	--	--	--	--	--	--	--	--

	即位												
--	----	--	--	--	--	--	--	--	--	--	--	--	--

--	--	--	--	--	--	--	--	--	--	--	--	--	--

--	--	--	--	--	--	--	--	--	--	--	--	--	--

--	--	--	--	--	--	--	--	--	--	--	--	--	--

--	--	--	--	--	--	--	--	--	--	--	--	--	--

--	--	--	--	--	--	--	--	--	--	--	--	--	--

--	--	--	--	--	--	--	--	--	--	--	--	--	--

趙逸
著

賈逵為提
守高平

長安復
人於魏
辛四年
未正月滅
秦五月
爲吐谷
渾所滅
夏亡

代

漢書卷九十九

匈奴傳

北燕百官表序

慕容末造殘忍奢淫禍延夕陽隕身倉卒龍城君懿重有度
勤慎寡言涓涓濁浪金龍浮水而來奕奕神光猛獸避路而
去婁邀天幸遂生人謀血流左臂王垂符命之陳身棲長谷
李陵酒饌之饋幸得張泰李桑之力遂平離班桃仁之叛底
定一隅竊登大寶始則兄弟推讓繼則骨肉摧殘縱有拔劍
擊柱之風亦蹈烹狗藏弓之誠通鑑譏其太忍史臣目爲常
才幸而教稼明農省徭薄賦革前朝之苛政遣使者而巡行
東市誅小人東堂見守宰因得挽回風俗愍惜困窮情農有
罰力田有賞野無曠土國少游民三十年之蓄不媿足國之
經千斯倉之詠亦賡大田之什而武以平亂文以經務惜禮

崩而樂壞動春誦而夏絃子衿之歎不興入學之規重建閭
 閭不絕諷誦之音後生復沐庠序之教白山黑水崛強東隅
 殖桑栽柘閒閒十畝之閒誦詩讀書雍雍三代之盛此其所
 以立國歟然而樂浪于歸用昭勿欺殊俗之美耿貳見執偏
 犯傲事大國之譏遂至天軍四集境土崩壞跋死於前(弘)逃
 於後謀之不臧非偶然也(弘)以篡逆遽僭位號眾叛親離師
 潰境蹙弗歸拓跋迺竄高麗夫僞檀歸秦遇醜而弗療牧犍
 降魏因事而見誅亡國之君罕以身免況(弘)驕蹇自如譙責
 弗讓乎卽舍高麗而之魏未見其能保身也列表如右

大單于	錄尙書	侍中	司隸校
四輔附 大將軍	尙書	散騎常	尉
尙書令	尙書僕射	尙書將軍	太守
尙書右	尙書左	尙書附	州牧
大司馬			雜官

己酉 太平
元年十月
後燕高
雲被弑
及推跋
為主改
號

素弗車素弗錄
石
馬弗勤張興衛
素弗侍萬泥幽

范陽公 孫護令張興左廣宗公
郭生石侍中二州牧
加開

郡公 征東陽平公 永寧公
王難撫孫護侍府同
乳陳青

萬泥驃 廣川公
穎川公
王難侍乳陳青
二州牧

務銀提
務銀提
務銀提
務銀提

上
郭生鎮 姚昭司
校尉

陳留公
陳留公
陳留公
陳留公

乳陳兄

五鳳三年

三

		戊庚 二年 素弗 司大			
		馬改封中山 遼西公			
務銀提	誅乳陳反	謀反誅	司旋以	備同三	加開府
				萬泥二月	
					孫護
					張興
					無弗勤張興
					秦都游擊
					萬泥
					乳陳二人
					殺被
					李訓方
					令

<p>丑 五年 素弗</p>	<p>壬 四年 素弗</p>	<p>亥 三年 素弗</p>	
<p>永</p>	<p>永</p>	<p>置 四 輔 永 領 大 單 于</p>	
<p>郭生</p>	<p>姚昭</p>	<p>郭生 姚昭</p>	<p>郭生 姚昭</p>
<p>孫護</p>	<p>孫護</p>	<p>孫護</p>	<p>孫護</p>
<p>張興</p>	<p>張興</p>	<p>張興</p>	<p>張興</p>
			<p>紀達 尚 書 秦 都 鑿</p>
<p>陽哲</p>			
		<p>丞 劉 軒 常 太</p>	

五
風
之
八
變
卷
三

三
四

乙卯 七年永	連和 月與夏 送女十 解律來 從弟睹 從兄買 褚匡迎	甲寅 六年素弗二十 三月遣月卒	
④	萬陵前 輔	姚昭 郭生	姚昭
孫護 左進		孫護	
張興		張興 馮丕左 常山公	
		褚匡 擊游	
高策 散騎		馮賢 尉 申秀 散騎	陽哲
務銀提			
閔尙 史太	馮懿 中給 事	馮觀 太常 高陽伯	褚匡 中書 侍郎
		桃鮮 左常 侍 嘗陋 黃門 郎	

<p>丁卯九年永</p>	<p>丙辰八年永 建太學</p>	
<p>姚昭 <small>弘</small></p>	<p>昭 <small>弘</small></p>	<p>郭生 姚昭 光祿大夫開府 儀同三司錄尚書事尋以怨望誅</p>
	<p>陽哲 <small>征北將軍關內侯</small></p>	
<p>陽哲 尙 李扶中 郎</p>	<p>庫儻官昌庫儻官提閣尙 幽州刺史漁陽公 <small>通</small> 張熾 士博 翟崇 郎中</p>	<p>常侍 遼東令 陽哲 孫伯仁 <small>昌黎尹 尋伏誅</small></p>

卷之二十一

三

戊午十年永 <small>魏長孫道生來攻和龍</small>	己未十一永 <small>來遣使古泥</small>	庚申十二永	辛酉十三永	
弘	弘	弘	弘	姚昭
皇甫軌陽哲 <small>殺為魏所</small>				
弘	弘	弘	弘	陽哲
令 張穆太	令 尙			

年 癸亥 年 甲子 年 乙丑 年 丙寅 年 丁卯
 十五 十六 十七 十八 十九
 昭 昭 昭 昭 昭

昭 昭 昭 昭 昭

高讚
 謀反誅
 西遼

傅權
 左丞
 書尙

昭 昭 昭 昭 昭

昭 昭 昭 昭 昭

辛未
太興
姚昭
司大
馬被殺

壬申二年
六月魏
人來伐
七月圍
和龍十
二月長
樂公崇
以遼西
降魏

癸酉
三年

竇周

馮哲
宗正

盧昭
黃門

李崇
石城

崔聘
侍御

王融
建德

史
國

均降魏

高紹
尚書

慕容玄

為魏所
殺

帶方

見魏書

郭淵
尚書

封羽
將別

羽降魏

卷之九

三十一

萬季野先生歷代中表有漢趙後趙成秦後秦燕後燕南燕
九國將相大臣表練立人補西秦百官表今補後涼南涼西
涼北涼夏北燕六國百官表晉書載記御覽姓氏書金石拓
本全行搜采然遺漏終不免

藝風堂文續集卷三

藝風堂文續集卷四

江陰繆荃孫

永樂大典考

永樂大典二萬二千八百七十七卷凡例目錄六十卷其爲
萬二千冊明成祖永樂元年癸未九月詔學士解縉以韻字
類聚經史子集天文地理志陰陽醫卜僧道技藝之言爲一書
越年奏進賜名文獻大成與其事者凡一百四十七人上覽
書嫌未備復命太子少保姚廣孝刑部侍郎劉季篪與縉同
監修而以翰林學士王景侍讀學士王達國子祭酒胡儼司
經局洗馬楊博儒士陳濟爲總裁以翰林侍讀鄒輯修撰王
襄梁潛吳溥李貫楊觀曾榮編修朱紘檢討王洪蔣驥潘畿
王侂蘇伯厚張伯穎典籍梁用行庶吉士楊相左春坊左中

允尹昌隆宗人府經歷高得暘吏部郎中葉砥山東按察使
僉事晏璧爲副總裁中外宿師老儒充纂修國學縣學能書
生員繕寫開館于文淵閣光祿寺給朝暮膳司事凡二千一
百六十九人六年戊子冬書成改名冠以御製文序姚廣孝
等進書表並命復寫一部鈔諸梓以永樂七年十月訖工後
以工費浩繁而罷定都北京以後移貯文樓按文樓卽今孝
宏義閣
宗雅好讀書常置案頭嘉靖四十一年壬戌禁中火世宗亟
命救出申諭再四幸未被焚因選禮部儒士程道南等一百
人重錄正副二本命高拱張居正校理書手一百八名每人
日三葉至隆慶改元始畢仍歸原本於南京其正本貯文淵
閣副本別貯皇史宬萬曆二十二年甲午南京祭酒陸可教

請分頒巡方御史校刊議允未行我

世祖章皇帝萬幾之暇嘗以是書充覽正本因留乾清宮副本在

皇史宬者因恭藏

聖祖仁皇帝實錄屏當書架移貯翰林院臨川李穆堂侍郎紱在書局首先借觀鄞縣全謝山先生祖望時寓侍郎邸因

與侍郎定爲日課日盡二十卷以所簽分令四人鈔之一日所簽或至浹旬未畢其難如此會纂修三禮謝山語總裁方望溪侍郎苞鈔三禮之不傳者而副本缺失二千四百二十二卷擬奏請發宮中正書補足之亦未果祁門馬嶰谷日瑄仁和趙谷林昱均爲謝山致鈔資而謝山改知縣未久於其

事鈔出者宋田氏學易蹊徑二十卷高氏春秋義宗百五十

卷曹粹中詩說王安石周官新義劉公是文鈔唐說齋文鈔

史真隱尚書周禮論語解二袁先生文鈔元寶萃酒耘先生

令譜今周官新義劉公是文二袁先生文均成書有傳本餘未聞杭堇浦世駿續禮記集

說所采宋元人說半出於大典乾隆壬寅

詔修四庫全書大興朱笥河學士筠請將大典中古書善本

世所罕見者擇取繕寫各自為書以復舊觀得

旨允行編入 四庫者三百六十五種附存目者又一百有

六種第諸書輯散為整考訂不易有業經輯出而未及進呈

者如宋元兩鎮江志嘉泰吳興志嘉定維揚志奉天錄九國

志之類亦復不少嘉慶丁巳乾清宮災正書遂燬而修全唐

文時大興徐星伯先生松會鈔出宋會要五百卷中興禮書

一百五十卷河南志三卷祕書省續到闕書二卷仁和胡書

農學士敬鈔出施諤臨安志十六卷大元海運記一卷孫文

靖公爾準鈔出仇遠山村詞及道光戊子重修一統志嘉興

錢心壺給諫儀吉會奏請重輯大典未盡之書

諭竣統志修畢再行核辦新安相國頗以爲多事迫志成而

西郵兵起給諫亦降官無人敢理此事矣原書萬餘冊恭虔

敬一亭蛛網塵封無人過問咸豐庚申與西國議和使館

林立與翰林院密邇書遂漸漸遺失光緒乙亥重修翰林院

衙門度置此書不及五千冊嚴究館人交刑部斃於獄而書

無著余丙子入翰林詢之清祕堂前輩云尙有三千餘冊請

觀之則羣睨而笑以爲若庶常習散館詩賦耳何觀此不急之務爲且官書焉能借迨丙戌志伯愚侍讀銳始導之入

敬一亭觀書並允借閱每冊高一尺六寸廣九寸五分以至麤黃絹連腦

包過硬面宣紙朱絲闌每葉八行每行大三十五字朱筆句讀

書名或朱書或否乾隆閒館臣原籤尙有存者前後閱過九

百餘冊而余丁內艱矣零落不完毫無鉅帙鈔出宋十三處

戰功錄曾公遺錄順天志瀘州志宋中興百官題名國清百

錄諸書癸巳起復詢之則贖六百餘冊庚子鉅劫翰林院一

段皆劃入使館舊所儲藏均不可問大典只存三百餘冊正

書早歸天上副本亦付劫灰後之人徒知其名而已可勝歎

哉目錄六十卷山西靈石楊氏連筠篋叢書刻之

四庫著錄三百六十有五種

周易口訣義六卷 唐史 徵

易學辨惑一卷 宋邵伯溫

讀易詳說十卷 宋李 光

周易窺餘十五卷 宋鄭剛中

易變體義十二卷 宋都 絜

易原八卷 宋程大昌

易說四卷 宋趙善譽

易傳證四卷 舊本題宋徐總幹撰不著名

厚齋易學五十二卷 宋馮 椅

易象意言一卷 宋蔡 淵

周易詳解十六卷

宋李杞

讀易舉要四卷

宋俞樾

周易象義十六卷

宋丁易東

易纂言十卷

元吳澄

易精蘊大義十二卷

元解蒙

易學變通六卷

元曾貫

乾坤鑿度二卷

周易乾鑿度二卷

易緯稽覽圖二卷

易緯辨終備一卷

易緯通卦驗二卷

易緯乾元序制記一卷

易緯是類謀一卷

易緯坤靈圖一卷

禹貢指南四卷 宋毛晃

禹貢論五卷後論一卷山川地理圖二卷 宋程大昌

尚書講義二十卷 宋史浩

尚書詳解二十六卷 宋夏僎

禹貢說斷四卷 宋傅寅

五誥解四卷 宋楊簡

絜齋家塾書鈔十二卷 宋袁燮

尚書精義五十卷 宋黃倫

融堂書解二十卷

宋錢時

洪範統一卷

宋趙善湘

慈湖詩傳二十卷

宋楊簡

續呂氏家塾讀詩記三卷

宋戴溪

絜齋毛詩經筵講義四卷

宋袁燮

毛詩講義十二卷

宋林岳

詩續緒十八卷

元劉玉汝

周官集傳十六卷

元毛應龍

儀禮識誤三卷

宋張

淳

儀禮集釋三十卷

宋李如圭

儀禮釋宮一卷

宋李如圭

月令解十二卷 宋張處

春秋釋例十五卷 晉杜預

春秋傳說例一卷 宋劉敞

春秋辨疑四卷 宋蕭楚

春秋經解十二卷 宋崔子方

春秋例要一卷 宋崔子方

春秋通訓六卷 宋張大亨

春秋考十六卷 宋葉夢得

春秋讞二十二卷 宋葉夢得

春秋集注四十卷 宋高闕

春秋左氏傳續說十二卷 宋呂祖謙

春秋講義四卷

宋戴溪

春秋說三十卷

宋洪咨夔

春秋三傳辨疑二十卷

元程端學

春秋繁露十七卷

漢董仲舒

孝經述注一卷

明項霖

蒙齋中庸講義四卷

宋袁甫

瑟譜六卷

元熊朋來

韶舞九成樂補一卷

元余載

律呂成書二卷

元劉瑾

方言十三卷

舊本題漢揚雄撰晉郭璞注

切韻指掌圖二卷附檢例一卷

宋司馬光撰其檢例則邵光祖所補

舊五代史一百五十卷目錄二卷 宋薛居正等撰

中興小紀四十卷 宋熊克

續資治通鑑長編五百二十卷 宋李燾

建炎以來繫年要錄二百卷 宋李心傳

兩漢年紀三十卷 宋王益之

兩朝綱目備要十六卷 不著撰人名氏

東觀漢記二十四卷 是書於漢明帝時修後遞有增損至熹平中乃成書

續後漢書九十卷 元郝經

咸道遺事二卷 不著撰人名氏

大金弔伐錄四卷 不著撰人名氏

汝南遺事四卷 元王鶚

書目卷之四

讜論集五卷 宋陳次升

魏鄭公諫續錄二卷 不著撰人名氏

京口耆舊傳九卷 不著撰人名氏

唐才子傳八卷 元辛文房

蠻書十卷 唐樊綽

水經注四十卷 後魏酈道元

江南餘載二卷 不著撰人名氏

河防通議二卷 元沙克什

治河圖略一卷 元王喜

嶺表錄異三卷 舊本題唐劉恂

嶺外代答十卷 宋周去非

吳中舊事一卷

元陸友仁

河朔訪古記二卷

不著撰人名氏

諸蕃志二卷

宋趙汝适

麟臺故事五卷

宋程俱

南宋館閣錄十卷續錄十卷

宋陳騷

州縣提綱四卷

不著撰人名氏

宋朝事實二十卷

宋李攸

漢官舊儀一卷補遺一卷

漢衛宏

大金德運圖說一卷

金尙書省集議之案牘

廟學典禮六卷

不著撰人名氏

熬波圖一卷

元陳椿

寶刻類編八卷 不著撰人名氏

經緯管見四卷 宋曹彥約

舊聞證誤四卷 宋李心傳

傅子一卷 晉傅元

帝範四卷 唐太宗

儒言一卷 宋晁說之

省心雜言一卷 宋李邦獻

袁氏世範三卷 宋袁采

戒子通錄八卷 宋劉清之

知言六卷附錄一卷 宋胡宏

明本釋三卷 宋劉荀

少儀外傳二卷 宋呂祖謙

項氏家說十卷附錄二卷 宋項安世

準齋雜記二卷 宋吳如愚

朱子讀書法四卷 宋張洪齊原同編

家山圖書一卷 不著撰人名氏

治世龜鑑一卷 元蘇天爵

守城錄四卷 宋陳規在德安禦寇事蹟也

折獄龜鑑八卷 宋鄭克

農桑輯要七卷 元世祖時官撰

農桑衣食撮要二卷 元魯明善

農書二十二卷 元王楙

顯頤經二卷

不著撰人名氏

博濟方五卷

宋王 衮

蘇沈良方八卷

宋沈括所集方書後人以蘇軾之說附之

腳氣治法總要三卷

宋董 汲

旅舍備要方一卷

宋董 汲

傷寒微旨二卷

宋韓祇和

全生指迷方四卷

宋王 貺

衛生十全方三卷奇病方一卷

宋夏 德

衛濟寶書二卷

舊本題東軒居士撰不著名氏

太醫局程文九卷

宋時考試醫學之制

產育寶慶方二卷

不著撰人名氏

集驗背疽方一卷 宋李迅

濟生方八卷 宋嚴用和

產寶諸方一卷 不著撰人名氏

急救仙方六卷 不著撰人名氏

瑞竹堂經驗方五卷 元沙圖穆蘇

周髀算經二卷音義一卷 是書相傳為古本莫知誰作音義李籍撰

原本革象新書五卷 宋濂序稱趙緣督先生所著

九章算術九卷 不著撰人名氏

孫子算經三卷 不著撰人名氏

術數記遺一卷 舊本題漢徐岳撰

海島算經一卷 晉劉徽撰唐李淳風注

五曹算經五卷

不著撰人名氏

夏侯陽算經三卷

舊本題夏侯陽撰

五章算術二卷

北周甄鸞

數學九章十八卷

宋秦九韶

益古演段三卷

元李治

皇極經世索隱二卷

宋張行成

皇極經世觀物外篇衍義九卷

宋張行成

易通變四十卷

宋張行成

洪範皇極內外篇五卷

宋蔡沈

大衍索隱三卷

宋丁易東

李虛中命書三卷

舊本題鬼谷子撰唐李虛中注

玉照定真經一卷

舊本題晉郭璞撰張顯注

徐氏珞球子賦注二卷

宋徐子平

珞球子三命消息賦注二卷

宋釋曇瑩撰注

三命指迷賦一卷

舊本題宋岳珂補注

星命總括三卷

舊本題遼耶律純撰

月波洞中記二卷

原稱老君記於太白山月波洞

王管照神局三卷

舊本題南唐宋齊邱撰

太精神鑑六卷

舊本題後周王朴撰

人倫大統賦一卷

金張行簡

寶真齋法書贊二十八卷

宋岳珂

竹譜十卷

元李衍

衍極二卷

舊本題宋東楚湯屋君載撰

元元棋經一卷

宋晏天童

棋訣一卷

宋劉仲甫

墨法集要一卷

明沈繼孫

宣和北苑貢錄一卷附北苑別錄一卷

宋熊蕃撰趙汝礪作別錄

金樓子六卷

梁孝元皇帝

芻言三卷

宋崔敦禮

蘇氏演義二卷

唐蘇鶚

雲谷雜記四卷

宋張湜

夔牖閒評八卷

宋袁文

考古質疑六卷

宋葉大慶

穎川語小二卷 宋陳 昉

坦齋通編一卷

呂氏雜記二卷 宋呂希哲

石林燕語十卷考異一卷 宋葉夢得

辨言一卷 宋員興宗

常談一卷 宋吳 箕

澗泉日記三卷 宋韓 澆

敬齋古今齋八卷 元李 治

日聞錄一卷 元李 翀

元和姓纂十八卷 唐林 寶

實寶錄十四卷 宋馬永易

古今姓氏書辨證四十卷 宋鄧名世

帝王經世圖譜十六卷 宋唐仲友

金華子二卷 南唐劉崇遠

賈氏談錄一卷 宋張洎

東齋記事六卷 宋范鎮

珍席放談二卷 宋高晦叟

唐語林八卷 宋王讜

萍州可談三卷 宋朱彥

高齋漫錄一卷 宋曾慥

張氏可書一卷 宋張知甫

步里客談二卷 宋陳長方

江淮異人錄二卷

宋吳淑

文子續義十二卷

宋杜道堅

逍遙集一卷

宋潘闓

文莊集三十六卷

宋夏竦

宋元憲集四十卷

宋宋庠

宋景文集六十二卷補遺二卷附錄一卷

宋宋祁

文恭集五十卷補遺一卷

宋胡宿

祠部集三十六卷

宋強至

金氏文集二卷

宋金君卿

公是集五十四卷

宋劉敞

彭城集四十卷

宋劉敞

都官集十四卷 宋陳舜俞

郎溪集三十卷 宋鄭獬

淨德集三十八卷 宋呂陶

忠肅集二十卷 宋劉摯

王魏公集八卷 宋王安禮

濟南集八卷 宋李廌

畫墁集八卷 宋張舜民

陶山集十四卷 宋陸佃

雲溪居士集三十卷 宋華鎮

潘水集十六卷 宋李復

學易集八卷 宋劉跂

西臺集二十卷 宋畢仲游

北湖集五卷 宋吳則禮

溪堂集十卷 宋謝逸

日涉園集十卷 宋李彭

灌園集二十卷 宋呂南公

摛文堂集十五卷附錄一卷 宋慕容彥逢

襄陵集十二卷 宋許翰

東堂集十卷 宋毛滂

浮沚集八卷 宋周行己

竹隱畸士集二十卷 宋趙鼎臣

洪龜父集二卷 宋洪朋

跨鼈集三十卷 宋李新

忠愍集三卷 宋李若水

初寮集八卷 宋王安中

橫塘集二十卷 宋許衡

老圃集二卷 宋洪芻

丹陽集二十四卷 宋葛勝仲

昆陵集十五卷 宋張守

浮溪集三十六卷 宋汪藻

莊簡集十八卷 宋李光

忠正德文集十卷 宋趙鼎

東窗集十六卷 宋張擴

忠惠集十卷附錄一卷 宋翟汝文

櫛溪居士集十二卷 宋劉才邵

忠穆集八卷 宋呂頤浩

紫微集三十六卷 宋張嶼

東牟集十四卷 宋王洋

相山集三十卷 宋王之道

三餘集四卷 宋黃彥平

大隱集十卷 宋李正民

鄱陽集四卷 宋洪皓

澹齋集十八卷 宋李流謙

澗山集三卷 宋宋翌

雲溪集十二卷 宋郭印

北海集四十六卷附錄三卷 宋蔡崇禮

崧庵集六卷 宋李處權

藏海居士集二卷 宋吳可

茶山集八卷 宋曾幾

蘆川歸來集十卷附錄一卷 宋張元幹

鄧紳伯集二卷 宋鄧深

浮山集十卷 宋仲并

湖山集十卷 宋吳芾

文定集二十四卷 宋汪應辰

唯室集四卷附錄一卷 宋陳長方

漢濱集十六卷

宋王之望

雲莊集五卷

宋曾 協

竹軒雜著六卷

宋林季仲

雪山集十六卷

宋王 質

方舟集二十四卷

宋李 石

香山集十六卷

宋喻良能

宮教集十二卷

宋崔敦禮

蒙隱集二卷

宋陳 棣

定庵類稿四卷

宋衛 博

澹軒集八卷

宋李 呂

尊白堂集六卷

宋虞 儔

東塘集二十卷 宋袁說友

涉齋集十八卷 宋許及之

乾道稿一卷 熙稿二十卷 章泉稿五卷 宋趙蕃

止堂集二十卷 宋彭龜年

緣督集二十卷 宋曾丰

絜齋集二十四卷 宋袁燮

定齋集二十卷 宋蔡戡

九華集二十五卷附錄一卷 宋員興宗

應齋雜著六卷 宋趙善括

芸庵類稿六卷 宋李洪

南湖集十卷 宋張鑑

南澗甲乙稿二十二卷 宋韓元吉

自鳴集六卷 宋章甫

客亭類稿十五卷 宋楊冠卿

蓮峯集十卷 宋史堯弼

昌谷集二十二卷 宋曹彥約

省齋集十卷 宋廖行之

山房集九卷 宋周南

後樂集二十卷 宋衛涇

性善堂稿十五卷 宋度正

東山詩選二卷 宋葛紹體

蒙齋集十八卷 宋袁甫

鶴林集四十卷 宋吳泳

東澗集十四卷 宋許應龍

浣川集十卷 宋戴栩

漁墅類稿八卷 宋陳元晉

滄洲塵缶編十四卷 宋程公許

篔窗集十卷 宋陳耆卿

驪軒集十六卷 宋王遵

敝帚稿略八卷 宋包恢

冷然齋集八卷 宋蘇河

澗泉集二十卷 宋韓虎

庸齋集六卷 宋趙汝騰

彝齋文編四卷 宋趙孟堅

拙軒集六卷 宋張侃

靈巖集十卷 宋唐士貽

樛埜集十二卷 宋徐元杰

恥堂存稿八卷 宋高斯得

潛山集十二卷 宋釋文珩

字溪集十一卷附錄一卷 宋陽枋

須溪集十卷 宋劉辰翁

碧梧玩芳集二十四卷 宋馬廷鸞

葦航漫游橐四卷 宋胡仲弓

秋聲集六卷 宋簡宗武

廬山集五卷英溪集一卷 宋董嗣杲

則堂集六卷

宋家鉉翁

百正集三卷

宋連文鳳

自堂存稿四卷

宋陳杰

心泉學詩稿六卷

宋蒲壽晟

拙軒集六卷

金王寂

歸田類藁二十四卷

元張養浩

剩語二卷

元艾性夫

牆東類藁二十卷

元陸文圭

青山集八卷

元趙文

紫山大全集二十六卷

元胡祇通

金淵集六卷

元仇遠

小亨集六卷

元楊宏道

青崖集五卷

元魏初

養吾齋集三十二卷

元劉將孫

雙溪醉隱集三十八卷

元耶律鐸

東庵集四卷

元滕安上

畏齋集六卷

元程端禮

牧庵文集三十六卷

元姚燧

陳秋巖詩集二卷

元陳宜甫

蘭軒集十六卷

元王旭

西巖集二十卷

元張之翰

中庵集二十卷

元劉敏中

王文忠集六卷

元王結

勤齋集八卷

元蕭 勳

渠庵集十五卷

元同 恕

伊濱集二十四卷

元王 沂

積齋集五卷

元程端學

瓢泉吟藁五卷

元朱晞顏

子淵詩集六卷

元張仲深

羽庭集六卷

元劉仁本

吾吾類藁三卷

元吳 皋

性情集六卷

元周 巽

樗隱集六卷

元胡行簡

庸庵集十四卷

元宋 禧

密庵集八卷

明謝肅

臨安集六卷

明錢宰

藍山集六卷

明藍仁

藍澗集六卷

明藍智

樗庵類稿二卷

明鄭潛

鷺湖集六卷

明龔敷

江湖後集二十四卷

宋陳起編

藏海詩話一卷

宋吳可

歲寒堂詩話二卷

宋張戒

環溪詩話一卷

不著撰人名氏

文章精義一卷

宋李耆卿

浩然齋雅談三卷

宋周 密

文說一卷

元陳繹曾

作義要訣一卷

元倪士毅

附存目一百有六種

古洪範一卷

宋賀成大

春秋握奇圖一卷

金利鸞孫

春秋經疑問對二卷

元黃復祖

春秋合題著說三卷

元楊維禎

春秋透天關四卷

舊本題晏兼善撰

麟經指南一卷

不著撰人名氏

蒙古譯語一卷

不著撰人名氏

華夷譯語一卷

明火源潔奉敕撰

歷代帝王纂要譜括一卷

不著撰人名氏

藝祖受禪錄一卷

舊本題宋趙普曹彬同撰

龍飛記一卷

舊本題宋趙普撰

重明節館伴語錄一卷

宋倪思

誅吳錄一卷

宋張革之

丁卯實編一卷

宋毛方平

平叛錄一卷

宋郭士

孔子世家補十二卷

宋歐陽士秀

孔氏寶錄一卷

不著撰人名氏

三蘇年表二卷

宋孫汝聽

東坡年表譜一卷 宋王宗稷

綦崇禮年譜一卷 宋綦 燠

呂忠穆公遺事一卷 不著撰人名氏

呂忠穆公年譜一卷 不著撰人名氏

尹和靖年譜一卷 不著撰人名氏

饒雙峰年譜一卷 不著撰人名氏

許魯齋考歲略一卷 元耶律有尚

辜君政績書二卷 元陶 凱

忠傳四卷 不著撰人名氏

逢辰記一卷 不著撰人名氏

勤王記一卷 舊本題宋臧梓撰

西征道理記一卷 宋鄭剛中

江東地利論一卷 宋陳武

邊防控扼形勢圖論一卷 宋江熾

太常沿革二卷 元任栻

南臺備要二卷 元劉孟保等

寶鈔通考八卷 元武祺

永徽法經三十卷 元鄭汝翼

至正條格二十三卷 元順帝時官撰

金玉新書二十七卷 不著撰人名氏

官民準用七卷 不著撰人名氏

明律三十卷 明太祖時敕修

元內府宮殿制作一卷 不著撰人名氏

十六策一卷 舊題漢諸葛亮撰

江東十考一卷 宋李道傳

南北十論一卷 題許學士撰不著其名

洗冤錄二卷 宋宋慈

政刑類要 元彭天錫

名公書判清明集十七卷 不著撰人名氏

唐律文明法會錄一卷 不著撰人名氏

流注指微賦一卷 元何若愚

水牛經三卷 舊本題唐造父

安驥集三卷 不著撰人名氏

痊驥集二卷 不著撰人名氏

宮^麻刻漏圖二卷 宋王 曾

翼^玄十二卷 宋張行成

皇極經世書類要九卷 宋鍾 過

漢原陵祕葬經十卷 不著撰人名氏

九天元女六壬課一卷 舊本題唐袁天綱撰

皇極大定動數得一論一卷 元吳 正

皇極數三卷 不著撰人名氏

皇極生成鬼經數一卷 不著撰人名氏

九天元妙課一卷 不著撰人名氏

相掌金龜卦一卷 舊本題鬼谷子撰

貴賤定格三世相書一卷

舊本題鬼谷子撰

易衍二卷

舊本題漢東方朔撰

貴賤定格五行相書一卷

舊本題唐袁天綱撰

康節內祕影一卷

舊本題宋邵子撰

九宮八卦遁法祕書二卷

不著撰人名氏

成大定數一卷

不著撰人名氏

洪範政鑒十二卷

宋仁宗御撰

神機相字法一卷

一名景齊字至理集

龜鑑易影皇極數一卷

舊本題郭居敬撰

鳴道集說一卷

舊本題金李之純撰

中說三卷

元敖 剞

有官龜鑑十九卷 元蘇霖

忍經一卷 元吳亮

永鑿錄二卷 明洪武中奉敕撰

歷代駙馬錄二卷 明洪武中奉敕撰

公子書三卷 明洪武中奉敕撰

帝王寶範三卷 明馬順孫

四六膏馥七卷 舊本題宋楊萬里撰

兩漢蒙求十一卷 宋劉班

訓女蒙求一卷 宋徐伯益

八詩六帖二十九卷 舊本題宋王狀元撰不著其名

三場通用引易活法九卷 不著撰人名氏

啟劄雲錦裳八卷 不著撰人名氏

啟劄錦語七卷 不著撰人名氏

啟劄淵海二卷 不著撰人名氏

聚課瓊珠詩對九卷 不著撰人名氏

對屬發蒙二卷 不著撰人名氏

賦學剖蒙二卷 不著撰人名氏

啟劄青錢十八卷 不著撰人名氏

古賦題十卷後集五卷 舊本題天_○己巳古雍劉氏翠巖家熟識

燕丹子三卷 不著撰人名氏

峽山神異記一卷 宋王輔

古今諺一卷 宋周守忠

滑稽小傳二卷

一名滑稽逸傳不著撰人名氏

笑苑千金一卷

舊本題張致和

醉翁滑稽風月笑談一卷

不著撰人名氏

玉堂詩話一卷

不著撰人名氏

桃花源集一卷

宋姚萼編

發蒙宏綱三卷

宋羅黃裳編

大全賦會五十卷

不著編輯者名氏

啟劄錦繡一卷

舊本題清曠趙先生編

中州啟劄二卷

元吳宏道

尺牘筌蹠三卷

元陳樞編

少陵詩格一卷

宋林越

可薩克兵考

俄國可薩克兵亦名喀撒克又名哈薩克非一地也一黑海部之端斯喀科昔書謂之端可薩亦謂之端可沙端以水名端河即可薩以地名漢安息國海北境魏書所謂西域兩海敦河之間地隋唐屬突厥即名爲可薩部所謂近西海與波斯大食鄰者實此境也後屬阿速元定西域爲太祖子朮赤所封地今屬俄城郭國一喀復喀斯舊譯爲高加索高架所高加薩漢安息國海東境後屬波斯屬報達屬朮赤屬土耳其今屬俄游牧國有山曰喀卜喀山即唐書西域傳之波悉山長育番族澆鄙獷悍素號難治俄國一千八百四十年於都城設喀復喀斯科彌階特署專理其事後因民俗漸化其署已

裁凡分爲十六省山之南自拔圖穆以次又別曰雜喀復喀
斯凡曰雜者以後言也所稱高加索九部曰日爾日曰諾尼
阿曰義米勒多曰明哥里曰是爾灣曰納希斯丹曰亞巴西
亞曰薩加社皆其地也而譯音譌轉不可究詰一與中國通
之哈薩克分左右北三部漢康居國境魏書所謂西域水澤
以南地也後屬突厥屬朮赤又爲回部其左右兩部乾隆閒
屬於我

朝北部先屬俄而左右兩部近亦爲俄所取游牧國也此三
種可薩克壤地相接風俗相同莫不勇敢善鬪七八歲便馳
馬如飛用爲騎卒戰屢克捷遂以紅甲裳俾殊其式而威鄰
敵他族之欲爲騎卒者亦得入其籍焉俄主歲或一幸以撫

咻之使王子遙領提督以矜寵而鼓舞之故凡有戰事及駐
邊皆推爲軍鋒亦如我

國昔日之用錫伯索倫也

婦女裹足考

本朝崇德三年七月有效他國裹足者重治其罪之制順治
二年又定二年以後所生子女永禁裹足康熙三年又下議
政王貝勒大臣九卿科道官員會議康熙元年以後所生之
女禁止裹足其禁止之法該部議覆禮部題定元年以後所
生之女若有違法裹足者其父有官者交吏兵二部議處兵
民則交付刑部責四十板流徙十年家長不行稽察枷一箇
月責四十板該管督撫以下文職官員有疏忽失於覺察者

聽吏兵二部議處在案禁令初頒民間不無擾累七年七月都察院左都御史王熙疏言裹足禁令立法太嚴或混將元年以前所生者捏爲元年以後誣妄出首牽連無辜亦未可知相應免其禁止自後弛禁令光緒二十七年十二月二十三日奉

慈禧端佑康頤昭豫莊誠壽恭欽獻崇熙皇太后懿旨漢人婦女率多纏足行之已久有傷造物之和嗣後縉紳之家務當婉切勸導使之家喻戶曉以期漸除積習不准官吏胥役藉詞禁令擾累民間如遴選秀女仍由旗民挑取不得采及漢人以示限制將此通諭知之欽此

右禁令

道山新聞云宵娘以帛纏足令纖小屈上作新月狀揮塵餘話云建炎時樞密議官向宗厚纏足極彎長於鉤距王侂戲之謂腳似楊貴妃言朝鞦過彎上似其時婦人腳也鬼董云紹興末臨安樊生遊於湖上寺閣得女子履絕弓小張循王妾履也游宦紀聞云永福鄉有一張姓僧有富室攜少女求頌僧曰好弓鞋敢求一隻裂其底襯紙乃佛經也其時鞋前彎故謂之弓宋史五行志云理宗朝宮女束足纖直名快上馬則束足令直始理宗朝時直則不弓矣吳自牧夢梁錄云小腳船專載賈客小妓女荒鼓板燒香娼嫂宋時幾以爲婦人通稱輟耕錄云元豐以前猶少裹足宋末遂以大足爲恥此南宋時事而嶺外代答云安南國婦人足加鞋鞦游於衢

路與吾人無異所謂吾人今廣西人是宋時嶺外皆不裹足
輟耕錄云程鵬舉宋末被擄配一宦家女以所穿鞋易程一
履是其時宦家亦有不裹足者至金元之制楓窗小牘云汴
京閨閣宣和以後花鞵弓履窮極金翠今虜中閨飾復爾瘦
金蓮方瑩面丸徧體香皆自北傳南者是金循舊俗而元時
南人亦有不弓足者湛淵靜語云伊川先生後人居池陽其
族人婦人不纏足蓋言其族女子不肯隨流俗纏足也野獲
編則云明時浙東丐戶男不許讀書女不許裹足是反以裹
足爲貴今徽州甯國小戶亦然積習所以難反然明史輿服
志云皇后青鞵舄飾以描金雲龍阜純每舄首加珠五顆皇
妃皇嬪及內命婦青鞵舄皇太子妃鞵舄同命婦九品青鞵

舄宮人則弓樣鞋上刺小金花是貴人不以裹足入制而弓
爲利屣蓋般尖鞞鞋沈德符野獲編云向聞禁掖中被選之
女人內皆解去足紩別作弓樣後遇掃雪人從內拾得宮婢
做履始信其說不誣黃道周三事紀略云⑤光選婚懿旨以
國母須不束足則明時制度過南宋遠矣是始於南唐盛於
南宋初則賤者裹之繼則縉紳效之七百餘年寢成風俗至
有據武梁祠畫象謂上古卽弓足據古樂府雙行纏曲謂齊
梁卽弓足前人已辨之不贅

右考古

習俗移人始於薰染久之遂根於天性甚至飲食男女亦雷
同附和而胸無獨得之見深可怪也煙草的是何味女子足

小有何佳處而舉世趨之若狂吾以爲戕賊兒女之手足以取妍媚猶之火化父母之骸骨以求福利也悲夫

袁枚臆
外餘言

國朝八旗婦女皆不裹足古道猶存其風足尙莊子云天子之侍御不爪揃不穿耳耳尙不穿豈可裹足耶盍請地方大吏出示禁約凡屬貴臣望族以及詩禮之大家俱尊王制其倡優隸卒及目不識丁之小戶聽其自便如以此法行之十年則積習漸除天下萬民皆行古之道矣

錢泳履
園叢話

考古者有丁男丁女惟裹足則失之試看南唐裹足宋不裹足得之宋金間人裹足元不裹足得之元後復裹足明太祖江北人不裹足得之明季后妃裹足宮人裹足

本朝不裹足得之由是觀之裹足爲不祥之兆明矣而舉世

猶效之何也蓋婦人裹足則兩儀不完兩儀不完則所生男

女必柔弱男女一柔弱而萬事隳矣

同上

婦人裹足昔人斥之謂以人爲淫具洵然當

國初時曾設厲禁漢臣持之不力遂仍聽民間裹足迄今遂以不裹足者爲醜陋吁可怪也夫殘人支體以娛吾目豈仁者所爲足旣削小無力貧家井臼煩勞之事非所能任是廢人矣乃予更有所聞所見而不得不極言其害者當咸豐癸丑後粵賊徧擾江南北各省吾鄉以多水獲免他省之來吾邑者率多大足婦人而裹足者卒鮮且必皆富貴之家先賊未至出走者也若貧窮之士遷延無計及賊大至而男女踉蹌就道彼婦人自知不良於行未及賊而自盡者有之爲賊

追迫而自死者有之求死不得爲賊所虜脅者有之又或子
爲母累夫爲妻累父母爲兒女累兄弟爲姊妹累駢首就戮
相及於難者指不勝屈歲乙丑予遊皖南每至一村屋宇或
如故而不滿二三十人多者不過百人就中則九男而一女
焉此一女者非必少壯有夫能生育是更二十年而今所謂
九男者或無遺種焉豈不可哀也哉夫自古至今婦女死於
兵者莫可殫述而皆未有知其死之多累於裹足者故予著
之不啻痛哭流涕言之爲天下後世仁人告也

劉恭冕廣
經室文鈔

滿洲自昔無裹足之風予見其婦女出行端重窈窕較漢人
之躡弓鞋步傾倚者轉覺安詳然則創此者眞屬多事也因
思我

國家統一中外之初下令薙髮天下莫敢不遵婦女解足之事行之未久爲黃文僖公奏罷斯人眞可謂無識矣蓋慈仁御宇普濟羣生而陰道柔愚不獲救度則後此婦女之揉筋折骨陷於苦海者不知何日始得脫離也予謂當今而不裹足殆四善焉從

聖朝正大樸厚之風無戾俗之嫌一也免婦女幼年慘痛之厄二也得操作奔走以佐男子之事三也提抱嬰孩無傾跌之患四也奈何有此四善不亟亟行之若以爲細故則安民之政細於此者多矣豈通論乎

李元復常
談叢錄

右通論

藝風堂文續集卷四

藝風堂文續集卷五

江陰繆荃孫

錢唐丁氏八千卷樓藏書志序

目錄之學肇自西京更生撰別錄於前子駿成七略於後條流派別兼具解題班氏藝文因斯而就私家編輯始於梁處士阮孝緒隋經籍志據訂存亡今所傳者則以南宋晁陳兩家爲書林之矩矱焉遂初兼載重本敏求獨嗜宋刻踵事增華例益加密至於考撰人之仕履釋作書之宗旨顯徵正史僻采稗官揚其所長糾其不逮

四庫提要實集古今之大成若夫辨板刻之朝代訂鈔校之精麤則黃氏蕘圃蹊徑獨闢惜所見古書錄未能手訂成書而撥拾叢殘猶覺空前絕後非他書目可比錢唐丁丈松生

博極羣書於學無所不通與賢兄竹舟先生有雙丁之目庚辛之亂於兵火中扶持

文瀾閣書俾出於險久已名聞海內迨亂定請

帑修閣書有缺者爲之鈔寫補足數十年未已而已之收藏亦日益富造八千卷樓庋藏之又爲考其事實臚其得失載其行款陳其同異成藏書志二十卷實能上窺

提要下兼士禮居之長賞鑒考訂兩家合而爲一可謂書目中驚人祕笈矣慨自粵逆跳梁東南淪陷縹緲之厄幾等秦灰近海內稱藏書家曰海源閣楊氏曰鐵琴銅劍樓瞿氏曰皕宋樓陸氏與八千卷樓爲南北四大家三家各有書目行世而此志獨晚出其所長則有二焉一在收明人之著述也

晁陳收至南宋時代最近今距明末二百五十餘年距明初則五百年閱世愈遠傳本愈難一刻再刻業難考訂何敢輕棄非變例也一在拾鄉先輩之叢殘也愛日精廬閒收

國朝人未刊之書今仿其例尤留意於鄉人雖一卷半帙亦必詳悉備載如有賢子孫欲求先集可望流播以免散遺宅心仁厚於此可見荃孫幼嗜縑素得一異書寢食俱廢雖無力不能多購然舊家所藏廠肆所出得寓目者亦復甚夥歲在丙子與修甫中翰訂交於京師時作一瓿之借戊戌游浙丈已老病請見未能深憾來游之晚今修甫昆仲命襄校讎兼志原委掛名簡末誠不勝附驥之幸光緒庚子四月江陰繆荃孫序於鍾山講舍

皇朝三通議要類編序

光緒辛丑

詔改科舉廢時文試多士以策論令考試以

御批通鑑輯覽

欽定九通命題於是好名之人從事九通有石印原書者有單刻序目者有分類纂輯者竊意九通共一千六百四十卷卷帙之鉅豈翻閱所易徧雖然有其要焉吾黨有意讀書深於經學取材於通典工於對策寢饋於通考至通志僅讀其二十略而已而欲馴知

國朝掌故尤以

皇朝三通爲淵海夫杜鄭馬三書時代不同采輯或異至

皇朝三通成於一時而所載事實往往互見如典與志之食
貨卽考之田賦十九門典之州郡邊防志之地理都邑卽考
之輿地四裔門志之器服卽附於禮災祥亦同物異藝文卽
是經籍非總攬全書一以貫之亦徒費時日耳武進黃茂才
予雋博洽多文留心時事爰取

皇朝三通分吏戶禮兵刑工天文地輿八門纂輯成書件分
條繫不漏不支具見搜輯之苦心貫串之精意非海上牟利
者專爲懷挾計也士子就此編而求之再於嘉道以來分類
續編一事具沿革一政覘興廢必先知我國之政學再以他
國之政學補偏救弊以期盡善如僅從各國政學入手於中
國之事動輒茫然不得已大言欺人以爲一切不足觀

國家亦何賴此等人爲也。荃孫才疏識闇，讀子雋之書以爲實獲我心，遂不辭而爲之序。

貴池二妙集序

池陽文人晚唐獨盛，專集之傳於今者，則有張喬、伍喬、殷文圭、杜荀鶴諸家。麟彬風雅，輝映壇坫。南北兩宋，華子西最著名。而郎趙客所述陳清隱、馮彥思、曹緯、楊少愚諸人，今亦不可得見。自元入明，流風稍替。至晚明而吳次尾、劉伯宗兩先生者出，又其魁能冠倫，足紹前哲者也。吳先生才氣縱橫，羅九經廿一史於胸中，洞悉古今興亡順逆之迹。崇禎之季，國事已岌岌，與冒辟疆、陳定生、顧子方大會奄難死事之孤，十三人於桃葉渡。阮懷（甫）寓留都，作防亂揭擯之阮後用事誣。

陷捕治以跳免九應鄉試僅中副車豫慮燕京之不可守聞者均笑其迂而持論侃侃不少屈卒至國祚傾覆而先生遂以身殉劉先生溫厚和平人人可近而剛方嚴毅之氣使視爲可近者輒復自遠膺薦辟應吏部試注官知州不就皖撫檄任九江同知亦不赴鼎革後隱峽川誓不入城完髮以卒兩先生同里閭同志趣同學術同入復社負重名同在下而不得暢行其志危言危行不顧禍患之至迨至國亡家破一則柳車柴市死殉故君一則土室露車生逃僻壤高風亮節千古同欽吳先生正命後掩遺骸恤遺孤編遺著後死之責劉先生獨爲其難不以一死一生而人遂謂之不同也劉蔥石觀察生兩先生之鄉問學擅長景行倍切爰合樓山堂嶧

桐兩集彙刻之又取朱竹垞靜志居詩話語名之曰貴池二
妙集昔晉衛瓘索靖俱善草書人謂之一臺二妙金段克已
成已舅弟所著亦曰二妙集今兩先生之詩文識見之高遠
議論之英偉指事類情必求其當而無拘虛浮慕之求豈一
材一藝擅名當世者可比張爾公謂樓山文似陳同甫康范
生謂嶧桐詩擬杜陵文擬宣公洵知言哉余澹心嘗舉嶧桐
集投劉輿父謂當與樓山遺集同刊俾後世知池上有兩先
生有德有言依忠依孝若斯之著也輿父再拜受命而迄未
果蔥石從二百年後爲完此志後人讀是集想見其爲人而
諷誦之企慕之有足爲秋浦齊山生色者而蔥石之志趣亦
可知矣光緒庚子閏八月江陰繆荃孫序於鍾山謹舍

隨庵叢刻初集序

昔顧澗濱先生慨宋元舊本日漸散佚以爲將與三代之竹
冊六朝之油素名可得而聞形不可得而見徒使後人咨嗟
太息曾何有毫末之益於藝林哉何如覆而墨之勿失其真
是縮今日爲宋元也是後千百年爲今日也而寰宇同志更
興迭出或得以相尋而無窮乎

國朝老輩於明覆宋元本絕寶愛之與眞宋元等卽

國初乾嘉名刻近人亦寶愛之眞識澗濱先生此意矣南陵
徐君積餘博學多文會刻積學齋許齋兩叢書廣傳

國朝先輩不傳之著作藝林無不推重近又得宋元本十種
覆而墨之名曰隨庵叢刻字畫行款一仍其舊宋元面目開

卷卽是前人題跋收藏圖書無不影摹訂誤釋舛另刻札記
不敢徑改本書亦墨守潤濱校勘舊例荃孫亦慨當世號藏
書家有公其書於天下者有私其書於一己者前如納蘭容
若之通志堂黃蕘圃之士禮居近如黎純齋之古逸叢書舉
古人欲絕之迹海內未見之本傳之藝苑播之寰宇俾又可
緜延一二百年不致泯沒而且勘訂脫訛補綴遺逸使後人
讀此一編盡美盡善無所遺憾所謂守先待後者非耶苟反
是而綈錦爲衣梅檀爲室以扃鑰爲保守以鈔校爲多事同
志好友不得一觀已又無暇題跋校勘以傳諸世一旦兵火
摧燒拉雜不肖子孫稱斤論銀售諸不解事者甚至爲外洋
摺載以去夫古人一生精力辛苦成書渺渺千百年於兵燹

劫奪之餘僅而獲存亦云至幸奈何徒知寶愛不知流傳自
非與古人深仇重怨不應若爾論語代薪太_②覆瓿古今同
慨積餘近刻此書目之曰初集知後必有續刻且凡聞君之
風者使之有所效法均以流傳爲主席中國之舊學得以永
保而潤濱先生之宗旨常存於天地間則亦古今所同幸者
哉

朱修伯大理結一廬文集序

仁和朱修伯先生自咸豐癸丑通籍官戶部值樞廷博通
國典綜核機務咸同之間有名於

朝先生生長杭州夙聞吳瓶花孫壽松汪振綺之遺風及官
京秩又值徐星伯韓小亭彭文勤公及怡邸之圖書散落廠

肆不惜重值購藏遂爲京師收藏一大家公子子清尤工搜訪冷攤小市無往不到所得益多荃孫辛未會試與子清訂交書肆暢談板本之得失書籍之源流四部七略如瓶瀉水荃孫善問子清亦善畚往往夜以繼日時寓繩匠衚衕與先生望衡對宇而譚仲修張子虞孫仲容三同年皆客先生所過從益密迨荃孫丙子通籍已不及聆先生聲欵子清亦改官江南又與次君子涵訂交子涵爲言佳本悉載往江南所餘無幾一瓿之借亦不吝惜又從黃再同同年處錄得結一廬書目略睹大概庚辰至滬訪子清得見宋十行本晉書宋刊東西漢會要宋諸臣奏議元刻農桑輯要皆世所罕見者迨丙申館鍾山而子清又歿書籍亦散其精華悉歸張幼樵

前輩其奇零有歸荃孫者子涵亦由直隸改官江南一日持
汲古鈔本金石錄張燕公劉賓客司空表聖三唐人文集明
鈔本中多夾籤皆先生手校欲梓者經理刻成以繼先志而
燕公集缺五卷劉賓客缺外集荃孫爲假別本補足傳之藝
苑頗重其書去年又捧先生遺箸歲入歲出總數考一篇雜
文十餘篇定爲上下二卷仿屠琴塢是程堂集體刻之前讀
幼樵所撰墓志云有集三十卷讀書雜誌二十卷樞垣日記
三十卷今所存止此雖篇帙無多然先生學問淹雅器識閎
通猶可窺見萬一惟是同治辛未迄今光緒戊申不特先生
久歸兜率卽子清幼樵亦均墓有宿草荃孫衰年多病白禿
年少今已霜雪盈顛俯仰其閒蓋三十有八年矣何其速也

先生揮豪草制正值中興之年獻馘銘功目覩其盛今時事日非民生日蹙後生小子目不知書掌故目錄之學棄之如遺胸中僅貯寸許洋裝書侈口而談新學自以爲能人亦從而譽之無形之焚坑不知伊於胡底先生有知能無恫乎子涵猶能篤守家學刻成斯集以傳後亦可謂克家之令子矣

半巖厂所見書目序

同治甲戌南皮師相督四川學諸生好古者來問應讀何書書以何者爲善謀所以嘉惠蜀士並以普及天下學人於是

有書目答問之編荃孫時館吳勤惠公督署隨同助理談次偶及位西先生是書師相推爲淹雅閎通如數家珍當時惜未傳錄否則出諸篋中按圖索驥數日事耳不似如今攷及

兩月尙未愜心貴當也光緒丙子赴計車見諸黃再同同年所大喜捧歸覓人錄副小小譌脫見卽訂正並就所見書目添注眉頭藏諸篋中以作枕秘光緒戊申八月胡幼嘉觀察持鈔書十鉅冊見示則位西先生之孫伯綱同學思刊行其書索余弁言余應之曰是書也荃孫寢饋其中四十年矣是書之命意在分別本之存佚與刻之善否

四庫所儲有不應收而收者有應收而不收者有所收之本不及未收之本者有所收據大典而原書尙有舊刻舊鈔者有無宋元舊刻止有明刻爲祖本者明與

本朝先後幾刻有足有不足有佳有不佳而

四庫未收之本後出之書以類相從夾注於後近來外間頗

有鈔本流傳而舛譌亦益甚伯綱詳校發刊有一定本豈不甚快使學者家置一編隨時就所見加注於上前人爲之甚艱後人據之甚便不卽與南皮師相嘉惠學人之願同一轍乎當先生在都時若曾文正公梅文伯言朱文修伯葉文潤臣往還最密橋西雜記所云蕙西居京師購書甚富案頭置簡明目錄一部所見宋元舊刻本鈔本手記於各書之下以備他日校勘之資卽指此書而言朱修伯校語甚多想見京秩甚閒同志搜討之樂令人神往幼嘉此冊鈔自董君綬金書眉又撮錄周文季貺黃仲弢王第卿孫仲容諸人加攷均與荃孫同志今再同季貺第卿墓有宿草仲弢仲容近亦奄忽荃孫獨行踽踽質疑無門幸得幼嘉綬金相與商推卽伯

綱同學相距較遠意氣精神均稱同調於滄海橫流斯文闕
寂之候深幸吾道之不孤此書通行後何啻得千百導師於
家塾而保全舊學不致湮沒於塵埃流失於外域舊學絕續
之變豈非絕大關繫之事哉

王仙舟同年金石文鈔序

國朝談金石者有二派一日覃溪派精購舊拓講求筆意賞
鑑家也原出宋人法帖考異蘭亭攷等書一日蘭泉派搜采
幽僻援引宏富攷据家也原出宋人金石錄隸釋等書二家
皆見重於藝林惟攷据家專注意於小學輿地職官氏族事
實之類高者可以訂經史之譌誤次者亦可廣學者之聞見
繁稱博引曲暢旁通不屑屑以議論見長似較專主書法者

有實用矣荃孫弱冠卽溺志於斯學後讀畢秋帆阮文達王
德甫孫淵如諸先生書稍窺門徑冷攤故家見卽購得所積
益多所嗜益篤丁卯捷四川秋榜三上計車陸則由棧道入
秦晉水則泛舟岷江出夔門以達楚每逢陰崖古洞破廟故
城懷筆舐墨手自椎搗雖極危險之境甘之如飴偶朋舊雅
集於篋中出片紙爲前人所未錄同輩所未見則撫掌大笑
以爲至樂丙子成翰林供職京師廠肆所謂帖子者當十錢
數百卽可購得一紙而舊拓往往雜出前後得一萬八百餘
種勒成金石目十八卷同人愆慮取萃編所無者錄其全文
加以攷證僅僅攷釋遼金兩朝五百餘種畏難而止戊申三
月由省垣歸府城進謁府尊王仙舟同年時到任半載矣政

成民和頌聲四起偶談金石實欽同志因出手鈔金石全文約二尺許取而讀之各體均手自摹寫尺寸及行數字數詳識之隨文考證一準萃編舊例既佩君之精力過人遂乃爽然若失自悔初志之不堅也君與荃孫丙子同歲通籍君在戶部公事繁重荃孫奔走四方之時較多都中往還未能過密迨乞假還山君擢侍御多彈劾無所避去年出守吾郡以爲同年同志受益較易孰意君有涼州之調而不能挽留也昔年讀關中金石記而惜其不載全文甘肅向無書自胡君月舫葉君鞠裳兩學使前後爲之書尙未成僅錄其目君既西上大可合關隴勒爲一書以嘉惠後學郵寄荃孫并言於首豈非大願仙舟好爲之涼州名郡與君故鄉壤地相接風

俗相似君得以展布其所學順流布化必有易於吾郡者循聲既播遂播之再涖江南亦意中事安知離者之不易於合仍還我請益之舊願耶

宋史翼序

元托克托修宋史成書四百九十六卷蕪雜之譏史家引爲大恥錢竹汀先生標其四弊一曰南渡諸傳不備二曰一人重複列傳三曰編次前後失實四曰褒貶不可信故其時周以立欲改修而未能其孫敘嘗思續成先志明正統間請於朝詔許自撰詮次數年未就而卒嘉靖中廷議更修以嚴嵩董其事然亦未有成書也他如柯維騏宋史新編王惟儉宋史記王洙宋史質其書主意曰刪曰訂皆恨本書之繁蕪而

思雍治之未嘗病本書之疏漏而轉補苴之也吾友陸存齋先生問學淹通史才獨擅初擬改編宋史積橐至四五尺後慮卷帙重大而精力漸衰乃先刺取各書積錄應補之傳至七百八十一人附傳六十四人成四十卷改名宋史翼其中名臣如孔延之徐彥若喻汝礪袁說友循吏如侍其瑋韓正彥桂萬榮儒林如宋咸阮逸董鼎游九言文苑如二洪二崔姜夔高似孫劉過忠義如丁黼鮑廉方技如孫兆唐慎微李廷珪李成王詵姦臣如呂升卿廖瑩中皆彰彰在人耳目何轉棄之如遺當時秉筆諸臣如前代列國達官降宋無事可紀至盈數卷碑傳原文率爾錄入無類敘之才無考訂之學繁蕪者自繁蕪疏陋者自疏陋先生之補宋史固其宜矣搜

采之博淺讀者共知之翦裁之功非深研者不知也事增文
省亦何讓新唐書乎此與先生宋詩紀事補遺一百卷元祐
黨人傳十卷皆天水氏一朝掌政之淵藪也昔揭陽王昂撰
宋史補其書不傳邵氏二雲南都事略其儒學文苑一目載
入潛研養新錄而宋史以外止增劉克莊一人卽令全書尙
存亦未必過於此書然則是編也卽與宋史並列學官亦復
何媿固非若錢文子補兵志及熊方之補年表所可同日語
矣光緒丙午五月朔江陰繆荃孫序

重刊小謨觴館詩文集注序

荃孫幼年學儷體文

國朝大家卷施而外最心折小謨觴館琅琅上口了了於心

後又得錢唐孫氏注裝成一篋舟車必借原書已屬難遇注
釋尤爲罕覯今年鎮洋家衡甫兄以新刊詩文集注相餉且
知荃孫精研斯集屬以弁首其何敢辭而先生數奇不偶之
傷力學不勗之誼徵諸紀載略可臚陳當夫少飲香名長儀
樸學抽金匱之祕簡發綈裘之珍錄睢睢盱盱上溯結繩職
職植植下窮倚杵拮逸殘竹旣旭厯兮銳銀騁辨華林匪張
皇而詭譎經岐臆案自比於蠡測稽疑讀史偶鈔原不同博
聞總類流傳萬本得失寸心是先生之學術久客樓煩習慣
風土青兕名重黃麈酒酣晉王祠下星心月口之思遺山墓
前鉛水銅槃之淚繼而歸息海濱續游潁上蓼洲之波百頃
勺園之花千叢北馬南船風格頓改卅年作客千里傭書以

入幕之郗超作觀濤之枚乘身如社燕旣來去之靡常心逐秋鴻更哀鳴之不已是先生之蹤跡大鈞誰問不遇依然書十上而辭秦璞三獻而慟楚大庾相公有

召試之奏錢塘刺史有大科之徵一則以人少而未行一則以名高而不赴九原可作感舊之詩尙存一介不取卻聘之書傳誦論志行則立身自有千秋論文辭則垂老艱於一第是先生之出處少侍雙親髮倪婉婉天倫至樂孰過於斯無何悲深風木淚灑杯棬加之玉溪錦瑟之悼重以參軍香茗之憶傷哉貧也馮煖無以爲家天難謹斯伯道何嘗有後叢干愁於方寸萃六極於眇躬遂乃皈依象法參悟龍樹講定慧而知珠瑩錄懺摩而心鏡朗是先生之德行故其爲詩兼

綜眾體獨擅三唐躍馬橫戈挾幽并之奇氣雕龍織錦紹劉
柳之真傳擅壇坫於東南主敦槃於湖海黃河遠上旗亭賭
唱之詞白雪陽春郢中寡和之曲襲水琴人傳曰采溫思澹
定庵雜詩注曰清深淵雅卽同人之推許知不朽之在茲至
於詩餘亦臻高格當時同輩罕有其儔若其爲文也取材騷
選探源漢魏自晉及唐靡不甄陶宋人而下概未染指嘗以
古人文筆無分駢散明體達意以古爲歸而意象者壹壹之
所蘊結也單複者消息之所寓寄也聲調協和則應絃以赴
節辭華彪炳則侔色以揣稱有迦陵之精采而去其率易有
叔一之清剛而加之綺麗鼎足二雅獨擅一朝讀答姚春木
書可知先生研練之精讀與劉芙初書可知先生根柢之厚

矣注釋綜博相傳以爲先生自注及門弟子共相檢查於以見運典鮮明初無須乎割裂引書淹雅并無取夫怪異就此注而引申之愈見結構之緜密意想之新穎也已荃孫少不如人老之將至勉循途而易進愧學步而未能骨格未峻由於澤古不深藻采不鮮由於取材不博然而熟讀深思歷有年所其中甘苦指數及之庶以抒先生著作滿家之盛心亦以表衡甫嘉惠後學之美意也

蔣頰青南北朝宮闈雜事詩序

慨自大野獲麟羣雄逐鹿豆剖瓜分之代榱崩棟折之辰攻堅攻瑕鬥知鬥力欲知國勢之強弱先覘主德之隆污而况觀型瀉泐彰龍工鳥翅之奇啟化河洲衍麟趾鵲巢之盛馭

卯肇契龍瘖亡周文在手而魯漸興泣於宮而晉有覺金甌
無缺雅樂播於房中銅狄興嗟始禍歸於女寵一治一亂是
人非天我友頻青學自丁年熟於乙部以嚼徵含宮之筆爲
袞袞貶鉞之文問天呵壁陽秋皮裏之書擲地鏘金纂組胸
中之錦則南北朝宮闈雜事詩六卷固詩家之正宗亦史氏
之別子也爾其洛中鷲出江上龍飛取江左作帝家視中原
同甌脫南謂北曰索虜北謂南曰島夷南自取長安平廣固
而始鞏皇基北亦定張掖收和龍而幾臻混一興亡六代美
刺千言約舉大綱厥端有四則有天星立應地鏡呈祥日月
在軀鱗文徧體紫色照陣獼猴自驚黃藥誰舂大蛇立斷蒿
鏡猶在已難詰誠夫子孫玉璽空歸竟未埽平夫河洛以及

生有赤文行和熹之典禮宮無胡粉證妙善之佛裝是曰紀
瑞其可詠者一也論武功則永初最雄論儉德則建元獨盛
論文學則蘭陵子弟劣虎優龍論帝範則宇文君臣刻鵠類
鶩新洲伐荻當年之衲襖猶存內殿修儀張蓋則金華已去
至於九龍應夢助神武之英風二聖臨朝顯開皇之郵治是
曰紀德其可詠者二也青鹽灑地羊亦徘徊紅日入裙鴟尤
皦叫綢繆麻印心驚楊叛之歌通替棺成腸斷謝莊之誅况
復堂開楊柳門出枇杷吳公臺下聽玉樹之聲聲飛仙帳前
看金蓮之步步置膝解事竟忘牀下文書殿腳嬉春莫問鏡
中頭頸是曰紀豔其可詠者三也若夫竹林射鬼桃葉渡軍
昭靈殿上權且養驢曇度寺中何妨偷狗卅面首之置難語

人倫四皇后之尊亦遭天杖瑤光作髻先受胡騎之驚金合
同心難辭聚塵之辱紫綉未溼韓擒則躍馬先來玉體橫陳
晉陽則倒戈而入慟茲國變均咎色荒是日紀亂其可詠者
四也嗟嗟盛則五色龍章衰則三拳狗腳手刃天柱不愧拓
拔家風火焚圖書空歎文武道盡雖封狼居胥元嘉未免草
草而入豐都市大業自覺恢恢禮明樂備慨豎子之名成天
蒼野茫惜英雄之老去樞機握之君后禍福徧乎垓埏矣昔
厲樊榭有南宋雜事詩吳稷堂有十國宮詞類青取材兩體
合詠一編以眎荃孫屬爲弁首荃孫少時作前後蜀雜事詩
又作明季樂府亦會裁量宮體涉獵史篇自媿小言無當大
雅近則江淹才盡燭武精亡羨古錦之新裁慚寒筍之失響

春秋意顯居然自成一
家之言風雅道存不媿
論定千秋之目

陶廬雜憶序

鼠年鵙月豺邑龍野蕭斧螳拒篝火狐鳴金虺墮空赤眚幻
地慘淡乾寓睢盱坤維熒惑入斗子規泣血黔首莘莘倚柱
而歎里閭故人投我新詩高唱遏雲清思滌漢天吳顛倒火
敦沮洳攝光挹響稍澹哀怨番禺舊尹日礪後裔研索寒暑
鉤稽緇繩揚舫贛江躡屩粵嶺醞釀春華鎔鑄秋心江山助
之胸次可想毛義捧檄王尊叱馭干將莫邪銳不可當攝二
千石嘯歌不廢留犢而去驂鸞以嬉羈旅關河睽隔桑梓釣
游舊事歷歷不忘雜憶百首於焉託始西山拄笏秋風拂衣

迴颿江城尋盟息壤考訂故實周旋朋舊黃花剝鱗紅樹賣
鱸雜憶續成數爲二百嗟嗟輕去鄉里昔人所訶雲溪樂府
鴛湖權歌遠徵祖德詳敘風俗引商刻羽弦絲吹竹君之生
朝與漁洋同今逢閏八曲獻三終漁洋閏八月生寰海鱸濤田家雞
黍安樂一窩乾淨片土竹杖芒鞋我與君偕荒邱弔古寥天
放懷音同笙磬報慚瓊玖弁言何人申浦繆叟

劉寄靜畫膚吟題詞

霖雨而月泥塗接天檻苔殷紅砌草垂綠凭几枯坐涼颿痒
肌循牆小步溼莓滑足天慘慘而無色人寂寂以尠歡劉子
蔥石闖門前來手一編示余曰猶子寄靜夙嗜詩詞弱冠甫
過中道遽折無等身之傳作僅片羽之幸存君爲我序且志

余哀夫寄靜稟質淵懿賦學邃密郎中三影平子四愁處膏
腴之境攻苦過於儒素當綺麗之年寒瘦出於天性鏤肝鐵
腎焮掌嘔心詞章之工以此年齡之促亦以此矣當夫山寺
迎秋水亭銷夏飛翠在握冷紅不肥著手成春則雲霞增豔
奇想若月則草木皆香思成一家之言獨擅千秋之業何期
疾疾遽作瑰質自隕鍛驪龍之珠碧海奪色鍛翮鳳之羽丹
山無暉文人可哀同輩茹痛傷已畫膚吟一卷附縑煙詞一
卷聚卿所次也嗚呼山河邈若露電倏如謝文靖之碎金精
神所寄江醴陵之尺錦文采不凡屬付琬鐫並襄讐校乃把
卷升屋而作招魂之歌以紓大阮之痛其辭曰

魂兮歸來秋心滿堂落葉夜脫寥天隕霜魂兮歸來陳書在

几彭殤一致南華妙旨魂何所之碧落黃泉繫靈蹤之超舉
固俗慮之胥捐白髮兮老母紅顏兮少婦情何閒乎幽明恨
難彌夫高厚風泠泠兮吹衣月炯炯兮入幃思之子兮不見
庶銜感乎遺徽

錢藕衫遺詩序

揚子江頭梅花嶺下占二分之月禪智秋深嘗第五之泉蜀
岡水熟沈沈清境眇眇深思中有詩人蕭然獨處陸機擁鼻
長吉嘔心則甘泉錢藕衫其人也藕衫淵懿儲材化離邁遇
鑿楹著其家學削臚疲夫盛年專嗜聲律亦工繪事焯掌自
勵脫眉不知寇警突逢海隅竄跡傷心風雨庾信去國之悲
滿目烽煙杜陵無家之別歲丁巳臨川宗師拔取古學後以

額滿見遺蓬山將到風引仍迴藥鼎方開丹圓未熟遂乃愁
同塵積病比春深賞音罕遇鍾期傷亂復同越石每至風竹
宵鳴浦葭霜冷遠山瘦碧斜日澹黃摹古積夫錦囊銜悲鏤
夫玉骨一篇甫就眾口交譽然而綺語之悔每懺情多傷生
之嗟罕以理遣慧難續命憂能短年芣苢無靈芙蓉作主仙
龕海上誰爇返魂之香紉素箱中空漬洗面之淚嗚呼傷已
令子祥保學成麟角秀擢鳳毛搜輯遺編傳播當代芳華未
歇留皮而豹幸存音沫堪思擣麈而麝不滅則是編也固與
夢陔稽庵諸集同爲淮海之英靈也已光緒己亥冬仲江陰
繆荃孫序於鍾山講舍之飽看山移

雙卿詞序

徐子積餘刊

國朝閨秀詞八十餘家顧獨無雙卿詞余問之積餘應曰以其無專集也余曰雙卿詩詞止見西青散記其人本末且不具除散記外亦不見一鱗半爪何從而得專集然其詞清絕幽絕如橄欖如檳榔細味之而佳愈出不特閨秀罕見其偶卽散記中所載詩詞亦不能不讓其獨樹一幟此其所以可傳也烏得以其少而遺之謹錄小令慢詞共十六首以錢塘丁氏書目所載陳深字極齋詞一卷止七闋吳澄文正公詞一卷止十三闋例之亦可以成一家矣夫以雙卿之才與雙卿之遇讀其所著無不爲之悵惘然散記一日存卽其人一日不朽較之畢生富貴而聲名湮沒者猶覺稍勝積餘再刻

入彙集其傳益廣更自可久抑何幸耶昨歲薄游陽羨傍洮湖行銅官琅玕綃髻諸山峰巒四圍如屏如玦夕陽西下秋水拍天榆柳搖風蒲葦一碧村墟籬落之閒心目中若有雙卿其人者與昔時放舟蜀江入空艚峽訪昭君村謁三閭大夫廟感今弔古行歌互答其情景亦相彷彿也遂書之以爲雙卿詞序

雙卿象作三圖一種瓜圖一浣衣圖一餉耕圖

雙卿寫詩詞以葉不以紙以粉不以墨以葉易碎粉易脫也無錫顧筠溪見其所書詩在蘆葉上爲賦蘆葉詩二百餘言董東亭東臯雜錄作張慶青傳聞誤也

欠紅詞序

荃孫初晤譚仲修同年出篋中詞相眎盛推吾邑蔣鹿潭先生謂

國朝詞人可與成容若項蓮生相伯仲荃孫曰樓以水雲爲名殆卽私淑於飲水憶雲乎仲修以爲知言繼見先生猶子公頗奇穎發翹澄思坐照封胡才調克紹夫安石伯充英姿不亞乎坡老又復滇雲萬里黔兩千山詩織弓衣墨磨盾鼻遊覽所至吟詠隨之以爲綺麗則傷骨先洗浮華奮厲則滯音務遠儉楚遂乃結體於片玉擷華於碧山此久紅一編蓋與水雲如驂之靳焉僕輪躓北道落拓窮途鈴索西清浮沈冷署綺語懺悔怕墮夫泥犁狎興生疏有殊乎年少若君者瓊想微契瑤情自深譜琴趣而猶新和笛家而無恙他日同

歸故里幸際良時相與泛滄浪歌歛乃由里之山一青若沐
石灣之水半綠如油煙華盪春露葉媚且豪情易激舊習未
忘或能隨君唱和於蘆碕柳岸閒也是爲序

古歡室詩集序

同治初年荃孫游於湯秋史先生之門時華陽會吟村太僕
之配左恭人時來湯寓先生爲荃孫言庚子年誼兼託葭莩
遂謁恭人於城南青綾障下婁聆雅語諗知恭人有二姊一
適姚一適袁均擅詩詞書畫爲吾鄉盛事恭人卜居萬里橋
西與浣花草堂相望老屋數椽斜枕流水波聲嗚咽遙通蜀
江籠竹浮煙綠陰岑寂名流勝地迄今猶形之夢寐恭人膝
下四子五女鸚雛繞膝聞者豔之繼而恭人長壻袁君幼庵

入贅與荃孫序丁酉世昆英氣妙才締文不暇再數年又見
其五壻張君子馥而三子蜀章亦英英露爽此皆在蜀時也
洎荃孫官京師幼庵已卯捷出宰皖省蜀章已丑捷子馥壬
辰捷均得京秩過從尤數後荃孫與掌院徐相不合乞祠祿
於鍾山幼庵官懷甯常通音問時選常州詞錄而閨秀一門
紅蕉冷雲兩集未睹全藁僅從選本錄入深以爲歉今春鄂
游遇幼庵於輪舶廿年別緒一旦傾寫方諗伯淵女士工書
畫善詩詞有母氏風旋見眎古歡室全集唐音宋派卓然名
家蓋以冷雲爲之母紅蕉爲之姑蜀章季碩爲之弟妹家學
淵源流傳有緒根柢厚而閱歷深自不同於嚶鳴以爲聲擘
積以爲富者昔會稽邢氏商夫人眉生有嗣音雲衣爲姊妹

有弢英修媽湘君爲之女而錦囊綠窗等集未焚寄雲各草
早已流播藝苑再求之近代武進張翰風先生之女孟緹有
澹鞠軒集婉紉有綠槐書屋集若綺有餐楓館集而王氏采
蘋采蘋亦各成家一門之內風雅相尙上擬祁氏後先輝映
然以視古歡其家庭唱酬之樂則同而黻佩相莊蘭玉競爽
古今才媛不可多得之遇以一身兼之則又獨異也荃孫行
年六十日就衰頽文采消沈何足爲斯編冠冕惟述四十年
來離合蹤迹以寄感慨而古歡胚胎前光獨秀彤史爰志欽
佩且質之幼庵焉光緒甲辰江陰繆荃孫序於雲自在龕

石蓮菴刻山左人詞序

戊戌之冬吳糧儲仲飴同年屬爲校刻山左人詞先得

國初王西樵阮亭宋玉叔曹實庵四家續於百家詩選得楊
聖期唐濟武兩家宋詞得李端叔辛稼軒周公謹李清照四
家已亥復得

國朝趙館山田在山兩家庚子又於六十家詞得柳耆卿晁
无咎王錫老侯彥周四家於典雅詞得趙涓師一家共十七
家荃孫校刊記而序之曰夫古人之詞往往在編集之外故
雞肋集七十卷而琴趣目爲外篇王漁洋三十六種而阮亭
詩餘不在其列零星小帙湮沒尤易此薈萃之難也宋人填
詞悉以應歌有襯字無襯字長短之不同有單調有雙調離
合之不一舊刻罕覲鮮可折衷萬紅友云世遠音亡字譌書
錯只可闕疑而已此校讐之難也詞綜載柳耆卿樂章集九

卷今一卷李端叔姑溪詞二卷今三卷晁无咎雞肋集詞一

卷

荃孫藏明鈔雞肋集七十卷無詞與毛子晉跋合

今六卷編次大異端叔家本無

棣集題趙郡乃其族望書錄解題誤爲趙郡人公謹家濟南
久客吳興草窗詞題弁陽嘯翁籍貫亦異衍波詞阮亭詩餘
名異而詞又不異此考訂之難也昔朱竹垞輯詞綜王德甫
輯續詞綜所見山左詞人專集約三十餘今僅得十七家然
北宋之柳南宋之辛閩秀之李

國朝之二王皆詞中大家霑溉後學獲益非淺仲飴新擢閩
臬將之任閩中多藏書尙存陳季立徐興公之遺風如獲所
未見者刻爲續編不更快歟光緒辛丑三月江陰繆荃孫序
於鍾山講舍

無益有益齋論畫詩序

義州李文石觀察淹雅閑通尤以賞鑒書畫得名荃孫耳之最久光緒甲午文石入許文肅公幕偕來京師與同鄉劉葆真同居始得一晤未接深談而荃孫見惡掌院投劾出都矣洎陶齋尙書撫鄂再見文石出所藏相示爲言少時雲煙過眼之多近年兵燹拋棄之酷酒酣耳熱百感生焉陶齋丙午督兩江命荃孫編銷夏錄得以盡窺美富而文石加跋獨多於古今制度名人事迹考据貫串如數家珍文筆爾雅尤足以達之不僅寢饋於書畫中也一日以論畫詩百首見眎蓋仿竹垞翁筠廊論畫詩體裁而作荃孫受而讀之方知君幼時卽愛書畫尹丈耕雲有髫年畫董狐之譽曾著有偶園海

王村所見兩錄此詩專注唐宋名蹟推論得失攷訂同異與葉鞠裳藏書紀事詩同爲藝林寶筏荃孫所見至慙然君之友皆荃孫之友如盛意園王文敏兩祭酒張樵野侍郎張辟非兵部所藏亦時時寓目近編銷夏錄各品均攜之齋中盡情披覽藉以窺見萬一君論古人各見家法無須署名及意園與辟非問會語深得賞鑒家三昧爲前人所未及如此方可與談唐宋君又有一印文曰慕爲書畫學博士之官此元柯丹邱曾爲之使文石爲此官當與丹邱並傳荃孫素嗜板本亦在未成童以前性之所近以爲天下至樂無逾是者今垂垂老矣陶齋畀以江南圖書館京師亦以帝國圖書館相招此古典書之職敢希劉向願學陳農則是人之所欲天

必從之 國家文教昌明文石所慕焉知不卽以授之以陶
鑄一家之學庶足慰其願乎

常熟繆氏義莊記

吾宗繆氏肇於魯東武瑯琊蘭陵三望皆魯分地宋代自北
而南居杭之湖州市由杭徙常熟叔民以畫名於元仲醇以
醫著於明虞東稱望族焉復徙江陰之闕莊爲東興繆氏明
文貞公死闕難名重天壤間從孫德容隱君復還常熟擇居
徐墅之柳陌西橋五傳至大紳封翁以農業起家慕吳中范
氏家法之善思割腴產以被闕族適遭寇難未及布置而仲
子柳邨司馬繼起購鄰屋爲義莊並建支祠置腴田二百畝
以備祭埽今其子少邨廣文再置書田三百畝以益之次及

應試次及孤寡次及婚嫁量入爲出綱舉目張使一族之中無一人不被其澤置吏入告旌如舊例荃孫熟聞柳邨之德行以醫救人以藥濟世廣行善事澤被一方而所施必自親親始博施濟眾次第存焉且富收藏好賓客拜覘遺象藹然如春又讀松禪師綱堂同年題柳邨圖詩詞猶可想見楊柳陰濃稻花香滿夕陽山外流水橋邊盛俗羲皇古風懷葛起居樸野人物丰昌卽於圖中見之而祖孫三世竭力經營以成盛業完先人之志聯同族之情吾於少邨尤佩其能肯構也荃孫系出西興同姓同邑支派較遠仰慕東興之盛事而族中丁單生計又薄殊覺有志未逮前主持高等學校時拚茶場宗人族大而富勸其設立學校專收同宗之秀士資

之上進未及兩年宗塾告成今少邨來乞言荃孫亦以族塾相商蓋養以畜其身家不使或有飢寒之累而教以迪其情性遂以毓成平治之材進而益上少邨其好爲之

東倉書庫圖記

吾宗南宋以來散處江左諸郡苔石小集詩才冠楊范之前瓜涇逸民畫理擅倪黃之亞有明文貞公泚泚大節日星炳燿 國朝文子武子收藏書畫金石卓然爲康雍間一大家而太倉慕泉先生文名與同州李相香相埒杏春廬橐藝林亦傳誦焉曾孫蘅甫司年志行純竺問學淹雅枕經蔗史尤留意於縑緇遭亂傷離亦勤搜夫典籍辨西州之片札檢南雍之殘文官餘蜀錦慕蓮蕊之清風象繪鷗波步天馭之逸

韻武陵橋北舊曰倉基瀕鹽鐵之塘通漕涇之水臨流小築
度置藏書庭接葉而青肥窗涵波而綠瀉茶香酒醪接顧陸
之名流月澹花濃集鄒枚之雅彥琅函錦贖如登羣玉之堂
鈿軸牙籤宛入眾香之國俞蔭甫年丈顏之曰東倉書庫志
其實也若夫廣刊故籍首重鄉賢縑楮傳之梨棗壽之遠則
仿鹽邑之志林近則紹棣香之雜箸續古人之絕業詔後學
以前型無識者空肆詆謔有志者羣相推許焉荃孫同宗同
年又復同志時搜枕祕飛札傳鈔偶刻古書貽箋訂誤孜孜
矻矻卅載於茲海內同宗罕有如吾兩人之氣求聲應者近
屬名手繪圖同人題詠荃孫亦不辭而爲之記

海瀝完雛圖記

顯皇十載歲在庚申逢元二之災年值陽九之厄運豺狼當道魚羊食人半壁江山絕無乾淨之土連天烽火惟聞號哭之聲乃有竄伏海隅一門無恙羈棲土室三載如常者則我同年錢君伊臣也當夫警報狎至兵鋒將及蘇臺鹿走泖湖鯨吞時則頤壽老人歸真仙島年丈敏肅公枕塊倚廬接浙而行揮戈莫挽遂買一葉之舟渡百里之海趨崇明之虹橋而居焉斯境也荒荒落日浩浩長風屋本如舟巢真同幕棲遲海角重尋安樂之窩躑躅田間難覓釣游之侶瞰鷓鴣之繞膝噓笑皆眞憶虎落之驚心夢魂猶悸溼煙土銜煨柸以充腸活火瓶笙翦荻蘆而作爨賃皋伯通之廡人是非當移陶通明之居地尤得所已而敏肅公華登如楚乞師以復

仇包胥赴秦頓地而痛哭北軍飛渡南寇遂燔盡埽煙塵廓
清桑梓返故土而人不識覆空巢而卵尙存嗚呼幸矣僕與
伊臣生同甲辰雋同丁卯成童遭難無不同之適先君捧檄
黔中僕奉母避居靖江之沙洲茅屋頭低麻鞋踵決三旬九
食不免斯飢一暴十寒敢云就學流離兩載始作蜀游讀君
今日之圖觸我當年之痛重睹昇平之象撫躬如閱滄桑其
躋耄耄之年屈指已多歲月是爲記

藝風堂文續集卷六

江陰繆荃孫

元論語注疏十卷本跋

元槧論語注疏十卷卷首題翰林侍講學士朝請大夫守國子祭酒上柱國賜紫金魚袋臣邢昺等校定按宋志及中興書目並云邢昺論語正義十卷今注疏本皆分爲廿卷此本仍十卷尙存單疏之舊第四卷第八卷後有木記云平陽府梁宅刊第五卷第九卷有本記云大元元貞丙申刊第十卷題堯都梁宅刊按今所傳論語注疏以十行本爲最古阮文達公合各本撰校勘記已爲藝林至寶然以此本較之如不患人之不知意脫王注一段可以託六尺之孤意脫注一段子語魯太師樂曰意不逆詐意古之狂也蕩意子路從而

後章叔孫武叔毀仲尼章均脫疏數行或以意補此本獨全
又凡浦鏗及阮校所疑疏中譌字此本皆不誤是此本雖刊
於元代必根源於單疏其注文亦多與纂圖本集解合至於
雕刻之精儼然北宋體格亦決非十行本所及考金地理志
平陽有書籍其倚郭平陽有平水是平水卽平陽也史言有
書籍者蓋置局設官於此元太宗八年用耶律楚材言立經
籍所於平陽當是因金之舊今傳世者惟政和證類本草平
陽張存惠所刊然已經明人重鑄明堂灸經銅人鍼灸經是
平陽府刊平水新刊韻略平水刊中州集均存影鈔本維此
尙是平陽原刊初印無一葉損失豈非天壤間驚人祕寶也
哉今貴池劉君蕙石影摹付梓與原刊無毫髮爽爰舉此本

佳處及譌誤之字共如千條彙存一卷以俟後之論定者光緒乙巳六月初伏日江陰繆荃孫識

集篆古文韻海跋

集篆古文韻海五卷杜從古撰白絲紙舊鈔本卷末有時嘉靖癸未歲仲秋吉旦假鈔本訂正重錄武陵伯子龔萬鍾識一行題籤亦舊有王致堂三世寶藏朱文長印按杜從古字唐稽書史會要云杜從古官至禮部郎宣和中與米友仁徐兢同爲書學博士高宗云先皇帝喜書致立學養士獨得杜唐稽一人餘皆體仿了無神氣此書四庫未收他書目亦未見著錄惟平津館鑒藏書籍記有之云有从古自序此本已脫今夏晤趙君學南亦藏是書有序後承鈔寄序末云宣

和元年九月二十八日朝請郎尚書職方員外郎臣杜从古
謹序結銜與書史會要合並鈔得桂未谷跋知序載永樂大
典一萬五千九百七十八卷九震韻從古以郭忠恕汗簡夏
竦古文四聲韻二書闕佚未備更廣收博采以成之序云比
集韻則不足較韻略則有餘視竦所集則增數十倍矣周林
汲先生言原書十五卷後人損爲五卷而削其目錄音義使
前人條貫不復可尋深爲惋惜世間或有原本存此可以簪
校也阮文達公進呈卽影鈔平津館本

浙本沈文起兩漢書疏證跋

吳縣沈文起學博撰兩漢書疏證自序云先撰後漢書疏證
成三十四卷繼撰漢書疏證成三十六卷而地理志尙缺

按三

十四卷三十六卷止七十卷集
中上潘副河書則云七十四卷文起未能刻身後手彙入郁

泰峯宜稼堂後爲莫偲老借去歸於馮景亭中允所今按宜

稼堂書曰云漢書疑證十二本
莫友芝借去八本非完書後漢書疑證十

二本漢書疑證人物表二本范石湖集注一本左傳補注二

本王荆公詩注二本蘇文忠公詩補注一本水經注補注二本

均爲莫友芝借去未還文起自序見集中漢書後漢書水經注三序名

之曰疑證春秋左傳三國志二序曰補注王荆公全集序曰

注韓蘇則無今左傳補注范集注刻於功順堂韓蘇二集補

注均刻於粵雅官局光緒己卯荃孫在京師長沙王師借陳

培之戶部藏本錄副囑爲校字亦錄副焉前漢八冊後漢紀

傳十二卷地理十八卷丁修甫中翰假去刻於杭州官局刻

成寄初印書並書底寄回束之高閣久不自視頃島田彥植寄宜稼堂書目方悉彙本之源流再檢閱刻本錯譌不可究詰至顯者全書書目刻魚尾下而卷十七至十九刻於魚尾上校理者熟視無覩不改正至怪者後漢郡國志二十六卷張掖居延屬國下忽插入前漢藝文志一卷署爲二十七卷不檢後漢書焉得有藝文志又前漢已刻入二十六卷而二十八上黨郡與二十六卷直接並未遺落何以橫添入此重出之卷殊不可解

大唐創業起居注跋

大唐創業起居注向有祕冊津逮學津三刻脫誤均同癸未在京師得黃蕘圃藏舊鈔本一冊系影鈔宋本復得章碩卿

藍格鈔本兩取學津本校之如卷上以此擊胡將何以濟何
不作求天其或者殆以畀子畀不作俾和親以使之以不作
而咸謂似其所爲似不作以獲其特勤特勤突厥官名後譌
爲特勒此錄中有之先輩未嘗拈出兵馬討捕捕不作掩天
其以此使促吾吾當見機而作脫弟二吾字幸弗多言弗下
無有字景寅不作丙丙是唐諱下亦無而字若知其去其下
無戰字其其勞苦其下不脫其字世子仍爲太原郡守仍不
作乃卷中參佐佐不作左示宣行以惠綏撫以德行下未脫
以字惠下未衍知字仍自筆注筆字不脫眞草自如不拘常
體未脫自如二字簡遣羸兵簡字不脫可爲吾立祠廟也廟
不作廣辛己且發引且不作且賞授無過此也賞不作嘗華

所部至于數千于不作餘將相邀襲將不作時乃於灤水上
流乃不作及卷下王家失鹿遂使孤同老狼孤不作狐五原
平涼安定諸郡涼不作源涿郡太守羅藝羅字不脫呂紹宗
任瓌瓌不作懷西北天火照龍山山下不衍照字小注蜀郡
衛元嵩不作大字欲作常人恐難以免不脫人恐難三字均
已改正餘所疑尙多無別本可校較勝於學津本而已光緒
乙巳清明前三日江陰繆荃孫跋

宋太宗實錄跋

宋太宗實錄原八十卷今存卷二十六至三十卷七十六卷
七十九八十共八卷李申耆先生寫寄粵中吳石華

蘭修

會

勉士劍從而傳鈔徐星伯先生以書索之石華石華卽以此

本寄京後有會吳兩跋並索星伯所撰宋會要沿革一冊爲
報未知星伯寫寄與否同治初年徐書散出歸韓小亭觀察
由韓歸鄭齋師今歸式之比部比部跋云藝芸書目有十二
卷爲三十一之三十五四十一之四十五七十七七十八與
此不同自是兩本藝芸所收悉出土禮後歸海源閣持靜齋
爲多而檢楊丁兩目無之大致已不可蹤跡設仍在天壤間
將兩本合刊得二十卷已有原書四分之一豈非幸事荃孫
檢張氏瞿氏書目所藏亦止此八卷每卷末俱有書寫人某
某初對某某覆對某某一條瞿跋並云出自黃蕘圃疑李申
耆亦從張氏錄出似只此一本然攷錢辛楣跋明云十二卷
與汪目合所云李從善諸條不見此本其爲兩本無疑

太宗實錄八十卷皇朝錢若水等撰至道三年命若水監修不隸史局若水卽引柴成務宋度吳淑楊億爲佐咸平元年書成上於朝起卽位至至道三年丁酉三月凡二十年初太宗有馴犬常在乘輿側及崩犬輒不食李至嘗作歌紀其事以遺若水其斷章曰白麟赤鴈君勿書願君書此懲浮俗而若水不爲載呂端雖爲監修而未嘗蒞局書成不署端名至挾其事以爲專美若水援唐朝故事若此者甚眾世人不能奪又傳億子取張洎女而不終故洎傳多醜辭嗚呼若水及億天下稱賢尙不能免於流議若此信乎執史筆者之難也

郡齋讀
書志

錢若水等以至道三年十一月受命咸平元年八月上之

九月而畢人難其速同修撰者給事中濟陰柴成務寶臣
祕閣校理丹陽吳淑正義直集賢院建安楊億大年按億
傳書凡八十篇而億獨草五十六卷

直齋
書錄

原八十卷今存二十六至三十卷七十六卷七十九八十
共八卷晁公武曰楊億娶張洎女不終故洎傳多醜辭洎
傳適在卷中如曰性便佞能伺候人主意又曰尤險陂好
攻人之短又曰善事黃門宦官又曰性鄙吝又曰在江表
日多讒毀良善誠為醜詆流議之來有由致矣每卷末俱
有書寫人某某初對某某覆對某某一條

愛日精廬
藏書志

宋錢若水柴成務宋度吳淑楊億同撰見晁氏讀書志陳
氏書錄解題原書八十卷今存卷第二十六至三十卷七

十六卷七十九至八十卷共八卷億本傳云實錄凡八十篇億獨草五十六卷則此本多其筆也卷末有書寫初對覆對姓名宋諱皆闕筆郡中黃氏得南宋時館閣鈔本此

從之傳錄

鐵琴銅劍樓書目

右太宗實錄殘本卷廿六廿七廿八廿九三十七十六七十九八十八凡八卷原本八十卷錢若水等修李燾通鑑長編太平興國八年十一月太一宮成注云實錄於明年八月丙申始書太一宮成今案此本實在八年十一月與長編注所引不合長編注往往引實錄別本彼所傳豈出於別本而偶有脫文歟抑此爲別本歟嘉定錢氏跋蘇州黃堯圃藏本云十二卷此本僅八卷不知異同何如當借校

之道光丁亥九月曾釗記

右太宗實錄殘本八卷李申耆明府寫以寄余勉士從余轉鈔者徐星伯舍人以書索之不及別寫卽以此勉士本奉寄俟他日補寫還之愛書成癖亦文字一場公案也願舍人以會要沿革一冊報之卽以此爲引玉之磚矣道光癸巳九月望日吳蘭修記

宋太宗實錄八十卷集賢院學士錢若水撰今吳門黃蕘圃孝廉所藏塵十二卷且有脫葉每卷末葉有書寫及初對覆對姓名書法精妙紙墨亦古於宋諱皆有闕筆卽慎敦廊筠諸字亦然予決爲南宋時館閣鈔本以避諱驗當在理宗朝也其中與宋史互異者如李從善僞封鄭王鄭

作鄧年四十八作五十蘇易簡妻弟崔範作妻兄劉遇滄
州清池人作浮陽漢州刺史漢作溪蔚州防禦使蔚作鬱
洮州團練使洮作應浩州團練使浩作涪陳從信年七十
三作七十二皆當以實錄爲正劉廷讓避太宗諱改名宋

史闕而不書亦當依實錄增入

潛研堂集
卷廿八

是編與長編相核互有詳略惟長編太平興國止八年九年
卽雍熙元年此書仍作太平興國九年卷二十八羣臣第三
表儻獲事私曹而登降下接宋琪封禪大禮使按長編不收
表文以宰相宋琪爲封禪大禮使表文恐長編脫去一葉卷
七十九詔併三司爲一以工部員外郎劉下接以詩戒之据
長編詔併三司勾院爲一以工部員外郎劉式專領之上面

命式曰汝以一人當三人之職宜勉盡力副朕所望是十月之事禮部侍郎蘇易簡卒易簡嗜酒初入翰林日飲已半酣上嘗接見誠約深切又草書勸酒戒酒二詩戒之是十二月之事又脫去一葉矣

留都聞見錄跋

代

吳次尾先生所著留都聞見錄一書原目十有二曰山川曰人物曰園亭曰官政曰科舉曰書畫曰器用曰交游曰服色曰時事曰宴飲曰音樂先生之子孟堅錄藏者僅存山川園亭科舉三門梓之金陵崑山葉方恆宜興陳維崧侯官黃俞邵上元蔣先庚序之孟堅跋於後時在康熙庚申後孟堅之子銘道於舊家得一鈔本前三門外又得六門曰河房曰公

署曰官政曰寺觀曰服色曰時事彙而梓之以前三門爲上卷後六門爲下卷銘道跋於後時在雍正庚戌去上卷之刻五十年矣較原目尙少人物書畫器用交游宴飲音樂六門而多出河房一門孟堅原序云每門爲一卷共十三卷然有寥寥數事不能成卷者大約定目分記皆未編定後人合之故多寡不倫每門有小序無者亦未成者也所記皆親歷之事前後數年已有更變再讀陳序歷數前寓之地舊游之處大半滅沒於荒煙蔓草中愴怛而不可問何況至今二百餘年又經赭寇之亂前人名跡盡爲飛灰展清明上河之圖讀東京夢華之錄能無悄焉以悲而愀然興感者乎今承平四十年矣城中廬舍尙不及半園亭尤少秦淮青溪日以淤塞

稍值亢旱滿城無水民生日蹙乞丐塞途尙不能望嘉道之
世而謂敢企前明留都之盛乎至錄中所云峩冠大袖一變
爲小衲短衣是爲兵象米價一石貴至白金三兩六錢則仿
彿似之尤爲可慨者也謹梓行之爲留心金陵掌故者添一
談助

啟禎兩朝剝復錄跋

代

明祚當啟禎之際奄人當道宵小竊附鬼蜮變幻彪虎縱橫
盈廷忠正之士非填尸牢戶卽荷戈絕塞貶削閒住史無虛
日迨至熹廟鼎成權奸授首前之死難者以次昭雪幸存者
以次擢用剝極而復海內欣然望治次尾先生目擊時政成
啟禎兩朝剝復錄十卷前四卷書客魏之橫五六卷書新政

之當七卷爲熹朝忠節死臣列傳十六篇逸其六楊左二傳編入集亦去之八卷己巳京察九卷南察十卷附以王紹徽之點將錄終焉是書系原刻本前有同盟參閱姓氏兩葉始袁繼成終吳文英皆前明人後載朱竹垞先生跋七卷後有不孝男孟堅孫本忠銘孝銘節銘義銘道銘德同泣血編輯一行板心有樓山堂三字末附孟堅與孫容城傳青主兩先生書罕見傳本夏謙甫僅得鈔本校證刊行其自序云以一年爲一卷起於天啟四年六月止於崇禎元年十月凡五卷卽此本之前六卷又云末附己巳南北二察原別爲一冊不入卷第遂編爲第六卷卽此本之八九兩卷大約從此本鈔出而去忠節傳及點將錄又改其卷第耳謙甫未見全書轉

疑朱竹垞詩話所云十卷爲不實又豈知原刻本尙在天壤
閒耶使曠甫見此可減卻許多疏證矣次尾先生授命時孟
堅年九歲與孫傅兩先生書在康熙四年孟堅年二十九歲
刻此書已有六十約在康熙中葉原書及夏校本均有譌字
各成校勘記一卷附後

楊山松孤兒籲天錄跋

孤兒籲天錄十六卷武陵楊山松忍古撰忍古爲前明督師
楊嗣昌之長子爲其父辨謗而作卷一起應司馬之謗卷二
籌賊籌餉之論卷三舉用總理之謗卷四星變陳言之謗卷
五入直廷諍之謗卷六賈莊殉難詞林贊畫首輔視師之謗
卷七濟南失陷之謗卷八邊烽解嚴之謗卷九調用屬員之

謗卷十奉命督師之論卷十一舉用左帥之論卷十二三攘
彝剿局之論上下卷十四入川剿局之論卷十五襄雒兩藩
之謗卷十六死後餘波之謗卷末先大夫撫賊之謗所辨如
幸存錄綏寇紀略延綏志流寇志國權崇禎朝紀略諸書逐
段節錄據武陵日麻奏疏一一引證而極詆綏寇紀略武陵
在明崇禎朝位兼將相剿撫無成自不能不任其咎而流傳
之口亦必有過甚之詞忍古先有五案陳情一揭其弟山枏
亦著有辨謗錄一書今彙爲此編高及六寸無所不辨孝子
之心容有不能已者從子楊文敏公超曾曾以進御圖超雪
然 欽定明史列傳中如口辨工筆札之語善戰服上刑之
對回護熊文燦齟齬盧象昇失左賀二將之心陷襄福兩藩

之罪未嘗不采吳談等書可見修明史時並未有人爲之辨
雪也楊氏父子終不附奄後爲部民郭鞏訟冤又以奪情爲
黃道周詆斥遂與東林相左然東林雖惡其爲人亦斷不能
歸之奄黨乃忍古詆之曰門戶曰聲氣曰與烏程直發黨魁
曰虛公以死討便且此皆奄黨以目東林者何得拾人牙慧
轉致人疑夏允彝幸存錄爲奄黨子孫李清僞撰忍古推爲
宅心平恕亦屬自露敗缺彭文勤公跋綬寇紀略云其惜武
陵哀甫南持論未爲平正是後人方以梅村迴護武陵而忍
古轉詆梅村最甚其曰梅村當日身在史局奏疏邸報疑無
有不留心者乃因先人而詆及崇禎皇上豈當日身在事中
之所爲又曰皇上致憾於黨人原有成心料在信邸時爲蜀

爲雒早已了然云云則借大題以壓梅村復諉過於上以卸責此言又何足信然入直廷諍一篇各書誤戊寅六月十八七月初四兩番召對爲一不如日麻之真所駁紀略各語梅村復生亦無可辨不得左袒石齋而誣武陵也武陵四正六隅之布置當時無不以爲失策梅村且云賊豈芻狗雉兔任吾轢之道上逐之陸中爾乎第同治間曾文正李文忠卽以此法剿平捻逆武陵之敗亦由各省之不聽令也武陵疏中有云一言以蔽之曰法不行耳事前有虛文玩法之人無實心奉法志人事後有強口脫法之人無挽首受法之人事中有其謀破法之人無一體甘法之人事外有偏見觭法之人無公道平法之人可謂千古名言又云立身利害之外力操

風議之權樂禍幸災操屑鼓舌又云以奔婦而議柏舟之短
長以袖手而議焦爛之工拙是則言之則易行之實難局外
則易局中則難尤古今所同慨也

武陵公案一書亦罕見潘稼堂集中有此題吳修齡四首
見鷗陂漁話

三垣筆記跋

右三垣筆記三卷各有補遺附識亦三卷明興化李映碧先
生著映碧爲禮部尙書李思誠之孫學問淹博著述宏富爲
國初名人三垣者崇禎丁丑入刑垣以事謫外壬午召補
吏垣轉工垣右冊封淮藩出都南都建國復命金陵晉掌工
垣則所云三垣筆記也筆記皆日擊當時事補遺亦然附識

則得之傳述者其慎如此其自序云自丁未迄甲乙凡九年舉予所聞見者以筆之書非予所聞見不錄也所上諸疏止錄其留中者其已報則亦弗悉也蓋內之記注邸鈔多遺多諱外之傳記誌狀多謾多誤故欲借予所見聞志十年來美惡賢否之真則又予所不敢不錄也是書翔實爾雅同時所出諸書烈皇小識之外未有逾於是者荃孫初得是書於黃再同同年所假歸錄副止得崇禎上一卷引光一卷後汪穰卿中翰鈔之於八千卷樓則多出崇禎下一卷附識一卷及至金陵吾友興化李君審言爲求之李氏族中得兩鈔帙彙鈔而詳校之似可爲定本矣尙書名列逆案映碧持論於逆案則迴護之而不敢正言其是於東林則巧詆之而未嘗明

著其非獨引夏彝仲幸存錄以爲證自序又云彝仲幸存錄
出乃得是非之正若予作此記與彝仲相先後時殊事殊而
惟無偏心立言則不殊彝仲見此無乃首額是記與予首額
是錄而又以存我心之同然爲幸黃梨洲汰存錄序遂云野
史多有是非倒置者大略本於夏彝仲幸存錄彝仲死難人
亦從而信之彝仲人品將存千秋並存此錄謂之不幸存錄
可也梨洲所糾者十段均屬無可解免梨洲真以爲彝仲自
撰致推及其師張延登詆毀備至巢端友序則曰此非夏子
之言其爲附會小人之言也夏子死難之後無子無孫無兄
無弟其品足以表著古今其論足以取信於當世於是託而
誣焉以爲可以因是而消是非之實矣巢子已見及是而不

知何人所僞撰至順德師讀是記始斷爲映碧於卷上附識
劉若愚條批云劉若愚助客魏爲虐雖非霍維華楊維垣之
糾亦安得免且置若愚死者非二人力也映碧於此等皆偏
袒有意其爲奄黨門戶中人不待再計而決者所謂欲蓋
彌彰者與於卷下如光條批云映碧自著南渡錄亦云福王
旣失國咸恨不立潞王然則福王之爲公論所惡作者自言
之矣但又引張希夏語謂潞王廣求古玩又指甲長六七寸
以管護之以證潞王之惡始終不肯認錯則映碧之愚謬到
底耳又云草野聞立路王不平此亦飾說議立之際事近祕
密安有草野預聞之理草野安知二王之賢否卽倫序亦茫
然也自馬阮秉政後一條批云映碧此二語明明與芟翦東

林者運籌帷幕其爲馬阮之黨不自諱也乃又時時罵馬阮以自解非所謂失其本者其辭屈乎楊副憲維垣一條批云崔呈秀闖黨之尤維垣攻之爲自脫地耳公論不以此予之自新乃謂因此而麗逆案則謬矣以證映碧凡事爲逆案洗刷以東林爲門戶爲聲氣以張捷楊維垣爲效忠借彝仲之言以發明其意旨而其嫁名之罪愈以大明不特馬士英出劉入阮詩全條與幸存錄一字不易也尙書在客魏當國時不過循序傳升未能引退並非贊導附和如崔呈秀周應秋等且不久罷官逆案之入誠亦太過甲乙事案①光元年正月工科都給事中李清爲其祖逆案閒住李思誠辨冤下部議李喬再疏辨冤命復原官映碧業已爭回朝廷之賞罰復

欲變亂清議之是非而專護殘局顛倒公論千秋而後自有定評不惟不能雪附閹之恥轉爲附閹增出佐證至託名夏彝仲字爲矯誣正人污鱗死友可謂爲謀不臧至章回小說有構杌閒評一書專記客魏逆蹟亦載入尙書不願借邊功封魏氏子弟受誣削籍並謂河南右布政邱志完輦三千金餽崔呈秀謀升京卿爲邏卒所緝思誠寓與呈秀鄰呈秀卸罪於思誠革職爲民一則其書徵實處多疑映碧所撰用心可謂良苦孟子所謂孝子慈孫百世不改而此案決不能翻也

中興戰功錄跋

中興十三處戰功錄一卷據李心傳朝野雜記云乾道二年

蔣子禮執政遂以明州城下和尚原殺金平大儀鎮順昌阜
角林胥浦礮唐島宋石蔡州茨湖確山海州爲十三處戰功
而前序諸將抗金實跡則明州城下之後有陳思恭太湖一
役大儀鎮之後有藕塘一役順昌之後有柘皋一役而後斷
以藕塘所捷乃僞齊非金兵故不與而馬端臨經籍考云參
政眉山李壁季章撰開禧乙丑北事將作其書成是撰書之
旨發於蔣子禮而成於李季章北事將作以激厲將帥耳是
書自明文淵閣書目著錄在宙字號以後失傳今於大典一
萬一千九百七十卷錄字韻與曾公遺錄同鈔出首尾完善
惜無序跋無胥浦礮茨湖確山三處而有太湖饒風關柘皋
三處確山附見於蔡州自以此錄爲定論者謂岳鄂王朱仙

鎮一役至今嘖嘖人口而北盟會編不載其事遂疑秦氏所惡史官不敢直書而開禧元年始撰是錄正值定議伐金追封飛爲鄂王之時如果實有戰績焉有不敘入之理昔人亦有言倦翁所記過於鋪張孝子慈孫之用心有不盡實事者予觀此錄亦不敢以此言爲過刻矣

戴氏直隸河渠書跋

乾隆中葉方恪敏公觀承總督直隸延仁和趙東潛氏撰直隸河渠水利書百三十二卷戊子復延休甯戴東原先生刪定之改爲直隸河渠書刪去水利二字成書百二卷減去原書三十卷而灤河熱河僅存涯略一卷蓋恪敏是秋薨於位而書未竟也接任總督爲周元理擬延元和余蕭客氏續成

而未果原橐存戴處清橐存周處嘉慶十四年吳江捐職王履泰竊此書易名畿輔安瀾志進呈

上嘉爲有用之書以同知發北河效用仍

命武英殿刊行履泰系周督姻戚得之於周妄爲刪併略增乾隆戊子以後事實改百二卷爲五十六卷移易其先後原本首衛河終灤河以地勢自南而北也今乃首永定河則義例全無頓失廬山真面東原歿後遺書皆歸曲阜孔漢谷戶部漢谷與東原至交其子廣根又東原之壻故遺書收藏刊刻引爲己任此橐原訂六十四冊漢谷合爲二十四冊以卷帙重大未能刊行直至履泰書出東原之子中孚始抱橐本入都核對金壇段懋堂先生爲東原之高弟三函致直隸方

葆巖總督維甸請重刻真本以發東原著作之光以懲履泰盜名之罪葆巖即恪敏公之子也惜書未進呈重刻亦未果稟仍歸之孔氏光緒甲申孔氏書盡出此稟流落厥肆荃孫賤值得之中又短永定河八卷藏之篋中二十年矣去春合肥蒯履卿觀察堅囑錄副因為校定將先生手書籤改各條按文敘入又取畿輔安瀾志核之原書首衛河七卷次渣河水十一卷次滏水三卷次大陸澤五卷次晉泊一卷次虢沱河八卷次東西淀二十一卷內唐河三卷沙河一卷滋河一卷次永定河十六卷內永定河十二卷桑乾河四卷次白河十九卷內白河八卷潮河二卷次蘆運河九卷次陡河一卷次灤河榆河四卷大通河五卷內熱河案此二河一卷草創而未潤色諸水源流古今變遷孰異孰同為利

爲害肇肌分理考鏡具備此据懋堂與方葆巖制府書分卷
止涑水陡河不同餘與稟本合又原書每水先紀正流次故
道次凡水次隄防次閘壩涵洞次橋梁津渡次經費官司夫
役次祠廟次水利凡水以下先撮敘在某縣者某水均頂格
分敘某水則低一格安瀾志於故道每闌入正流凡水以下
均不先提後敘刪去夾注及顛倒處極多而尙未敢臆補今
謄寫校定据孔仲搆序云六十四卷卽六十四冊今止二十
四冊系孔漢谷合并封面皆其手書灤河有東原手跋亦在
今方周兩處清本不知歸於何處仍照分卷原目錄出惟東
西淀原目二十一卷今涑水實分三卷非一卷共有二十三
卷永定河原目十六卷今照安瀾志鈔出只十二卷又薊運

河九卷末一卷卽陡河段先生以陡河月爲一卷不知在薊
運九卷之內戴先生年譜亦懋堂所撰前云一百十卷後分
記又落去永定河十六卷東西淀二十三卷又云三十卷諸
多不合因仍訂爲百卷戴先生書灤河未成何夢華氏所云
趙書有灤河十一卷今不知存否此灤河二卷亦鈔自安瀾
志以先生贖橐附之觀履泰所排比似據原橐又據熱河志
未見趙書今以此本復禮卿并將原橐贈之而留清本如方
戴兩處書復出未免徒勞半歲之功然荃孫嗜同菖歎並不
以爲苦也

元河南志跋

光緒壬申袁漱六前輩臥雪廬藏書輦來廠肆火神廟名鈔

舊校觸目琳瑯而值極昂荃孫境又極窘無計得之又不能
自己心躍躍然目炯炯然逐日蹒跚書城之側寢食俱廢見
友人中能得者則謹志之爲他日借閱地一日見河南志鈔
本一巨帙無卷數用全唐文格子封面題河南志識是徐星
伯先生手筆城池宮闕自周至唐悉具知是宋次道河南志
之首冊而星伯先生修全唐文時所錄者議價不成次日卽
爲人購去懊惱欲絕後探知歸常熟師所因乞歸錄副而細
核之開卷卽云河南府路羅城方知大典所錄爲元河南志
而仍是宋志原本至述元時寥寥數語必是星伯先生止錄
宋志元代事則置之耳唐朝最詳東京城坊考全取於此北
魏朝校以伽藍記頗有益處周漢魏晉祇能以正史寰宇記

校之私心喜甚祕之篋中廿年甲辰春交姜文卿刻之金陵三年始畢今春門人陳橫山徵君忽覺得阮文達公所刻魏晉四朝洛陽宮殿圖云出自大典亟假讀之文達公跋云余於嘉慶十五六年間在京師文穎館總閱全唐文時永樂大典多移在館有館中供事鈔得東漢東都城圖一紙西晉洛陽京城圖一紙後漢洛陽宮城圖一紙金墉城圖一紙余閱而喜之亦不能究其從何書鈔出遂令照鈔數紙知此圖非後人所能造必唐以前舊書中之遺蹟也有此圖則讀漢晉魏書者皆瞭然於南北前後城宮殿觀不必推測矣恐日久圖失刻之於板以貽讀書人尋繹而自得之隋文選樓主人識寶則摹從此志阮僅以漢晉洛陽宮城圖標題而宋西京

圖亦附存焉入之此志豐城劍合矣吾輩抱殘守缺竟有膾
合無跡出於意料之外者若唐宮城圖見東京城坊考不必
轉摹惟宋次道河南志二十卷板在南監見南李氏得月樓
書目尙有其書儻一旦復出世間則此數卷書留覆醬瓿亦
所甚願矣

阮圖訂誤

漢都城 畢望苑望誤望 上商里上誤止

西晉京城 雍門雍誤雄 陵雲臺陵雲誤凌靈 聽訟

觀訟誤松 顯陽殿陽誤揚 式乾殿式誤武 陰流

池陰誤除

應有魏京城圖闕 金墉城魏明帝築非後魏

後魏京城 大夏門門誤殿 李直奴李誤季 崔休休

誤林 邢巒巒誤爲 城陽王徽宅城誤成 延酤里

酤誤酤 觴治里治誤冶

宋西京城圖 夾道門夾誤史 娑羅亭娑誤拏 內園

門園誤思

金石錄跋

趙氏金石錄宋本止存十卷 國初爲嘉興馮研祥所得刻
一印曰金石錄十卷人家帖尾書頭往往鈐用傳之藝苑以
爲美談後流轉於江玉屏阮文達韓小亭最後歸潘文勤公
鄭倉文勤師嘗出以相脉推爲天壤閒驚人祕笈今尙在仲
午比部所至舊鈔不乏流傳之本大半出於明葉文莊所藏

至刻本向推雅雨堂盧校爲最精而三長物齋等刻不足道矣一日二楞觀察手一編示余鈔手極舊書籤題云津逮祕書人皆訝其不符余笑而應之曰不觀津逮祕書目第六集金石錄未刊卽此書也首有劉跂序明誠自序後有李易安後序開禧趙不讒跋明葉仲盛跋歸有光跋跳行空格均據宋本其間黏籤甚多大半據盧本以校本書之誤間有兩通之字亦備列焉爰借吾友章碩卿大令藏校宋十卷本並自藏明鈔校本成札記一卷雖未能全見宋刻然似可與雅雨堂本相頡頏矣

求是齋金石跋書後

右求是齋金石跋八卷武進丁汀鷺表丈所撰分歷代編八

卷共一千六百十二種有跋者六百五十種體例一仿東武
趙氏表文淵雅閎通家傳金石之學以知縣需次直隸常捧
檄至京師荃孫供職詞垣丁丑初夏與丈初晤暢談金石頗
蒙嘉許以後郵筒往復商推考訂歲三四至迨荃孫南返丈
亦棄官歸里丁酉冬日偕金淮生謁丈於局前街故宅猶爲
鬻酒摘蔬清談竟日後又相聚於天_甯寺別無幾時而丈歸
道山矣甲辰春孟輿兄出以見眎條例秩如辨證明析先正
遺型於茲未墜如魏暉福寺碑之宕昌公爲鉗耳慶時豆盧
通造象之世子僧奴爲豆盧寬元氏乾符經幢之楚國夫人
爲王景崇之母張氏光啟經幢之國太夫人爲王鎔之母何
氏又以金石錄漢司空殘碑爲王基碑之下截以栖巖舍利

塔碑陳公竇慶爲先封永甯公後封陳公均未經前人道及而魏楊宣邱珍兩碑唐段公祈雨頌爲之釋文亦極明瑋丈歷任雞澤元氏邢臺於元氏得乾符幢建隆幢大定寶峰院牒至順堅吉祥塔銘於邢臺得慶麻真言幢慶麻定光佛塔記常山貞石志畿輔通志亦未著錄者其搜采之廣考訂之精與葉九苞金石錄補相埒非劉青藜等所及也

閩中金石略跋

閩中金石略十五卷晉江陳棨仁鐵香著鐵香與陳頌南侍御生同里受業於侍御今籀經堂類彙卽鐵香所編刻侍御墓志亦鐵香所撰也淵源有自博雅著稱全閩金石向無專書馮柳堂輯有成編葉臨恭甫創初藁均未行世刊行本如

劉燕庭蒼玉洞題名鄭昌夫陳巖墓志攷淨光塔銘攷零星
二三帙耳烏石山志新統志紀載較詳均未有至博至精如
鐵香此編者也鐵香用萃編例先釋文次舉前人題跋再自
加攷證又僑刻帖攷兩種片勑一例亦甚精確荃孫從武昌
柯侍郎傳錄一部手自校之又繙昔年所得金石如大樹唐
天祐題名外有宋建中靖國元年吳亮君采題名^淳祐九年
竹橋題名張邦^甯題名丁巳鄭昂題名延安任士安題名元
至正壬辰阿里沙題名^{此種記}李肇題名熙春臺宋熙^甯壬
子石筍張紘張徽唱和詩碑側紹興庚申王進題記均在省
城小玉華洞^淳熙辛丑臨洮馬顯祖題名顏度等題名^淳熙
甲辰浚儀^儀趙鑒可題名成都宋子淵題名三山游宋衡題名

淳熙乙巳武夷王壽翁題名
淳熙丙午徐景顏題名
紹熙壬子三山朱端厚題名
開禧富沙王玲題名
嘉定丙子東陽樓伯靖題名
景定癸亥三山朱揆題名
在清流尙未收入不免遺漏考訂亦間有誤處然一人之力有限天下之寶無窮如鐵香者眞可謂好古之士矣各省金石有專書山東山西兩浙廣東廣西湖北湖南用隸釋例陝西河南江蘇安徽用金石錄例無者直隸甘肅江西雲南使各省有鐵香其人者省成一書有裨藝林豈小補哉

士禮居藏書題跋記書後

荃孫好書始自髫幼初讀北江詩話區別考訂校讐收藏賞鑑掠販五家慨焉慕之繼讀知不足齋抱經堂各書傾慕益

甚往在成都書局錢文圖山先生爲言黃蕘圃收藏之富鑒別之精校勘之勤津津有餘味并言黃轉入藝芸精舍又轉入宜稼堂海源閣兩家後得士禮居叢書讀百宋一塵賦藉以見蕘圃收藏之概既官京曹鄭奩師以所鈔海源閣藏黃氏題跋八十餘命理董而入木荃孫少之爲求江浙藏書家得三百四十五篇分爲六卷刻之書歸鄭奩後續得七十五篇江君劍霞又刻入靈鷲閣叢書荃孫先後更收得十餘種先生每跋必著年月建霞因之編先生年譜亦可知其大略矣書中印章鄭奩師序中略記之而先生齋名見於各跋者曰士禮居曰讀未見書齋曰菽情軒曰求古居曰石泉古舍曰學耕堂曰小千頃堂曰紅椒山館曰陶陶室曰冬蕘山房

曰太白樓曰聯吟西館曰儀宋堂曰小芟蘆館曰縣橋小隱
曰見復齋先生別號曰蕘夫曰蕘翁曰老蕘更號復翁曰復
初氏曰宋廬一翁曰求古居士曰求古居主人曰讀未見書
齋主人曰聽擬軒主人曰秋清逸士曰甘止醒人曰見獨學
人曰陶陶軒主曰復見心翁曰學山海居主人曰抱守老人
曰長梧子曰知非子曰半恕道人曰民山山民曰民山一民
曰員嶠山人曰佞宋主人先生輯所見古書錄分甲乙二等
甲等宋刻宋印元刻元印乙等宋元刻明時印序文有贖句
云編殘簡斷市希駿骨之求墨做紙渝窺詭豹斑之見而書
不傳又有續百宋一廬賦柳文 續 幽怪錄亦未見晚年逐漸散佚
並開滂喜園書籍鋪先生長子早歿次子桐叔壽鳳孫飲魚

美鎬
美鏐秉剛鑿

士禮居刊行書目
書價制錢七折

國語五冊 一兩二錢
庚申

汲古閣書目一冊 八分
庚申

國策九冊 二兩
癸亥

博物志一冊 一錢六分
癸亥

季滄葦書目一冊 一錢二分
乙丑

百宋一廬賦一冊 六分
乙丑

梁公九諫一冊 六分
丙寅

焦氏易林四冊 一兩
戊辰

宣和遺事二冊 二錢六分
庚午

輿地廣記七冊 二兩四錢
辛未

藏書紀要一冊 六分
癸酉

三經音義 論孟孝經一冊 三錢二分
癸酉

儀禮三冊 一兩二錢
甲戌

船山詩選二冊 四錢四分
丁丑

周禮九冊 二兩
戊寅

洪氏集驗方二冊 四錢四分
己卯

夏小正 附集 一冊 二錢
辛巳

傷寒病總論三冊 一兩二錢
癸未

汪本隸釋刊誤一冊

四錢六分
丙子

滂喜園

蘇州園

黃家書

妙觀察

籍鋪

院場

東湖叢記載讀未見齋書目元刊朱文公大同集十卷題
學生縣學司書兼奉文公祠陳利用編凡為詩二卷文八
卷前有鄱陽干越都瑱纂集宋太師徽國文公朱先生年
譜節略後有縣學朱先生祠堂記為嘉定五年龍泉葉適
記泉山徐璣書是書目為蔣生沐所見不知世間尚有流
傳者否

劇談錄跋

劇談錄二卷唐康駢撰駢字駕言池陽人乾符二年進士官
崇文館校書郎 四庫收入小說類提要云凡四十條以太
平廣記勘之一一相合非當時全部收入卽後人從廣記鈔
合也本末有臨安府陳道人書籍鋪刊行字是 四庫所收
出於宋刊外閒流傳只有毛氏津逮本首缺自序一次行題
宋池州康駢述誤唐爲宋上卷二十條下卷二十二條與提
要所云四十條不合爰取談本廣記對核只采二十條並非
全部收入廣記三百九十四元稹一條廣記四百裴度一條
今書所無桑道茂一條李德裕一條均在今書所引之外字
句譌錯不如廣記遠甚況館臣所見旣系影鈔其爲舊本流
傳更無可疑不必以爲鈔出也爰取廣記及類說角力記等

書勘校並取舊藏明刻稽古堂本補錄自序一篇餘字句異同均爲訂正雖未見影宋舊鈔固已出津逮本上矣

影宋本述異記跋

錢塘丁氏八千卷樓藏舊鈔本述異記序後有臨安府太廟前經籍鋪尹家刊行一行知其源出於宋每半葉十一行行二十字積餘影寫付刊而此書止漢魏叢書中有之遂取程榮本校一過上卷周成王一條南海中有軒轅邱崆峒中有堯碑均不提行淮水中黃雀條梓樹之精亦不提行均與宋本同越俗中以珠爲上條俗說明珠一斛貴如王者宋本王作玉誤鹿千年化爲蒼骨皆黑色宋本色作化誤均照改洞庭湖中有釣洲條有海李苦菜甘柚中山有楸戶條漢書貨

殖志千年楸程本於苦字下脫一葉直作苦年楸而連刻之
令人難解宋本十一行行廿字程本九行行廿字行款不同
今在第八葉上八行明人刻書舛錯若此可知此影寫本足
重矣

曾公遺錄跋

按曾子宣宋史在姦臣傳子宣於哲宗元祐八年六月同知
樞密院事元符三年十月入相崇寧元年六月罷相先後在
政府九年此錄記在政府之事世無傳本於永樂大典錄字
韻中鈔出止存七八九三卷實元符二年三月起至元符三
年七月止一年四月中事不知原書幾卷按晁氏讀書記有
曾相手記三卷紹聖初元祐黨禍起曾布知公論所在故對

上之語多持兩端又輒增損以著此書陳氏書目有紹聖甲戌日錄一卷庚辰日錄一卷南豐曾布子宣撰在政府奏對施行及宣禁朝廷均非九卷此後至罷相尙有兩年恐不止三卷布權譎自喜議論多偏然時以元祐紹聖皆有所失欲以大公至正消釋黨禍較之惇卞之徒怙惡不悛究屬天良未昧李仁甫長編每據以刪潤錢潛研謂宋史姦臣傳宜進史彌遠史嵩之而出曾布其論至公長編盡於元符三年二月以後五閱月皆長編所無浙局補長編未見此書不詳者多所載多當時語氣夔指宣惇樸指韓忠彥左轄指蔡卞右轄指黃履文筆亦爾雅雖零璣斷璧亦天壤內罕見之書也重刊明^弘治吉州蘇文忠公七集本跋

宋蘇長公集分前集四十卷後集二十卷奏議十五卷應詔集十卷內制十卷附樂語外制三卷續集十二卷共一百十卷冠以宋贈太師制敕宋史本傳並年譜黑口本蘇轍作軾墓志稱軾所著有東坡集四十卷後集二十卷奏議十五卷內制十卷外制三卷和陶詩四卷晁陳所載並同而別增應詔集十卷與今所稱東坡七集相近按宋時有南行集坡梁集錢塘集超然集黃樓集眉山集武功集雪堂集黃岡集仇池集毗陵集蘭臺集真一集岷精集挾庭集百斛明珠集玉局集海上老人集東坡前集後集東坡備成集類聚東坡集東坡大全集東坡遺編等名生前刊行崇寧初年奉詔毀板南則有杭本蜀本吉州本建安麻沙本明仁宗時嘗以內閣所

藏宋本命工翻刻未竟成化中海虞程某爲吉州守求得宋曹訓刊本與仁宗所刻未完新本重校付梓又加以和陶詩合舊本所無者編爲續集十二卷集中有目錄連屬篇目之卷有不連屬之卷奏議九十兩卷連屬在一篇其連屬者尙存宋本舊式錢求赤書後集云後集其子過編則正集或坡公手定宋史藝文志云蘇軾前後集七十卷奏議十五卷補遺三卷南征集一卷詞一卷南省說書一卷應詔集十卷內外制十三卷別集四十六卷黃州集二卷續集二卷和陶詩四卷北歸集六卷僖耳手澤一卷年譜一卷名目頗爲叢碎亦與今本不合續集止二卷月出和陶詩四卷宋本如是明人所續則爲十二卷而和陶詩在其中今宋本不可見以成

化本爲最古至嘉靖十三年江西布政司刊繆宗道所校者
白口本已不如此本如續集詩文共缺九十三首昔人均未
指出今陶齋制府以圖書館藏本刻而傳之影摹惟肖原板
模糊處則据嘉靖本荃孫又得錢求赤据宋刻校本佳處尤
多以後東坡集當以此爲佳本矣惟明人所編續集與前後
集奏議重出多篇卽本集中如和孔宗翰詩一卷內亦重出
可謂雜糅至嘉靖本脫落亦只在續集中決非出自吉本今
吉本誤之顯然者据嘉靖本錢校本改之而別爲札記以志
所据嘉靖本之重出脫落則著之譌字則記不勝記矣

續集明人所編頗覺雜糅非前六集可比十一卷目並有
續添一條可見隨得隨編並無條理不但有目無文又重

出前後集及奏議者十餘篇和孔宗翰二絕一卷中又重出快哉此風賦止存兩韻捫蝨新話所稱葉嘉傳乃陳元規作睡鄉醉鄉記鄙俚淺近決非坡作一并攙入嘉靖本又脫去詩四十五篇文四十七篇豈刻時所得本不全邪決非从成化本重刊可知矣均著於校記

嘯亭雜錄補遺跋

鈔本嘯亭雜錄十卷續錄三卷結一廬臧本先是光緒庚辰荃孫供職京師見新刻巾箱本雜錄八卷續二卷京師同人曾見此鈔本者譁然痛詆之謂其真偽各半刻之不如不刻荃孫未見鈔本未敢斷也甲辰長夏二楞觀察出以相示逐條對勘編次不同字句亦多刪節而雜錄刻本八卷鈔本則

十卷刻無而鈔有者止六十八段刻有而鈔無者則無之續鈔刻本二卷鈔本則三卷鈔本多三十八段刻本多出八十九段疑別據一本而此續錄尙短去一卷也至未刻者大半涉於考古或閒有穢雜語刪之未爲不是卽鈔刻相同之條聞節去其空論亦何可以爲非今選未刻多條擇其可存者四十二段錄成一卷或可別行不必痛詆刻本實未見所云真僞各半之迹也

新刊補注銅人腧穴鍼灸圖經跋

代

右新刊補注銅人腧穴鍼灸圖經五卷宋翰林醫官朝散大夫殿中省尙藥奉御騎都尉賜紫金魚袋臣王惟一奉聖旨編修首有天聖四年夏竦序卷三之首王惟一自序又有鍼

灸避忌太乙之圖序序後有時大定丙午歲上元日平水閑
邪贖叟述書軒陳氏印行是宋時官書金時刻本攷宋史藝
文志卷六王惟一新鑄銅人膺穴鍼灸圖經三卷卽此書止
三卷與崇文總目讀書後志合明正統石本亦三卷是宋代
原書止三卷至大定丙午加補注拓之爲五卷耳讀書後志
無經字作王惟德通志略作惟一惟德宋史有傳惟一無之
或者其兄弟行耶竦序有云定偃側於人形正分寸於膺幕
此本無仰伏人圖補注不知成於何人亦非三卷之舊矣經
籍訪古志云贖叟序中稱僕誠非沽名者以年齒衰朽恐身
歿之後聖人之法湮沒於世因編此圖發明欽旨命工鐫石
傳其不朽知是贖叟刻此圖於石而陳氏取增是書併以板

行矣平陽經籍所刻書世尠傳本今得此注與余梁氏論語注皆傳北方之板本爲藝林所罕見也

珊瑚木難八卷跋

傳鈔明寫本明朱存理撰存理字性甫別號野舫長洲人少學制科謝去從杜東原游自少至老未嘗一日忘學聞人有異書必訪求手自繕錄居於葑門荻扁王氏家教書嘗與主人晚酌罷主人入內適月上性甫得句云萬事不如杯在手一年幾見月當頭喜極發狂大叫扣扉呼主人起詠此二句主人亦大擊節取酒更酌興盡而罷明日徧請吳中善詩者賞之大爲張具留連數日吳中人傳爲佳話其韻勝如此今所傳欣賞齋刻鐵網珊瑚十六卷本取以相較同者僅四十

種耳此書每種下具記得自某氏大約出於杜東原沈石田黃應龍沈維時王雲松趙思式諸人所藏而又並記其鈔錄月日內有辛丑壬寅乙巳丙午戊申諸年所記攷性甫生於正統九年甲子卒於正德八年癸酉年七十則此手彙皆成化弘治間所錄原彙歸王百谷又歸王騰程騰程號莊叟其子廣號莪齋復跋於後時在崇禎元年後又歸於顧渚號渚山復題記於前後渚山又號曄翁又號墨癡道人第一冊尾有墨癡小傳及文文起文彥可吳梅村贈詩皆爲顧渚山作也道光己酉歸荻溪章紫伯明經最後歸丁氏八千卷樓爲余傳錄然卷二缺四葉卷八缺十葉首卷三葉又蟲蝕至二行丁未九月在湖北學務處借柯遜菴侍郎藏本補足並校

讀書居卷二系卷二
三
譌脫字三百餘此書庶乎可讀矣至翁覃谿所見野航手稟
不分卷本又蔣生沐所藏周硯農鈔本均未能取校也

此先君子病革時所購得書也戊辰夏先君抱疴睦郡不
肖廣趨視湯藥偶於架上見此書詢之左右知平頭乍從
吳門齋至時先君方病未之省也廣恐溷失因納之奚囊
俟病小閒輒奉以進進則先君摩挲披覽若忘倦者每閱
過命廣收藏惟謹孰意先君遽棄不肖諸孤而此書遂爲
遺書焉嗚呼痛哉先君平生好異書且不憚多方購求卽
是書之往來胸中殆不知閱幾寒暑今始割俸易置雖僅
一見然猶把玩生前先子之志庶其無憾與野航朱先生
固有鐵網珊瑚手鈔巨帙先君獲自昔年曰爲張少宰侗

初姚贊善現聞兩先生借觀尙未請還而此書則近得之
百穀王徵君家蓋卽鐵網初易彙也別以木難小異同耳
自朱先生歿而書歸文太史衡山先生其仲子和州公復
以授王徵君百餘年來非其人不以傳似有神物護之今
又由先司理以及小子廣敢不思所以毋辱是書者乎手
澤猶存不忍云讀惟珍藏是懍和弓垂矢永爲世寶而已
崇禎紀元九月十七日不肖孤王廣泣書於菽齋

道光二十有九年三月二十八日書舶友沈達三攜此書
求售索價十洋檢係明末舊鈔本於本朝
廟諱均不之避中間紕繆脫落誠如提要所云然係未經閱
削之本亟以重價得之暇當細加讐校永爲家藏藝術類

珍本茗溪瓜瓠外史章綬銜謹識

己酉浴佛日重閱一過客雜沓至遂輟筆瓜瓠外史

越十日取闕里文獻考所載對勘復舉正二十三處其未載者無從取校至此佚而彼存者尙有郝經賦并序當補錄石守道銘後綬銜又識

閱性甫所著鐵網珊瑚尙有二行零九字云余游崑山曾過其旌門巋然雙柏不勝感慨就於其地得觀節行之卷錄之於行橐中不久盡爲他人所藏是亦得其所也錄本計一十二翻 四月十七日午後復取鐵網珊瑚本對勘舉正共五十處此卷始可句讀無遺憾矣 以次序論當先以陳潛夫傳繼以金文徵節行詩序各詩頌及跋語以

次排附較有眉目瓜瓞外史又識

清和甲子日下午微雨悶甚復勘於吳氏循陔軒其糾正四十處

初十日未刻雨中無事復閱於聿新堂

此卷脫誤殊甚鐙下複閱病眼昏眊艱於點勘二鼓後卽掩卷入黑甜晨起畢之時已酉四月十一日及十二日也
荻溪綬銜又記

是卷傳鈔不出一手有老學乘興亂寫落葉者有稚筆依樣葫蘆往往舛錯者十三日午後展卷重閱以武林暨梁溪客至輟筆次日爲呂祖誕晨雲怡進香客復沓至禾齋未遑握管十五日晨起畢之雖兩經繙閱疑竇尙多殊未

島田彥植寄我新刻出自內府宋本並序此集源流甚悉因
出此本取而校之亦有無範慶福圖書同出一源亦可謂下
真蹟一等矣寒山詩云五言五百篇七字七十九三字二十
一都來六百首一例書巖石今檢是本寒山詩三百四首而
次之以豐干詩二首及拾得詩四十八首不符於六百之數
然闕閭邱^角序其屬道翹所撰次者已不過三百餘首云唯
於竹木石壁書並村墅人家廳壁上所書文句三百餘首及
拾得於土地堂壁上書言偈並纂集成卷與此集合唐藝文
志載入釋家類作七卷宋寶祐乙卯江東漕司重刻本則分
五七言又退豐干於後已與此本不同元高麗覆東泉寺本
卷尾題云嘉議大夫耽羅軍民萬戶府達魯花赤高麗匡靖

大夫都僉事評理上護軍朴景亮刊行新安吳明春本作三卷是 四庫所收者黃蕘圃所得二本均一卷板心一題寒山子詞一題三隱詩云係外洋板頗似高麗覆宋本然寒山子詩後一條云杭州錢塘門裏車橋南大街郭宅口鋪印行一條瞿氏書目所載寒山詩一卷拾得詩一卷附慈受儼寒山詩一卷寒山詩後亦有杭州錢塘門裏車橋南大街郭宅紙鋪印行一行卷心亦作三隱集與黃目合未有比邱可立募眾刊行明刻本似明僧輯刻歸安陸氏書目所載寒山詩一卷豐干拾得詩一卷毛氏影宋本每半葉十一行行十八字又舊藏廣州海幢寺本八行十七字字句不同黃跋云有拾得雲林最幽棲一首此篇所無惜無別本可校耳島田影摹朱

子放翁兩帖寒山詩首二行餘俱用新式鉛字排印不及從
前東國影刻書遠甚荃孫刊成此書質之島田當爲我取各
本一校異同否

徐興公書目作五卷五字疑三字之誤月有慈受擬寒山
詩一卷然据紅雨樓題跋亦有朱子放翁手札似與瞿氏
本同

藝風堂文續集卷六

藝風室文續集卷七

江陰繆荃孫

草堂詩箋跋

杜工部草堂詩箋跋四十卷補遺十卷外集一卷傳序碑銘一卷目錄二卷年譜二卷詩話二卷 四庫止收詩話而詩箋未收近黎星使庶昌影刻宋麻沙本每半葉十二行每行大字二十小字二十六海內讀杜詩者始見全璧嘉惠士林多矣巴陵方氏先刻元本於廣州僅廿二卷自卷一至卷十九與黎本合而卷二十下半上元二年以下卷二十一卷二十二卷卽黎本補遺之一二三卷卷二十前上元元年庚子在成都所作爲徐卿二子歌等十題均見於黎本二十五卷又失收詣徐卿覓果子栽一首兩本參差殊不可解且草堂

詩箋以編年得名卷十九爲乾元二年詩

以上與年譜相合

方本卷

二十爲上元元年二年卷二十一爲上元二年卷二十二爲寶應元年黎本卷二十爲廣德元年卷二十一爲廣德二年卷二十二二十三不紀年卷二十四爲永泰元年已到雲安不應卷二十五又載上元元年在成都所作後半卷仍接雲安所作未免雜糅方本僅廿二卷蔡夢弼跋亦刪節過甚未足取證瞿氏書目所載宋刊廿六卷推爲嘉泰祖本從廿五卷起半葉十一行行大字十九小字廿五與黎本又不同至翁覃谿文集跋宋槧本所云第二十卷暫如新津縣四首第廿二卷暫如青城縣五首則與方本合而與黎本不同瞿氏本不全翁所見全書如在天壤閒未知何時寓目一決此疑

也

高麗本草堂詩箋跋

卷一 全

卷二 全

卷三 全 鈔二葉

卷四 全

卷五 存三葉一葉

卷六 存四葉一葉十一葉一

卷七 存十二葉一葉

卷八 存二葉一葉十四葉一

卷九 缺

卷十 全

卷十一 全

卷十二 全

卷十三 全

卷十四 全

卷十五 全

卷十六 全

卷十七 全

卷十八 全

卷十九 全

卷二十

全 方本二十卷以下三卷與此不符

卷二十一 全

卷二十二 全

卷二十三 全

卷二十四 全

卷二十五 缺

卷二十六 全

卷二十七 全

卷二十八 全

缺首葉

卷二十九 全

卷三十 全

卷三十一 全

卷三十二 全

卷三十三 全

卷三十四 全

卷三十五 全

卷三十六 全

卷三十七 全

卷三十八 全

卷三十九 全

卷四十 全

詩話補遺十卷

缺

外集一卷

缺

傳序碑銘

缺蔡跋後二葉

詩話一

缺後六葉

詩話二

缺後二葉

譜上

缺

譜下

存七至十四八葉

黎星使原跋云得南宋麻沙本四十卷高麗本補遺外集十
一卷付梓此書在日本琳瑯閣今歸胡研生糧儲缺補遺外
集前後有黎星使圖書疑卽星使所取之餘而正書又缺卷
五卷六卷七卷八卷九卷二十五六卷至高麗本佳處陳景
雲曾舉何假將軍佩牧齋謂較蓋字爲穩其爲善本可知雖
太璞不完不害其爲瓌寶也

張說之文集跋

張說之文集二十五卷明鈔本集首有永樂七年伍德記云
兵燹之後散佚僅存錄而藏之是此編爲明初輯本明嘉靖
丁酉椒郡伍氏龍池草堂刊行有項篤壽序攷唐宋藝文志
張說集三十卷外集二卷久已不傳劉燕庭會藏宋刊三十
卷本半葉十一行行二十字與李太白賂賓王等集同行款
攷爲蜀本自朱竹君椒花吟舫散出爲燕庭所收今又不知
歸於何所張月霄臧影宋鈔本十卷單是詩集如首卷喜雨
二首一題御製一題應制明本刪去御製應制等字卷五醉
中作有題無詩卷六廣州送蕭都督入朝過岳州宴餞後缺
一葉雖非佳刻然亦希見聚珍本作張燕公集館臣又於明
刻本外采及文粹文苑英華諸書得頌一首箴一首表十八

首疏二首狀六首策三首批答一首序十一首啟一首書二
 首露布一首碑四首墓志九首行狀一首凡六十一首皆依
 類補入仍釐爲二十五卷采輯較富而卷非原次又刪去當
 時批答及同作亦未盡善按明刻本卷一賦與雜詩二至十
 皆雜詩十一十二頌十三贊銘記十四碑十五表十六至廿
 一皆碑銘廿二墓志銘廿三雜著廿四表廿五碑銘表首卷
 在碑銘之中次卷在雜著之後末卷又爲碑銘編次不倫館
 臣重定爲卷一賦與雜詩二至五皆雜詩卷六卷七頌卷八
 贊銘箴記卷九卷十表十一疏狀對策批答十二序十三啟
 書露布十四至廿一皆碑銘廿二至廿四墓志行狀廿五祭文
 實較舊本爲有條理仁和朱子涵觀察出眎所藏彭文勤公

本鈔極舊惜止廿卷再據吳仲懌侍郎明鈔本互補以成全
璧今前廿卷用彭本後五卷用吳本聊存舊式而退諸書拾
補者另編五卷似可復卅卷之舊質諸方聞之士以爲何如
光緒乙巳三月江陰繆荃孫跋

再攷顧千里思適齋集云先得燕公文十五卷又得椒花
吟舫鈔本增益五卷顧氏單校唐文除去詩五卷後又補
足五卷疑世閒自有此廿卷傳本非缺佚也

馮校本王建詩跋

宋陳解元書棚本半葉十行行十八字荃孫昔年得之滬市
中止存舊刻三十餘葉餘皆影鈔也頃京估以常熟馮已蒼
鈔本見眎行款與宋本同黑格後角有馮氏鈔本四字卷五

卷十後有己蒼手跋又有朱書馮氏不借本五字校勘圈點
細密慎重固馮氏之家法首葉邊闌馮字朱文小印末有孱
守堂三字並列朱文方印馮己蒼手校本朱文小方印謙牧
堂藏書記白文方印謙牧堂圖書記朱文方印上黨馮舒白
文小印禮邸珍玩朱文方印各印皆真與宋本對校二卷增
十首四卷增十五首五卷增六首六卷增四首九卷增三十
八首共增七十三首己蒼跋云鈔於柳大中手書本不知何
處得來二卷跋云以下十首宋版無依別本補入五卷跋云
馬戴詩舊本無柳誤添是己蒼會見宋本而大中所增之七
十三首有誤收他人之作後之重刻是書者宜仍以宋本爲
主而此七十三首別爲補遺於後不可溷入以存其真宣統

紀元芒種日荃孫跋於對雨樓

現行毛斧季本胡介祉本皆八卷墨莊漫錄云建集七卷
印行本一卷今宋本十卷不知視七卷本何如敏求記亦
十卷想亦宋本記云建與樞密王守澄有宗人之分偶因
過飲相譏守澄憾欲借宮詞奏劾之建作詩以解結句云
不是當家親向說九重爭遣外人知事遂寢當家猶今人
言一家也此集作姓同其爲後人改竄無疑宋本正作姓
同

劉賓客文集跋

右劉賓客文集三十卷外集一卷 四庫著錄禹錫唐書有
傳官終於太子賓客分司故署曰賓客集又居中山無極故

又名中山集是集四十卷宋初佚其十卷宋次道哀其遺詩
四百七篇雜文二十二首爲外集然未必皆十卷所遺也明

萬曆二年刊雜文二十卷書十卷名中山集黎民表序

民表
嘉靖

未廣東參將爲
古田獠所殺

書亦罕見常熟瞿氏藏宋刻殘本每半葉十

二行行二十一字歸安陸氏藏述古堂影宋鈔本每半葉十
行行二十字大抵宋時有此兩刻此朱子涵舊藏明藍格鈔
本十行行二十字與陸氏書目合原出宋本無疑外集十卷
世罕流傳有以正集詩文僞充者甲辰冬在蘇州書賈以味
書室鈔外集亦十行行二十字求售鈔手極舊以重值得之
可爲子涵配全亦一快事集中爲人作集序皆作集紀豈亦
爲家諱如東坡之改序作敘耶外集有經東都安國觀九仙

公主舊院詩結語武皇會駐驛親問主人翁方蕉軒濟師以武皇爲武宗攷王建集亦有九仙公主舊莊詩杜紫綸詔謂唐公主無九仙之名惟方伎傳⑤宗時有夜光者因九仙公

主召見溫泉攷東都安國觀爲太平公主宅武皇意指⑤宗

李義山詩武皇內傳九仙公主或卽太平公主之別號決非⑤宗

分明在亦指⑤宗武宗之女也文中用字新穎如連州刺史廳壁記不足庚其

責庚作償字用與禮記請庚之注合武陵北亭記是日還也

還作反字用與小爾雅還而入必易也之注合鑿藥篇輒者

造焉卽穀梁兩足不能相過謂之輒府鮮能母氣言氣所由

生也蘇州冊賀皇太子箋以貞九圍用華陽國志詩平齊行

魯人皆科帶弓箭科作分派解外集可憐玉馬風流地用庚

信詩還如驅玉馬與金貂對他書作五馬誤惟卷二十五有
與歌者米嘉榮云唱得涼州意外聲舊人惟有米嘉榮近來
時世輕先輩好染鬚須事後生外集卷八亦有一絕云一別
嘉榮三十載忽聞舊曲尙依然如今世俗輕前輩好染髭鬚
事少年與正集彷彿而韻不同昔人所謂有未定之橐有通
用之橐編輯時求益遂兩收之不得謂之複近時畿輔叢書
亦刊正集所據之本爲荃孫所藏中山集似從明刻鈔出書
首有錢竹汀印王氏又據全唐文校改殊失古意不如此本
遠矣光緒丙午元夕江陰繆荃孫撰

司空表聖文集跋

右司空表聖文集 四庫著錄圖見唐書卓行傳此集有文

無詩陳振孫書錄解題云蜀本前後八卷俱題雜著五六兩卷獨題碑字按卷七雜著中又有復安南碑不應此二卷獨題曰碑當由後人誤改則與陳所見之本無異也每卷首行題司空表聖文集卷幾下題一鳴集與瞿氏書目載宋刻杜荀鶴文集下題唐風集同知其原出於宋此本爲曹氏書倉影寫明成化本前有乃昭朱文王氏家藏白文兩印南昌彭氏知聖道齋藏書朱文兩印後有白隄錢聽默經眼朱文小印按曹名學佺字能始侯官人萬曆乙未進士官至禮部尙書殉國難王乃昭常熟人與錢牧齋同時錢聽默名時霽號景開茗估中最有名其捺經眼印者書必佳知聖道齋爲彭文勤公舊藏由彭而歸於結一廬亦可見淵源之有自矣光

緒丙午花朝江陰繆荃孫校畢跋

西渡集跋

西渡集一卷曝書亭藏書目錄後竹垞手書康熙丁丑八月朔日竹垞閱過卷中朱筆皆先生手跡也又有長水胡氏家藏一印款鮑氏知不足齋藏書一印 四庫所收二卷本亦鮑氏進呈卷數不同不如此一卷與宋藝文志陳氏書錄合也金山錢氏刻入小萬卷樓叢書中取以對校校出刻本顛倒字二譌字十六方知此本之佳惟十月十六日五律細覽泉聲外旁改覽爲檻錢本作筧初食生荔支五律清冷露入囊錢本冷作冷福州程使君止戈堂七律行看闕劍爲農器錢本作鑄劍皆當從又有不可解語錢本空格較爲詳慎末

缺一葉照錢本鈔入光緒辛巳江陰繆荃孫校竟識

鄮峰真隱漫錄跋

舊鈔鄮峰真隱漫錄五十卷 四庫底本即范氏天一閣所
進呈者中間點竄鈎乙皆館臣手筆缺卷一至卷四四卷又
缺四十四一卷藏之篋衍近十餘年頃友人得揚估鈔本假
歸補足方知舊鈔之佳提行空格一仿舊式其源出於宋本
目錄分三卷與 提要所言合揚本不若也此書昔見愛日
精廬藏書志近見頤宋樓書目流傳亦云罕矣

斜川集跋

蘇叔黨斜川集館臣从永樂大典鈔出乾隆戊申趙味辛老
人刻之亦有生齋詩二百十四篇文六十篇使海內復見斜

川集真本非謝幼槃劉改之等集爲爲者可比也後得朱少
河鈔藏本有手跋云嘉慶戊辰法時帆學士充唐文館總纂
復于大典得志隱諸篇文十五詩五十三乃假本于朱子涵
觀察而每篇不相連屬係當時隨采隨鈔之本與趙本核對
僅得詩四十九篇五言古四十八篇五排二篇七古一篇共
五十一篇新竹二篇
趙本已錄與跋相符而志隱十五篇者一葉無有
疑又逸去矣鮑氏知不足齋二十六集刻此書則志隱十五
篇盡收其中詩止四十三首遺去九首方知鮑本勝于趙本
今錄詩九篇附後

借書

妙年不可再白日誰能繫空慚梁肉索不悟齒髮逝季子

頗亦困還家笑奴隸經年得揣摩尙可資游說良田初不
耕拱手那望歲誰令困不學斯與草木敝海南寡書籍蠹
簡僅編綴詩亡不見雅易絕空餘繫借書如假田主以歲
月計常恐遺地方敢有不斂穧便便五經腹三冬良可繼
儻有媿寸陰得無譏沒世

大人生日

天爵

缺三字

名高實自分云何困積毀抑未泯斯文欲救微

言絕先懲百氏紛章編收斷簡魯壁出餘焚論斥諸儒陋
功逾絳帳勤吾庸亦多矣奚恤彼狺狺

天定人難勝誠哉申子言不須占倚伏久已恃乾坤八郡
袴襦德三吳肉骨恩少卿真不病廷尉自高門勿歎乘桴

遠當知出世尊無邪有妙理一悟可長存

大士來淮泗神交寤寐中應緣濟物意豈爲寫經功惻隱
仁之本慈悲佛所同雖無逮焚溺尙欲起疲癯五鼎榮何
有三光路已通回看種桃處葵麥卷春風

和叔父移居東齋

去鄉三十年夢寐猶西土阨窮未能歸諒亦君子固結廬
箕穎閒絕意爲霖雨聊清一室地僅作跣趺處邇來又謝
客不待羹爨釜西齋舊翳密月晏窗先暮東軒得爽塏眞
作禪僧住公舊自謂東軒長老陶潛采菊時尙復有眞趣公今觀此
心湛然忘客主坐了一大緣固已遺能所

次韻叔父月季再生

瘴海不知秋幽人忘歲月只記庭中花幾度開還折憶昔
移居時始見青萸茁殷勤主人惠浸灌寒泉冽顏色日鮮
好條枝爭秀拔意無後人翦喜託先生芟海康接儋耳雲
水何由躡俯楹獨四顧悵此波濤市聞道海門松僵枝出
繁葉困窮不足道喜有千人活不似^之都花^之藪藪那能折
范季遠作止齋求詩以此寄之

急流湧退真難事安取榮枯君自味世閒軒冕如嚼蠟自
覺山川天下貴君如八駿方服輶帝閑正欲求千里刷燕
秣越非所願放浪煙霞躡雲水蕭然築室在人境身與此
心俱欲止倦飛偶學陶彭澤亦病還同老居士政憂功名
來未免吾駕不回誰與輓古來索價累高人少室終南應

所鄙

贈知命劉居士卜居

言乘下澤車來赴嵩高約春山多雨露咫尺負邱壑眷余
實畸人雅與世緣薄問途忽我顧扣戶煩剝啄君才少不
羈屢散千金橐胸中橫詩書帳下餘猿鶴何妨門如市心
若虛舟泊聊師季主卜玩世甘寂寞箕山宛在目潁水清
帶郭何年定卜居伴我采薇霍

君與伯充詩有
欲卜居潁川志

和任況詩

簪裳如縲囚我生三年繫一落罟網中遂負山林志憶故
晉陽城訪古尋前事荒涼麋鹿游正坐金湯累西山鬱崢
嶸氣勢翔天際固知神所託千歲有其地縣縣邑姜祠盛

德百世繼汾橫地軸壯泉湧山骨碎我時正行役忽此煙
雨滯頗遭谿谷留使失鄉關昇是時薰風初殿閣微涼至
碧井照眼寒山光溼衣翠文魴從弱浪野鶴下晚吹平生
謝公心雅在東山醉端來乞五斗茲事復且置恹恹百僚
末舉首觸嗔忌早知折腰惡誰敢朱雲吏願君志吾言身
外皆漚寄臨淵休羨魚早決歸來意榮枯夢已破何待邯

鄆記

石林燕語辨跋

宋葉少蘊石林燕語十卷所記朝章國故官制科目當時已
重其書後人亦多引用間有記憶失真攷據不詳者是以宋
時有汪聖錫作辨宇文卷臣作考昇以糾之 四庫館開時

館臣未能得汪書 提要止云汪辨不甚傳僅儒學警悟間
引數條與宇文考異並散見永樂大典中應將考異散入本
條之下而以汪辨寥寥無幾無可裒集置之後仁和胡珽心
耘在京師詣清祕堂親檢大典一萬四千八百卷悟字韻中
鈔得汪氏辨目二百有二條歸與葉廷琯調生撰集辨一書
初擺印於琳瑯祕室叢書第五集後又於印本復校加數十
籤荃孫見於周荇農師處會假錄副本將各籤編入閒有管
見亦附入焉光緒壬辰宗室伯義祭酒購得明鈔儒學警悟
全編則汪辨十卷在焉荃孫又錄得再勘全書二百有二條
與大典目合以大典未見之書一旦復出令人稱快惟辨禮
賢宅辨昭考當作昭孝辨母后加諡四字辨宣仁太后受冊

辨皇考兩統二父之說卷二辨三公孤卿大夫異同辨集賢
學士除待制沿革辨馮元魯宗道爲講讀官辨宣政殿奏事
卷三辨停化中所藏法帖及刻板辨職事官差除辨韓維爲
翰林學士辨尙書中書沿革辨本朝曆與契丹曆差一日卷
四辨曾宣靖修英宗實錄不當辨現任官應舉賜第辨翰林
侍讀學士講讀學士卷五辨眞宗批楊文公謝表辨有官人
應舉辨進士特取一百九人辨致仕官俸給辨御史端公辨
御史裏行辨元祐初哲宗納后卷六辨馬齒辨服制辨三司
使權亞宰相辨張仲雷坐贓免杖黥流嶺外辨宰相除觀文
大學士辨除宰相有誥命敕辨開府位三公上卷七辨宰相
除授兼職亦須用麻辨邵與宗詔試祕閣辨成都帥例不許

將家屬及以待制知成都辨王沂公召試館職辨錢希白兄
草弟麻韓維弟草兄制曾子宣弟草兄制卷八辨王文公答
王魏公書辨李文言省試黜落有司奏乞取之廷試遂爲第
一辨天章置侍講自賈文元始辨范忠宣自知慶州至拜相
纔百餘日辨蔡君謨賈青進建州龍團茶卷九辨賢良對策
自董仲舒始辨蘇子瞻爲秋燕致語譏在喪用樂辨歐陽永
叔趙叔平罷政除觀文殿學士辨司馬溫公與呂申公辭知
制誥卷十辨蘇子瞻草呂微仲麻共四十三條與考異同所
不同者只九條耳卷臣通判劍州時卽聖錫所薦賓僚晉接
互相切磋何以二書輾轉相合豈鈔錄者有譌誤耶館臣以
汪辨寥寥無幾難以成編而考異尙可哀集今汪辨二百二

條全書俱存而考異不同於辨者僅止九條亦云異矣然得見陳振孫未收大典未采之書可不謂之幸事耶儒學警悟書共七種此書次爲第一餘六種如演繁露之類世有傳書獨此已成孤帙幸伯羲祭酒慨借得以傳出久欲付梓今與杉吏部刊於石林燕語之後荃孫謹書始末而歸之

儒學警悟太學俞鼎臣同上舍兄經編壬戌三月南劍州通判俞聞中夢達所刻至壬子儒學警悟歸於荃孫前有總序是嘉泰壬戌然百川學海前人攷爲咸淳癸酉則此書先七十二年眞叢書之祖矣

諸儒鳴道集跋

諸儒鳴道集七十二卷宋氏榮光樓鈔本總目濂溪通書棟

水透書橫渠正蒙八卷橫渠經學理窟五卷橫渠語錄三卷
二程語錄二十七卷上蔡先生語錄三卷元城先生語錄三
卷劉先生譚錄一卷劉先生道護錄一卷江民表心性說一
卷龜山語錄四卷安正忘筌集十卷崇安聖傳論二卷橫浦
日新二卷識云越有諸儒鳴道集最佳年久板腐字漫摹觀
者病之迺命刊工剞劂填梓隨訂舊本鍍足其文令整楷焉
時端平二禩八月吉日郡守閩川黃壯猷書商邱宋氏鈔本
與絳雲書目合惟絳雲不言鈔刻而他書目未之見深足寶
貴

頤堂集五卷

影寫宋刊本首行題頤堂先生文集卷弟一次行姪傅編一

卷後有乾隆壬辰六
八字板心記頤堂集
葉五卷尾葉存者止
葉皆補寫 四庫未
仕著此集及碧雞漫
頤堂集五十七卷此
什中之一耳然讀書
詩紀事云灼嘗佐總
所藏者歟

注渠陽詩跋

代

魏鶴山讀易亭詩王

似序之後又有鶴山札子眞大參德秀杜尙書範李侍郎心
傳李大參性傳呂宗卿午葉祕書大有各家札子題跋均以
手書開雕^淳祐二年刊本校王周卿爲著作郎王蘋之孫游
丞相列傳見宋史四百十七王實齋列傳見宋史四百十五
實齋字去非又字穎叔樞密副使韶之元孫金壇人傳云曾
知平江府與同里劉宰稱同志卽跋所云擊舟同漫塘訪鶴
山見此詩漫塘所擊節也眞大參見宋史四百三十七杜尙
書呂宗卿見宋史四百零七宗卿跋署銜宗正少卿知泉州
與傳合有竹坡類彙李侍郎見宋史四百三十八大參見宋
史四百十九侍郎與大參昆仲也葉祕書曾任御史鶴林王
露丙編自序余爲臨川郡從事侍御史葉大有忽劾余罷官

卽此人也諸賢手札明成化間具存見吳匏菴家藏集及郁逢慶續書畫記復初齋跋祇賸三種今不知歸何所此本宋刊宋印當與宋賢札子同看近時書目只鐵琴銅劍樓有之匏菴覃谿皆未見也卷首有仲魚過目小印又有華山馬仲安家藏善本一印卷尾有馬仲安馬印寒中朱白文二印蓋先歸道古樓後歸士鄉堂者光緒壬寅立冬日貴池劉世珩跋

鐵琴銅劍樓書曰云卷尾有注渠陽詩一卷嗣容校刊一行按匏翁家藏集五十五有宋賢三帖跋云周卿裔孫觀字惟顛者旣取舊本翻雕後得此三帖裝池寄示因思瞿目嗣容二字嗣卽裔孫容卽顛字之恭代遂與瞿目昭合

此本無此一行而卷後絕無割補痕迹是瞿氏所藏爲明翻宋刻此本是眞宋刻爲海內僅見之書尤足貴矣

輯本丹邱生集跋

柯九思元史無傳其事跡見元詩選小傳而丹邱生集亦無紀若干卷若干篇者元史本無藝文千頃堂書目止云一卷是最少之本錢竹汀先生補志因之今見元人十二家小集中分體編次止詩四十三首詞四首顧氏元詩選刻入三集云搜諸書畫題跋手跡所得無多顧玉山草堂雅集推丹邱爲歷卷而雅集流傳之本類缺首冊殊爲憾事最後鈔首冊於汲古毛氏敬仲之詩在焉合之手跡得詩二百六十二首光緒庚子柯遜菴中丞在揚州都轉任囑荃孫搜輯編次先

鈔錢塘丁氏元人十二家集又鈔元詩選爲二卷以寄王寅友人曹君直中翰元忠到甯雅意搜輯再得文賦題跋二卷詩二卷補事迹一篇荃孫復加覆核新得草堂雅集舊鈔本敬仲在後集之二並不在首冊與顧選對勘每首各注所出又溢出十三首疑顧所見又一本也元十二家集亦有五首爲顧所未見共得文四十六篇詩三百四十一篇勒成五卷以覆中丞自謂於茲集不爲無功矣

說學齋彙跋

說學齋彙十卷傳鈔新陽趙氏藏本首有葉恭煥識語原出歸有光鈔本明千頃堂書目云文集五十卷明代已散佚不存此本乃嘉靖三十八年歸有光從吳氏得手彙傳鈔其文

不分卷帙但於紙尾紀所作年歲皆在元時所作有光跋稱
共一百三十六篇與此本符又王懋竑白田雜著有是集跋
稱賦三贊二銘二頌三記五十有一序七十有六現存記四十九序七
十共一百三十八首以有光跋爲傳寫之誤然據懋竑所列
實止一百三十七首數亦不符殆舊有刊版好事者遞相傳
錄故篇數參差不能畫一圖書館藏有二本一雲林集二卷
卽太樸之詩興 四庫箸錄同後埵文集不分卷一危太樸
集分四卷篇數亦同存一百三十六首二本相較不分卷本
多天雷寺碑記岩岩亭記略朝元閣記三篇四卷本多吾臣
子行學古編序一篇實得一百四十篇埵錄宋濂撰墓碑一
篇及明詩綜小傳今亦全錄成完書此集止賦贊銘頌記序

似文集集首數卷如馮太師安岳集之類並非輯逸詩二卷則似從選本鈔出

楊太后宮詞冊跋

宗楊后宮詞五十首寫在狀紙反面紙墨甚舊係汪水雲錢功甫毛子晉黃堯圃舊藏水雲功甫有印記子晉有兩跋堯圃亦有跋子晉曾刻入五家宮詞取刻本相校如銀燭瑤觥競上元一首娟娟西月毛刻作□□午月正當軒午月勝於西月毛何以不見娟娟二字管絃聲韻一齊喧一作宛轉餘音出紫垣毛與一作同又內園昨夜報花開一首箇箇爭先獻壽杯一作人人爭獻萬年杯毛又與一作同想以其聲調不諧耶毛跋潛夫不知何許人按首第二行云潛夫輯是

宮詞之傳由於潛夫跋云癸酉仲春不著何年攷周草窗有
泗水潛夫之號大約草窗所輯癸酉是度宗咸淳九年時代
恰合子晉跋云攷今本止三十首餘二十首從未之見但迎
燕子尾纖纖落葉濛濛立夏天紫禁仙輿詰旦來向刻唐人
又蘭徑香銷玉輦跡缺月流光入綺疏輦路青苔雨後深向
刻元人今姑仍原本未便刪去是搜輯與補綴皆潛夫爲之
也大抵宮闈筆墨不甚流傳於外好事者輯錄之輾轉傳鈔
多寡不同故有五十首三十首之異又以爲有他人之作屢
入者自所傳王建花蕊夫人等宮詞均然不獨此冊或疑字
跡與草窗不類蓋同時另錄之非潛夫親筆然紙墨決不在
宋元以後況少室山人所珍胡應麟別號子晉蕘圃並跋之因取

汲古本攷其同異補其譌錯而互證之亦藝林之積寶也

劉後村千家詩選跋

分門類纂唐宋時賢千家詩選宋刻本半葉十一行行二十一字積餘得之日本檢曹棟亭刻本校之行數字數均合尙存卷一二三四八九十一十二三十四五十八十九二十爲前集又卷三投獻門四慶壽門八餽送門九謝惠門十謝饋送爲後集前集欠五六七十六十七五卷後集欠一二五六七五卷十卷以後不知有無缺逸曹刻共二十二卷二十卷爲前集與此合後集止存二卷均人品門爲此本所無但不知當在何卷耳又前集後留一葉均係訪僧道詩今亦無此門後村大全集所載唐賢詩選唐賢詩續選宋賢詩

選近賢詩後選均與此不合不必強爲附會前集皆物類後集皆人事類曹刻不知是刻是鈔大約亦不全爲書估強合挖去前後集字以充全帙亦其長技曹本卷十一潘紫岩松詩末句此物當爲伯仲行曹本此物下缺五字趙循道苔錢詩不比榆花鋪砌白曹本不比下缺五字卷十四劉後村登山詩捫蘿莫怪徐徐下曹本徐徐上缺四字卷十八劉後村聞笛詩何必謝公雙淚落曹本脫淚落二字武元衡角詩胡兒吹角漢城頭曹本脫胡字均遜於此本又此書止有曹刻各書目均未見阮文達外集亦未能悉其始末賴此本尙存天壤俾見是書眞面目雖零珠碎璧亦可寶也

草堂雅集跋

草堂雅集十三卷元顧瑛編按瑛一名阿瑛又名德輝字仲瑛崑山人少輕財結客三十始折節讀書與天下勝流相唱和舉茂才署會稽教諭辟行省屬官皆不就年四十卽以家產盡付其子元臣卜築玉山草堂池館聲伎圖畫器玩甲於江左風流文采傾動一時同時名流無不延致草堂者後元臣仕爲水軍副都萬戶元亡隨例徙臨濠瑛亦偕往洪武二年卒嘗自題其畫象曰儒衣僧帽道人鞵天下青山骨可埋若說舊時豪俠興五陵裘馬洛陽街紀其實也明史文苑傳附載陶宗儀傳末瑛嘗仿段成式漢上題襟例編唱和之作爲此集又仿元好問中州集例各爲小傳亦有字號里居不及文章行誼者其與瑛贈答者卽附錄已作於後其與他人

贈答而其人非與瑛游者所作可取亦附錄焉而低書四格以別之隨得隨添無定次亦無定目而元季詩家此數十人括其大凡數十人之詩此十餘卷具其梗概顧嗣立元詩選元末諸人大半取材於是亦足見采輯之富矣此集十三卷然一卷有后集二二卷有后集一九卷有后集一實則十七卷此書自來只有鈔本流傳能得始柯九思終釋自恢之本已屬難得四庫所收尙首陳基世圃所謂俗本也歸安姚彥侍方伯在蕩口收得明玉蘭堂所藏元刻本每卷目錄三橋國博手書而六世孫文肅公跋之推爲海內第一跋云錢牧齋王淑士均从此影寫是昔之絳雲錢氏汲古毛氏今之歸安陸氏昭文瞿氏所收皆鈔本與韻宋之四十三卷黃文

獻公集同爲元刊之孤本方伯擬刻之囑友人影寫一葉未
愜意而止今姚氏書盡出而此集歸寶華尙書慨然借出影
寫副本每半葉十行每行二十二字中亦有影寫之葉第九
卷影寫最多有葉不損而字獨損者有字不損而描寫失真
者取昔藏鮑綠飲校本核之鮑本亦始陳基然元本所缺之
字尙存一二則以影寫在前而顛倒錯謫極多則以傳鈔在
後又改易行款故也如第十三卷釋祖柏秋夜長一篇誤作
兩首賴此本正之後繙顧俠君元詩選亦誤一首爲兩首則
誤在 國初鈔本愈見此本之足貴矣今以元本鈔本列爲
一表並脫去東宗康一人其優劣不言可見附錄金文盧三
跋嘉慶閒歸張月霄咸豐閒歸胡心耘後歸蕩口蔡氏是書

源流略可述云

東屏朱■■■■近得玉山草堂詩集若干卷脫落散失命余緝治余因觀之清絕可喜故不辭而樂爲之整循其次序裝潢成書以記歲月時正統乙丑仲春下澣玉峰七十五歲老翁金子眞識

玉山草堂雅集十三卷爲家藏善本卷首標目出先國博府君亦楷書之最精者友人錢受之王淑士各借鈔一部人閒流傳未廣猶可稱竺鳴帳中珍也時天啟元年新正三日淑士持還因記此語于清瑤嶼中 震孟

此詔文張金吾家藏本也愛日精廬藏書志云草堂雅集十三卷元刊本文氏竹鳴藏書始柯九思終釋自恢凡七

十四人卷首標日文國博手書精楷絕倫顧俠君敘柯敬
仲詩云向來藏書家奉草堂雅集爲祕寶而首冊久闕朱
竹垞從琴川毛氏得鈔本一冊始據以入選云云此本元
刊而首冊完善是真絕無僅有矣後金氏文氏二跋俱與
藏書志合按汲古閣書目僅有鈔本則刻本之希可知胡
雨棠明經好購異書一生所積汗牛充棟其子珽從余游
頗能繼先人之業今從吳中舊家得此刻本將欲裝潢什
藏丐題於余爰述其大略如此時

大清咸豐元年秋八月七十老翁盧希晉書

元本第一卷

鈔本第一卷

柯九思

陳基

后一

陳旅 李孝光

后一

張翥

第二卷

楊維禎

后二

黃潛

第三卷

張天英

后一

陳旅 李孝光

第二卷

黃潛

后二

柯九思

第三卷

張天英 鄭天祐 吳克

恭 陳方

后三

楊維楨

第四卷

鄭元祐 吳克恭 陳方

第四卷

張翥

第五卷

張雨

第五卷

張雨

第六卷

陸德原 張舜咨 熊夢

第六卷

陸德原 張舜咨 熊夢

祥 倪瓚 潘純

祥 倪瓚 潘純

第七卷

鄭東 李元珪 張渥

第七卷

鄭東 李元珪 張渥

李瓚

第八卷

唐棣 丁復 項炯 高

明 趙煥 宋沂

第九卷

郭翼 呂誠

后九

姚文奐 郟韶 陸友

王蒙 昂吉 王禕 鄭

守仁 衛仁近

第十卷

李瓚

第八卷

唐棣 丁復 項炯 高

明 趙煥 宋沂

第九卷

郭翼 呂誠

后九

姚文奐 郟韶 陸友

王蒙 昂吉 王禕 鄭

守仁 衛仁近

第十卷

于立

于立

第十一卷

第十一卷

陳基

彭架 涂穎 馬麀 盧

昭 瞿榮智 張遜 李

簡 袁泰 唐元 文質

張簡 顧盟 黃文德

周砥

第十二卷

第十二卷

胡助 卞思義 屠性

胡助 卞思義 屠性

陳秀民 王鑑 王冕

陳秀民 王鑑 王冕

余日強 李廷臣 宋本

余日強 李廷臣 宋本

先 陸仁 袁華 秦約 先 陸仁 袁華 秦約

后十二

彭架 涂穎 馬麀 盧

昭 瞿榮智 張遜 李

簡 袁泰 唐元 文質

張簡 顧盟 黃文德

周砥 束宗康

第十三卷

釋餘澤 那希顏 釋寶

月 釋祖柏 釋良琦

釋文信 釋子賢 釋來

第十一卷

餘澤 那希顏 寶月

祖柏 良琦 文信 子

賢 來復 自恢

復釋自恢

凡七十五人

凡七十四人
二千九百五十四首

藝風堂文續集卷七

藝風堂文續集卷八

江陰繆荃孫

柳公樂章校勘記跋

宋人詞集校訂至難而柳詞爲最如傾杯樂七首樓鎖輕煙一首九十四字分段離讌殷勤一首九十五字木落霜洲一首一百四字均不分段禁漏花深一首一百六字分段凍水消痕一首一百七字分段水鄉天氣一首金風淡蕩一首一百八字皓月初圓一首一百十六字均不分段或作古傾杯或作傾杯宜興萬紅友云柳集禁漏一首屬仙呂宮皓月金風二首屬大石調木落一首屬雙調樓鎖凍水離讌三首屬林鍾商水鄉一首屬黃鍾調或因調異而曲異也然又有同調而長短大殊者只可闕疑又云樂章集譌舛最多實難勘

定甯甘闕疑之嘲不能爲柳氏功臣亦不敢爲柳氏罪人也
海甯吳子律云樂章集信不易訂如浪淘沙慢一百三十三
字女冠子一百十一字引駕行一百二十五字望遠行一百
四字秋夜月八十二字洞仙歌一百十九字又一百二十三
字又一百二十六字長壽樂八十三字破陣樂一百三十三
字世乏周郎無從顧誤不能不爲屯田惜已汲古書目有宋
板柳公樂章五本注今世行本俱不全此宋板特全故可寶
然六十家詞刻只一卷麤率異常汲古之書往往所藏與所
刻不符殊不可解今仲飴同年重刻此集因取花草粹編嘯
餘圖譜紅友詞律天籟閣詞譜秀水杜小舫詞律校勘記校
之聲律非所知脫行奪句譌字顛倒字悉爲舉出共得百許

事並逸詞十二首尙不敢自居爲柳氏功臣也杜所據宋本不知卽汲古所藏否吳興陸氏又有汲古影寫宋本樂章集一卷朱竹垞詞綜注云九卷將來如遇各本當再校之必有所得出此刻之外者或於柳氏不無小補云江陰繆荃孫識

曹元寵詞跋

代

曹君直同年見眎宋曹元寵詞一卷共三十五首蓋從各書輯出者按組字彥章後字元寵穎昌人宣和三年進士召試中書換武階兼閤門宣贊舍人仍給事殿中官止副使有箕穎集揮麈後錄曹與李質睿思殿應制作艮嶽百詠均存十八首漁隱叢話後集曹元寵本善作詞特以紅窗迴戲詞盛行於世遂掩其名如望月婆羅門詞亦豈不佳云云曹勛卽

元寵之子夷堅志勛使金好事者戲作小詞曰單于若問君
家世說與教知便是紅窗迴底兒可見此曲之擅名矣今婆
羅門引尙見於陽春白雪而紅窗迴一詞未得殊爲可惜光
緒壬寅九月貴池劉世珩跋

明秀集跋

代

金蔡丞相杭人生於汴以樂府擅長與吳彥高齊名號吳蔡
體家有奇石名曰明秀峰公與友人觴詠處鎮陽別業有蕭
閑堂自號蕭閑老人故集以爲名又號玩世酒狂原集六卷
雷溪子魏道明原道爲之注今存首三卷影鈔金本吾友王
給諫佑遐假自聊城楊氏刊入四印齋叢書因重刊之歸入
金源著述中後三卷闕不知海內尙有完本否孫跋以詞綜

錄尉遲杯一闕在第五卷詞律錄月華清一闕在第四卷丁氏書目遂疑朱萬得見全詞考中州樂府收十三首前三卷僅有三首尉遲杯月華清均在樂府中非朱萬得見全詞也原道之注遺山詆其不通溥南訂誤至八段然搜采宏富同時諸賢藉以傳播其功實屬不小未得以同時人詆謫貶其書也今鈔樂府十首並逸句爲補遺附後惟輾轉傳鈔譌脫不免如人照海棠紅雪人誤入此正文之譌也永錫難老作錫爾難老雍陶詩倒作陶雍傳鐙錄落傳字諸稽郢作諸侯此注之譌也至邊作邊龍作竜關作開伯作柏宋元刻如此省筆甚多然亦不得不更正以歸一律光緒甲辰海豐吳重熹跋

遺山新樂府跋

元遺山詩文爲金源一大家而詞未編入集有舊樂府新樂府兩種舊樂府早佚新樂府五卷輾轉傳鈔至嘉慶閒阮文達公錄以進呈見摯經室外集道光庚戌平定張石洲陽泉山莊咸豐乙卯華亭張梅生鋤月山房兩刻之譌缺頗多梅生成訂誤一卷補遺五首附後以爲彼善於此矣近讀張嘯山書後方知嘯山別爲校勘附入訂誤而遭亂遺失又見華若汀臧舊鈔有補遺二十二首方知梅生刻本亦未盡善也盧抱經以五卷本爲錢唐凌雲翰編集則誤彥翀所編荃孫有明鈔本只一卷合新舊兩樂府選成故有出此五卷之外者歷代詩餘詞綜所見亦此本一卷二卷之不同或有分并

耳陽泉山莊本書甫成而石洲歿後板歸琉璃廠韓估爲補
缺板印行海內始見遺山全書今仲懌侍郎彙刻金源五家
福山王文敏作緣從韓估購歸而樂府原刻只留一卷二卷
以下皆補刻謬舛最甚又缺卷五石洲序並不云有缺恐是
韓估漏補惟樂府前四卷一詞若干首萃於一處四卷不重
復五卷詞則叢雜不特與前四卷重卽本卷亦互見似此一
卷又疑原本所無爲後人重輯者第刻遺山全集無論何人
所逸總宜補全爲是因爲寫第五卷及前四卷校誤以覆侍
郎或寄都門補足俾是書無遺憾也

天籟詞跋

白仁父天籟詞六安楊希洛刻於康熙庚寅朱竹垞定爲二

卷并爲之序前載元王博文序明孫作序字畫精妙藏書家亦罕見光緒壬辰吾友王君佑遐重刻於四印齋而小象撫遺均刪去今仲館侍郎借錢塘丁氏舊鈔本錄副並屬荃孫與楊本合校付梓而丁本頗異楊本朱序云希洛得之仁父裔孫析爲二卷似已前無刻本而丁本亦分二卷長號聯屬王序在前孫序在後標明後序一也摸魚子五首楊本在上卷鈔本在下卷二也有楊本脫鈔本有者如奪錦標得友人李友蔚書水龍吟兼簡盧師道水調歌頭十月海棠均存小注奪錦標之慘哀音令人嗟惜慘字未脫滿江紅同鄭都事復用前韻同字未脫沁園春世事就裏就裏二字未脫燭影搖紅贈環留能結運合同知誰表十字未脫疑有三也有楊本誤

而鈔本不誤者水龍吟曹光輔和作從今都付黃梁楊作糧
念奴嬌月殿月娥楊作蛾滿庭芳序用寒刪先韻用下不增
無字四也有兩本不同而兩通者如秋色橫空楊本題詠梅
順天張侯毛氏以丈母命題索賦鈔本題順天張侯毛氏以
早梅命題索賦時王子冬石州慢療飢賴有楚萍不作商芝
今用楊本付刊而以鈔本改正之字均綴於此慎弗再以楊
本正之至四印齋本則重翻楊本又不完全更無論矣光緒
乙巳江陰繆荃孫跋

董西廂跋

代

古本西廂記是搗彈家本色輟耕錄謂爲金章宗朝董解元
所撰而解元史失其名毛西河云官至學士亦不言出自何

書爲關漢卿王實甫之所自出然關王雖竭力摹擬不如董之自然一天籟一人工也自撈彈變爲北曲北曲易而爲南曲現南曲又闕寂無聞矣今日而見此書幾如談器而搜上古之鼎彝藏書而得三唐之卷子景星慶雲人閒罕見此明閱齊伋朱墨本分爲四卷已與施北研所見海陽黃嘉惠刻二卷本不同然無齟名關目行間全載宮調引子尾聲則同金人瑞痛詆續西廂不知原出於此是人瑞未見此本也再以顧元緯所刻會真記鶯鶯兩象一出於宋陳居中一出於明唐子畏普救寺圖西廂記詩詞均附刊焉

董王西廂記跋

代

唐元微之有會真記文人韻事傳播藝林金章宗時董解元

演之爲西廂記傳是樓書目載之無齣句關目行間全載宮
調引子尾聲尙是搗彈家本色元人音韻漸變多改古本別
搗新詞王實甫有四本每本四折仍是元曲本色關漢卿續
一本亦四折所謂西廂五劇也余得閱本董解元西廂分四
卷卽爲刻之覓實甫本未得也丁未客京師於友人假得會
真六幻曰幻因元才子會真記搗幻董解元西廂記劇幻王
實甫西廂記廣幻關漢卿續西廂記附園基闌局箋疑更幻
李日華南西廂記幻住陸天池南西廂記附園林午夢儼刻
之而未果已而穉弟世瑗得閱本王實甫四本目云張君瑞
鬧道場崔鶯鶯夜聽琴張君瑞害相思草橋店夢鶯鶯關漢
卿一本目云張君瑞慶團圓均與點鬼簿合元曲之本色也

日新堂本目錄第一本焚香拜月第二本冰絃寫恨第三本
詩句傳情第四本雲雨幽會第五本天賜團圓六幻目云弟
一本佛殿奇逢僧寮假館花陰唱和清醮自成弟二本白馬
解圍東閣邀賓杯酒違盟琴心挑引弟三本錦字傳情妝臺
窺簞乘夜踰牆倩紅問病弟四本月夜佳期堂前巧辯長亭
送別草橋驚夢關漢卿目云弟五本泥金捷報尺素緘愁詭
謀求配錦衣還鄉并元無名字圍碁鬪局亦附焉每本後皆
有解證并知會真六幻內刻五劇箋疑卽指此五劇施北研
跋董西廂有云不知寶甫五本卽董曲否是北研未見此書
有此模黏語也余先刻董曲再刻此五本并刻解證及五劇
箋疑以成全璧而陸天池李日華之兩南曲殊覺不類置之

可矣六幻所刻王實甫本白馬解圍內已加入周憲王之賞
花時兩折此本削去可謂矜慎至憲王羣英雜劇黃序所謂
四西廂兩本俱未得見也

順治壬辰乙未戊戌三科齒錄跋

順治壬辰科會試四百七名進士乙未會試三百八十五名
進士戊戌會試四百一名進士額比近來多矣壬辰總裁希
福額色黑陳泰劉清泰胡統虞成克鞏六人乙未總裁額色
黑金之俊胡兆龍恩國泰四人戊戌止傳以漸李蔚二人同
考廿員壬辰乙未均分易六房書六房詩四房每房一員春
秋禮記各一房每房二員戊戌不分經止列廿員官銜而已
壬辰乙未按房分列取中門生戊戌則照榜上名次彙列於

前漢軍直隸江南山東山西河南陝西甘肅四川湖廣浙江
江西福建廣東并分府分縣不依名次與今不同壬辰乙未
無滿洲人者二科另列一榜另有殿元也著名之人二王范
湯外壬辰則有句容笄重光青浦沈荃宜興周季琬登封耿
介大冶余國柱嘉善曹爾堪張我樸海鹽查培繼臨川李來
秦侯官蕭震乙未則有長洲汪琬宋德宜太倉王揆無錫秦
松齡宜興萬錦雲山陽邱象升歷城孫光祀安邱曹申吉潁
州劉體仁黃岡劉澤弘仁和丁澎戊戌則有吳縣錢中諧常
熟孫承恩武進鄒祇謨孝感熊賜履臨海馮甦遂安毛際可
廬陵張貞生合肥李天馥澤州陳廷敬建安鄭重名臣循吏
儒林文苑無不出於其中開國之初人物應運而生固非後

來所及而四川雲貴並無一人入彀桂王尙在天南未平應

試士子瑣尾流離尙未能以文藝自獻也其他大臣子弟王

辰則有○遠祖述堯大壽之子乙未南安洪士銘承疇之子○遠祖之

麟大弼之孫祖澤潛大弼之子遼陽○心祖完我之孫涿州馮源濟馮銓之子

遠公於名字上書云胎仙為銓之子是時方十九歲銓館選

時亦方十七入故天啟宮詞稱銓為小翰林其父子科名皆

早才為之耶抑進諸人做邑乙未有戚藩惠疇二人戚字价

人有文名惠字亮采官太平府教授無事蹟可記光緒丙午

江陰繆荃孫跋時 詔停科舉之第二年也

上館課本書題識

國朝翰林故事進士釋褐改庶吉士者納之庶常館 欽派

大教習二人月課之大教習擇日在翰林院到任大教習在

川堂設公澗清祕堂翰林率新庶常行謁見禮大教習出位
東西立新庶常向上人三揖行禮畢人進一書呈課大教習
以朱筆標一日子標畢卽行名曰上學庶吉士送大教習升
輿而散余丙子點庶常時大教習爲顏札秋坪師景廉殷譜
經師兆鏞此書標六月十二日五字秋坪師手迹也進書例
以尙書大學同年黃再同以文選大學衍義呈大教習異之
荃孫後得張皋文手批之漢書上有朱筆標五月十八日則
嘉慶己未先生到庶常館時大教習那繹堂所標也先生自
跋云可見前輩並不定以尙書大學矣

涼王大沮渠安周功德碑頌跋

此碑在德國博物院北魏永平三年西域士民爲涼王大沮

渠安周造寺頌功德而立按安周見魏書北涼傳安周牧健
弟樂都太守牧健降南奔吐谷渾沮渠無諱謀渡流沙遣安
周西擊鄯善魏使者勸令拒守安周不能克退保東城三年
卒降之無諱留安周駐鄯善自駐高昌無諱卒安周代立後
爲蠕蠕國所并通鑑記於宋大明四年距魏滅北涼在太延
三年已二十二年矣高昌今爲喀喇和卓鄯善今爲噶順沙
磧去甘肅不遠碑當出於此不知何時流入德國後有典作
御史索（音）姓氏譜索氏望出武成燉煌殷民七族索氏之後
漢最盛東漢有索班晉有靖繚北涼錄有索敞字巨振敦煌
人蒙遜時爲劉昞助教昞亦前涼錄著名文士或謂（音）卽敞
之族人歟題名有法鑑者據北涼錄有法進爲蒙遜所重似

亦法鑑之族隋志霸史涼書十有注沮渠國史惜今已佚今

得此石可爲沮渠國增一掌故矣碑後紀年月僅存三年末筆

歲次大梁月 無射量功興造龍集星紀朱明戊辰都竟按

星紀十二次爲大梁北魏年號承平無三年永平有三年值

析木不值大梁且距涼亡七十年之久遺民縱思其功德而

文中不及其覆亡之慘亦無是理近吐魯番出土有佛說菩

薩藏經殘卷尾署大涼王沮渠安周所供養承平十五年歲

在丁酉有此作證則承平三年歲在乙酉與碑恰合

陳雪峰井天第一卷跋

江甯陳雪峰先生搨省城井闌九加以茅山梁井溧陽唐井

作長卷自署曰井天翁鈕非石分書井天二字爲引首顧干

里爲之跋雪峰於道光戊戌又自跋之題爲井天第一卷欲以所得吳門諸井爲第二卷何子貞有井天記諸城李方赤上元朱述之張蓉園寶應朱士端均有題大盜據國金陵瓦解九井半已不存而至德井保大井此卷亦未載入荃孫江鄉後學忝附同志故爲考其存逸而深冀逸者之復出云雪峰名宗彝字仲虎別號小倉山農

第一梁天監闢昔在句容學宮今歸督署各書均著錄

第二唐元和闢在溧陽沙門澄觀造今存其文曰行一維唐元

和六年歲次辛行三卯五月甲午行四朔十五日戊申行五沙門

澄觀行六爲零陵寺行七造常住石行八井欄并石行九益永充供養

十大匠儲卿行十一郭通行十二偈讚曰行十三此是南山石行十四

將來造井欄

行十五

留傳千萬代

行十六

各結佛家緣

行十七

盡意

修功德

行十八

應無朽壞年

行十九

同霑勝福者

行二十

超於彌勒

前此闕見寶鐵齋金石跋韓退之送澄觀詩我欲收斂加冠
巾卽此僧澄觀書棲霞寺律大師碑見寶刻類編今不可見
則固名著金石者

第三楊吳泰和闌今存按唐文宗是大和非太和更無誤作
泰和之理闌在金陵其以楊吳年號爲足據湯引潘宗伯韓
仲元造題橋格題字稱爲泰和意極佳特諸家均釋爲泰始
因明帝太和年魏人不得至襄城無由題名也

第四楊吳義井二大字旁題下元壬午年十一月在江甯城
內北門橋道旁今未見

第五玉兔闌題字傳爲秦會之篆書今存

第六宋普生井停熙丙午邵永堅建在藩署瞻園見江甯石刻記今未見

第七宋義井銘嘉泰三年五月在小倉山下

湯詩云螺絲灣

見江甯

石刻記今存

第八宋荀氏義井闌寶慶歲丁亥庚申日亦在小倉山下與嘉泰井並峙今未見

第九宋咸停闌正書比巳福基立在華嚴樓今未見

第十宋來鳳泉篆書昔在胭脂巷今在鐵如意齋

第十一元雷山義泉至正丙戌篆書見江甯石刻記今存

落花嘖雪飛古塵井眉綠暈金陵春玉虎暗風鹿盧冷石

紋紅斷盤螭影井天居士倉山農煙箋醉拓黃巖松綾暉
香滃煤霞氣山巘碎蝕青黃字丸丸古水菱葉光露囊秋
熨雙瞳涼四山黑雲飛霹靂手織龍梭大盈尺涼蟾夜檢
銀牀籍井底翁翁一天碧

雪峯先生出井天第一卷屬題時辛丑夏五月十一日楊
得春存吾甫草

句容井創天監時商旅渴乏帝愍之茅山道士奉詔爲井
十有五獨此遺溧陽舊亦繫建康爲井傳自元和唐沙門
作讚供法王九十一字廿一行儲卿郭通姓名彰泰和井
題蔣詮捨三山門前古蘭若唐歟晉歟識者寡北門義井
字深刻紀年下元時代匿紛紛篡竊悲南宋玉兔泉玉

筋工字形半泐縣學宮○熙辛卯邵永堅建普生泉今瞻
園螺絲灣頭兩義泉嘉泰寶慶同清漣諸軍都壕嘉泰官
三年五月營造完銘辭娓娓雅可觀寶慶丁亥夏庚申曰
荀氏捨義鄉泉一十五字半不全華嚴樓畔○井比丘
福基題字整胭脂巷近鳳皇臺來鳳泉疑李監題雷山最
遲至正鑿德恩寺中秉義作此十一井同鄉土誰訪得之
陳仲虎井丹一刺不投人滿足胡爲轆轤苦有井水處君
公知世上無人耽汲古古井千秋上下天天雖一規輸快
觀此卷當騰五雲色江鄉豈但圖經補君不見崑崙九井
神仙都玉欄金榦濺明珠更挽天河洗眸子看取仙人上
古書 建康古井歌題奉

井天居士正之道光十九年正月二十四日琴隱園雨窗
貽汾

黔江帖殘本跋

貴池劉蕙石觀察示我舊帖四卷至十卷紙墨古雅望而知
爲宋搨前有元俞紫芝願阿瑛兩跋指爲黔江帖按法帖譜
系云宋秦子明摹僧寶月古法帖十卷壁之黔江軍紹聖院
其卷帙之多算次第之先後字行之長短悉同淳化閣帖蓋
出於長沙本乃淳化之耳孫也譜系又云第一卷有篆書三
行其後有楷書一行云降授供備庫副使充東南第八副將
訓練潭州諸軍潭州駐劄秦世章家本其後又二行云長沙
湯正臣重摹男仙芝靈芝鐫第二卷至八卷尾各題長沙湯

文正臣重摹七字卻無淳化篆書及世章銜位又第八卷取卿女壻帖內第二行休字立人作兩點第九卷尾題長沙湯正臣摹勒七字第十卷題長沙湯正臣重摹男仙芝爲一行靈芝鐫爲一行此本各卷後無長沙湯正臣摹勒一行諦視每卷篆書之後卽易他紙似前人裁去以充淳化祖搨者然七八兩卷譜系云無篆書而此獨有天衣無縫決非從各處割截來者疑不可解止取卿女壻帖內第二行休字立人正作兩點可爲黔江帖之實證山谷題跋秦氏法帖云子明名世章今爲左藏庫副使東南第八將紹聖院者子明以軍功得請於朝爲陣亡戰士追福作佛祠也俞跋作紹聖書院誤兩跋均疑僞作質之蔥石以爲何如

唐張旭書肚痛帖梁僧彥修書寄邊衣詩跋

右唐張旭書肚痛帖一石梁僧彥修書寄邊衣詩一石宋嘉祐戊戌李丕緒刻在西安府學碑林肚痛帖凡六行石墨鐫華云此帖殊勝斷碑千文十倍當與藏真聖母三帖同觀雍州金石記云此帖刻於僧彥修草書之下方想亦於宋時摹刻上石者寄邊衣詩關中金石記云裴說撰說唐末進士終禮部員外郎此詩亦云說作一云裴羽仙作羽仙說妻也彥修以草書名書史會要補遺梁僧彥修善草書風神秀逸得張長史法顧氏金石文字記孫氏訪碑錄陸氏金石續編均著錄

宋人蜀川圖跋

按宋人蜀川圖自岷山導江起至夷陵止昔人推爲李龍眠與瀟湘圖九歌圖顧愷之女史箴圖皆前明顧中舍所藏四名卷後女史箴歸樵李項家九歌歸董文敏家瀟湘圖歸陳子有參政家蜀江圖歸信陽王思延將軍家王百穀陳子有各一跋董香光兩跋後與瀟湘圖同歸高江村江村兩跋題長古兩截句乾隆時四卷均歸

內府

純廟題五段引首亦題兩詩至以四美具印章押之欣賞可謂至矣卷中寫蜀川自發源至出峽所經各地於縣則青城導江郫縣溫江江源廣都雙流新津彭山南賓武_甯南浦雲安奉節巫山於州則茂州威州眉州邛州於軍則永康城灘

古蹟兩岸備詳某處至某處若干里某灘至某灘若干灘以
蠅頭小書誌之字亦極佳昔人推爲米筆今據圖中所標地
名有崇慶府界一統志宋蜀州紹興十年升崇慶軍節度使
因高宗先封蜀公潛邸例升也孝宗淳熙四年始升府眉州
下江鄉館一統志在州東玻璃江濱宋邑宰胡文靖建嘉定
閒魏了翁更今名景蘇樓一統志在州治西宋陳旼爲蘇氏
父子建旼字日華慶元閒郡守夔州下勝己山一統志白帝
城東十五里有勝己山以高出眾山之上王十朋命名而忠
州未改咸淳府則猶在南宋之中葉又眉州徑接忠州中閒
似脫三幅而未到歸州而止恐尙有未幅及宋元題跋大半
爲飛鳧人所割截片裝一卷矣舊印三俱宋時所押內飛捷

第二指揮第三都記朱文考中興通鑑建炎元年因李綱議募兵仍勅禁軍饒勝飛捷忠勇義成龍武虎威折衝果毅定難靖邊凡十號每號四軍此云第二指揮其四軍之二歟宋志自神衛而下左右四廂都指揮使都虞候廂各有都每都有都頭此第二指揮之第三都頭也可見宋時業已寶貴不必證爲龍眠之畫南宮之字然後足重也至引首蜀川勝概四字以爲蔡君謨不知君謨卒於治平三年與米李亦不相及

方士庶摹元繆叔民山水跋

按繆佚字叔民常熟人父貞字仲素好古博雅家有述古堂貯法書名畫子侃字叔正浙省辟署行省郎中老父居虞山

溫清久缺繪故山雲樹並所居猗猗室爲圖題曰望虛以寄
志佚卽仲素次子叔正之弟工詩善畫世其家學嘗寫林塘
圖楊鐵崖倪雲林並爲題詠見列朝詩甲集小傳及常熟志
叔民畫不著何年其前題四月後題後十一月而張仲簡題
在至正九年予按至正六年丙戌閏十一月此畫蓋作於至
正六年也原畫明初在沈均孟淵所石田之祖嘉定馬抑之
借此卷於沈同齋而臨之同齋卽石田之父臨此卷時石田
年已四十同齋年六十九原卷及馬抑之卷今均不知歸何
所方士庶畫徵續錄字循遠號小師道人新安籍家於維揚
能詩工畫山水受學於黃尊古用筆靈敏氣韻駘宕早有出
藍之目見環山集

徐壇長京江負笈圖跋

宿遷徐壇長先生原名杏後改用錫負書名著圭美堂集二十六卷幼年讀書京口先於鶴林寺之蘇公竹院乙丑從高齋先生游寓北固山樓八閱月而歸按高齋老人姓高名東生字麓隱良常人時藝爲金壇十子之首高齋其別字有文稿行世壇長生於順治十三年丙申至康熙乙丑年三十歲越五年己巳而倩昭陽顧瑟如作此圖於淮陰時先生三十四歲何義門題於甲戌又越五年詩在義門集中先生康熙丁丑趙熊詔榜成進士選庶常時已四十二矣義門集並載與壇長兩書云文字之飲極爲勝事惜後聞以俗語耳考卷略標其可觀者讀則不必 本朝止有慕廬先生一人真

知慶^麻法脈做到五分以上工夫餘子卽有高下亦以其法
爲法者也高齋老人不取慕廬先生反以其面目近長明青
岳忽視之不細尋味故耳凡論文偏主一路卽有屈抑老人
亦微有西江橫據胸臆論文尤許鄧文潔蓋文潔乃西江前
輩千子推服略無閒言者也老人所批禮樂不興三篇乃至
佳餘則頗不能悉其去留之由非理學非場屋弟常恨千子
論文與王李之談詩文等門闊甚大枝脈極亂五十年來雖
賢者未免受其蔽障但熟復傳注究古人用意用筆之妙卽
知其非矣久不發狂論恃先生之知愛輒敢一吐勿使他賢
見之鉗我於市也文九冊並高齋老人文一冊送還負笈圖
僅題兩韻以奉尊教亦附去扇容續上不備又云拙句獎與

過當塵務碌碌愧未能爲長篇以發揮景物也行期大抵定於初六不敢復當遠送扇坵去書法甚草草爲愧石刻三種敝郡所有希檢入壇長集稱之爲高麓隱亦只一見劉大山戴憂庵詩均至難得者

黃涪翁勵志詩跋

黃涪翁勵志詩後題元符三年七月涪翁自戎州泝流上青衣廿七日宿廖致平牛口莊養正置酒弄芳閣荷衣未盡蓮實可登投壺弈棋燒燭夜歸按黃文節年譜於紹聖元年謫涪州別駕黔州安置二年赴貶所元符元年遷戎州三年徽宗登極大赦復宣義郎監鄂州在城鹽稅七月汎舟往青神省張氏姑張介卿社之母介卿時爲眉山青神尉二十一日

解維八月十一抵青神此云廿四日宿牛口上水行遲猶未
出戎州境廖致平名養正涪翁詩有廖致平送緣荔支戎州
弟一卽其人也再上卽玉津縣過嘉州方至青神十一月始
由青神回戎州均與年譜合汪柯玉摹世事悠悠至更復何
憂一段嵌之蓮登閣蓮登二字卽取蓮實可登意也

投贈周櫟園文冊跋

周櫟園先生官揚州及官閩中均有惠政內升副都御史駸
駸嚮用矣而督閩者訐之奪職下獄解閩對簿獄未解海寇
圍省城出先生於獄駐守最衝要之射烏樓圍解仍就獄又
調赴刑曹覆勘議死罪議立決

章皇帝未許卒出之還居揚持親喪揚人閩人作詩文投贈

者廿五家以公子在延詩殿之裝爲兩冊詩文具備眞大觀也首張遺初名鹿徵號璞生江甯人明諸生蔭錦衣千戶國亡變姓名入深山閉戶著書自號白雲山人見留溪外傳鄧漢儀字孝威泰州人有過嶺集見感舊集徐延壽與公之子號存永家鼇峰紅雨樓書籍遭亂並田園失之見漁洋詩話王澐原名溥字大來一字勝時世居聽鶴軒爲陳子龍弟子師生患難時卓然有東漢節義風見陳忠裕集胡介字彥遠浙江錢塘人見遺民集汪楫字舟次號悔齋休甯人舉博學鴻詞有悔齋集李澄中字渭清號漁村諸城人舉博學鴻詞有漁村集均見鶴徵錄許琬字天玉明崇禎己卯舉人王漁洋稱爲閩海奇人有梁園集見福建通志冒襄字辟疆號巢

民如舉人王午副榜授司李明季四公子家有水繪園最稱
豪侈後淪落以死見雉皋詩徵杜濬字于皇號茶村湖廣黃
岡人有變雅堂集見湖北通志黃澂之字靜宜福建人史忠
正公幕府上士見感舊集陳維崧字其年宜興人舉博學鴻
詞有湖海樓集見鶴徵錄陸繁昭字巨石錢塘人布衣見兩
浙輶軒錄林賜環字鐵崖福建晉江人順治己丑進士自號
徹呆子著有荔支譜見福建通志紀映鍾字伯紫一字槩子
號鱸叟上元人有真冷齋集見遺民集高兆字雲庵號固齋
福建侯官人見西河詩話公長子在延號黎莊見徵刻唐宋
祕本書目陳潤字龍章福建人陳焯字滌岑黃志遴黃文煥
皆福建人王有年河南人見本文餘再考

竹汀日記跋

竹汀先生日記近滂喜齋刊兩卷式訓堂刊三卷均摘鑑賞
書籍金石之語海內未見真迹也此戊戌正月至四月先生
是年五十有一爲紹興守秦石公招游南鎮及蘭亭道出杭
州復游西湖歸途應兩江高文端公之聘主鍾山講席共百
十有四日集中得詩十九首文筆亦極雅潔無事則記陰晴
不涉瑣事日記條例略具一斑矣先生年及五十去官歸養
游覽勝區訓迪後進文字之福幸際昌期斗山之名自臻不
朽荃孫去官年亦五十後先生一百二十載主講鍾山而風
塵瀕洞海水橫流講席詞林一概改作無論學不及先生卽
所遇亦豐嗇特甚我生之後逢此百罹諷詠是詩有餘恫焉

黃再同同年手札跋

荃孫丙子通籍同年中。最心折者番禺廖澤羣。會稽陶子縝。義烏朱蓉生。貴筑黃再同。四人澤羣通禮學。子縝通小學。蓉生通經學。而講目錄金石書畫。並零星骨董。惟再同與荃孫有同嗜。厥肆廟攤。遇則相視而笑。有所得互考訂。亦互嘲誚。過從最密。迨至荃孫居憂南旋。再入京師。而再同移居內城。蹤跡遂少疏矣。子縝先歿。再同繼之。蓉生澤羣一時並逝。而荃孫僅存。然年逾六十。齒危髮禿。老態日增。追隨諸君於地下。諒亦爲期不遠。回思丙子迄今已三十年內。而卿相外。而封疆均有其人。我輩書癡。擯不得與子縝著淮南許注異同。詰漢孳室文集。蓉生著無邪堂答問澤羣著禮經分類考。荃

孫亦成碑傳續集常州詞錄藏書記讀書記功業不足與他人並斬以文字傳於後世已爲可悲又惜再同著作無人爲之收拾同於人琴俱亡尤可慨也今子涵二兄出示手札八十通其精神意氣湧現紙上彷彿相遇於海王村肆一握手談也感時傷逝慨歎系之

書全謝山改正成仁祠祀典議

先六世祖蓉浦府君康熙三十四年蒞任定海前後二十二年惠政卓著士民至今歌頌之於四十二年捐建成仁祠於張鯢淵相國雪交亭故址以祀辛卯殉難諸忠而全謝山因其中祀黃斌卿遂云采里巷誣誕之言以錄其人故其事僞其官爵僞其姓名無一不僞居然登之翁洲志中而祠爲謬

祠志爲穢志大決橫水洋之清流未足以洗其玷云考黃斌
卿爲舟山參將因奉闈檄迎魯監國稍遲爲定西侯張名振
所殺本與辛卯殉難無涉而斌卿在鎮頗得軍民心其死也
闔城慟哭罷市距建祠時五十年必有遺民感其恩者而先
六世祖成仁祠記止舉張肯堂吳鍾巒諸人並無斌卿至具
稟上官方以斌卿屢入大約惑於土人之言而遺事中稍言
定西殺之之過及陳方平無所考而已全又云祠中以黃斌
卿爲首居張相國之上而莊綸渭注祠中神位僅書諸先生
三字並無官爵姓名則謝山所見之祠又出後人所續增者
矣先六世祖蒞定海時海中荒邑草創經營文獻無徵明史
未出卽桑海諸君紀載恐亦忌諱而未敢呈諸司牧僅從一

二遺黎之口以定祀典稍有舛錯未嘗不盼後人匡正之而何必輕詆如謝山所云也江甯朱述之大令昌國典詠注云繆志詳繪十七壘各大山環海縣境諸圖皆得諸耳聞目見至軍制形勝田賦水利所載案牘確切詳盡洞悉源委雖於黃斌卿未能直筆海外少書籍於考古閒有疏舛然瑕不掩瑜亦經十數年精力以成之者後之人當補正之而不可輕加刪削也斯真持平之論矣

全記云祠中以黃斌卿爲首居張鯤淵相國之上昌國典詠注亦云志列黃斌卿於辛卯舟山殉難諸臣之首今檢先六世祖所修定海志人物一門首張肯堂次吳鍾巒次張煌言次孫嘉績次李向中次朱永向方次川黃斌卿與

全朱所見不同

陽湖趙氏先世畫象圖贊

并序

世族之家所以繼繼繩繩至數千百年之遙豈非以其根柢之深與庇蔭之遠哉武進趙氏本宋宗室自元逮明儕乎編氓西溪處士鄉居以耕三傳至見瀾先生以振荒而傾其資以運糧而隕其身累仁抱義真所謂積厚流光者與忠毅公開府沅湘入爲司徒赫赫之功冠乎國史哲嗣又以一甲一名進士及第門閥之盛爲常州望自西溪處士至裘萼侍讀七世遺象留傳至今惠甫丈从兵燹中奉持而出軼者倩名手追摹之又屬名人題詠之其述祖德盡孝思亦云至矣荃孫於庚申亂時齒猶穉弱僅奉三代遺象出亡所有書籍

手蹟均付劫灰迄今讀趙氏遺圖不禁怦怦欲動也遂不辭而爲之贊以爲世家之賢子孫有所觀感焉

耕讀傳家耕先於讀約我亞旅率我僮僕歷彼四時播厥百穀祇盡我心敢希歲熟天鑿苦衷錫茲旨蓄遺象肅然風微

①信竺

力田肇緒

服我先疇父耕子耘國課我完農界我分辨茲土宜塗泥墔墳釀茲嘉種水火雍薰天與厥福我稼如雲乃積乃倉先農

策勳

服疇貽穀

陡遇凶年流離載道魚貫來前抱幼扶老欲食具糒欲眠席
橐如坻如京哀鴻一飽飛輓而前疾瘵而槁所徵令名維善

爲寶

莊橋施振

亭亭玉樹生於階庭振衣脫白裙竹殺青登高能賦遇物能
銘充我閑閱留茲典型風竹千畝煙草一汀貽我子孫奕葉

扇馨

藝蘭肯構

亦曾爲令澤及鄂疆亦曾爲郎武部贊襄滄桑一變歸老江
鄉坐擁皋比童冠趨蹌故侯種瓜左徒沈湘秋霜春露感念
先皇

蓬門教授

羣苗如風蝨蝨叢叢出車設旗犁庭挂弓師以威馭頑以誠
通整旅還朝重譯來同入綜度支倚界攸隱遺愛國僑峻

望姚崇

整旅招苗

丹陛唱名雲呈五色東觀紬書西清入直轉粟餉士輪
臺西北名父之子克家衛國陟岵興嗟中道僵踣是曰忠

孝青史作則

玉堂校書

祭張文襄公文

嗚呼我公爲 國心督舊學新猷屬望元輔智能恢乎九垓
學術貫乎千古公如元氣運物無垠審機正軸功無與倫將
推誠而孚信以洽羽而馴鱗何風驚而雷駭倏山頽而木壞
妖星襲夫中台哀聲動夫兩戒安仰安放夫大運俄屆悼斯民
兮斯世誰拯沈而救敗公之鎮外也敷歷夫八省公之秉政
也前後無二年凡時局之孔急均籌畫於事先其才則裕其
志則堅在庸眾所愕貽迺獨任夫仔肩歎倖竇之高張嗟諷
諭之未省機有阻而思通緒將散而欲整任狂吠之狺狺表
孤忠之耿耿 國史大書弟子私記未盡事功之彪炳至若

藝風堂文續集卷八
三
荃孫之於公也歲癸酉始入謁至乙亥而及門捧手以授大
義提耳以領微言迺眷注之獨厚亦屢呼而屢援公入秉鈞
器使萬類謂桃李兮雖多顧菅蒯其無棄薦剡再敝徵車三
至憶疇昔之銜恩凝摠衣而入侍奈衰病之迫身咎高厚之
無地頌遺烈之鏘洋憫邦國之殄賴枕膝未聞臨風涕泗嗚
呼哀哉伏維尙饗

藝風堂文續集卷八

桂林後學況周頤辭字

近代中國史料叢刊第九十五輯
沈雲龍 主編

藝風堂文集

繆荃孫著

文海出版社

有限公司印行

辛壬膏

辛壬膏

藝風堂文漫存目

辛壬稿

卷一 詩

金陵雜感 和夏午詒元韻卽送之官京師並附贈詩

客杭雜詩 經秦亭山至溪飲庵 交蘆庵 秋雪

庵 金陵懷古 苦熱行 入都 題陳檢討洗桐圖

西涯 題梅邨小影二首並附和作 除夕四律

蚊 夏日偕寶瑞丞金拱北游上方山雜詩八首 書

唐志後 題張祖廉娟鏡樓圖 答甘遜詠殘紙 訪

慈仁寺 校蜀石經繫以四絕 讀史六首 題竹垞

圖 壬子重陽寄甘遜 消寒第一集周君夢坡劉君

語石招集徐園觀松雪所製風入松琴 消寒第二集
雪後劉君翰怡招集堅瓠齋用東坡聚星堂韻並禁體
消寒第四集詠臘八粥 消寒第五集題覃溪舊臧
東坡象 除夕消寒第六集和東坡饋歲別歲守歲三
詩原韻

卷二 碑 銘 傳 序 記

內閣學士兼禮部侍郎銜馮公墓志銘 贈尙書光祿
大夫安徽太和縣知縣鄒公神道碑 于香艸墓志銘
故榮祿大夫沈府君墓志銘 陳母周太夫人墓志
銘 章碩卿傳 丁修甫中書傳 重修信義志序
平湖葛氏書目序 愛日吟廬書畫錄序 書畫續錄

序 重刊木厓文集序 意園文略序 靜香書屋詩
鈔序 蔡浣霞證嚮齋詩序 陶廬續憶補詠序 周
夢坡靈峰志序 皖詞紀勝序

卷三 跋

孟子注疏四卷跋 四書纂疏十卷跋 五代史記跋
至元嘉禾志跋 唐貞觀條舉氏族事件卷跋 容
齋隨筆續筆跋 夷堅志再跋 游宦紀聞跋 冷齋
夜話跋 續夷堅志跋 古文集成前集跋 翠微南
征錄跋 徐公文集跋 藏春集跋 虞道園學古錄
跋 道園遺稿跋 石田集跋 剡源文鈔跋 圭齋
集跋 滋溪文稿跋 青陽集跋 姑蘇雜詠跋 元

音跋 有學集跋 陳皇士太僕啟禎兩朝遺詩錄跋
校本六唐人集跋 蘆川詞跋 明本拜月亭記跋
翁覃谿行樂十二圖跋

藝風堂文漫存卷一

江陰繆荃孫

辛壬藁

詩

金陵雜感

城上高樓又夕陽極天秋思正茫茫
穉郎老去金陵怨燕子飛來玉殿荒
幾輩名流稱柱石千秋棋局感滄桑
鍾山終古青青在不管人間霸業亡

和夏午貽元韻卽送之官京師

聖道榛蕪徑迷昉誰歟樹幟標軒爽
海底珊瑚十二重欲采精鏐綵作網
夏君矯矯人中龍久官詞苑圖書掌
投我新詩珠玉光鐘鼓轉令爰居饗
走也生平酷嗜書夢中猶作瑯環

想敢儕劉向充校讎差比陳農勤采訪漢碑

石經

唐卷久流傳

宋槧元鈔供鑒賞廣招潢匠善裝治亦有寫官工造倣自從

島國求遺書拚擲紫標并黃榜爾宋珍籍無一存可惜明珠

棄草莽八千卷樓亦傾側扶持惟有神君仗載歸江左惠士

林功與曾胡相下上好古新貽石室編

羅叔蘊新寄沙州石室遺文

殘年

權作書城長欲從鄭許追聖道說到乾嘉每神往歸去猶虞

玉宇寒景行不啻高山仰羨君先返海王村開卷能令眼界

廣

桂陽夏壽田編修贈詩

江南祕書今任昉劉班虞荀接英爽天下舊聞將散佚一代

龍門獨羅網尙書昔啟石室藏道家蓬萊公所掌文淵武英

古天祿祇與螽魚供一饗太乙青藜不得杖龍威禹書勞夢
想河閒得書過漢室江淮拾遺勤括訪淮南鴻寶號中祕汲
縣竹書求上賞遠湖北宋精雕鐫近者東夷能寫倣連廚大
墮若①山紫檢金泥各標榜從來造字天雨泣豈止五厄愁
羸莽攫取或與蛟龍爭扶持賴可神明仗龍蟠十里氣森肅
竹箭松心皆直上惜無太學三千人孰經暫作諸生長天子
右文臣好學建元之初神一往存古豈知本不亡文武弛張
道俯仰且當雅拜漢公卿未辦短衣隨李廣

客杭雜詩

樹色山光積翠濃出雲樓閣數重重江湖左右相襟帶身在
吳山第一峰

瑯嬛仙館擘經室太傅遺風在眼前昨日定香亭畔過嫩筠
新水有餘妍

青衣洞口石蒙茸拂拭唐題草不縫絕似嘉州方響洞一泓
石髓滴丁冬

錢唐門外嫩晴天涼翠山光照眼鮮一路鳥呼泥滑滑連朝
風雨太聯綿

一溪屈曲繞魚磯新水三篙綠正肥買得小舟輕似葉兩頭
打槳去如飛

經秦亭山至溪飲庵

天陰無定容山轉得異境升高似躡梯俯窺真窺井浮青高
削屨積翠橫成嶺日落嵐氣濃雨足溪聲猛巨竹夾道生萬

綠不見影高處得小樓幽懷心目領不誦招隱篇無忘仁者
靜秦亭趨法華螺髻明妝靚

交蘆庵

渡水得茅庵厥名曰交蘆美樅爲棟梁白石爲階除寂寞講
經臺縱橫香積廚得悟清淨理真成虛廓居樊榭主猶存香
光書已無卜居何縹緲二松各成圖程松門新羅尤著名煙
雲點染巖高風企前賢遐想徒區區

秋雪庵

庵以秋雪名蘆花風飄蕭今當二月時春雪業已消芳洲漸
迷漫縱目皆迢遙新蘆未長成參差水沒腰層層如相束短
短真難描繫纜逢枯槎渡人尋短橋老僧如野鷗力作憩團

焦濠梁趣獨深鼓柁如相招

金陵懷古

渡江龍種歎飄零奇貨真成擁戴形大好河山新世界是何

天子小朝廷黎園漸變三軍相

阮大鍼兵侍素蟒視師人謂黎園變相

槐國難

邀九廟靈王氣於今搖落盡故宮輦路草仍青

南巡法曲守遺型擊鼓吹簫永夜聽豈少長秋畱故劍可憐

買索傍前星荒朝賸有煙花錄請室重緝羅織經草草一年

容易過笛聲哀怨起荒汀

秋風鼓角廣陵城丞相居然拜表行枉有良謀控河濟何曾

飛檄過幽并赤眉難恃高無賴白眼偏逢阮步兵事到萬難

拚一死梅花嶺上涕縱橫

長板橋荒廢夕曛迴光寺古接晴雲舊游尙覓烏衣巷院本
難尋白練裙畫舫何人聽夜雨荒郊有鬼唱秋墳滄桑兩度
須臾過莫向前朝話舊聞

苦熱行

雨聲市月愁淋浪忽然天畔陽烏翔炎官當空火傘張赫赫
大地難遁藏科頭赤足身徜徉白汗猶滴珍珠漿融風撲人
如沸湯炙手可畏席與牀趙盾獨坐中書堂牛毛法令推商
鞅來周侯索相頡頏酷吏之酷殊難當炎威迫我心傍徨肌
膚薰灼面目尪欲贖聖散無清涼並少琅玕青竹房鑠金裂
石書冊詳我欲似之逃何方礮車雲黑推阿香微雨不敵西
風狂但望年豐庶事康我雖觸熱殊無妨

入都

廿年歸里臥茅茨又奉 徵書入禁墀行李已無東道主齋

罷英靈尤媿北山移生涯蟬蠹終無定得失雞蟲苦自知一

樣趨朝頻歎息也應不似少年時

挂冠昔日浩然歸自覺心期與世違天寶時妝人莫笑貞元

法曲聽應稀滄溟銜石同精衛太史占星失少微敢比陳農

司采訪晁陳尤馬慕前徽

海鷗去住兩無心純盜虛聲每自箴不分推排成老物每於

邂逅遇知音晚晴幽草人爭慰華屋山上感更深時張文襄公師薨逝

對酒茫茫生百感那堪楚些與秦吟

題陳檢討洗桐圖為冒鈍宦題

填詞圖與散花圖老輩題評卷軸麗涼舉一庭清似水洗桐
忽又仿倪迂

露頂掀髯坐石椽雙僮了髻髮鬅髻紫雲別去楊枝老清夜
何人伴一鐙

文人盛事慕詞科蠻語翻爲秀鐵呵如此魁能好才調不教
簪筆侍鑿坡

水繪名園今尙存琳瓊寶墨重清門可憐遺翰無尋處我亦
東林後代孫

先文貞公遺集刻於常州先哲遺書曾輯拾遺
一卷沈子封學使藏手札一通願以衍石先生
雖存禾中朋舊詩札
手卷易之尙未允諾

西涯

涓涓細瀨勝塵沙路轉城陰水兩叉蝦菜亭空荒渚卸葵光

橋古御街斜長空黦隸天如墨老樹蒙茸雪作花

是日木冰今古

詩人多聚此玉延亭外卽西涯

題梅邨小影在叢蘭水石之間二首

帝子瀟湘去已遙祇畱恨葉與愁苗先生獨向蒲團坐惜日

悲風賦大招

墨瀟淋漓下玉京詩心悱惻鹿樵生倩誰添作娉婷影撮合

琴河感舊情

仁和吳昌綬和作

桑海年華一夢過主恩歸許老煙波丹鉛鄭重傳家橐掩

卷零星涕淚多

先生幻想結僧伽亦有鬢妝在五華一曲圓圓應懺悔美人

終竟屬吾家

除夕四律

裹得青銅月一丸
避人無語立檐端
但求吉語來年應
不怕西風特地寒
到處香花稱利市
幾家樽酒話團樂
明朝顏色應殊眾
拂拭羅巾故故看

鏡聽

忽訝門前立雁行
百端舊債爲年忙
築臺何日同周赧
焚券無人學孟嘗
羅掘未能空宛訴
錙銖必較太強梁
寬人一著真陰德
明歲從容取次償

索債

藝苑爭稱黃一廬
祭書盛事至今傳
琅嬛能到真爲福
脈望全驅不慕仙
未必搜羅真好事
卽令遇合亦前緣
源流聚散原泡影
煥弗輕歸海客船

祭書

銀燭雙輝照綺筵
鉅妝柏酒迓新年
松盆燄燼將殘夜
爆竹聲喧欲曙天
已去光陰空戀爾
未來歲月更茫然
老夫一醉無他想
紙帳梅花獨自眠

守歲

蚊

一逢利口便生災
倏爾飛飛撲面來
鼓翅吟哦名士態
快心譏刺小人才
暗中窺伺真陰理
外譏評亦禍胎
一醉黑甜鄉裏去
任他成市又成雷

夏日偕寶瑞丞金拱北游上方山雜詩八首

四面如城擁循溪
且入山山花開爛熳
山鳥聽絲蠻
小雨止還作浮雲
往復還天梯兼石棧
無路可躋攀

疾風驅甚雨
鷲地逐人來
鬱鬱天沈墨
涔涔地洗埃
亂山飛

怒瀑大壑響奔雷徑轉逢蘭若從容禮佛臺

大瑤香火地祠宇尙巍巍

兜率寺明太監馮保修有碑

室邃眾音寂山空

萬慮微天花消劫火佛日戀慈暉

僧談庚子兵事

香國殷勤護先鋤

種類非

牡丹臺中有一雜樹金拱北手拔之

石梯三百級梯盡卽茆庵躡壁身攀樹窺窗影落潭聲聞停

梵唄呼吸盡煙嵐七二枯寮在何人十日探

大好荆關手麻皮斧劈皴橫看青巖隄直上碧嶙峋偶作橫

斜棧真同重累人不煩疏鑿力濃淡總天真

古樹綠成海前山復後山參天多磊落拔地少彎環落葉荒

途裏空腔斷壁閒婆娑生意好點綴碧孱顏

石穴大於屋傳聞住列仙土花無隙地石乳不論年濟勝慚

無具探奇別有天龍威如可遇我欲乞陳編

草樹肆縱橫潺潺聽有聲在山原未濁觸石忽相爭青嶂蒙
茸合紅橋略約橫夜深如靜聽都作玉琤琤

書唐志後

妻爲夫撰書

和淚搗辭竟體華卽看字跡亦簪花

書石不勒名必自書也

埽眉才子

誰堪並黔諡徐文曹大家

金玉不寶忠信代名理眞爲絕妙辭韻語能離脂粉氣敬姜
以外孰如之

大書深刻首金輪趙錄推尋語未眞新出此銘爲後繼再游
石壁訪房嶙

題張祖廉娟鏡樓圖

特築高樓^影阿嬌攜來寶鏡月
澹霄十三郎著湖州辭良治
名家閱兩朝

出匣光芒特地寒
玉人何處倚闌干
談箋精緻張鑪雋均作
吳興土物看

月上香修總擅名
奚樓臨水亦崢嶸
阿誰攝取眉峰影
青弁山高太秀生

答甘遜詠殘紙

揚文覆醬瓿
趙札拭酒杯
何如編類要
郵筒信手裁
狀紙印作書
宋畫糊成鞵
今人百碎圖
古人錦灰堆
寸長有必錄
何物是棄材

訪慈仁寺

驅車徑入慈仁寺不見亭亭舊日松此是昔賢觴詠地免葵

燕麥認前蹤

校蜀石經繫以四絕

少日從容注禮書

鄭君受業扶風已為三禮學

老年寫定在精廬集思廣

益人難及采到烏程草木疏

鄭君歿於建安五年距孫吳立國二十有六年元裕之書或成

於早歲鄭君猶及見之耶

襄二春秋首尾全發凡起例想當年不知母氏家財造文選

開雕孰後先

補缺田侯善校訛蜀唐諱字漸消磨廿篇北宋公羊傳我比

河閒見較多

殘拓猶存十九行穀梁字體最飛揚紙邊廿四分明認石數

由來記更詳穀梁紙未有廿四二字疑是記石數大約每紙有之翦裝時割棄耳前人未經言及

讀史六首

重見昇平五十年
櫓槍鷲地徧垓埏
信傳上谷馳銀鶻
風急臺城墮紙鳶
攘臂莠民團白甲
傷心妖讖改黃天
眼前多少蒼生淚
化作長河灌百川

腹削民脂飽列營
誰知轉眼卽翻城
達官但識騎豬鼠
若輩

猶聞走狗烹

同黨自相殘殺

已結王環飛棹隊
漸通周寶後樓兵
棘

門灞上原兒戲
都作狺狺反噬聲

紛紛債帥盡登壇
廣輦金錢結眾歡
齊虜得官憑口舌
庸奴報國少心肝
大言不覺千夫辟
債事方知一死難
不降歐刀伸
祖制誰能隻手挽
狂瀾

朝野驩呼慶息烽唐虞禪讓又重逢
代言已付劉京叔勸進偏多阮嗣宗
莽莽河山空逐鹿紛紛冠蓋競從龍
譚言甘受商於紿忘卻君恩十葉醜

宣撫西南付重臣可憐徧地盡黃巾
已開犴狴寬凶黨更倚豺狼作護身
玉壘錦江都減色瑤籤寶笈亦成塵
不降不走甘投死大節觥觥只一人

一軍夜半脫巾呼駭象奔鯨徧四隅
縱寇豈能寬趙范多財畢竟累齊奴
燭天烽火驚宮闕列隊弓刀塞道途
浩劫再逢剛一紀令人肆口說遷都

題竹垞圖

舍南舍北盡牙籤萬竹陰陰綠到檐
欲望九峰山色好小樓

一角幾時添

後人慕古屢增修故址流傳二百秋劉井柯亭俱蔓草何人

道古訪瀛洲瀛洲道古錄未刻藁本在程棻
厂同年處屢屬錄副未應也

簪筆曾經侍玉鑿承恩畢竟少孤寒著書翻是還家樂我亦

歸田七品官甲午歸來刻以七品官
歸田小印慕先生也

先生綺歲我頽齡警眼滄桑一剎經滿地干戈歸不得可憐

野史并無亭余熟悉國朝三百年掌故史館實錄大
臣傳起居注全錄論旨無事實後人何所

据依只以玠筆記當壬辰
雜編耳野史亭元遺山事

壬子重陽寄甘遜

去年重九豫離筵爲我征途策萬全但覺深情非率爾可憐

後會總茫然滿城風雨來杯底一夢滄桑過枕邊今日海濱

贈寂寞遙瞻薊北寄雲箋

消寒第一集周君夢坡劉君語石招集徐園觀松雪所製風
入松琴

三尺古琴蛇腹裂中有雅音震寥泬
琴面大書風入松琴池
小款趙松雪松雪家住蒼溪湄
秀眉紅頰天人姿
水晶宮外紅齒舊想見安絃操縵時
皋亭山下軍烽急
白雁飛來宗社泣
此時彈出變徵聲
鉛淚銅槃雙袖溼
佳耦如仙管道昇
雍前光後皆飛騰
此時彈出太平引
蓮花莊冷湖波激
琴原一文悟絕詣
集中有琴原一篇
六絃七絃追古製
焦桐種自許旌陽
集
有鮮于伯幾贈琴云
是許旌陽手植詩
名手招來姜伯惠
亦見集中
七百餘載歸周君
羨君好樂兼工文
松聲池館秋絃老
摩挲古物梅花紋
是

日消寒眾賓集五家指法誇同習

是日能琴者五人

傷心彷彿宋元

閒聽風聽水均鳴咽

消寒第二集雪後劉君翰怡招集堅瓠齋用東坡聚星堂韻

並禁體

海風吹盡江頭葉入冬無雨至後雪座中笠屐皆超然檻底
江山倍奇絕但覺中庭霜檜明只愁後圃風篁折天邊煙樹
盡微茫水外村蹊半明滅酌成歡杯屢傾又尖鬪韻箋頻
掣畏寒不覺眉宇聳遠望尤虞眼波纈天公會誤吳元濟蔡
州舊事成談屑兵戈四起坤軸翻桑海一昔颯輪警坡公吟
興繼永叔詩話餘情續世說可憐卅萬防邊兵朔方凍脫馬
蹏鐵

消寒第四集詠臘八粥

消寒九交三灌佛臘逢八炊煙生比屋盛會傳古剎歲豐禾
乃登田腴苗勿攬采薪金試束剝粒玉頻刮流泉凍白凝宿
火燃紅察回甘市餉澆薦新園果刷瓊膏研鉢香珠屑流匙
滑丈室揚芬芳大廚增噢喲雙弓水乳融十地癡聾拔獻糜
忙牧女黏牡猜大猾饒招馴鴿翔偷防飢鼠黠糗餌同簸筵
冰齋互齟齬禪心悟燈傳果腹羞羹頡晷課聽木魚仁風化
回鶻禮拜寺亦煮粥瓶沙正布筵香積記納粘和麥近麤糲鄉人有麥屑麤
粥 嚙桃互嘲晰加餐娛來賓謝惠播華札屋物近東皇供養
極西汎伊蒲果欲證祇樹芽漸茁巡檐索梅花酒罷風枝夏
消寒第五集題潭溪舊臧東坡象

鼠迹南荒又暮年玉堂人物地行僊任他犬吠兒童笑笠屐
風神總灑然

正值熙朝全盛時寶蘇歲獻壽蘇詩西樓名帖今何處水碧

山青杜宇悲翁得天際烏雲帖寶蘇室之名由此西樓帖十卷歸托活絡忠敏公公殉節於蜀今不知所在矣

除夕消寒第六集和東坡饋歲別歲守歲三詩次原韻

佳節思弟舅會食謝僚佐分甘爲成禮達意非好貨紅皺味

倍腴黃團實獨大韓孟城南聯句紅皺黃團魚隱叢話謂甘棗瓜羹近人謂紅皺爲辣椒皆禦冬之旨

也蓄撥糞玉蛆浮登盤金鯽臥割鮮叩獵戶茹素參高座小倦

理藥鑪解渴尋茶磨言愁始欲愁得過姑且過萬般空妄想

只有詩唱和饋歲

一去歎不復備論速與遲問歲歲欲行歎如放豚追飄飄蓬
蓬然南海北海涯卽此停留際猶是燕樂時北廚誇燔炙南
食飫甘肥相將歌驪駒慎弗懼酒悲達變羅含序更新裴秀
辭願與歲俱改不知筋力衰

別歲

逝若過隙駒捷若緣壁蛇戈無魯陽揮道少董公遮別矣更
不回吾將奈歲何傷心欲慟哭羣小轉笑譁杜門強支持惟
虞馬策過坐待更漏轉不覺星河斜一歲又一歲萬事空蹉
跎少壯成衰老轉將耆壽誇

守歲

藝風堂文別存卷一

藝風堂文漫存卷二

江陰繆荃孫

辛壬藁

文

內閣學士兼禮部侍郎銜馮公墓志銘

天子卽位之元年舉行

恩科聯棠馮公以一甲第三人及第公夙工書一時以爲得人
次年散館同人咸留京津業公邀同年曹中丞鴻勳吳侍郎
樹梅倪太守恩齡黃編修彝年王讀學錫蕃陸文慎寶忠
馮觀察金鑑檢討崧生及荃孫十人爲詩賦課月兩集散館
試均及格嗣後考差課大考課自丙子至丁亥前後十二年
已卯又同分順天鄉試房交誼可謂至密矣公在侍讀任逢

大考洊升侍講學士遂躋閣學在同年爲最顯不一年陪祀天壇感寒暴卒嗚呼傷已今年孫爾繩以事略求志公墓以荃孫之交誼何敢以不文辭謹按事略公諱文蔚字修奩別字聯棠浙江歸安人曾祖昭祖淵父榮甲以公貴

贈光祿大夫母皆

贈一品夫人公讀書聰穎中遇寇難流離瑣尾未嘗廢學光緒乙亥丙子聯捷及第授編修歷升贊善中允洗馬侍講侍讀侍講學士少詹事詹事內閣學士兼禮部侍郎歷署都察院右副都御史宗人府府丞歷充

日講起居注官

咸安宮總裁

文淵閣校理本衙門撰文教習庶吉士己卯補順天同考官
壬午科河南學政甲午科江南正考官公天性孝友遇事能
斷特以文學侍從之臣未見有所設施然提督中州學政倖
竇悉杜名流悉拔稍稍流露於一二及將大用公又不祿屈
指丙子同年調鼎肅領封圻者殊不乏人然皆在公後亦可
見公之才氣發越矣公卒於光緒二十三年十一月二十八
日年五十有六以二十九年歸葬於歸安縣之道場山南麓
娶沈氏生子瑞耆續夏氏生子
瑞耆官江西知縣後公
十四年歿於江西
早天孫二人爾繩煒今年壬子去丙
子三十有七年同年存者寥寥矣荃孫迺補爲墓銘銘曰
祥麟一角威鳳五色揚於王庭光我

上國既豐其遇又嗇其年可知者人難測者天昨歲京華君
門重過舊雨不逢淒然淚墮嗟余後死已值滄桑願地下之
差樂願把臂而翱翔

贈尙書光祿大夫安徽太和縣知縣鄒公神道碑

宣統二年十月荃孫由學部調至京師外務部鄒尙書以其
尊人

贈光祿大夫安徽太和縣知縣雋之鄒公事略見眎商立隧
道之文荃孫忝附戚末其何敢辭按事略公姓鄒氏諱鍾俊
字雋之號師梅一號補拙江蘇吳縣人始祖實唐曲江令家
晉陵二十六世祖浩以諫立后兩遭貶謫追贈寶文閣學士
諡曰忠世稱道鄉先生十七世祖宏達由常遷蘇之樂橋遂

定居蘇州曾祖兆棠

贈奉政大夫母

贈宜人祖炳初本生祖炳蔚父祖堂安徽建平梅渚巡檢均
贈奉政大夫

累贈光祿大夫母均

贈宜人

累贈一品夫人梅渚公有治行生子二公爲長孝友敦敏出
於自然博覽羣書尤好經世之學隨侍梅渚自所偶擬公贖
下筆精確道光之末災祲頻仍風俗凋窳梅渚公廣儲先哲
精理名言命公編輯究儒先之格言明感應之至理體察身
心切於日用其有意所欲言而諸書未載者並令自抒所見

撰擬審定期年書成命曰人生必讀書公自謂學道愛人本於庭訓是書之力爲多嗚呼可謂教必有方德培其本者矣屢試不售遭觀閔凶遂屏帖括究心吏事家鄉遭亂扶持出險同治乙丑院撫喬勤恪公檄致幕府佐定漕折綜核軍需是公出山之始旋保知縣升銜花翎

奏補太平縣辛未履任公自筮仕譽望孟晉以勤結上以誠待下所至民說所去民思補太平調太和權懷甯旱陽渦陽蕪湖各縣六安直州兩權和州釐稅兢兢業業數十年如一日而垂老告歸清貧如舊脂膏不潤人爲公惜然而後嗣昌熾侍奉聿隆尙書獲科第踐要樞公猶及見之受一品封孫曾林立天之報施理不爽也近世州縣幹材均盡心於折獄

平盜以顯其能公獨勤卹民隱培植元氣立不拔之基其見
固有異於常人而收效尤遠其興禮教也在太平舉行鄉飲
酒禮並著鄉飲簡明說定闔邑祠規剏仙源書院廣購書籍
啟迪秀士在懷雷考定文廟樂器在六安舉賓興禮在阜陽
重建節孝祠呂邱氏殉節爲文祭之在太和刻先聖賢儒事
蹟重建細陽書院皆關繫人心風俗以化其桀驁之氣納之
於禮樂之途故其感人尤深其興水利也在懷雷修廣秦圩
隄防鞏固波濤不驚秔稻萬頃乃亦有秋在阜陽治西湖淤
者濬之塞者通之購浙桑植湖壩以興蠶織之利在蕪湖力
保江圩在渦陽值鄭工河決溢及渦南乃開茨河以工代賑
民困稍蘇水利亦廣其治獄也在太平王霖雨家劫案務獲

眞盜胡登渡等謝江發命案證明始末兩案誣累悉以寬釋
鹽勇緝私鳴槍驚越嶺者落水死五人拘勇究詢大府檄下
詰以袒庇公執辨不撓事得解而以公贖領鹽繳價以杜後
患在渦陽王周氏命案詰驗得實慎以清株累嚴以懲姑息
小民獲甦上官亦信之其平盜也在太和立平徐思銳之亂
解釋漢回械鬪在蕪湖與郭軍門寶昌協和守兩梁山軍民
不擾然治獄獲盜他人恃爲見長者公亦未後於人而存心
不繫於此嘗謂經正民興衣食足乃知禮義故所至以興養
立教爲首務雖職輕任淺或窘不得施或設施未竟卽去而
公則先勞無倦曾未敢一日自逸皖北風氣剛勁治尙武健
公發姦摘伏人不敢欺而矜卹民命無辜者立釋之卽以此

忤上官意弗顧也皖南風氣柔弱治尙平和公一意拊循休養生息俾民自利其利致功於數十年之前收效於數十年之後民豈無心至今思公不寘蓋公以人生必讀書爲之根本上以企道鄉先生之傳豈不偉哉公餘之暇并愛游覽阜陽西湖修宋晏文清歐陽文忠蘇文忠呂正獻四賢祠宋太平令孫覺剏修眾樂亭明令劉元凱重建公爲修之卽以祀孫劉二公亭面山臨水太平勝地時往憑眺與父老共話桑麻鄉民采新茶烹山泉以進輒爲之引一甌焉以責任太平太和均兩任自號旣且軒主人以示不忘兩邑之意兩邑人感之亦勝於他人壬辰公乞歸鄉里就養京邸以元配金夫人不祿南歸丙申十月二十二日卒於家年六十有七安徽

士紳呈請宣付

史館奉

旨俞允並祀栗主於眾樂亭與孫劉同龕公而有知想魂魄猶應戀此也配江陰金氏子五嘉來丙戌進士禮部主事遞遷至外務部尙書會辦大臣嘉立補用知縣署廣東海山淡水場大使嘉玉附貢生嘉永國學生嘉義江西安義樂平知縣湖北候補知府孫十二曾孫四丙申十二月二十二日葬於長洲縣二都十六圖圖山村之高塾山與金夫人合祔禮也荃孫昔年耳熟穀行曾接警欵敢掇大略勒於貞石銘曰聖經治平先修身擇言制行醇乎醇精思醞粹通鬼神聖言富庶歸諸教制治本根在學校栽之培之無速效公也終身

守厥言院南院北治行敦求忠必於孝子門圖山之陽藏體
魄子孫隆隆沐遺澤後有弔者視貞石

于香艸墓志銘

自唐貞觀尊崇南學而兩漢之家法以乖

國朝乾嘉名流始治專門力追兩漢至咸同時少衰迄今漸
滅殆盡矣南匯于君香艸猶能鉤沈拾燼而卓然成大家真
豪傑之士哉君名鬯字醴尊自號香艸祖祐吉廩貢生候選
教諭父爾昌邑增生母馮太孺人以節孝著本生父爾耆君
幼慧專力治經不屑屑爲俗學十六補諸生登光緒丁酉拔
貢得直隸州州判以本生母年高絕仕進黃菊屏先生爲署
書室曰娛親著書紀實也舉經濟特科亦不赴馮太孺人苦

節三十年奉

旨建坊君節嗇衣食得金五百建坊墓道而心始大慰本生
母卒哀毀致病縣延數年遂以不起宣統庚戌七月十二日
卒年五十有七元配張氏續室黃再續朱子五今存大同呈
三孫葬本邑天字圩君墨守漢學以形聲故訓展轉通假之
例徧讀周秦漢魏古書刊正奪誤稽合同異成校書六十卷
續校二十三卷戰國策注三十三卷近時與俞氏平議孫氏
札謬卓然爲三大師非他人小小補苴能共語矣荃孫久儀
其人又讀其書因君友人之請而願爲之銘銘曰
天下滔滔羣言廢經君從漢故徑入孔庭醞醞樸學衛鄭伸
許四達八窗通知今古著書一尺入木未半世有通人當無

河漢君友君子能傳君書恆幹雖掩遺憾庶無

故榮祿大夫沈府君墓志銘

君諱燮澤字子燉浙江歸安人歸安沈氏均梁侍中領尚書
令建昌侯裔世居湖州高祖瑞昌祖詮歷任廣東等縣候補
知州父桂榮廣東候補通判以賈起家生子二君其次也沈
潛好學爲文簡潔自喜如其爲人早入邑庠與兄樹鏞有二
難之目未幾兄病廢君目擊而心傷之遂亦成疾時發時愈
纏綿二十年卒於光緒己亥五月二十五日年甫四十庚戌
葬於吳縣之堯峰山夫人劉氏同邑人嫻書算知大義警且
勸學有古媛風君病多年婦代子職侍衰翁事病夫內外家
政一身督理生二子二女一子一女殤夫人卒於宣統元年

七月十六日年五十二歲女采芝殉焉子

邑廩生以三

品銜郎中分部學習加三級請封

贈君榮祿大夫夫人一品夫人而

又傷於毀後夫人一

月亦歿嗣孫福祐嗣昌文潮將以本年十一月改葬君於歸安馬池潭劉夫人祔焉君繼先業相時接物廉取厚蓄益大厥家又復睦嫻任卹施予不貲夫人於己酉歲集戚族析產授之曰吾爲沈氏婦雖處境豐裕而二十年來無一日不在憂危恐懼之中爾等勿忘吾之用心苦也吾族繁衍吾於長者恭順之貧者賙卹之卽偶有非禮相加而情恕理遣弗與計較今恃祖宗蔭稍有餘積與同族鈞之故卒之日無不哭失聲遺愛人人深也嗣昌等因吾友以求銘迺作銘曰

深山幽澤芝蘭獨芳君處豐腴不改其常善守能施善用能
節芣苢無靈杞梓遽折仁者必勇莫如夫人揮斥萬鎰沐浴
九姻潤身不侈守約不嗇君子難之矧在婦德寂寂黃壤蕭
蕭白楊幽竈久安斯名不忘

陳母周太夫人墓志銘

宣統庚戌六月同邑陳氏壽母周太夫人歿於里第年九十
一矣子熾唐以進士工部郎候選道還家侍奉前後二十餘
年孫男六人曾孫三人家道隆厚閭里輯睦太夫人孝養之
隆視聽之樂行表劉傳言垂班誠夙乎尚矣熾唐奉行述入
都求所以表揚其親所謂孝子之心有加無已者耶荃孫忝
附世末聞見較確其何敢辭爰作銘曰

穎川陳氏江陰著姓簪纓鼎盛維太夫人系出汝南姆教素
諳觥觥茂族饌金炊玉適禮合俗年二十四迺嬪於陳琴瑟
和均語其任卹歲蠲鉅萬倉修橋建語其收藏卷軸琳琅佞
宋販唐語其園林花木綺麗池臺虧蔽語其臨摹正叔折枝
太傅臨池不恃貴顯苦茶甘齋必衷以禮東南鼎沸烽火搶
攘一葦而杭枯苑雖殊分惠如舊親朋耆耇劫定歸來苟完
田廬樂且奚如夫子及艾驟捐館舍哀號日夜藐是諸孤屬
未亡人俾廁縉紳維時家門科第鵲起焉能自己驚人一鳴
水部服官出使閉關萬里重洋考察咨度遠狎蛟鱔還

朝覆

命歸侍老親日杜重闥依隨親舍冬溫夏清扶持疾病薄游

山左保易章徽聊佐萊衣維太夫人行年九秩神明專壹繞
膝孫曾兼及外姻約三十人驕奢是防躬率以儉搏節收斂
慈訓良言奕奕清門垂裕後昆江城左右兼全福壽於今罕
覩恆幹弗居全受全歸難駐春暉子也哀毀遠道致敬函表
懿行合耐古禮鬱鬱佳城巍巍令名名伊何爰銘貞石永
伴松柏

童碩卿傳

童君壽康原名貞字碩卿浙江會稽人父雅瀛官四川布政
司照磨鄧井關縣丞爲佐貳中最優之缺席豐履厚人皆羨
之是時蜀中游宦子弟類皆鮮衣怒馬絲竹盧雉吟朋狎容
三五成羣號爲豪舉君爲單衣窘步躑躅會府街後宰門書

肆中或購或閱與余數數遇以爲寒士也咨詢門閥則大驚與談版本源流貫串如流水則又大異余引君爲同志君亦以余爲知己十日必三四晤余時以君稱說於朋儕前眾皆目笑以余以書餽君而冀君之助也余亦不與眾辨辛未應川東道姚彥侍記室之招彥侍出錢獻之新輯注漢書地理志徐星伯手寫各家考證於其書眉以爲佳本君請刻之而歲畢歸原書於姚氏是爲君刻書之始乙亥余爲張文襄公撰書目畚問時引君爲助文襄知之亦禮君爲座上客向之笑君者又無不奇君君終落寞如故川中書賈日集於門雲南湖北販書來者無不投君各如其意而去所收乃大富又復廣搨金石鑿別書畫與錢徐山錢鐵江宣麓公沈吟樵諸

君交意氣益發舒矣丁丑君以知縣分發湖北入都引見余供職詞垣同寓永興寺君挾巨資廣收書籍至揚蘇書買聞風而來摺百箱出都到鄂丁父艱仍旋蜀所刻亦漸富乙酉再回鄂中補嘉魚縣知縣到任未久適

欽差查辦湖南事件入城君未遠接大怒回鄂言之裕制軍遂以玩視民瘼日以刻書爲事降一級調用矣君以三月到任舉債辦奏銷十月交卸未及收漕遂大困舉所儲書賤價售之以完公虧已而投文襄公於廣東漸罄所藏先金文後碑版最後盡出藏書刻板悉數售之往來湖北江甯平鬱鬱不得志而治生之術亦少差光緒丙午罹外證歿於湖北年止五十有七並無子息文襄聞其卒也助之六百金藉以殮

葬悲哉君豪於酒食量兼人素習歐書中年忽喜摹宋本今
存其手鈔敬鄉錄友林乙集小畜外集數種每一展玩如對
故人而音容不得見矣略隲舊事藉以傳君並列所刻書於
後

式訓堂叢書初集

古易音訓二卷

宋咸熙輯

傳通經表二卷

洪亮吉

漢書西域傳補注二卷

徐松

晉書地理志新補正五卷

畢沅

乾道臨安志三卷

周淙

弟子職集解一卷

洪亮吉

呂子校補一卷

蔡雲

竹汀日記鈔三卷

錢大昕

經籍跋文

附對策

陳鱣

拜經樓藏書題跋記五卷附錄一卷

吳壽暘

曝書雜記三卷

錢泰吉

漑亭述古錄二卷

錢塘

金石例補一卷

郭麐

志銘廣例二卷

梁玉繩

式訓堂叢書二集

毛詩重言一卷雙聲疊韻說一卷

王筠

戰國策釋地二卷

張琦

弟子職正音一卷 王筠

金石例十卷 元潘昂霄

墓銘舉例四卷 明王行

金石要例一卷 黃宗羲

南江札記四卷 邵晉涵

兩同書二卷 唐羅隱

讒書五卷

邕州小集一卷 宋陶與弼

式訓堂叢書三集

春秋夏正二卷 胡天游

家語疏證六卷 孫志祖

鍾山札記四卷龍城札記三卷

盧文弨

知聖道齋讀書跋二卷

彭元瑞

平津館鑒藏記三卷補遺一卷續編一卷

孫星衍

廉石居藏書記二卷

孫星衍

銅鏡斗齋隨筆八卷

沈濤

癖談六卷

蔡雲

疑年表一卷超辰表一卷

江日慎

後甲集二卷

章大來

晚學集八卷

桂馥

元魏滎陽鄭文公摩崖碑跋

諸可寶

單行本

國語正義二十一卷

董增齡

金史詳校十卷

施國祁

衢本郡齋讀書志二十卷

朱晁公武

史記志疑三十六卷

梁玉繩

過庭錄十六卷

宋翔鳳

字林攷逸八卷

任大椿輯

錢保塘校補

癸巳類藁十五卷

俞正燮

仿宋本陶集十卷

晉陶潛

仿拜經樓陶詩集注四卷

宋湯漢

文字蒙求四卷

王筠

新輯注地理志集釋

徐松

絕妙好詞附詞選三卷

宋周密

水經注釋四十卷附錄二卷水經注箋刊誤十二卷

趙一清

水經釋地八卷

孔繼涵

水經注圖說殘葉四卷

董祐誠

今水經一卷

黃宗羲

丁修甫申書傳

光緒三年荃孫應禮部試於同年歸安錢匄仙振常座上識君眉宇清曠問學淹雅遂相往還迨戊戌到杭州始登八千卷樓欽家教之整齊覩圖書之美富然後知君之至行不僅目爲學人也今年八月忽奉君訃感懷悽愴隨值亂事航海南歸君之子上左等以狀求爲傳其何敢辭按狀君名立誠

字修甫號慕清又號辛老先世自山陰遷杭州遂爲錢塘著
姓曾祖國典布政使理問銜妣初續娶陳氏祖英道銜候選
同知妣姚氏封恭人父申候選主事以恭搜

四庫全書奉歸

文瀾閣經巡撫入奏

賞四品頂戴學者稱竹舟先生妣凌氏封恭人昆弟二君爲
長天性過人卅角卽善承色笑咸豐戊午待母養疴錢塘門
外小槐窠時年九歲得疾每飯必吐母暇授唐人詩爲陶寫
性情計讀至數百篇遂能韻語隨口吟哦曾詠西湖風花雪
月四景首爲業師姚小荷思壽所賞庚申二月粵逆陷杭州
避松江又避青浦方家窠又避南匯下沙場十月泛海至甬

辛酉正月至餘姚土寇起復返杭誦讀如恆雖至粵匪薄城而仍不輟十一月杭州再陷全家四竄君僞爲跛者獲免途遇徐媪乞食以活越三日遇叔父松生先生於田家園之金龍四大王廟擊之出險次日抵江干又遇賊仍僞爲跛狀賊用力曳之君忍痛縮足始縱之行渡江由西興達蕭山君旣以智免而念父散失憂愁成病壬戌春始行團聚遂渡曹娥江經慈溪至奉浦輿盜艇塞途所歷甚險及抵上海已五月六日矣又渡江至通州繼至如皋寓冒氏屋延俞先生少蘅光組授讀先生以介壽杯三字命對君以宜春帖應之又以落花生花落始生命對復以開盒笑盒開如笑應之少蘅嘉其敏捷同治甲子杭城復始回杭習舉子業卽有聲譽魏稼

孫澁尹嘉之以女字焉同治丁卯補錢塘縣學生員肄業諸經東城紫陽崇文各書院院長薛慰農時雨高伯平均儒童采南鑿俞曲園樾馬春陽傳煦諸先生均賞之光緒乙亥恩科以第二人中式是冬父命由山東陸道入都訓之以先德經營燕魯鴻雪猶存俾知先世勩業之艱君亦藉以慰壯游之志隨地訪求悉紀以詩次年二月抵京入試不遇留京就學日與袁爽秋和錢筮仙諸老剖析疑義暇則入廠肆訪求

四庫著錄之書爲補鈔

文瀾閣全書計丁丑復不遇君喟然曰不售命也曷南歸爲養親計有餘力則爲詩以自遣耶庚辰遂無意北上竹舟先

生訓之曰事親以顯揚爲重先伯祖諤卿太史十一次赴春
闈而始售當時海道未通行旅之苦費用之艱十倍今日卒
成進士入翰苑爲宗族光汝上承餘蔭幸博一第遽甘自棄
何以對祖宗更何以對汝叔難中提攜之勞乎君謹受教誓
以終身不忘自庚辰至丙戌三次公車均報罷丁亥之冬竹
舟先生中風遽逝君痛不欲生松生先生責以大義強起治
喪附身附棺罔弗如禮謹遵遺命助豫振千兩中丞衛公奏
請建樂善好施坊辛卯堂弟和甫立中捷於鄉君欣然挈之
入都乙未闈後就職中書嗣知松生先生病決計南歸由是
不復作出山志矣前後公車九上君慨然曰得失有命何敢
強求而不敢稍懈者遵親訓也既而又深悔之曰吾推子平

術無進士分丁丑以後薄舉業而不爲亦以不專心致志與數相爭遂因循而自誤也嗣是而後惟佐松生先生經理普濟育嬰清節各堂事眾以事相質由君代剖有疑則參酌安善而出之又遵前規橫一笏於几日紀其事夜則研求商榷次第舉行二十餘年如一日時變用繁日慮不給每出私財以相輔助視己產蔑如也逮松生先生歿後當軸者欲令接管君力請舉賢者自代及樊介軒恭煦高白叔雲麟任事君詳陳利弊隱爲維持籌墊數逾十萬終始不言爲人所難善舉之中尤重水利東河之建築隄壩南湖之開濬邊港北湖之修葺塘路西湖之清理淤沙君悉心籌畫以謀久遠又自以節烈之後於節孝尤注意兩浙采訪節孝局缺劫前舊錄

姓氏君得於京
校勘武林掌故
力襄校助理友
帙畀之沾丐學
常州先哲遺書
之廣狹爲何如
也炳奎平湖戈
下兩先生亦服
教導春秋襄祭
殷詢祭時情狀
婚嫁殮葬之費

於瀕行告以治民之道慈愛爲本并云兩廣爲煙瘴之地兩弟孱弱尤宜加意攝衛及先後歸道山回憶前言俱徵先識而友愛之情亦於此可見矣自遭家難君捩擋所藏悉還公債而不畱絲毫以備一己之需固杭人所共諒至以書籍全歸江南圖書館價雖少貶而書無散逸易一地耳書固可按目而稽在江南猶在丁氏也君壽之熟計之決識者尤知其苦心矣素豪於飲因咯血疏杯勺年來生計日窘胸懷憤懣又復豪飲以澆魂磊而三伏赴甌感受風溼病根潛伏猶自支持夏秋之間患利下因寢室外垣傾圮驚悸遂劇卒於八月四日得年六十二歲原聘金氏大理寺卿應麟女殉粵逆之難娶魏氏福建浦南場大使錫曾女子六上左杭郡附貢

生仁友郡庠生三在附貢生江蘇縣丞孔有六太以布女一
未字卒孫男六孫女五十一月九日卜葬於西溪梅花泉之
原君家有藏書目錄之學如瓶瀉水而尤注意於詩嘗隨松
生先生徧游名勝搜討掌故以詩紀之吳筠軒兆麟王琳齋
景彝諸尊長結鐵花吟社許邁孫增李幼梅輔燿諸先生勗
清尊雅集君均與焉壬辰春闈後君昆仲與朱道生本願養
吾浩游西山更唱迭和得百餘首曰西山紀游詩在京則潘
伯循兵部適馮夢華太史煦相贈答在永嘉則與朱眉山壽
保鄭嘯雲一夔相唱酬所爲詩不下數萬首今存者小槐窠
詩集夢痕詞潭水詞各一卷武林雜事詩一卷東河新權歌
二卷江干雜詠二卷武林市肆吟一卷王風一卷永嘉三百

詠一卷永嘉金石百詠一卷別爲外集荃孫與君卅年至好
惜筆力孱弱無以傳君而言必從實舉必從重不背古人家
法如是而已

論曰錢塘丁氏以孝友名海內而同輩之中君爲之長植身
行已以作表率諸弟亦無不振振莘莘以德行著吾友陳伯
嚴吏部曾言曰舉世欲破三綱吾欲加兄爲弟綱以益之以
爲治家之法觀於君知伯嚴之語爲不虛范書之獨行浦江
之義門於今再見矣

重修信義志序

昔孔子得百廿國寶書以成春秋前賢以爲卽方志也周禮
誦訓掌道方志以詔觀事志也者志地志人志事志物上之

自古迄今下之由近及遠無飾辭無私造則謂之良志志書至宋而流傳始多志例至宋而體格大備宋之鎮志獨存澈水與范石湖之吳郡談鑰之吳興相後先焉新陽信義鎮距縣十八里自梁天監六年置信義郡又分婁置信義縣大同初又分信義置崑山縣隋開聖九年廢信義郡改吳郡爲蘇州而信義崑山兩縣俱廢後復置崑山屬蘇州府至今不改國朝雍正三年分崑山之西南一百七十四圖置新陽縣而治西縣屬首鎮以信義舊名冠之其中土地肥沃人物丰昌顧阿瑛之文采魏恭簡之理學龔安節之孤忠蔡忠襄之死節業已地以人重人以地靈餘澤尙存流風未艾姚惜抱先生云凡邑皆有篤學好古之士攷紀其實互相考訂天下地

志何患不善而郡志宜簡邑志宜詳至於鎮志地方不過十餘里學人名士朝夕相聚治事之疏密植品之媿惡聞見皆真網羅益富明夏士炎始勗星溪志略乾隆中陳諤士胡介且張松年周韓烏同輯信義志六卷道光中葉魏雪江與趙月卿同輯續志四卷今又六十餘年矣游經粵逆之亂不加搜訪每懼散逸趙君仲宣墨守家學富有藏書仰承先人之志重輯是編成書二十一卷元元本本殫見洽聞姚先生所謂篤學好古之士也蘇之鎮志最有名者前則盧師劭之志石湖近則陶春生之志周莊是志告成殆堪鼎足荃孫亦居江陰西鄉欲爲申浦志而不能今序仲宣之書未免有怍色矣宣統三年十一月江陰繆荃孫序

平湖葛氏書目序

自更生七略出而有天府之書目自孝緒七錄傳而有私家之書目海內流傳或鈔或刻不下百十種收藏之宏富編錄之謹嚴可考見焉而書目亦分爲兩派一則宋槧明鈔分別行款記刻書之年月攷流傳之圖記以鑒古爲高以孤本自重如愛日精廬藏書志藝芸精舍宋元書目是也一則涉獵四部交通九流蓄重本以供考訂鈔新帙以備紀載供通人之瀏覽補祕府之缺遺如高儒之百川書志錢遵王之述古書目是也平湖葛氏文武世德弁冕鄉閭戶部君至性孝友蓄志利濟博訓子弟讀有用書孝廉君稟承先志廣購書籍詞蔚法部勅建書樓榜以守先彙集累世之藏約過十萬之

數與猶子詠我學部逐日增益同志讐校常見者注明何本
罕見者詳述指意用

四庫全書例分類編成廿卷可謂富矣可謂勤矣嘉禾藏書
家倦圃竹垞首倡於前而高氏江村金氏星軺胡氏邃江錢
氏天樹無不馳名海內而有目以傳世者朱金以外不少概
見收藏固不易編次亦不易也昔孫承澤侍郎有喜借人書
之譽朱竹君學士亦與人借鈔以廣流傳前哲流風令人嚮
往咸同以來京師鉅公以深藏爲旨以獨得爲奇不畱一目
不跋一言問其名已在若存若亡之間述其事亦在疑是疑
非之列顧千里所謂似與古人有深仇宿怨者今葛氏書目
一出上可紹先輩之遺風近可勵今時之錮習不誠善乎黃

太沖與朱竹垞互相通假傳鈔書日以富詞蔚亦必約二三同志用流通古書約之例庶幾日有增益而書目一續再續祁夷度先生所謂五年一小修十年一大修者吾於葛氏竹林有厚望焉故不辭而爲之序

愛日吟廬書畫錄序

書畫題跋自宋以來夥矣然於古人書畫真蹟詳記其位置行墨長短闊狹題跋圖書必推平湖高詹事江村消夏錄爲冠孫退谷之記精矣然不載本文及尺寸式古堂彙考清河書畫舫備矣然得之傳聞及他書亦彙入究難以爲塙據故消夏錄特開此派而後談書畫者自宋至今始臻完善之境後之吳越所見錄辛丑消夏記各家均從此例葛君毓珊同

年世居當湖爲詹事之鄉後輩濡染流風景行嚮往聚平生
所得編成十卷其體例一準消夏錄而著錄益慎考訂益精
後出愈工昔人論定以視僅錄本文不加論斷多撐門面轉
致葛藤不可同年而語況詹事迄今二百餘年當湖文采不
亞昔時而書畫一編至葛氏始有繼起者第詹事以達官又
值盛世在朝則冠蓋相接在野則壇坫共推物力旣豐聞見
自廣毓珊同年風塵奔走之餘偏工物色郎署清閒之日自
擅真傳所訂日精所積亦富詹事爲其易毓珊爲其難又可
知已吾願詞蔚竹林世守之增益之續編嗣出再爲之序可
乎王子四月江陰繆荃孫序

愛日吟廬書畫續錄序

自昔立國重世家傳經崇家學喬木之思堂構之喻豈不欲
繼繼繩繩傳之數百載而不敝哉前明收藏推范氏天一閣
七百年巋然獨存海內固莫與比矣書畫一事似乎藝術小
道第自宋以來此類著述爲譜錄之大宗然煙雲過眼彈指
卽空傳之數代固少其人寶藏之增益之傳述之更無其人
矣荃孫去冬來滬平湖葛君詞蔚以其尊公所著書畫錄十
卷見眎見其搜羅之富體例之精足駕江邨而上後跋又歷
舉編輯之大指至爲精粹決其必傳因爲序之詞蔚又言此
編先君手定未敢增損後之所得及近日所收者別爲一編
附此以行當求續序荃孫諾之今冬果以編定四卷來徵踐
言其體例一遵前編無所出入足慰先人未竟之志而徵賢

嗣世守之忱矣昔張青父真蹟日錄有二三編郁逢慶有續
記然皆本人續之未有子孫能續之者蓋子弟於過庭之時
耳濡目染固較勝不學牆面之輩而爲之父兄者視其所好
多方引誘教導獎勵使其精神恆注於斯此中自有至樂先
使之知再可言保不但可保且增益矣阮文達爲天一閣書
目作序勉其子孫廣爲收儲以成續編范氏亦無一人能繼
起者斯編一出不但爲書畫之光兼爲兩浙收藏家增色乎
重刻木厓文集序

近世之言散體文者必曰桐城師桐城者必曰方望溪侍郎
一傳而劉三傳而姚凡讀書人無不知之然方氏之友文名
相頡頏者曰戴潛虛而潛虛則師事潘蜀藻先生先生有木

厓集四卷荃孫受而讀之然後知桐城之淵源有自也先生
生長世族少飲香名前明諸生遭逢世變閉戶著書不求聞
達一舉博學鴻詞兩舉遺逸皆不就其爲文也尙體要而循
法度浩乎如雲浮空而莫可狀凜乎如星寒芒而不可干其
說理之言與其有得之言學識篤於程張而堅卓則子固峭
直則介甫焉何其懿歟桐城自前明以來田間編修之經術
孩未中丞之文學密之閣學之淹雅皆能各自成家先生承
師友之觀摩加以身世之閱歷精神一貫氣象萬千遂以開
潛虛之俊逸而望溪以之集大成者也著述散佚遺文僅存
裔孫壽培持以付梓而索序於荃孫嗚呼先生當陽九百六
之秋樂天知命投老巖阿嗚咽餘聲情傷家國今也時移世

易重度滄桑壽培以流離奔竄之身謀所以永其傳者欣世澤之縣長知貽謀之永久先生有知庶無憾乎先生又工於詩潛虛序載於集延平之合尤所望於壽培矣

意園文略序

光緒丙子荃孫應禮部試由文治庵錫厚庵兩丈得見意園與談板本源流蹊徑甚合後先入詞館稱同志焉

國家同治中興廓紘恢綱中外一心克殲大憝海內歛然羣望又安迺髮捻之禍大定而

宮闈之釁已萌倖竇漸開

朝政漸紊一二賢者大聲疾呼振聾發聵未嘗不稍有補苴而依草附木者流毛舉細故攻訐陰私亦雜出其間

朝廷敬之重之亦未嘗不厭之意園以朱鬱儀之博學劉子政之傷時又熟於

本朝故事大至朝章國憲小至一名一物皆能詳其沿革改革之本而因以推見前後治亂之迹苦心甚口調護焉匡救焉言者諄諄聽者藐藐詩人所詠古今同慨戊子典試山東至以立乎人之本朝而道不行恥也命題其情亦可憫矣自官祭酒以振興國學爲己任適同官爲翁常熟王長沙治舜臣諸公相與同志籌膏火節冗費廣課程嚴規則絃誦之聲蒸蒸日上人方以爲得行其志而乃使車甫返乞病開缺後見與張文襄公書蓋亦有不得已之情在耶家居十年啟門謝客攷訂古籍並三代秦漢彝器法書名畫以自娛樂暇則

出游丁酉躡雪飛狐戊戌浮渡徐水怡情巖壑貌託曠達實
由甲午之役朝議乖舛喪師失地重幣求和貽誚鄰國變法
議起僉人乘之樂禍幸災幾釀大變君以懿親盱衡當世內
外臣僚無可倚仗羣小離閒陰陽捭闔不測舉動卽在目睫
時勢日亟病亦日深慷慨感傷治不如法信陵密國同此隕
身嗚呼傷已君淬奮於學博聞強識其攷訂經史及中外輿
地皆精覈過人天下魁壘之士至京師者莫不望以爲歸壬
辰癸巳閒荃孫起復預君約消寒之會與嘉興沈乙盦談掌
故折衷於君終日不倦同人目爲談故三友甲午荃孫投劾
出都已亥又來購巴陵方氏書還南之前日話別於意園之
鬱華閣依依不捨欲行且止孰知此別竟成永訣迄今再至

池館如故斯人不作蟲沙猿鶴萬劫蒼茫後死匪幸徒增感
喟君所著撰八旗文經之外不自收拾子勤太守輯詩三卷
詞一卷名之曰鬱華閣遺集刻之武昌又得遺文十一篇章
奏十篇議一篇名之曰意園文略刻之金陵荃孫爰舉昔日
論交之雅故及意園有志匡時之苦衷聊以狀意園於萬一
至於文詞爾雅浩氣磅礴讀此集者自知之無俟荃孫之覲
縷也宣統二年歲次庚戌冬十一月江陰繆荃孫序

靜香書屋詩鈔序

三代經邦必先世祿孟子因有喬木世臣之喻蓋以強宗夾
輔根柢盤互枝葉蔥蘢有確乎不拔之操與國家盛衰相維
繫其先德立身行事必有彝型百世之思其後裔食德承家

亦有繩武千秋之想卽至代遠年湮文獻廢墜亦必尋繹於
舊姻新特之家爬梳於敗牘陳編之下掇拾一二如獲瓌寶
彙而存之以爲觀感則觀乎子孫之賢淑卽可卜世澤之綿
長矣史氏自漢著名溧陽至靜香先生因就姻遷常州代育
名流又爲吾常望先生工書善屬文試輒不利而名滿大江
南北所結交多知名士老輩如趙甌北洪稚存趙味辛三先
生交相推引集中有與董東亭庶常管松厓漕督劉檀橋庶
子相倡和皆常郡之名流也翁羽集鱗德星咸萃又嘗西游
三晉南度五羊行役所經觸目成詠無不稟經酌雅悅性怡
情就其文采自彰亦足爲後人取法今心銘太守世守規矩
寶藏弗失前曾印左侯與令祖士良觀察手書今又擬刻此

編可謂賢已夫王謝崔盧門第數百年而不變嘉言懿範史冊所傳實有度越尋常者其中略有變遷不能不藉國運教澤禮俗制度以貞存於大化之中若馬醫夏畦之子其祖若父生不爲人所知死不爲人所諱悠悠一世草木同腐無怪後起渺視前型亦有著作流傳墨痕猶溼雜之破書敗紙鬻之他姓弁髦視之殊不甚惜籍父無後木本水源之謂何視夫心銘賢不肖何如也歲在壬子七月江陰繆荃孫序

蔡浣霞證嚮齋詩序

桐鄉蔡君浣霞嘉道閒詩名藉甚昔年讀鄉先輩陸祁生管孝逸劉芙初周伯恬方彥聞諸集均與君有倡和之作詩話筆記常得短篇而以未見全集爲憾宣統辛亥荃孫重到京

師蔡璞如進士奉君舊藁見跡讀鶴君太守後序方知生前未及刊行兵燹再經清本屢失庚辰所刻亦輾轉而得之蓋天生異才不可一世撐腸拄腹之卷軸往古來今之情狀風雲花鳥之變態山城關河之閱歷無不託之於詩造物有知決無磨滅之理君治詩嚴四十前詩削不存間有存者皆與京邸名賢角逐壇坫羣相推許者所存不過二十分之一而無一側調曼聲靡其閒此則真不可及矣荃孫所尤羨者時際昇平人物孔阜有身世飄零之感無宇宙搖落之悲詩境澹蕩夷猶獨有中唐風範上不睹天寶之胡塵下不逮廣明之逆賊有杜之風骨不必存杜之面目至晚唐嗾殺之音更無從繞其筆端則時爲之也今崇百藥齋萬綠草堂尚綱堂夫

椒山館萬善花室無不流傳於世而以證嚮齋集殿之如笙
磬之同音如雲霞之麗色決不以後出而少貶其聲華況賢
子孫惠畱畿輔家傳科目璞如方且以刻工未盡精善急思
重刊行世表揚保護則陸管諸公有未逮焉故不辭而爲之
序宣統三年七月江陰繆荃孫識於雲自在堪

陶廬續憶補詠序

金粟香表兄撰陶廬雜憶續憶二百首荃孫曾序之矣甲辰
冬粟香又成續憶補詠百首郵寄金陵荃孫受而讀之不禁
有感焉夫士大夫當弱冠之年閱歷山河俯仰今古有不可
一世之概而顧瞻鄉井往往嫌其樸陋覺里巷閒無可與語
者迨夫游宦數十年距家數千里往往見土物而懷思聞鄉

音而出涕有不自知其所以然者迨乎垂老言歸故鄉數先
人耕讀之區經舊日釣游之所再三慨慕流連往復遂覺平
生足跡所至之處雖多可駭可愕轉不如鄉里之有真樂焉
蓋自少至壯壯至老人非一時而情緒亦非一時矣粟香此
詩專於小中見大靜中見理看似容易愈味愈深每一雒諷
輒令人神往不置至於述門風敘里俗憶故舊紀勝游其旨
與前詩同求之古人竹垞鴛湖之歌祁生懷人之什方臻此
等境界不知幾許醞釀而成非率爾操觚者所能道隻字也
光緒乙巳表弟繆荃孫序

周夢坡靈峰志序

出杭城湧金門九里循湖隄而行西溪之南玉泉之北徑曲

以邃地僻而險有山翼然曰靈峰有寺巋然曰靈峰寺是山
近接天竺遠達富春蓋發源於三天子都云青芝鵬右禮釋
子之奧區碧梧原邊撫名人之墓碣穹窿截嶠戍削峭嶙其
高四十有六丈近瞰西子湖遠眺錢塘江四達八窗十步九
折出循巖棧俯窺鵲巢高攀薜蘿遠引猿嘯林花著雨綉錦
覆於鏡中翠壁寒風孤雲度於簷外斯寺也創自東晉歷代
遞修輪奐猶新鐘唄不輟聽泉訪少岳之築眼雲賡東坡之
詩諸天岑寂常參白足之禪丈室清閒不入紅塵之擾峰高
市遠僧古客稀詞人藉以養心游女時來禮佛湖上諸刹此
焉最幽門前有道光時將軍固慶種梅百株庚辛兵劫無能
倖免烏程周君夢坡夙締佛緣常稱豪舉清修佛地前世德

雲最愛此山爲之修道築亭補種梅花三百樹盦曰補梅亭
曰來鶴泉苑掬月廊築抗風暗香疏影重尋石帚之詞雪後
水邊不減林逋之趣昔曾游者詫爲頓復舊觀中有人焉真
能別開生面夢坡又爲之搜往牒證舊聞作圖以張之徵題
詠以益之歷時數旬成志四卷曰山水曰名勝曰人物曰藝
文條舉件繫文縟詩清宛宛靈峰迨無遺憾昔赤松山志編
於倪守約武陵梵剎輯自吳之鯨莫不名重千秋書收四庫
西泠勝地名流所萃一山一寺皆有專書夢坡之輯是編晴
好雨奇藉志湖山之美香溫茶熟重申翰墨之緣固靈峰之
佳勝移情亦夢坡之風雅獨擅也僕戊戌初夏寓雲抱水邊
樓十日庚戌三春補游西溪獨遺靈峰殊爲憾事他日當坐

我妙高臺上飲湖光餐山滌琴樽相招謳詠互答當倍知此
志之佳也王子臘月江陰繆荃孫序

皖詞紀勝序

輿地詞章古人截然兩家有以輿地爲主而紀沿革述事實
兼及詩文者如輿地紀勝方輿勝覽等書是也有以詞章爲
主而專收一邑之詠古跡及投贈詩文者如天台巖陵會稽
掇英等集是也若乃地限以皖之一省文限以詞之一體則
程途較隘搜輯難周而猶能鈔錄成書考訂入古則其才高
學贍有非他人所能及者莫善於吾友徐子積餘之皖詞紀
勝矣皖省都邑丰昌關河重複岷江貫其中權濤霍峙其兩
界固神皋之隩宅亦水國之名邦招皖公之翠色先入壽杯

聽硤石之波聲穿來殘壘八公蒼莽人驅草木之兵九子連
蜷獨擅東南之秀插嶺岼之一柱雲髻峩峩瀉激澨之雙溪
殺文疊疊卅六峰黃山挺出繪壁成圖一千頃翠瀾卷回酌
神奏曲魚臺跡古漫說莊周牛渚亭寒人懷溫嶠以及堂尋
姑孰泉酌玻璃南則風花時節日極凌歊北則飛絮闌干神
馳潁水凡當前之景物亘古常新入佳客之吟哦其神欲活
於以臨風琢句對月抽思情之厚足以當風謠境之真不啻
臨圖畫斯詞以地傳亦地以詞重也他若酒邊索笑座上生
春縱玉斲與酥凝歎風欺而雪壓龍團寄與夢未隔夫仙源
鴻信傳來愁不離夫粉淚尊前重敘忘前度之劉郎琴裏傳
神謝老來之黃九莫不句留勝境鼓舞豪情本屬駢支非同

疣贅是冊分府編輯體例固已秩如文采亦復蔚若在輿地
家爲別調在詞章家爲正宗也積餘清思浣月采色韻花抱
引商刻羽之才擅迴雪流風之技頡頏吾輩交推雋才今以
此編屬爲小序君誠好事恍探奇於齊雲采石之名區僕未
能歌尤不忘夫範水模山之雅意是爲序

藝風堂文漫存卷三

江陰繆荃孫

辛壬藁

文

孟子注疏四卷跋

宋刊本止存公孫丑上下四卷每半葉八行行大十六字小二十二字白口有刻工姓名擴廓皆避諱知其[○]宗時本佳處一豪不作一毫塞于不作塞乎吾聞之君子不以天下儉其親無也字而泰山惟恐兩處已同今本矣字大悅目紙光玉潔可寶之至此本已無章指可見宋本有無章指者不盡由於明本脫落也

四書纂疏十卷跋

宋趙順孫纂延宋刊本每半葉九行行二十字小字同擠行則不拘高七寸五分寬四寸七分白口單邊口上只云某卷不載書名上有大小字數下有工人姓名亦有無者諱字有避有不避有希字有擠字刻成改之猶是本人自訂之本此書止有宋刻元明未聞覆本通志堂刻顧伊人注云汲古閣宋本卽此書也卷末毛氏家藏白文方印精而且真紙墨均佳似無疑義惜缺首冊毛氏圖書當不止此

宋本五代史記跋

代

宋歐陽文忠公五代史記七十四卷南宋刻本每半葉十二行行二十二字小字不等高五寸六分寬三寸六分白口下有刻工姓名止一字提行空格維謹避諱如敬玄朗匡胤恒

曠侂栢均作不成字有各本俱誤而此獨正者如梁本紀第一楊行密入揚州楊不作揚可見宋時無作揚者晉本紀第一以幽涿薊檀順瀛莫蔚朔雲應新媯儒武寰州人于契丹莫各本作漠按莫州亦可作鄭不當作漠均爲上文瀛字而誤梁家人傳全昱視之顧太祖曰朱三你作得否此是當時語氣劉知幾所謂眞事也各本作爾語氣太文李金全傳引弓射善射者各本脫一射字閩世家王倓唐相溥之子各本作淡按淡字與溥均從水旁父子異派以倓爲是四夷附錄一四樓足以娛老各本作西樓按上文言東西南北四樓不當專言西樓四夷附錄二水曰瓠瓠河各本作壺盧字稍涉俗四夷附錄三又西渡陷河伐檉置水中乃渡各本作冰中

誤有與各本異文而可備考證者如唐本紀六明宗父名電
各本均作霓孟知祥使朱滉來各本均作滉唐家人傳莊宗
六弟存確按郭璞江賦礪砢礪確注皆水激石嶮峻之貌各
本均作確唐臣傳第十二乃遣殿直都知馬胤各本作范温
王鎔傳館於梅子園各本作海子四夷附錄三莊宗遣司農
卿鄭續采各本作鄭績有以他本作證而獨是者周臣傳治
君之用監本作治國之君五代史纂誤亦同是吳所見本尙
不如此本之善馮暉傳裨將樂元福曰各本作藥元福殿本
考證云一本作樂與此合按歐陽修新史本云五代史記吳
縝纂誤汪文盛刻本均同監本落去記字遂與辭史無別舊
刻存於今者止有宋十行十九字本元宗文書院本明南監

初印本再次則汪文盛本此書尺寸獨小字畫清挺與丁氏八千卷樓小字晉書爲自來收藏家所未見之書宜都楊君惺吾得自日本輾轉歸予謹爲影刊以貽當世讀書同志

至元嘉禾志跋

至元嘉禾志三十二卷元徐碩撰志修於至元甲申爲元混一江南之五年刻於至元戊子徐先生爲郡博士承檄纂修敘次簡潔每條加以攷證爲他志所無碑碣多至十一卷題詠六卷而不立官師一志使前人宦績無傳而碩里貫亦未能詳志中但紀其咸_淳四年陳文龍榜甲科及修學修宣公書院二事而已而郡幕單慶路推翟汝弼刊板之劉傑亦無所考未免遺憾此書止有傳鈔中多殘缺荃孫先得上海徐

紫珊舊鈔本李升來年丈校以畧里瞿氏藏本雖有佳字殘
缺正同上海市中復過錄海_(補)管芷湘庭芬校本芷湖据桐
鄉馮孟亭浩嘉興沈雙湖叔埏張叔未廷濟戴松門光曾秀
水章益齋全錢味根聚仁六家本彙校并据趙府志松府志
崇德海鹽志補綴雖訛字甚多而實有裨益如嘉興路毛家
橋下本接烏盆橋今据戴本以環聚堂之五十六行移正顯
濟廟記脫一葉據章本補之朱行先志劉深志据澈水續志
補之橋道記缺一葉從李昌齡樂善錄補之州學大鼎考据
戴本補之均有來歷可以據依郡人乙盦沈君爰付之梓以
餉邑人荃孫校訖略述其指宋澈水志八卷附刊於後此志
多收碑碣昔賢所稱頌然存於今不過呂祖謙宣公書院記

黃夢高觀頤堂記顧亭林感夢伽藍記不及十種金石之壽不如楮堅幸而搜輯閱富後人得考見前人事迹焉結一廬藏有宋張元成志五卷未知存否如能求得更爲完善矣乙盦其有意乎

唐貞觀條舉氏族事件卷跋

右唐貞觀八年條舉氏族事件一卷前半斷爛後半奏云八十五郡今止六十八郡失去十七郡奏云三百八十八姓是爲甲族今止存并州晉陽郡起至末共二百五十七姓失去一百四十一姓其中尙有缺遺者如太原十一姓止存閭鮮于令狐尉遲四姓濮州河內郡九姓止存宋司馬苟向浩（序）于東尋八姓潞州河南郡七姓止存賀蘭（巳）士穆祝五姓譙

國郡八姓止存戴夏侯桓嵇曹婁龐七姓州郡字有訛缺者
岱當作代太原郡州上缺字當作并州路州路當作潞河澗
郡澗當作閒錐鹿郡錐當作鉅河南郡潞州潞當作洛南陽
十姓南陽下落郡字無州名南陽當作鄧州鄧州宜重下有
州張樂趙滕井何同鄧姬十姓鄧是州名而鄧是姓州亦是
姓司馬貞三皇記云州子姜姓之後而鄧亦南陽著姓也①
農郡郟州唐無郟州疑當爲郭郭與號通卽號州也滎陽郡
四姓滎當作滎東來郡三姓來當作萊州上缺字當是萊字
誰國郡八姓當作譙國郡亳州亳當作亳齊陽郡三姓齊當
作濟陽當作陰汝南郡七姓州上缺字當脫豫字漢陽郡六
姓漢州漢當作濮濟比郡一姓比當作北洛州洛當作淄淄

在濟北平陽一姓兗州平陽下落郡字兗州不應有平陽郡
疑是濟陽之誤成陽郡二姓州上缺字當作沂州下逕郡四
姓泗州逕當作邳東苑四姓苑當作莞虞陽郡三姓揚州陽
當作陵長城郡一姓胡州胡當作湖吳郡四姓豫州豫當作
蘇吳興郡七姓胡州胡當作湖餘唐郡三姓杭州唐當作杭
舟陽郡三姓舟當作丹武陵郡下州上字脫當作朗州長沙
郡四姓譚州譚當作潭有姓氏缺訛者并州令孤氏孤當作
狐潞州樊氏當作樊冀州歐陽氏當作歐陽邢州魏氏當作
魏虢州賁氏或作晉廣韻云唐叔虞之後以晉爲氏鄧州滕
氏當作滕姬當作姬毫州桓氏桓當作桓豫州表氏表當作
袁濮州表氏表見姓苑濟州糸氏當作桑兗州功氏博古圖

周有功仲之槃是周有功氏郡字當作邵廣韻云邵公爽之
後樂安高氏當作商姓譜攷云商容之後徐州引氏見姓苑
受氏姓解魏書有受酋氏或單舉一字與泗州囹氏當作國
齊有國氏鄭亦有國氏越州鍾離當作鍾離杭州臧氏臧當
作戚婺州婺當作婺茹氏當作列氏周有列氏洮氏當作姚
栝州瀨氏當作賴武陵供氏供當作拱辨證撫州臨川多此
姓仵氏路史楚公族有仵氏後云營門雜戶慕容商賈之屬
慕容卽豆盧爲歸正人之通稱亦可云雜戶近存元和姓纂
尙多相合惜非完書至寰宇記所舉姓氏已大相逕庭矣末
紀大蕃歲次丙辰後三月庚午朔十六日乙酉曾國唐氏苾
芻悟真記丙辰爲唐文宗開成元年中國閏五月蕃閏三月

歷法不同河隴瓜沙自肅代陷蕃至此已六十七年尙取大唐氏族勘定書之遺民不忘故國之思匪易驟變而字迹潦草脫落錯訛觸處皆是唐人禮教漸滅殊盡土地爲人所奪陵夷遂至如此可不懼哉

容齋隨筆續筆跋

右容齋隨筆續筆三十二卷宋嘉定刊本每半葉十行行二十一字高七寸二分寬五寸五分白口口上有刻工姓名每題下四格卷後書名空兩行印本極早日本鞠山文庫所藏荊州田監督伏侯載以歸以馬刻校之止十三卷中落一行續筆目錄落一目及總目後凡二百四十九則一條續筆卷十四尹文子條蓋晉宋時細人所作細不誤衲卷十六計然

意林條如伊尹不以一衣與人亦不取一衣於人不誤介今
意林作介今以孟子改之此爲至善其餘好處亦不甚多此
本向以沁水李瀚本會通館活字本爲最善馬本自序云向
得沁水李公不全本又得友人殘本彙而刻之乃其校訂並
不甚謬可知前輩讀書之博用力之勤矣學部圖書館止存
二冊一隨筆四卷一四筆五卷行款同而有高德乙亥補板
中貞元貞觀貞定貞惠並作正桓公作威公魏徵作魏證殷
武作商武顓頊作顓帝慎戒作謹戒完顏亮作元顏亮至匡
朗勛樹^㊀讓殷徵則缺筆慎貞桓缺中二畫又與他宋本不
同抬寫如先朝諱號提行上字有提行有不提行二筆銅雀
瓦硯先公亦提行例均不一隨筆續筆序後接文不空四筆

則空後目錄後文均另起惜止存兩筆圖書館有四筆五卷
瞿氏有續筆十六卷存於天壤間者如斯而已

夷堅志再跋

宋洪文敏公夷堅志甲至癸二百卷每字二十卷支甲至支
癸一百卷三甲至三癸一百卷四甲四乙二十卷每字十卷
共四百二十卷宋藝文志收夷堅志六十卷小注用乙丙兩
志又夷堅志八十卷小注丁戊己庚志既不全載四百二十
卷只收一百四十卷丁戊己庚四志八十卷與每字二十卷
合乙丙兩志不能及六十卷或四十之誤今只存甲集至丁
集八十卷

四庫所收之五十卷卽坊本之二十卷敝藏明鈔本之十卷

已具前跋再攷倪闇公燦補宋史藝文志別署夷堅支志七十卷小注存甲乙丙丁戊庚癸七志三志三十卷注己辛壬三志似卽据此流傳之本陸刻原書八十卷約十二三葉爲一卷巾箱本約九十餘葉爲一冊以爲兩卷則太多如以爲十卷則又太少殊不可解國史經籍志收王質夷堅別志二十四卷金元好問之續夷堅志二卷澄江思善堂所刊湖海新聞夷堅續志前後集皆與洪書無涉也

游宦紀聞跋

游宦紀聞十卷藍格鈔本前世南自序後紹定李發先跋與鮑刻盧抱經校本合然有絕勝盧校處如卷一圖經本草條菱角曰芟此本作菱角曰芟實似當作菱角曰芟烏頭曰芟

實一脫其下一脫其上翡翠屑條偶見一醫僧元達此本作
醫生卷三犀出永昌條黔螺特牯黔謂無紋螺謂螺旋特紋
細牯紋大而勻或每一粒紋尖上更有一眼者佳也鈔本特
字下牯字下或字下均加一謂字語氣較足卷三請紫姑仙
條扣功名大略此本作扣以功名大略卷四福之永福山條
西則晦藹亦乏大觀此本乏作云卷五辨博書畫古器條以
黃蠟塗勻儼如枕角此本作魴角左太沖三都賦序條抑左
氏攷方志草木之未精耶此本作未精審也卷六秦會之當
軸此招權之常態此本作相權之常態高麗國條所塵名品
別且染濡此本作別具染濡卷八黃公銖條正雨後梨花幽
豔白悔恩恩過了寒食此本作自悔卷九望予戟決藩籬此

本作望矛戟餘如胡虜改強敵狄字改敵此是通例盧校云各刻俱誤而此本不誤者岩昌不作岩昌劉燾不作劉壽越恭公鈞不作鈞可見此本之佳至訛誤處甚多是舊鈔通病兩通字亦俱未拈出也

冷齋夜話跋

冷齋夜話十卷元刊本半葉九行行十七字高四寸八分廣三寸二分白口雙邊目錄後有跋牌子兩行至正癸未春暮新刊三衢石林葉敦印黃蕘圃跋云所見本以此爲最古惜是坊刻故多訛舛荃孫先得舊鈔本其中有空白字此本破體訛字觸目皆是并以龔字分作龍共二字然空白字均補足亦一快事又書目刻本與鈔本不合前目又與書中目不

台然提要云或尤沓過甚或拙鄙不文並舉郡亭廟及韋應物寄全椒道人詩則與此本同書中訛淵材語並無劉字是此目爲後人所加鈔本目較雅亦爲後人所改無疑矣禁蛇開井方僅存末一行鈔本無之并去其目而宋所收亦此本今從墨客揮犀補足禁蛇開井一段可謂完善矣

續夷堅志跋

荃孫初得巾箱本二卷繼得陽泉山莊本四卷張肩齋序云原出余秋室手書本余本刻於大梁心竊慕之後覓得余本字畫之雅刊印之精頗寶愛之壬子二月沈君乙盦以舊鈔見眎分前後二集不分四卷則其書在前可知目錄後有些齷叟跋後集目錄後有石民瞻跋未有金史文藝傳王東起

跋宋无跋吳道輔詩孫道明跋亦不似余本之雜次後集宣
靖越播之兆不完缺女真黃日本國冠服焦燧業報孔孟之後
五條鈔本亦缺而項王廟下有廣甯寺鐘石椿大火永安錢
三條則各本所無也訛字如張童入冥一條撤館甌撤不誤
撒鬼市一條閉目不敢視開目又見見上無不字闕大憑婦
語一條渠有布有絹不落弟二有字神人方一條斫青蒿一
握蒿不作松內庫藏龍一條見舌作蒲背形背不作稽麻姑
乞樹一條嘗於海濱得百丈魚得不作浮抱陽二龍一條宋
崇儀使宋不誤來措牙方一條得此方於麟府折守府不誤
撫神救甄帥軍一條又到全人頭山昔人不誤入臨淄道院
一條高緯緯不誤偉海島婦一條王內翰元仲黃華之父也

之父不誤老人至可疑之字則以朱摹識之京娘墓一條僕
有指京娘墓窩楊者點楊字高監償債一條求相紹繼點紹
繼二字陵川人祈仙一條劉元方卿點方卿二字疑作劉元
卿方又如巽齊之識一條以門名色瑞似有誤字溺死鬼一
條祕水焦符材說祕水疑作泌水或作沁獵犬一條興州下
空二格刻本作羣犬不如空格存疑王處存墓一條青龍蝸
蝸疑當作窩北人山
中環抱處皆云窩 碣字誤一行墓石記一條自管湖州刺
史遷濟州管州金屬河東路今靜樂縣嶽尤城條亦有管州
湖字衍據余序讀易樓藏本二卷因宋王二跋強分四卷殊
嫌武斷矣前集一百有三條後集一百有六條不全者一條
有目無文者四條實存二百有五條較他本多三條亦可稱

善本矣江陰繆荃孫跋

廣甯寺鐘

廣甯寺有巨鐘一日撞之

之無不駭懼有告寺僧曰

石椿大火

泰和八年冬京師大悲門

餘日乃止明年大火延燒

世南所書千手眼大悲門

近云

永安錢

海陵天德初卜宅於燕建

時得古錢地中亦曰永安 千朝議以爲瑞乃取長安例地
名永安改東平中都縣曰汝 永安曰芝田中都永安
坊曰長甯然亦不知永安一千何代所用錢也

頤堂文集跋

頤堂文集影宋寫本每半葉十行行十八字高六寸寬四寸
五分單邊白口板心記頤堂集幾後有乾道壬辰六月王撫
幹宅謹記一行書刻圓湛爲宋本之上駟頤字晦叔一字頤
堂遂甯人隱居不仕著述今存碧雞漫志及糖霜譜二種柯
維騏宋史藝文志載頤堂集五十七卷今存一卷爲賦卷二
三四爲古詩卷五爲近體然敏求記亦止五卷大約所存止
此文全佚補錄近山堂記碧雞漫志序二篇夷三惠宗

師盤石修載晦叔作碑記七八百字入頤堂集中久佚矣詞
存廿一闕半塘侍御欲刻未成句登天一閣見藍格明鈔本
亦與之合

翠微南征錄跋

昔年爲劉蕙石參議校刻翠微南征錄所据

文瀾閣傳鈔本上皇帝書卷首五言古卷一七言古卷二五
言律卷三七言律卷四至卷七七言絕卷八卷九五排律卷
十雜記卷十一又池州近年活字本兩本參校而刻之去年
見郎趙客黑口本未收得壬子正月傅君沅叔以鮑綠飲鈔
勞平甫校本見跡亦十一卷卷一上皇帝書二卷以下爲古
今體詩古詩先七古後五古律詩亦然終之以絕句平甫跋

甚推重荃孫細爲校讐勞跋所云趙刻析上書爲首卷而於
皇帝上加宗二字則似後人追述之辭矣原本於當時宵
小姓氏頗有空缺宋時刊行尙有避忌因而諱之而郎以明
嘉靖閒王崇志本改竄填補又大加刪削竟至失其本真編
詩爲十卷古律俱以五言冠七言此似可也然原本七古中
傷春一首柴氏一首通體五字末結以七字前人多有此體
郎以入之五古遂刪去末句四字以合其格重失作者本意
是則不免截鶴之譏焉且於題下注往往刪繁就簡時又入
攙他書以亂之愛古者似不應爾也所論甚正然劉刻以
閣本爲主編刻與勞本異詩注與勞本多同並非多從郎刻
至上書刪節之故郎在國初世多忌諱大約郎氏刪改

四庫因之勞從後村千家詩補八首今亦補錄於後

春暮

後村千家詩一

此詩見卷九五律中此僅上半當刪

冬暖

後村千家詩二補

天不雨霜雪朝曦與暮霞江梅呈臘蕊巖桂又冬花

傷春

後村千家詩一補

盡把春工付祝融東皇歸去太華宮稜稜山色聳蒼玉湛湛
波光浸碧銅楊柳入天鳩要雨海棠落地蝶嫌風好將杖履
西園看萬紫千紅一夜空

右載傷春之下是否華作未可知也姑附於此下又有二

首係華詩

春暮

後村千家詩一補

買春無計託花神
費盡榆錢不計緡
風絮飛成三徑雪
雨犁翻動一園春

三月湖天春晝長
東風飄暖草浮光
櫻桃熟後游人倦
柳絮飛時燕子忙

麥髯豆莢雨生肥
閒綠園林粉蝶飛
賸真好花安四壁
不教人道是春歸

重九後村千家詩四
此詩見卷六七律中
此祇割其半當

鷗後村千家詩十九補

隨潮鷗鳥往來頻
百十爲羣立水濱
多怪朝來無一箇
高飛想是避漁人

徐公文集跋

宋徐公文集三十卷徐鉉撰宋刊本每半葉十行行十九字
高七寸二分寬五寸八分白口單邊口下有刻工姓名字徑
四分宋刊宋印藏經箋作面宋羅紋紙作護葉字畫清明古
香醜鵠誠天壤閒驚人祕笈也首行徐公文集卷弟一次行
東海徐鉉每卷有目連屬篇目前有天禧元年十一月三司
戶部判官朝散大夫行尙書都官員外郎上護軍胡克順進
書表及宋眞宗答敕消化四年祕書郎陳彭年序末有大中
祥符九年太常丞集賢校理晏殊後序及紹興十九年右朝
議大夫知明州徐琛跋附錄一卷則行狀及李昉所作墓志
李至等所作輓詞祭文也陸存齋所得鈔本原出於此惟陸
跋作東海徐鉉撰衍一撰字荃孫藏金亦陶鈔本亦出於此

跋云徐騎省文集近世鮮有刻者此本係虞山錢宗伯於崇禎閒從史館印摹南宋本字頗大予縮以小字鈔存之集中稱今上御名者高宗名構也太祖諱匡僧太祖之父仁祖諱弘殷眞宗諱恆仁宗諱貞英宗諱曙故其字皆闕一筆太宗諱炁神宗諱頊欽宗諱桓如敬鏡竟貞徵勛署完諸字亦闕一筆者蓋諱嫌也今悉仍之但原鈔非出通人故舛譌甚多惜無善本校對錄竟爲之悵然迂齋金侃識惟此書刊自紹興而行狀一卷字體迥別疑孝宗朝補刊締構所構均作太上御名戒慎慎字作御名全書不如此金跋尙未詳也各家書目著錄向無刻本此本自元入明文淵閣此書在閣時祇裝十冊每冊首一方印又首尾二長方印今悉遭割棄而分

爲十二冊裝潢以小紙條襯於面上最不適用緊國初風氣
必是歸傳是樓時以掩其盜閣書之迹行狀後有應奉危素
讀一過七字墨蹟再入定邸庚子散出歸寶希濂太守今歸
吾友董授經手跋一通以志眼福

第一卷闕詩九首當不止一葉各本皆同

藏春集跋

元劉文貞藏春集明處州府馬廷彥得商文定公類藁校正
歲在天順辛巳馬偉後序首行藏春集卷弟一次行中書參
知政事魯國文定公左山商挺孟卿類藁三行中順大夫浙
江處州府知府瀛海馬偉廷彥校正四行七言律詩是第一
刻也文中擡寫空格是依商藁之舊非緝元板予藏微波榭

鈔本出自後人重刻首行劉太傅藏春集已與此刻不侔官
銜兩行亦去之僅畱後序字句亦閒有不同是重刻時得模
黏之字從而誤填者又止有七律七絕兩體詞一卷而鳳林
書院詞選兩首未采入名臣事略載野齋李公序亦無之是
亦未全之本此刻又
缺七葉

虞道園學古錄跋

虞道園學古錄五十卷考後至元庚辰道園年六十九臨川
李本伯宗黃鍾仲律來訪先生於山中編文二百餘篇明年
李黃乃與先生幼子翁歸編成學古錄卷一至二十曰在朝
藁二十一至二十六曰應制錄二十七至四十四曰歸田藁
四十五至五十曰方外藁至正元年閩憲僉幹克莊刻於福

建每半葉十三行行二十三字黑口版心或刊道園學古錄
幾或刊學古幾學多作孝錄多作彙有至正元年門人李本
跋至正丙戌道園年七十五江西肅政廉訪使鎰伯溫編道
園類藁亦五十卷刊於江西撫州建安劉氏覆刻每半葉九行行二十字黑
口大字與西湖書院本之文類相仿歐陽玄序文手書上版
並有牒撫州府文撫州府總管詹天麟附識明景泰七年鄭
達知崑山縣過太倉之興福寺得建本於寺僧陳公與主簿
南海黃仕達捐貲刻於東禪寺四閱月而畢工有鄭達序成
化初年葉文莊公盛從道園四世孫吳江虞湜就手書鈎摹
序文并書札附入鄭刻學古錄之上葉跋可憑不知是類藁
序非學古錄序然則元至正刻無序有李本跋景泰本有鄭

達序歐陽玄序重增目錄並詩文三十八首分增各卷之後
在卷外空三行另葉張金吾謂鄭達增入者類是嘉靖本將
各文附入卷中而目不增序跋皆同總之學古錄是小字類
藁是大字截然兩書陸存齋不知小字大字之別有學古錄
類藁之不同而以劉伯溫改爲大字而重刊之混兩爲一其
誤顯然然葉文莊已誤是類藁在明初且不易得矣惜缺卷
廿一至廿四廿八至三十六四十四至四十六共十六卷明
文淵閣書目十一冊今存八冊愛日精廬有鈔本共五十卷
荃孫自藏舊鈔八冊序目雖全文則專錄學古所缺非完書
矣

四庫未收錢辛楣補元藝文志無卷數想亦未見書也道園

遺藁有題劉伯溫行卷詩又有宿周氏東齋聞饒以和李本
夜話詩

道園遺藁跋

元刊本每半葉十行行二十字高五寸四分寬四寸八分小
黑口單邊從孫堪輯於學古錄翰林珠玉外得詩七百餘首
編爲五卷樂府一卷共六卷吳江金伯祥刻之其子鏐手書
至正十四年五月堪跋本有楊椿黃潛兩序此脫黃蕤圃手
摹黃潛序補卷三內二詩後加一跋原委甚晰

石田集跋

元刊本每半葉十行行二十一字高七寸二分寬四寸五分
黑口雙邊字多行體訛錯亦多淮東路學刊本首有至元五

年淮東道肅政廉訪司事古揚州路總管符刊板牒有王守誠陳旅蘇天爵序後有附錄虞集桐鄉阡碑許有壬撰神道碑作石田山房記爲一卷有松下清齋朱文長印芷齋圖籍朱文方印海鹽張載華手書所謂涉園張氏也載華字佩兼曾輯初白庵詩評

剡源文鈔跋

剡源文鈔四卷共六十八篇黎洲先生之所選也黎洲昇門人范石窗刻之板久不存道光甲午鄞芝山盧鎬重刻之所得慈谿鄭耐生鈔本耐生自跋馮登府跋均不知康熙時有刻本今觀此書刻自海昌花山馬寒中所謂道古樓馬氏是也寒中本姓朱後改馬朱竹垞謂之家寒中朱日觀謂之從

子可證葉鞠裳所謂桑海之際改易姓名有難言者荃孫得朱竹垞手鈔徐常侍集有朱馬朱白文印並未諱言朱氏非因易代而然此書較盧本多送鉛山王亦銑歸鄉序送謝仲潛序兩篇共七十篇而板刻精審畫段圈點頗顯精神勝於盧刻多矣耐生柳東不知此刻足見流傳之少而何義門所見分甲乙丙丁四卷者祇六十五篇其目絕不相同更屬難得刻源之文縈迂迴旋有潦盡潭清之致大約宗歐陽文而得其清腴如蘇之峭厲韓之雄直則無有也爰補二文及朱日觀仲安兩序藏之並過錄圈點時宣統庚戌二月

圭齋集跋

歐陽圭齋文集十五卷附錄一卷自公子佑持所編二十四

卷之書散佚五世孫俊質翁搜輯散亡得成是編而長子銘季子鏞付梓成化庚寅彭時跋安成劉鈺再跋附錄張起巖撰碑文危素撰行狀二篇有天順五年彭時吳節兩跋黃堯圃跋云先得此本後得陶五柳本鈔補揭奚斯序神道碑後彭吳兩跋劉鈺校刊跋並極爲推重蓋孫此本與堯圃本缺失同漫漶亦同卽同時所印之書惟沈西離以揭序之歐陽先生集名出處與圭齋全不相合並非圭齋詆爲銘鏞之誤收王西莊先生云圭齋年八十五據宋潛溪序言公集百餘冊毀於兵是集不過辛卯至丁酉七年中所作則是七十九歲至八十五歲作也年已荒耄所作無一可觀況閱卷第一篇天馬賦卽系登進士試作則知掇拾殘贖隨其所入人之

不盡七年中作然圭齋久享大名碑版序跋掇拾集外可得四十餘篇居全集四分之一彙而刊之以存圭齋之真庶以望之楚南學者

滋溪文藁跋

滋溪文藁二十六卷至三十卷元刊本每半葉十一行行二十字高六寸五分寬四寸五分黑口雙邊雙魚尾字大幾及五分體在歐趙之間乃元刊之至精者各家書目均傳鈔本荃孫藏舊鈔本盧抱經先生朱筆點校已爲至善取此校閱一過訛脫尙多并有誤疑之處雖所存止五卷亦可謂難得之本矣

青陽集跋

青陽集九卷附錄二卷正統十年刊本黑口雙邊前有高穀
行書前八卷淮西門人郭奎子章編洪武初吳陵張君彥剛
付刊沅陵縣丞高誠訂正印行後張仲剛毅復輯續編一卷
忠節附錄二卷刻之卽此本也周香巖跋青陽集黃蕘圃校
過以此正統本爲最善別本皆不及所有夾籤係別本補錄
聊備參攷不可據以補入嘉慶己未九月三日漱六居士周
錫瓚記前有崦西草堂朱文方印汪士鐘藏白文長印後有
南陽叔子苞印白文二泉朱文兩方印則葉奕苞汪闥原也
荃孫向藏正德辛巳刊本作五卷詩文續得者均散入各卷
之內附刻止存元史青陽書院記兩篇劉瑞序矣

姑蘇雜詠跋

明高啟撰洪武四年刻本分書自序每半葉十行行二十字
高四寸五分寬四寸黑口雙邊首行題姑蘇雜詠次行高啟
季迪著後學殷鏜校刊二行補刻末一葉亦補刻增入憩龍
山二詩小注憩龍卽鏜之新阡也偶闕大石志得此二首故
并錄之大石在陽山湧出山腰如蓮花志明中葉人所撰撰人
俟考既見此志似非明初人矣然大全集以前單刻本無不絕
佳況爲各名家遞藏尤爲瓊寶無疑藏印有馬印思贊白文
小方印紅藥山房攷藏私印朱文長方印思贊朱文小長方
印振宜珍藏滄葦朱文兩方印滄葦朱文大方印振宜白文
小印汪繹別字東山朱文庚辰狀元白文兩大方印稽瑞樓
白文小長印蓉鏡收藏白文芙初女士姚晚真印朱文兩方

印晚芳女士朱文長印清河朱文小方印在處有神物護持
朱文方印蓉鏡朱文小印芙初女史朱文姚印晚真白文兩
方印佛桑仙館白文方印香草山房藏本朱文長印貽典白
文秋葺朱文兩方印芭孫朱文方印墨琴朱文小長印飛雨
樓白文大長方印前有孫子瀟後有席佩蘭小款蔣伯生題
款黃琴六跋

元音跋

元音明本半葉十一行行二十一字高五寸六分寬四寸二
分黑口單邊前有洪武甲子烏斯道序稱雷波孫厚理彙輯
又存曾用藏印稱爲定海張達所刻末題辛巳九月下泮
而空其年號兩字辛巳爲建文三年殆以靖難革除刊削其

板蓋猶明初本也各家著錄皆鈔本荃孫亦有舊鈔刊本則初次寓目每卷前空三行有翰林院印知爲翰林院散出借止存半部後有禮部姚鼐跋

有學集跋

牧齋尙書初學集一百十卷瞿忠宣公爲刊於崇禎癸未入

國朝所撰未刻藁手編五十卷本初學集舊例名曰有學

集在從孫遵王處流傳於後無錫鄒流綺漪刻於康熙甲辰

是第一刻也鄒又刻吳梅村綬寇紀略借名吳伯成興祚序

伯成控諸有司至燬其版此集遂同燬矣

趙刻敏求記假博王露序亦經官燬

版康熙乙丑梁溪金匱山房重刻此集增入題跋雜文爲卷

五十一各卷亦有增入是第二刻也今得初刻原本而目與

文不合文之篇葉又不合小號有云一至五者有云六至十
四者抽換改易悉數難終略可補綴亦未能照目敘入而以
二刻之增入者彙次於後隨又得莫君楚生所藏舊鈔本亦
五十卷而投筆集一百八首編入第十二卷刻時撤去僅存
後秋興八首重刻又撤去字句改者甚多及次序大不相同
有錢氏大昕白文方印而無跋當時禁書未敢著筆也

陳皇士太僕啟禎兩朝遺詩錄跋

啟禎兩朝遺詩八卷長洲陳濟生撰濟生字皇士號定叔陳
文莊公仁錫之子以蔭歷官至太僕寺丞娶顧賓璠官蔭生
同應之女備人先生之姊婿也以天啟乙丑丙寅之際羅逆
奄禍以死者爲一類崇禎時殉國難者爲一類乙丙以遺起

義死肥遯終者爲一類人各有詩詩繫以傳是中州集河汾諸老遺詩一派格式亦與中州集同始於癸巳爲順治十二年成於乙未爲順治十四年皇士表章忠義網羅遺佚雖具苦心實干法網身故之後尙以此書爲人所訐致甯人先生投山東獄自辨僅而得免邇時姜元衡出首之書一百二十餘葉沈天甫出首之書三百一十六葉今武昌陳仕可參事所藏八卷共四百三十二葉有有詩無傳者有有傳無詩者又存畱之傳大半明史有傳之人恐抽燬業已不少惟是二百餘年尙有最足之本流傳在世固爲人所不料諸先生詩無集甚多片語隻字得之不易在天英爽固亦式憑然非仕可之勤於搜訪亦不能及見耳

皇士有再
生紀略

康熙五年萊州卽墨縣故兵部黃公家僕黃寬之孫黃瓚之子本名黃元衡順治己丑進士授內翰林揭告其主原任錦衣衛都指揮使黃培見任浦江縣黃坦見任鳳陽府推官黃貞麟等二十四人逆詩一案出首書二冊計一百二十餘葉六月奉旨發督撫親審七年正月三十日撫院審時有云忠節錄卽啟禎集一書陳濟生所作係崑山顧甯人到黃家搜輯發刻者各行原籍逮證

康熙六年沈天甫夏麟奇呂本葉大合夥偽造此書假已故陳濟生之名而羅江南北之名士巨室於其中以爲披害之具又偽造閣輔吳甡一序以騙詐其子見任中書吳元棗銀二千兩因未給將此書出首計三百一十六葉

按兩書卽是一書沈天甫出首三百餘人今止一百一十六人且多死於明朝黃宗昌傳已無有或沈天甫多所屨入斥爲偽造或督撫不欲與大獄株連多人先自燬去亦未可知是時去浙江明史案不過四年沈天甫踵吳之榮之故智督撫正法沈天甫四人案遂消滅小人害正反以自害而斯文之元氣藉以存畱國家陰受其福今安得此有擔當之督撫哉

校本六唐人集跋

聯珠集一卷馮補之据乾道本校半葉九行何義門覆核李

賀歌詩陸敕先据陳解元刻本校長江集敕先据南宋本校

臺閣集毛斧季据南宋本校半葉九行唐英集敕先据述古

行十六字

堂鈔本校唐風集三卷斧季據北宋本校

半葉十三行
行二十一

字

覆校今乾道本聯珠集由虞山歸荃孫與校本絲毫脗合誤字亦同足見前輩校讐之精而他本之佳亦可知矣毛刻四唐人詩在毛刻爲最精而改換行款喜易古字異本標一作用于下邇時參合各本擇善而從後來盧抱經孫淵如墨守此派較先則據一宋本筆筆描似卽訛字亦從之縮宋本於今日所謂下眞蹟一等者後來黃蕘圃汪闔源墨守此派兩派一屬校讐一屬賞鑑均士林之導師也各本均初印荃孫亦取毛本照臨一過印本稍後唐風半已刊改虎賁中郎典型尙在讀書者自能領會之唐風署^之默攝提格^元唐英署癸巳^{順治}李賀長江均署癸卯^{康熙}臺閣署甲辰^{康熙}皆在

甲申之後諸君只書甲子不書年號蓋以遺民自命也至義門覆校聯珠則大書康熙辛卯矣東海揚塵滄桑又見不自知涕之何從也壬子正月九日

蘆川詞跋

明鈔蘆川詞二卷黃蕘圃舊藏每半葉七行行十三字字大如錢前有何義門跋蕘圃先得鈔本後得宋本撤去補寫之葉而影宋本以補加跋至八段並識兩詩亦可云愛之至矣宋藝文志作二卷書錄解題作一卷宋時本自兩行此與宋本由黃歸畧里瞿氏由瞿氏歸豐順丁氏今歸吾友張菊生假我錄副校訖讀何跋言心友得此冊於錢遵王家因檢讀書敏求記舊鈔足本詞曲類末條云張元幹蘆川詞二卷匏

庵先生手書詞中多呼不字爲府字與府同押蓋閩音也趙

本條阮本題存長半字字此手書詞中多味否字爲府與舞下缺然則此書

爲吳文定公手書其板心無功甫字者爲後人所補字跡迥

不合蕘圃未檢敏求記一經拈出愈爲是書增重宋本仍在

瞿氏此書亦從瞿氏流出書後有裕齋印朱文方印卽鐵

琴銅劍樓舊名也壬子九秋江陰繆荃孫跋

首闕賀新郎過蒼溪尙許垂綸否風浩蕩欲飛舉上闕末

二字醉中舞卽敏求記所謂閩音也宋人彙本口上往往

標其字如江西詩派饒節操集署倚松三公類藁之署南

塘梅亭皆口上特標兩字又何疑乎功甫

明本拜月亭記跋

拜月亭記元施君美撰何元朗謂勝於琵琶王弇州不以爲然然琵琶襲舊太多與西廂同病且其曲無一句可入絃索拜月則字字穩帖與彈搗膠黏蓋南曲全本可上絃索者惟此耳至於走雨錯認拜月諸折俱問當往來不用賓白固爲高手卽旦兒髻雲堆小曲在少不知愁摹擬閨秀嬌憨情態活脫逼真琵琶咽糠描真亦佳終不及也沈德符云向曾與王房仲談此曲渠亦謂乃翁持論未確且云不特別調之佳卽如聶古陀滿爭遷都俱是兩人胸臆見解絕無奏疏套子亦非今人所解予深服其言若西廂才華富贍非詞大本未有能繼之者終是肉勝於骨所以讓月亭一頭地月亭後小半已爲俗工刪改非復舊本矣今細閱拜新月以後無一詞可入

選者便知此語非謬至王靜庵以雙手擘開生死路二語据
小說爲明太祖撰句證其非元人太祖自僧爲盜目不知書
此等事相襲甚多皆非事實不足爲證至拜月改爲幽閨約
在明末萬曆癸巳吳中諸公子習武爲江南朱撫軍所訐謂
諸公子且反其贈答詩云君實有心追季布蓬門無計託朱
家以實謀反確證時三相皆吳越人恐上遂信爲真急疏請
行撫按會勘虛實朱已去任代之者爲解曰拜月亭曲中陀
滿興福投蔣世隆蔣因有此句畚贈非勅作者因取坊間刻
本證之果然諸公子獄始漸解王房仲亦諸公子中一人也
今新舊刻本俱無此一聯豈大獄興時憎其連累削去此二
句耶或云拜月初無是詩特解紛者詭爲此說以代聊城矢

耳邇時尚未改幽閨記荃孫所得李卓吾批評本已作幽閨
記亦無季布朱家二語足證解紛之說開場沁園春是大字
第一折緱山月以下五闕未移喜遷鶯杏花天小桃紅三闕
亦無之只前圖尙存一葉半前半葉是走雨全葉是杵衣光
景書中無此情景書口又明書幽閨記卷上又非他書雜訂
質之靜庵以爲何如

翁覃谿行樂十二圖跋

大興翁覃谿先生行樂十二圖作一冊一曰滕王閣乾隆己
卯典江西試先生年廿五歲有七律一詩不載集中一曰黃
鶴樓乾隆壬午典湖北試先生年廿八有千古題詩到崔李
國朝制義重熊劉一聯一曰閱江樓望七星巖有七古詩見

集中以上小影無鬚一曰藥洲乾隆辛卯九月先生典學廣東之八年將交代時年三十七像始有鬚有詩不載集中一曰棲霞疊浪崖乾隆己亥典試江南事先生年四十五一曰澄海樓乾隆癸卯出關年四十九有詩見集中一曰棲賢望五老峰歲在丁未先生典江西差之次年年五十四在棲賢寺望五老峰真廬山正面也一曰蠡勺亭歲在壬子先生典山左學年五十九詩見集中以上八圖均出使在外登覽之作一曰直閣曝書記官

文淵閣直閣事時祕閣曝書等事一曰奎堂閱卷記癸卯秋闈典試順天事一曰校勘諸錄一曰攷訂金石則先生常課也先生處

國家全盛之時膺文學侍從之職輶車頻出勝友如雲等身年登大耋目窮山水之勝心結翰墨之緣百年之有餘慕今也文集三十五卷刊於閩中詩七十卷分刊師福建又重刊於粵東卽片紙隻字藝林奉爲瓌寶昔先生手藁四十餘冊詩文未刻甚多鈔出詩二十四卷百篇錄存一目今易主非解事者大約沈蕙矣昔見藥子以其圖近匠工遂未購真今觀此圖與藥洲卷卽一繪或先生門客所爲非畫家也宣統庚戌江陰後學繆記

藝風堂文別存卷三

癸
甲
膏
赤

藝風堂文漫存目

癸甲稿

卷一 詩

癸丑二月樊園探杏限東韻 題王文簡公與林吉人
手札 三月三日善化相國約同人樊園修禊今年距
永和蘭亭是二十七癸丑用工部麗人行韻 同人又
以莫春之月天朗氣清惠風和暢分韻得莫字 六月
十二日山谷生日會於泊園乙厂主之出觀宋刻編年
詩注用詩中七古原韻爲題因次李之純少監惠研韻
答謝同人壽詩 題高翰生金泉修書圖 九日雲
起樓登高 送梁心海之西陵 題邊袖石前輩詩

詞手稿 題明葉天寥先生遺象 題劉蔥石枕雷閣

圖 漁洋生日分韻得尙字 雜詠 題無功道人釜

麓歸耕圖 魴魚 題吳絅齋學士九鐘精舍圖 止

庵相公招飲小桃源主人出家藏印心石屋圖繪全器

款客卽席以陶字爲韻 消寒第六集精忠柏斷片歌

甲寅正月二十日朱念陶招同人祝唐白太傅生辰

續舉九老會 荃孫 年七十有一預坐賦詩 題全謝山

先生象 赴松江 到家 到京示同人 示甘遜

和吳甘遜韻 吳甘遜原唱 題吳甘遜藏毛鈔石藥

爾雅 九月九日次陶集閒居韻 重游崇效寺觀紅

杏青松卷 消寒第七集題湯貞愍公夫婦子女畫冊

題顧亭林先生象 題董香光墨跡 詠史 北齊

小樂府 明季小樂府

卷二 碑 傳 序

光祿大夫雲貴總督吳公神道碑 陳燮卿觀察傳

贈光祿劉紫回水部家傳 劉母邱太夫人傳 徐叔

雅榮祿家傳 鞠錄齋稿序 錢鐵江大令清風室文

集序 元郭退思椽史雲山日記序 玉海堂叢書序

影宋巾箱本叢書序 適園叢書序 吳石潛鐵書

序 鹽法通志序 陶廬續憶序 古學彙刊序 徐

叔雅風月廬臚稿序 韞玉樓遺稿序 劉語石無長

物齊詞存序 家衡甫初蘭齋文集序 繆氏蘭陵世

譜序錄

卷三 考書記跋

漢經師家法考 嘉祐七史考 平水板本考 與沈
子培書 華亭韓氏藏書記 周湘舫造金剛經塔記
蜀石經殘本跋 易林注跋 大戴禮記跋 樂書
跋 平水巾箱本爾雅跋 方言跋 桂氏說文義證
原刻跋 史記集解跋 史記跋 南齊書跋 輿地
紀勝跋 道德經跋 南華真經跋 淮南子節本跋
五代史平話跋

卷四 跋贊

陶淵明集跋 東坡先生和陶淵明詩跋 鮑氏集跋

李翰林集跋 杜陵詩史跋 柳柳州外集跋 鉅
鹿東觀集跋 王臨川集跋 魏鶴山大全集跋 黃
文獻公文集跋 伯生詩續編跋 東維子集跋 坡
門酬唱集跋 錢衍石定廬集跋 明文文肅公手札
跋 翁覃谿分撰提要稿本跋 書楊和甫遺墨後
自題象贊

藝風堂文漫存卷一

江陰繆荃孫

癸卯藁

詩

癸丑二月樊園探杏限東韻

江南二月披和風樊園花事春融融主人好花兼好客樓臺
虛敞閒庭空花光炤眼紅不定山杏絢爛疏籬東消息早知
新雨足色香恰好斜陽烘小正特書圍有見道園細譜風入
松穿林蠟屐有餘興百步芳草青蒙茸座上名流皆舊雨恍
如身到長安中論齒不才忝居首飄蕭白髮真衰翁黍離麥
秀歌慷慨畫禪書蠹談從容張鐙賭酒足豪放興酣一往拈
詩筒新詩明日駱驛至景文開府當同工他時結實應餉我

異種或出蓬萊宮

藝文類聚有蓬萊杏

題王文簡公與林吉人手札

書律詩聲音與唐苦吟一字費商量天生愛好成標格字字

珍珠夜有光

千古騷壇負盛名虞山而下數新城李何一派原私淑清瘦

于鱗是後身

用吳修齡語

三月三日善化相國約同人樊園修禊今年距永和蘭亭是

二十七癸丑用工部麗人行韻

上巳雨晴天宇新元老開閣宴故人永和勝事記憶真分體

分韻取次勻廿七癸丑同陽春名流角逐鳳與麟海棠絢爛

紅綻脣官柳婀娜青搖身遊敖相習情轉親桃源咫尺能避

秦絨詩天雁借河鱗卽此籌畫皆經綸會稽是時驚胡塵東

山高臥推國珍屈指草聖兼經神隋志周易繫辭二卷謝萬撰後之談者

尤津津流觴左右能幾巡狂醉或吐丞相齒我欲歸采荅湖

蘋有水可釣車可巾曠達夙師劉伯倫埽除得失消喜嗔

同人又以莫春之月天朗氣清惠風和暢分韻得莫字

良辰逢上巳春光已云莫勝會數蘭亭中外咸傾慕今年又

癸丑屈指廿七度雅集固盛傳法書尤廣布是時晉南遷玉

步已非故西垂宣武驕北伐深源誤聊借觴詠娛藉申曠達

趣吾儕方苦兵佳日猶覓句蠟屐惜無山鶯花方滿樹靖節

記桃源召平老瓜圃烹飪五侯合塵囊四美具迴憶咸豐初

江南墮妖霧已失金陵城復斷譙山戍前癸丑二月十二日江

壤奪倒篋篋殺戮及婦孺恩恩六十年兵革還再遇傷哉歷
窮途何日得安堵世事險絃絲浮生高葉露懷古情更深訂
盟景相附風憶永和清酒依金谷數

六月十二日山谷生日會於泊園乙厂主之出觀宋刻編年
詩注用詩中七古原韻為題因次李之純少監惠研韻

江城六月涼如秋主人提壺勸不休瓣香雙井作雅集軒宇

靜穆林塘幽詩人中讒走瘴地未能導養追安期浮正零落

斯文在天壤萬古不廢真山正乙厂募古如慕羶百千神怪

叢筆頭出入天心穿月脇瘦筋勁骨鑄窮愁膚詞掃盡真理

出貫弗今古摧時流蘇齋自誇獲三注紬刻草草非深求散

原得詩君得文紹興道祖本供冥搜乙厂先得宋刊三注詩本又得黃太史前

集爲紹興鐫板年譜卅卷須復古庶幾一洗西江羞孫營撰乾道補葉之本十卷明嘉靖本尙存其真萬曆并爲十四卷翁刻本亦從之四庫本又并爲三卷廟堂本又以嘉定己巳爲咸豐己巳須重刻舊籍正之

答謝同人壽詩

茫茫人海萃千愁虛度年華七十秋名姓祇能隨紙尾行藏

轉恐問刀頭久避海上彥回高壽誠非福席帽席帽山人元王逢自號山

陰在江吞聲不解憂多謝諸君勞見愛枉將樗櫟費雕鏤

前詩已成復得五六十字謂之自壽可謂之自挽亦可

七品歸田儼釣師自知入世不相宜可憐漏盡鐘鳴日又值

天荒地老時學步隨園徒自悔抗心蕘圃亦難追一生艸艸

無成就空負霜眉與雪髭

題高翰生金泉修書圖

揮塵譚經憶昔年萬閒廣廈兩名泉泉聲如舊名流逝話到

齊州便惘然

光緒辛巳東撫張勤果公聘予主講濼源兼修通志時孫佩南主金泉精舍與趙青衫法小山

時相過從勤果薨逝予亦因病回京今諸君均歸道山矣

轉瞬滄桑百變更閉門點勘擁書楹聊城楊精粹臨清徐富

赫赫東方三大名

齊東金石冠垓垓昔日儀徵勒鉅編百二十年君繼作可憐

與我了無緣

昔修通志金石一門僣辨續志志所無者體例一準前編志所有者僅存目錄並辨誤補考待

訪目

九日雲起樓登高

簾卷西風萬木凋危樓百尺入層霄側身天地空千古放眼

關河又一朝老去詩篇多漫與愁來樽酒總無聊重陽舊事
休尋索三五吟朋伴寂寥

浮雲西北是長安塵世緣知插腳難出入自由同狗竇升沈
不定諂猴冠故園松菊秋心老滿地干戈海色寒麥秀黍離
歌慷慨南中風物盡凭闌

送梁心海之

西陵

昔年風範邳都鷹閱歷名場擅九能皋羽詩歌悲故國亭林
涕淚灑諸陵窮邊驛堠朝飛雪古道關河夜蹋冰松柏歲寒
衰直節丰裁愈老愈峻嶒

題邊袖石前輩詩詞手藁

少年幕府中詞館我與先生蹤迹同宰相薦賢

天特簡遂收保障汴南功

先生為文文恪公薦舉得召對

一鐙午夜雨如絲細讀空青絕妙詞白石玉田傳法乳聞聲

卅載樹相思

光緒乙亥編書目答問南皮師屬以空青詞入詞家今甫得讀全詞相隔四十餘年矣

手藁猶存一尺餘吳興體雜率更書清門零落休傷感掇拾

叢殘勝定廬

同治庚午晤令子竹潭於都門詩詞有家法竹潭歿於浙遺書遂盡出矣錢衍石給諫定廬集

殘藁李菊農重次之為之刊行不如公集之手定也

題明葉天寥先生遺像

竺乾風範義熙民骨相峻嶒面目真紀歲特書監國^麻入林

猶是宰官身夢中兒女仍如舊眼底河山忽斬新一樣嘯鵑

桑海恨可憐頻歲滯風塵

甲行日注用監國大統^麻

題劉蔥石枕雷閣圖

龍頭鳳臆綴花綾唐代流傳雅樂徵摩詰崑崙俱闕寂宮中
還有鄭中丞

孔

東塘

願天石

同時逞异才人間樂府出新裁一時搬演桃

花扇百載沈霾小忽雷

舊曲新鐫萬眾知居然寶器亦隨之小雷躍出大雷繼正是

劉郎得意時

入雲高閣滬江濱斜枕紗檀拭蜀塵紅袖添香勤愛護賞音
猶似舊宮人

漁洋生日分韻得尙字

我朝詩人數宗匠新城尙書孰與抗今日恰逢揆攬期二百

八十年相望公生崇禎歲甲戌北敵南寇無佳貺劫火一瞥

值盛時才名四播隨仙仗潛參王李去浮夸顯摩中晚徵宗

尚代興詩憶錢受之愛好名儕朱錫鬯橫山獨往得真傳確

士別裁發高唱後來作者矜性靈欲埽前型墮語障蘇齋集

內亦有詩苦辨蓮洋髓語妄分來一瓣熱心香飲不三蕉供

越釀公量最小何時得見禪悅圖是否全同坡老相復初題漁洋禪悅圖云象

與坡公相似

雜詠

豫章外集探根源難得乾淳舊槩存朱敦儒李彤校勘名尚

在可憐零落舊清門黃堯圃跋豫章先生外集出自江陰楊文定公家有楊敦厚圖書

馬蹏秋水誦蒙莊佳帙傳來篤壽堂有項氏印不料熙豐新學盛

居然郭象換王雱

何義門集江陰公車游廟市以五錢銀購莊子一部郭象序改署王雱真北宋本

赤岸東頭西舜城兩家藏弄最知名不圖因學留殘卷裨助

閻何校勘精

潛北因學紀聞跋在江陰得舊家鈔本殘卷以爲補其未備喜甚義門尺牘云借與大德本此

老草草一
閱卽還

一幅重屏合作圖虎孫考證未模糊宣和畫譜清河舫傳到

江陰夏一駒

李後主周文矩合作重屏圖論畫絕句宣和畫譜清河舫均載之江陰夏一駒所藏

題無功道人釜麓歸耕圖

治譜今初卸田家我夙諳煙霞雙足健禮教一肩擔勁節陶

元亮清風鄭所南半生攻著述大可補農談

憶昔壺觴聚臨流共舉杯異書猶未睹警報忽頻來

辛亥八月廿二

日觴君十刹海之酒樓仲節季樵同坐儼赴圖書館看宋元板書忽得警電遂別去桑海收殘淚昆池

話劫灰西山猶舊態展卷有餘哀

魴魚

河鯉河魴外登盤美莫加問名徵爾雅

爾雅鰓鱣刀注今之魴魚也亦呼魴魚

產地證棲霞

北江詩話刀魚以江棲霞港為第一

解凍隨湖信鵬波愛日華

天晴則大上冷則少

腮紅膏欲滴鱗白玉無瑕刈草真虛語

御覽望如魚側如刀

可以刈草

含漿亦浪誇

鄭注鱣刀含漿之屬

貫宜尋柳葉清可配蘆芽水次

嬌難活明前候不差

清明後則刺硬味亦少差

上腴饒酒客俊味羨漁家

魚鱗有油非漁舟不能嘗

品與清流並筵無俗士諱飫心脂滑膩棘口刺

槎枒形似慙湖鱗

太湖中相似者曰湖鱗

分肥只渚蝦東坡詩句好流

水送桃花

題吳綱齋學士九鐘精舍圖

八磚精舍嘉禾張九鐘精舍吳鏡塘清寧疏簾清永畫摩挲
吉金餐古香十鐘主人陳篋齋九鐘主人吳紉齋兩賢相距
數十載妮古意氣稱同儕我朝金石學未易屈指數西清
壽兩鉅編豈慕宣和稱博古翁阮徐葉諸城劉寶持款識同
琳瑯考訂各物釋文字傳形識篆無時休延陵一家最宏富
海南中丞稱領袖侃叔精審子苾多平齋恆軒相左右綱齋
淹雅真通儒翰林同志袁鄭朱編鐘半堵東魯出考訂真爲
經說郭煙塵倏起日月蝕鐘虞震驚天失色宮廷法物半飄
零會見銅駝臥荆棘墨寶流傳夜有光鄭會邵鐘同攷藏魯
遷訖今數十載銅仙應感屢滄桑

止庵相公招飲小桃源主人出家藏印心石屋圖繪全器款

客即席以陶字為韻

天寒木落風蕭颯相公觴客浮春醪盤盂奪目同球刀重器
出自安化陶印心石室高岩堯

宣皇宮禁揮霜豪石湖鶴山慶所遭臣也一例殊恩叨廿年

江左麾旌旄吳民久沐郇伯膏繪圖分詠羣仙翺荆關韓蔡

新樣燒每器記一地與官廚肅客常魚羔益陽督部聲望高

冰清玉潤皆人豪文孫保守猶堅牢令人賞玩心目勞郎家

善仿宣成窯耶廷極造阮家鋤月梅花描阮文達公側室劉

器鋤月山何如此器衰夔臯傳杯雅集儕官僚吁嗟乎滄桑

陵谷又一朝名臣事業悲風飄天家法物街市拋清門世澤

珍璠瑤妖星熠熠吳楚郊瓦全相率山澤逃避秦何處源尋

桃賓筵宴樂舖醕糟長篇鉅製追風騷我亦舐墨投詩瓢

消寒第六集精忠柏斷片歌

潔如寒玉勁如鐵何年老幹風吹折拔地參天氣尙存中藏
烈士星星血柏臺飭紀齊萬民將軍手植柔條新一木猶思
支大廈風波獄起冤難伸此時此柏饒生意吸露擎雲蔭垂
地秦頭太重日無光喬木世臣先自棄將軍已死柏樹枯柏
亦如人正氣扶東洛松楸霜月冷西湖花柳春風蘇可憐樹
倒糊孫散慟哭冬青朝市換莓苔皴剝疑篆書留與文房作
珍玩棲霞嶺下王之祠風吹不轉森南枝一般草木分榮辱
游客猶譏兮檜屍

甲寅正月二十日朱念陶招同人祝唐白太傅生辰續舉九

老會荃孫年七十有一預坐賦詩

樂天生自唐中葉不是開天全盛時壽到期頤思竹馬心非

朋黨羨泥龜名流佳日多茶隱

阮文達同生日年年有詩題云於某地茶隱

末世

狂徒託酒悲甘露變生恩怨盡消搖世外自吟詩

滬濱好客朱公叔良夜羣星聚一筵腰笛坐中吹李委牙琴
海上契成連敢云觴詠追前哲驟歷滄桑厭大年別有傷心
人不識怕吟長慶舊詩篇

題全謝山先生象

梨洲授四明史學冠當代先生尤卓犖識見越流輩微言兼
大義抗論必千載事蹟辨是非人材儼進退上可繼毛朱下
足開錢戴走也私淑殷遺書頗津逮祠堂拜公象靜挹溫和

態祠在四明西關陸漁笙梁君再示我又若聆馨欬句餘搜

土音端谿有遺愛我願摹萬本瞻仰同泰岱

赴松江

閉關東海角忽忽已三年揮手出門去風光隨處鮮秋心來

雁外涼意到鷗邊行止惟吾適胸懷倍灑然

西風吹木末轉瞬得秋多微雨消殘暑流光付逝波炎涼覘

世變醪酌發高歌恒悟盈虛理吾甘老薜蘿

山色青於染當門見一峰石梁花外艇野寺午前鐘鶴唳文

人恨鱸香隱士蹤雲間原劇郡地力盡三農時杭稻將登場

天水遺珍籍來從士禮居清門傳祖視樸學守楹書錦暉留

身後牙籤出燼餘郁徐零替久世澤孰能如韓涿卿先生遺書幾將畧里羅

氏文孫子穀世守之
且編書目佳子弟也

到家

鍾山如識我不改舊時青城郭三年別兵戈兩度經壞牆留

舊迹

對門高壁
有鎗彈眼

戰血有餘腥不意蚩蚩俗都存桀鷲形

爾載昇平福無端社稷夷封豕歸債帥家室撞纖兒空抱中
興志都爲反噬資孤忠天不諒誤國恐難辭

蓬蒿高過額門巷認依稀亂世居難卜移家計已非書囊拋

冀壤畫篋長苔衣

事實

家國無窮恨臨風淚漫揮

六代繁華域傷心與昔殊松芟定林寺

半山寺古松
芟伐殆盡

水冷莫

愁湖發冢當塗令流民鄭俠圖江南稱勝地何計慰窮愚

到京示同人

視草西清舊蹟空浮漚身世歎途窮可憐鶴髮開元叟蹤迹
無端似牧翁

雲龍角逐少年場舊雨凋零史局荒一代興衰萬行淚後人

能否擬元遺山楊鐵崖

示甘遜

一別三秋久重逢喚奈何暮年來日短新鬼故人多謂蔣伯斧王并

鄭王孝難得鐵如意休言金叵羅重陽存舊約十日又先過禹諸君

和吳甘遜韻

橫流滄海已三年依舊吟情到酒邊慨我胸懷多悵觸視君
顏色倍鮮妍窮途屢歷冰霜劫亂世偏多翰墨緣黃菊青樽
猶昨日酩顏相對更陶然

吳甘遯原唱

滿城風雨來杯底一夢滄桑過枕邊用藝風舊句三度重陽增寂

寞兩開叢菊尚鮮妍亂離頓積無窮感文字能容再見緣紅

頰白髭還失笑詩情酒趣故依然

題吳甘遯藏毛鈔石藥爾雅

世重隱湖鈔蕘圃別成卷隱湖有心人後宋能推衍選書必

佳帙掄工皆上選提行前後同點畫幾微辨中郎不可見虎

賁成冠冕所以賞鑑家寶之若瑚璉石藥道家言書自李唐

顯吳君得此本愛玩加睇眄文苑落僮荒酒邊成禁鬱珠璣

十二幅寸心聊自遣

九月九日次陶集閒居韻

重九古佳節驅車訪友生一醉苦無緣強以登高名冒雨同

東坡坡和陶詩是日大雨愛菊殊淵明擊筑有餘哀擁鼻難成聲少壯

曾幾時候忽羅頽滯屨年命長坐視河山傾河山猶不固

何心計浮榮得失徇天意盛衰感物情今年困水旱翹首覘

西成

重游崇效寺觀紅杏青松卷

天花夜落誌公房虹月歸來挹古香卷予失去數年楊蔭伯宗丞贖歸仍昇寺僧高

義也百戰河山餘老衲智公明故將松杏之戰脫而歸禪故畫以見意千秋翰墨託空

王宣南掌故花仍在龔定庵詩此是宣南掌故花日下新聞志久荒荃孫昔年

隨筆日日下新聞甲午出都遂止往事不須悲御李昔年常與越縵先生同游市朝轉瞬

又滄桑

銷寒第七集題湯貞愍公夫婦子女畫冊

驢背將軍度斷橋吟詩作畫莫還朝一門忠義兼風雅點綴

江山又六朝

公有小印云六橋驢背故將軍及送金陵又鐫小印云六朝煙月騷人長

綠窗花雨舊藏春仙侶劉樊擬降真寫得一枝先寄遠梅花

香裏憶詩人

雙湖夫人止存詞兩首一寫梅寄九江一有句云綠窗花雨舊是藏春處

描真周昉擅風神袁浦名喧湯美人潑墨無端成幻戲媚豬

一一又橫陳

樂民以畫美人得名老年忽改而畫豬

好山無恙隔窗青祠宇依然薦醪醞取義成仁何所恨千秋

相伴有銀瓶

嘉名公第八女同殉於池

畫梅樓冊歸何處昔日七人今五人廿載韶光容易過調脂

吮墨亦傷神

公在靈工署中與雙湖夫人公子壽民右民樂民右民婦金花香女綠春人繪一幅積成十四

婦并跋云小女祇入齡未能握管也此冊作於辛丑右民夫婦緣春均離膝下而嘉名字碧春者即前跋之八齡幼女也

題顧亭林先生象

厄運遭陽九雄才冠大千天開新世界人是古英賢精衛思

填海離騷欲問天鬚眉眞栩栩曳杖總淒然

高風陶靖節治術賈長沙餘事攻經學浮生感歲華謔聲出

金石生計指桑麻最愛關中勝能安即是家北江詩話云先生詩有金石氣

史局求遺老鋒車旦夕徵禮賢辭几杖誓死辨刀繩枉札貽

規範微言示勸懲一朝文獻在拒絕又何曾先生雖不就徵常與史館諸公

函見集中

豈有徐東海張天如陳眉公尚不如東海請先生回故鄉先生須每年五百金又門

生故舊須位置者數十人并言庾文最蕭瑟梁竈謝吹噓又

某人書有云將歸尼父之轅恐近仙鸞之竈漢學開新派吳鄉棄舊居無兒何所

恨傳世有遺書

題董香光墨跡

華亭尙書今鍾王墨花零落霏古香方冊縱橫高尺許兩鬢
軒主曾收藏尙書揮毫紹南派圖開筆陣源流長行闢布分
舞燕折腕底變化神龍翔上追殘宋松雪趙下啟昭代天瓶
張三賢迭主敦槃會扶持元氣規晉唐忽焉小夫矜北學靡
崖造象搜琳琅擺脫規矩入險仄埽滌文采趨愴荒遂致人
心日蠶薄卽觀書法能猜詳我持此冊三歎息方知至美皆
尋常奇珍在篋勤保護夢坡室內騰英光

詠史

龍子作事非尋常腸肥腦滿琅琊王殺一漢耳天子弟誰知
此漢非儻荒交手卽亂軍自潰王命懸於斛律光家家作主
尙不免保母猖獗宰相盲桃枝慣作如許事光亦血染涼風
堂大家甘作龜茲國此王此相同淪亡

嗚呼亂世人道窮以人爲糧口腹充惜哉高陽七十翁一死
乃與醢雞同沐猴而冠甫脫口韓生命盡鼎鑊中周苛紀信
兩烈士甘赴火燄成長虹太公登俎幸而免林蕪分我驚愚
蒙睢陽巡遠則曰忠大業昂瓚則曰凶盜跣脯肝猶不足逆
賊朱粲雙眼紅吁嗟乎世間怪事無不有敲骨吸髓言之醜
可憐鳳翔三歲圍城中人肉賤於狗

朱溫圍鳳翔三年城中
人肉價百二十狗肉價

三百

北齊小樂府

南齊廿四年北齊廿八年天語賀六渾汝其王三川

王三川

頭長齒如玉獨識隊主高如何見山陵天子猶緋袍

九龍母

露頭兼袒膊奔走山谷中高王猶未死天子自英雄

英雄天子

盡失大河南猶作龜茲國不怕陳師強只怕周師逼

龜茲國

腸肥兼腦滿吾愛瑯琊王不殺陸令萱龍子亦尋常

瑯琊王

高末復高末漸漸周師盛天子縱無愁佳人難續命

高末歌

仰天引雕弓一箭落雙翼我倚此二婦便足擊劇賊

二婦勇

勇哉蘭陵王入陣何太深不能取宇文家事空關心

入陣曲

造象欲求福鋤奸思報國悲哉雀離院佛力救不得

雀離院

不作衝天王願使安於德可憐兩目耳終是周師得

衝天王

朕朕狗脚朕三拳朕受之試看拳落處可是元家兒

元家拳

今年周打冰明年齊打冰河冰自年年國勢不可憑

打河水

人生處亂世禍福無所避高乾賀拔允死於嫌疑地

反覆死

此人如尙在何得至平陽百升飛上天血濺涼風堂

涼風堂

韓陵破四胡邨陰擲頭顱天自生英傑焉能作腐儒

臣叔廉

中流十萬兵居然温太真朱瑒表已傳懷血爾何人

王琳恨

手持一壺酒遠勸李光州三百六十日亦有醒時不

一壺酒

產母夢風雷氣概何雄哉可憐寶行臺一去不復回

寶行臺

在上貴不驕君子防未萌慧童具卓識豈以辯給名

師羅對

魚鳥任留連好官思爛熟周公抱成王勸進一何速

官爛熟

清白貽子孫吾慕鄭公鄉石刻今猶在回首白雲堂

白雲堂

人生如寄耳行樂何愁爲崔張死直諫狗漢太無知

生如寄

河橋幕下歌神武手中酒鯁直亦何爲被人譬作狗

畜犬吠

侍書與侍讀先後俱封王可憐疥駱駝終老讀書堂

孔昭歎

欲答霸朝書須問崔孀母佞人偏好學直諫遂獲咎

崔孀母

不願作長史癡漢抗暴君如何閒數歲又盼嶽興雲

雲興嶽

三崔並二張不如一元康窮寇何弗追貽患空悲傷

邨山恨

我慕崔彥玄不擇清華地今若進兒曹與身亦何異

崔彥玄

粟殮并葵菜垂老終餓死名德何人知悲哉盧叔武

盧叔武

玉璽方頒詔眞珠竟造車清觴滿杯酌不久落黃花

黃花落

明季小樂府

迎福玉

京師亡天下震南都猶在人心奮理合傳檄東南置諸鎮聯
盟雁行進不然半壁思偷安可追宋高輿晉元奈何袖手咸
坐視北向未能發一矢不迎潞佛子轉迎福世子擁戴功成
拾青紫迎者誰馬士英拒者誰史本兵天心已定福王一諸
公紛紛亦何益

黔驢相

鬪用牛明用馬兩畜生亂天下馬非馬實黔驢技止此耳忘
崎嶇驢弟能敵馬兄乎主謀何人阮鬍子聽其穿鼻受驅使
乞生畏死仍懼凶何不蹈刃沙場終慷慨獨有楊文驄

馬士英迎

降又通書唐藩爲大軍所殺
楊龍友衢州戰歿

四鎮

左鎮敗賀鎮死健將只有黃鬪子翻天鶴乃賊中來二劉庸

庸何足數不進恢復策乃專擁戴功我我五等封爵崇淮南

淮北長城同降者降死者死戰血模黏板渚雲逆骸狼籍都

城市帶礪流傳二百年至今尚說歸命田黃得功於板渚戰歿劉澤清迎降

死於都市散秩大臣錫光田雄子孫仍襲侯爵馬蘭鎮總兵文瑞劉良佐子孫兩廣總督德壽耿仲明子孫

石巢園

詠懷堂懷甯鄉石巢園禱子稽避囂遠遁牛首陽獻花巖下

青豆房挑鐙譜曲彈絲箏音技不亞臧音叔與湯若士一錯

何妨認十錯陟變熱惱為清涼奈何諸君不我赦重題舊事

終參商一朝奮翮排天闔誓師素蟒重登場奈何國祚不久

長可憐伯詔走錢塘石巢園在金陵祖堂乃懷甯填曲之

所懷甯起戎政侍郎素蟒視師人謂

梨園變相北兵逼金陵人問變何所趨避懷備曰我必不學伯語走錢塘識者謂古無是語殆曲本上得來然懷備後正自浙入閩

作願案

魏奄誅定逆案闖賊亂作願案逆耶順耶今亦故先殺周鏞雷演祚兩人心迹未分明公必殺之罪何據仙霞關上鬼嘯風聲聲饒我呼介公石崖碎骨血濺紅歌聲猶繞氈帳中逆耶順耶將毋同懷備迎合大軍帥弁思得福建巡撫時在行帳唱曲以侑酒登仙霞關忽身蹉跌自語曰介公饒我送墮山下糜焉

復社

手裏一香珠口裏一天如復社名士如是乎留都防亂檄國門廣業文東林子弟張吾軍猶惜楊家少一人社事盛傳奇

毀板宗師令社事寒文聲陸呈告之夔周彈幸而阮鬚再起

明社終紛紛譏刺由諸公否則大起同文獄五十三參吾道

窮山中不穩猿鶴夢青衿一例皆沙蟲手裏一串香珠口裏

國門廣業會在南都舉行阮鬚再起告辭諸孟日寄語

山中諸君猿鶴夢穩決不起同文之獄也然大悲案內五十三參之說便思一網打盡

悲童妃

病已求故劍引光棄結髮伶仃九死兵閒來誰料君家到金

闕昔日猶存敵體恩今朝只願老長門縱令生活買顏子敢

望微軀偶至尊不下冊封詔乃置掖庭獄道途責貢稍恣睢

牢戶免身重穢辱廣選良家虛內主驚婚徧擾蘇杭土如花

玉貌冠三宮有人中夜淚如雨童妃事何敢偽認所言途中供給稍簡則推案大罵在獄

生子皆有
心誣蔑者

太子來

九門開九廟灰傳語主兒易衣躑躅行當街食人猛虎兼雄
虺江南千里何能來太子竟來舉朝震驚不敢到南都先達
杭州城云西之楚南之閩支離閃爍非人情太子真與偽先
驗東宮官端敬易文華出語何顛預高成木虎無心肝徒然
紛擾喧朝端近則黃得功遠則左良玉出疏固滋寰宇疑露
檄尤非國家福國家不幸妖孽興不笑仇讐生骨肉太子何
以能至
江南即使是真亦不能
讓位況欲之楚之閩乎

梅花嶺

欲保江南半壁須防大河南北區區保淮已無識何況揚州

近胸臆閣部品望宜治國倉卒治軍無羽翼況乎羣小萃君
側梁苑先聞高傑亡皖江又聽南南通倉皇四顧天無色一
死報君亦何益梅花嶺上拜忠魂冷香零落游燐碧

九江哀

良玉駐楚楚已殘破心豔江南富厚借題東下殺掠耳豈為太子哉

獻賊不能平鬪賊不能拒熊羆百萬武昌城觀望徘徊兩無
據忽聞太子陷圍扉借題東下真兵機那念仇敵思北伐但
聞豪富羨南畿君側誅奸晉陽甲上流聲勢英風歷吳頭楚
尾江東西千里盡遭龍漢劫烽煙狼籍九江城負國深於負
友生舊交只憶侯公子諍友先無喻大兄幕客空悲蘇與柳
忠言殊愧過天星

左後軍惠登相即過天星也良玉死約東所部不殺掠全軍歸北且日視若輩所為

我不如
作賊矣

錦樹林

風枝婀娜吹幽香
畫蘭名筆留山塘
手寫法華先刺舌
血痕縷縷難磨滅
早遇吳駿公
晚依鄭保御
落花飛絮兩無緣
情悰不爲春風誤
龍山錦樹淡斜曛
泉水琤琮不忍聞
徐后祁妃皆北去
尙留三尺道人墳

光帝選后徐氏錢虞山進之豫邸妃祁氏三綬諸生貞明女

歸敬謹親王阮氏諸生阮晉女大鍼宗人歸孔有德光選定三宮也

桃花扇

云亭山人歌一曲
故臣遺老相向哭
黍離麥秀是耶非
半爲美人半朝局
美人名重媚香樓
夫婿梁園第一流
勝地空傳桃葉渡
豔歌常在木蘭舟
聘錢十萬揮闌黨
駟僧安能事田
仰拚將熱血濺冰紈
幻出桃花紅澹蕩
舊院新亭涕淚頻
甘

從禪榻證前因杏花薦卷成佳話又作

④農夢裏人

扇藏商正宋氏

侯元標中鄉榜同考楊潮觀夢一女子囑留心桂花香卷子後得一表父有杏花時桂花香句蓋是年春鄉秋會也侯乃壯悔之孫一時喧傳李香君薦卷

藝風堂文漫存卷一

男僧保校字

藝風堂文漫存卷二

江陰繆荃孫

癸甲藁

碑傳序

光祿大夫雲貴總督吳公神道碑

自來國家純臣當危難之時力維大局不懼眾口初以弭定一方爲已任繼以不竟其事爲隱憾如雲貴總督錢塘吳公於咸豐丁巳當漢回構釁之時爲雲南全省計并爲天下大局計糾劾鉅紳黃琮竇埈撫勦兼施以紓目前之急雖省城大定而徧地皆賊兵驕餉竭摻拄兩年形神交困上鑒其忠許其引退迨後十五年天下敕○然後全滇肅清蓋苦於時勢之難爲非才智之不足而公則引以爲咎遺言

詔子孫弗爲碑志純臣之心後世當共諒之歲在甲寅清史
開館公之孫慶坻奉行狀來授簡荃孫言曰公有命不爲碑
志而事蹟罕傳於世迄今已四十年亦子孫之咎也敢乞文
以上史館子其無辭荃孫爰序而次之按狀公諱振楫字宜
甫號仲雲晚號再翁浙江錢塘人曾祖■郡庠生祖顥乾
隆己卯舉人遂昌縣訓導父昇乾隆癸卯舉人四川資州直
隸州候補知府三代皆以公貴

贈光祿大夫妣皆一品夫人公幼慧勤讀輒有神悟癸酉順
天鄉試舉人甲戌進士改庶吉士授編修戊寅大考二等己
卯充貴州鄉試副考官

宣宗御極 召見於乾清宮奏對稱

旨先充 實錄館纂修命充提調壬午京警

記名旋授雲南大理府知府請

訓日

上諭以南服遐荒當以重農貴穀爲首務公頓首受

命丁亥父憂服闋授山東登州府知府改沂州戊子調濟南
癸巳母憂服闋授安徽鳳陽府知府擢山東登萊青道以事
降一級己亥再授鳳陽府庚子調安慶辛丑擢貴州糧儲道
癸卯擢按察使戊申擢山西布政使調四川旋擢雲南巡撫
兼署總督乙卯調陝西巡撫丙辰授四川總督丁巳調雲貴
時道路梗塞駐曲靖一年兵事吏事一手籌決夜恆不寐入
省遂病屢瀕于危不得已而後去公之服官蓋終始於滇者

也歸途由蜀經鄖陽聞杭州陷改道入秦同治壬戌

詔起耆臣壽陽相國首荐之

命赴山西與巡撫籌辦河防又奉

命會同督師勝公保巡撫瑛公榮辦理陝西軍務旋引疾入
晉就養丁卯回里遂不出門庭蕭然無異寒素後二年庚午
十一月薨於家得年七十有九遺疏入奉

旨照總督例賜恤葬於邑東欽賢鄉將軍山公在秦撫時山
陝鹽課攤歸地丁課隨糧納數倍於昔秦民苦之公疏言課
歸地丁則駟儉得賣無課之鹽窮民倍納無鹽之課事大有
病於民請改行河東招販先課後鹽之法於國課民生兩有
裨益奏入 允行兩省編氓如釋重負至今猶爭尸祝焉在

大理嚴鷲粟之禁在黔立義學教孤寒子弟設紡織局興布帛之利在蜀續辦按糧津貼以佐軍糧停止牙帖以安商賈在滇加增銅廠鑄鑪以振砂丁止南掌貢使以恤屬國他人一節足以得名在公尙不能悉數也公蚤歲卽居清要旣壯膺外任暮年督師邊徼比致仕猶馳傳車往來秦晉間於齊於皖於蜀於滇黔先後皆再至民生之利害僚吏之賢否舉皆殫心竭力以求一是章疏所陳無片語虛僞故能以忠誠

結

主知雖言路交劾不爲動搢事後咸知所見者大浮議自息候官林文忠公早以明敏果練可當大任許公至是方知林言之不謬公工於詩尤嫻習國朝掌故所著花宜館詩十六

卷詞二卷養吉齋叢錄餘錄二十六卷黔語二卷均已刊行
配姚夫人早卒繼配王夫人亦先公卒附公墓子二長春燕
從二品山西道員次春燧殤女子三孫男七長文堉工部員
外郎次恩塚候選知州三榮埒四卽慶坻丙戌科進士改庶
吉士授編修湖南提學使五善埴六道坦七寶堅舉人曾孫
士鑑壬辰科進士及第授編修官侍講次士錢荃孫素服公
詩詞掌故之學又納交於慶坻士鑑爰爲銘曰

湖上看山城東結社公爲名士吟秋消夏 鑿坡簪筆 上
苑賞花公爲詞臣著作滿家籌霧瘴煙礮雲刀兩公爲疆臣
奠安土宇周旋賊黨引導材備公爲耆碩丰裁高峻處事接
物一以純誠諸葛謹慎士行恢宏數典杜鄭程詩屈宋息影

鄉閭告終家衡林泉岡道佳城穹窿雲飛華表日冷喬松迫
今卅年孫曾繼起勒銘無媿敬告悼史

陳燮卿觀察傳

君諱熾唐字少和號燮卿又號翁青同邑人曾祖宏度乾隆
癸丑進士候選知縣妣張氏祖沿候選按經歷妣華氏父式
金浙江候補同知三品封典富收藏工書畫同時名流咸稱
寄舫先生妣沙氏周氏君幼聰穎遭亂出亡未嘗廢學寄舫
先生極愛之君家本以豪富名報效軍糈接濟窮乏後經粵
匪之亂屋宇燬損壤地污萊幾有日下之勢寄舫先生於同
治丁卯暴卒君時年止十六入奉慈闈出禦外侮經營補救
漸以就緒又復下帷讀書攻苦不輟服闋應試入邑庠癸酉

南闈薦而未售光緒乙亥北闈中式丁丑以內閣中書到署
連得本衙門撰文

國史館詳校

誥敕房行走丙戌進士籤分工部營繕司主事派則例館纂
修丁亥考取出洋游歷人員派往英法兩國及屬邑阿爾吉
五印度等處著有游編數冊已丑差回值周太夫人年屆七
旬又蹉跌傷足先行乞假歸省冒險遊征身亦染恙遂以養
親爲心無復進取之志于是專人赴部陳情銷差光緒辛丑
張安圃督部撫山左招往幕府旋歷建德周玉山制軍光州
胡鼎臣中丞泗州楊文敬公涇縣吳贊臣中丞先後八年均
委總辦文案兼洋務局改官以道員候選二品銜花翎胡中

丞儼密保君辭之楊文敬儼奏簡學使君又辭之蓋以母氏
年高雖承特達之知然猶不忘奉養之志乞歸旋里遂終不
出宣統初元覃恩君由二品銜候選道加一級請三代從一
品封典正值太夫人稱九十之觴

國恩家慶萃於一時世族之榮通邑豔之庚戌太夫人棄養君
盡哀盡禮旣抱風木之悲後值滄桑之變憂愁摧折目擊心
傷而病亦不可爲矣以壬子十月二十一日卒於家年六十
有一君任事嚴整主講禮延西郊兩書院時朝政維新初改
試時務策論君論古證今以不背聖經王道之宗旨及門如
吳增甲祝廷華沙亮功繆炳組陳錫琨章錫奎諸人均獲雋
卽以西郊一隅亦捷陳經吳棫二人至山東辦課吏館分刑

律洋務河工諸門館課文字親加改削一如書院頌聲日起
寄舫先生撓適園隱存家祠之意君十餘年來補廊培屋移
樹濬池漸漸恢復舊觀並自集句爲聯曰處陰休影處靜息
跡爲烏植林爲魚鑿潭胸次曠達已可想見壬子二月安奉
祖先神位於廳事承先志也自寄舫先生以畫名君童卽兼
習繪事師事吳冠英文所學日進在家養疴十餘年專以山
水自遣筆意遠師石谷近倣鹿牀同時如曲阜孔燕庭上公
合肥李新吾太史常州惲次遠侍郎丹徒丁叔衡太守無錫
秦岐臣金匱華若溪兩明經常熟潘卣南廣文皆與君爲畫
友太傅翁相國專緘乞君繪還碑圖其爲名流推服如此君
配沙氏繼配何氏子名璋保知州遇缺選用名發庠生花翎

二品銜湖北補用道名琇同知銜分省補用知縣名珂五品銜分省補用知縣女三長適張文鳳次適王樹績三未字孫三以浦名瑄出以源名琇出以渭名發出女六

繆荃孫曰光緒丙戌會試吾邑通籍者三人則君與吳嚶初侍御及吾弟柚岑戶部也覆試均一等殿試均二甲前列朝考君與柚岑二等遂以主事分部志目中眉不無怏怏次年考游歷各國人員君與柚岑同入選君游英法柚岑游俄已丑前後回國柚岑由陸道走恰克圖君游印度至粵往返十餘萬里途分水陸時歷冬夏度密越阻炎風朔雪又復詳其要害志其風俗日則游探夜則考證與優游使館雍容樽俎者勞逸不可同日語柚岑數年卽死君病亦未脫體豈偶然

哉三人中止待御入居言路出掌文衡爲最得意然而身後蕭條有人所難言者柚岑今遺一孤孫熒熒不能自活惟君優游壽考子孫熾昌不亦得天獨厚歟

贈光祿劉紫回水部家傳

君諱安瀾字紫回姓劉氏先世由上虞遷烏程之南潯遂爲烏程人曾祖元吉祖煥章尙義好施與鄉里稱善人父諱鏞候選員外郎

贈光祿大夫四子君其長也幼時避亂海上年十四旋里奮志讀書卓然思與古人抗衡越二歲赴童子試受知於丁大宗師補博士弟子員自是益自刻厲於書無所不讀廢寢忘餐一意著述猶以兩親在堂勉力於科舉文字以期獲雋而

娛親心光緒己卯例就郎中籤分工部虞衡司行走君意氣
軒爽負不可一世之概而虛衷求益樂與當代名士游若嘉
定徐相國及其姪季和侍郎嘉興許文肅公同鄉焉修龔閔
學會稽陶子珍秀水朱詠裳兩太史仁和許石卿太守研推
問學幾無虛日所詣遂日進也君嘗謂 國朝學術遠邁前
古卽詩家者流有謂不及前明者然 國初至雍乾風氣未
漓不乏成家之作卽三家詩出以後亦有不隨流俗卓然獨
立可抗古人不有以最錄之抉擇之時有文采磨滅之憂而
虞山之吾炙漁洋之感舊其年之篋衍僅錄師友著撰沈歸
愚之別裁王德夫之詩傳略爲博大均止於乾嘉時未爲完
備若熙朝雅頌江蘇詩徵檇李詩繫之類更囿於一隅矣於

是博徵羣籍託始順治下訖同光手輯 國朝詩萃一書於
諸家略加芟擇而尤於高人逸士埋晦無聞者以網羅爲職
志與鈔所寫歷有年載期以成有清一代之詩史其聞考訂
精審小傳表章作者仕履兼及逸事與郭于宮之全金詩顧
俠君之元詩選可與並論已復應京兆秋試又不售乙酉再
試南闈與弟澄如同厲杭垣未及入闈驟患白疹數日歿於
旅廡年甫二十有九臨沒深以詩萃屬草盈篋爲一生心力
所聚未及寫定屬諸弟俾完厥志同時學人無不惜之君無
子以弟之長子承幹爲子年甫四齡君生時所最愛者承幹
旣長紹君書香有聲庠序聞亦善交當世名流歲庚戌捐助
湖北水災振欸由護理鄂督楊制軍奏建樂善好施坊又值

今上踐阼薄海內外俱蒙渥澤承幹爲君請一品封典
詔贈榮祿大夫君詩古文辭又厄於火僅存詩草一書手錄
清本校補板行庶完君未完之志而名山不朽之業亦在於
斯庶足慰君於九原已荃孫耳熟君之懿行觀承幹之勤學
好客可以見貽謀之善而世澤之咸長矣

論曰立德立功立言此之謂三不朽君篤學尙志旣奮其遇
又不永年可謂窮矣然而澤及災黎福貽後嗣等身著作有
子完之於三不朽之中卓然有以自見嗚呼所以償君之素
志而知爲善者不必徼後福而令名要足以無窮也庶有聞
風興起者歟

劉母邱太夫人傳

邱太夫人烏程南潯人劉君紫回之配也父仙槎擅計然之術來往滬瀆咸豐庚申粵逆由廣德逕撲湖州南潯無城無兵鎮人四竄母莊宜人以婉獨留竈冷室空一嫗侍側而太夫人始生母子無恙寇亦未至仙槎歸自外索懷中呱呱者而諦視之曰是兒豐碩殆有福人也鍾愛尤篤齒漸長舉止端靜不苟言笑入塾讀書聰慧勤敏無異男子故知大義識大體早基於此是時同治初元寇氛甫靖海內清晏各國商人咸萃滬瀆潯人貿易者無不利市三倍仙槎因此起家紫回與太夫人年相若兩家世好遂締姻焉同治辛未紫回年十六入烏程邑庠光緒乙亥太夫人來歸晨夕侍奉得堂上歡族姻內外無不接之以誠故遐邇無閉言紫回勤于讀書

致功於經史百家講傳世之學太夫人抽簪勸學龜勉同心
紫回入爲工部虞衡司郎中南北鄉試均未售抑鬱而沒太
夫人捨地呼天欲以身殉堂上憫其少孀又無子息命以弟
之子承幹爲嗣且詔曰而有子矣撫育之足繼吾兒未竟之
志如欲輕生此負牀之童又誰爲之鞠育不得已涕泣受命
自是撫承幹以恩出入願復不恃乳媪而時時悲悼紫回君
績學不壽也承幹就塾歸則進而詰問曰今日識字幾何讀
書幾何有進境則色喜承幹漸長則又詔之曰汝父績學砥
行未能顯達吾望汝成人紹汝父之家學不盡求顯揚也迨
承幹入泮授室始有喜色戊申生孫太夫人始稍慰命以湯
餅資振粵東水災爲孫造福又捐助湖北水災

詔以樂善好施旌之太夫人性至仁慈有求者罔勿應飢者飽之食寒者煖之衣病者予之藥死者給之槨凡所濟施不可殫述其最注意者則以振災爲急務嘗諭承幹曰吾家籍先人餘蔭席豐履厚苟遇善舉當視爲分所應爲若欲以之請獎則是有求名之心已失爲善之真非予志也承幹以優行附貢生分部郎中四品卿銜並爲太夫人請一品封典誥封夫人同鄉京官具呈禮部以節孝

旌蓋年已四十有九守節之期亦二十有四年矣是年十一月二十四日以疾卒知與不知相與流涕蓋德之入人深矣子一承幹孫三人惟太夫人稟性懿淑言動有禮旣節且孝用克以其潛德升聞於

朝以光顯其門閭而恩勤教育覃及三世其有功於劉氏者
尤大承幹述太夫人行事其備荃孫撮舉其大者書之

徐叔雅榮祿家傳

自來績學之士達則兼善天下窮則獨善其身而規模之正
訓誡之切遠則可以爲經世之大猷近亦可以爲保家之良
法如徐君叔雅者洵大過乎常人矣君諱煥謨字緣滄又號
叔雅浙江桐鄉人世居青鎮先世善治生富而好禮有聲浙
西君幼隨伯兄茗香比部次兄聽松司馬從同里盧小菊先
生讀先生植躬訓士具存先正典型昆弟三人均受先生之
益而君尤爲矯矯所居素有竹石池亭之勝蒔花草以悅心
目蓄禽魚以養天倪而且設色寫生朗吟成藥志節夔然超

越流輩愛藏書插架數萬卷多善本坐書城中日事校讎不
他顧家庭雍睦鄉黨協和常割鉅資助成善舉坐言起行無
不足爲後人矜式而家人均化之君受知丹徒丁濂甫學使
拔列邑庠兩應秋試未雋抑鬱而卒年僅二十有九老母在
堂遺孤均幼此其隱憾也夫人鄭氏湖州雙林人家本素封
讀書明理來歸時重慶在堂恪勤婦職及叔雅得疾躬親湯
藥及卒痛不欲生特以一子四女幼弱無依乃勉爲其難愉
色婉容以待慈闈嚴氣正性以育諸幼嘗訓其子鈞曰吾日
夜冀汝長成庶以慰汝父於地下也及鈞入塾指遺書而訓
之曰汝父以此留貽後人丹黃所識手澤存焉其善讀之洎
鈞受知■學使亦拔列邑庠又勗之曰汝父不及見汝之成

立今幸成立矣親親睦族仰承先志他非所望也先後十二年始畢婚嫁而夫人精力亦交瘁矣遇振濟及恤養育嬰諸善舉輒命助之又諭之曰吾家襲先人餘蔭家境尙裕遇善事而不爲烏乎可耶且人之爲善本義所當盡稍有一毫求報之心已失爲善之道特天報施善人理自可憑耳卽如先世創立留嬰善堂已歷五十餘載果能繼承弗替亦足竟先主人爲善弗倦之一端鈞後整理堂規增建堂舍五楹卽承夫人命也凡叔雅未竟之志夫人都仰承之有擴充而無廢弛刑于之感始于家庭亦可慰夙學而彌隱憾矣歲己酉夫人以微恙卒年六十于一鈞字曉霞以工部郎中加級爲君請從一品封典

封榮祿大夫妻夫人浙中官吏又以鄭夫人青年苦節力行
善舉請旌於

朝奉

旨俞允四壻長適朱辛冕中書科中書次適張鈞衡甲午舉
人陸軍部郎中次適邢燠庠生分部員外郎次適高如沅庠
生陸軍部主事孫二人例得附書

舊史氏曰自唐代以科舉取士迄今一千六百餘年沈蕤於
中不但不能成專門之業且因抑鬱而促其壽者世多有之
叔雅亦其一也鄭夫人能守其平日之言曉霞能完其當爲
之事并爲搜羅吟藁刊而傳世俾績學之士不至泯沒無聞
嗚呼賢明仁知如鄭夫人足登中壘之傳而無媿色然亦叔

雅贍諱之善而績學之報也

鞠錄齋稿序

道光三年武進李申耆先生主暨陽講席琢磨煦育羣士萃
萃維時承君守丹宋君冕之徐君康甫六君德只莫不龍鱗
鳳翽一舉千里而表丈夏君永曦尤以邁文麗藻魁能冠倫
荷花樂神之詞李先生紀之年譜而買宅焚券一賦膾炙士
林根柢既厚華采益振文之必傳又可知矣荃孫於同治甲
戌自蜀歸里進謁表丈適丈病瘥未之能晤光緒丁丑再至
於病榻前一面不數日文捐館舍矣歲癸丑令子彥保明經
輯文所著文三卷詩一卷見視蓋摺據叢殘所存止此荃孫
慕其名於數十年之前讀其文於數十年之後其氣勁以直

其辭樸而茂平夷洞達絕去町畦學人之文迥殊凡近蓋吾
邑僻居江介人多純竺自李先生主講於茲而士始知求學
自表文振譽於繼而人始知作文惜乎以文之才駟張不遇
無以興起後學而所傳又止乎此也集內擬士衡文賦備述
古今文字源流正變說理具足文亦遒鍊足以挽頽式靡不
僅以規撫爲工至論江邑事宜藉知潛心劬學之儒必抱救
世康民之略欲補救其偏弊非迂遠於事情近時植桑養蠶
紡紗織布通邑暢行聚食之風稍稍衰止惟荒山隙地種植
未聞蓋江民稍逢荒歉則曰捨山宅柳墓松亦歸剪伐官不
過問里豪亦無敢禁止者雖有褒獎之令誰肯擲黃金於虛
牝哉社穀近已不聞究是根本之計倡而爲之地方庶有牙

乎表文存文不多幸有賢子殷勤保守今爲刊播而康南德
只諸君隻字不存尤可歎也癸丑七月同邑後學繆荃孫謹
序

錢鐵江大令清風室文集序

同治甲戌盱眙吳勤惠公師招荃孫司記室一日師臨余齋
笑而言曰今晨得一快事因言辭鏡塘中丞函稱舊友錢君
鐵江博雅士來蜀候補善視之今日新到省者三人余見一
骨重神寒書味可掬臆度之其鐵江耶詢之果然差喜余眼
之不謬也汝宜交之庶多受益余出繼卽往訪和風雋語能
移我情遂訂交焉光緒乙亥勅尊經書院延君與錢徐山丈
及荃孫三人闋官師課三五日必一聚不但學問多所觀摩

卽性情無不接洽蜀中益友君其舉首余官京師見異書必告獲佳士必告雖隔八千里猶咫尺也後君赴大足任余返江南游魯粵始稍稍契闊焉今年仲枚以清風室詩文五冊見眎其性情之敦厚襟懷之灑落問學之淹雅考據之明析無不流露其閒文似永叔詩近中唐不尙矜奇弔詭而議論自足動人則根柢之深厚也不必樹黨沽名而襟期亦足服眾則德量之純粹也君在蜀卅年三次分校傳經弟子不乏英雋至今稱頌不置使蜀士常奉君爲依歸何至邪說暴行流毒於天下耶荃孫再三淵翫如親罄欬而卷中名字大半故人策問數題亦皆同儷憶昔督署閱文皆在東園老樹芬蓋綠陰如幄叢蘭籠竹微風送馨校閱餘閑清談煮茗

此情此景宛然心目君與錢丈均歸道山荃孫獨存年亦七十悼芳塵之不再慨世變之日非猶得於亂離顛仆之餘讀君全集殊爲不幸中之幸也

元郭退思椽史雲山日記序

自來一鄉一邑之中先輩之嘉言懿行足稱鄉先生者代不數人或以事業或以著撰或以翰墨代愈遠見愈難不過存十一於千百而流風餘韻猶使人景仰於丰采之間觀感於意言之表曠百世而如相接焉然流傳旣難散佚尤易豈不賴後賢掇拾之補苴之傳播之得以閱千百載而永存哉丹徒郭天錫先生手書日記一冊安邑朱芝山跋云自至大元年戊申八月廿七日訖二年己酉十月三日并閏月閱月十

六逐日詳書天氣之陰晴寒暑人事之往來酬答所尤詳者
飲酒必書求書畫必書觀書畫必書游寺觀必書稱謂之間
褒譏厲馬感歎之際義理昭焉細觀一過如見其人之性情
心事而與之周旋談笑於十有六月之久也芝山此跋真能
傳日記之精神而誌其勝概鮑刻客杭日記非全文也陳君
善餘得之杭州重以鄉先生之翰墨付梓以永其傳天錫美
鬚髯人稱郭髯書仿趙松雪畫師高房山名大顯於元中葉
而其子啟所編之快雪齋集包希魯所序者業已久佚卽此
日記一冊人重亦其墨迹輾轉傳鈔不如墨板得以廣布先
生生於前至元歿於後至元朝貴尊崇文名洋溢而睹西番
之塔時深易代之悲讀玉殿之詩不免故宮之恨未經桑海

猶慨荆皖何耶善餘並爲考其年略搜其詩文以附益之藉以示後之學者深仰止之思焉近時錢唐丁氏有武林掌故之編常州盛氏有先哲遺書之輯善餘搜尋鄉土紀載業已刊行數種使一鄉一邑均有人能爲廣續俾見遺書大出一掃前人錮蔽之習眞所謂守先以待後者其在斯乎癸丑正月試鐙日江陰繆荃孫序於海上之書連屋

玉海堂叢書序

自五代雕板盛行天水一朝有監本有公庫本有坊本元有各學本明有經廠本有南北監本而家錢所造則以毛氏汲古本爲最多然所藏雖有宋元精本未曾影摹流傳且校勘不精人尤以爲憾事乾嘉盛時黃氏士禮居叢書十八種出

經部有周禮儀禮三經音義史部有國語國策輿地廣記子部有洪氏集驗方傷寒總病論等書摹刻維肖校勘尤精縮宋元于今日海內奉爲瓌寶至今論價已與真宋元相埒同光朝遵義黎氏奉使日本就海東選匠刻古逸叢書二十六種經有爾雅穀梁周易程氏傳子有荀子莊子注延中國逸書有玉燭寶典瑠玉集姓解韻鏡等書卷帙富于士禮居以美濃紙香墨印之分外增色顧經多宋學史亦無正史又以日本人所撰屢入并有集字補之者殊爲蕪累貴池劉子薦石生自蘭錡長厯亨衢性嗜古富收臧尤喜板行罕見書籍而影宋元諸刻經部則有元元貞本論語正義十卷元至正本大戴禮記十三卷史部則有宋小字本五代史記七十五

卷宋百衲本史記一百三十卷子部則有宋大字本家語十卷
金大定本銅人鍼灸經十卷宋寶祐本五鑑會元二十卷集
部則有元至正本陶淵明集十卷宋乾道本杜陵詩史三十
二卷宋咸清本李翰林集三十卷宋紹熙本坡門酬唱集十
二卷元至正本草堂雅集十二卷或篋內舊藏或書肆新得或
友人投贈或同志段鈔均從原刻影摹不用繙刻及影寫本
則選擇尤精也一字之疑必繙羣書以證之又不肯輕改原
書少則載入跋語多則另編札記則校讎尤慎也以視蕘圃
蕘齋兩家似駕而上之不但可以鼎足他刻聚學齋叢書百
卅餘種元明國朝傳奇卅種貴池先哲遺書種幾與汲
古肩隨而精則過之均足爲一代之宗匠已予館于金陵者

二十年君刻諸書大半余所檢集嘗預校讎余與君同嗜好同甘苦以爲知之深者莫余苦也爰不辭而爲之序癸丑十月江陰繆荃孫識於海上寓廬之聯珠樓

劉楚園影宋巾箱本叢書序

昔讀南史至齊衡陽王傳云王手自寫五經部爲一卷置于巾箱中賀玠曰家有墳索何須蠅頭細書答曰檢閱既易且手寫不忘諸王聞而爭效爲巾箱五經巾箱蓋隨身小箱非廣箱方箱比也是巾箱本之所自始宋戴埴鼠璞曰書坊刊印小冊謂巾箱本起於南齊今世盛行無所不備是宋時巾箱本大行於世天祿琳琅收南華真經十卷云版高不及半尺而字畫加倍纖朗紙質墨光亦極瑩緻乾隆御題大內宋

錢南華經傳自永樂閒人蠅頭細書紙香墨古誠寶蹟也古
人有巾箱五經便於行役登臨觀覽斯亦其類歟此巾箱本
之最佳者然皆在南宋時至彙刻叢書古香齋十種最著名
然未有彙影宋元刻者楚園五兄於經刻周禮左傳於史刻
晉書詳節隋書詳節於子刻淮南子於集刻西漢文鑑東漢
文鑑清真詞附以琵琶荆釵兩記共十種傳袖珍之祕笈爲
墨海之雅觀誠今古所罕見者楚園主人意思深長荃孫謂
其舉動有迴不猶人之慨卽此小板亦可見其一斑矣

按漢武內

傳帝見王母巾箱中有一卷小書盛以古錦囊然內傳
系六朝人僞造仍在齊衡陽王之後不能舉以爲證

適園叢書序

叢書之名所自始韓昌黎詩云門以兩版叢書其閒卽叢積

之義而唐陸天隨自名其詩文曰笠澤叢書猶是一家之言
而以不倫不次亦卽叢積之義也至唐宋人始合各家書而
摘要刻之曰馬總意林曰曾慥類說曰紺珠集曰說郛曰說
海皆任意刪減也後又取各家書以類相從而別署美名曰
儒學警悟曰百川學海曰夷門廣牘曰藏說小萃曰津逮祕
書曰學津討原則首尾完整也前明程榮刻漢魏六朝著作
始以叢書名之由是諸家疊起曰唐宋叢書曰格致叢書最
後以齋堂名直曰某氏叢書而已單簡零帙最易消磨有大
力者彙聚而傳刻之昔人曾以拾叢冢之白骨收路棄之嬰
兒爲比則叢書之爲功大矣適園主人以名孝廉生長吳興
山水之區熟聞鄉先輩魚計亭眠琴山館芳椒堂之風手聚

舊刻名鈔卷以數萬計擇罕見而可傳者付諸削氏以永其傳以嘉惠於斯世又以荃孫麤知目錄之學命以監造時及兩載先成此十有六種分爲四集先以問世嗟乎自新學日行舊學日落焚坑之禍厲於無形而世之守舊學讀古籍者曾有幾人況石印鉛字羣趨若鶩剗刷之匠往往改業石銘負填海之心抱障川之力招金陵書局之舊人而與之更始據本必善選工必精原書跋語雖無關宏旨者不敢輕削其閒流移授受之原委與夫反覆訂證之苦心皆爲表微綴之簡末王船山行人所謂國統絕而道統不與之俱絕者其在斯乎其在斯乎至盧抱經先生曾云眞僞不分雅俗莫辨或刪削而非完善或脫誤而鮮校讎四者之弊校讎最難精審

善月生丁不才一
三
荃孫心力目力已遜少時然有漏落而無臆改則差可自信
若前三項之弊則似不至此當與石銘共勉之歲在閏逢攝
提格十二月立春前一日江陰繆荃孫序於海上之聯珠樓
吳石潛鐵書序

昔庖犧氏畫卦實文字之權輿倉頡造書契又六書之權輿
逮周保氏教國子而六書始彰秦祖龍燔經書而入體以著
若摹印其一也新莽居攝大司空甄豐等更定六書曰繆篆
專以摹印繆者何綢繆之意卽徐鍇所謂摹印之屈曲縝密
也爾雅印謂之璽尊卑同辭助於商周秦盛於漢始以璽屬
之君而印屬之臣濫於六朝而淪於唐宋官印有鑄有鑿古
氣渾淪雖代有作者其人姓名莫得而考入元代則趙松雪

始得盛名吾邱子衍吳孟思師弟考訂篆文研求刀法於是
以刻印名家者代不乏人明至正嘉之間吳郡文博士壽承
崛起樹幟壇坫而許高陽王玉唯諸君先後周旋遂爾名傾
天下何長卿頰首師之蘇爾宣出力抗之而各極其精能遂
爾聲名鼎足乃若璩元璵陳居一李長蘅徐仲和歸文休暨
三吳諸名士所習三橋派也吳午叔吳孟貞羅伯倫劉衛卿
梁千秋陳文叔沈子雲胡正言曰從譚君常邵潛夫及徽閩
諸俊所習雪漁派也程遠彥明何不違姚叔儀顧奇雲程孝
直與蘇松嘉禾諸彥所習泗水派也又若詹淑正楊漢卿黃
表聖汪仲徽江明初甘甫皆自別立營壘稱霸稱雄明代諸
君不外於此 國朝有閩派有徽派有蘇派閩派許有介爲

冠有陶石公楊叔夜吳平子林蕤諸人徽派程穆倩爲冠有程孟長汪尹子宏度程雲來諸人蘇派顧云美爲冠有顧元方欽序三邱令和顧梁汾諸人雍乾盛時丁敬身出爲浙派黃小松奚鐵生蔣山堂從之鄧石如模漢碑額爲鄧派而吳山子吳讓之吳聖俞從之趙撝叔從鄧入又少變爲趙派題款最精而徐三庚傅子式從之自源及流藉知派別吾道於以不孤印譜始著錄於宋徽宗王順伯王子弁洎乎元明則有趙文敏吾子行楊宗道葉景脩錢舜舉吳孟思顧汝脩諸譜錄皆彙集古人之印章或原印或摹本規矩猶存典型不廢此一派也或集前人之名作或萃交游之精神此一派也或舉生平之所鐫編成譜錄倩名人序而行之此一派也吳

子石潛收藏繁富鑒別精審集同人創西泠印社於裏湖之濱闢地爲囿築室藏書坐飫古香仰滄山淥爲湖上增一名勝并編此書問序于余首卷舉各朝之印式次并論篆印人之書二卷舉歷代印譜存佚三卷刻印嘉話四卷以煉印色終焉搜羅廣而枝派明爲印譜別開生面吾佩其學優而心細也是爲序歲在闕逢攝提格建酉之月江陰繆荃孫序於滬濱廡廬之聯珠樓

鹽法通志序

自古談鹽莢者萌芽於周擴充於漢管仲誇山海之雄桓寬著鹽鐵之論莫不因天地之產以充國家之需藉商賈之贏以補百姓之乏法亦若是而已厥初散歛之方準乎盈縮豐

約之節隨乎登耗以法制利不以利撓法國紓其用商操其奇民資乎食未始不善也今天下廿二行省出鹽之省十有一而解州鹽風水所結甯夏鹽刮地淮浙鹽熬波川滇鹽汲井閩粵鹽積鹵淮南鹽煎淮北鹽曬浙東鹽煎有曬天時地利人和各有不同職官場產轉運徵權器用亦各有不同而有專書者以兩淮兩浙爲最備四川新修鹽法志爲最佳從未有薈萃各省之書勒爲一編備人考索者吳興周君夢坡問學淹雅著作宏通以其餘力於鹽務之中探討多年乃合各省志鹽法之書抉擇薈萃分爲十類曰疆域曰職官曰法令曰場產曰引目曰徵權曰轉運曰緝私曰藝文曰雜記有專書者取專書無則取之通志而直隸安徽江西河南山

西雲南吉林均有新通志餘則取之鹽案及議略及近時報
告書可謂無一字無來歷考較其盈絀之數詳悉其利害之
原孰得孰失燦若列眉矣自漢唐以迄今日始則通利久之
則梗塞見焉始則羨餘久之則逋欠生焉大抵立法之初必
從簡易簡則弊生於法之外後人從而加密焉弊又生於法
之中遂不得不易法以祛弊極至因弊而變法惟有去其太
甚而官與民與商相安其大要操於司計者之一心用得其
人則立法之善遂舉行而無弊用非其人則立法雖善豈能
擴充而補救哉不求之人而專求之法則各省之制度議論
大致詳備而必權夫天時地利人和以折衷之有行之此省
則利行之他省則不利者有行之此時則利行之異時則不

利者其參差不一律有能勒之出一律者有斷不能勒之出
一律者昔人百計籌畫亦屬處於無可如何之勢上之人能
薈萃而貫通之各就其土之所宜習之所便而不至偏於一
己之見矜其一時之效則國與商與民相安於無事而利益
亦蒸蒸日上豈非著書者之大願歟歲在闕逢攝提格宿月
江陰繆荃孫序

陶廬續憶序

表兄金粟香先生同鄉里幼不相識至光緒己卯年初晤
於京師各出著撰相晤遂成莫逆之交雖道里睽隔而音問
無月不通也君於壬午年刻粟香隨筆初編囑余序於京師
庚子年君刻陶廬雜憶余又序之庚戌年君陶廬五憶成余

又序之壬子年君陶廬六憶成又命余爲序自壬午序君書
迄今壬子轉瞬三十一年矣此三十年中國家因兵敗而國
強因圖強而變政因變政而召亂因召亂而亡國雲翻雨覆
海竭桑枯至於如此君也始而領巖蒼梧繼而莅任赤谿繼
而歸耕梓里繼而移室郡城由壯入老棄官歸隱至於如此
余也始而供職玉堂繼而奉祠金陵繼而守史藏室繼而避
難海隅去國離家偷生逃死至於如此使在太平之世事隔
三十年盛衰之感死生之哀已令人不能一日安而况逢元
二之年處陽九之厄在三十餘年之後迴思三十餘年之前
有不淚如泉湧腸若轂回也乎然而君則詳陳風俗搜羅文
獻誠後進之庫陋緬前哲之貽型無異前數編之所作是則

靖節之詩碧山之詞不必託諸悲憤而陳古以刺今外言而
內意能使人自得于中也余於庚子刻文集八卷庚戌刻文
續八卷今猶子九疇請兩年一刻以免散佚余又從之刻辛
壬藁三卷文字結習至老不衰則與君同此情也昔年王太
守聘修郡志君與余同局而事阻不成張制軍奏辦省志余
又延君同辦而國變又不成則風俗之盛衰文獻之蕭落轉
籍君詩以傳而余不能紀載其賢不肖爲何如也遂書以爲
陶廬六憶序歲在甲寅正月上九表弟繆荃孫序

古學彙刊序

自秦變三代之學制而力學與求名遂判而爲二唐宋以考
試搜羅人才至今循之經義也詞賦也策論也懸之爲的於

學人心目之閒而聽人之自擇有學焉而名以就有學焉而名不就無毫無幼無寒無暑悉出於一途而惟名之是求得之易而不自以爲徼幸得之難而亦不自悔其乖違名愈高而去學愈遠不特在上位者以是爲招納卽專師之函丈亦未嘗不以是爲鼓吹也而乃於同流合汙之時爲舉世不爲之學銳銀旭歷閉門造車尊養沈冥空山獨嘯亦有輶傳出使不廢搜討刑名在案重理絃歌仕優則學又其次也國家無求學之實政而草野有好學之鉅儒或攻絕業或擅多能苟著述之常新卽流傳而不廢而不聞斯世之所趨向何如也或一見而輒喜或久讀而後知卽志趣之各殊亦深耆而不厭亦不問斯世之所好尙何如也昔之科舉今之學校皆

爲求名之具驅天下才智之士入於其中兩者相較有以異乎學無今古亦無中西必其天資與人力良師益友合數十年之精力而後成專家之著述今搜輯各本以餉天下力學之儒庶爲壤流之一助焉

一曰經學明季羣奉王學楊園起而宗朱互相譏詆均託空言不若顏李折衷六藝躬行實踐爲名世之英得用世之道東吳惠氏三代傳經武進臧氏閉戶箸撰新安沈潛廣陵高明家學師承日新月異極盛于乾隆益精於嘉慶遺經端緒皆有條貫有清之學跨越千載兩漢以下殆無倫比後起求勝崇宗西漢微言大義持論愈高避實蹈空變端斯伏公羊異說潰敗天常今取劭真傳屏邪說者著於篇

一曰史學尙書春秋孔子定之爲經史遷取之爲史卽紀傳
編年兩家所由始也唐劉知幾判六家之體裁捫三長之定
論古今史學不出於此會稽章氏之通義獨揭夫大端錢塘
龔氏之鉤沈藉窺夫微旨考異商榷語語徵實非同管見之
僅託空言亦異發明之專論書法史學之昌亦異往代然而
史官失職載筆無人遂至列傳僅存履歷實錄只鈔
論旨言行不著始末不完昭示後人何以傳信今於考古取
補校精詳徵今取紀載翔實者著於篇

一曰輿地古之地志志方域志山川志風俗志民數志物產
而已其人物傳固各自爲書也自宋以降兩體合并沿及後
來志體日濫列傳等於家譜藝文溢於總集如有志復古者

則羣起而咻之大抵明初尙守舊轍嘉靖以後自鄧無譏至於邊防海島昔也得於傳聞今也均從目驗交通日便譯語日精則勝於前人也今取考訂詳而紀載簡者著於篇

一曰掌故軍國大事治亂攸關祖宗家法沿革備載誠立國者之所資亦秉筆者之盛業也近百年來考古則優於歷代徵今則不如前明推原其故滿員知之而不能紀載漢員則不使知之卽知之而亦不敢紀載文獻無徵轉流爲郢書燕說亦勢所必然也年經月緯吾取湘源之陳編擇精語詳吾慕養吉之叢錄今於官書之外零篇逸典徵實不浮者著於篇

一曰目錄自劉班志藝文而後人得考天府之儲存自晁陳

傳書目而學者藉見私家之著述海內流傳或鈔或刻不下
百十種然亦分爲兩派一則宋槧明鈔分別行款記刻書之
年月考前賢之圖記此賞鑑家也一則包括四部交通九流
蓄重本以備校讐鈔新帙以備瀏覽此收藏家也今擇罕見
者新出者有解題者著於篇

一曰金石四庫提要以梁元帝集碑刻之文爲碑英一百二
十卷爲金石文字之祖實則漢志春秋家載奏事二十篇卽
刻石名山文也曾南豐金石錄未成而文集錄跋甚多卽錄
中零篇之流傳於今者至歐趙遂工考訂洪氏始錄全文今
則尺寸篆隸無不詳備昔賢高論後出愈精獨碑前後蜀漢

記南漢貞

一朝之制作幸存龍脊

四川雲陽

石魚

四川兩地之菁

華斯萃今取精瑋不磨者著於篇

一曰雜記夫不賢識小文武之道猶存雜書成編儒墨之途合一名人僅存碑傳藉補史歲小說出于虞初不肯正軌凡此各類傳世最多或取其祕非世閒易見之書或取其完異坊間刪節之品大則爲金匱石室之取材小則供尊前鏡下之談柄類此者皆著於篇

一曰詩文別集總集浩如煙海今茲采錄專以搜逸爲宗旨周書發于古冢心史鉤之井中途茲不戢之朝急以廣播爲願况復文淵舊閣剔土出宋元之編雷音古寺爬沙顯魏周之卷地不愛寶文卽在茲他如文評則取其卓見輯逸則喜其補亡凡類此者皆著於篇

徐叔雅風月廬贖稿序

杉青堰北夕陽橘柚之鄉構李城東細雨菰蒲之澤自來勝地多育名流則有靈蘭賣藥踰著珊瑚之枝山秀讀書熟記琉璃之說金陀坊下飯心鉏菜之翁梅會里邊仰止金風之長雅音偶乎繁敦華藻盛乎襟裾固已景春眷夏戶戶絃詩抱璞握珠人人編集矣然而豔冶靡宕不登於大晟儉楚廣賁有乖於小雅矣此兩失始可言詩徐君晚滄少席華臙壯飲香名目董綬以儒臬稱大年爲文虎嘔心自喜考校下夫萬鐵焯掌亦甘呬晤達於五夜時與伯兄茗香比部仲兄聽松司馬同受業於盧小菊先生承子幹之眞傳識偉節之最怒遂乃飛走文翰吐噲芳華伯歌季舞圭塘款乃之編前于

後喁聯珠倡和之集匪惟才雄實由學博加以生自修飭動
無瑕疵衛叔寶之神清荀慈明之外朗不攘六鑿寡欲五綦
雅好藝花遂嫺寫貌步趨徐黃精詣遠摹北宋調治鉛黛頓
悟亦下南沙尤嗜縑緙廣爲蓄儲七略四部校讐遠紹平揚
劉四當八求目錄不殊于陳晁方謂汾湖之笥七札能穿渥
注之材十駕不倦而乃墜雨春零飛蓬秋轉蕢策終擯趙賦
徒工寸腸轂迴百憤雨集秋蓬未死先空卷旆之心勁鐵將
消更熾洪鑪之炭才之不凡由此年之不永亦由此矣未幾
蘭韶芷秀風雨倏其摧殘夏綠春紅霜霰於焉凋碎君歿時
年甫二十有九潘安仁秋興之賦尙少其三李長吉作記之
年僅過其二年未壯歲人已千秋說者謂君旣壽其遇又厄

其年疑造物之不仁悼斯人之終極然而邱遲殘錦不隨恆
幹俱湮延壽片詞欲與靈光並峙箕裘克紹幸得佳兒冰玉
同清更欣快婿脩短同盡光采靡窮以視飾金紫於走肉頽
耄櫟以長年或不以彼易此歲在癸丑七月江陰繆荃孫序
韞玉樓遺藁序

癸丑八月荃孫爲平湖徐叔雅先生文集作序張君石銘又
出際德配韞玉樓詩蓋卽叔雅先生次女也過庭詩禮雅宜
金屋之裝漱執縑紉本是玉臺之裔蓋其莊姝合度嬰媿有
容前身明月別具慧心夙世璇星早工織錦迨乎笄總於歸
清河鶉翼同行蛩氈儷影申紙和秦嘉之韻繙書賭清照之
茶家有適園共稱勝境疏泉作沼疊石爲山跨溪閣之一櫺

豁風亭之百尺夕陽花隴紅蒸綺麗之雲曉露竹塘翠刻琅玕之玉每當春聲睨皖四壁花濃秋影玲瓏半簾月墮疏窗小雪一枝先插江梅虛館涼鐙四照最宜籬菊羌巡檐而索句亦擊鉢以朗吟時作雅游籍開胸臆近則高卞蒼蒼清霄瀾瀾水雲鄉裏還追趙管之蹤煙霞隴前人羨劉樊之侶遠則香雪之海十里明聖之湖兩重闔閭城外嘗水國之陰晴蘇小墳前矚湖天之盪漾虎邱禮塔劍氣宵騰龍井鬥茶山眉曉拭無不寫之彩筆收入錦囊至於羣酒承歡鳴璜贊內善薰妯娒澤被輿僮送上計而益離情課佳兒以消永日闔教嬪則久而益彰詎以清羸恆慮怡厯突來二豎頓返三山遙天之笙鶴如聞樂府之妃豨孰和張君子荆改服奉倩傷

神馳翰閣夫三秋桑海倏焉一度於是檢荆園之故物搜盡
篋之殘篇撥拾零星付之梓匠獨惜林風詠絮豈能諒謝女
之才春雪醜兒未足盡盧妻之學然須彌納於一芥拳石具
夫九華卽茲吉光亦堪永世前明葉紹袁天寥文集以小鸞
詩詞附之近時李虎觀蓬萊山館集以生香諸作附之間亦
別行今與風月樓彙同時並梓亦可分可合者是爲敘
劉語石無長物齋詞存序

同州劉語石先生叔寶多愁長卿善病織天孫之餘錦爲樂
府之指迷短調長謠耳之熟矣光緒乙未內兄夏閏枝與君
結驅隱詞社初識面於金閨雜時君質麻舉春余亦曠舟唐
塢聞名十載結契三生詞社第二集屺懷子馥芷蕤禮堂同

集於頤園余以沈君鼎臨黃小松訪碑讀書圖乞題擊鉢催
成攏絃和訖齊雲魯雲之並集今雨舊雨之聯歡賭唱旗亭
聽黃河之遠上分豪蘭畹媿白雪之未諳適有詞錄之徵大
得他山之助商量文獻徵前輩之名篇往復郵筒傳近人之
軼句此一時也洎予移家鍾阜君亦安硯吳興弁何疊翠恰
兩點以浮眉蒼霄流青更雙流之漱齒以爲久居仙境庶可
大暢吟情矣忽焉赤燦降怒朱鳥流光象無齒而身焚魚在
池而殃及卯金箸饌藜不同太乙之然酉穴叢殘書已爲六
丁所攝莫存幸草摧盡勞薪非絳雲之厚藏天胡此酷竟青
氈之不賸人更何堪空收椰子之賀書難合齊侯之餘燼此
一時也既而移家黃浦眞艸艸之勞人對鏡青絲漸星星之

非我白楊齋寂未開稱意之花黃葉村寒詎長忘憂之草又
復遠游甬上近訪曲阿樹窮枝鳥之棲途益磨驢之迹寒江
鐙小雙槳鳴潮遠道裝輕一鞭搖兩名阜勝川以說志吟朋
快友以怡情綺語未刪和瘦天之秦九香心欲活餐飲水之
柳詞此一時也若乃壞雲自落海水羣飛虎豹當關狼羆偏
野蒼鷺出地逢元二之災年白雁成謠罹陽九之厄運滬上
一隅衣冠萃焉君雖久客心實傷盡相逢舊侶擊筑銜悲回
首故鄉樓塵莫問慷慨月泉之社絃是哀絲淒涼麥秀之歌
聲成變徵寄草窗之隱恨淚灑滄桑譜花外之閒情韻流金
石此一時也語石曾刻留雲借月盒詞八卷續一卷今刪舊
作復益新篇六卷編成示余索序嗟嗟同客天涯借璫老境

夕陽江上似燕無家春雨樓頭憎鴉攪夢金縷衣之低唱眉
語難逢鐵綽板之高歌牙期罕覩況乎呬懷子馥久歸道山
子蕤小坡遠離茂苑聚散存亡之感纏綿悱惻之情靈心獨
運君猶尋炳燭之餘光繼和未能我殊媿操觚之率爾甲寅
人日江陰繆荃孫序

家衡甫初蘭齋文集序

婁東爲文人淵藪生平所最推重者曰小謨觴館彭甘亭先
生集高一尺才眞八斗服膺旣久私叔維殷有爲之輯全集
并注釋而刊行者則吾宗衡甫同年也衡甫少飲香名長窻
文圃清衷淵映逸興飄發五經異義說摧揚子之郭四海論
交客滿孔融之座濬冲奕奕士龍駸駸我思古人以衡大雅

荃孫自丁丑訂交迄今將四十年系同出于蘭陵名復聯夫
蕊譜叩門則倒屣歸里則傳書不以遠而疏不以老而諉商
權文字拮據古今數學相長非一日矣頃寄紉蘭盦全集六
冊昔止見夫一鱗今幸窺夫全豹揆其源流探其指趣根柢
經籍貫通體用其爲文也思深見卓理密詞達讀之可以分
析同異剖決是非其爲詩也立意深純摘辭微眇讀之可以
扶持名教感興性情語必徵實不襲桐城之窠臼藻不妄摛
夙鄙隨園之鄭衛乾嘉正宗於今復見然世人但見衡甫之
才亦知衡甫之遇乎想其焮掌自勤中眉無勇栖家衡而自
逸乞冷官而未能少罹元二之災晚遭陽九之劫入宮不見
淒淒炊日之占主器何人慘慘喪明之痛文人之厄一至於

此然而有田負郭有孫傳書祖遺之老屋可棲大耋之年華
已屆以視甘亭先生之在家原是客有髮亦如僧者大不侔
矣矧吾宗自晉以來千數百年仕宦既多不達著作亦少流
傳君與荃孫志趣既同體格亦合抱刻書之奢願著奇零之
小品幸於暇日陸續傳之嗟乎天兮蒼蒼地兮荒荒烏飛兔
走莫知其鄉問大鈞兮莫應空悵結而殉皇吾爲子歌以椀
子之鬱歌曰吉日兮辰良蘭有秀兮菊有芳俾提鷗兮挈鷺
聊相與兮翱翔遺世人而獨立是爲卻老之良方惜同志之
二三半歸眞於北邙謂此懷建
霞諸君歎老壽亦何爲兮迺獨覲夫
滄桑任大化之推移庶一視夫彭殤聊嘯歌以盡餘年兮何
爲顛頤而悲傷君聆茲狂率之語兮應微听而晉一觴歌既

畢卽書此以爲文集序

繆氏蘭陵世譜序錄

繆氏尋源託根東魯繆公之後以諡爲氏蘭陵之外東武瑯
瑯三望同稱不越魯境曰秦曰宋各有異詞林寶鄧名世互
相勦襲武威指斥義正詞嚴漢代儒林繆生傳詩設醴去楚
見機而作熙伯炳炳名重曹魏父孝孫忠厄遭赤族郡署東
海亦繫魯疆扈蹕渡江北徼南盛遷居江陰六百餘年墓存
祠燬譜牒散亂中遭海寇東南荼毒嘉靖迄今始有據依清
初拒命鄉僻稍輕粵逆之亂死者大半荃孫幼年目擊消朴
閭巷回互書聲四起子弟出見執禮彬彬不逢佳節毋許入
市游蕩嬉戲懸爲厲禁布衣蔬食祭則茹葷歲計百千全家

温飽夜績篝燈晨紗跣露婦女之勤罕蓄婢僕老輩面語已
遜乾嘉江邑西郊羣推望族上元恢復歲又五十房屋頽廢
遠不前若絃誦之聲殆將闕寂搢紳之族降而阜隸叔向斯
語觸目生感荃孫庚申出走徧謁名流雖少學術靡知編纂
董而理之時哉勿失知我罪我敬竢後賢謹輯蘭陵繆氏申
港支制誥圖表志傳錄凡十四篇其辭曰

蘭陵世家地居鄉曲亦有髦秀連獲科目騏驥顧視雲龍角
遂覃恩 贈官教忠頌祿

天語煌煌牙籤玉軸輯

制誥弟一

先世遺象宛轉留形雖無老成尙有典型子孫千億沐浴餘

馨旁行斜上自闕畦町一目瞭然偃僂遺銘輯象圖弟二
裴李分房韋平計世昆弟連翩子孫附綴來昆雲仍歷久不
替大書歲年旁及伉儷弗煩弗簡以此舉例輯世表弟三
昭代科名文武並重培植植幹以資國用干城扞邊蓬瀛獻
頌青青子衿一鐙吟誦揚眉獲雋志日命中企盛慮衰激發
吾歎輯選舉表弟四

鸞孤鵠寡中夜銜哀漆室未啟霜鐙已灰九死莫贖百折不
回崔巍崔巍懷清之臺輯節孝表弟五

宗族合祠制殊古禮宗法雖失猶是一體肅穆虛堂時陳酒
醴高冢巍巍零露泥泥長松偃蓋衰草如薺謁祠展墓子姓
踰濟輯祠墓志弟六

定海一志全

謝山毀朱

述

褒效顰布廬兩代詩豪稽弦游俄身

歷不毛經經緯史譽法俊髦書佚名存猶屏濫叨輯藝文志

弟七

一邑賢豪史傳幾人首崇勳績冠能魁倫次及耆舊學粹品
醇家傳別傳璘璘彬彬爰及內助彤管敷陳易戒說輟詩詠
采蘋賢明貞順刻竹書筠輯人物傳弟八

謝草江花沈詩任筆我昔童巾時睹寶帙龍漢劫墮蟬編風
逸斷簡殘編百不存一及茲搜羅猶可傳述輯舊德集弟九
從師受益取友必端家法漢儒科目唐官淵源可溯紀載非
難洎遭兵燹文獻凋殘挂一漏萬有缺有完絕少攀附自媿
單寒輯師友淵源錄弟十

桐陰舊話柳溪紀聞香錄往事保守清芬孝弟忠信餘力及
文鄰里鄉黨人云亦云本無紀載又罹賊氛聊當圭臬毋等
煙雲輯鄉里紀聞第十一

東海片壤泥塗接天公來活我撫綏廿年良氓須保弊政須
蠲保甲弭盜菁莪毓賢託命惟公天胡不延春秋享祀衣冠
留阡欲觀惠政視此一編輯定海遺愛錄第十二

漢表純儒魏志茂族父子兄弟聲華相逐播脩效忠百口傾
覆以後散居譜謀莫續金石詩文一見輒錄碎玉零珠殘膏
賸馥法戒均存匪矜書籠輯攷古錄第十三

詩書史漢序錄在後昔賢名譜家法斯守著其宗旨觀其可
否例分門類文成奇耦後世尙文均取冠首改法前人西妍

東醜生今返古敢任其咎輯序錄弟十四

藝風堂文漫存卷二

藝風堂文漫存卷三

江陰繆荃孫

癸甲藁

考書記跋

漢經師家法考

漢人最重師法經師授受口耳相承十四博士之設各自成家又稱家法謂守其一家之法卽師法也續百官志博士十四人易四施孟梁邱京氏尙書三歐陽大小夏侯氏詩三魯齊韓氏禮二大小戴氏春秋三公羊嚴顏氏掌教弟子國有疑事掌承問對此條最明析漢官儀曰博士秦官也武帝初置五經博士後增至十四人太常差選有聰明威重一人爲祭酒其舉狀曰生事愛敬喪沒如禮通易尙書孝經論語兼

綜載籍窮微闡奧隱居樂道不求聞達身無金瘡痼疾世六
屬不與妖惡交通王侯賞賜行應四科經任博士下言某官
某甲保舉其鄭重如此後漢魯恭傳恭弟不上疏曰臣聞說
經者傳先師之言非從己出法異者各令自說師法博觀其
義儒林傳孟喜受易於田王孫田王孫受易於丁將軍寬喜
之改師法乃爲梁邱賀輩所誣耳其實不改也而漢人說經
重師法則於此可見下文胡毋生之弟之東平嬴公則表其
不失師法是也外戚傳定陶丁姬易祖師丁將軍之玄孫師
古曰祖始也儒林傳丁寬易家之始師自夫子傳至寬寬爲大
師故以爲始師又張禹傳蕭望之奏禹經學精習有師法又
李尋傳治尚書與鄭寬中同師寬中等守師法五行志朱博

爲丞相受策有大聲如鐘鳴上問李尋尋對引師法後書卓茂傳元帝時學於長安事博士江生習詩禮究極師法又吳良傳東平王蒼上疏薦良曰齊國吳良治尙書學通師法經任博士漢人重師法如此後書儒林傳光武中興愛好經術未及下車而先訪儒雅采求闕文補綴漏逸於是立五經博士各以家法教授光武好經甚於前漢武帝明章尤加隆焉故東京經術盛於西都而其守家法益嚴質帝紀本初元年夏四月庚辰令郡國舉明經年五十以上七十以下詣太學自大將軍至六百石皆遣子受業歲滿課試以高弟五人補郎中次五人太子舍人又千石六百石四府掾屬三署郎四姓小侯先能通經者各令隨家法又魯恭傳拜魯詩博士由

是家法學者日盛又宦者蔡倫傳元和四年帝以經傳之文多不正定乃選通儒謁者劉珍及博士良史詣東觀各讐校家法又鄭康成傳論曰王父豫章君傳授生徒專以鄭氏家法此蔚宗謂其祖父豫章太守甯李賢注云言甯教授專崇鄭學蓋前漢多言師法而後漢多言家法不改師法則能修家法矣然兩漢尊師法而俗學卽出乎其間劉歆移書讓太常博士有云綴學之士苟因陋就寡分文析字煩言碎辭信口說而背傳記是末師而非往古豈不哀哉徐防永元十四年上疏亦云伏見太學試博士弟子皆以意說不修家法孔子稱述而不作又曰吾猶及史之闕文疾史有所不知而不敢闕也今不依章句妄生穿鑿以遵師爲非義意說爲得理

誠非詔書實選本意觀此則知俗學之妄古今同慨自唐中葉以後凡說經者皆以意說無師法夫以意說而廢師法此夫子所謂不知而作也

嘉祐七史考

郡齋讀書志云嘉祐中以宋齊梁陳魏齊周舛謬亡缺始命館職校讐曾鞏等以祕閣所藏多誤不足憑以是正請詔天下藏書之家悉上異本久之始集治平中鞏校定南齊梁陳三書上之劉恕等上後魏書王安國上周書政和中始皆畢頒之學官民間傳者尙少未幾遭靖康丙午之亂中原淪陷此書幾亡紹興十四年井憲孟爲四川漕始檄諸州學官求當日所頒本時四川五十餘州皆不被兵書頗有在者然往

往亡缺不全收合補綴獨少後魏十許卷最後得宇文季蒙家本偶有所少者於是七史遂全因命眉山刊行觀晁氏說則知校北齊書未有主名而南齊書後元印有崇文院敕下杭州開板公文時在治平二年至政和始頒行官工七史至五十年方畢亦云遲矣政和至紹興十四年止三十年頒行學官之本往往亡缺不全合五十餘州學尙少魏書十許卷可見官書聽其散失與今日無異眉山所刊卽是杭州官板翻刻至今猶可想見規模西莊以爲頒行者尙是寫本未見崇文院敕文故也校史諸臣各題名於卷尾曰綬曰華曰恂曰寶臣曰穆曰藻曰洙曰覺曰彥若曰鞏曰攷曰恕曰燾曰祖禹曰安國曰希綬者宋綬校巢元方諸病源候論之翰林

學士尙書左司郎中宋綬也恂者楊恂四川人入元祐
宋史附家愿傳寶臣丁寶臣也穆者鄭穆宋史三百四
卷有傳藻者祕閣校理錢明逸之從子宋史三百十七
傳洙者知太常禮院兼史館檢討孫洙宋史三百二十七
有傳覺者祕書少監孫覺宋史三百四十四卷有傳
彥若也鞏者集賢校理曾鞏宋史三百十九卷有傳
閣校勘亦在宋史三百十九卷恕者祕書丞在宋史四
十四卷文苑傳燾者安燾宋史三百二十八卷有傳
范鎮之從孫著作郎兼侍講宋史三百三十七卷有傳
崇文院校書王安國宋史三百二十七卷有傳希者
監林希宋史三百四十三卷有傳

平水板本攷

平水金地理志平陽府有書籍平水鎮名元太宗八年用耶律楚材言立經籍所於平陽當是因金之舊研北雜誌云舊籍鏤板多經毛麾收達校

毛文見金文最

今傳世者論語注疏十卷

本木記大元元貞丙申刊又云平陽府梁宅刊巾箱本爾雅大德己亥平水劉氏進德齋刊新刊禮部韻略大德丙午平水中和軒王宅印政和證類本草平陽張存惠刊有泰和甲子晦明軒記大德丙午平水許宅印銅人腧穴鍼灸圖經序時大定丙午歲平水閑邪贖叟述有書軒陳氏印行六字圖解校正地理新書十五卷明昌壬子張謙刊增廣類林十五卷大定己酉李子文鏤板刊行道德寶章一卷金正大戊子

平水中和軒王宅重刊李賀歌詩編碣石趙衍刊本丹淵集

四十卷木記金泰和丙辰晦明軒張宅記滏水集元統甲戌

平陽中和軒王宅刊行

滏水集
明人跋

中州樂府末有至大庚戌良

月平水進德齋刊本木記河汾諸老詩集後有皇慶癸丑六

月吉日尊賢堂高昂霄告白

均見
本書

瑤瑒子三命消息賦元本

春秋集傳纂例明堂灸經皆云平陽府刊明繙本是中和軒

王氏三種晦明軒張氏二種進德齋劉氏二種與麻沙余勤

有堂劉日新堂並駕齊驅而流傳於世者絕少元末北方兵

禍特甚南方則張士誠陳友定尙能保護而明太祖崛起亦

比北方早獲

帝宇也

與沈子培書

黃山谷內集洪炎所編外集十四卷李彤所編內外集均彤所校刻別集二十卷詞一卷簡尺二卷年譜三十卷黃文纂異一卷均孫營編年譜專爲考證詩文集而作趙氏讀書附志云別集二十卷黃文纂異一卷年譜三十卷並營所編明嘉靖丁亥南昌刻本猶依舊次佚去纂異而加入伐檀集共九十七卷萬曆陳以志改編爲十四卷四庫本則三卷又不知何時所改營爲山谷諸孫年譜末云歲在屠維協洽無年號今祠堂本忽加咸淳五年四字蓋以咸淳五年正當己巳也然序云今太史歿已百年山谷歿於崇禎乙酉至開禧正值百年然則屠維協洽適嘉定二年己巳非咸淳之己巳況伐檀集跋嘉定二年秋九月墜諸孫朝散郎直顯謨閣西浙

路轉運判官華謹書皆同時刻成也萬麻陳以志改年譜爲十四卷今翁刻卽依陳本聚珍本並無年譜百宋一塵賦所載之六卷有洛陽李彤校兩行後集亦有之後印緝刻則無之矣山谷尺牘與遺文皆曾孫銖所編尺牘與三注本皆弘治張元禎所刻遺文宋刻在瞿家汪據舊鈔本行款不合而陳伯年所刻是日本覆刻本非真宋有詩無文未盡愜人望兄所藏爲紹熙刊本能付之梓嘉惠後學迺盛舉也

華亭韓氏藏書記

華亭韓對虞先生道光甲辰鄉試闈中得君文試官舌橋而不能下平湖徐稼生侍郎特賞之寘之前列中批有云作者難識者亦復不易等語拆封見君名一時以爲得人侍郎亦

自喜所賞之不謬蓋君文得力於周秦諸子又從姚春木先生游由桐城以溯昌黎古質簡奧無一習見語蓋聞見廣而蘊蓄深也當乾嘉盛時蘇州黃蕘圃士禮居藏書甲天下晚年於^⑤妙觀前開滂喜園書鋪生前已分與友人歿後書盡出先生與常熟之瞿金山之錢上海之徐郁同時收書玉軸牙籤名鈔舊刻所積約十餘萬卷校讐考訂手不停披又精於疇人家學與南匯張嘯山金山顧尙之傳刻幾何原本西人亦以爲勝於歐洲舊刻得書卽識緣起於書衣咸豐丁巳戊午之間猶時至金閭收書迨庚申粵逆陷松江君之藏書板片古器書畫與所居俱燬君遂鬱鬱以歿令子伯陽亂後回里編次君文二卷屬嘯山爲序嘯山稱其能讀父書足以

繼君之志當年
今伯陽之子
縣曹君揆一
今守山閣春
豪奪以去今
歸吳興陌宋
存爲吳中第
存韓氏之書
良士爲法再
子穀矣歲在
周湘齡造金

佛家以造塔爲功德不僅鋪金徧地寶鐸吟霄侈談十三級九級七級之鉅麗也元魏有須彌塔唐有多寶塔宋有辟支塔閩有堅牢塔南漢有千佛塔吳越有千官塔高只數丈堅固不壞種種功德亦曰無量金剛經者後秦鳩摩羅什首譯之共有六譯而唐人勒石均用北魏菩提留支譯本爲佛家無上之書石刻傳世以泰山石經峪大字爲最惜其文字不全唐上元二年龍門王知敬書垂拱三年中山法果寺碑較爲完善書法亦工房山雷音洞三刻皆鉅碑六和塔內亦有宋人寫金剛經刻石之最古者吳興周君湘齡博雅工詩旁通內學爲追薦母董夫人手書金剛經全部倩錢塘女士丁恆繪佛像及感應圖寫經圖並識其緣起石刻橫方共四十

石歲在闕逢攝提格建塔於西湖理安寺前山門之下鶴澗亭之上五面九級高四丈三尺周三丈八尺累塼成之正面題曰董夫人塔識所本也嗚呼自宰階波改而爲經幢經幢改而爲七如來幢日趨簡易世風類然湘船獨能手書全經力追古昔以佑母太夫人生天成佛在人意中夫孝子事親無方而存沒總歸一致存則思所以悅親之心不惜多方鉤致沒則思所以資親之福何妨三教等觀況乎造塔寫經歷代均有靈驗非容容求媚者可比其精誠所至數十年不少懈孜孜矻矻以底於成儒者所謂貞靜專一佛家所謂勇猛精進如是而已經之後綴以多心經二經宗旨相同前人往往附刻不足異歲在闕逢攝提格午月江陰繆荃孫記

蜀石經殘本跋

蜀石經周禮卷九卷十兩卷一缺首一缺尾缺均無多左傳卷十六襄二全卷穀梁卷十六十九行光緒丙子在楊幼雲處見之屬爲校異因循未果後歸張叔憲李亦元今歸吾友劉健之海內孤本也蜀石留于世者有毛詩周南召南邶風左傳昭二十年六百餘言陳頌南戚周禮考工記六千餘言公羊五千餘言今之三冊字數最多宣統辛亥與健之同匿海濱借歸以唐石經校經字岳本校注字疏其異同於右兩通字及加減虛字之無關宏旨者悉不著錄得周禮十九紙左傳六紙穀梁一紙五十日方畢去丙子三十六年荃孫年亦六十有九矣心眼俱退未能多方疏證抱媿良多惟殘冬

亂世精讀書爲消遣昔錢辛楣先生得見毛詩左傳以爲衰
年眼福荃孫今亦云然前人云蜀刻出於大和與唐石經同
源惟經注全刻止廣政本有之俾後人獲見雕版前舊式豈
非幸事諸跋以邵武楊銜臣爲最考訂源流甚詳石於宋末
與文翁石室同燬元明金石家無言之者所傳合州賓館有
禮記數石曾訪碑於合州得唐宋刻數十種無此石錦里新編云貴州任大令載
歸數十片訛以傳訛不足據也今陳氏毛詩摹本流傳已少
夫長興開版本之學貞明啟彙帖之風朱友貞刻貞明帖在保大前是真帖祖
轉在大亂之時以存先聖之道重勒廣傳嘉惠後學是所望
於健之宣統辛亥十二月

左傳淵世巨昏愍弃柔均缺筆他廟諱則不避世之治也

一避一不避可證周禮世字民字均不避棄仍作弃謀仍作諫是習尙使然不足爲避諱之證

知祥禋字作禋詳朔同不避知字知祥祖諱察察字缺筆左傳作察周禮作察毛詩作察父諱歐史名道蜀檇杙則云名嘯今本道字獻字皆不缺筆

壬子正月陳頌南臧周禮考工記公羊桓公二冊亦爲健之收得荃孫又假以續考得周禮六紙公羊二紙次校記之後各跋以青陽吳子肅履敬子迪式訓兩跋爲最略舉異同之字不爲空言是漢學家法周禮避蜀諱公羊避宋諱力駁前人避唐諱之說所見與荃孫同經字與唐石經無甚出入至各注則異同甚多有阮氏校勘記以爲當據某書改某字而

此注本不誤者有校勘記所未及者獲益良多至書字譌脫
周禮獨多於他經其孫朋吉之疏歟又如鄭注引及陸機草
木延哲猶可附會引及郭璞注氏則誤顯然矣吳跋以爲
仍其舊文不敢損益未免意存迴護不如直指其過俾知瑕
不掩瑜程克齋譏春秋以甲午爲申午以癸卯爲葵卯全謝
山云其書既多自不能無舛錯要之有足資考證者斯爲持
平之論宋晁公武有石經考異張貞有石經注文考異五十
卷有目無書無從考核矣荃孫再跋

易林注跋

易林注十六卷宋刊本每半葉八行行十五字高五寸二分
廣四寸五分白口雙邊中縫魚尾卷數葉數人名或白文或

陰文不一書十六卷與隋志卷數合每卷四卦注不著撰人名氏而注並不及半卽有注者皆引常見之書餘皆云無注或云未詳林辭多重複注亦重複坎之豫注崑崙之墟在西北方去嵩高五萬里地之中其高萬一千里出賦題則仍是坊賈所爲每卦之辭顛倒錯亂遠不如士禮居刻避諱旣不謹嚴止匡恒貞缺筆壯之啖缺林辭亦同惟足訂黃本之誤黃本首行焦氏易林卷第幾次行乾之第一此本首行易林卷第三次行畫卦於上乾下小畜三行小畜本卦林辭四行巽上之乾以下無之字無小注一云某當作某皆作大字與黃本異小畜之需故室舊廬稍弊且除除黃作徐之噬嗑方喙廣口仁智聖厚釋解倒懸唐國大安喙黃作啄大黃作太之剝

乘馬金車駕游大都乘黃作木之咸源出陵足行於山趾不
爲暴害民得安處處黃作居之家人無有屯難屯黃作重之
夬福祚之家喜至憂除如風兼雨出車入魚又云如魚逢水
長樂受喜黃脫又云以下十字之艮祠祀曠開黃作闊曠之
既濟襄夷服除以安王家黃作夷狄之未濟三足孤鳥靈鳴
督郵郵黃作卸履本卦林辭雖難得全且驚不危黃作雖得
得全之損行不能前足踈不便踈黃作矮泰之巽不爲家饒
心其函憂憂黃作逋否之咸花落實槁落黃作薄之解伊尹
智士去桀耕野智士黃作致仕之未濟道頓跌踈黃作跌
卷四同人之大過與樂爲倡倡黃作昌之明夷太王執政太
黃作大之旅鳳凰在左麒麟處右處黃作在大有之咸牝雞

雄晨主作亂根雄黃作司謙之頤雁降庭堅雁黃作龍之異
華入貴鄉到老安榮華黃作莘之豐拜跪請免不得梟腐得
黃作德豫之震吾有驂騮畜之以時東家翁孺來請我駒駒
黃作車卷七无妄之頤傲於嘉國傲黃作邀之恒憂思約帶
下一本云牛驥同堂郭氏以亡國破爲墟君走奔逃皆大字
大畜之益南箕無舌餽多沙糖糖當作糠黃脫四字頤之乾
思初悼古悼黃作道之恆毛生豪背豪黃作毫之益懸狙素
殮殮黃作殮卷八坎之節水怒湧躍湧黃作踴離之蹇東山
皋落勇捍不服金玦玩好衣爲身賊下有一朝隕落四字黃
脫之姤宋子哭歌宋黃作宗咸之隨破我葦廬廬黃作蘆之
臨祝施王孫施當作鮫黃作鮫之遜過時不歸苦悲雄雌雌

黃作惟之夬跛踣不行踣黃作倚恒之訟毋出房闕乃無疾
病毋黃作母之蠱狐不得南豹無以北狐黃作孤之復阿衡
服箱太一載行一黃作乙之咸瘠蠹小瘦蠹黃作蠹之艮背
憎爲仇憎黃作增卷九遯之旅金城鐵郭郭黃作廓之巽江
有陔汜有黃作水之小過逢駁猛虎爲所吞殤一本作又害
不傷黃脫七字大壯之无妄張氏揖酒揖黃作楫之困道温
爲坑輪陷躓彊輪黃作轉晉之坎飛兔腰裏黃作裊之解
刻木象形木黃作水明夷之大壯高明大彤黃作驕胡犬形
之中孚虛與有得得黃作德卷十家人林辭天命赤烏與兵
傲期兵黃作君之需生有聖德生黃作主之萃出入无妄入
黃作門睽之恒孟已乙丑哀呼尼父下云乙當作己言孔聖

卒於四月己丑黃作孟巳乙丑誤亦脫乙當作己四字之夫
折若蔽日黃作閉目蹇林辭喪我元夫元黃作无之大有生
時不利天命災至天黃作天解之履翁云于南姬言還北姬
黃作姬之謙三光高明雨滅其光滅黃作滅之損下擾上煩
蠹蠱爲患歲飢元年一云■既不一況有飢年黃脫一云十
字之邁王銳鐵頤倉庫空虛市買無盈與我爲仇一云時不
我與我之利爲一云倉庫滴空人誰與同黃脫一云下二十
字之萃竊名盜位居非其家霜隕不實爲陰所賊一云三年
室失盜賊自生霜隕非時菽麥不成黃脫一云下十八字之
升賊仁傷德天怒不福斬刈宗社失其本域博要云日中爲
市各抱所有交易資貨探珠懷寶以悅歡喜黃脫博要以下

二十三字之革麟游鳳舞歲樂民喜又云鳳舞麟游賢聖作
儔歲既豐稔人何以憂黃脫又云以下十八字之鼎行行箬
步次宿方舍居安不懼姬姜何憂一云行幸■國翫觀俗風
君安自勞姬姜何憂黃脫一云以下十八字易林卷十三革
之蒙殊類異路殊黃作疏之需太王爲父季歷孝友黃作王
季之蠱鷹鷂欲食鷗黃作鷗之坎華言風語亂相誑誤誑黃
作狂之升杖鳩負裝杖黃作仗之巽兔聚東郭郭黃作廓鼎
之大有高易我宇易黃作易之觀雞釜夜鳴釜黃作釜之豐
白馬駟駟黃作駟之兌成王多寵商臣惶恐商臣黃作商
人震之晉牙孽生齒一作牙孽生達黃脫一作六字之歸妹
我右身安居不危殆居黃作吉艮之小畜廣祐施惠施黃作

德惠之晉陰生麀鹿鼠舞鬼谷靈龜陸處一云靈鼠陸處鬼
哭鼠舞兩甌草生仁智敗國桀亂無緒黃脫二十七字之豐
稍弊穿空家莫爲宗移下爲身作凶一句在此更作一云奴
婢逃走子西父東與黃本異卷第十四漸之需追我濟西敵
人破陣我當作戎黃脫下四字之大有乘輿八百尊我恒德
恒黃作桓之中孚牝牛鳴啣牛黃作馬之未濟陰醜陽爭醜
黃作配歸妹之屯至德安樂一云潛伏黃脫一云四字之蒙
獻豳大縱以樂成功縱黃作猓之豫轆轉東西轆黃作博之
頤來復我城傷我肌膚黃作吾城豐之需二龍北行二黃作
三之隨開廓緒業廓黃作郭之臨增加我頭繳挂羽翼增黃
作緇之咸腐臭所在青蠅集聚蠅黃作繩之遯甘忍利瘡瘡

黃作害旅之漸蝮蛇四牡牡黃作壯按周道委遲四牡駢駢
蝮蛇卽委遲四牡爲是此書各家書目未見著錄止敏求記
云在牧翁處見注本絳雲一炬已歸天上及黃本跋所謂一
旦再出全注並傳者是遵王猶見注本蕘圃不過想像今得
校其半亦云幸事矣

大戴禮記跋

大戴禮記十三卷元刻本每半葉十行行二十字高六寸八
分廣五寸黑綫口單邊上有大小字數下有某人刊雙魚尾
紙墨均佳首有元挖去至正二字甲午鄭元祐序後有宋淳熙
乙未韓元吉跋據鄭序知爲海岱劉庭幹刊置嘉興郡庠本
攷大戴禮記十三卷漢戴德撰德爲信都王太傅見儒林傳

書十三卷八十五篇亡四十七篇存三十八篇是書通行者
有雅雨堂本有戴東原校大典本有孔翼軒補注本有王寶
齋聘珍解詁本有汪綉青炤注本有汪容甫正誤本舊刻宋
有淳熙韓元吉本元有至正劉庭幹本宋本不得見以元至
正本爲最卽此本也庭幹名貞爲嘉興路總管政平訟理刊
刻多書今流傳於世者有韓詩外傳呂氏春秋及文則皆爲
舉世所重孔注序錄云至正十三年海岱劉貞庭所刻分上
下卷無注按貞是名庭幹是字孔君誤連此本分四冊首冊
首作大戴禮記卷一之三後有每卷篇目下次冊大戴禮
記第四之六三冊大戴禮記卷七之九四冊大戴禮記卷十
之十三不分上下卷并有盧辨注未知翼軒所見爲何本也

首有晉府書畫之印後有敬德堂圖書記兩朱文大方印目錄有永理之印白文皇十一子朱文詒晉齋印朱文三小方印此書先藏晉府後歸成王府也原書由蝴蝶裝改冊故書口時有破損

樂書跋

樂書二百卷附正誤一卷宋陳陽撰宋刊本每半葉十三行行二十一字高六寸六分廣五寸二分白口上有字數前有慶元庚申楊萬里序後有慶元己未陳岐跋林宇冲跋正誤一卷樓鑰撰字尤方勁嘉泰二年大防自跋又有陳芾跋不全與錢警石讀書雜記同按樂書與禮書均刻於南宋歸於南監元明遞修以修板之多寡定書品之高下有至治刊本

至正刊本皆此一書至治有虞集序至正本改慶元爲至正
改陳岐爲林光大尤爲可哂此本字畫清爽亦無一葉補刊
而宋樓志以爲宋刊元印而林字冲跋缺字此本全有之則
印在前矣首葉有建安楊氏傳家圖書朱文長印五硯樓朱
文大方印末葉有五硯樓袁氏攷藏金石圖書朱文方印蓋
明正統中大學士楊榮藏書五硯樓則吳縣袁廷構藏書處
也

平水巾箱本爾雅跋

巾箱本爾雅三卷元平水刊本每半葉八行行十五字高四
寸半寬三寸六分黑綫單邊中縫上魚尾上大小字數上魚
尾下爾雅上中下三字下魚尾葉數下有一畫題郭璞注首

載郭序後有音釋與宋本同序後又有牌子云一物不知儒
者所恥聞患乎寡而不患乎多也爾雅之書漢初嘗立博士
矣其所載精麤鉅細畢備是以博物君子有取焉今得郭景
純集注善本精加訂正殆無毫髮訛舛用授諸梓與四方學
者共之大德己亥平水曹氏進德齋謹志阮文達南昌本未
見此書取校一過經字釋詁底底不作廢雪窗天順本同宜靜
書院作廢從使也不作使從也各本同阮刻誤倒釋宮廡不
注疏所出作廡釋親謂女子上有男子二字各本同阮刻誤脫釋天太
平太蒙不作大釋草傳擗目不作橫蔎不作蔎阮刻誤注字
釋詁愁如調飢阮誤饑天畏斐忱阮作威釋言肅雍和鳴阮
作噍謂燒燎阮脫謂字今荆楚人皆云還音杳阮脫相干廡

阮作于葵亂
下阮有也字
阮本下有展
宦夷作對當
名云阮脫賈
釋天凍音東
鼓擔耆荷也
本下腕○見
字作大字阮
爲堊音斬阮
華色異名亦

急江東呼芾音怵阮脫音怵二字江東呼爲烏薩音邱阮脫
 音邱二字今江東呼華爲琴音敷阮脫音敷二字釋蟲齊人
 呼蟻蟻阮作蟻蟻均誤吳元恭本同天順本作齊人呼
 爲蛾蚌是阮誤爲蟻此本改蟻作蛾然上蟻字仍爲字誤釋
 魚小銳而長齒阮作鮓丹甲青文阮作青①釋烏雅烏也阮
 作鴉齧屬人曰橋阮作擣此與阮本不同者其經文不同於
 唐石經者如釋宮屋上薄薄不作簿宋刻廣韻三十五笑釋
 天何鼓不作河鼓與郭氏擔荷之訓合蓋古擔荷之荷實作
 何也釋水縣出不作懸出釋文縣音元是又釋畜駮牝驪牡
 不同雪窗本作駮牝驪牝武進臧氏謂鄭高密孫叔然本作驪牝釋草其
 萌蘗注音繼繼不同雪窗本訛作邱阮釋經皆以元恭本雪

窗本爲單經之善而此本更出其上世所存元本闕板居多至平水本據各家目錄不及十部則北本重於南本不得以墨色稍次譏之矣首有稽瑞樓白文長印瞿氏鑒藏金石記白文長方印恬裕齋藏朱文方印蓋常熟故家物先陳後瞿庚申亂後爲嶺南丁中丞所得今又從嶺南仍回江南矣

方言跋

方言十三卷宋刊本每半葉八行行十七字高六寸八分廣四寸三分板心上有字數下有人名白口雙邊後有慶元庚申李孟傳朱質跋兩段書中避諱至惇字卽慶元時刻本季滄葦書目云揚子方言六卷四本牧翁跋卽此書錢跋卽在朱跋之後書禁嚴時撤去一葉影寫六字訂入首葉有顧仁

效藏書朱文長印橫經閣攷藏圖籍印朱文大長方印季振
宜藏書小長印序後有揚州季氏朱文長印滄葦朱文小長
印振宜之印朱文小方印均墨印首葉有仁效二字朱文方
印後有顧元慶覽賞印朱文方印華亭朱氏白文大方印按
顧仁效長洲人結廬陽山之下王文恪爲撰陽山草堂記顧
元慶字大有亦家陽山大石下學者稱之曰大石先生華亭
朱氏卽朱大韶字文石華亭人嘉靖二十六年進士由庶吉
士授檢討遷南司業橫經閣卽其藏書處

桂氏說文義證原刻跋

乾嘉盛時說文之學大行南段北桂最稱弁冕段氏自刊其
書久行於世桂書止有藁本流傳亦未校正字幾及二百萬

刊板正復不易諸城李方赤方伯得其藁延許印林許珊林
王棻友諸小學家校訂苦其繁雜欲刪節之棻友以爲不可
道光己酉聊城楊至堂河帥駐清江平定張石洲爲山右楊
墨林刻連筠蓀叢書願以此書刻入初挽汪孟慈校讐後交
印林獨校卽在清江集工開雕印林爲立校例三一日補例
一曰刪例一曰改例又撰汪孟慈校語條辨復增校例七條
印林因父病不能遠離再移局於贛榆之清口鎮距印林家
止百里俾之照料咸豐辛亥始蕝事未印多書而墨林石洲
前後歿未能移板入都板卽度印林家辛酉八月捻逆竄日
照印林家破室廬書籍均燬於寇桂板亦燼焉逮南皮張文
襄公刻於鄂局海內始得見桂氏之書文襄公序言楊氏書

板質於厰肆不知桂書並不在內臨清徐君悟生又言板燬於拳匪之亂皆傳聞之辭不如印林與高伯平書爲可據文襄公見此刻於何小宋制府許內缺一葉至求日照丁小山寫本足之京師圖書館亦只藏有大字寫本今幸得楊刻初印本而鈔印林校例於攀古小廬文校語條辨於滂喜齋合訂於前俾知此書刻不易校亦不易而原刻之爲難遇也

史記集解跋

史記集解一百三十卷宋刻本每半葉十二行行二十二字大小字同高四寸六分廣三寸八分白口單邊口上一魚尾下署史記幾下號數目錄作大字史記目錄後有牌子三行都武東鄉朱中奉宅刊行校勘卽無訛舛紹興庚申八月朔

李應堂文集卷之三
日字瘦勁靜穆天水佳刻各書目均未見惟集解八十卷原
第已不可得見耳

史記跋

史記殘本宋刻三注本每半葉十行行二十一字大小字同
高六寸廣五寸小耳白口上有大小字數亦有在下者口作
史卷幾雙魚尾集解索隱三注俱全各書目未見書估止攜
一冊不知書後有年月牌子否也有人謂似元本爲彭寅翁
刊者此據愛日精廬藏書志張月霄未記行數字數而經籍
訪古志有之云是十行十六字至十七八字不等後有至元
戊子安成彭寅翁新刊與此二十一字不同則非彭本明矣
此宋刻別本三注似亦剛簡向疑南監刻史記共有四種

而注均不全大約就宋人單簡之本照刊非明人自刪也
南齊書跋

南齊書五十九卷眉山重修七史九行十八字本摹印極早
字畫方整者宋刻靈動者元刻而無明修爲七史中僅見之
書後有治平三年崇文院送杭州開板行是北宋刻於杭
南宋刻於蜀杭蜀兩處爲天水良工所萃故板刻流傳最久
前有禮部官書朱文大印儀顧堂跋云第三十九卷缺第五
葉以十四葉改刻五字補之此本則無補葉卷四十王士隆
上空一格若夫九種之事下空二格則同也陸本有嘉靖修
板不如此本遠矣

崇文院

嘉祐六年八月十一日

敕節文宋書齊書梁書陳書後魏書北齊書後周書見今
國子監竝未有印本宜令三館祕閣見編校書籍官員精
加校勘同與管句使臣選擇楷書如法書寫板樣依唐書
例逐旋封送杭州開板

治平二年六月 日

輿地紀勝跋

輿地紀勝二百卷宋王象之儀父撰儀父東陽人宋史無傳

書錄解題載其爲慶元中考爲慶元丙辰鄒應龍榜進士曾知江甯

縣張秋水集詳其仕履爲江西分甯甯非建康府之江甯甯其父
名師亶劉伯山因影宋本紀勝袁州官吏下載王師亶二字

皆缺筆且注曰郡志云袁州月椿歲額八萬八千餘紹興末
年先君子爲宜春簿嘗作文志月椿之苦今減二萬五千餘
貫自先君子啟之則其父名師直中紹興二十四年進士終
廣東提點刑獄殆卽其人今攷吳師道敬鄉錄師直子七人
爲謙之恭之益之觀之有之渙之節之而無象之七子皆以
卦名象之獨非爲後改無疑今據呂忠公祖儉唐卿墓志有
之後改爲象之與紀勝所云仲兄行父則益之也叔兄中父
則觀之也行數亦無不合南海伍氏江都岑氏前後刻之岑
氏並爲校勘而儀父世系訖不能明今爲表之如右

金華王氏

師直

字唐卿

謙之

字古父

紹興二十四年

進士

終

吳師道

敬鄉錄

師直子

七人

爲謙之

恭之

益之

觀之

有之

十四年進士

一年進士

宜春簿南劍

州教授刊龜

山續書守九

江建養拙堂

於諫溪詞側

終廣東提刑

有文集及資

治通鑑集義

八十卷

各本皆作師

古惟景宋寫

本作真缺筆

作百後人誤

作古字歷引

夏侯夏舒夏

均作真適迥

作迥均缺筆

獨此處作百

亦可見宋人

避諱止作不

成字並不

恭之

益之字行父

士終大理司

直撰西漢年

紀

觀之字中父

夔州轉運判

官撰輿地圖

十六卷

育之改象之

渙之

節之

律

師心

重和元年進士

終顯謨閣直學士

師德

師愈

紹興十八年進士

提刑龜山門人

瀚字伯海東萊人

柏

魯齋先生

相

仇

字剛仲號定齋

必

愆

危素撰傳

城

紹孫

閑 閭 閭 閑

卷之二十一

十一

雲龍

洽字伯禮東萊弟子

師尹

紹興二十一年

終進功郎

道德經跋

老子道德經古本集注二卷宋刊本每半葉十行行十七字
 高六寸四分廣五寸四分白口單邊上有字數下注人名一
 字首行老子道德經古本集注上次行前玉隆萬壽宮掌教
 南岳壽觀長講果山范應元集注直解行湛然堂無隱齋
 谷神子范應元後序書中引晦菴序參同契是范在朱子之
 後集各家注并有音辨均以陰文冠之今道藏目不載是書

宋諱亦不甚避然字畫紙墨爲宋板宋印無疑

南華真經跋

南華真經十卷郭象注宋刊本每半葉九行行大十五字小
三十字高七寸廣四寸六分白口單邊魚口下以莊一至莊
十紀卷數下紀葉數刻工人名一二字不等此胡蝶裝改冊
口上大半破損無跡可尋無序跋末葉後有安仁趙諫議宅
刊行一樣■字兩行安仁宋史有傳國子監刻五經正義以
安仁善楷書遂奏留之性嗜書所得祿賜多出以購善本北
堂書鈔三館所無真宗命內侍取其家本以傳喜其好古手
詔褒美此本各書未見著錄而字畫方整精墨精潔是北宋
體格疑卽安仁手書所刻與內(弘)字(之)字避餘不避而獨避

慎字或爲南宋繙刻歟未見全帙郭注全音釋則直音非陸

氏釋文矣歲在闕逢攝提格江陰繆荃孫跋

淮南子節本跋代

淮南子二十一卷宋刊節本每半葉十行行十八字小字同

高黑口單邊板心標準一二字首行

新刊淮南鴻烈解卷第一次行太尉祭酒臣許慎記上卷末
有茶陵後學譚叔端纂校一行目錄後有兩方印一模黏一

耕譚氏一鼎式書鄉二字淮南止見小字影鈔宋本此本

字畫精雅紙墨均舊然各書目均未著錄似是道家所刊而
譚叔端亦無可考節去本文約十之四注每卷刻許慎名然
既不全采許注亦不全采高注略存數條而已至其佳處今

以莊本校之如原道訓而大與宇宙之總未脫與字欲肉之心亡於中肉不作害俗上氣力上不作尙不謀而成謀不作爲結激楚之遺音音不作風俶真訓藿蘆炷煌蘂不作萑炷不作炫秉皓白而不涅涅不作黑墜形訓昭之以日月昭不作照時則訓遠鄉皆至鄉不作方以索姦人索不作塞覽冥訓推蹶三王之法度度不作籍仁人處位而不言人不作君保其性命於天而不夭於人性不作修天上有於字皆枉生而無其本者也枉不作狂精神訓精神者天之有也未脫者字主術訓韎韠鐵鎧韎不作鞅無功而妄賞妄不作厚其計事可用事不作乃雖遇煩難之事未脫遇字繆稱訓無蔽財蔽不作廢夜行者瞑目而前未脫者字齊俗訓令三月嬰兒

令不作今不中規中不作得成不力者力不作強而仁不能
解也仁不作人道應訓其度安至至不作在奚適而無道也
而不作其明日又復往未脫日字兵略訓整鸞舉麟整不作
整說山川魂曰無有魄曰何無有何得而聞也未脫魄曰何
無有五字善且不可爲不可不作由弗六畜生多耳目者不
祥祥不作詳說林訓無餌之鈎鈎不作鈎十牖畢開畢不作
之詮言訓便在己者得宜宜不作而隨時三年時去我走先
時三年時在我後不作時去我先去時三年自信其能能不
作情人聞訓病温而強之食温不作溼推道理而不行理不
作體延露陽曲曲不作局修務訓此教訓之所俞也俞不作
諭項橐年七歲未脫年字服劍者期於銛利銛不作(情)孿子

之相似者欒不作孿秦族訓雨露所謂潤不作濡要略經山林之形林不作陵乃始物物引類上物字不作攬則通其所以無爲通不作同與王懷祖先生讀書雜誌所引大半相合其佳可知莊本固未足憑譚君仲修許益齋欲刊影宋本爲校勘記從無見過此本者故雖節本亦摹播之取其罕見也歲在闕逢攝提格小陽月賁池劉世珩跋

五代史平話跋

新編五代史平話宋刻本每半葉十五行行二十五字高五寸七分廣三寸七分黑口單邊首行新編某史平話大字占雙行次行詩曰上魚尾下首葉作六次葉某史幾下魚尾下字數攷平話始於宋時夢華錄有講史李隨楊中立張十一

徐明趙九亨賈九諸人小說有王顏喜蓋中寶劉名廣諸人
夢梁錄有小說講經史一條云說話者謂之舌辯雖有四家
數各有門庭如煙粉靈怪傳奇公案有譚淡子翁三郎王保
義陳良甫棗兒余二郎等談論古今如水之流講史書者謂
講說通鑑漢唐歷代書史文傳興廢攻戰之事有戴書生周
進士張小娘子宋小娘子邱機山徐宣教等又有王六大夫
元係御前供話諸史俱通於咸_淳年間敷演福華編及中興
名將傳聽者紛紛蓋講得字真不俗記問淵淵甚廣黃黎洲
記澹生堂書已散之後所存傳奇平話尙百十種前人記大
典所載平話甚多今世所傳宋人書止有宣和遺事一種明
人書止有蘆城平話一種餘皆罕見此五代史平話宋刊本

爲曹君揆一所藏董授經比部刻之俞理初書蘆城平話後
言平話體蓋多臆造此書於實事上十居其七八書在宣和
遺事前而臆造較少則固宜存此一體

宋刻避諱監本官本最爲慎重家刻坊刻多不拘近人專
求避諱以辨宋刻往往貽誤曹跋所云貞觀作正觀魏徵
作魏證皆撰書人爲之非刻工所知也

藝風堂文漫存卷四

江陰繆荃孫

癸甲藁

跋 贊

陶淵明集跋

箋注陶淵明集十卷題廬陵後學李公煥集錄元刊本每半葉九行行十六字高五寸寬三寸八分前有昭明太子序及總論一卷詩六卷文二卷羣輔錄二卷詩文句下略有箋釋開采東坡山谷趙泉山韓子蒼湯東澗張續胡仔之論附於下前人以湯注本爲最佳此本爲最備而以爲元繙紹興本然避諱至廓字又采及劉後村胡漁隱之說已在南宋之末似非從紹興本翻雕至字畫之雋潔影寫之工整自是佳書

又爲歷代藏書家所珍重故并手跋圖書摹印之陶集刻本最多止嘉靖戊申傳印臺刊於江州從此本出首有華雲序後有王庭榦跋今本模黏字以傳本補之以孫承祖也

東坡先生和陶淵明詩跋

東坡先生和陶淵明詩四卷宋刻本每半葉十行行十六字高六寸八分寬五寸白口單邊魚尾下標和陶幾上字數下刻工姓名止標一字有庚子重刊乙卯重刊陰陽文不等考東坡先生初集後集內制外制應詔奏議及此和陶皆有宋刻亦謂之七集至明程始輯逸詩逸文並和陶編入爲十二卷謂之續集合此六種仍爲七集而非其舊此宋本宋印行款與東坡子由集均同自是蜀中刻本首陶次和詩子

由和者亦載入編次題目均與明刻不同校明嘉靖刻李光
煥本陶詩爲改正訛字十餘成化七集本不載陶詩及子由
和詩所以不及一卷和庚戌歲九月中於西田獲早稻失小
引乙巳歲三月爲建威參軍使經錢溪失題訛字不止十餘
此本之誤東方一士一篇卷二卷三複雜詩十一首無弟十
二首明嘉靖本云宋本東坡和陶詩無此篇與此正合明本有
集歸去來辭詩十首此無訛字亦復不少見下

卷一

和飲酒詩 欣然誤頌 玉管開天庭開誤聞

和歸園雜居 江鷗漸馴集集誤隻

陶詠荆軻 提劍出燕京提誤從 逶迤過千城千誤子

和怨詩楚調 憂媿自不下空格嘉靖本作眠

卷二

陶讀山海經 化去不復悔 悔誤梅 小注一作鶉誤

陶遊斜川 魴鯉躍鱗於將夕 鱗誤鮮

陶和郭主簿 清涼華秋節 涼誤凍

陶和劉柴桑 未忍言索居 未誤米

和劉柴桑 而有造請役 役誤後

卷三

陶時運 悠悠清沂第二 悠字誤想

和時運 小序丁丑二月十四日丑誤由 木固無脛瓦

豈有足豈有誤固無

和擬古 庭空鳥雀噪鳥誤馬 盧生與若士生誤坐

飛泉瀉萬仞瀉誤寫 遺我吉貝布貝誤具

翁媪國于茲于誤子

陶雜詩 丈夫志四海文誤文

和雜詩 微風動眾竅動誤渡 終老懷未央未誤末

可與君平道可誤何 物色恐相值值誤儻

子由和 垂老徒比景比誤此

陶還舊居 誤舊還居

和還舊居 往來赴造物往誤行

陶贈羊長史 無貫患貧賤貫誤貫

陶經錢溪 終懷在歸舟舟誤州

和游城北廢園 玄鶴舞長翻(玄)誤女

和郊行步月作 始覺 陵平 誤生

陶經曲阿 婉變憩通衢變誤轡

陶乞食 主人解予意解作諧意誤音 周餘幾崩壞壞

誤懷

卷四

陶懷古田舍 雖未量歲功未誤末

和懷古田舍 躬農圃之勞勞誤榮

和勸農 乃和淵明淵誤潤 袒跣何媿袒誤祖

和再送張中 相從大塊中塊誤媿

陶荅龐參軍 三復來貺貺誤貺 數面成親舊落舊字

輒依周孔往復之義孔誤禮

陶西田獲稻 交無異患干干誤干

和西田獲稻 何適不閒關不誤下

陶下澗田舍獲稻 脫稻字 寄聲與我請寄誤奇

和戴主簿 飲酒腹尙沖酒誤水 草去土自隕草誤莫

自誤土

陶桃花源記 問今是何世今誤令

和桃花源記 居民三十餘家三誤一 溪中多枸杞枸

誤拘

和歸去來兮 時爵躍而輒栢栢誤柏 子由和下同

鮑氏集跋

鮑氏集十卷照宋寫本原書明正德宗應登刻毛斧季以宋本校宋本半葉十行行十六字間有十七字十五字者宋本往往有目空五字題空四字前有齊散騎侍郎虞炎奉叔撰序序後卷一目日後接本文斧季鉤勒行款筆畫不拘正俗無不改定宋本面目一望即見序上有識語云宋本每幅廿行每行十六字小字不等卷一舞鶴賦巾拂兩停九劍雙止上識語云欽宗諱桓故宋本書丸字諱去一點犯嫌名也然字形狹長仍作丸形而去一點與九字不同宋諱殷助百貞樹恒僅讓皆爲字不成愍世則襲唐諱也宋本卷九缺末葉按隋志梁六卷隋十卷似後人增益已非虞奉叔所序之本惟開卷署鮑氏集不曰鮑參軍集詩賦亦間有自序自注與他集

從類書采輯者不同可稱善本每卷有虞山毛扆手校朱文
長印西河季子之印朱文小方印席玉炤讀書記白文長印
愛日精廬張氏藏書記朱文方印已見張氏藏書志書後有
丙辰七夕後三日借吳趨友人宋本比較一過展一行

李翰林集跋

代

李翰林集三十卷唐李白撰宋刻本每葉二十行行二十字
高五寸七分廣四寸四分白口單邊每卷目錄連屬正文後
附新唐書本傳又有紹熙元年七月開封趙汝愚題云右李
太白題司空山瀑布詩得之東里周子中附于卷末又咸淳
己巳三月天台戴覺民希尹跋云是集多趙同舍崇釜養大
所校正又有江萬里序係手書上板晏知止本歌吟在六七

兩卷此則在第十七卷餘亦前後參差丁陸兩家書目均有此本而江序均佚去亦可貴也近時李翰林集止重繆刻蜀本此則當塗本子重摹之以增皖南故事云

杜陵詩史跋

王狀元集百家注編年杜陵詩史三十二卷唐杜甫著宋魯訔編年并注王十朋集注宋刻本每半葉十三行行二十四字高六寸二分廣四寸一分白口單邊口上有字數魚尾下作杜詩亦作寺一杜詩又作六十家杜詩一種種不同首行作王狀元集百家注編年杜陵詩史一卷次行前劍南節度參謀宣議郎檢校尚書工部員外郎賜緋魚袋杜甫子美撰三行嘉興魯訔編年並注四行永嘉王十朋龜齡集注與天

祿琳瑯所載黃氏補千家注杜工部詩史截然兩書彼則黃希黃鶴補注此則魯訔王十朋注彼三十六卷此則三十二卷也其於詩之有關時事者皆於題上注明故謂之詩史所引前人注皆各標名而作白文以別之千家注百家注口上又云六十家注皆坊本故態書有真賞朱文胡盧印華夏白文方印文石太史所藏圖書朱文長方印季振宜藏書印朱文小長方印緯蕭草堂藏書記朱文長印商邱宋肇考藏善本朱文長方印按季氏書目王龜齡注杜詩三十二卷卽此書無錫華氏華亭朱氏商邱宋氏崑山徐氏遞藏也

柳柳州外集跋

柳柳州外集一卷唐柳宗元撰宋刻本每半葉九行行十八

字高六寸寬五寸白口單邊兩魚尾上魚尾下標外集二字
下魚尾下先葉數次字數大字居中下刻工人名一字按唐
宋志載柳集竝三十卷晁氏讀書志亦三十卷外集一卷趙
希弁附志作四十五卷外集二卷陳氏書錄解題所載凡三
種竝四十五卷外集二卷分卷不同要以三十卷者爲最古
陳氏解題謂劉禹錫作序言編次其文爲三十二通退之之
志若祭文附第一通之末今世行皆四十五卷又不附志文
非當時本也是宋時所刊柳集已非劉氏之舊 四庫題要
謂或後人追改劉序以合見行之卷按劉集載柳文序實作
三十二通則四十五確爲後人追改無疑 各本柳集所載劉
序皆作四十五通
今獲此宋槧外集一卷詩文凡四十三首各本已闕入正集

者三十二入外集才八首又溢出送元嵩師詩上宰相啟上
裴桂州狀三首則諸本正外集皆不載卷末有乾道改元吳
興葉程刊書跋蓋程官永州刻之郡庠者是刻爲曹棟亭氏
舊藏檢千山曹氏藏書目此種注云三十二卷乃合此外集
暨附錄計之益足證永州本正集爲三十卷無疑以是外集
例之其正集必有大異于諸本者惜哉不得見矣

鉅鹿東觀集跋

代

鉅鹿東觀集十卷宋魏野撰宋刻本每半葉十行行二十字
高六寸廣四寸五分白口單邊魚尾上記字數下刻工姓名
中縫鉅鹿東觀集卷第幾在上魚尾下字數在下魚尾上野
本隱士歿贈祕書著作郎其子閑編其集援漢書班固引著

作局爲東觀故事故名曰鉅鹿東觀集有薛田序此本闕四五六三卷系鈔補本爲朱子僭曹潔躬物後歸陸其清顧抱冲家今歸於余爲溯其源流如此黃羹圃止藏影寫本今新陽趙氏峭帆樓刻本據十萬卷樓星鳳堂寫本付刊均與此書一作本合而卷七八九十四卷分卷不同訛字一葉內不下十餘處之多卷五送閩師之長安謝紫衣一首有題無詩而劉姓大著忽惠雅章喜懼輒增二詠聊以贈酬送薛階迎觀察院又次前韻兼乞崔三首則此鈔所無也提要云據天聖元年薛田所作集序野先有草堂集行在人閒宋史亦稱野草堂集十卷則十卷者野舊本也序又稱其子閑以新舊詩三百篇混而編之彙爲七卷因取贈典命之曰鉅鹿東觀

集則東觀集者閑所重編七卷之本也此本凡詩三百五十九首題曰東觀集而乃作十卷未喻其故豈序文誤十爲七歟今此本辭序則云余與交三十年天禧己未化去令息閑綽有父風出君所著新舊詩四百篇除零落外以其國風教化諷刺歌頌比興緣情者混而編之共成十卷因取贈典命之曰鉅鹿東觀集是明明新舊合編連草堂集在內則與提要大相牴牾不見此本不覩東觀集之真面目矣宋藝文志及書錄解題均云草堂集二卷鉅鹿東觀集十卷一舊稿一後訂而並無草堂集十卷之說宋史傳不足據讀知聖道齋跋尾云收得七卷本似從此刻本鈔出而以所闕之四五六卷爲補遺仍是十卷核據詳洽至金兆芝跋趙刻云及見宋大字草

堂集十卷本則強不知以爲知不值一哂矣歲在旃蒙單闕
貴池劉世珩跋

王臨川集跋

臨川王先生文集一百卷宋刻本每半葉十二行行二十字
高六寸六分廣五寸五分白口單邊間有黑綫口卽補板前
有紹興辛未王珪謹題書中桓字作淵聖御名構字作御名
慎敦廓不闕筆雖有後來修板而原書尙是紹興舊刻可知
臨川集政和中開局編書而門下侍郎薛昂肇明實主其事
與明繡詹大有本皆出於紹興時卷第皆同略有出入日本
內府殘本十行十七字亦刻於紹興據島田彥忱止見七十
卷而得佚文四十七篇又不知何本也島田跋云昔明華中

父眞賞齋有宋百六十卷王臨川集見豐人翁眞賞齋賦而何義門旣言其不可見則其爲希覲之笈又可知也而說者謂荆公之集以紹興辛未其曾孫王珏所傳刻者爲最完其作百六十卷者徒分析其卷帙耳荃孫藏有明繙詹大有本沈乙厂新購明繙元吳澄序之小字本又有萬曆刊本合校之必有可觀再附以日內府宋本之佚文與陸存齋之所輯此集庶無遺憾矣

魏鶴山大全集跋

魏鶴山大全集一百九卷宋魏了翁撰宋刻本每半葉十一行行二十一字高七寸三分廣五寸五分白口單邊首行重校鶴山先生大全文集卷幾或云卷之幾或止數目無卷之

字板口詩牋表奏議狀劄督府奏陳等各類作詩幾牋奏幾
補刻作大全集幾葉數每卷自爲起訖只周禮折衷一百四
五兩卷通計缺十八十九卅五卅六卅七卅八四十三四十
四四十五四十六五十五十一五十二五十三七十五七十
六七十七一百零七一百零八共十九卷爲海內孤本黃堯
圃所藏錢辛楣所跋卽此本也有_(淳)祐己酉吳淵序吳潛後
序開慶改元游侶序明嘉靖三年無錫安國活字印本次行
署錫山安國重刊一後行後有安國跋知無錫縣暢華後序
又有嘉靖三十年邛州高翀本卷一有邛州知州吳鳳郡後
學王葵校正學正李一陽訓導周南編次四行四庫據高本
著錄而外間所流傳者止有安國本安國本卽出於此本如

卷一缺首葉游古白鶴山和辭祕書紱聞鴉韻和虞永興剛
 簡滄江鶴再誕雛三題安本卽從二葉雅州胥園起所脫十
 九卷并目亦不存後印入全書想又從他本補足此書二十
 八二十九并卷七十二卷魏府君純甫墓志銘不完九十卷
 策問十二葉系一百二卷之脫葉原本亦有空格有印本模
 黏字爲後人誤改宋本卽從其誤是安本出於此本之的證
 至一百零八卷止六題今書安忠定行狀後跋李夢庚韶卿
 上梁綸漕使書在安本六十五何友諒墓志銘在八十七只
 張令君煥道夫墓銘一文已未唱第後謝恩詩已未擬進聞
 喜宴賜進士詩二詩而已宵作霄儻作黨遷作迂餘作余萬
 作万維作惟同治甲戌吳勤惠公督蜀出傳鈔安本命刊因

訛誤太多止錄其清朗者刊文鈔四十卷嗣聞宋本歸吾友孫問青欲校未得今由劉君翰怡借到與王息塵兄對校而志其緣起癸丑五月十一日

鶴山集舊有姑蘇溫溪兩刻皆百卷此本搜輯逸篇並周禮折衷師友雅言併刻之故有大全集之名渠陽集得之教授張鞏周禮折衷得之提幹何璟校此刻者清幕朱景行漢嘉楊起寅及璟三人見後跋

黃文獻公文集跋

黃文獻文集四十三卷元黃潛撰潛字晉卿婺州義烏人延祐二年進士授寧海丞人爲應奉翰林文字出爲浙江儒學提舉致仕後起爲侍講學士修國史久之南還凡七年而卒

年八十一謚曰文獻今考公集二十三卷刻於先生歿後五年此則刊於三山學宮實成於先生未歿之前二年前有至正十五年宣城貢師泰序云先生文集總四十三卷其初橐三卷則未第時作危素所編續橐四十卷則皆登第後作門人王生宋生所編次也今年已七十有九康強善飲啖援筆馳騁如壯歲云云首行題曰金華黃先生文集第幾下題初橐幾續橐幾次行題臨川危素編鄱陽劉耳校正間有題門人編次者次行有題日損齋續橐者卷一至卷三爲初橐卷四至四十三爲續橐每葉二十四行每行二十四字版心有字數語涉元帝皆提行元刊元印本初橐一二詩三賦騷答問雜著贊碑記序題跋書祭文傳行述續橐一至三詩四詔

制表牋箴銘贊五碑文記六至十二記十三至十五序十六
序說啟公文十七策題勸農文上梁文十八十九題跋二十
祝文詞疏祭文行狀二十一至二十四神道碑二十六二十
七墓碑二十八至三十六墓志銘三十七墓碣墓記三十八
三十九塔銘道行碑四十世譜傳初彙續彙總爲四十三卷
而先生歿後五年家藏日損齋彙二十三卷縣大夫胡君惟
信悉其湮沒亟取鋟梓以傳宋景濂序之正統戊午補完板
片印行杜桓序於後胡公刻板未睹此足本他書目亦罕及
元本藏兩宋樓始表出之今已歸東瀛錢塘丁氏景鈔副本
在江南圖書館段以鈔錄荃孫先得明嘉靖十卷本又得張
美川鈔藏二十三卷本已稱難得今宗子岱觀察出新得殘

本二十卷元版元印相校一過補字不少十九卷覺隱文集
序補至四行可見陸本尚不如此本惜其未全耳愛日精廬
僅得二十三卷今歸鐵琴銅劍樓則卷一至十三二十二至
三十一止存二十三卷合之尚缺二十一一卷三十二至四
十三其一十三卷

伯生詩續編跋

伯生詩續編三卷首行題伯生詩續編其每卷端又題伯生
詩後卷幾至元後庚辰劉氏日新堂刻本建安坊本也每半
葉十行行二十五字高五寸二分寬三寸四分黑口單邊行
書超逸板心詩幾詩或作寺元人常態上卷爲四五七言古
詩二十五首中卷爲七言八句四十五首下卷七言絕句五

十三首五言八句十三首五言絕句十三首共一百四十七首大半學古錄類彙所載後坵葉氏四愛堂詩卷與邵亭所見同

是集乃學士晚年所作比

常作尤為得意敬刻梓

與騷壇共之皆至元後

庚辰劉氏日新堂謹識

牌子在目錄後

東維子集跋

東維子集三十一卷元楊維禎撰明洪武刻本每半葉十二行行二十四字高六寸七分寬四寸五分黑口雙邊兩魚尾按元鐵崖著作有鐵崖文集五卷元刊本鐵崖漫彙五卷明

洪武十四年謝九疇序本至東維子集各家書目著錄皆鈔本惟愛日精廬藏書志有刻本無序跋又有鈔本跋不全而無年月荃孫藏舊鈔本跋與愛日志同末有萬_曆十七年乙丑既望一行又華亭孫承序云洪武初元石湖吳君欲廣其傳問序於予云亦無年月此書刻工紙墨的是明初不得至萬_曆也疑此書與愛日本同出洪武吳刻鈔本出於萬_曆所以行款不同歟荃孫於甲寅元旦以刻本校鈔本至元夜而畢文二十八卷詩二卷附錄一卷記之外又有志與記無以辨文中有頌元者有頌明者有頌淮張者亦無以辨春水船記兩收一在卷十六一在卷十七小桃源記一爲顧仲瑛作一爲陳衡父作起段不同餘則全同則編次者之疏也句

奇者注句字字奇者注音釋韻奇者注叶字與他書不同脫
文訛字觸目皆是甚至不可句讀毛隱集上人序缺末一行
則坊本之最劣者東維子集罕見刻本今得刻本如此令人
氣短至坊鈔本訛脫更甚然亦有改正者非出一本可知脫
去三葉據刻本補足譌脫字句改正稍稍可觀矣

坡門酬唱集跋

坡門酬唱二十三卷宋邵浩編宋刊本每半葉九行行十六
字高六寸六分廣四寸七分白口單邊上有字數下有人名
左有小耳注坡公子由等名紙之堅緻墨之朗潤字畫之清
挺爲宋本甲觀按浩字叔義金華人隆興癸未得第時蘇學
最盛因取兩蘇公兄唱弟和及門下六君子平日屬和兩公

之詩摭而錄之前十六卷爲坡詩而子由及諸人和之詩者
次子由詩四卷次黃山谷秦少游晁无咎張文潛陳無已等
三卷亦錄坡公及諸人和作惟李方叔闕焉想搜訪不及也
其不在八人之數而別有繼和者亦皆附入爲雙行小字以
別之前有浩自序署紹熙庚戌四月一日張叔椿序署紹熙
元年五月二十四日 四庫所收江蘇巡撫采進舊鈔本訛
紹熙爲紹興致館臣費一百六十餘言攷爲紹熙孰知宋本
固不誤也後有濮陽李廷相雙檜堂書畫私印朱文大長方
印李文敏公故物有李蒲汀家藏書目二卷楹書隅錄元刊
王狀元集注東坡詩書後李印與此同文他書所見止押濮
陽李廷相書畫記濮陽李氏書畫之印耳

錢衍石定廬集跋

同治庚午荃孫在成都與嘉興錢圖山年十
丈爲衍石給練之次子聞見該洽語言雋永
學悉心教導獲益不淺始得見衍石記事臺
喜讀記事彙手鈔數十篇而詩之佳則未之
百藥齋集丈見之因語荃孫曰祁生大令甲
年也前侍行赴粵東道貴溪留五日給諫公
亦喜讀公之詩均自以爲不及云因再讀刻
處泊入都卽購得記事彙及刻楮集旅逸小
緒甲辰在金陵錢氏後人持遺彙出售得其
殘彙韞翫集各種而獨無詩去冬橘農廉訪

囑爲付梓荃孫因得反復讀之取境獨高造意極深而出之
以清新諧之以音節絕無巉削深刻之狀而自遠於流俗他
人之詩初讀以爲新奇再閱便覺其淺薄定廬之詩愈玩愈
妙能使人默會於字句之外張詩船偶憶編云衍石之詩不
作習見語意主澹遠洵知言哉歲在闕逢攝提格江陰繆荃
孫識

明文文肅公手札跋

有明文文肅公志行剛毅學問淵雅不埒羣小推爲東林職
志其書法亦自成一家此爲孝廉時與同年劉練江父子書
十六通具見交誼殷拳存歿一致有古風焉練江名永澄字
靜之實應人萬麻辛丑進士官國子監學正乞歸省親起兵

部職方司主事未上卒明史有傳練江早達早歿不與闕禍
東林列傳點將錄無其名止東林尙論錄載其詩文其集則
載山諸公哀輯刻之其人已可概見文肅手書論時事論學
術論立品深合切磋之旨以清介二字相助至云清而不隘
勁而不偏卽清介二字之注腳又言澹利澹官澹名而澹名
最難又言竺陽山木之勝令人神往此老胸中浩浩落落無
一毫滯相提要動以門戶譏東林何可一概而論練江集八
卷載答文肅三書內云清介二字今人之究竟實古人之發
軔又云春光百媚天池虎邱之間樂境正自無窮莫放著進
士二字與眉額作苦一則推文肅之作用一則箴文肅之胸
懷可謂同志之士矣三復斯卷令人景仰歲在闕逢攝提格

江陰後學繆荃孫跋

翁覃谿分撰提要彙本跋

乾隆三十七年奉 旨搜采海內遺書以充內府並采及永樂大典編纂成書派軍機大臣爲總裁派詞臣爲提調總纂分纂校閱等官凡內府儲藏之書臣民經進之書大典輯出之書分類校勘各撰提要候總裁鑒定書有收有不收跋有改有不改諸人私彙亦有載有不載焉大興翁覃谿閣學於四十四年入館爲纂修閱時久遠幾及十載所撰草彙流傳粵東今歸劉君翰怡共計簿目都一千餘種每條皆有提要於一書之中復羅列卷數及卷中子目與夫何時刻本收藏印記前人題跋并甄錄無遺閣學墨蹟世所珍重今翰怡獲

此鉅編其寶愛爲何如邵二雲余秋室在文集姚惜抱另編書錄有收有不收有全改有略收幾無有一篇不改者閣學此橐亦然不必疑也昔年曾得閣學詩文手橐一百二十冊詩未刻者鈔編二十四卷猶存篋中文未刻者錄目而未能鈔出遂爲人賺去至今思之不無悵悵其書猶在京師翰怡或能謀作延津之合更爲盛事矣

書楊和甫遺墨後

嗚呼此余亡友楊君和甫遺墨也同治年間同客成都君居玉沙街余居玉龍街相距二三里與友人章碩卿吳幼農時相過從辨板本談考據無十日不聚聚則談竟日余與碩卿嗜飲飲則談愈旺丙子余通籍丁丑君與幼農同捷碩卿官


湖北來引見又相聚於都門戊寅旋成都君治毛詩刻訓纂
堂叢書每與商榷冬閒余人都供職遂相關疏君不樂居水
部改知縣選陝西山陽調長安卓有政聲宣統辛亥君令渭
南變起殉難嗚呼盜起一隅多方響應如狂飆之亂卷如野
燎之四起甫及四月遂移國祚稽諸史冊亡國未有如此之
易者而當時握兵守土諸大員有望風而匿者有開門而揖
者至與城存亡誓死不去如君之抗節致命海內曾有幾人
蓋自戊戌變政新黨首倡破壞三綱十餘年來邪說漸漬人
心忠臣義士之氣因此少衰迴憶髮捻之亂闔門就義視死
如歸每邑至千百人何前後之不侔耶得君一死而吾黨之
氣節爲之一振卽此篆書數種猶想見揮毫落紙正氣凜然

時也今碩卿早歿於
上有餘媿焉不特重
橫流也歲在闕逢增
自題象贊

少年遭難離鄉曲中
陸賈之金懷抱卞和
錄歎世事兮茫茫江

藝風堂文漫存卷四

乙子膏



藝風堂文漫存卷一

江陰繆荃孫

乙丁橐

詩

逸社弟一集呈止相

風塵滿目歎時艱
小集平泉啟笑顏
舊友相逢均白首
天涯何處買青山
地當女兒柴桑外
詩在敦交大雅閒
寄語京華冠蓋客
可能蹤迹比鷗閒

逸社弟二集花朝分韻得白字

海東一隅地措大多於
鯽金沙定遠翁長筵
招揖客是日正花朝
春風吹廣陌籬落閒
花枝裁紅兼暈碧對
酒忽長嘯四顧天地
窄歲時不我與疾若
駒過隙垂釣希桐江
行吟同楚

澤聊寄田園興，巖存山野迹。金石鬪長箋，宮商敲短拍。紅友
勸銜杯，滄洲時岸幘。走也蝨其閒，徜徉聊自適。戚戚亦何爲，
幽懷光其白。

逸社弟三集題舊藏惲楊合作鬘持老人巾箱圖

暫離閩海住秦淮，如畫山光淨似揩。攜得梅妻兼鶴子，風流

領袖

圖中引首陸聽松署此四字

玉琴齋

鬘持集名

紅綴籬花碧井梧，定山詩句漫描摹。西亭肖象南田畫名跡

流傳三絕圖

定山詩西亭肖象南田布景時人推爲三絕

江南愁殺庾蘭成，鉛槧巾箱打疊輕。同作遺民君較勝，漸從
離亂入升平。

旗亭畫舫總魂消，莫問東風舊板橋。我欲續修金粉史，瓣香

前輩未云遙

荃孫近撰秦淮廣紀十二卷紀數自明洪武至宣統兩朝事

淞社廿三集愚園卽事

海濱熱惱場而少清涼境幽人工結構虛堂攝萬影牆頭柳
一桁闌外竹千挺危樓倚松杉曲水浮藻荇勝地劇蕭閒佳
客多酩酊寰海擾風塵一隅自清靜身無俗事囿悟從澄觀
領我亦隨眾緣故事憶香茗

題花宜館輯詩圖

錢塘山水天下奇清才自古鍾於茲花宜主人紹祖德拾遺
補缺收新詩公昔持節西南陞豐功偉烈書之碑賡續搜詩
年尙壯模山範水抽清思羅浮山館飛蝶繭閒雲小住之江
湄南屏八社壇坫重西泠十子名譽馳以詩存人金作礪以

人存詩石引磁會稽掇英留舊式甬上耆舊貽良規清尊雅
集曾徵題前輩流傳絕妙辭高山嚮往辨香奉風流儒雅誠
吾師我昔曾輯毘陵詞其中甘苦能具知大家百篇殊不盡
逸士一語猶難追往往冥搜無所遇忽於意外幸得之蠹牋
蟬紙字難辨摩崖又欲煩甄椎此圖兩次落祛篋招亡建鼓
臨莊達球還合浦原非易百年世澤歸孫枝吟朋零落又易
代理宜再續誰云癡 聖清文學二百載君家一手常護持
讀罷此圖三歎息猶是開天全盛時

新秋

天高木落又新秋乞巧先登七夕樓水國冷紅添蓼岸煙汀
飛白認蘆洲稻梁已飽隨陽雁窗戶先驚喘月牛差喜寒威

猶未到蟲聲四壁助人愁

靈鵲

靈鵲無端渡女牛可憐怨耦遂成仇玉簫佳話祈天許錦瑟
華年歎水流懺悔自宜悲佛力癡龔猶幸隔神州阿瞞心事
誰能達試與臨邛道士謀

擬李流芳白門七夕五律

世事多張角佳期渡女牛秋心生令節旅思尙扁舟客路幾
時盡涼宵無限愁鍾山如舊識積翠上簾鉤

小石尙書拈兩當軒異鄉偏聚故人多一語作轆轤體五篇
謹和

異鄉偏聚故人多海角偷生五載過握手舊游驚歲月傷心

乙丁
一
避地改巖阿聊從詩卷尋麟閣莫學癡兒夢蟻窠雀鼠雞蟲
都不管藥鑪經卷伴維摩

蓬戶誰云雀可羅異鄉偏聚故人多穿林逸響蘇門嘯擊筑
餘音易水歌豈是求名邀月旦非關賡雅奏雲和無榮無辱
自消遣何事傍觀苦詆訶

百年事業總蹉跎造物其如頑鈍何老境漸傷來日少異鄉
編聚故人多偶逢令節尋歡伯七夕聊借吟朋遣睡魔七品

歸田

子年五十
即去官

無所恨平生心事注煙簑

風雨飄搖一刹那牀牀屋漏亂痕拖搜尋盡篋心先碎檢點
書囊鬢更皤同輩時呼將伯助異鄉偏聚故人多莫嗟茅屋
先傷損蒿目蒼生歎札瘥

眼前不改舊山河往事淒涼付逝波
軸覆樞翻騰鐵騎天荒地老泣銅駝
還家深恐難全璧閱世渾疑欲爛柯
龍漢劫中餘一樂異鄉偏聚故人多

蘋花

路轉橫塘蹙翠漪紅紅白白半斜欹
微馨雨後清如沐小朶風前瘦不支
鱗浦漁莊隨意畫斜陽新月等閒詩
白蘋洲上秋深淺只有吳興柳惲知

初冬

干戈滿地不知愁轉瞬初冬接晚秋
螃蟹菊花三徑酒蛤蜊菰葉五湖舟
不高厓岸仍容與聊任天機少怨尤
伏處海隅餘歲月梧溪北郭紹前修

寄陳伯年

城東新訪太邱廬廣廈連雲壓碧渠劫火江山題詠少暮年

朋舊往還疏但從護世求精膳罕見航頭出異書

招致淮水濱小飲庖

人極良其地即大航頭

我亦有家歸未得頻年海角混樵漁

五鳳塼歌

五鳳紀年古有三漢宣皇帝侯官侯寶氏草竊不足據樂壽
羣鳥空啁啾此塼篆勢古且樸制度遺自長安劉病已受命
有天意蟲螭樹葉如雕鏤是時改元已及五符瑞沓至迎天
麻鶡雀來從丞相府徵信奇怪張敞糾君臣竟日喜諛悅曷
不政事明堂修泮池刻石德裔頌林華鐙識歐陽收與此同
歲得三品吉金樂石眞琳瑯五年塼煩伯元訂三年塼羨剛

主搜漢家紀歲四寒暑古物日出誰與儔文房雅玩等球壁
不至輕棄瓦礫投墨香馥郁騰十丈助爾添修五鳳樓

成語

重建千墩顧亭林祠

少年避禍去鄉關魂魄應隨旅櫬還著作今爲昭代冠祠堂
仍在水雲閒關心農牧生涯足隱恨君親涕淚潛伍廟鴻山
三鼎峙清風千古振塵寰

詠西湖靈峰四景

天上一月水底一月掬水月在清鑑毛髮煮之淪茗沁香解

暘中夜靜聽泠泠汨汨

掬月泉

七十二級其高刺天鶴兮鶴兮與我周旋天風浩浩有亭翼
然黃冠羽衣結夢中緣

來鶴亭

益益春陽濛濛香霧徑轉峰回梅花萬樹疏影暗香驪然道
故山靈有知吾行吾素

補梅盒

清磬一聲飄落雲端閉門誦經空山夜寒貝葉西來天花滿
壇賸之宋刻唐梵叢殘

皮經室

銷寒第四集觀適園主人所藏經進東坡文集事略

坡公詩集何人注道是嘉泰施與顧商邱鐫刻留典型青門
臆補偏遺誤文集前後皆琳琅作箋者誰鹽官郎誰從書林
得殘本有滄葦季愛日張我友田君曾奉使身歷扶桑訪圖
史季張得半君得全六十卷書完首尾三年海外辦事難獨
餘此事快莫比攜歸中國歡士林不惜剗劖千黃金一朝劫
火起江鄂有如玉碎明珠沈適園主人抱特識秘笈偏從意

外得字畫清挺避諱嚴天水槧印真古墨晦之主簿官迪功

辦香橫浦遵宗風清波別志存事迹精研經學稱宏通典核

簡要有法則任淵李壁將毋同奏議舊注今三刻郎注宣公奏議揚局

十萬卷樓思進齋三刻之此書應亦存形式但願搜求缺復完豐城劍合

增顏色詩注孤本先歸翁袁氏書燬翁氏書真孤本事略今又來潯中插

天萬仞兩秦華不數陶齋七集常稱雄

題朱古微校詞圖

汲古毛借石研秦半塘搜輯更翻新誰知茗水蘊村老別出

心裁傲古人

元鈔宋刻古今殊一字搜求比一珠校史讐經功力等詞家

亦有戴錢盧

乙丁集一
校籤屢下度丹黃同志仍須往復商五夜一鐙頻改削不知
斜月上西牆

壽陳雨生八十

先生真是地行仙高躅能追龔半千建業山川諳掌故全椒

詩筆荷心傳

六朝人多以詩筆對舉

未膺簪紱猶名世罕服參苓享大

年僧孺不來嚴武死才人白髮有誰憐

揆天才筆最縱橫七子詩壇舊有聲大可年高誇特健古愚

目眚又重明棣華競爽推同氣葛帔無憂慰友生

伯虞同年歿後時恤

其遺孤

一語頌君應快意著書盈尺早刊行

昔日逢君角逐場幽蘭先已識孤芳酒龍詩虎偕秦顧玉友
金昆共蒯張舊雨半成生死別殘年只駭晷璘忙吟朋觴詠

歸來晚猶憶紅橋舊草堂

我亦平生類斷篷亂離奔走總相同傷心老病風塵裏轉瞬
滄桑涕淚中逆數變端三轉轂怕談舊事兩衰翁舉杯遙祝
期頤壽但願年年酒不空

題翰怡朱刻兩漢書

鸞洲書院一經堂兩美聯翩降上方天錫卯金存古福青藜

吹火照琳瑯前漢白鸞洲書院本後漢一經堂本其行款同也

蕭該音義附三劉殘帙曾經一再求今日拜經應遜我全書

首尾快冥搜蕭該音義附入三劉校語內釋木夫止得殘本兩卷補拜經輯本十餘條

篤壽流傳到藝芸天留樂土保斯文西江別有之同本自是

湘南策異勳粵逆之亂幸歸郭芸仙中丞始逃劫火李木齋劉之同本亦得于袁漱六家均湘人保護之功

是時書歸于袁書畫歸于黃荷汀皆湘人也
也不但武功彪炳即文學亦賴保存矣

唐經字派尙端方寶墨生稜黑漆光南渡好刊開國本絳雲

何事太誇張

此兩本皆嘉定時翻化本据海源閣跋錢虞山所藏兩漢書亦南宋翻雕如諸經單疏莊子

昔人推為北宋無不南渡重刻不害其為佳也

茶仙惡本漫譏評儀顧書中考核精一事未能相洗刷誤將

司馬當宣城

何義門詆為惡本儀顧竭力揚之本書實佳惟以司馬志畧范曄則不能掩其失

三月三日同人修禊愚園用杜集麗人行韵是日交清明節

江南三月花市新暈紅裁碧招游人如社慎交會率真舊雨

今雨酬接勻修禊巧值清明春北荷南陸集鳳麟張儀之舌

君卿唇談天炙轂七尺身名流多與筆研親鉤心角力齊楚

秦手擘紅脯批翠鱗杯盤籌畫皆經綸名園雨後無纖塵婦

隸孫篆推國珍茶香清供陸羽神恍逢梅子齒頰津宴罷散
步檐數巡芳草織罽花成茵得句媿無柳憚蘋中酒思漉淵
明巾不能高唱偕伶倫且自陶然消喜嗔

贈洪鷺汀仍用杜集麗人行韵

石泉櫬火新復新洪厓拍肩風風人文采炳若情性真名園
花木雨露勻江南天氣又暮春詩名標閣同麒麟鼓宮叶徵
新調脣黃堂曾現宰官身我本同里情倍親忽然睽隔越與
秦荃久寓城都入華陽籍後改歸自慙跋浪猶常鱗摩訶池上空垂綸茫茫
海內多風塵何人識我席上珍我將稽首蠶叢神兵戈早息
慕頤津送君歸蜀方再巡蜀山如屏草如茵春江淼淼吹白
蘋芒鞋竹杖華陽巾跌宕不亞劉伯倫一切消盡貪癡嗔

書敬業堂詩集後

少年鞍馬賦從軍黔楚閒關息戰氛萬里江山供點筆一家
兄弟慨離羣傷心鳥盡弓先棄太息岡炎玉亦焚爲寫萊陽
嬌女怨累他考訂日紛紛

華燭清尊夜宴闌新聲爭重董庭蘭世多蕙苴同珠謗身似
芭蕉耐竹彈范蠡變名因避世彌衡膺薦遂彈冠天才庾鮑

新詩卷本與王

漁洋

朱

竹垞

一例看

釣徒只合住煙波簪筆西清振玉珂從獵 帝誇風度好賡
詩人說雅音多馮狐假虎殊難測打鴨驚鴛可奈何急退中
流了無迹江湖還我舊漁篋

買春消夏笑言溫里巷扶鳩齒德尊忽地文星罹貫索可憐

卦象北游魂餘年住劫逢家難免罪生還亦 國恩一樣鐘
聲前後聽孤臣回首淚潏潏

夏五出京熱風黃塵無計可避漁洋有五月江深草閣寒鏡
湖五月涼五月賣松風人閒本無價三題各賦兩詩聊以釋
悶

賦得五月江深草閣寒

柳陰如幄草如茵蜷曲團焦江水濱不是榴花紅照眼令人
猶認過殘春

荻瘦蘆肥綠瀾漫漁蓑雨溼不曾乾紅塵道上人如織誰省
江南特地寒

賦得鏡湖五月涼

滿眼嵇山翡翠堆山陰道上漫徘徊鏡湖湖水明如鏡未許城中熱客來

賀監歸來隱鏡湖閑身不識汗如珠可能月給千壺酒秩比蓮花博士無

賦得五月賣松風人閒本無價

孟婆許我行方便亦恐仙家議價難只索東坡萬錢直書生眼孔太寒酸

松風四面閣三層真逸丹成白日昇縱有黃金高北斗可能注籍卽飛騰

答樊山用原韻

重到京華又一年春人已過海棠顛徜徉歲月憑吾輩彈壓

山川仗世賢夜月唳鵲悲故國

聞蜀中大亂樊山原籍秋風

鳴鹿憶賓筵盛衰轉轂頻頻見證果仍歸非想天

相依蹤迹徧南東回首前塵涕淚中角逐名場虞叟白飄零

花圃泣殘紅

荃孫到京花事已過約詩鐘亦未赴

世閒文士均圖霸往日交游

盡作翁貞下起元符隱願幾時陽氣滿黃宮

兵火餘生氣力微登臨敢望謝元暉時危但覺謀生拙老去

方知託業非秋蟀春鷓容易度酒龍詩虎惜分飛白頭二老

同飄泊咫尺家山不得歸

樊增祥

丁卯於今五十年同年當世幾華顛玉堂故事尊前輩滄

海橫流仗後賢老健再臨龍尾道徘徊重赴鹿鳴筵

更五年君

重逢鄉
舉矣
兩翁心迹如漚鳥臨水觀魚且信天

琴島三年歎浦東亂離中又別離中江南玉樹歌猶豔
北金仙淚尙紅黨旤劇於河北賊詩名虛負渭南翁邇來
春旱傷禾黍更不如前過故宮

星象江東動少微金臺下馬駐斜暉橋鵲所至無南北遼
鶴何心伎是非商嶺紫芝待唐秉小山叢桂隱蘇飛白頭
未了青鐙事又帶前朝史稿歸

賦得暮齒仍求食

烽火倉皇日江湖老病身人推垂暮齒天靳賦閒人恐蹈溝
中瘠難期席上珍白頭空歎息終媿義熙民

題小謨觴館文集

霜裝雪鏡度桑乾意氣飛揚萬目看共羨文詞儕庾信誰知

科第困方干少時慷慨千金擲暮齒淒涼一飢難幸得著書

盡傳播靈山證果有餘歡先生晚年喪妻無子子然一身終日誦經陸和生贈詩有在家原似

客有髮亦如僧之句
文士之極可憐者

黃秋盦藏唐搨武梁祠畫象冊子今歸李一山屬題

武氏祠象今嘉祥圖畫人物同靈光帝王孝子義姑節女與靈光殿所述同洗

刷風沙覩真跡石室初始秋盦黃流傳舊搨十有四昔人奉

之推自唐井田制衣又假母清晰真過洪鄱陽朱馬呂查司

贊歎秋盦得自江雪疆貞石古搨先後出覃谿聞之喜俗狂

任城李氏君至戚幸有嬌女為收藏迄今閱歲百有卅秋盦得圖

在丙午一山
得圖在丙辰零落不識天一方李氏有孫知好古珍異書畫

如琳瑯忽聞此圖有蹤跡忘餐廢寢心仿惶百方籌畫倖無
 失如淵得珠涓得璜秋盒有靈默呵護至誠感格神所相惜
 哉四幅帝王象天遣六丁先取將八幅雖存亦焦尾點畫幸
 無毫髮傷前人留題更完好但少淮海兵馬章昔人修治富
 春卷宜典吳氏藏大癡富 漢匠願付何彬裝何彬為賈 燕鼎
 居然返磨室和璧無意歸趙豈壓盡金石千百軸燭天寶氣
 常輝煌訪碑得碑圖不一秋盒何幸傳瓣香此冊從此長得
 所任城虹月宵騰芒

秋聲

澎湃奔騰震四陲西南醞釀有誰知廣行肅殺天胡醉一變
 炎涼世莫支夜半歐陽空太息座中宋玉有餘悲開門莫漫

添惆悵仍是風清月白時

題畫龍

東鱗西爪總尋常霖雨蒼生願未償今日直教螻蟻困不須
高臥託南陽

讀史雜言

杜鵑嘯血蜀山劫生子仍留百鳥巢愛護尙能如舊否君臣
禮數未應拋

魏武子孫今作庶高才猶是慕陳王求田問舍皆經濟鞍馬
難爲髀肉償

高臥商山茹紫芝煙雲供養古鬚眉預人家國緣何事枉被
磬磬眾口嗤

金人十二鑄咸陽秦政銷兵國自強勇決我推周顯德捨身
濟世救錢荒

竊國無能且竊鉤聯翩喪越庾公舟西湖一片成叢冢畢竟
行人拜岳侯

盜跖舖肝泰岱西尚云蒿日救災黎惡兇柳下夷齊黨合並
章縫踐作泥

七十三老人作

五十年前二十三宋人諧語我深諳喚回一枕黃梁夢雙喜

臨門在劍南五十年前四川丁卯科九月十二日放榜
中式十月初三日完姻人皆以爲雙喜

花甲周來又十三豈徒濟世自懷慙古今注未追崔豹書義

疏難究費魁

平開七秩已過三海角偷生太不堪豈獨窮愁先著志更防
責備有餘談

古稀已屆又加三老健原殊老學庵有酒能賒難痛飲

放翁七十

三詩有酒清歌何況去何處

時梅伶已行

有感

天公無意輯羣黎毒霧妖風咫尺迷篝火有心扶勝廣塵寰
無地著夷齊豕蛇薦食誰能遏鵝蚌相持亦自攜幾處稱王
幾稱帝令人追憶漢征西

豪富休誇石季倫料應轉瞬便成塵可知破斧慙周德其奈
鸞弓等越人培植枉多門內棘講張難犯腹中鱗從前樂善
皆虛譽應悔持籌太苦辛

誰說還書是一癡荆州不借計安施蒲津發憤刊新板東里
傷心賣伏雌豪奪巧偷真乏味鑿楹扇篋亦何爲無須罰誓
邀潛采會見家弦戶誦時

輓劉語石

除夕銷寒笑語溫今春翦紙爲招魂案頭尙有新詩卷襟上

猶留舊酒痕月旦定評何日確

翰怡選近詩生存人不錄君詩可彙入矣

風餘吟

社幾人存

乙未舉風餘詞社

叢殘筆墨均收拾幸有侯芭哭寢門

昔年海上訪汪倫邂逅逢君意最親世上漸無同志友冥中

偏用讀書人

吳山城隍召之歸位

時因悲憤非關命室有圖書不掾貧

消息故鄉纔訪寶座中諸老共沾巾

昨粟香書來言之

小石督部招飲未去以鹽韻長歌見眎因作咸字全韻詩以

答之

雲陰四市團簷影吟窗昏黑拋書函沈黝四壁生梅臈打門
奴子投華槭新詩盈尺珍瑤城上言雅集少長咸會中九老
語謫詰嘉節方丈調酸鹹大截羊豕織蛤蜊酒痕重疊風前
衫鬢香十里饒老饒屏山言酒極佳有客來自蘇靈巖花光山色襟
袖銜屨話游迹摩檀欒白梅碧岫兼綠杉畫藁如逢冷起岳
大石磊落名鐫劖入座振筆風驚颿角藝羣賢法今嚴有時
拔地攀礪暑有時順水推雲帆有時語燕聲呢喃有時脫兔
矜狡躡憶昔樊園立史監長篇鉅製麀槍攬鯤鵬變化熊虎
巖近來詞客拋長鏡零珠碎玉聯字嵌勝會口學金人緘鯁
生舐筆慚鼓儻寸心搖曳同風穆自擬逃塾私蔽籬樓攀花

近高嶢嶢沿門竹樹何橫摻游魚吹沫鳥啄鵲陶潛高隱信
不凡閉戶敲詩如避讒句奇語重不可芟無心屬和任意欬
深愧僻澀真如獫高詠懷賢發至誠

江陰志局呈同人

浙西道院最清幽方志於今十二修衰老敢肩新著作扶持
還仗舊交游蟲沙劫火悲前度指去年事雲漢詩篇負隱憂現患旱
我到江城時癸丑難忘釣弋故林邱

烏龍潭過深柳書堂

詩狂兼酒俠何處覓斯人桑海今朝恨鶯花舊日春十年交
誼篤一語性情真故友傷零落城南訪老陳謂雨生
有子傳家學安貧自讀書新詩馳滬濱游迹憶匡廬潭水仍

清泚楊花漸發舒門庭無恙在腹痛淚盈裾

售書同好媵之以詩卽和題元詩選韻

棄書題句我先知樊榭龍泓各和詩自昔香閨留韻事至今
藝苑有餘悲還祇聚訟垂千古佞宋閒情又一癡枉自銘心
誇絕品不堪回首憶當時

拋書往往畏人知我獨慙顏且詠詩好友分襟還小坐宮娥
揮淚亦同悲煙雲過眼方爲達局鑰關心最是癡斧季懷慙
堯圃恨何如一笑翹吟時

擬玉溪生有感二律

海內原無主冲人敢自尊虞賓方斂抑趙肉荷矜憐倏忽風
塵起渾如夢嚙然鉤陳臨左輔天策握中權雲雨相翻覆裳

衣太倒顛東都摧柱石北闕集戈鉞機括憑徐穉縱橫屬李

全桐宮終不返流涕舊山川

造意由壬丙無成類耿

紀金禕

蛟龍方失勢豺虎更生心

袞羣才合觥觥大節臨駢誅寬獨柳雅望失中林不解扶持

苦惟聞責備深赤燦方肆怒黃屋遂消沈擢髮應難數羞顏

恐不禁彼蒼無可問畢世效聾瘖

再題唐搨武祠畫卷

畫工衛改字嚴祺昔日覃谿尙未知

枕經堂題跋攷為衛改畫嚴祺伯曾書前人所

未字字珠璣廿餘段江羅小影未差池

冊前有翁題詞云余為此冊作細楷前後

已二十餘段字字皆羅兩峰江秋史小影耳

淡墨書名到石門堂欲講習有誰論於今地老天荒候應與

翁詩云滿懷此冊十五秋羅江日日談揚州

朱查一例存

呂氏藏書印
名講習堂

玲瓏山館百緡強八百空驚晉北張

月齋詩注索
價入百金

今日轉輸

平等值天教才士護縑緗

任城山色接嘉祥石室多年恐毀傷
保古承先新事業莫教

樵牧放牛羊

石室殘石有一段入東洋有一段歸陶齋一山
有俠氣畀之此寶不啻以保護責之諒能修理

志也
完先

甘遜招飲即用新字原韻

朝市萬變耳目新友朋氣誼如飲醇
豺虎當道奪人食遂令我輩同憂貧
吳君襟懷最磊落閉門謝客怡心神
袁君淹通尤嗜墨非人磨墨墨磨人
傅君嗜書勤者獲省齋堯圃斯卜
鄰董君園林更幽寂奇礪磊落環草茵
共敦古歡避俗趣珠

乙丁卷一
三
聯璧合真前因收藏賞鑑兼攷證笑談一室生陽春人海自
葆啟期樂西風不汗元規塵鯁生孱入殊不倫冒雨且墊林

宗巾

是夕
遇雨

贈傅沅叔卽原前韻

脩期好古歲月新摛辭賈茂兼董醇家學淵源聚書冊圖書
四壁殊不貧冷攤僻巷搜求徧愛書能得書精神非惟能聚
亦能校戴錢盧顧畏後人有時假借許同志春明坊下求卜
鄰戎瀘回首不可問落花難分溷與茵周穆沙蟲真大劫脩
羅刀戟參前因君獨坐擁謨觴館百城南面登如春閉門挑
鐙校訛字不殊埽葉兼撲塵世間學統絕能續一任當世嘲
頭巾

次吳甘遜韻

最多感慨是重陽

辛亥重陽
餞予南行

羞對黃花罷舉觴
佳節朗吟追

杜牧高風何處訪
嚴光搜尋良藥同
珍冊絕好安心認
睡鄉

莫向京華談舊事
回頭五十一星霜

丁卯十二月
初入都門

題鄭盦藏書記時戒飲

紅友無端竟絕交
可憐冷落讀書巢
幸逢同志爲排遣
遠寄新編戒轉鈔
高價百朋原匪易
後生三變敢輕嘲
琅環福地雙龍守
那許流傳到草茅

伯喈新獲枕中秘
竹垞仍傳誓後書
枉向藝林誇獨得
未妨同志賞新儲
風前瀟語防鸚鵡
食後能仙聽蠹魚
玉匣蘭亭猶出土
陳編世守又何如

寄顧玉溪

丙子掄才日惟君最少年首科甄俊乂同志盡騰鶩武略韜
兼握樞庭任最專迄今四十載亦復歎華顛

棄官如破甑吾自返吾廬北學長爲主南華豈僻書忌才誠
骯髒負氣亦迂疏造化安排巧何心計毀譽

亂後重相見滄桑一刹那鶴歸語華表蟻夢醒榱柯杞國憂
天淚王郎斫地歌獨醒觀世變消息近如何

題梧門司成小西涯圖

追逐前賢畏後賢西涯風景尙依然詩龕足與蘇齋並此是
開天全盛年

我亦新游淨業湖秋心如對兩峰圖蕭蕭楊柳菰蒲裏中有

詩人舊宅無

藝風堂文漫存卷一

藝風堂文漫存卷二

江陰繆荃孫

乙丁橐

碑傳序

清故侍郎銜翰林院侍讀學士孫先生墓碑

先生諱鏘鳴字韶甫號渠田浙江瑞安人祖
父希曾邑諸生先生甫弱冠卽中乙未鄉舉與歸安錢崙仙司業鄭童
徽研侍郎同榜目爲三少年辛丑進士選庶吉士授編修丁
未分校禮闈已酉典試廣西留督學任滿乞假省親咸豐癸
丑奉命會辦本籍團練捐輸事宜遞遷侍講侍讀左右庶
子侍講學士同治壬戌轉侍讀學士以團練事畢入都復
命供職癸亥總裁武會試是年以言本籍事休致光緒乙未

重宴鹿鳴 賜三品卿銜庚子以辛丑例得重宴恩榮 賜
侍郎銜是年因 兩宮西幸終日涕泣病遂劇十二月十三
日終於里門年八十有四葬於■■■■縣之■■■■山先生科第
早達而仕宦始終翰苑在籍又將十年年未五十而遽罷故
其所以不朽者不在立功而在立德立言初官編修闕然與
一二務實學者互勉躬行切求民瘼期將有所設施補救宋
時辭鄭陳葉諸大師以爲性理庸於空談經濟發於實事貫
而通之舉而措之世所推爲永嘉之學者先生尋往哲之墜
緒質當代之通儒以史學爲己任而充之於事功卓乎不可
及已其主試也堅卻守土官例贈其督學也并卻所至守土
官例宴曾於道光庚戌應詔上疏痛陳督撫之粉飾守令之

貪汙軍律之放縱士習之空疏風俗之日非民生之日困請
獎節操崇經術起敢諫之廢臣搜通儒之遺著推轉移之本
極責難之恭又嚴劾軍機大臣穆彰阿爲秦檜嚴嵩直聲震
天下時廣西吏治積壞羣盜橫行按臨各府所受詞訟極多
均移咨巡撫且馳手書數千言爲民請命巡撫鄭祖琛不怒
亦不省先生太息曰大亂其將作乎俄而洪秀全等倡變禍
及各省矣其會辦團練捐輸也於團練則不失寓兵於農之
本意於捐輸則持百姓足君孰與不足之要言故鄉里氣甚
固民甚德也咸豐辛酉平陽亂民焚掠先生力爲良民籌保
衛亂民恨遂攻潘埭焚先生廬并大索之幸得脫難而家產
罄盡其罷官也以劾周開錫開錫者湘人攝溫處分巡治釐

捐鹽細及毛髮民不堪命彈章下巡撫而巡撫素嗾先生盡
反其言并以阻籌餉誤軍務劾之遂奉休致之 旨其教人
也因質施術不强一途四十年閒所掌書院曰姑蘇之正誼
曰金陵之鍾山惜陰曰滬濱之龍門求志先生仰承黃萬旁
及顏李不襲理學之陳言不蹈訓詁之勦說至其爲教并及
西書而種痘纏足之積習徧喻閭閻風俗爲之小變仍是永
嘉之學派小用則小效也先生家貧而沈文肅李文忠皆丁
未會房所得士從不通干求之函而自食館穀尤人所難自
著有讀書隨筆若干卷詩文若干卷呂氏春秋高注補正東
甌大事記周浮沚陳止齋年譜等題曰止庵遺書配葉夫人
繼配林夫人男詒鈞優貢生詒績拔貢生詒沅詒澤詒湛詒

揆詒

至太僕

卯舉人

譜誼

經義治

師先生

痿疲

斥隨

爲世道

願輔

君諱

鄭香先生父 陝西潼關廳同知君年少時極聰穎論史
談經爲王公履謙袁文誠公所激賞光緒乙亥丙子聯捷進
士卽用知縣簽分江西己卯攝東鄉縣篆年才二十有七折
獄片言無異老吏循例補萍鄉縣萍故巖邑僻處邊陲邑東
大安里地尤險要壬辰秋土匪萬人聚爲巢穴君募勇辦團
城防始固匪眾撲城與吉字營統帶楊邀擊於邑南大破之
擒匪首鄧海山解省伏誅當道欲窮治黨與株連某某諸族
君具牘力爭保全者數千人然竟以此忤當道撤省乙未萍
鄉大祲饑民待振數十萬人巡撫德馨以賄敗繼者飭君回
任凡貸民籽種散放官振義振平糶等銀約十餘萬兩閭閻
元氣賴以甦息萍素產煤陽湖盛宮保宣懷用西法機器開

礦並築由萍達醴陵鐵路羣情疑沮君苦心籌度於購地諸事給價從優廬墓所關曲爲繞避尤以保全水利不令吏胥經手舉極鉅至蹟之工程閭閻樂利無一怨咨漢治萍公司之成實以萍礦爲樞紐疊膺保薦以知府發河南補用補彰德府民情悅服一如萍鄉彰德豫劇省要郡冠蓋絡繹至京漢路告成稽察巡防百方肆應廓爾喀貢使向來馳驛騷擾先與理藩部商令其改乘京漢路車爲河南北沿驛各縣節省糜費萬金以外復護送至洛陽陽爲懷柔陰實監察君嘗曰吾尸位數載惟此舉差可對河南北官民耳辛亥春日開缺遂率眷屬西赴秦中藉守先塋爲避地之計廡中略有園亭花木君曰此吾之息壤也因人成事聊以自娛適名之因

乙二 卷二
園而署其亭曰息亭嘯歌之暇視諸孫輩讀書顧而樂之未
幾武昌變作秦亦繼亂癸丑東出潼關北遊燕薊目擊時事
尤增感觸愍愍南下遨遊於西子湖畔適續修浙江通志因
任釐稅金石各門丁巳十一月十六日卒年六十五歲君性
喜研究絕學於天算音韻諸學皆足以發闡精微然爲吏治
所掩世罕知者成績越中金石記兩浙金石知新錄等書荃
孫丙子同榜光緒甲辰晤於金陵迭觀撰著契結尤深近年
浙滬交通年年相見君今沒矣同榜無幾又弱一个悲哉配
羅夫人先君卒子三迪光燮光適光皆能傳君之學君可稍
慰於九原矣銘曰

貫著浙東身居關中哲昆孟晉師範毛公少擅文詞長諳吏

治江右中州賢聲一致經義治事溫故知新循良萬口安危
一身因園結構息亭安隱賦尋遂初書成孤憤洎經桑海過
返聖湖輿圖是訂金石足娛未臻古稀旋歌虞殯赤蚪下版
黃楊阨閨天蒼蒼兮塵埃日闇闇兮泉臺嗟墓門兮永闕歎
斯人之不復來

重慶鎮總兵章公鼎臣別傳

章公高元字鼎臣安徽合肥人先世爲壽春鎮標武弁父兄
歿於寇公未弱冠自募一軍張白徽幟以報父兄之仇隸銘
軍麾下屢戰屢捷聲威突振甲申中法之役公從劉壯肅公
渡臺灣適基隆爲法兵襲據公聞之投戈躍起袒臂一呼得
死士數百乘夜往攻法兵臨發號於眾曰吾必滅此敵而後

朝食卽率所部死士蹈入敵壘短兵肉薄鋒厲無前法兵當者死傷山積餘眾晁水逃遁法艦見不可乘亦卽引去基隆遂復旋簡澎湖副總兵官奉令關番界筆路監縷頗奏膚功後簡登萊青鎮總兵值甲午中東戰起前軍屢敗自朝鮮牙山平壤駸駸退守奉境敵兵且大采入公奉命渡遼扼守葢平與日本乃木希典全軍相遇公所將爲偏師少於乃木所部五六倍以能得士心交綏之頃頗獲勝利乃木窺公所將無多陰用包圍之法公與所部環起應敵曾無退志大戰五六日日夜不得少休臥雪不寒撫創不血彈罄糧竭復以短兵相接所部十死七八乃始突圍而出是時宋慶擁重兵坐視不救故公底於敗而平日厚養之精銳盡於此役矣是役

也雖敗猶榮日本人盛稱之後駐守膠州丁酉秋兗州土匪
戕德國二教士德使方向總理衙門索償遽於冬閒有德艦
三艘徑趨膠州海面晨與公方在操場簡練德兵忽登岸其
主將先齋文來略言此事已在總署交涉與貴軍無干請相
約兩軍皆不侵犯公以職守所在不之許願其時火藥彈子
悉罄蓋李秉衡時爲魯撫秋季應領火藥子彈必遲至冬盡
始發無論冬季已公所部勤於操演故子藥早空且兗案及
德圖膠之謀皆早發露而事前京省未有文牘通知故公當
時覺德兵之突如其來藐不知其用意所在乃急通電詢問
且請發藥彈備戰而電綫爲德兵割斷遣卒走百里外分電
北洋山東請命北洋大臣王文韶覆電力禁開戰慈禧太后

知公猛將恐失公特旨調離膠州百里從此膠
佔踞矣公一腔熱血屢請一戰卒末由達振躍
舒兩耳由是失聰浩然有歸志矣時岑春煊督
起公爲重慶鎮總兵川東一路倚爲長城聲威
萌未幾告歸歸日抵漢口資斧卽竭貸於旅舍
公生平絕不愛錢所得官俸皆以養戰士不
則在所轄地方修治河渠道路故治軍四五十
擁資百萬而公竟一錢莫名廉潔寡慾尤有古
息影金陵蟄居一室卒年七十一子二人
論曰銘軍駐江陰時公三營駐江北岸沙洲沙
彭剛直公巡江至沙洲睹桃林語居人曰兵勇

繁得無損失乎民對曰章大人令嚴部下不敢作違法事雖一桃不值一文然不私取也彭公異之傳見面獎之卽此一端可見公之大概矣公長荃孫一歲豪於飲丁丑在江陰曾與對壘各二三十巨觥而公愈溫克泊主講鍾山公從山東還再飲不及半彼此意興均消索而時事亦日非矣嗚呼晉封恭人瞿母莊太夫人家傳

乙卯十二月瞿表姪世琥奉其母莊恭人行略踵門求作家傳荃孫幼年失恃常在舅家爲妗氏董太夫人所鍾愛莊恭人尤顧惜之飲食寒煖無不照拂家事亦知之早悉何敢以不文辭按略莊恭人江蘇陽湖人父士全道光庚子舉人直隸大名縣知縣恭人秉性純竺夙嫻德教年十七歸表兄瞿

貞甫先生先是外曾王父自蜀東還卜居金陵大舅氏申之先生贅于京師董氏卒年二十六時貞甫兄二歲次廢甫兄甫數月姪氏常留母家自京返居常州郡城咸豐癸丑恭人來歸亦依董氏時金陵已陷董太夫人耑健僕冒險入城探知外王父殉難外王母馮太夫人出險走溧水一帶至甲寅始得迎同時已遷居江陰之西貫村丙辰世泉生貞甫兄遂赴蜀廢甫兄亦赴汴恭人侍奉兩代孀親茹苦含辛孝養備至縫紉井臼一身兼之庚申金陵大營潰常州陷恭人奉重堂走江北赴淮安覆舟于高郵兩太夫人爲器物所壓不能出聲恭人竭力扶持出水致右腕脫節治久始瘳而世泉溺斃因衛兩太夫人而不能兼顧然心盡焉傷之自淮再移汴

梁仍依董氏五舅氏晉之先生迎馮太夫人入蜀貞甫兄襲
雲騎尉保鹽大使候選恭人亦歸帝又遭覆車之厄左足受
重傷遂留大名官舍嗣後馮太夫人歿于蜀董太夫人歿于
汴均以道遠不克奔赴恭人以生不能親奉養死不能視含
歛終身以爲恨貞甫兄選雲南白鹽井大使留辦軍務未赴
任捻逆平定再保以知縣過班丙子分發江西迎恭人挈四
子一女赴南昌得釐差一次賦閑四年恭人搢拄中饋業已
辛苦備嘗不意貞甫兄又猝歿于壬午之春身後蕭條幾無
以歛恭人痛不欲生而幼稚滿前奉死視生所處殆非人境
時賡甫兄署鄂鹽道卽迎恭人到署年餘恭人以官舍紛華
進修易情遂回常州賃屋居住次第爲世琥兄弟授室命世

琥入都從師以諸生應京兆試屢試不售因以知縣分發浙
江癸卯署桐鄉縣事擬迎養恭人曰爾父困于宦途偃蹇以
逝不願足履官解惟望爾等居官勿失初志余心卽慰耳再
署山陰長興世琥復返常州省親恭人謂之曰毋以我不肖
就養爲疚心有爾弟世瑋夫婦侍奉孫兒女林立並不寂寞
汝但盡心民事弗以我爲念國變後常郡當甯滬要衝世琥
心終不安乃遷居杭先於光緒丙午年世琥循例請封 誥
封恭人恭人于丁酉得中風疾丁未再中遂成偏廢蓋少年
受傷血氣旣衰一發而不可復治臥牀褥者十餘年世琥率
其婦子事奉不懈恭人得以少安乙卯二月恭人七十晉九
初度嫺黨畢集登堂奉觴恭人顧而樂之蓋自世琥服官至

今日始團聚也九月初二日以微疾卒葬于武進縣
祖瑩子世泉幼殤世琥知縣事世璜早卒世琨湖南候補知
縣世璋孫九人曾孫一人

舊史氏曰恭人性情之慈善才識之明敏在親黨中罕覩生
平處境備極艱苦迨至于嗣成名可以安處奉養而未疾嬰
身無以自適亦可慨矣常愛臨池亦工吟詠善言嫩行余固
所飫聞而熟見者也憶童稚之追陪悵德言之俱渺自恭人
歿舅氏遂無同輩行人愴乎有餘悲已

黃將軍傳

黃軍門標南海蠶家人少伉爽有大志常謂丈夫不識一丁
字當乘萬斛船爲國家宣力海上安能終老鸞風蠶雨中與

漁兄弟爲伍耶遂投水師營充捕盜兵火色鳶肩騰上必速
由于把游升參遊纔六七年耳曾於零丁洋面斬劇盜三十
五名縛其渠魁由是黃虎之名大震上自高雷下自南澳船
艦所至羣盜潛蹤聞其出洋捕盜時盤頭跣足與士卒同甘
苦相朝汎之長落以躡其蹤乘風勢之上下以扼其吭口講
指畫操縱自如所獲匪艇資財盡散於眾由是士卒益用命
所向有功旋蒙 睿皇帝特簡擢任碣石鎮總兵訓練水師
嚴杜接濟每月親歷各海口以獲盜之有無課兵弁之勤惰
政令肅然東海倚爲長城不能頃刻離朝命圖其像以進誠
異數也軍門刻以持己寬以接眾謙約持重卓有古名將風
後因積勞身故朝野無不惋惜至今粵東人述軍門政績者

兵民猶感泣不置云一代異人可備他日史成之采

路先生別傳

君諱澤農字吾徵一字安卿先世潞之長子人明洪武中有諱真者徙居曲周是爲曲周路之始祖父振飛天啟乙丑進士仕至巡撫鳳陽都察院右僉都御史甲申寇亂京師復南窺中丞開府淮上防禦卻賊君甫垂髫遂贊畫幕府機宜如老成人會擒得僞將縛之竿令兵民叢射之君三發三中觀者籍籍路公子神勇不絕口居亡何中丞丁母憂會道梗寄其家於蘇州之洞庭山中時閩中立君於中丞有舊恩招之甚迫中丞閒關海隅君從中道忽相失有強帥擁重兵者留之欲字以女日置酒屬參軍從事款曲道意君不爲動至脅

以兵於是君按劍仰天太息曰嗟乎人生不得行胸懷有伏
劍死耳某廣平血性男子父方奔播自有家室不遑恤而乃
闖入茂陵女家如司馬相如之爲乎帥聞意少解遂留書記
室謝絕之乘閒微服南去已而遇中丞公於廣州之海上逆
旅人曰孝感也方是時閩廣已內附中丞積憂憤祈死成疾
疾甚益憤湯藥不入口君夜焚香禱北辰斬以身代長跪奉
藥藥進中丞稍稍嘗之然竟不起遂卒君一慟嘔血數升時
年十七耳含殮竟扶櫬行且行且哭瀕於毀先是伯兄某侍
母王夫人洞庭僑居訃聞奔喪兄弟遇於路相抱哭踊哀感
路人櫬至洞庭山厝焉蓋君之生而遭時坎壈若此伯兄留
殯洞庭貧不能歸里歲一南行省視久之患痰疾扶掖乃行

欲往省伯兄迎以歸家人難之泣曰恐歲月不我待也竟力疾行既迎歸爲置宅一區井臼器用悉具割膏腴田三百畝以養仲兄某早歿遺孤元度十二歲元石六歲拊教之皆成人有王國翰者從中丞行病歿倉卒中殯殮成禮久之爲返櫬於其家卜景陽者負百金未償疾亟以爲言則取券面焚之卜沒後更周恤其妻子客蘇時與處士顧甯人友善偶有緩急假顧金絕無一人知之者及聞甯人逝寄償其家嗣子來留之肄業踰二載厚裝遣之由斯以觀亦庶幾獨行君子矣所著有宜軒詩一卷草堂雜著數卷琴譜一卷子元升康熙壬戌進士官檢討

明繆恭傳

繆恭字思敬浙江太平人通春秋為縣學生萬姓統譜天順中嘗

從學錄張粹游與謝昭為同門友昭因石亨得官走其門者

如市恭貽書謂張曰石且旦夕人者禍將及昭先生雖門弟

子方遠之不暇而願親之乎未幾卒如其言弘治初詔求直

言恭走京師以布衣上書所請六事一曰保神器二曰崇正

學三曰紹絕屬四曰懷舊勳五曰廣言路六曰革冗員罪惟錄

首尾歷歷數千言指斥忌諱皆人所不敢道者其紹絕屬者

擇宗室賢者封之以嗣懿文太子世世祀之千頃堂書目通政使

見之大驚拘留兵馬司劾恭非所宜言敬皇帝不之罪也敕

有司遣歸常絕食杜門不出自稱小茅山餓夫與同邑趙白

雲為方外交罪惟錄有茅山穢橐千頃堂書目

論曰讓王父子事雖歷朝議及皆不果至①光中禮始全恭
布衣處何時有此大言哉嗟嗟太子不祀何有餓夫罪惟釜
孫按萬姓統譜罪惟錄千頃堂書目南渡錄均載其事籍貫
以浙江太平爲是非南直隸之太平也天順中至②治不過
二十許年卽其人無疑

盛宮保奏議序

自來國家之盛一二豪傑之士雲龍風虎鐘鼎河山豈不臣
主俱榮哉及其衰也亦有豪傑之士充其抱負足以救敝而
扶衰而擊肘者有人坐視者有人下石者有人必使其才不
能展布一二國家雖墮落而不惜轉加之以敗壞之惡名不
特斯人之不幸亦國家之不幸也歷觀史冊於盛世則如彼

於末世則如此矣武進盛杏蓀宮保尙書公身席華膺顧視不凡事無鉅細當機立斷初爲湘陰左文襄公所識拔而合肥李文忠公深知其才凡大事無不引之參預而公仰答知遇獻可替否始終如一我清自咸豐髮捻擾亂之後元氣大傷各國通商實逼處此國家日漸弱民生日漸貧有心人遂議參各國之政改中國之習能鼎新而革故庶轉弱而爲強 朝廷事事引文忠公爲腹心文忠公卽引公爲臂指輪船電報鐵路銀行一身任之勉爲其難拳禍突起 兩宮西幸東南諸省維持大局賴公彌縫轉輸得以復辟功愈偉而責愈重遂爲不悅己者所擠投閒數年再起爲郵傳部侍郎晉尙書改國務大臣而以鐵路一端尤爲全國之關鍵從

前書生空論難以實行重言通國籌款造路之策以赴事機而欲正築室道謀之非斥爾疊我界之誤治漁利敗事之罪因給事中石長信之疏決計收爲國有而倡亂者借端鼓衆傾覆國家遂受重謗鐫職去國國事亦一敗而不振矣易代以後仍祖公之舊規以冀統一然後知昔之穰穰者亦明知事非國有不辦特借此爲兵端而公之心乃大白於天下公妙於言語工於筆札無不周之慮無不達之情此奏議二十卷遇一事必推求其所自來而窮極其所已至盱衡中外商榷古今侃侃而談無漏無誤有先事能料其流弊有當事而表其成功新政諸大端大半寓於此中惜不逢盛世使有才之人轉不如無才者之安坐而致富貴則天爲之也荃孫夙

有年誼曾爲輯皇朝經世文續編并刊行先哲遺書每見必
長談一日酒酣謂荃孫曰國家幹路應以京師至廣東爲南
北之大綱汴梁至蘭州爲東西之大綱而以全力付之不宜
零星散舉至津浦須改浦信仍歸南北幹路何能岐出自與
蘆漢爲敵乎其識見皆提挈綱領惜當國者之不能用耳讀
奏議意并及此言卽以爲斯編序歲在柔兆執徐立冬前一
日江陰繆荃孫序於海上廬居之聯珠樓

重刻金石苑序

代

東武劉燕庭方伯海岱高門收藏甲于海內由蔭得戶部郎
中出知福建汀州府晉延榆綏兵備道調四川龍巖道簡四
川按察使再遷浙江布政使所著金石之書取辭氏款識宣

和博古景伯隸圖六一題跋爲法而集其大成鉤摹其形箋
釋其文爲自來金石所未有統名之曰金石苑今所傳於世
者曰長安獲古編二冊則西安所得鐘鼎也曰三巴舊古志
五冊則四川所得之金石也曰蒼玉洞題名一冊則汀州郭
外之石刻也曰龍門造象記二冊則洛陽伊闕造象也曰海
東金石苑八卷則朝鮮之金石也餘未成書方伯身後子孫
不知愛惜散如煙雲矣今長安獲古編版存版肆無釋文無
攷證是未完之書後人有據方伯此書勑不必釋文不必攷
證之論不知三巴舊古志海東金石苑攷證見存未嘗輕視
攷證龍門造象雙鉤本在廠肆一見不知爲何人所得海東
金石苑八卷鮑子年止鈔跋語張松坪僅刻前四卷後全書

爲一名流所藏想借之補足松坪之後四卷而銅蔽不肯出
並不以示人近亦星散不知歸無何有之鄉此同光朝名流
習氣言之猶有餘恨至三巴舊古志蒼玉洞題名爲方伯最
完善之書版片旣燬印本日稀今覓得最足之本爲重刊印
行原書無號數傳本往往不足今編次之以冊計藉以供諸
天下讀書人之賞玩余自謂庶免曠園深仇古人之誚矣夫
歲在丙辰三月上巳

晉書校文序

昔人問何緩叟讀經讀史之法緩叟以諧語答之曰君不見
門生之請座主乎先請日期地方庖人惟命是聽屆期先集
衣冠拱候入座肅靜言語檢點禮畢恭送登輿其謹嚴如此

此讀經法也又不見座主之答門生平地方庖人惟意所擇門人先集主緩緩而至談笑任意或有事輒先行其放縱如此此讀史法也荃孫素聞此言頗不以爲然卽曰此明人之讀史法耳 國朝卽不然如嘉定錢氏王氏仁和盧氏梁氏於字句之異同事實之乖謬考訂詳實必使毫髮無遺而後登諸簡牘何敢一毫放縱而謂與讀經有別哉今觀晉書校文而愈信吾言之有徵矣夫晉書紀傳編年共十八家唐貞觀中敕房喬等薈萃各家重爲編定書非一手譌訛不免而大半以臧榮緒書爲主 國朝錢氏王氏盧氏王氏洪氏勞氏讀史考異摘之盈卷至周氏雲輯爲專書然全書罅隙有應指而未指出者有所糾而非其事者余友丁君秉衡以研

經餘暇擬援裴松之例爲之注稿凡數易友人謂先錄校語
遂先出五卷以活字板印行荃孫早得讀之字句之異同以
各本參校之事實之乖謬以本書互證之再引他書折衷之
有當補者如牽①梁柳之應立傳有當刪者如祖納好博奕
見納傳又見王隱傳杜預作盟會圖春秋長②卽釋例中篇
名不應別出謝艾在張駿時並未爲將韓壽至賈后死早沒
多年劉毅是劉準之訛不云有二周處無章浦之爵乃是其
孫張軌之河西憑祖德而立國杜嵩作春秋是王子而非任
可謂精核矣秉衡受知長沙師肄業南菁有年而荃孫更欲
推廣其意現宋刻有半葉十行十九字本在豐潤張氏有半
葉十四行行二十五字本在金陵書樓而校定其文字再采

四庫考證錢氏王氏洪氏勞氏周氏均標某氏曰而辨其
小訛再取文集筆記之偶及者而補其遺佚自校出者則以
某謹案以別之學者得此書而各家之考證均在是長沙師
讀書之例庶後學不必旁求也秉衡以爲然否荃孫有北齊
書校證其於此篇如驂之靳均不肯以麤心讀史蹈明人之
陋習也歲在彊圉大淵獻荷月七十四老人江陰繆荃孫序
明史例案序

歲在甲寅開館修清史聘趙次珊年前輩爲總裁次珊轉聘
荃孫爲總纂又聘吳興劉君翰怡爲名譽纂修荃孫將赴都
先采黃黎洲顧亭林朱竹垞徐健庵明史辦法議論爲一冊
藉爲觀摩一日翰怡出明史例案相質則與荃孫意見相同

而收藏較富搜采較多視荃孫所鈔者過半不止甚矣其博而勤也夫史二體六家均以班孟堅紀傳表志爲正格自漢至明皆因之而門類則視其時之所重如明史之闕黨土司前史所未有而不妨獨創道學前史所有而可以裁諸家之議論有相合者有相反者各就其言而推其理自可增識見而定其是非徐健庵之例王橫雲頗有依違王橫雲之例張文和亦顯有出入無一定之例有一定之理無非借古以鑑今遂得由今而返古是編一出諸秉筆者可以得師矣荃孫舊史官也昔嘗研究史學古人如劉知幾鄭漁仲之書時相瀏覽今人如趙雲松錢辛楣王西莊查實齋之著述亦各探其旨趣去年任史事以來袁清容求書之牘蘇滋溪危太樸

論文之書無不懸之座右奉爲先師雖才謝三長而循循然不失矩度不逞意氣不徇偏私此則竊自許者第明史館開留翰林盧琦等十六人鴻博翰林彭孫適等五十人隨時保入姜宸英等又若干人其文集有得見者有不得見者儻續得而有論史之文再當俟之續編矣

孫佩南校經堂文集序

荃孫昔年供職京師曾於意園座中晤榮城孫佩南先生詢知爲丁卯同年見其持躬端謹出言爾雅頗愛其人城區內外未能常晤戊子己丑荃孫在江南傳聞有合肥孫大令者治獄精警不避權貴亢立聲聞天下問其人則佩南先生也時先生早以修墓回籍矣不特愛之而且敬之迨辛卯東撫

延荃孫主講沛南樂源時先生主講尙志始得朝夕相聚握手談藝并爲籌畫旅況無微不至則知先生以文人兼循吏而勤撰著重友朋固性情中人也尙志堂在城外宋李易安故宅前有柳絮泉後有金縷泉清流活活曲折成之字水際細草蒙茸方數十武高阜造悠然亭可望千佛山荃孫最愛之月夜嘗過先生煮茗清談素稔先生師武昌張廉卿治桐城古文荃孫亦尊桐城爲國朝正宗先生曰世之誚桐城以爲空腔此學聲調之弊祇須運事實於文字之中可免此誚今集內大臣名人傳志實能身踐此言又議同修通志先生主章魯派荃孫主洪孫派先生曰汝師法鄉人耳荃孫答曰志以事實爲主以文行之略避記帳之誚如寶齋之志首

增徵實一門仍不離乎事實通甫則前志源流古跡藝文一
概掃除文字雖高于武功朝邑已蹈劉知幾改史爲文之譏
矣先生亦首肯今集中與友人書必載來書亦此意也文集
未經手定然友人能得先生之意絕無空腔文字在內此桐
城派之高者遺稿由劉翰怡刊行操簡荃孫命爲之序荃孫
讀終卷聲容笑貌宛如當日今年三月到泐南曾訪金泉舊
舍泉聲如故柳影依然空存仰止之思無復絃歌之雅愴然
久之因序舊迹以冠斯編先生之文自有不朽者在不藉鄙
人之言矣歲在柔兆執徐立冬前一日江陰繆荃孫序於上
海廡居之聯珠樓

四懷寄廬類彙序

予友無錫孫叔盃徵君由明經官內閣中書供職十餘年才雋學裕爲閣長所倚重戊子己丑聯捷入詞林散館以知縣用選浙江新昌縣知縣到省權會稽太平臨海三劇邑以禮去官游升觀察徵入京師禮學館庚戌年卒盃孫於光緒初年官京師與君始晤見君事理明決議論精當樂與訂交及君官浙江荃孫亦回里主江甯講席遂相疏闊今君之子藩圻抱君所爲文九十八篇分爲七類受而讀之觀其文辭簡質無所摹仿若未嘗有意爲文者然釋經攷禮仲古通今不涉迂拘記事立論窮源盡委不立閒架信其筆之所至而理無不足事無不具先賢有曰言之無文行之不遠又曰氣盛則言之長短與聲之高下皆宜是古人之文非今人之文也

昔年見君四西齋決事四卷以爲士人治有用之學將以澤及斯民惟牧令爲較易君之決事也兩造隱情歷歷如繪雖極纏繞之事寥寥數百言而文之簡潔理之曾達不但折服姦滑實足以感動善良惟其文也卽自序一篇其本領已可概見惲子居決事不可得近人中固與樊雲門董覺軒之書判並傳無疑藩圻編次君文乃用姚惜抱李申耆選文之例亦可見家學淵源於澤及遠荃孫不足言文而舊交中所欽佩者惟君爲最戊戌年君在會稽任本約山陰之游時因米貴碾穀平糶多事之秋荃孫在湖上句留半月未能渡江踐約集中一書卽是時也今逝者已矣讀其文字仍然事理明決議論精當不異與君劇談時也故不辭而爲之序

鈍庵詩集序

嗚呼此陽湖吳君景周之遺詩也景周爲吾姑母之孫年少力學蕉萃而卒卒又無子遺詩只一卷族姪書屏爲鈔撮之錄以示予詩筆清真略少色澤所處又不順遂多志微嚙殺之音殆亦不自知其然吾姑母歸於吳爲祖母所鍾愛生表兄二人育於吾家迨兩表兄授室始自立門戶越二年卽遭粵匪之亂予同避於淮安惟兩表兄是依同治二年予奉母之湖南二表兄謬生送之漢口嗚咽而別遂不復見至予甲戌歸里方喜君文字雋永可望上第以慰先人奈數奇不偶又如此嗚呼悲已二表兄之詩清潤婉約惜遭亂後不復作未知其家尙有留遺者否旣讀君詩而有餘悲也歲在旃蒙

赤奮若中秋之月繆荃孫序

梅孺人彰節錄序

子程子曰餓死事小失節事大言其理也曹子建詩誰云捐軀易殺身良獨難言其情也天地閒靈靈蠢蠢其樂生之情則同故當危難之時如雷如霆碎訇震懼士大夫往往失其所守非志氣帶靜者不能當前而不懼。聖清御宇二百餘年詩書之教漸漬人心雖鄉曲之閒婦人女子咸知大義如梅孺人之死難佼佼錚錚亦可以諷世矣當粵逆潰大營陷常州席卷東南四十餘縣焚燒殺掠慘無人理死者數百萬人然如梅孺人從容不迫言之卽踐之死志素定於中非倉卒遇害者可比由其姆教久嫻神明不亂投身清流致命遂

志深合程子之意而亦子建之所爲難也雖然孺人有女有
婿能傳其事於五十年之後徧徵名流詩文俾屢見於各家
文集時愈久而名愈彰以視荒江老屋捐軀殉節姓名不彰
草木同腐孺人猶屬不幸中之幸事近來三綱淪斃踰閑蕩
檢名爲倡明女學實則破壞家規借異域之行爲師桂寇之
往迹幾不知世間有節義事試讀此錄或生其媿心乎荃孫
忝同鄉里偷生有媿以書屏之請不辭而爲之序乙卯中秋
積學齋藏書志序

南陵徐積餘觀察德行純竺問學淹雅收藏富有冠冕皖南
所刻有積學齋鄒齋兩叢書又刻閩秀詞百家仿宋元刻曰
隨庵叢書前後兩集風行海內儒者宗之今編書目高有尺

許謂余曰余之蓄書初自弱冠今年五十無地無時見卽收
獲自媿力薄止有此數分類編纂僅僅成編子其爲我敘之
余與積餘戊子秋閒晤於琉璃廠書肆談及經籍目錄如瓶
瀉水余心佩焉因以訂交迄今卅年何敢以不文辭夫目錄
之學始於向歆以私家著錄屹立于天壤者以昭德晁氏與
安吉陳氏爲最 國朝以來錢遵王敏求記爲人所重然鈔
刻不分宋元無別往往空論猶沿明人習氣若也是圖書目
汲古滄葦僅存一名更無論已積餘此目其書必列某本舊
新之優劣鈔刻之異同宋元本行數字數高廣若干白口黑
口魚尾旁耳展卷具在若指諸掌其開聚書之門徑也備載
各家之序跋原委粲然復略敘校讐考證訓詁簿錄彙萃之

所得各發解題兼及收藏家圖書其標讀書之脈絡
欲藏書讀書者循是而求覽一書而精神形式無不
勝於敏求記倍徒乎積餘爲書日時浼余三子僧保
校余得以盡窺全豹而知其非夸也而所收 國初
時之善本尤多以時近不入目荃孫得 國朝人文
以比積餘所藏猶小巫也昔阮宮保耳順之年龔宰
譜第一序卽以稱祝今積餘年方五十余亦爲書曰
稱祝如之他日年愈尊搜羅愈廣自編二集再爲序
以當息壤歲在疆圉大淵獻長至日江陰繆荃孫序
休甯汪氏譜序

古者敬宗收族見於禮經宗法不行而譜牒之風遂

六代隋經籍志以譜系名篇收入者五十部唐宋以來夷夏無別紳民不分遷徙流離得見唐譜者甚少矣歙州汪氏以越國公起義受封聚族居之遂名汪村歷宋迨明名人輩出今江浙之汪問其前代皆出越國公 國朝汪鈍翁先生汪姓緣起考云魯成公之後食采於汪後有名錡者以童子死齊難爲聖人所褒而辟傳聞汪罔氏之說至汪地見於秦而不見於魯書缺有閒矣吾友汪莘如以其家成化舊譜一冊出示搜羅旣博雕印俱工歎爲罕見又起而言曰吾族世居橫干上隴口咸豐庚申郡城旣陷於粵逆一門死義僅世父學俊學庠經商於外得存本生父恆春府君方幼賴母姨攜出並明譜一冊學庠公轉徙江陰娶虞門曹氏就後梅鎮狄

橋家焉戊午春江陰汪氏續修宗譜全
陰汪譜核對同爲越國公後裔譜牒所
陰後梅鎮狄橋支修入將舊譜爲基古
公爲始羣情洽焉昔人有言曰譜牒之
什之三而廢於富且貴者什之七富者
扳援大族而強附之貴者或傲焉忘其
族人之貧者覬覦其錙銖則惟恐遠之
附人之宗而貴者又思急遠其宗於且
今吾族與江陰族根本旣同而無富貴
宜詩有之豈無他人不如我同姓以越
之義也以正紀公爲一世祖者繼別徑

其繇來焉歲在著雍敦牂江陰繆荃孫序

穫堂舊話序

吾族聚居申港鎮之北去鎮一里距江二里距邑十八里村落三四百家自明嘉靖居此面山背江小溪環之造雙橋以渡人村有里門余家居村西第一家隔岸古木參差微露山影槐龍一株根長溪南過溪而踞當門雙木承之黛色參天榦大四圍數百年物也東則 蓉浦公名下長房所居大門三閒十八扇均以竹絲飾之門前青石作場再東則小園爲五世祖心範公養病之所久無人居屋宇傾頽柱石摧敗花草叢雜竹木縱橫燕巢空梁鼠踞壞砌石大小而斜轟池淺闊而無波書穫堂一額尙存鎮江笄重光書也再東則爻

謙九叔父居之再東則宗祠矣祠中樟柏松杉蒼翠如幄有
鷺巢其巔占者以爲文明之象焉門前最曠每當麥天晨潤
時雨初晴新綠差差溪聲活活又或秋高落木夕陽在門遠
雁驚寒歸雅如雨秦望瞬柯諸山作種種金碧色畫意詩情
時時在目荃孫生長於斯自發蒙至應試未他徙出見長者
無不示之以禮法幼者亦順受之歲時閒一至鎮必有父兄
帥之一游卽歸家塾林立婦女亦操作不懈夜閒書聲與機
聲互相酬答文課分盟字社競爽而老輩猶以爲出人遜於
乾嘉時咸豐庚申陡遭粵逆之變荃孫奉母出走棄家尋父
長違鄉邑永作旅人迄今甲子一周房屋殘毀樹木斬伐筆
墨荒廢化爲吐霧吞雲耨鋤倚閣大半呼盧喝雉長者不能

正帥幼者不能仰承居雜雞豚形同麋鹿目睽睽而直視口
瞽瞍而妄訾耕讀明訓何期廢讀爲先搢紳之家無復拖紳
之望歎桑海之重逢嗟江河之莫挽嗚呼傷已猶子書屏茂
才專錄先人事迹搜羅極博藉作觀摩援尤君玉萬柳溪邊
舊話例名之曰穫堂舊話示不忘本也近時子賓二叔晉初
四弟均七十以上人身歷前境試問之有一字矯飾否卽以
爲此書序

醒醉石序

漢藝文志九流之外別立小說一家其原出於稗官就街談
巷語之新爲人情風俗之考燭理則正變雜陳立論則莊諧
互見隨意勸懲百端鼓舞使人向善悔過而生於不自知其

力量轉甚於九流今唐以前書止燕丹子存至唐而岐小說傳奇爲二類或嚮壁虛造或影射時政唐人以爲行卷以其可以見筆力可以見胸襟而所撰遂盛行於世昔黃黎洲檢鈕氏世學樓日見小說平話數百種錢遵王也是園書目有詩話十數種詩話二字初以爲評話而日本流傳平話均作後謂之詩話詩話因悟各小說無不從詩而起詩在前話在誰謂不然俞理初蘆城平話跋亦云永樂大典收平話極多此醒醉石十五卷署名東魯百狂生補輯其中李微化虎事見唐人李微傳又有云屠赤水作傳者又以孕婦爲二命上諭所駁孕不作一命是崇禎年事此蓋崇禎年時作大凡小說之作可以見當時之制度焉可以覘風氣之純薄焉可以見物價之低昂焉可以見人心之詭譎焉於此演說果報

決斷是非挽幾希之仁心斷無聊之妄念場前巷底婦孺皆知不較九流爲有益乎況又筆墨之簡潔言語之靈活又出於尋常小說者吾友今爲重刻將以行世庶不負班氏志小說之苦心矣歲在強圉大淵獻盈月之朔江東老蟬序

常慊慊齋文集序

自來宏才碩學必生於詩禮之家錯節盤根愈足顯才智之士是以許國繼起武功之聲望愈隆劉晏理財關輔之轉輸不匱皋牢萬物裨闔九能今見之竹石朱君矣君沛國之英當湖之秀道學夙推清獻文藻孰過江村鍾靈美哉於斯爲盛君之先德淮揚觀察撫綏同於召父盡瘁比之武侯士民頌其德焉史策著其勳焉蕉堂漕帥吉金文字考古逾辭尙

功天庾餘艘運漕如韓鎮海則君之伯祖也建卿國博詰通
蒼雅學者目爲通人詩詠白蘇騷壇推爲鉅手則君之世父
也金張七葉貂蟬盈堂王謝一家烏衣名巷佩印垂組長虞
有治譜之傳擁蓋飛輿荀伯是貴門之首此君之家世也君
秉承家學筮仕江南負八窗四達之才處六緊十雄之地以
爲經姦者國之紀租庸者民之天紀綱立而財用足不必弓
張井里富而藩育形何須箕斂大則鹽鐵總推夫陳恕小則
竹木亦表夫陶公至於治獄以情爲政尙猛銀手如斷通李
悝之法經金心在中習君房之令典總釐務者三十年攝臬
篆者十餘次旣頻登夫剡牘遂特簡夫淮揚以牛斗之名區
作箕裘之佳話此君之遭際也雖然世共知君之服官亦知

君之求學乎在昔趨庭卽飫聞夫丁頤志楊石卿之讜論迨乎捧檄又請益於高碧澗劉泃生之至交好古敏求力學不倦遂乃吐文萬牒毛穎生華淬鋒十年干將出匣不事摛辭飾句而意思深長何須博引繁稱而事理通達若夫傷離感逝子山思舊之銘考古證今陳思辨通之論卽云文采亦足名家此君之學術也君性至孝先德貽致身圖徧求當代名人題詠以寄哀思逮事偏親尤極奉養治獄平恕雋母爲之加餐戲綵斑斕老萊依然孺慕迺官舍不樂乎吳郡而板輿遄返乎浙中白雲在上梁公望遠之心落葉去枝士衡思親之賦上書當道乞歸里閭悽入肝脾言從肺腑固與李天生之疏袁隨園之啟鼎足而三他如刻新安之家集訂義莊之

條規尊祖卽以敬宗仁民然後愛物此君之德行也荃孫以
孔李之通家兼羊求之談友猶憶小住金閨爲炊玉饌蘭肴
山積椒酒淵流羹和鹽梅漿調芍藥沈南皮之李燕飲彌歡
飛西海之鱗盛筵難再商推古學感慨新猷此境此情宛然
心目今則宿草風偃流涕黃公之壚西鄰日斜嗚咽山陽之
笛然未臻期頤之壽而幸免桑海之悲公子象甫收拾遺著
並合蕉堂漕帥詩文刻之後賢繼起君亦何憾於九原寶墨
猶存集自足傳乎千古歲在旃蒙單闕午月江陰繆荃孫序

李一山詩序

自來喬木世臣之家必鍾蘭玉縣圃閬風之境多產琅玕是
以優龍劣虎瑯琊之門大昌美義測筆臨沂之澤不墜源之

長者流自遠根之厚者葉必華觀李君一山之詩而益可證
矣濟南李氏山左鉅族先生又錢唐黃小松司馬之壻
也喜冰清而玉潤歎曙後之星孤濟南弱女口傳父書陳留
才媛手寫遺集懷茲墨寶保守弗替元孫一山爇芸香而辟
蠹然柿葉而驅蟬時已閱夫百年家遞藏夫四世乃以秋盦
遺詩付印與小蓬萊閣集並傳焉一山騰辰玉照慧質金相
堦簾迭唱圭塘款乃之編棣萼清吟扶風聯珠之集貢舉場
廢科學堂開字遂改而鱗行音更雜乎缺舌樂水樂山之悟
渡海情移問詩問禮之心求野志切時歷三禩名高一且海
東勝迹櫻花世界豔陽三月霏英萬樹壺觴之俊接席絃管
之響流天紅雲團蓋恍登赤城之峰頰雪敲簾如入眾香之

國加以桃葉迎來柳枝偕往遙峰兩點鬪此修眉明月二分
炤來並影莫不羨其豔福目爲勝流習藝旣成聯袂偕返守
鄉郡而抒素抱管太嶽而作主人又復廣搜書籍渴志縹緲
萬籤錦贖皮宛委之名山百軸油拳入瑯嬛之福地濟北讀
書之志東萊題跋之錄無不守茲舊學仰企鄉賢至其爲詩
也剗鉅心神疏瀹靈府流響擊鉢捷不亞於枚臬佳句入囊
才已媿乎長吉更有進者賀黃裳之載酒吳修齡之圍鑪乃
詩家之微言絕淫哇之雜出一山春華之年秋實之學摘辭
則兩漢游藝則三唐非惟秀絕山左行將獨步海內不受他
人之稱譽奚畏俗士之譏評故不必自表其所能亦何至自
謙爲積習哉荃孫學慙三篋才謝九能閒縱如逐浪之鷗人

望比識途之馬讀是詩也獎其所已能勉其所未至斯文爾
雅不媿孔李之通家世澤綿長毋背高曾之規矩歲在旃蒙
單閼江陰繆荃孫序

李審言儷體文集序

興化李審言明經首識之崩禮卿座中荀陸覲面不作常談
蘇李知心託諸詩句居鄰坊曲驅蟬蠹而劬書地隔關河附
鱗鴻而論學羅濬修志聘萬里爲同羣平恆講經舉梁祚爲
教授緣深香火契結芝蘭已十數年於茲矣荃孫自遭國變
竄迹海隅心旌風搖芳訊雨絕不張羅而謝客非種菜而閉
門適劉蔥石參議聘君授讀迺自射陽閒關而來相逢天末
各訴流離照影鐙前咸悲老大范張密契離羣已隔夫三年

稽呂相思命駕不辭夫千里杜鵑聲苦寄華年逝水之悲蝴蝶

蝶夢寒抱地老天荒之恨賞音知己早歸臥夫青山

謂益吾師設

醜舊游半消沈於黃壤

謝子受蒯禮卿諸人

雖銜杯揮塵仍似曩時而

擊筑吹簫徒增隱恨已日者君以駢文付諸削氏授簡荃孫

命爲弁言昔刊媿生叢錄宿諾未償何敢再辭以滋罪戾君

博覽羣書尤通蕭選熟精逾夫詩聖貫串過乎書篋天孫餘

錦夢中乞自景陽雪堂義樽佳品貽諸和仲固已輝增冊府

名重士林縱復錦囊投溷命同長吉之窮論語代薪遇等陳

奇之薄然而廣搜近作默憶陳言傳不在多古莫能及五光

十色繪畫之采愈新千辟萬灌千莫之鋒誰邊嗟乎世道日

薄文教日衰裸壤而誚龍文聾俗而譏鳳翽玉臺新詠近俗

體而獨傳金箱壁言賦高才而不遇君獨不然我用我法立意必深無土龍之誚隸事必切無疥駝之嫌出語必響無鳴蠅之矜扞藻必新無腐鼠之詆比青儷白卿雲增黼黻之華刻羽引宮天籟遏笙簧之韻昭代此體名家尙多以君之才庶可爲殿世有解人當不河漢斯言也歲在旃蒙單闕午月江陰繆荃孫序

藝風堂文漫存卷二

藝風堂文漫存卷三

江陰繆荃孫

乙丁橐

記書雜文

天一閣始末記

自明中葉以來海內藏書家莫不以四明天一閣爲巨擘黃梨洲表彰之全謝山爲之記阮文達公爲之編書目學士文人心目中均有一天一閣矣初范堯卿司馬素好購書與豐道生善先在萬卷樓鈔書且求道生作藏書記值道生得心疾樓上之書爲門生輩竊去不少又遭火患以其幸存之餘歸於范氏司馬又稍從弇州互鈔以增益之遂雄視浙東焉閣之初建也鑿一池於其下環植竹木然尙未署名及搜碑

版忽得吳道士龍虎山天一池石刻元揭文安公所書而有
記於其陰大喜以爲適與是閣鑿池之意相合因卽移以名
閣司馬二子方析產時以爲書不可分乃別出萬金欲書者
受書否則受金其次子欣然受金而去今金已盡而書尙存
其優劣爲何如此閣構於月湖之西宅之東牆圃周迴林木
蔭翳閣前略有池石與闌闔相遠按東齋脞語言其閣四面
皆水故藏書紀事詩有煙
波四面閣玲瓏之語其實閣之外有月臺臺
下卽小池月牙形略有竹樹並非四面皆水寬閒靜闕不使
持煙火者入其中其能久一也司馬歿後封閉甚嚴繼乃子
孫相約爲例凡閣廚鎖鑰分房掌之禁以書下閣梯非各房
子孫齊至不開鎖子孫無故開門入閣者罰不與祭三次私
領親友入閣及擅開廚者罰不與祭一年擅將書借出者罰

不與祭三年因而典鬻者遂不與祭其例嚴密如此所以能
久二也黃黎洲後萬季野徵君馮南軒處士繼往崑山徐健
庵司寇聞而來鈔之海甯陳廣陵詹事纂賦彙亦嘗求之閣
中全謝山爲小玲瓏館馬氏亦往鈔之迨四庫館開范氏
進呈書六百三十八部爲藏書家之冠 詔建七閣專人往
浙繪閣圖仿其式以造亦至顯榮矣乾隆癸丑阮文達公督
浙學數至閣下命范氏後人分廚編定數目碑目刊行道光
庚子英人破甯波登閣周視僅取一統志及輿地書數種而
去咸豐辛酉粵匪之亂閣旣殘毀書亦星散范氏後人四川
知縣邦綏避地山中得訊大驚卽閒關至江北岸搜訪聞書
爲洋人傳教者所得或賣諸奉化唐畧造紙者之家急借貲

贖回寇退又借宗老多方購求書始稍稍復歸其有散在他

邑不聽贖取者則賴郡守任邱邊公

葆誠

移文提贖還藏閣

中後甯波太守江甯宗湘文延慈谿何明經

松

重編書目未

就去任光緒己丑甯紹台道無錫薛觀察

福成

復屬歸安錢

念劬明經編成四卷己丑刊行體例勝於前編惜書止存十

分之二光緒三十四年內兄夏閏枝守甯波余欲登閣觀書

閏枝於八月閒與范氏訂約至次年始得復

司馬後人一百有二家須均允

乃得登舊例也

定期三月十八日余於十三日自江甯赴之十五日

到鄞十八日到閣范氏派二庠生衣冠迎太守

一字渭生一字秋圃茶

畢登閣約不攜星火閣甚庳隘然樸素堅固明制宛然閣上

寶書樓明嘉靖時題閣下長聯云承梅澗柳汀以後清節衣

冠世澤永四明司馬比南雷東礪之奇圖書泉石高樓仰百尺元龍阮文達撰又有天一閣書藏亦文達筆梅叔跋云天一閣藏原有之書另闢一藏專收後來之書云云惜范氏子孫不能體文達之意也廚用散木兩面開門界而爲五每廚門標每類例須范氏子孫檢閱觀者不能自抽余攜現在書目細閱應抽閱者付之范氏子開廚但見書帙亂疊水溼破爛零篇散葉鼠齧蟲穿迥非阮文達公所云定香亭筆談余兩登此閣地甚卑溼而列置書乾燥無蠹蝕大可異范氏子見書而不能檢余告之乃抽出再檢再閱范氏子挽余自抽蓋目不知書者余笑應曰肯破例耶相與一笑列廚分類每類止數十本然皆嘉靖前書刻本無方體字鈔本藍格緜紙令人不忍釋手囑鈔宋刑統正德

江陰志而出聊慰生平素願
謂余曰再閱百年遺書盡入
湖州本任只鈔得刑統而江
聞閣書大批出售予友石銘
四卷本又見明刻明鈔書五
其子孫居然肯賣後知滬上
半鳴官究治止定獲到二賊
之新律也閣書止存三分又
日浙西陸氏甯宋樓丁氏八
廬均已四散并天一閣亦不
天一閣書目焦氏經籍志

此一目也范友仲引黃太沖登樓太沖取其流通未廣者鈔爲書目冀以暇日分別鈔錄凡坊閒易得者時人之集三式之書皆不在列友仲允之而有志未逮所鈔書目轉爲好事流傳徐健庵使其門生膽寫去者不知凡幾友仲之子左垣乃并前所未列者重定一目求太沖爲記此一目也韓城王文端公視浙學鄞屬呈一書目計書五千有零不分門類不加詮次絕少祕冊見頤綵堂文集此一目也阮文達公視浙學命范氏後人編之成目錄十卷嘉慶十三年升巡撫復來甯波屬甯紹台道陳觀察廷杰刻之阮爲作序卽今通行書目有文選樓木記者惟以類編次類中毫無次序且有重複祕本亦未標出與阮序不相應

乙丁書三
此一日也宗太守辭觀察亂後重編遺書先立六例編次
得宜斟酌盡善前目所未著者補之本書所善在何處亦
著之自是最善之本蓋潦盡潭清又再歷寒暑三易草藁
而後成之此一日也自今以後書亡目存亦與遂初堂葉
竹堂徒增後人之感慨矣

琉璃廠書肆後記

益都李南澗大令書肆記成於乾隆己丑時 四庫館開
文士雲集四方書籍聚於輦下爲 國朝極盛之時余同
治丁卯始上公車誑廠李氏所舉數十家久已不存至光
緒丙子通籍供職京師十九年甲午與掌院徐中堂不合
投劾出都已亥購方柳橋書留一月未銷假宣統庚戌復

應圖書館監督之徵留京一年而國變矣四十餘年暇輒與書估爲緣綜計前後爲琉璃廠書肆後記

廠東門外路北一鋪曰文光樓石氏丙子年頗有舊書余專搜其單本得百餘冊皆不經見之書也價亦極廉入門路南文寶堂曹氏路北寶文齋主人徐氏蒼厓年六十餘目錄之學甚熟猶及見徐星伯苗仙麓張碩舟何子貞子愚諸先生時說軼事藏舊志書最多六世祖定海縣志江陰蔡志陳志均購於是肆韓心源其徒也路南有善成堂饒氏大文堂劉氏皆江西人再西二酉堂聚星堂皆舊記之書肆聚星不久卽收二酉或云卽前明之老二酉或云非是襲其名耳均未可知然皆無舊書再西則寶華堂修文堂均張姓均能鑒別

良楷再西則翰文齋主人韓心源受徐蒼厓之傳先得益都李南湖藏書再得內城李勤伯藏書琳琅滿目自擺攤至開鋪自小鋪拓廣廈不過數年已與至大之書鋪鼎立余之宋元本大半韓爲搜得卽宋會要亦得之此肆不幸早世其子子源繼起亦有能名再西爲正文齋譚氏翰文之徒庚子亂後最有名藏不全宋本數十種種留一帙不售云將留之以教生徒有心哉不幸早歿其徒劉能繼起旋亦化去路北有寶名齋主人李衷山山西人才具開展結交權貴爲御史李璠所糾發配天津漢陽葉氏藏書歸之裝潢最佳

穆宗重裝天祿琳琅書由內務府發該肆舊面護葉子檢得不少饒有古香又西而南沙土圍口有書業公所書賈祖屋

麟集櫛比前有勤有堂楊氏維舟頗識舊書爲予購書極多
再西路北則書業堂崔氏山西人門面極小明刻宰輔編年
錄程史司馬元興志原石搨本得於此肆再西則肆雅堂肆
主丁子固得崇雨舫之書先爲湖南方柳橋收購舊籍柳橋
歿又捆載其書來京售之善裝潢與寶名同裝天祿琳琅者
燄張甚後因官事受責意氣熾矣再西爲廠橋橋之西路南
則萃文堂常氏文琳堂馬氏益文堂魏氏昔年常走河南子
得其舊鈔書畫史會要元板禮記集說均極精再西西山堂
李氏會經堂劉氏文貴堂魏氏再西則寶森堂主人李雨亭
與徐蒼厓在廠肆爲前輩曾得姚文僖公王文簡公韓小亭
李芝齡各家之書所謂宋槧元槧見而卽識蜀板閩板到眼

不欺是陶五柳錢聽默一流嘗一日手國策與子閱曰此宋
板否余愛其古雅而微嫌紙不舊渠笑曰此所謂捺印士禮
居本也黃刻每葉有鐫工名字捺去之未印入以惑人通志
堂經典釋文三禮圖亦有如此者裝潢索善價以備配禮送
大老慎弗爲所惑也路北有舊書李時有零星善本有文華
堂會得彭文勤公之書再西路南有寶珍齋吳氏寶經堂魏
氏同雅堂喬氏同好堂閻氏皆有舊書再西則廠西門書肆
盡矣其中有搢紳鋪刻板鐫碑鋪骨董鋪法帖鋪裝潢書畫
鋪南紙鋪三里長街他鋪甚少亦爲日下之盛事城內隆福
寺街昔年有三槐堂王氏同立堂喬氏會得介休楊氏書聚
珍堂先名天繪閣劉氏寶書堂■氏至廟會書攤慈仁寺久

已無之後護國寺隆福寺東西兩廟會雖無古書尙有小攤
今則并攤俱無廠東門火神廟正月三日起至十六日廟會
從前四大家一寶森堂一同立堂一三槐堂一善成堂後各
家均收止有零星小攤無復牙籤錦贖留人尋玩矣舊友日
日來廠者朱子清孫銓伯黃再同沈子培子封徐梧生若盛
伯希王廉生閒或一至來則高車駟馬未及門而已知至潘
翁諸老則耑候廠友之自送罕見閱肆伯希辭官以後探得
打磨廠興隆店外來書賈貨車萃焉五更開市各書陳列於
地論准估值廠友悉趨之伯希時時襍被往宿遂得宋本七
十卷之禮記注疏杜詩黃鶴注舊鈔儒學警悟余因伯希而
往亦得舊鈔武溪集類編長安志同日子培得馬天祿造象

原石搨本後余又得宋本范文正集元本柳道傳集正統本
蘇平仲集價廉於廠肆近無此事店亦無矣

附錄

余辛亥出都遯跡海上憶昔太平盛世士大夫之樂趣有
與世人異者因作琉璃廠書肆後記爲李南澗大令之繼
甲寅秋日重作京華之行時時閱廠舊肆存者寥寥晨星
有沒世者有閉歇者有易主者而繼起者亦甚眾則後記
已可與李記同作宣南掌故矣因全錄書鋪名目以志今
昔之感廠東門外路北有文光樓石氏舊鋪入門路南有
宏遠堂趙氏主人名聘卿得正文齋譚氏殘餘據爲奇貨
再西有修文堂黃氏曾有宋本徐節孝集三十卷絕精傳

是樓舊藏也又文寶堂曹氏舊鋪路北有晉華書局孔氏
爲譚正文之親串亦時時有譚氏書售出再西有文益書
局張氏路南有有益堂丁氏榮祿堂丁氏松筠閣劉氏槐
蔭山房馬氏二酉齋傅氏舊鋪寶華堂張氏亦舊鋪文盛
堂劉氏翰文齋韓氏韓子源書甚多兼售字畫再西則孔
羣社張氏文友堂魏氏書最多余之明板二妙集五卷本
說文篆韻補均于此肆得之肆雅堂丁氏舊鋪再西有直
隸書局曾有宋本范忠宣集二十卷元本淳南遺老集四
十五卷廠橋以東之書肆盡于此矣越橋而西路南有文
琳堂馬氏萃文齋常氏均舊鋪又有宏道堂程氏來薰閣
陳氏路北有維古山房崔氏路南有善成堂孫氏會經堂

劉氏均舊肆文雅堂郭氏保古齋殷氏袁抱存之北宋木
北山錄得于此肆再西有同古堂張氏本爲墨盒鋪兼售
舊書得曲阜孔氏濰縣郭氏兩家之書舊槧精鈔燦然盈
架袁抱存之真宋本白文八經得於此路北有修本堂岳
氏路南有會文堂劉氏九經堂劉氏鴻寶閣崔氏再西路
北有文英閣丁氏路南有鑑古堂郭氏余之陳拾遺集得
於此又有述古堂于氏路北有玉生堂胡氏路南有文煥
堂趙氏路北有敬業堂丁氏橋西之肆至此而止再西出
廠西門同好堂閻氏舊肆仍在焉石印本鉛字本天然墨
觸目皆是世風之變日趨日下不知所止矣

張石銘造金剛經塔記

自佛法入中國以來造象構塔大都爲親祈福以延壽而化
災孝子之用心百方經營所以安吾親而已吳興張君石銘
之母氏桂太夫人桂琴甫先生之長女幼承庭訓言動必於
禮法及歸張哲甫封翁處境豐腴而崇儉戒奢數十年如一
日石銘幼孤以母兼父毓成偉材恆以拯溺救貧爲急務居
恆茹素潔治一室手牟尼危坐其中誦金剛經寒暑無閒年
臻七十不令稱觴以筵資助育嬰堂經費又於南潯鎮之
造眾安界河二橋以濟行人爲善不求報天亦報之以福壽
康甯焉石銘爰于家之適園相度基址建長生塼塔一座而
以唐搨柳誠懸書金剛經鉤摹勒石藉申孺祝用博慈歡昔
大雄氏所說大般若經六百卷凡四處一十六會此金剛經

寶當第二處第九會第五百七十七卷姚秦鳩摩羅什始用
華言譯出而梁昭明太子復分爲三十二章潘次耕云金剛
一經絕相離名透宗該教灼然爲經中之王文人學士固宜
竭筆墨之能莊嚴供養柳誠懸書此經備盡楷則爲米海嶽
所賞賈似道得搨本亦藏以自豪宣和書譜有唐張欽元釋
曇林宋王荆公蘇東坡黃魯直元趙松雪皆書之今得燉煌
石室唐搨本翻以入石仗佛力之庇蔭欣慈算之縣延留法
海之鉅觀作藝林之墨寶豈不偉哉歲在強圉大淵獻小陽
月江陰繆荃孫記

與張石銘劉翰怡書

承以刻書下問謹分別以對凡刻叢書亦須定一宗旨采書

須全

校補

卒見

未成

爾雅

類朱

文題

分類

一類

可校

聖集

乙二第
如全唐文全唐詩全唐詩選不必攙校凡官本書空白填足
胡虜均改他字萬不可據定州王氏畿輔叢書劉賓客集據
全唐文改字此書便不足重 四庫聚珍本均有此弊不如
舊刻舊鈔者在此卽不全有一卷校一卷有二卷校二卷所
以舊有不全書亦可收又可鈔配成全璧也

辦書

一先設一總匯所同人約定幾日一茶敘商酌要事

一刻字須覓向來能任事之殷實鋪戶多雇寫手分寫校定

分致刻匠

一滬上刻手不多二君同舉盛業必不敷用常州先哲遺書

甯鄂分辦丁氏武陵掌故杭甬同刊今宜分送湖北江甯

蘇州三處以便速成

一校對須添數位粵東書局分校以葉計每葉二分一次百葉不過二元校不速不送校不精亦不送有事之人可以帶閱比延定按月授修較爲活動須總匯處有人收入送徵處一核再送他位複校

一校需六次兩人初校覆校改錯改完總校辦畫一揭籤發刻刻成校亦同之改好印清樣

一先請二君將所藏欲刻之書檢出多種分至佳其次兩單至佳者先刻其次在可刻可不刻之間後有佳者卽換去一珂鄉先輩之著述如張秋水施北研溫鐵華沈子惇之著作廣布爲是於宋元鄉輩文集尤宜搜求雖有刻本刻亦

不妨

一守山閣刻書在 文瀾閣鈔校見張嘯山日記此時江南
圖書館書最多荃孫按目搜求有應刻者託人鈔寫

一書有數本須擇至精者每書必序原委異同多者撰校勘
記

與周湘舲書

昨示石翁欲辦金石志在續德甫萃編甚盛舉也自來歐趙
開山只有目錄洪氏隸釋始載全文中州關中仍尋歐趙之
例德甫錄全文加攷據前人所記同人所考始集大成自周
至金成書百六十卷爲談金石者一大家原書二百卷書未
刻成德甫沒遂截
去元四十卷
荃孫見零藁而後出之碑至多欲續之者數家孫淵如嚴鐵

橋首續之止成平津館金石萃編二十四卷稿本存留荃孫處兩年缺一冊未收後歸沈仲復葉初蘭擬續之見顧澗齋思適齋集瞿木夫續之成古泉山館金石文字一百二十卷未刻稿本已散陸劭聞續之止成四十卷刊行內有目無方文者太多方彥聞續之止成四卷陸星農太夫子續之成一百二十卷業已成書荃孫通體讀兩過並手鈔其目未刊今清本在江西巡警道署失去稿本在家孫曾未必能刊陸存齋所輯更不足道荃孫從前亦思續之後揣才力難繼中止所收搨本萬餘種編目錄十八卷後收者又及二卷蓋亦千種石翁續萃編須以二百卷爲限荃孫之所藏及所得書幸未散失及今爲之事易功倍然此事非書目可比釋文校字必得明白而年輕者三

四人助理方能編成草稿至於修飾考據逐漸成之金石釋

文最難卽各書所采亦須核對一徧校字形形須照碑分行

數舊書均碑小者數寸大者數丈伏地而視升桌而書非老

年人所宜又寫官兩人校對一人荃孫只可指揮一切總其

成耳德甫萃編延仁和朱朗齋嘉興張石匏嘉定錢同人共

爲之也必需一二間閒房爲攤開釋文又廿二省通志須備

羅列兩旁一面釋一面查較便再山左金石志畢秋帆阮文

達同編寰宇訪碑錄孫淵如邢雨民同編可否許荃孫與石

翁聯銜則從前未成各稿一并彙入夙志能償分外踴躍荃

孫所得各書另單呈閱均藏篋中搜羅多年爲此一舉至於

潤筆自不計較統望與石翁籌之亦須書目竣後再行勅稿

與顧鼎梅

變光書

鼎梅道兄前在文藝雜誌得讀手筆先已傾倒以爲新學橫流之際海內尙有同志步歐趙之後塵者乎昨承郵示河朔訪古四則尤爲心佩內金石目與隨筆至精至善第一則似可編入隨筆第三則現未搜得者可埒日後昔人謂之待訪至舊書誤收誤攷宜另立訂誤一目未知尊意以爲何如荃孫自廿一歲有志金石之學身自搜訪手自搥搨所歷之境見藝風金石目自序亦時見諸語石常訪襄城之石門玉盃山深月黑夜不能歸蜷宿岩下與丐爲伍明日出險與友朋言無不大笑爾時不以爲苦反以爲樂迨處境稍裕必攜搨工自隨否則繙書開目令工往搨在京師得李雲從在金陵

得聶明山雲從以往搗好大王碑出名明山亦在安徽得石
牛洞浮山齊山諸石刻語石推爲北李南聶皆荃孫所蓄之
工人也現無其人荃孫亦無此豪興矣昔年同志如潘文勤
師梁杭雪盛伯希葉鞠常門人王文敏今只存一鞠常新得
一從游者吳印臣然均不能如閣下身歷奇境目驗全碑之
詳稿也在蜀曾有訪碑十二圖並記是時精神湛足遠望造
象碑形可斷爲何代物十能得其八九今年逾七十只可讀
閣下書權當卧游亦屬大幸矣

復顧鼎梅

鼎梅世仁兄閣下奉讀環雲藉知世好丙子年姪得詞林者
不乏人如閣下之閱通淹雅著作等身真不易得也昔在西

安得見孟晉齋集柯慈老又示以毛君著作家學師承開原
有自勇猛精進當成文學一大家拭目望之金石日出聞之
欣慰結習難忘老猶如此前所云云不過爲元迺賢志所囿
訂誤統編尊論極是孟縣等六志止無武陟按圖不如目驗
之瑯昔年編目止據原籤未能詳悉誤處太多與兩訪碑錄
同訂不勝訂惟不收磚瓦題名造象彙聚於最初刻之下似
略勝之印本已完現在甯寓糾工續印成書卽寄先呈做集
十三冊石印碑志十七種不改尺寸似勝宜都另一分轉呈
范觀察回杭務望過舍下一談炯齋在此又廬江劉慧之藏
搨本極多均可接洽荃孫所得劉燕亭搨本居多劉慧之得
孫淵如搨本又舊於劉矣海內金石除貴州外安徽江西獨

少荃孫在江甯因有不爲齋隨筆搨到潛山題名因瞿木夫年譜搨到太平府金石因齊山巖洞志搨到貴池金石江西只得通天巖題名今見大著隨筆江西亦復不少可見搜訪之不力著述者不留意耳江蘇志惜未成甯鎮兩府亦搜訪數十種甫到常州而革命起遂無復重理者可歎可歎

致洛陽令曾辛盦

辛盦仁兄家鄉咫尺未晤盛顏頃顧鼎梅世兄函知閣下政事餘閑篤嗜古學抱金石之學處金石之窟搜羅保護不遺餘力下風引領曷禁神馳荃孫年少時亦復沈迷於此蹤迹具金石目自敘中南聶北李皆昔年所招致者今聶李均逝家人田福亦復奄忽荃孫志氣頽唐只能購致不敢云搜訪

矣近今地不愛寶所出愈多黃華二公所著已成椎輪姚楊
兩編更無足論閣下能重撰否珂鄉風雅之藪畧里瞿氏之
書墨緣邵氏之畫閣下之金石可鼎足矣金石目一部乞哂
存近又得二千餘種續目尙未成也

再致辛盦

昨奉環書並承贈吹萬樓石墨多種名品精拓虛谷小松不
得擅美於前矣旣感謝亦豔羨各石均歸筐篋免致流入外
洋將來攜以南歸駕靈巖五志之上新通志立僑石一門專
爲此也存古閣古物亦仗地方官保存士紳有可談者否中
州士多朴陋可慮魏闕是曹魏蘇氏何人有考據否蘇闕與
趙闕競爽二元亦與元演元颺作耦大覺寺額慕之多年韓

志見過其夫人志想近年出土也君表兄京師熟人常昭金石亦曾賜讀南中得一唐碑已屬不易珂鄉三幢做處止一開元幢建炎紹興建軍兩牒一宋志皆荃孫搜得者昔人著錄宋元八九種耳弟在京亦得兩唐記拓本尋出卽寄政郎晦之事蹟考

注陸宣公奏議經進東坡文集事略俱宋郎煜撰阮文達公進呈奏議云郎氏事蹟無所考文集事略見張金吾藏書志按郎煜字晦之杭之鹽官人早學於張氏九成後學於于氏恕以儒學知名嘗編橫浦語錄十二卷其閒論語奧義讀者疑焉蓋橫浦自有論語解亦何假此發明奧義人以問晦之晦之曰此非公之文也語錄亦有附會者工部侍郎郎簡致

仕名德赫然人問晦之曰杭無他郎當與侍郎同一譜晦之曰我家白屋豈可妄攀華胄識者疑之○淳熙十四年特奏名得官奏進注三蘇文及陸宣公奏議未及任而卒今署銜迪功郎紹興府嵯縣主簿卽其所終之官而剡錄無姓名蓋得官而未任者阮文達公撰提要不知其事蹟故檢臨安志清波雜志別志記之書名注陸宣公奏議與注東坡先生詩同例郎進書表末云紹興二年而表中稱至尊壽皇聖帝乃在光宗受禪之後紹興當作紹熙表文有發揮於元祐○淳熙之盛則紹興信訛矣初見半葉九行行十八字本歸安姚彥侍藏又見半葉十二行本歸安陸存齋藏並有明翻刻本文集事略季滄葦書目止得二十八卷後歸張月霄後吳興張石

乙二 三
銘得一本自卷一至四十不全同而又非月霄本沔陽田復
侯在日本得島田舊藏六十卷完善無缺復侯在鄂交陶子
麟影刻革命驟起分寫分校諸友各自亂竄書遂遺失不全
真天壤閒恨事

國史儒林文苑兩傳始末

乾隆三十年九月十五日 敕修 國史 上諭內有曰且
如儒林亦史傳之所必及果其經明行修雖韋布不遺又豈
可拘於品位使近日如顧棟高輩終於淹沒無聞耶諸臣其
悉心參考按次編纂以備一代信史至嘉慶庚午阮文達公
由浙撫降編修充 國史館總纂勅儒林文苑兩傳總裁以
官書無證尼之文達答以私家傳志本書敘例卽其證也而

以全謝山文內集句成篇爲法總裁允之奏明開辦阮引

高宗上諭以顧棟高冠首成儒林傳四十四篇附傳五十餘

人未及進呈壬申八月署漕運總督將彙本交館文苑傳未

撰後顧南雅藪爲提調始進呈當在嘉慶末年按嘉慶十七年簡雲南學

政二十一年回京據藁立傳改顧炎武傳居首總裁戴文端公進呈

時出毛奇齡於文苑去沈國模談泰桂馥錢澄之方中通朱

鶴齡臧庸閻循觀汪紱金榜王鳴盛丁杰任大椿孔廣森張

惠言孔興燮等十七人文達不以爲然而載被刪諸人入彙

經堂文續集各人均載表字各書均注出處跋言官書不入

私集不取之彙不妨收之合肥學舍札記雲臺先生左遷編修充國史總纂爲張皋文惠言

作傳人儒林後出燕江西有某尙書者以皋文所著書顯倍朱注去之一時士論大爲不平爭欲借皋文弟宛鄰琦徧詣

諸史官爭之宛鄰不肯曰先兄宜入儒林與否將來自有定論若如此求入即與奔競何異非先兄意也道光甲

辰方俊蔡宗茂為提調另行刪并去表字出處復收朱鶴齡

閻循觀汪紱三人即坊間所刻四傳是也光緒庚辰總裁欲

續修兩傳廖穀似壽豐為提調特派李苾園端棻汪柳門鳴

鑿陳伯潛寶琛惲次遠彥彬四人主修後穀似外簡諸公均

出差荃孫甫到館蒙總裁寶文靖公奏與譚叔裕宗浚合辦

四傳儒林文苑乙酉叔裕外簡荃孫獨任其事首尾四年以

講學者為上卷注經者為下卷以嚴衍為明人去之辭鳳祚

諸人入疇人傳各督撫奏請者有可人有不可入者分別注

於下總裁允進呈時夾片更正後徐中堂為總裁交紀大奎

入儒林傳荃孫分辨紀氏之易是參同契類為道家之易非

經學家之易徐相國不學不能分別是非忌者又從而擠之
遂至積不相能而荃孫亦奉諱回籍瀕行四傳彙均成交館
徐中堂不辦進呈初彙留篋中本欲刊入私集費重而止光
緒癸卯王文勤公爲總裁憚孟祿毓嘉余子厚堃爲提調又
據荃孫舊彙重辦添入路德劉沆蔡壽祺諸人雜糅更不可
言狀今史館仍交理董卽取舊彙增刪志在明一代學術之
源流而無所偏倚於其間也

常州先哲遺書正續集緣起

光緒壬辰荃孫供職詞垣時同鄉屠敬三刻常州駢體風行
一時汪子淵自天津來云盛公欲刻常州文存以敵駢體時
伯溫屺懷寶箴寶梁集議均以爲與其選文何如刻書遂有

常州先哲遺書之舉。祀懷子淵函達盛公公來函自任刻資。令荃孫任搜輯並校勘。時荃孫乞假赴鄂。選匠徵書先搜舊篋無者借之友人寫之。浙中文瀾閣至丁酉成書四十種。六十四冊而止。此初編也。後十年丁未盛公爲海豐吳侍郎仲懌懃懃再刻。仍延荃孫搜輯校訂。儼分爲三集。共九十五種。不意辛亥九月革命變起。盛公竄身東瀛。荃孫亦走避滬濱。友人工匠風流星散。壬子盛公自東瀛致函就已刻者收束。只成此數。共訂一百有四冊。乙卯冬日始行印行。嘗聞之曹倦圃云。古人竭一生心力。辛苦成書。大不易事。渺渺千百歲。崎嶇兵攘劫奪。久之僅而獲免。可稱至幸。如遇賞音者。繡梓通行。前人之書獲傳已之名。不亦附之以傳哉。然欲傳古

人之書當自鄉先輩始夫前輩著述府州縣志連篇累牘語
其實在百不一存求幸存者爲之刊播尤當擇足本精本校
勘不苟至若近人著述泰斗其瞻流風餘韻未盡澌滅蛛絲
馬跡搜獲遺編見知聞知八求四當旣傳其書卽傳其人萃
前輩之精神爲後人之模範使文學之鄉處處能傳其先哲
豈不大快亦有過於珍弄錮篋鑿楹人有求者堅稱無有甯
飽於蟲鼠或投諸水火不使流傳倦圃所謂非與前人有深
仇宿怨不至於此何其語之沈痛哉然辛亥之難所發各書
有全失者有缺失一二冊者約三四種有校勘已就者有寫
未及半者約五六種變出意外保護無從方知前人珍弄不
令人窺不得謂之失策如明蔣一葵之堯山堂外紀夏樹芳

乙丁編三
之消渴集 國朝趙懷玉之亦有生齋集卷帙既重後嗣亦
頗不振恐難再付剞劂是亦作者之不幸舊目尙存爰記緣
起今盛公老病予亦衰頽然同鄉諸君好古而有力者尙不
乏人賡而續之尤拭目而望焉

常州先哲遺書第一集

梁至元

經類

詩傳旁通十五卷

元梁益 江陰 文淵閣傳鈔本

三續千文注一卷

宋葛剛正 江陰 海源閣影宋刻本

史類

吳中水利書一卷

宋畢錫 宜興 守山閣本

遂初堂書目一卷

朱堦 無錫 說郭本

子類

五行大義五卷

隋蕭吉

武進

佚存叢書本

宜齋野乘一卷

宋吳棫

江陰

舊鈔本

梁谿漫志十卷

宋費衮

無錫

影宋鈔本

萬柳溪邊舊話一卷

元九珉

無錫

舊鈔本

對牀夜語一卷

宋范晞文

靖江

舊鈔本

宋刻

集類

昭明太子集五卷

梁蕭統

武進

影宋鈔本

文選注考異一卷

宋尤袤

無錫

影宋鈔本

蕭茂挺文集一卷

唐蕭穎士

武進

舊鈔本

文恭集四十卷

宋胡宿

武進

聚珍板擺印大典本

春卿遺藁一卷

宋蔣堂

宜興

天啟刊本

摘文堂集十五卷

宋慕容彥逢
大典本

宜興

文瀾閣傳鈔

毘陵集十六卷

宋張守

武進

聚珍板擺印大典本

鴻慶居士集四十二卷補遺二十卷

宋孫覿
武進
借書園校鈔影宋

本

內簡尺牘編注十卷

李祖堯注
乾隆刻本

蔡煥補注

無錫

丹陽集二十四卷

宋葛勝仲
大典本

江陰

文瀾閣傳鈔大

梁谿遺集二卷

宋尤袤

無錫

道光刻本

歸愚集十卷

宋葛立方
本

江陰

丹鉛精舍校鈔影宋

附信齋詞一卷

宋葛郊

名家詞本

定齋集二十卷

宋蔡戡

武進

文瀾閣傳鈔大典本

牆東類稿二十卷

元陸文圭

江陰

世德堂校刻大

清閼閣集十二卷

元倪瓚

無錫

城書室刻本

龜巢集二十卷

元謝應芳

武進

鈔足本

韻語陽秋二十卷

宋葛立方

江陰

正德刻本

共二十七種

明

第二集

經類

象像管見五卷

明錢一本

武進

萬圃刻本

史類

皇朝名臣琬琰集二十二卷後集二十卷續集八卷

明

徐紘

武進

嘉靖刻本

恩卹諸公志略一本

明孫慎行

武進

海甸野史本

長安客話八卷

明蔣一葵

武進

明刻本

荆溪外紀二十四卷

明沈津

宜興

嘉靖刻本

天山年譜一卷

明鄭鄭

武進

崇禎刻本

得月樓書目一卷

明李如一

江陰

士禮居鈔本

子類

景仰撮書一卷

明王達

無錫

影鈔本

困思鈔三卷

明孫慎行

武進

傳鈔本

韻石齋筆談二卷

明姜紹書

武進

澐字本

陽羨茗壺系一卷

明周高起

江陰

粟香室本

茶苑二十卷

明黃履道

武進

精鈔本

宋刻

戒庵漫筆八卷

明李詡

江陰

藏說小萃本

堯山堂外紀一百卷

明蔣堯臣

武進

明刻本

宋

延州筆記四卷

明唐觀

江陰

藏說小萃本

宋刻

灼薪劇談二卷

明朱承爵

江陰

嘉靖刻本

宋刻

公餘日錄一卷

明湯沐

江陰

藏說小萃本

宋刻

宦游紀聞一卷

明張誼

江陰

同上

宋刻

暖姝由筆三卷

明徐充

江陰

同上

宋刻

集類

容春堂前集二十卷後集十四卷續集十八卷別集九

卷

明邵寶

無錫

慎獨齋刻本

宋刻

方山文錄二十二卷

明薛應旂

武進

嘉靖鈔本

吳文肅公摘彙四卷

明吳儼 宜興 鈔文瀾閣本

荆川集十八卷

明唐順之 武進 康熙刻本

水南集十卷

明張袞 江陰 嘉靖刻本

賜餘堂集十四卷

明吳中行 武進 萬曆刻本

小辨齋偶存八卷

明顧允成 無錫 萬曆刻本

雙溪集八卷

明杭淮 宜興 傳鈔文瀾閣本 宋刻

消暘集二十二卷

明夏樹芳 江陰 彙本 宋刻

從野堂集八卷

明繆昌期 江陰 崇禎刻本

落落齋集十卷

明李應昇 江陰 崇禎刻本

金忠潔公文集二卷

明金鉉 武進 傳鈔本

辭堆山先生前集鈔一卷

明辭案 武進 輩學齋校鈔本

存餘堂詩話一本 明朱承爵 江陰 藏說小萃本

共三十三種

第三集

國朝

經類

左傳集解三十卷 孫星衍 陽湖 彙本

未刻

毛詩日箋十卷 秦松齡 無錫 康熙刻本

說文諧聲譜二十卷 張惠言 武進 彙本

未刻

史類

三朝野記十卷 李遜之 江陰 舊鈔足本

東林列傳二十四卷 陳鼎 江陰 康熙刻本

未刻

留溪外傳十八卷 陳鼎 江陰 康熙刻本

雜諍五卷

楊名○

江陰

舊鈔本

求是齋金石錄八卷

丁紹基

武進

彙本

子類

陳定生遺書三卷

陳貞慧

宜興

康熙刻本

暨陽答問四卷

蔣彤

武進

活字本

炙硯瑣談三卷

湯大奎

武進

亦有生齋刻本

午風堂叢談四卷

鄒一桂

無錫

嘉慶刻本

飲深軒隨筆二卷

伍宇澄

武進

伍氏叢書本

初月樓論書隨筆

吳仲倫

宜興

別下齋刻本

學古文緒論

吳仲倫

教經堂談藪六卷

徐書受

武進

嘉慶刻本

集類

學文堂集二十二卷

陳玉璣 宜興 康熙刻本

青門集三十卷

邵長蘅 武進 增編本

正誼堂集二十三卷

董以誥 武進 康熙刻本

微泉閣集二十卷

董文驥 武進 康熙刻本

清芬樓文集二卷

任啟運 宜興 乾隆刻本

亦有生齋文集五十卷續集八卷

趙懷玉 武進 道光刻本

重編孫淵如文集二十卷

荃孫 橐本 未刻

拜經文集二卷

臧庸 武進 刻本 未刻

丹稜堂文集四卷

蔣彤 武進 活字本

止庵遺集四卷

周濟 荆溪 鈔本

宛鄰文六卷

張琦

宜興

宛鄰叢書刻本

端虛勉一居集二卷

張成孫

武進

輩學齋刻本

齊物論齋集六卷

董士錫

武進

道光刻本

未刻

賴古堂文集八卷

湯□□

武進

宛鄰叢書本

未刻

吳山子文鈔一卷

吳育

武進

未刻

文翼三卷

吳銜

武進

未刻

共三十二種

樊風堂文漫存卷三

藝風堂文漫存卷四

江陰繆荃孫

乙丁橐

跋

春秋經傳集解跋

春秋經傳集解三十卷每半葉八行行十六字小字二十六
高七寸九分廣四寸四分白口雙邊口上曰秋幾在上魚尾
之下葉數上有一■每卷後有經傳若干字注若干字總若
千字三行按春秋經傳集解宋本最多而宋樓臧宋大字本
行合小字數不合相臺本行合字數亦不合餘皆十行本首
有春秋總要爲他書所無字方若碑墨黑如漆尤爲宋本之
至佳者有乾學朱文小方印徐健庵白文小方印

宋板元印宋書跋

宋書一百卷次行題沈約新撰小題在上大題在下每葉十八行每行十七字高七寸二分廣六寸二分白口單邊版心有字數及刻工姓名紹興眉山刻七史之一有元補無明補宋刻方整元刻流麗紙墨俱古卷三十四三十三葉有至元十年杭州不弼刊不即錢字前人未舉出有元禮部官書長印季滄葦印即季氏書目所著錄者爲明文淵閣舊物陸存齋所見即此書詆爲僞父者即蔣香笙太守由蔣入費今歸吳興嘉業堂劉氏矣頃借出詳校方知是元代印本缺紀卷六至十志卷四傳卷三十五至六十共缺三分之一以嘉靖補版配亦係補版時印本脫落尙少字畫清朗與後印不同

存齋以爲無一修板者未覩全書也陸考穆云是鄭穆又云
富有穆序惟晁公武不能辨爲穆校恐紹興重刻時序已缺
矣陸說爲確至云約書例稱魏爲虜列傳第六張暢傳多稱
魏主與南史例同而文不同鄭穆疑非約書愚謂暢傳多與
魏臣李孝伯問答之辭非史臣之辭故言必稱魏主史從實
書不能改而稱虜未必非約原書穆說非是按此書稱高祖
而此篇趙倫之王仲德兩傳每稱武帝暢傳大書魏主拓跋
燾南征非問答之辭恐非約書鄭穆之言未可謂非七史無
宋印所見止傳沅叔藏南齊書與此同亦有禮部官書印所
出同也今以紀傳志互校及晉書南齊書通鑑定沈氏之誤
又取南監本汲古本殿本考證錢氏考異定校刻之誤宋本

是者固多誤者亦復不少南監汲古源出此本殿本據北監本與南監不同校竟又得合州張石卿森楷校勘記六卷苦心績學之士刺取獨見者增入獨所據書少頗多辭費耳

按少帝紀各本俱無贊辛楣先生遂疑非約本書此本缺弟四葉然弟五葉存則創業之君自天所啟守文之主其難矣哉十六字的是少帝紀贊語前人均未見過

唐書藝文志跋

唐書藝文志四卷宋十行十九字本從南宋閩中魏氏刻唐書抽出高六寸五分廣四寸三分黑綾口單邊無大小字及刻工姓名而字畫之勁紙墨之精並無補葉在宋本中亦屬甲等宋諱桓卽玄躬廓貞禎徵讓愼胤昂構敬惇敦作字不

成是理宗時刻本廬陵改舊唐書經籍爲藝文經部增一百
十七家三千三百六十卷史部增三百五十八家一萬二千
三百二十七卷子部增五百一家五千六百一十五卷集部
增四百八家五千八百二十五卷然編次雜糅不如舊書自
漢藝文志原本七略最有條理次隋經籍已不能如漢書之
整齊次舊唐經籍亦有可觀廬陵搜羅尙廣編次甚亂後人
無所適從不能爲廬陵諱且有舛錯如易類何安講疏疑是
何安周易正義國子祭酒孔穎達顏師古等奉詔撰詔當作
敕僞史類蕭方等三十國春秋無等字母①儉記母當作毋
綦母遂列女傳綦母當作毋法家類高頴等隋律頴當作穎
毋與古今書錄四十卷毋當作母開元後格十卷吏部侍郎

兼侍中朱琛當作璟醫類楊氏產乳集驗方三卷注揚歸厚揚當作楊鄭汪藥方一卷汪當作注總集類顏峻婦人集峻當作竣又有重複如小學類蔡邕今字石經論語二卷一類兩見正史類李喜漢書辨惑三十卷舊志作李善一類兩見偽史類劉昫燉煌寶錄十卷又見雜傳記類雜史類虞溥江表傳五卷又見雜傳記類故事類葛洪西京雜記二卷又見地理類雜傳記類圈稱陳留風俗傳三卷又見地理類唐臨冥搜記二卷又見小說類此本亦略有訛字序給上谷墨三百三十六丸誤九兔千五百皮兔誤免春秋類高貴鄉公鄉公誤卿小學類小注二百四十卷百誤千起居注類泰始起居注泰誤秦職官類六典注余欽欽誤敘傳記類三輔

決錄摯虞注摯誤塾張景宗注冀州南宮人宮誤官姓氏類
大唐皇室新譜大誤太諸子類正書袁準撰袁誤表道家類
楊銜之洛陽伽藍記楊誤陽慧休雜心⑤章鈔疏注瀛州人
瀛誤羸小說類趙自勤定命論道書定命錄注作自勸殿本
均作自勤醫家類喻義纂療癰疽要訣疽誤疽殿本作疽江
承宗注鳳翔節度要籍籍誤藉別集庾肩吾肩誤肩實叔向
集注溧水令溧誤漂道家類總一百三十四家一百七十四
部下接管子不提行法家類十五家十五部一百六十六部
下接鄧析不提行然佳處勝於南北監本汲古本者甚多讀
者當自知之

三國志補注跋

三國志補注六卷 國朝杭世駿撰 四庫著錄先生子賓
仁舉鴻詞所業經進講義經史質疑史記考證晉書補傳贊
諸史然疑石經考異榕城詩話合刻爲道古堂外集印行甚
少購覓頗難坊間所行外集七種遺去鴻詞所業經進講義
經史質疑史記考證及補注加以兩漢蒙拾文選課虛續方
言三種今鴻詞所業經進講義散見文集史證附刻 武英
殿本史記各卷之後質疑刊入鮑氏叢書惟此注少單行之
本爰付削氏仍附諸史然疑一卷以符 四庫著錄之舊並
恭載 提要於卷首然就 提要摘出之條略爲核對如王
凌謝亭侯一條在武帝紀注金陵本已改陵樹而非文紀孔
晏又一條金陵本無晏字陳泰一條金陵本改州泰在三少

帝紀而非明紀當云武紀之王凌謝亭侯一條明紀之年三十六三少帝紀之孔晏又一條陳泰一條爲是華歆傳嚴包交通考證改嚴字文通張遼傳大呼是名汲古本作自名崔珍傳陳煒此三條並無補注或賓仁刊時有脫逸與又引魏氏春秋魏略等書早已亡佚所引不出類聚御覽等書注中不注出處若親見是書者亦是一病故拈出以貽世之讀乙部書者

唐史論斷跋

唐史論斷三卷宋孫甫之翰編之翰陽翟人宋史有傳前自序謂唐舊書煩冗遺略多失體法用編年之體次序君臣之事自康定元年修是書至嘉祐元年勒成唐紀七十五卷勸

戒之切而意遠者著論以明焉論九十二首觀者毋忽不止
唐之危安當爲世鑒矣唐紀不傳僅存此論蘇東坡與李方
叔云論褚遂良不譖劉洎太子瑛之廢由張說張巡之敗緣
房琯李光弼不當圖史思明宣宗有小善而無人君大略皆
舊史所不及今讀其書中宗廢居均州當紀稱中宗事迹太
后開綱目之先聲公言廢武氏以斥叛逆景雲年譏不踰年
而改元李鄴辭平章事恥因宦者而進不能駕馭李德裕以
致不能保全識均高于通鑑溫公之跋亦深推之紹興二十
七年南劍州州學教張敦頤刊于南劍州端平乙未東陽郡
丞黃準刊于東陽此本從東陽本影寫論前摘書事甚詳卽
之翰唐紀之文頗與唐書相出入學津粵雅珠塵均刊論九

十二首不載書事則此書爲最完又黃準跋云見蜀本書錄
解題亦云刻板劍州按張敦頤跋後有校勘官左奉議郎充
南劍州州學教張敦頤詳定官左朝奉郎通判南劍州主管
學事王筠左朝散郎添差通判南劍州軍州主管學事王以
詠右朝奉郎知南劍州軍州主管學事許興古是福建之南
劍州非四川之劍州何得謂之蜀板又攷張敦頤字養正婺
源人紹興八年進士由南劍州教授歷官知舒衡二州著有
六朝事蹟編類收入 四庫全書養正一生未嘗至蜀黃氏
陳氏何其不考之甚殊不可解此本卷上末有嘉靖癸卯十
一月二十日借毛武卿家大字宋刻本校正一行前有毛晉
私印白文子晉朱文希世之珍兩朱文方印後有西河季子

之印朱文汲古閣藏朱文兩方印

諸葛武侯傳跋

諸葛武侯傳一卷宋張栻撰宋刊本每半葉十行行十七字高六寸六分廣五寸三分白口板心武侯傳三字字畫精勁裝潢古雅蕘圃跋謂侍講初雕本信然此傳不載南軒文集其闡發武侯生平攷證極確述前後出師表與今所傳字句間有異同其後跋云徵目文獻不敢存疑則其所覓必有舊本足據矣傳中(玄)貞匡慎缺筆而殷敬勗桓邁不避避諱亦不畫一前人圖書有京兆劉氏世家朱文紹興旌忠哀節之家朱文分書碑式南坡朱文鼎式此三方皆宋元人印郁印頤培白文誦芬朱文兩連珠印停雲朱文圓印文印徵明白

文徵仲朱文兩連珠印文彭印朱白文小方印三橋居士朱
文方印朱本朱文腰圓印三十五峰園主人朱文方印汪印
文琛白文方印民部尙書郎朱文汪印士鍾朱文兩方印疊
經名家收藏眞天壤間祕笈也

注王荆文公詩殘宋本跋

注王荆文公詩目錄三卷一二三十五十六十七十八廿三
廿四廿五廿六廿七廿八廿九四十五四十六四十七其十
七卷得全書三分之一宋刊本每半葉七行每行十五字大
小字同高六寸五分廣四寸四分白口板心署詩一魚尾上
字數魚尾下刻工姓名據魏鶴山序雁湖之門人李士美刻
是書在嘉定七年則雁湖尙在

雁湖歿於嘉定十五年

又據嚴悔庵文

集見第五十卷嘉定甲申胡衍跋知是撫州補注在每卷末
又有庚寅增注在每卷後另葉修版亦有庚寅換三字甲申
嘉定十七年雁湖已歿庚寅則紹定之二年矣卷後補注有
與庚寅補注犯複者乾隆華山馬氏得元刻海鹽張宗松爲
重開行世失去魏文靖序并三十卷五十卷之末葉因宋史
藝文志失載海內以爲奇書近涉園後人購得元刻五十卷
末葉尙在欣喜之至今與此本相校方知宋元刻之不同凡
解詩意者均在引書注釋詩者或留或不留如整篇文字卽
均無有並有元有而宋無者是元本另一本非從宋本刪節
矣昔嚴氏得卅四卅五卅六卅七卅八卅九五十其七卷又
得廿七廿八卅五卅六卅五卅七其六卷何夢華又索三卷

去合十一卷爲全書五之一內舊寫本三卷卷端晉府書畫之印後有敬德堂圖書與此若合符節是一部拆零目錄三卷更爲元本所無況元本有劉須溪評點張注亦刪去翁覃谿盧抱經張芑堂所見所藏卽此十七卷嚴氏之十三卷今不知在何所

戴剡源集跋

元奉化戴帥初先生剡源集明宋景濂爲司業時定爲二十八卷刻於洪武辛亥嘉靖中周儀求此本不可得偶得全集之目而搜求重輯至隆慶壬申勒成三十卷萬曆辛巳後裔戴洵刻之道光庚子郁氏重刻三十卷并輯札記一卷刻於宜稼堂荃孫又得佚文十二篇刻入讀書記聞亦有逸詩而

求之未得今春重刻士禮居題跋王君息塵語我洪幼琴藏鈔本一帙後有蕘圃跋兩則荃孫披題跋目無有幼琴已旋金陵走取歸逸文亦止十二篇與予刻同而逸詩七卷可喜之至惟訛字空白無本對校原書系何夢華鈔藏而勞季言校過者遂畱鈔詩一本留之而識其原本婁季言舉易見字意易之荃孫亦舉數字俟再得佳本校之

魏鶴山大全集跋

魏鶴山大全集一百九卷宋魏了翁撰宋刻本每半葉十一行行二十一字高七寸三分廣五寸五分白口單邊首行重校鶴山先生大全文集卷幾或云卷之幾或止數目無卷之字板口詩牋表奏議狀劄督府奏陳等各類作詩幾牋奏幾

補刻作大全集幾葉數每卷自爲起訖只周禮折衷一百四
五兩卷通計缺十八十九三十五三十六三十七三十八四
十三四十四四十五四十六五十五十一五十二五十三七
十五七十六七十七一百零七一百零八共十九卷爲海內
孤本黃蕘圃所藏錢辛楣所跋卽此本也有淳祐己酉吳淵
序吳潛後序開慶改元游侶序明嘉靖三年無錫安國活字
印本次行署錫山安國重刊一行後有安國跋知無錫縣暢
華後序又有嘉靖三十年邳州高翀本卷一有邳州知州吳
鳳郡後學王葵校正學正李一陽訓導周南編次四行 四
庫據高本著錄而外閒所流傳者止有安國本安國本卽出
於此本如卷一缺首葉游古白鶴山和辭祕書絳聞鴉韻和

虞永興剛簡滄江鶴再誕雞三題安本卽從二葉雅州胥園起所脫十九卷并目亦不存後印入全書想又從他本補足此書二十八二十九并卷七十二卷魏府君純甫墓志銘不完九十卷策問十二葉系一百二卷之脫葉原本亦有空格有印本模糊字爲後人誤改安本卽從其誤是安本出於此本之的證至一百另八卷止六題今書安忠定行狀後跋李夢庚韶卿上梁綸漕使書在安本六十五何友諒墓志銘在八十七只張令君煥道夫墓銘一文己未唱第後謝恩詩己未儼進聞喜宴賜進士詩二詩而已宵作霄儻作黨遷作迂餘作余萬作万維作惟均別體同治甲戌吳勤惠公督蜀出傳鈔安本命刊因訛誤太多止錄其清朗者刊文鈔四十卷

嗣聞宋本歸吾友孫問青欲校未得今由劉君翰怡借到與王息塵兄對校而志其緣起癸丑五月十一日

鶴山集舊有姑蘇溫溪兩刻皆百卷此本搜輯逸篇並周禮折衷師友雅言併刻之故有大全集之名渠陽集得之教授張鞏周禮折衷得之提幹何璟校此刻者清幕朱景行漢嘉楊起寅及璟三人見後跋

易林注再跋

宣統辛亥荃孫在學部圖書館見宋本易林注半部爲卷三卷四卷七卷八卷九卷十卷十三卷十四其八卷校訛脫字句於仁和吳甘遜寫本上而跋之是時同事徐梧生言渠曾藏一十六卷鈔本庚子之亂失去殊爲可惜歲在丁巳忽見

之友人蔣孟蘋所毛鈔精絕亟取甘遜鈔本於京師補校之
首有易林序後署漢焦小黃周易變卦筮敘次靈越五雲谿
王俞序後聖唐會昌景寅歲周正五日敘次焦林直日一篇
皆今本所無王序見經義攷卷一乾之泰宜出驅馳通利大
道利黃作理之否戴日精光驂駕六龍戴黃作載精黃作晶
之蹇騎狔逐羊不見所望徑涉虎穴亡羊失羔下有一云亡
羝失羊黃脫六字之解闇昧冥語轉相註誤轉相黃作相傳
之中孚徵詣王庭拜治水土拜黃作并之既濟飢餓枯槁莫
人震憐震黃作莫坤之泰雷行相逐無有攸息戰于平陸爲
夷所覆又云傲筍在梁■逸不榮漁父■苦連空■乾黃脫
又云十八字之无妄延頸遠望眯爲目疾頸黃作頭之坎齊

東郭盧嫁我洛都齊東黃作東齊我黃作於之咸芳澤肥壤
農人豐敵芳黃作膏之遞轉禍爲福負危復立負黃作傾之
晉樹挈累累締結難解嫫母衙嫁媒不得坐自爲身禍挈黃
作潔下有衙當作衙黃作衙無此四字之妬孤獨特處莫與
爲旅身日勞苦使布五穀陰陽順序又云伯虎伸熊德又四
布黃脫又云以下十字屯之訟泥滓汗辱棄捐溝瀆爲眾笑
哭然不顯錄滓黃作津爲眾黃作所共然黃作終之小畜搖
心夫望不見所歡搖黃作淫之豫重茵厚席循皋探藿雖躓
不懼反復其宅猿墮高木不踈手足還歸其室保我金玉黃
脫猿墮以下十六字之明夷蠱室蜂戶螫我手足不可進取
爲身害速一云蠱螫我足蜂螫我手黃脫一字以下十字之

益水載舟船無根以浮往來濟濟心勞且憂舟船黃作船舟
濟濟黃作溶溶蒙之坤天之所有禍不過家一云左輔右弼
金玉滿堂常盈不亡富如敖倉黃無一云二字之无妄織錦
未成緯畫無名錦黃作金之旅重驛關牢求解已憂重驛黃
作譚重之中孚草凋被霜花葉不長非時爲落家受其殃草
黃作早落黃作災卷二需之剝東郭棠姜崔氏破亡棠黃作
堂之大畜龙降庭堅爲陶叔後龙黃作龍之恆蠅蠅生子深
目墨醜蠅黃作螺訟之比水流趨下欲至東海求我所有買
魴與鯉足關路止黃脫下四字之謙蟠木折枝與母別離蟠
黃作播之遯疾貧望幸使伯行販關牢擇言多得大牂一云
疾貧望幸賈販市井黃脫一云十字之鼎虎聚摩牙以待豚

猪往必傷亡宜利止居一云虎厲其牙以待犬猪往必傷殘
摧敗無餘利以止居黃脫一云以下二十二字師之謙穿胸
狗邦僵離旁美下有一本作旁春黃脫一本五字比之坤屯
爻辭互易屯殊類異路心不相慕牝牛牡豶獨無室家一本
末句心不相下黃無一本八字卷五隨之乾鼻目易處不知
香鼻君迷於事失於其居一云失其寵位黃脫失於其居一
云六字之夬青蛉如雲城邑閉門黃閉作閑卷六賁之訟羊
驚狼虎悚耳羣聚下有一云從風羣聚黃脫一云六字之復
三年生狗以戌爲母下有一作三馬生駒黃無一作六字復
之歸妹東行破車遠反失家天命訖終無所禱凶黃失作室
之節簪短帶長幽思窮苦瘠蠡小瘦以病疾降黃短作跌蠡

作貌卷十一損之妬重門擊柝陵昧武守雖驚不懼一云重
門擊柝介士守護終有他道雖驚不懼黃以一云爲文辭無
重門至一云十四字之歸妹牧羊逐兔使魚捕鼠任非其人
廢日無功一云卒歲无功不免辛苦捕鼠黃作相捕脫廢日
無功一云六字益之屯伯虎仲熊德義淵聞使敷五教陰陽
順序行溢多悔利無所得黃無後八字之蒙飲酒醉酣跳起
爭鬪手足紛拏伯傷仲僵東家治喪一云伯仲俱損因以治
喪黃脫一云以下十字卷十二萃之晉安坐玉堂聽樂行觴
飲福萬歲日受無疆一云安坐北堂終夕舉觴福祿卒歲日
受無疆黃脫一云以下十八字之井鳩杖扶老衣食百口增
添壽考凶惡不起一云鳩杖扶身富及其鄰子孫壽考慶弔

不親黃無一云以下十八字之革霧露雪霜日暗不月陰孽
爲疾年穀大傷一云不見日月霧臨霜雪年穀不登餘糧日
絕黃無一云以下十八字之渙祚加明德與我周國公劉文
母福流子孫一云祚周福魯黃無一云以下六字困之未濟
舉事不成自取凶咎黃本小字井之需大夫行父无地不涉
爲吾相土莫如韓樂可以居止長安富有一云游行諸國莫
若居韓相土旣沃可以長安黃脫一云以下十八字之師側
弁醉客重舌作凶披髮夜行迷亂相誤亡失居止一云醉客
酩酊披髮夜行迷亂失所安識第邑黃脫一云以下十八字
之豫同氣異門各別東西南與凶遇北傷其孫一云同氣異
門一東一西兄弟受禍子孫必凶黃脫一云以下十八字之

隨覘見不祥禍起我鄉行人畏亡使命不通一云行人畏懼
邑客逃藏黃脫一云以下十字之賁神鳥五色鳳凰爲主集
於五谷使君得所一云國有禎祥鳳凰來集時稱太平以後
齊急黃脫一云以下八字之剝媒妁先明雖期不得齊女
長子亂其紀綱一云齊女長子失其紀綱雖有先媒必竟不
來黃脫一云以下八字之无妄少康興起誅澆復祖微滅
復明大禹享祀一云微滅卻光享祀大禹黃無一云以下十
字之離高飛不視貪叨所在臭腐爲患自害躬身一作竊位
貪榮內汙外清時時暫過日日禍生黃刻一作以下皆小字
卷十五節之大過鳥飛无羽雞鬪折距徒自長嗟誰肯爲侶
一云不順其德自爲凶咎黃脫一云以下十字卷十六中孚

之需折若蔽日父旅相逐失旅亡民不見衛國黃刻弟二句
作不見稚叔弟四句作遠去家室小過之剝車頓馬疲黃頓
作傾既濟之節應門內萌黃萌作崩毛鈔極佳蓋卽徐藏本
輾轉流至江南者昔見其半已云大幸何幸竟校其全耶
罪惟錄跋

海(衛)查東山曾著明書百二十卷後改左尹字非人書亦改
名罪惟錄爲全謝山吳兔牀所未見乙卯五月忽有人攜全
部來求售訂百冊紀志傳三類崇禎日毅宗烈皇帝紀(弘)光
日安宗簡皇帝紀次以魯監國唐王桂王均書日附志一天
文二五行三冠服四藝文專錄敕撰書及賜碑五輿圖六禮七樂八土
田九貢賦十屯田十一河渠十二班爵十三陵志十四科舉

十五直閣十六銓部十七典牧十八茶法十九錦衣二十學

校二十一職官二十二外戚缺二十三將帥二十四鹽法二

十五麻數二十六封爵二十七屬夷據年譜有志三十此所

志宗藩志經筵志錢法志九邊傳一皇祖福列傳二皇后傳

三太子傳四諸王列傳五翼運王國列傳徐壽六逸運外臣

傳蔡伯七啟運諸臣傳功八抗運諸臣傳靖九理學諸臣傳

十經濟諸臣傳十一荒節諸臣傳三楊諸臣皆建文十二致

命諸臣傳十三諫議諸臣傳十四諷諭諸臣傳十五清介諸

臣傳十六乘時諸臣傳十七循謹諸臣傳十八文史諸臣傳

十九武略諸臣傳二十播匿諸臣傳二十一隱逸傳二十二

俠烈傳二十三獨行傳二十四庸誤諸臣傳二十五方外二

十六藝術二十七同誤

兩傳三人張沈論之曰海高

二十八

闕懿目

二十九官寺三十奸壬諸臣傳三十一叛逆三十

二西蕃三十三蠻苗三十四勝國列傳三十五外國分三十
五類另有列朝帝紀逸篇列朝逸傳均紀傳刪餘也東山卒
於康熙十四年故於鄭氏未睹其終東山身預莊氏史禍復
能自著此書可謂有心人哉戴名世止以書中書弘光隆武
承麻年號遂罹殺身之禍此書爲弘光作紀大書安宗簡皇
帝又附魯唐桂三王於紀後論其罪當過於戴名世而雍乾
書禁嚴時亦未投諸水火發現於二百年之後可謂大幸每
篇改錯均屬親筆或自寫半葉論大半自書首序及志序亦
自書然於本朝未入關前稱之曰東師入關以後稱之曰

北師未加以胡虜之名亦無醜詆想亦懲於莊氏之禍與然
列傳分門別類蹈馬令南唐書之失又喜說乩夢談徵應惟
恐不奇覺有倣詭之氣似非史氏之正宗也以齊黃屬庸誤
是已以張綵與楊一清並論且有譽辭阮大鍼亦不入奸壬
實所不解至以東林爲有心傾新建而慧不敵新建致改理
學爲門戶論云以吾爲君子以吾等爲君子必以扶奉吾等
爲君子而外此皆小人云云則亦是亦不是已

拜經樓藏書題跋記云萬季野先生所撰史彙方望溪侍
郎以爲四百六十卷諸志未成全謝山庶常以爲五百卷
今此僅列傳二百六十七卷雖似未全蓋華亭開雕時亦
尚有刪併也周松靄大令云此卽查東山之罪惟錄故有

朱康流張待軒傳及海昌俞子久事然余未見罪惟錄不敢懸斷識之以俟知者海昌備志卽引此記然則周松靄吳兔牀錢警石管芷湘均未見此書者

燭火錄跋

燭火錄三十二卷附錄一卷吾邑李天根撰天根字大木居鵝湖之浣香園著有雲墟小橐一卷紫金環白頭花燭顛倒鴛鴦三傳奇其父介軒先生松有介軒詩草夕陽村詩草浣香詞母辭素儀瓊有綠窗小草絳雪詞一門風雅高尙不仕此書專紀弘光隆武紹武永麻魯監國五王事蹟附臺灣鄭氏用編年體排日編纂并冠列表於首體例秩然論略極爲公平文亦暢達惟以引用書目在前而出處有注有不注未

知原撰如此耶抑系鈔胥脫去耶內有傳聞失實得失參半者亦有兩說並列未能折衷者然出於下邑儒生亦足見其見聞之廣編纂之勤矣內李遜之撰李忠毅年譜洪士銘撰洪承疇行狀均不可見之書也邑志其人其書均未載入大抵流傳不廣今得見全書亦云大幸

慎子跋

慎子一卷周慎到撰到一名滑釐趙人墨翟弟子善用兵與同門三百人持墨器守宋城禦楚寇齊宣王喜文學之士與孟子騶衍淳于髡田駢接子環淵之徒皆賜列侯爲上大夫仕於楚爲楚襄王傅到用子良昭常景鯉策東地復完之魯與孟子論用兵于齊旣而知其道之不行也迺與其徒許犯

環淵田繫之徒退老于邯鄲之上著書四十二篇

據漢書史記作十二

論

隋書唐志均十卷子鈔慎子一卷崇文總目二卷三十七篇書錄解題則稱麻沙刻本五篇愈傳愈少 四庫據明人刻本只有五篇嚴鐵橋據羣書治要有七篇已多於明本守山閣刻之又輯零句四十二條附於後亦以爲搜羅略備矣今得明慎雲臺懋賞本刻於萬曆戊寅分內外二篇內篇三十六條外篇五十三條嚴輯零句有二十一條在內雄深雅健是法家言與環淵許犯田繫問答語楚襄王孟子趙王齊王問答語均收之至於字句與他子書相似則古書舊例不足爲怪惟無篇目耳嚴鐵橋張嘯山均未見此本亦可謂驚人祕笈矣

遜庵先生文錄跋

武進惲仲昇先生名曰初號遜庵又號黍庵崇禎癸酉副榜與蘇州楊廷樞錢禧等共結文社負盛名遊京師謁山陰劉念臺總憲執贄列門下念臺告以慎獨由是體驗一切先生有用世才邊事亟應詔上守禦十三策不報浩然歸兩京繼陷避地閩廣遁爲僧名明曇王師過閩復起義師圖恢復兵敗身僅免一子死二子虜乃散眾歸里杜門著書論學重知仁以格物爲先而防檢精密大旨不離慎獨卒年七十八著見則堂語錄完顏氏梓之不遺堂詩文集無傳本族裔輯得五十六篇編爲文錄梓之家塾嗚呼先生當末造目擊滄桑發爲文辭慷慨激烈有不期然而然者然國雖亡身雖隱猶

得與一

亡以祖

知也工

大學工

武進保

常熟錢

氏為與

歿矣田

盡棄甘

甚密口

家子弟

蓋自皋聞云威縣劉調贊糾同志立習齋學舍於博野顏曰
道傳祠而以皋聞象配之西堂東堂則恕谷也大學一篇出
於戴記宋儒意爲移易增補焉能盡如人意先生各還其舊
而疏通之歷舉前人復之古本而證明之鄭君好改字前儒
夙有異議況更易之甚乎是編一出足當論定王子四月江
陰後學繆荃孫跋

夢溪筆談跋

代

夢溪筆談二十六卷宋沈括存中撰存中錢塘人嘉祐八年
進士熙寧中官至翰林學士龍圖閣待制坐議城永樂事謫
均州團練副使後復光祿寺少卿分司南京卜居潤州以終
夢溪卽其晚歲所居地也事蹟附載宋史沈遘傳中是書分

十七門口故事曰辨證曰樂律曰象數曰人事曰官政曰權
智曰藝文曰書畫曰技藝曰器用曰神奇曰異事曰謬誤曰
譏諷曰雜志曰藥議共二十六卷首有存中自序連二目錄
後有乾道二年湯修年跋宋刻本每半葉十二行行十八字
高六寸六分廣四寸八分黑口單邊口上署筆談幾每條首
行頂格次行低二格語涉宋帝皆空格而不避宋諱爲彭文
勤公藏本卷末有文勤公手書四行定爲宋本知聖道齋跋
云此書的係宋本避諱字皆合上有朱書乃近人校琴川毛
氏刻本所注墨書自署別號曰海岳考閩福清人郭造卿字
建初號海岳爲戚繼光上客著述極博父萬程戶部主事母
盧氏所載弘治九年舉葬父母見冰花事極合其人從事幕

乙丁真四
夫
府徧遊九邊故與定襄侯郭登相識評者尙三百年以上古
香可挹也陸存齋收入書目者與此行款同亦以不避宋諱
爲疑孫淵如則以爲元本儀顧堂題跋另收半葉十一行而
宋諱則謹避然決是精本高出馬毛諸刻萬萬矣歲在旃蒙
單闕跋

湘山野錄跋

宋本湘山野錄二卷元人補鈔一卷續錄一卷又補鈔首闕
二葉士禮居所藏手跋之今歸江甯宗子岱烏程張君石銘
影摹刊之爲此書第一佳帙津逮學津兩本不足道矣每半
葉九行行十九字至二十一字不等高六寸廣三寸五分白
口單邊刻本止上中兩卷上卷少首葉中卷少末葉餘俱元

人鈔補中卷補葉後有至正十九年六月十九日覽記一行
刻本首行重雕改正湘山野錄卷幾題吳僧文瑩鈔本同續
錄止作續湘山野錄不作大字次行題吳僧文瑩如晦編刻
本仁宗以前御諱有關筆餘不闕黃蕘圃以爲北宋本鈔本
卷下殿中丞程東美條時陳下注英宗廟諱續錄李和文公
下注犯御名按和文名遵勗勗爲神宗嫌名知亦從北宋本
出刻本中縫作山上山中鈔本三卷仍作山下續忽作山四
不作山續疑所據本與晁氏志所言四卷合署款吳僧又與
通考所引合其書成於熙甯多北宋雜事以作於荊州之金
鑾寺故以湘山爲名毛氏津逮張氏學津均刻之而張若雲
跋云毛本缺誤實甚邵辰仙從黃蕘圃鈔得宋槧補闕蓋卽

此本經明樊士寬黃子羽 本朝席玉照遞藏今以張本校
之張本尙有誤字卷上真宗初詔种隱君至闕條隱巾韋布
不作隱君卷中崔公誼條河北地振振未已多一振字亦不
作震續錄眷待耆德條必有祓桃之臨不作祓桃景德初匈
奴扣關不作寇鄭工部文寶銘條篋中畜雷朴一琴不作畜
琴朴一琴姚嗣宗條可惜作窮鱗不作窮麟康定中條今還
袞繡告老於家不作袞紉柳仲塗條豈不偉歟不作躄歟上
卷缺二行各本同旁注之字張本均直下是宋本鈔本之善
也而此本之訛字卷上張尙書詠條絲絲和雨繫偏舟張本
偏作扁乖崖公條希夷以詩遣之遣當作遺 兩處 後梁兩人
蜀梁當作果六快活詩條建當作逮宋鄭公庠條而無刻書

之名畫當作畫僞吳故國條皆肆業於其家肆當作肆咸平
中翰林條得自羊野羊當作莘卷中真宗居潘邸條命侍講
邢昺昺當作昺安鴻漸條以拍拭乾拍當作帕潘佑事江南
條謫向人閒卅六當作三十六否則七言少一字矣劉孝叔
吏部公條已^①於進撰進當作退范文正公一條世祖功臣
卅六當作三十六與上文同餘杭能萬卷條信矯詩不誣矯
當作嶠江南鍾輻條妻妾云亡數月妾當作樊卷下寇萊公
條無宅起樓臺宅當作地丁晉公條赤洪厓打赤洪厓前赤
字當作白真宗國恤條而事頗安帖頗當作更僧錄贊^②條
此葬火也葬當作燐蘇子美條自改爲猶子詬之曰當作自
改爲猶字向子美詬之曰都尉李文和公條蕭國大長主乘

悅之日乘字當作垂肅國召公入肅字當作蕭張晦之條陳
康肅堯咨當連上文卷四本朝眷待耆德條入中書預參訣
訣當作決慎無及姻戚無當作毋嘉祐中條開封方鞠劾鞠
當作鞠晏殊相年七歲命所乘賜馬鞮轡送還下當有旅邸
二字仁廟初條傳寶受遺寶當作寶意擊崖當作竟竄崖州
此宋本鈔本之訛也至卷四太宗作九絃琴條宮絃加二十
絲號爲大武宮絃減二十絲號爲小武兩宮絃無分別諸本
皆同疑有誤字黃跋以卷中時晏元獻爲翰林學士行脫十
八字系裝潢穿綾過進遂滅此一行今倒摺向內作蝴蝶裝
覽之醒目乃黃氏所改今仍舊裝也樊士寬印上有絃歌里
氏一印仍是海虞人黃子羽名翼嘉定人席玉炤名鑑常熟

人此書見百宋一廛賦

九月景宋刻元鈔本既成又得何義門校本手跋曰康熙甲午心友於汲古毛氏買得宋槧對校本補鈔一葉又得錢遵王述古堂舊鈔本細寫兩本異同自家寄入京師因呵凍酌定之十二月十八日鐙下焯記所校與此本均合卷一丁晉公貶崖州條體風流於謝傅惟詠蒼苔眉上校語謝傅當作謝朓此用蒼苔依砌上也卷三夏英公鎮襄陽條詔中有致仕高年各賜束帛時胡大監旦瞽廢在襄英公依詔旨選精縑十匹贈之胡得縑以手捫之笑曰寄語舍人何寡聞至此奉還五匹請檢韓詩外傳及服虔賈逵諸儒所解束帛箋箋實於①圍之義自可見證校語容齋云韓詩外傳及周易正

義皆無其語文瑩多妄誕不足取信按春秋公羊傳乘馬束帛注云束帛謂玄三纁二玄三法天纁二法地若文瑩以此爲證猶之可也申國長公主爲尼條惟陳文僖公彭年詩尙有記者云畫出花鈿散玉津雲鬟初翦向殘春因驚風燭難留世遂作池蓮不染身貝葉乍翻疑軸錦梵聲纔學誤梁塵從茲豔質歸空後湘浦應無解佩人校語此唐陽郇伯妓人出家詩也能改齋漫錄云唐顧陶大中丙子編唐詩類選中載之若公主入道何敢用解佩事也錄出藉見前輩點勘書籍曲暢旁通不盡在本書中討生活可爲學者讀書矩範

藝風堂文漫存卷四

藝風堂文漫存卷五

江陰繆荃孫

乙丁彙

跋 祭文

東觀餘論跋

東觀餘論二卷宋黃伯思撰伯思字長睿有文集一百卷見李忠定撰墓志南渡後失傳唯存餘論此宋紹興丁卯其子訪刊於建安漕司本每半葉十行前半卷行廿字後半卷十八字目錄半葉九行行十八字高八寸四分廣四寸八分白口單邊上魚尾東觀二字下魚尾下葉數刻工人名長卷目錄在外一百四十五葉目十三葉五葉以下缺計百四十六葉內越七十三一號文不實一百四十五葉爲無錫華氏故

乙二五五
物有真賞華夏二印可據亦見真賞齋賦中後歸虞山絳雲
燼後頓毀其半牧翁影寫補全手自校之延令宋版書目其
一不著卷數者卽此本也世間流傳止有汲古本爲嘉定間
攻媿樓氏復以川本參校已在後六十餘年此雖間有訛字
自是第一刻迥出樓刻之上虞山以墨筆校刪仍照樓本校
定今舉其善於毛本者

法帖刊誤卷上

按上下卷一行黃伯思官銜毛本俱脫

左朝奉郎行祕書省祕書郎黃伯思撰

第一帝王書 稱其爲篤學爲字毛本脫 自非通古那甚
至爾毛本脫自字

第四梁陳唐人書 褚河南一條連上毛本分

第五雜帖 宋儋一條連上毛本分

法帖刊誤卷上

法帖刊誤卷下

左朝奉郎行祕書省祕書郎黃伯思撰

第六王會稽書上 諸酸感至比加毛本脫諸字 足下尙
停數日及失得失年長足下小大佳也毛本作得失承平未
佳足下大小佳也

第八王會稽書下 干嘔淡悶毛本作淡悶干嘔

第九大令書上 異苑一條宋本無 元度一條連上

法帖刊誤卷下

王玠跋許翰跋連下

米元章跋祕閣續法帖毛脫續字 謝安陸雲之輩毛脫之字

第六 宰相無恙時毛本作宰相安和

第九 玄度時何哉毛本作時往來

先君學士提行

記與劉無言論書 前空一行 其中於帝更而八分書一

碑毛中作終無有字 奏朝散微雨毛脫散字

記石經與今文不同 譬諸宮牆毛本牆作牆

銅戈辨 咸陽空三格 無以鑄兵遂以鑄三鍾毛脫兵遂

以鑄四字

鶴雀賦辨 此近世人語毛本無世字

古器辨 長保二親宋本作小字

論飛白法 亦壯之非古也毛脫亦壯之三字

論書八篇 而闕古人之口 今不問正一字毛作正草

許掾書毛脫許字 了自善思毛脫善字

論書六條 不堪正羞澀毛作不堪位置舉止羞澀 比來

□□陽毛空一字疑襄字或作淮陽後有跋云逸少破羗帖

亦作淮陽當考

商山觚園觚說 勿日相爲用按芻古笏字毛本誤分爲二

小注自與至用川本去此七字姑存以俟知者

周方鼎說 單子方鼎下毛本有則謂之從彝王伯方鼎九

字

周髀周洗說 主上上空二格

以下影宋本

跋逸少破羌帖後 懋務嬰懷毛本嬰作經

跋崇(甫)所書真誥冊後 符又不工毛本工作巧

跋世說第三卷後 迎奉 三聖御容毛不空

跋蜀道圖後模本 此之畫也毛本無之也二字

跋祕閣第三弓瀆帖後 弓毛本均作卷 因彙次御府圖

毛本作祕閣

跋黃庭經後 渡江飄淪毛作始濟浙江遇風飄淪

跋織錦回文圖後 于五行多類毛本多下有弗字

後當有紹興丁卯黃訥跋今失去

北堂書鈔跋

唐虞永興撰北堂書鈔猶在隋時故隋志著錄作一百七十四卷唐志作一百七十三卷中興書目及宋志並百六十卷與今本同晁氏讀書志云一百七十三卷與唐志合又云家本百二十卷則自相抵牾矣又云八十部八百一類今本起帝王部帝王類總載迄地部石類凡十九部八百五十二類非殘闕卽併省已非永興之舊自修文殿御覽失傳後以此書爲最古王伯厚云二館舊缺書鈔惟趙安仁家有之眞宗命內侍取之手詔褒美是北宋已極難得至明萬曆間常熟陳禹謨始以鈔本傳刻臆改臆刪臆補並以他書易之者指不勝屈前人所謂刻書而書亡者此也大約所據本顛倒錯

落既不能校讐又不能闕疑致此潦草

宋商為邵

亦是源關非真喪心病狂也嘉慶中嚴鐵橋客治

生屬以校刻江西糧道胡念農稷助以貲一

九月之力校定卷百三十二起百六十止而

止卷一百三十九起一百四十二止又卷一

百五十五止其十一卷短十八卷抑止刻此

未全耶然求之三四十年亦未見有二本也

車總篇後有嚴手跋三行云嘉慶二十年十

此卷起至十七日校訖每日黎明即起至一

窮十二日之力始得清本一卷嗚呼難矣烏

難校亦可想見鐵橋所云五本蕘圃一淵如

一鐵橋自留一今蕘圃本歸罍里瞿氏淵如本歸祥符周氏
餘三本不知何往惟淵如所藏謂有雲章閣及紉佩齋收藏
印是元陶九成寫本是王伯申錢旣勤洪筠軒王石華與鐵
橋同校之本是爲最佳光緒初年吾友姚彥侍李橘農假得
瞿氏本悉心校讐行款雅飭惜印百卷而彥侍病歿橘農亦
供職離蘇矣後粵東據陶本校出刊行較之陳本自相天壤
然訛字閒或有之又未得見鐵橋刻本吳興張君石銘購得
孫藏副本繇紙明鈔首有淵如先生長跋取粵本相校孫本
有而粵本無者亦有數十條此佳本在五本之外者爰取姚
印本一百卷嚴刻本十一卷又舊鈔校大唐類要本數卷不
足從孫本鈔足之訂爲一帙亦可云百衲本書鈔矣

幽怪錄續錄跋

唐牛僧孺撰⑤怪錄一卷四十四事李復言撰續錄四卷二十三事 四庫入之存目荃孫收得明初松溪書林陳應翔本則幽怪錄分四卷續一卷迥然不同按衢本晁氏讀書志陳氏書錄解題俱載牛僧孺⑤怪錄十卷今稱幽怪錄殆避宋諱朱國禎湧幢小品指爲楊用修所改然周密癸辛雜識已稱幽怪錄湧幢之說殊不足據罍里瞿氏收得臨安太廟尹家書鋪刊行本續錄四卷亦二十三事胡心耘先得影鈔本印入琳瑯祕室叢書跋云以廣記核之於各題注明卷數又得宋本所無者二十事爲補遺二卷跋又云只辛公平寶玉妻梁革三條廣記無之證其非出於廣記荃孫復檢廣記

寶玉妻在三百四十三梁革在二百十九只辛公平一事無著至拾遺上杜子春張老裴證三事拾遺下柳歸舜劉法師韋氏子尼好寂刁俊朝五事陳應翔本均作牛錄不云續錄況劉法師未有昭應尉辭公幹爲僧孺叔父言也足爲牛錄之證胡本失此一句只李紳琴台子唐儉馬震四事或者續錄所遺又於宋人姬侍類偶得龜奴侍坐一條爲胡氏所未見者

陶隱居先生集跋

梁陶引景撰隱居事蹟見梁書南史據集中尋山志云先生去世後久無人編錄文集至陳武帝禎明二年敕令侍中尙書令江總始撰文集先生以梁大同二年解駕至是五十二

載矣文意頗多散落云攷隋經籍志梁隱居先生陶弘景集三十卷又內集十五卷至唐藝文志僅載陶弘景集三十卷內集已佚矣晁陳皆未著錄後人從明道藏本錄出卷首載昭臺弟子傅霄編集大洞弟子陳桷校勘從各種類書輯出短帙殘篇百不存一前有江總序尙存其舊文內有跋云禮部侍郎王公欽臣哀其遺文三十二篇以爲一卷南豐曾惻復得寒夜愁胡笳二詩於古樂府集中雖沈鎮軍均聖論於弘明集中因考其製作先後爲之次以類相從并殘文附於後攷傅霄字子昂晉陵人博古明經善書尤精隸古山儒入道隸居常州天慶觀高宗召主太乙宮祠乞還茅山賜號明真通微先生領山門都道正住持玉晨觀建雷平院往來山

中四十年搜訪眞祕拯救窮乞利益甚深重編隱居集修茅
山舊記著作惜多無傳紹興二十九年己卯正月立春日化
見茅山志陳桷亦宋道士後跋署紹興癸亥汲古閣刻入道
藏亦二卷本荃孫得舊鈔二卷前文後附錄然細繹之首標
云貞白先生陶隱居文集上次卷載傳一篇注有惜闕首葉不
知標題傳末有內傳卷中後附邵陵碑銘昭明序後標云貞
白先生陶隱居傳記卷下并有陳桷後序似是宋編大洞原
書汲古無內傳指海止文集分二卷均非原書又借葉石君
本校字又補續高僧傳內一文似較完美

詩話總龜跋

詩話總龜前集五十卷後集五十卷宋阮閱撰閱字閱休自

號散翁舒城人嘗爲郴州守著有郴江百詠散翁因古今詩

話附以諸家小說分門增輯前集分四十七門提要作四十五門所

集書一百種後集六十四門提要作六十一門所采亦一百種摭拾

舊文多資攷證北宋諸名家詩集佚事搜采無遺先名詩總

後改此名明宗宰月窗道人刊本止九十八卷前集中缺寄

贈中下兩卷卽每卷各有脫逸共數十條月窗爲明太祖六

世孫珙楚郡弟子員前有山東海陽副使郴陽李易序又嘉

靖甲辰江西饒州府同知海鹽張嘉秀序及珙後跋提行空

格原出自宋又得一明鈔本前五十卷門類與月窗本同後

五十卷多御宴一門少做法節候詠物三門月窗本缺者全

行補足惟引及輟耕錄刻本無決是後人驛入門類之顛倒編

次之互異亦互有得失再考漁隱叢話序云閱所編詩總類頗爲詳備獨元祐諸公詩話不載焉遂謂此書成於宣和癸卯是時禁元祐文字因而未采提要亦仍其語細讀一過內采二蘇黃秦詩話卷卷有之并錄玉局遺文東坡詩話並采百斛明珠亦東坡手筆豈元任未見之耶館臣亦未見之耶又云閱書惟采摭舊文無所考正此則多附辨證之語尤足以資參訂然此書有辨證者多與叢話同又元任序云詩總所載皆不錄是元任撰書在散翁之後何以兩書相同者甚多並直標茗溪漁隱云云又似互相採摭殊不可解疑此集殘缺後人取漁隱叢話補之卽月窗本不足據鈔本亦如此不知天壤間尙有善本以決吾疑否也

陵陽集跋

宋韓駒子蒼撰子蒼蜀仙井監人政和中召試賜進士出身累除中書舍人權直學士院南渡初知江州事蹟具宋史文苑傳子蒼蚤以詩鳴蘇黃門一見比之儲光羲暨與徐東湖遊遂受知于山谷晚年或寘之江西詩派中乃曰我自學古人耳提要言其不願寄王氏門下亦猶陳師道之辦香南豐不忘所自非必其宗旨之迥別也今所傳止四卷得三四鈔本字句頗有不同放翁所刻臨川石本久已不傳究未知誰爲定本也

朱長文樂圃餘彙跋

樂圃彙百卷燬於建炎之亂其從孫思哀集於煨燼之餘編

成古律詩百六十有三記五序六啟七墓志五世譜題跋祭
文賦書銘各一類爲卷十以銘墓志史傳書題表奏附於卷
末蘇州壬辰中秋二十二世孫岳壽刊本後有補遺二卷徐
君梧生以借書園舊鈔本假我校核訂誤甚多多紹熙甲寅
孟冬姪孫思一序無琴史序有華嚴經讚序又無補遺是此
本岳壽未見也因互補足以成完書

僑吳集跋

僑吳集十二卷元鄭元祐撰元祐字明德至正丁酉除平江
路儒學教授移疾去後七年復擢浙江儒學提舉卒於官家
本遂昌其父希遠徙錢塘元祐又流寓平江四十年其集遂
以僑吳名集本明德所自訂弘治丙辰張習刻跋云元祐有

遂昌山人集與僑吳集通錄之得詩文之精純者併爲十二卷仍名僑吳集是集爲習所重編非明德自訂之舊而遂昌山人集今亦不傳中缺兩葉蕘圃從鈔本補足有蕘圃跋顧千里跋明德與夷白均負盛名而詩文似遜於夷白鮑淥飲有佚文一冊尙是淥飲手藁今附於後

夷白集跋

元陳基撰基字敬初臨海人至正中以薦授經筵檢討明興召修元史而仍放還見明史文苑傳詩十一卷文二十四卷外集詩文各一卷大抵皆元代所作一鈔本出自元刻提行空格悉依之一弘治八年張習刊十二卷本習跋自云未見原編今兩本合校刊本有而鈔本無者詩九十六篇文二十

三篇字句更多改易今鈔錄一冊附後提要據朱存理跋云
拾遺卽存理於海虞本錄出內有陳基傳謝徽詩此本無之
轉錄刊本尤義所撰傳一篇不知與存理所見本異同否

唐搨武梁祠畫象跋

錢塘黃小松司馬小蓬萊閣金石文字八種均摹宋搨漢碑
獨至武梁祠畫象十四幅推爲唐搨蓋因隸續隸圖缺失之
處此本獨存必在洪氏所見之前朱竹垞稱爲墨光可鑑元
氣渾淪驗爲唐本不虛也明中葉藏武進唐氏今存唐印鶴
徵一印後歸海甯馬氏道古樓竹垞查田跋之呂無黨諸人
觀款又歸邗上馬氏玲瓏山館佩兮雪疆跋之後歸小蓬萊
閣覃谿跋之遂摹以傳後又有何煖叟張石舟何蓮舫諸跋

歲在丙辰歸於沛^甯李一山不知何年爲火所燬首三幅伏戲祝誦神農已佚黃帝帝顓頊帝倍三幅止存一角尙存整幅八紙竹垞諸人題字大半完好一山之高祖母卽小松先生女也曾印行秋盦遺稟淵源有自慨慕手澤輾轉訪求夜以繼日幸遂所願并付良工裝潢重徵題詠雖屬不完之璞猶留爨下之焦桐固以慰一山好古之盛心亦小松先生所默祐也荃孫前見漢石經於漢陽萬梅巖所見成湯靈臺魏元丕朱龜譙敏四碑於溷陽端忠敏所見王稚子雙闕於同郡費祀懷所今又見此寶物自詫暮年眼福出祀瞻先生之上所未見者范式碑耳與小蓬萊閣有緣哉丙辰五月朔江陰繆荃孫跋於京邸

夏禹長於地理脈泉知陰隨時設防退爲下缺案新搨本

有肉刑二字陰與刑韻

曾子質孝曰通神明貫感神祇有靈乘乃後世凱式下缺

案翁釋第四句爲著靈來方第六句□□無綱無是樨

字當從翁說明方綱是韻

閔子騫與後母居愛有偏移子騫衣寒御□事今按石

本後作假當從漢書注御車失樨御下無缺字失樨二

字甚明樨與移同韻

宋搨郾閣頌跋

郾閣頌原刻重刻宋刻明刻聚訟紛如當以諸城王春林石門碑釋爲塙以諸君子均見打本而王君親至碑下故也此

碑原刻在白崖有缺蝕而無椎鑿宋田克仁重刻在靈
有克仁紹定五年自紀明申如墳就田碑磨治重刻原
今尙存打碑人多愛搨申刻以其較明析也此宋搨本
道士藏石門頌紙墨均同大約同時所搨前半較多四
字後半則同沈釋甚細止全育子遺之子不應釋作勿
有洪所未見之字因隸釋則轉輾傳摹或有遺漏未能
斷搨本之在洪前也

劉熊碑陰跋

昔年曾見舊搨劉熊碑一剪標一整幅剪標費西蠶所
幅劉鐵雲所藏先後歸匄齋曾跋其後據王建張祐兩
爲蔡中郎書今原碑尙在延津學宮爲會稽顧君鼎極

止碑陰尙存五十四字以隸釋證之脗合豈非瓌窳碑側宋人題記亦見隸釋跋云元祐中蘇邁書胡戢之語謂此與劉寬碑同建詩爲不誣建詩云蒼苔滿字土埋龜風雨消磨絕妙辭不向舊圖經中見無人知是蔡邕碑洪氏舉此詩爲證考張祐亦有題酸棗驛前碑詩云蒼苔古澀字雕疏誰道中郎筆力餘長愛當時遇王粲每來碑下不關書唐中葉人詩如此似可作證洪氏止知其一耳王評見慈恩寺題名盾陽蘇字下存之兩筆緣督釋爲迨不知隸釋明著蘇邁是之字不但督緣未緝隸釋荃孫與鼎梅作跋知以隸釋證題名未及此跋均可謂失之目睫又攷阮閱詩話總龜舉蘇邁嘗作酸棗尉有詩云葉隨流水歸何處牛載寒鴉過別村句亦可

喜邁曾爲酸棗尉碑側此題更無疑義昔覃谿止見巴子藉
雙鉤本從皇帝之_(玄)起荃孫得見全幅從君諱熊起又見碑
陰五十餘字是福勝於覃谿矣第七行眞字卽尹眞之眞隸
釋以季_(甫)一排互倒

漢扶風丞李寓通閣記跋

漢李禹表在襄城石門摩崖楊孟文頌之下嘉慶甲戌諸城

王春林大令

森文

訪得之錄著於石門碑辭此碑亦係紀述

修路之事故有萬民懽喜行人蒙福之語大臺疑係閣道地
名李君以永壽元年始解大臺政由其興此殆言修路之功
行人得以去險就夷故萬民懽喜也後敘歷官所至詞甚簡
古漢書百官公卿表右扶風治內史右地與左馮翊京兆尹

爲三輔皆有兩丞右扶風二千石丞六百石後漢百官志中
興都雒陽河南郡爲尹以三輔陵廟所在不改其號但減其
秩又少府屬有尙符璽郎中四人書作璽石刻作璽與張納
功德敘璽書封都亭侯同郡國志武陽屬犍爲郡書作犍石
刻作犍與楊君石門頌馮緄碑並同胸忍屬巴郡成固屬漢
中郡宜禾都尉屬敦煌郡廣至縣治昆侖障西域傳明帝永
平十六年征匈奴取伊吾廬地置宜禾都尉以屯田遂通西
域此記刻於桓帝永壽之後置宜禾都尉已八十餘年碑云
換漢中成固令漢書薛宣傳尹賞與薛恭換縣師古曰時令
條有材不稱職者得改之案卽今所謂對調取其人地相宜
也荃孫同治甲戌親訪石門出襄城東門循襄水南行山石

犖确劣不容趾約十里始至
壁石門頌頌下卽是碑右爲
悉宋人題名門之西爲鄙君
得宋晏袤李苞閣道題名釋
潘宗伯題字石下截上截墮
苞題字二行字約寸許爲前
江有大石枕水刻袞雪二字
亦摹此二字款爲魏武帝書
刻石盆二字盆內外皆宋人
縣寓已日昃矣

齊樂陵王百年及妃斛律氏

按齊書皇建元年庚辰十一月立世子百年爲太子時年五
歲河清三年甲申六月殺樂陵王百年止九歲耳死時自知
不免留玦與其妃斛律氏妃把玦哀號不食月餘亦卒玦猶
在手拳不可開其父光自擘之乃開是妃死在樂陵王之後
志言死於樂陵王前一年不合一也河清二年樂陵王止八
歲妃死傳言十四歲志言十五歲如二年十五則三年年十
六矣不合二也王志言葬在三月通鑑言六月白虹貫日殺
百年以厭之月亦不合三也後主時掘地得小屍內參竊言
百年太子也使當年葬於鄴城西北刊石下泉何人不知不
合四也近來作僞甚多此卽僞品

宋搆郎官石柱題名記跋

此宋搨郎官石柱題名記西安原刻紙墨精緻古香襲人真海內孤本也覃谿跋中不甚滿意另石印都南濠所藏一本則覃谿三跋六詩並作校勘意中以彼本爲真矣而轉有僞帖一說橫梗於中又懾於王元美董香光之疊相寶重不敢決以爲僞吾友湘舫據此搨爲陝本舉屈集臣爲證爲覃谿下一轉語荃孫細閱兩本一陝本一蘇州重刻本雖刻有前後而宋搨則真而非僞也此本之善湘舫已標出而唐宋人官署題名無不自書此本後之二十一人名大小行楷隸不一皆本人手書皆開元廿九年刻也後此面爲人磨去重刻今僅存光被二字古碑如此者亦多蘇州刻則專重張長史之書法而已不列他人也願請熟於碑版例者其證之亦題

四詩於後

一碑吳郡一關

詩龕頌本同工

守溪二美氣縱

兼二十一題名

紀聞自古說中

江南北兩鉤摹

附會常譏賞鑒

輩何從置齒牙

真蹟流傳如此
必作疑辭以混

姑孰帖殘本跋

姑孰帖止潛研堂金石跋尾著錄云今存太平府學者惟卷第三第八第九數石而已第三爲東坡先生書洪容齋所刻其跋云東坡先生所書詩文十篇邁得之刻於當塗郡齋今合計詩偈表詞止六篇則已失其四矣第八第九皆放翁書而第八卷首題云放翁先生帖三第九卷首題云放翁先生帖四可知放翁之帖散佚更多卽其存者亦多不全竟未審何人所刻又有一石乃蘇子美書停熙戊戌知州楊倓刻前半亦闕不知其卷第也瞿木夫過此尙見是石荃孫於戊戌專人往搨太平學碑石帖已不存殆燬於洪楊之亂矣今此搨蘇子美書楊倓跋如錢所見坡公止四篇又失其二放翁書止存帖四又失去帖三零落更甚前另一帖與鳳墅帖標

題不合然亦舊揭零珠碎璧均可寶矣

覃谿日記姑孰帖是十卷蘇子美在乙東坡在戊放翁已

庚辛壬

宋李伯時五百羅漢圖跋

宋李伯時五百羅漢圖長卷絹本天人縹緲龍象蹠躡洋洋
鉅觀雖細如一髮亦勁如鐵畫自非宋人不能題跋自元虞
伯生至國朝澹歸大師亦流傳有序下款曰龍眠山人李
伯時小印伯時二字朱文第三子僧保持側曰前人云宋人
用筆各自成家故往往不署款又有有印無款有款無印之
說況伯時以不署款著名此何以有款有印並有別號歟予
舉周草窗志雅堂雜鈔示之盧鴻十志伯時畫龍眠山中人

李伯時書與此相同相傳舊說不可不知不可過泥凡事如斯必須活看芻齋蜀川圖斷以爲南宋人作因崇慶府景蘇樓爲南宋之確證耳至於此卷無瑕可擊陸存齋十國朝貢圖筆力輒弱望而知其非宋人矣

萬上澧西谿漁隱圖跋

萬輞川西谿漁隱圖爲會賓谷作翁覃谿隸首極精勁並三詩桂未谷跋賓谷自爲記題跋自袁倉山而下得三十六人牛腰大軸足爲鉅觀宣統己酉三月游西谿時春水方生一望瀰漫短蘆簇簇嫩綠如鍼交蘆庵秋雪庵間皆八九月最勝處今觀此卷迴憶前游滬杭一日而近深秋在邇奉約息厂諸君往游勝地荃孫可作導師矣卷中佳什最多尤喜誦

蘭雪五律云屋後青楓樹門前碧玉流漁聲涼入夢山骨瘦
於秋待月招漁弟看雲卧醉侯君心同浩蕩三十六閒鷗苦
愛溪西佳蹉跎又幾年卻來騎鶴地同話釣魚船泛宅花成
海披蓑雪滿天詩盟期不負遲我野梅邊注余欲卜居西溪
迄今未果而題黃小松秋影庵圖末章云頻年再喚總宜船
行過西溪一惘然一版秋心應補畫夕陽紅到亂鴉邊不禁
益爲神往

祭夏彥保文

嗚呼夏君胡遽云亡僅睽違夫旬日迺迴隔乎幽明縱年齡
之已高亦病體之未康聞凶問而驚惋拭老淚之淋浪況結
契如金石同役志於縹緗歎隻輪而單翼臂推車而失航遽

左執乎殤中孰下招
音容列輩學之門牆
之異聞學詩禮兮鏗
耀夫晶采干莫拭夫
杞梓於良材莫甄采
腸洎八州之都督招
南方綠蔭桃柳之樹
風之廊時幕府之聲
身而永臧得如願而
我知之獨詳錯刀贈
崑上下兮端阮羅几

載爰遘返於江鄉門未改乎衡茅世已閱夫滄桑邁疾之
纏繇幸未中夫膏肓今春三之閏月因志事而就商雖高談
之如昨尙偃臥乎匡牀手羣書而不釋疊枕上而縱橫時匡
予所不逮迺頒布於四方囑采訪之漸齊再相見於秋涼孰
握別而歸來忽訃書之在旁嗟百身之莫贖歎一念之難償
慟虞淵兮不返惜瑤草之徒芳君手書夫卷軸積珍祕於巾
箱迺一紙之不留勅六丁兮取將況似續之莫承歎矜寡而
徬徨寤斯人兮至此窺天道之渺茫嗚呼哀哉風蕭蕭兮永
日露慘慘兮爲霜年應龍蛇之讖星沈牛斗之芒子山思舊
之感士衡歎逝之傷庶昔哀於蕙帳奠重泉兮椒漿嗚呼哀
哉尙饗

藝風堂文漫存卷五